













 精 響 編

北京大學《儒藏》編纂與研究中心

圖書在版編目(CIP)數據

儒藏.精華編.一五二/北京大學《儒藏》編纂與研究中心編.一北京:北京大學出版社, 2016.10

ISBN 978-7-301-11870-2

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館CIP數據核字(2016)第224923號

書 名 儒藏(精華編一五二)

RUZANG

著作責任者 北京大學《儒藏》編纂與研究中心 編

責任編輯 王 應 陳軍燕 趙 新

標準書號 ISBN 978-7-301-11870-2

出版發行 北京大學出版社

網 址 http://www.pup.cn 新浪微博:@北京大學出版社

電子信箱 dianjiwenhua@163.com

電 話 郵購部62752015 發行部62750672 編輯部62756449

印 刷 者 北京中科印刷有限公司

經 銷 者 新華書店

787毫米×1092毫米 16開本 49.5印張 473千字

2016年10月第1版 2016年10月第1次印刷

定 價 1200.00元

未經許可,不得以任何方式複製或抄襲本書之部分或全部内容。

版權所有, 侵權必究

舉報電話: 010-62752024 電子信箱: fd@pup.pku.edu.cn 圖書如有印裝質量問題,請與出版部聯繫,電話: 010-62756370



國家出版基金項

目

教育部哲學社會科學研究重大課題攻關項目

北京大學「九八五工程」重點項目國家社會科學基金重大項目、十一五」國家重點圖書出版規劃項目・重大工程出版規劃



儒藏》精華編第一 五二册

首 席 總 編纂 季羡林

項目首席專家 湯一 介

湯一介

總

編

本

册

主

編

嚴佐之

張希清

龐

樸

孫欽善 安平秋 (按年齡排序)

儒 藏 精 華編凡 例

則 爲 儒 的 典 家 籍 經 中 的 典 國傳統文化以儒家思想爲中心。 和 叢 編 反 映 收 儒 書 家 時 思 限 想、 自 體 先秦至清代結束 現 儒 家 經 世 《儒藏 做 人 原

藏 崇 的 精 儒 要 藏 書 》精 籍 華 編 爲《 儒 藏 》的 部分,選收 《儒

漢 寫 互 已收入入選的 分類法分 土文獻。 中國古籍善本書目》,於個 文 者 見。 (寫作的 律 出 《儒藏 傳 收 土 類、大類 文獻 儒學著作,編爲海外文獻部 其釋文文本。 世文獻按《四庫全書 個人叢書或全集者 》精華 單 小 刻 編所收書籍,包括 類基本參照《中 爲 韓國、 個 別處略 部 類 [總日] 日 ,僅存目録 原原 本、越 作調 國叢 》經 件 傳 類 世文獻 以 整。 史子 南 書 古 儒 並 綜 學者用 凡 文字 集 録 單 注 四 和 》和 書 書 部 出 明

> 四 所 收書 籍 的 篇目 卷次,一 仍 底 本 原 貌 不 選

編 改編 ,保持原書的完整性 和 獨 7 性

爲 勘 確 價 主 定 值的 酌 内容完足、精 Ŧi. 對 校異 版本爲 入選 同。 書 校本。 校記 確率 籍 進 力求 高 行 出校堅持 的 簡 規 版 要 範 本爲 校 少 勘 精 底 而 煉 本 以 精 對 以 精 校 選 校 爲 有 IE. 主 誤 校

例 進行 六、根據 規範 現行 化 標點 標點 符號 專 名 號除 用 法,結合古 書名號用 籍 角 標 號 點 通

落。 外 其他 正文原已分段者,不作改動。 七、對較 律 長的篇章,根據文字内容, 省 略

千字以

内

的

短

文

適當

劃

分段

般不分段

介紹作品 出 及其 及整 現 他 理 順 八、各書卷端 序 有 時 者生平、該書 關 前 所 確 詳 情 後 況 定 的 略 由整理者撰寫《校點説明 底 重 成書 複 本、校本(舉全稱後 出現的 背景、主 作者,其 要 内 容及 生平事 括 影 注 ×, 響,以 簡 蹟 簡 稱 要 按

九、本 書 用繁體 漢字豎排,小注 律 排 爲單行

《儒藏》精華編第一五二册

史部傳記類

總録之屬

考亭淵源録〔明〕宋端儀 撰 〔明〕薛應旂 重輯	道命録〔南宋〕李心傳	伊洛淵源録〔南宋〕朱熹

1

163

367

伊洛淵源録

〔南宋〕朱 熹 撰

費 一五	墓表	哀詞	書行狀後 二一	明道先生 二一	伊洛淵源録卷第三 二一	門人朋友叙述 一四	行狀 五	明道先生 五	伊洛淵源録卷第二 五	遺事	事狀	濂溪先生 一	伊洛淵源録卷第一	伊洛淵源録序 二	伊洛淵源録序	校點説明			目。渌	
遺事 六六	行狀	張御史 六四	遺事 六一	論	哭子厚先生詩	行狀 五六	横渠先生 五六	伊洛淵源録卷第六 五六	遺事 五二	行狀略 五一	墓誌銘 四九	康節先生 四九	伊洛淵源録卷第五 四九	遺事 四四	奏狀 四二	祭文 四一	年譜 三二一	伊川先生 三二	伊洛淵源録卷第四 三二	遺事 二五

又	祭文	李校書 八一	遺事 八〇	祭文	墓誌銘 七八	劉博士 七八	伊洛淵源録 卷第八 七八	遺事 七七	祭文 七六	墓誌 七四	朱給事 七四	遺事 七三	祭文 七三	楊學士 七二	遺事 七二	范内翰 七二	遺事 七〇	家傳略 六八	吕侍講 六八	伊洛淵源録卷第七 ············· 六八
楊文靖公 九八	伊洛淵源録卷第十	遺事 九六	墓誌略	游察院	遺事	謝學士 九一	遺事 九〇	奏狀	蘇學士 九〇	伊洛淵源録卷第九 九〇	遺事 八七	雍行録	祭文	正字	墓表銘	行狀略 八三	宣義 八三	寶文 八二	藍田吕氏兄弟 八二	遺事

目

録後序	

校點説明

明 儒 體 范 儒 淵 洛 學 理 其 記 熹 弟 南 末 開 學 源 淵 傳 學 家 録 爲 代 子 學 案 宋 録 源 單 創 清 居 伊 説 學 前 初 續 多 表 共 述 敦 洛 期 著 皆 録 取 四 的 術 理 顯 X 頭 淵 材於 發 名學 爲《伊 物 史 理 然 十 學 和 源 程 展 一六人 的 學 間 也 源 宋 録 顥 史 者 此 編 思 受 的 流 *+ 洛 端 上 黄 其 言 纂 想 師 程 而 淵 儀 宗 此 友授 形 發 啓 行 編 都 四 頤 源 編 羲 後 式 發。 展 事 卷, 有 纂 纂、 録 張 編 受 而 调 跡 着 明 的 是 載 纂 程 的 言 因 薛 的 重 關 代 等 南 的《宋 , 要 此, 直 應 形 部 的 係 有 著 宋 的 伊 式 總 學 接 旂 謝 名理 無 著 意 洛 敍 術 結 元學 繼 重 鐸 論 宋 名 史著 義 淵 承 修 編 述了 作 史》立《 學 或 理 案》、《 之 纂 源 的 爲 學 以 人 作 的 作 録 考 宋 學 北 物 家 > 在 案 宋 亭 道 代 明 伊 及 朱 而 以

七三),是年 喜 編 秋 即 伊 已完 洛 淵 成 源 初 録 稿 始 天 於 未 乾 能 道 稱 九年 意 直

> 時,朱 生平 遺 未見朱 源 加 付 録 事 影 梓。 喜 熹的 當 跡 答 出 學 溯 以 現 生 序 其 了 問 跋 書 源 坊 及 卷 年(一一 坊 頭 間 ~ 自 所 五 刻 淵 增 通 印 據 源 耳」。 九 篇 本 或 録 却 許 既 中 爲 現 就 覺 朱 何 署 存 是 得 熹 故 坊 康 伊 有 意 聽 間 節 洛 《康 外 説 刻 先 淵 印 伊 亦 節 生 源 的 傳 洛 頗 録 未 的 \geq 感 淵

定本。

振 源 踐 卷。」 熹 經 傳》亦 籍 孫《直 實, 0 録 未注 ` ≫° _ 考》皆未見著録 五 有 而 弱 未注 云: 齋 以 藝 作 《伊 居 書 文 者 卷 敬 洛 録 四》 帙。 其 書 爲 解 淵 爲 主。 名 源 儒 題 學 本 亦 南 **>** 録 家 及 宋晁 書 略 大 • \forall 類 元 抵 去 書 初 公武 窮 所 録 馬 的 編 理 $\overline{ }$ 端 《郡 著 字。 伊 次 以 臨 録 致 有 洛 齋 其 卷 文 淵 見《 讀 知 四 源 獻 書 二九《 反 宋 *****, 志 伊 通 史》 + 考 躬 洛 陳 朱 淵 以

黄 本,即 存 種 序 最 早 日 由 鄂 爲 於年 的《伊 學 元 刊 至 代 大 本書 正三 洛 久 參 淵 遠, 趙 年(一 前 源 郡 南 有黄 録》爲 宋 蘇 三四 刻 公 清 志 元 本 老、 \equiv 代 早 在 蘇 湖 刻 已 斯 天爵 北 本。 無 文 武 從 序 藏 昌 元 獲 文二 此 郡 刻 見 本 共 庠 唯 刻 兩 現

典籍 多 是 謹 博 或 士 書 朝 而 官 共 有 名 知 年,及 傳 乃 臣 要、長於記 至 以 事 正 公 略 來 二二年 帑 按 鄂 ¥ + 鋟 蘇 省 五 載」(起 於 天 謀 卷,編 任 鄂 爵 見《元 湖 與 宫。」 字 憲 廣 有《文類》七十卷。 伯 省 府 蘇 修 史》卷 諸 參 序 曾 公 日 知 任 : 一八三 政 刊 翰 事 置 林 天 郡 其 或 爵 學 著 爲 史 家 院 有 學 與 藏

吴 爲 即 浙 與 日 學 鄂 翻 省又命刊 蘇 大參蘇 天 刊 本 刻 另 相 爵 鄂 本 學 比 家 種 公 保 該 刊 元 伯 於 留 舊 本。 刻 本 修 吴 T 本 本 增 頃 學 至 刊 因 加 在 正 此 於 鄂 T Ξ 則 元 署名李世安的 省 年 元 至正 亦 鋟 刻 刻 蘇 兩 校梓 本 天 九年(一三四 種 的 武 爵 黄、 昌 其 督 郡 後序 源 蘇 治 庠。 所 實 爲 序 及蒞 九 篇 皆 實 即

部 收 著 據 伊 亦亦 藏 録 記 洛 根 爲 淵 部, 據《 吴 臺 源 中 本。 皆 灣 録 》僅 或 有 省 至 李 古 酱 於 籍 書 世 海 至 善 安 館 置 正 的的 本 亦 三年 書 書 後 藏 館 序 有 目 鄂學 廣 元 應 的 至 東 著 爲 刊 中 E 吴 録 本、迄 九 Ш 本。 現 年 啚 今未 存 刊 書 此 本 館 元 見 各 刻

伊 洛 淵 源 録 **×** 書 得 以 廣 泛 流 傳, 得 益 於 明

> 之 洛 化 四 本 在 麓 書》本、同 本、崇禎二年(一 0 治 淵 持 書 予 時 七 代 百 較爲 東 叢 爲 本之 翻 九 淵 示 近 年。 九 的 源録》在 高 **以書**》正 大參蘇 刻 年(一 刻 亞 恨。 源 得《二程先生 ,蓋吴板 幾 京 賁 本, 流 翻 本, 地 録 世 次 亨 師 》多 治年 行的 一異時 刻 今年秋,四 品 當 重 四 明代中 以 天 風 編《朱子 刻 本。 影 爵 刻 屬 九 及 月 種 舊 本、 間《正 殊,卒 有 響 六)楊 嘗 刻 物 E 莊 六 而 較 康 的 萬 期已十 遺 鏤 印 本 左 熙刻 張 二九 常 擴 遺 真 曆四 明 誼 書 無 板 文 衛 最 廉 瓚 見 大 書 稀 堂 楊 》, 全板, 於鄂、 門 政 早 增録 本、 撰 的 重 世 年(一 解 全 分 又 七 楊 的 據 序 書 吕 如 刻 稀見。 之 刊行於世 出 墀 元 年(一八二四) 明 本、 故其 吴二 拱 的 H 合 ||本、 氏寶誥 守 現 嘉 刻 五 種 成 本 1編》本 嘉 壁 阯 T 靖 本 庠.... 爲 七六) 化 慶安二年(一 光 也 靖 偶 此 等。 1 和 書 序 堂 九 緒 九 後 獲 然以不 年 等。 刻 日 年(刻《 年(可 全本, 間 學者罕見 陳 高 清 相 去 韓 見 據 朱 代 昆 今幾 賁 総 而 西 刻 亨 伊 見 明 京 子 的 家 欣 理 有 前 五 四 六 成 本 伊 學 此 清 遺 刻 刻 = 弘 洛 Ξ 元

本 次《伊 洛 淵 源 録 》的 校 點 工 作 以 上 海 酱 書

央民 分别 T 絡 安本」和「文政本」。 本」、「民大明本」, 前 看 地 化 印 館 分别 發展 明明 面 方據 本(的《 藏 族 簡 提 元 以 簡 伊 收 至正 稱 及 大 而 成 後諸 稱 洛 藏 來, 的 學 作 化 「成 淵 於國 置 九年刻 兩 本 個别 多刻 或 源 種 書 化本二) 補 酱 録 家 和 館 地 足。 兩 》爲 明 本是沿 本作 置 的 刻 方亦不乏參考 本 種 Ξ 作 書 本。 從 I 和 底 家 爲 館、清華大學 作 現 着元 刻 共 或 本, 主 本, 四 有 本, 一要校 置 種 四 的 本 以 以 則 崇 明 種 版 浙 日 分 代 明 禎 本, 價 本 本 江 别 本」、「 代 刻 值 圖 成 比 文 個 酱 本,校 簡 刻 故 書 對 政 化 别 書 稱 本, 清 館 本 情 七 也 闕 館 作 記 的 華 年 以 頁 藏 和 參 況 慶 及 校 脈 明 中 中 的 刊 來 成

勘,如 後》、《 諸 朱 的 編 明 門 熹 纂 道 採 個 而 由 哀詞 見於《河 先生行 用 成 於《伊洛淵源 顯 的 的 的 著 ×, 敍 資 特 著 述, 以 狀 南 料 作 點 及《 游 追 程 劉 直 因 邵 酢、 氏 録》一 立 溯 此 接 康 遺書 之、朱光 其 吕 摘 節 在校點 源,就 書係 大 抄 先 一》和《 引 臨 生 等 文 用 墓 庭、 朱熹搜集多 整 河 他 誌 撰 字 理過 南 邢 銘 的 人 寫 程 恕、范 文 異 的 氏 程 字是 同 ^ 外 中, 書 種 進 相 祖 書 行 本 史 行 歸 禹 根 狀 华 的 料 資 比 據

> 形 係文字誤 本校訂 源 宋史》等文 二程集》,上 式 少,使 + 出 校 豐 用 標題 植 勘 的 富 是 者逕 獻 記 述二書, 編 中 的 ^ 改,如 華 河 次 記 書 南 載,亦不乏他校的 皆 遵 局 程 有 依 氏 _ 朱子之舊」。 疑問 元 九 遺 至 1 書 或 治 0 > 兩 和 年 年 可 間 ^ 出 者 河 價 見 譚 版 南 於 以 值 善 的 程 其 異 整 in 氏 凡 他 同 校 理 本 外 校 確 如 刻

本書校點中的不妥之處,敬希讀者賜正。

校點者 戴揚本

伊洛淵源録序

之道 祖 之 以 經 不 呼,至矣! 敬 追及戰國,楊、墨塞塗,孟子 篤 廓 餘 漢 復 年矣。 時,天下 墜。 行, 述 而 體用 明於萬世 不行,吾夫子作六經 推明,左右 大之,振 絶學,辯 子程子之生,去聖人遠 隋 存養, 濂 動 英材雲從風 唐, 昔在 溪 道 静 綱 一,孟 佛、老、斥百家、孔子之道 周 溺 , 9 曰 挈 羽 自 春秋 本末上下,一 於 子始倡 子以 省察,蔽 維 翼 孟 異端 一,發輪 、堯、舜、禹、湯、文、武 子 應,立 雖資器有大小, 後 没 道 邪 天 啓鍵 之以一 於春 闢 説 其 其門, 地賴 矣, 以 之,人道 學 而 陵, 日 貫之。 千 乃能 言, 不 己。 以 傳 致 子程 Ŧi. 傳 其學, 有立。 知 則 聞 當 因 由 白 子 是 遺 是 嗚 有 日

> 朱子取 子 反之于 萬 題 有 ,辟之水焉 不 淺 日 同, 一一伊 深, 其 唐、虞、三代, 然窮 要 洛 最 其 淵 顯 功 其 其 源 著 化 者四 所 行 録 乎地中 **%** 出 洙泗 十有 變歷 竊 則 初 惟伊洛之傳 -,支分派别,奚啻 以 六人 代 無 來 習 未 (), 彙 俗 源 之 之 於 也 有 陋 在 編 也 而

呼

盛哉

後 世 者哉 吾傳乎 既 此 讀伊洛之書,求 是 編 與 而 録 昭 者 其 ! 歎 大參趙 天 武 所 亦 日 乃以 命在 黄 友 : 可 一時湖北 郡 清老敬 以 公帑鋟於鄂宫。 而 焉,人不可 見大意矣。 詞章之盛 蘇公志在 有 伊洛之道, 以 道 序。 ~ 煮憲: 興其 斯文, 性 以 仲 高 至正 尚 不 温 命 Ш 聞 論 景 嗚 公見之, 之 藏 癸未十月 其 道 呼 衰 行 此 人,及 · 号 之思, 也 本 唯 獨 日 盍 謹 其 朔 學 則 廣

伊洛淵源録序

詸 章 府諸 年 弗 程 矣。 張、 也 政 軻 也 之本 於 記 間 善 子之言曰 死 邵遺事,以 權 誦 逢掖之徒豈 千 天爵家 朱子 也 公,刊置 伊 ·, 此 謀 之習者 載 洛 自 既 功 教之所 無 淵 藏 聖賢既 利 録 郡 真 源 是 之 爲 八 既 學, 儒 周 録 書 説者 是 朝 以不 不 無 公没, 遠 與 有 書 名 者 足 名 蓋 治治 多 年 ·明,治 臣 治 以 世 又 則 新 及 士 言 者 百 知 教 不 汴宋 不 安子 共 來鄂 行, 歟 漸 世 出 道 足 之所 (傳焉。 微 德 於 ? 無 以 朱 一代 復 真 善 省 性 求 以 蓋 漢 子 輯 命之 儒 治 弗古 禮 溺 唐 間 之 謀 周 樂 於 嘗 材 數 所 雖 於 原 若 刑 備 詞 憲 孟 誦 白 治 緝

宋氏之興、儒先挺出、周子得不傳之學

下 朱 及 事 又上 於《 明 子 門 後 之, 物之衆、鬼神 圖 學 悉登 之士 下其 窮 **>** 可 理 謂 論 書 載 講 致 至 於是書 議 \forall 明 知 矣。 闡 之幽 正 然後 發 以 學 幺 究 一,焕 以 風 天 秘 其 爲 然復 理之 采 極 訓 言論 焉,其 明 微 程 張 于世。 子 子、 各 人倫 有 擴 有 望于 邵 大 之著 所 子 而 時 天 則 推

之正 傳,使 學, 語 化 賢 羅 教 朱子之説爲主 有 俊 首 所 已 材 尊 《大學 彦,其 夫。 不 以 蓋 夫 微 明 人材之多,而 可 興 自 道 覃 孔 及 昔 治 古 程 德之言衣被四 懷 孟 焉 我 化 爲 試 許文正公爲之輔 然則 之遺經 一,定爲 政者 中庸 世祖 之法,表章六 逮 **×**, ≪ 文 皇帝既定天下 是 必 國 廟 正之有 書 以 明 是, 孟 臨 所 道 及伊 ...海 子 御 而 述 術 ×, 曲學 肇 功 其 經,至 以 洛諸 專 故 相 於 興 IE 當 0 以 有 異説 貢 聖 時 儒 文 惇 周、 關 於 舉 世 學 崇 之 正 於 訓 網 術 文 # 育

歟 育 罷 賢 朏 材 以 是 興 則 治 列 化者, 聖 所 其 以 明 功 用 道 術 顧不重且 以 正 大

前

於後 記 存 權 令之善,莫不皆可 者欲 有不本於此者乎? 其他一言行之嘉,一政 濟」,則正主庇民之道,豈有外 謂「一命之士,苟存心 而求之,本乎聖賢修己之學,自不 之所堪,不當問所欲」,則慎 未萌之欲 殺人以媚人,吾不爲 謀 誦之習; 學 功利之説 而 以 夫 者哉。 伊洛之 己。嘗即是書 見諸實用,非 師 友之淵 輔 明 養君 蓋學 乎聖賢治人之方,必不 庶 源 古 德, 以爲法焉 問 幾 不 家 徒 先 之 也, 於愛物,於人必有 要 而攷之,謂人君當 誦 傳 以 儒 傳授,不 使 習 而 風 次輯 謂 跬 刑 其 人 俗 「薦士當以 步不離正人。 此者乎! 有 官人之法,豈 文,以爲 讀者 而 是書, 之, 以 溺 間 時 於 能 斷 然學之 有 即 世 就 詞 决 於 是 謂 所 防 科 望 才 然

> 之士 既 儒善治之效, 巽 一,觀 望後學趙郡蘇 懦 無 感興起, 志 不 可得 足 知 天 求 以 爵 而 聖賢之學而學焉, 致矣。 書。 必 至正癸未 傑 特 則 立

月真

伊洛淵源録卷第

濂溪先生

事

狀

轉 寺 初 會 立 分 氏 通 司 頤 運 辨 寧 水 判 丞 理 用 名惇 衆口 製 多軍 判 虔 縣 用 先 趙 知 其 官 州 主 舅 生 實, 洪 清 先墓 事 簿 氏 世 改 州 交稱之。 獻 移 字 家 龍 提 改 公、 南 郴 縣 道 茂 圖 遂 點 永 昌 及 有 吕 閣 州 叔 求 州 刑 縣 桂 獄 學 誉 正 0 南 獄 部 事, 權 久不決 陽 士 道 獻 後 公 康 使者 發 令。 簽 公 鄭 避 縣 軍 事 遣 書合 薦 英 公 以 濂 薦 先 邵 用 宗 向 溪 歸 未 以 爲 薦 州 州 幾 生 奏 舊 之 爲 廣 者 事 判 上 至, 名, 既 而 南 授 南 改 官 葬 病 安 熙 洪 東 大 改 姓 事 亦 理 訊 寧 路 軍 州 惇 唐

> 清 六 其 起 月 泉 先 印 社 七 綬 生 日 分 朝 也 司 命 南 年 及 門 京 五. + 而 時 · 有 先 趙 七。 生 公 卒 再 葬江 矣 尹 成 州 熙 都 德 寧 化 六 復 年 縣 奏

平 子 老, 日 郎 也 事 安 作 在 有 ', 視 淡 太 . 郴 時 日 古 即 無 故 因 時,郡 聽 人 先生 及 所 事 其 年 與 極 吾 風 先 謂 矣 當 爲 圖 氣 少 一博 0 欲 生 守 舉 \approx 河 友 不 貌 爲 學 讀 語 李 代 且 爲守 南 ^ 某 非 易 政 力 書, 公初平知其 每 也 常人, 使 説 精 行 先 所知 請 年, 一遷授 何 其 二 子 × 密 生 得 聞 《易 如 與語 嚴 者 洛 果 爲 道 ?! 先 恕, 也 通 有 公言 甚 往 人 輙 賢,與之語 得 早 受學 知 程 務 數 以 之。 生 其 盡 公 + 先生 遇 日 焉。 爲 珦 而 篇 道 事 於 程 學 攝 理 名 剛 是 及 知 而 通 在 聞 爲 初 歎 道 守 南

深 治之。 南 安 獄 逵苛 有 刻 囚 吏 法 無 不 當 敢 與 死 相 轉 可 運 否 使 先 王 淕 生 欲

侵 其 今日 終不 子皆喜 相告語 及 吏不 陽, 徐 視 趙公臨之甚 以 力 是能 争之, 按 其 汙 盡 雖 皆 日 釋。 乃 爲 其 所 善 敢決,苟 務 荒 辯 有 所 爲 政 ,莫違 也 知 稱 及 以 分寧 崖 不 治 之。 爲 0 周 使 洗 絶 及 如 聽 一逵亦 威 耻 茂 績 嶺 獄 教 下之, 而 冤 守 島 寤 此 趙公時 叔 也 表 命。 則 病 澤 者 而 虔, 尚 0 感 執 來 也。 人 置 物 先 以 不 可 民 吾屬 悟 在 其 先 跡 南 手 爲 生 蓋 歸 仕 爲 合 憚 不 於 所 手 昌 生 板 己 矣 不 處之超 囚 乎 使者, 肯 州 得 出 邵 不 適 惟 歸 任 得 從。 1 縣 所 至 人 州 佐 : 事 以 不 取 訴 之 者 新 殺 州 然 人或 抵 死 不 施 蜀 告 矣。」於是 迎 勤 學 設 幾 事 人 經 罪 一之賢 亦 身委 然趙公疑 ,趙 失君 措 校 讒先 以 先生手 爲憂,實 在 瘴 必 喜 置 媚 郴 之 毒 公熟 緩 以 日 生, 君 之 未 視 教 而 更 桂

自少信古好義,以名節自砥礪。奉己

上。 纓 襟 亦 蓮 處, 妻 又 錢 甚 人 品品 往 子 之 而 華 懷 深 約 或徜徉 樂之 豫章 峰 儲 飄 來 有 甚 饘 俸 取 經 高 下 洒 粥 禄 於其 黄太史庭堅 紀 李 或 因 終日 胸 雅 潔 盡 其家,始終 初 寓 不 中 清 有 以 平 給 灑 以 紺 高 周 卒, 廬 濂溪之 宗 落 寒, 趣 而 Ш 子 如 一詩 族 亦 尤樂 下 一之麓 不 光 幼 而 曠 . 號 合 奉 懈 風 序 然 0 護 於 佳 有 賓 霽 之 而 湓 及 其 不 友 溪 Ш 月。 曰 築 以 分 喪 焉 江 水 書 家 爲 歸 司 知 遇 堂 發 先 或 意 葬 而 德 茂 於 適 牛 源 無 也 叔 意 其 濯 於 百

遺 事十四條

嘗 知 假 倅 公 伊 視 111 南 其 安 先 氣 軍 生 貌 作 非 其 掾 常 周父 中 與 實 公 語 其 家 少 傳 爲 不 日 學 爲 知 守 所 道

香,因與爲友。及爲郎官,故事當舉代,每

生 之業 自 十 伊 似,慨 五]1] 六時 先 然 生作 有 求 聞 道 汝 明 之志 南 道 周 先 茂 生 叔 行 論 狀 道 **>** 遂 日 厭 科 先

道 生 從 體 汝 河 道 南周 間 成 劉 德 惇 立 出 頤 之 入孔 問 叙 學,窮 述 孟 明 從 道 性 先 容 命 之理 不 生 勉 事 率 性 會 先

周 茂 叔 程 氏 ,令尋顔 門人記二先生 子 、仲尼樂處 語 曰 所 : 樂何 昔 受學 事 於

叔 後 以,吟風 又曰 弄 月 明 以 道 歸,有『吾與點 先生言: 自 也』之意 再 見 周 茂

待 悟 讀 某只説與公。」初平遂聽説話,二年, 書 又 曰 : 如 何?」茂 李 初 叔 平 云: 見周茂叔 「公老矣, 云: 無 及矣。 某欲 乃

便受拜 又曰 0 及 王 坐 君 間 貺 大 嘗 見茂 風 起 叔,爲 ,説《大畜 與 茂 叔 掛 世

> 當 君 : 請 貺 謝 乃 納 用 拜。 起 分已定,不受乃是。」 休 曰 問 茂 叔 適 走 「當受拜? 來 避 不 君 知,受却 貺 本作「風天」、「小畜 不 此 當 公 拜, 受拜? 事 却 過 却

謂 周 云 未 日 日 先生 如 也 萌 此 又曰 0 又曰 動 此 明道年十 何言 與 語 復如初 自 後 : 十二年,暮歸,在 家 之易 周 田 六七 意思 獵 茂 矣。」 也。 時 叔 自 好 窗 後十一 田 般。」 謂今無 但 獵 前 田 此 間 既 草 子 見獵者 心 而 年, 不 此 厚 自 除 謂 好。 觀 不覺 因 E 去,問 驢 無 見 未 周 有喜 此 發, 好 果 茂 亦 心。 知 叔 聞

淳 誠 : 又 曰 既 . 誠 周 矣, 茂 心 叔 焉 謂 用 荀 養 子 邪 元 不 識 荀 子 誠 不 知 伯

事 留 之飲 邵 伯 酒 温 伊 大 111 作 以 口 ^ 易 朱 論 學 光 渞 庭 辨 惑 公 伊 掞]1[\leq 訪 指 記 先 康 面 君 前 節 食 先 先 君 生

處 論 合之外。 ? 至 此。 先 此 君 伊 桌 爲]1[安 極 歎 在 論 日 地 天 上 地 萬 不 平 物 知 生 之 天 惟 理 地 見 周 以 安 茂 在 及 叔 六 甚

官。 几 侍 從 方之遊,於高賢 茂叔以 吕 聞茂 本中 叔名, 作《 啓謝 童 力薦 正 無 蒙 獻 訓 之, 日 公,云: \approx 一之雅 自 日 常常 : 調 __ 在 除 正 獻 薄 轉 宦 公 運 判 在 有

字 流 衍 宦 濂 日 寓 傳誤, 吁, 公與之同 溪 : 云。 弛 營道 「營道 周氏 濂溪之名,志 肩 廬 何 家焉。 阜, 縣 棄仲農父 時 可 出 歎 力 而 郭 已 不 族 所 鄉 \equiv 能 + 衆 爲 自 關 返 賦 濂 而 在 里 作《營道 故 詩 業 溪 目 而 居 之 儒 皆 中 近, 周 失 也 乃 至 有 齋 至今 本意 結 先 村 詩 蘇、 屋 落 生 蕃 遠 文 黄 臨 序 E

道 甚 早 邢 王 恕 和 荆公爲江 叔 叙 述 明 東 道 提 先 點 生 刑 事 獄 時 云 茂 己 號 叔 聞 爲

> 儒 ,至忘寢 茂 叔 食。 遇 與 語 連 日 夜 荆 公 退 而 精

伊洛淵源録卷第

思

通

四

伊洛淵源録卷第二

明道先生

行 狀

伊川先生

君張 吏部 師 氏 其 安 高 少 先 縣 密 師,諱羽,太宗朝 先 氏 君 尚 縣 日 再 生五世 喬伯,爲周 書 君 侯氏。 祖 崔 父珦,見任太 希 氏 振, 曾祖 妣孝感縣 而 先 皇 上居 祖 大司 生名顥,字伯 而 任 遹, 下 尚 中 以 -葬河 馬,封 中 太 皇 書 輔 Щ 君 大 贈 一之博 虞 翊 南,今爲河南 夫致 張 開 部 功 於程,後遂以 顯 氏、 府 野 員 淳,姓程 仕 儀 外 長安縣 高 賜第於京 郎 同三司、 祖 ; 贈 母壽 氏 太 爲 太 妣

> 《書》,强記 數 言 之,許妻以女。 故户部侍郎彭公思 時,群居庠 往,果得 日 叔祖母 方求之,先生以 先 生 釵, 生 過人。 序 任 而 中 人皆 氏 神 太君: 如老成 氣 十歲能爲詩賦 驚 永謝 秀 抱之行,不覺釵 手指 異 爽, 人,見者 客 異 示 數 至學舍,一 隨 於常兒, 歲, 無 其 誦 不 十 二 三 所 ^ ·愛重 見異 詩 指 未 後 × 能 而

鑄 宅居 數 錢,幾何時矣?」 者, 吏 日 也。」令曰 令以其 錢,不 取 : 十年所鑄 發地 錢 幾 踰冠,中進 此易辨爾 年 + 何 -五六年 中 : 千視之,謂 少, 時矣?」曰 藏錢,兄之子訴 何也?」其人遂服,令大奇之。 未知之。 此 即 士 無證 曰 : 遍天下,此錢 第, 問 借宅者日 : 兄之子曰 佐,何以 調 民 四十年矣。」「彼 京 [二十年矣。] 有 兆 日 借 府 决之?」先 : 其 皆 鄠 兄宅 爾 「今官 父 縣 爾 未 主 即 藏 父 所 以 簿 前 遣 藏 生 藏 所 居

謂 鄠人無死 不 之。」自是不復有 男 役,諸邑率皆 現 歲 安便。 現 ,必先白 止 女 曰 光 聚 南 : 有 先 觀 Ш 者 生 時 僧 諸 吾 晝 始 吾之董 盛 舍 狼 ? 夜 所至 暑 有 至 職 狽 雜 光矣。 石 日 事 詰 泄 處 一役 治役,人不 惟 : 佛 不 利 其 乃 先 爲 能 歲 僧 大 治 然。」 生 府 往 政 傳 行, 軍 日 所 境 當 者 其 法 : 戒 部 死 水 · 勞 畏 首 力 取 飲 日 亡 害 吾 而 其 放 其 食 : 甚衆 9 事 神 光 聞 首 茇 倉 卒 莫 舍 就 俟 遠 石 常 獨 觀 無 興 復 佛 敢 近

摇 則 以 不 以 薦 均 厚 避 11-邑 不 士: 大 價 其 勝 當 親 一當 比 其 薄 均 路 事 罷 他 以 弊 其 者 邑尤甚 既 才之所堪 税 其 再 欲 而 先 而 始 調 薦 無 買 生 江 之, 人 富 爲 蓋 之,小民苟 寧 者 不不 令畫 多 近 府 敢 不 府 問 當 E 不 便, 法 美 所 元 問問 服者。 田 多 欲 所 民 一時 縣 爲 爲 欲 主 不 先 貴家富 之利 簿 浮 知 後 生 再 論 擾 諸 田 日 期 室 欲 税 而

> 文 行 兀 案 不 均 啻 税 Ш 千 積 法 百 邑 而 矣 官 尚 不 有 足 訴 不 益 均 以 者 它 官 計 其 經 力 歲 歷 時

罪 計 道 訟 夫 南 比 稻 0 功 不 H 所 如 先 口 不 調 會 \mathbf{H} 不 是, 下 塞 生 **\$** 賴 役 辭 處 罷 陂 苗 9 也。」遂發 之有 非 百 去 塘 法當言之府, 槁 以 月 爲 久 先 溉 方, 餘 矣, 政 生 不 民 盛 不 者 攝 民 能 塞之,歲 閱 疲 夏 邑 將 府 於 塘 月 興 事 何 禀 省 堤 作 民訟 食 於 大 覽 上 則 ? 奚 决 漕 大 先 兀 遂 司 劇 熟 救 生 計 簡 暇 邑 民 及 日 然 非 後 千 獲 江 訴

矣。 券 人 輙 誉 乃 死 已受賜,如此之比, 以 自是 先 得 處 江 寧當 先生 食, 生 生 日一 白 全者太 比 察 水運之衝 小 漕 有 其 誉 司 司 由 子, 半。 給 文 蓋 , 舟卒 米 具 歲 措 既 所 貯 不 置 留 則 至 誉 下 於 然 病 多 困 中, 者 數 纖 後 矣。 於 微 百 則 請 至 飢 之間 留之, 於 人,至 先 者 己 府, 生 數 與 之 者 爲 日 給 베

從。 日 三日之朝 也 日 先 若 除 生 · 宗 朝 服 府 曰 府 而 登 相 : 除 遐 遺 尹 視 之, 「公自除之,某 詔 率 遺 無 群 所 所 制 敢 官 命 服 官 除者 將 止二 吏 莫 釋服 敢 成 日 違 服 非 先 爾 \equiv 世 至 ______ 生 H 夜, 尹 請 進 而 不 怒 盡 日 除 敢 不 今

鄉 艤 脯 空 如 飛 符 鳥 之 舟 一向 中 此 民 子 郊 去, 茅 取其 使 中 外 弟 山 使 自 不 有 等折 不 有 昔 取 敢 龍 惑。 數 嚴 畜 池 龍 之,教之使勿爲。 奉 禽 共 其 以 其 ,至中途, 鳥。」不 始 語 龍 爲 至 神 如 邑, 物 蜴 嚴 自 見人 中 蜥 而 主 先 使 而 令行 簿 、持竿 生 奏 Ŧi. 及 折 嘗 色 罷 黏 龍 以 捕 0 竿 官 率 黏 飛 祥 而

服 先 生 再 教 期 命 就 移 民 澤 以 州 事 至 城 邑者, 澤 必告之以 淳 厚 尤

> 年 生 不 皆 戚 恤 鄉 悌 베 擇 鄉 忠信 善,則爲 與 村 有 而 而 之語 黨 所 子弟之秀者 遠 服 女好 養 使 近 偽 儒 易置。 爲 所 服者蓋 無 無 兒 諸 失 伍 所 以 童 鄉 所。 容 保 事 皆 所 數 父兄 俗 聚 讀 有 使之力 白 行旅 凡 始甚野, 書 校 而 人矣。 出出 孤 教之, 煢 親 暇 出 所 役 於 爲 殘 時 以 相 不 其 廢 親 正 去 事 知 助 句 塗 者 至 邑 長 爲 讀 者, 纔 召 責 患 E 學, 疾 教 之 難 父 先 者 老 餘 親 病 相 度

之, 殺 弗 異 有 人者。 革 死 勸 問 則 者 者 有 鄉 何 某 也 民 耻 以 村 先 爲 秩 知之, 某 生 滿 社 邑 人 幾 曰 會,爲立 代 也 萬室 日 : 者且 ___ 問之, 吾 一科條, 至, 吾常 邑 年之間 安 吏 果 疑 有 夜 旌 然 此 此 叩 别 無 門 善 ? 家 悪 强 悪 誠 盗 少 稱 驚 有 及 使 有

雖 至 賤 河 之 東 物 財 賦 至官 窘 迫 取 之, 官 所 則 科 其 買 價 翔 歲 踴 爲 民 患

仇 時, 縣 其 而 私 使 者 則 比 至 者 常常 價 讎 庫 道 數 命 民 預 有 0 遠 至 歲 + 而 憚 使 先 + 倍 雜 出 無 切 就 差 則 購 生 納 之, 不 有 告 役 不問。」 糴 粟 盡 錢 先 過二三。 辭 富 之 則 邊 數 知 生 役 者 室不失倍 價 日 白 郡 常 民 及 使者 : 高 千 産 度 則 所 0 厚 所 耳. 民 | 屢 常 費 此 先 薄 需 税 相 息 借 更, 錢 太 生 常 糾 第 以 使 省 **\$** 擇 無 而 移 其 訴 富 補 自 富 鄉 民 先後 近 助 家 民 官 鄉 從 用 邊 力 預 民 之 鄰 所 者 而 力 用 儲 遂 口 費 載 按 不 舒 籍 先 定 爲 敢 部 任 往

之 諭 子 死 俗 數 欲 者 禁 教 尚 而 焚 己。 止 遂 河 辩 憚 屍 東 事 廢 於 民 義 先生 者 遠 始 雖 識 勇 信之。 孝子 致 農 或 者 至, 不 恨 以 慈 隙 晉 持牒,徑 投烈 之。 孫 而 則 城 先生 習 教 之 火, 先 以 民 以 生 去 至 愚 武 遂 爲 爲 戸庭 後 俗 事 爲 安。 令, 下 視 郡 精 然 傚 視 官 先 陳 應 兵 先 民 生 文 其 有 牛 教 備 所 如 母

> 以 白 姓 先 愛之如 生 從 容 父母 告 語 ,去之日 諄 諄 、哭聲 不 倦 振 在 野 邑 年

嘗言 暨弟 辭 要以 神宗 手 官 求 公公著 陛 御 、才,先 三見 辩 對 報 日 史不知 : 午正 : 頤 正 來 素 用 獨 奈 薦 爲 薦 心窒欲, 知 何 生 以 欲 遂 首 先 當 者 ,授太子 先生名, 所 輕 誠 常 期 上 主 爲 改著 薦者 天 生 意 未 相 以 當 所 卿 下 遽 感 求 食 見 大 防 上 作 戒 土 數 求 賢 邪 召 中允、 阚 用 動 未萌 一章疏 之。 佐 十 退 ? 對 育 每 郎 人, 之日, 主 才 庭 神 之欲。」 及 子 前 權監 將退 日 爲 尋 宗 而 中 因 姪 後 神宗 先。 以 以 曰 中 論 不 進 論 從容咨 察 神宗俯 必 御 父 人相 得窺其 説 議 御 嘗 先 表 티 : 史 才 甚 甚 史 謂 生 中 朕 弟 使 多 訪 裹 推 身 張 不 何 日 派 日 藁 拱 飾 敢 載 比 吕 大 頫 日

^{● 「}官」、《河南程氏文集》卷十一《伊川先生文》七《明道

如是。」言之至于再三。

公 當 罪 其 敵 言 牛 利 經 取 輔 小 福 陳 功 心 與與 0 路 之 論 ? 矣 每 封 息 爲 臣 忧 治 利 神 先 駮 臣 神 好 與 列 道 時 不 賣 先 上章 宗 荆公寖行 神宗 直 論 宗 先 生 日 同 王 京 數月 祠 生 神 生言 者 進 荆 事 雖 陳 東 愀 及 部 宗 朏 公 必 始 道 君 然 轉 之 心 尚 牒 小 面 既 安 日 欲 不 疑 道 運 平 日 德 臣 間 請 言 其 石 不 同 差 其 力 以 司 : 之 氣 與 至 者 説 行 日 攻 提 章 迁 至 剥 大計 + 和 風 而 此 益 舉 取 數 懇 誠 命 先 陛 民 數 嘗 寖 而 堯 信 官 勝 荆 + 求 希 執 牛 F 衰 謂 禮 舜 用 公 多 公 愛 上 政 不 外 寵 意 此 等 由 先 貌 之 多 許 論 爲 除 補 非 多 言 不 先 是 生 + 不 事 爲 其 本 不 先 加 不 尤 牛 與 遂 忠 神 餘 衰 非 之動 行 生 朏 極 合 每 言 朕 宗 信 未 蓋 事 天 監 責 論 進 門 者 及 0 青 嘗 猶 事 下 何 嘗 司 待 苗 之 及 爲 荆 興 不 敢 先 極 重 ൬

> 神 請 臣 宗 權 罪 言 手 而 發 批 獲 遣 遷 願 京 行 白 西 刑 之; 賞 路 口 列 混 提 之罪 矣。」 點 如 其 刑 累 獨 妄 獄 請 言 於 先 復 得 當 生 罷 賜 無 章 顯 責 既 加

數 己 生嘗 與 盡 嚴 甚 0 刻 心 多 歡 既 任 改 事 忌 差 而 臺 小未 簽 先 屢 憲 通 平. 生 書 安 判 反 事 鎮 而 必 之 不 寧 重 甚 獄 與 盡 軍 之辨 恭 莫 節 力 得 敢 度 職 不 雖 判 與 事 遂 筦 死 辩 官 者 無 庫 而 事 事 細 不 V 前 從 務 慮 後 始 爲 者 蓋 其 意 守 無 先 相 者 慢 不

城 股 都 歸 此 與 河 水 逃 衆 之。 派 州 河 先 死 官 官 清 生 怙 自 晨 卒 相 天 以 勢 歸 集 於 視 方 蔑 法 城 法 弗 大 拒 視 門 畏 納 不 寒, 之。 州 昉 他 必 郡 吏 昉 役 爲 報 昉 欲 欲 肆 亂 請 河 弗 時 盡 其 清 於 納 中 取 虐 昉 朝 兵 人 諸 用 潰 有 先 命 程 埽 言 歸 生 衆 以 昉 兵 某 治 將 逃 爲 \Box 自 白 外 M

言 衆 當 憚 必 昉 訴 之。 於 奏 歡 我 衆 於 事 呼 何 上 调 即 而 能 0 : 州 親 爾 往 0 同 也 澶卒之潰 開 列 具 先 門 以 以 果 生,言 撫 告,先生 事 不 諭 上 敢 乃 甘 聞 約 而 程 歸 笑 得 氣 中允 休 日 不 懾 復 誘之, 日 既 遣 復 彼 而 役 方 吾 後 揚

走决 繩 勢 急 繼 盡 京 至 白 君自 以 城 以 不 爾 以 里 堤 身 渡 廂 0 口 帥 會 口 用之。」先 扞 諭 帥 曹 决 虞 塞 俟 爾 兵 州 見 義 知 於 帥 村 口 士卒 徒 烈 曹 赴 臣 河 埽 劉 水 勞 一衆皆 士 事 村 子 决 橋 公 Ė 生 人 遂 方 之分, 先 决 涣 或 : 時 一得 爾 奔 感 則 以 先 以 不 生 印 激 注 注 事 集、公 謂 生 朝 本 身 , 先 達 自 京 急 方 不 鎮 狂 帥 可 生 效 暇 告, 城 者 養 印 救 曰 命 塞 當 乎 人 授 : 護 百 爾 善 先 論 親 亦 ? 城 先 畫 小 生 者 泅 率 爲 省 曹 矣 生 -禁兵 之。 者 皆 卒 吾 正 親 9 村 與 爲 夜 能 銜 以 日 相 以 馳 徑 請 引 細 爲 爾 緩 去

> 矣。」 爲 謂 後 合 曹 衆 朝 語 村 廷 日 其 以 憂。 纔 將 之 : 濟 下 己 合 衆 木 人以爲 也 復 得彼巨木横 兩 决,遂. 遂 有 岸 横 大 使 並 木 先 久 進 衆以 自 生 不塞,數 流 書 中 在 爲 流 夜 職 至 口 不 而 安 誠 路 息 下 則 所 有 困 吾 數 致 先 擾 事 也 牛 H 其 濟 顧 而

對。 執 詔 義 秩 洛 醜 知 在 去 矣。」 , 特 彼 正 縣 政 求 河 直 竹 者 屢 否 嘗 又嘗有 郊 差 改 ? 遂求 祀霈 進 競 語 木 太 知 擬 務 揚 連言 執 常 扶 先 登對 監 恩 避 政 神 溝 丞 先生 生 局, 薦 新 宗 日 0 縣 應 佳 者 者 法 皆不 神宗 . 以 事 詔 士 言 自 之 便 日 其 洛 説 許 猶 親 先 論 程 未 至 念 生 其 某 養 朝 部 嘗 歲 吾罪 先 後 政 問 口 得 而 餘 叙 執 彗 生 用 極 手 罷 年 見 0 會修《二 政 滌 切 : 得 批 歸 勞, 翼 矣 執 監 復 與 還 軫 求 府 程 政 丐 自 西 口 間 朝 是 經 遷 以

❶ 「泅」,原作「汩」,據國圖崇禎本、民大明本改

異 薦 局 論 除 執 罷 政 判 復 武 諭 學, 以 舊 上 任 新 意 進 不 者言 口 改 其 彻 新 法 數 之 月 右右 初 首 府 百

邑 使 必 民 幾 歲 若 而 境 引 焚 不不 處 强 甚 角 年。 之, 其 先生 無 迂 復 盗 焚舟 類 + 使 0 不 治 而 數以 一爲 减 以 得 廣 生 之 民 治 + 數 業 挽 濟 患 立 實 專 餘 舟 十人,不 威 風 專 蔡 發。 尚 爲 動 以 河 業, 寬 先 脇 出 先 厚, 生 扶 復 且. 取 縣 牛 始 察 根 溝 境 以 舟 在 至, 爲 治 素 教 人 官 瀕 多 惡 舊 化 捕 物 河 無 悪 者 盗 爲 得一 爲 不逞之 强 分分 先 事 雖 自 盗 歲歲 是 地 者 樂 雖

第 者 澤 輸 如 期 皆 役 几 然 錢 頑 而 畿 先 而 達 民 邑 足,於是 良 生 户 田 也 善之民 力 四 税 陳 等 先生爲 重 惠 不 憚 澤始均 而 口 朝 督 畿 約, 廷 司 責 内 歲 農 獨 前 而 常 奏 科 先 止 司 蠲 其 農 第 獲 輸 除 議 \equiv 建 免 逋 言 者 謂 請 以 負 天 爲 必 今 亦 獲 及 F 獲 必 惠 除

罪,而神宗是之,畿邑皆得免。

罪。」 寡 檄 農怒,遣 溉, 而 民 陳,先生不肯,使者遂言不當貸 水災 賤 穀且 不當 縣 飢 0 司 農益 請 民飢 乃 杖 先 井不 登,無貸 得 主 生爲 大旱, 貸不 使 以户 已 吏。 先 怒, 過 閱 政, 一已,遂 生請 數 視貸 麥苗 之高 實。 先生言 可 工 常 也。 (籍户 發粟貸 下。 得 使 權 且 而 穀六千 至 枯 所 穀 使 同等, 灌 價 鄰 且 之,鄰 至 先 令實 邑, 濟 數 不 生 石 謂 飢當以口之衆 畝 而 而 教 使 先 邑 爲之, 所 飢者 闔 令遽 至 先生 生盍 亦 貸 境 掘 甚 請 不 用 賴 一力言 自 井 貴 亦 等 濟 焉 吏 自 陳 甚 司

所 奉 至 陵 内 侍 主 慢 吏 都 縣 以 知 官 請 王 諸 中 先 品 正 生 供 廵 帳 閲 : 保 競 甲 務 吾 邑 華 權 貧 鮮 寵 至 悦

^{● 「}二」、《河南程氏文集》卷十一《伊川文集》七《明道:

耶 帳 效 我 汝 月, 卒 他 能 前 與 口 邑 木 遂 改 後 復 用 太 自 Ŧi. 之。 穿 丞 且 經 六。 窬 約 吾 取 先 薄 於 不 邑 捕 有 生 汝 民 復 有 吏 犯 在 罪 9 爲 冤 及 0 法 小 邑 盗 門 所 盗 訴 盗 歲 禁 今 吅 者 府 餘 盗 首 也 願 何 告 先 中 願 得 面 其 **\$** 生 正 自 先 目 謂 有 妻 往 牛 新 見 决 曰 來 故 日 之 : 後 > 境

失 皆 徒 先 動 \mathbf{H} 朝 民 民 業 知 生 弗 H 謝 願 今 當 無 用 民 官 以 服 改 既 没 日 制 以 爲 而 税 者 倦 諸 不 改 牛 不 君 作 除除 於追 千 矣 加 品 寧受責 口 不 租 賦 己 頃 奉 許 定, 因 呼, 不 而 往 議 括 爲 ,不敢違公。」遂去 何 不 復 往 郎 而 又 地 言 也 持 知 0 加 扶 得 官 ? 後 溝 累 朝 益 不 至 厚 日 世 廷 民 先 加 及 , 之 增 遣 契 獨 謂 聽 生 賦 道 券 租 官 不 先 賣 9 日 乃皆 奪 服 以 括 其 易 生 自 田 牧 之 遂 如 日 服 明 地 他 感 民 私 有 : 則

> 朝 者 邑 旨 0 日 ? 不 踰 督責甚急 程 月 奉議 先 生 去 罷 數 矣 去 日 , 爾 而 其 復 事 集 何 復 恃 至 而 敢 謂 稽 攝 違 令

_

位 親 穉 及 生 覃 數 老 司 坐 農 恩 是 求 百 鄰 追 丐 邑 近 改 以 及 留 民 鄉 承 特旨 境上 者千數。 犯盗繫 監 議 局 郎 罷 9 攀 得 縣 邑 挽 監 去之 獄 號泣 汝 而 知 州 日 逸 先 酒 遣之不 不 既 生 使 且 又 罷 遇 今上 去。 知 赦 嗣 老 府 先

興 識 八 所 屬 年六月十五 衰 與 先 召爲宗正寺 識 聖政 生 莫不 雖 方 小官,賢 也。 新 哀 · 賢 傷 丞 享年 爲 德 士 0 登 未行 大 朝 五 進 夫 廷 + 生 視 先 有 民 其 四。 生 疾 恨 特 進 終, 惜 士 爲 退 大 元 以 時 夫 豐 望 1

也 貫 金 於 温 如 金 先 春 潤 石 生 陽 如 資 之 孝 良 (禀既 温 悌 玉 寬 誦 異, 於 聽 而 神 而 其言 有 充 明 制 養 其 視 和 有 人 其 而 道 純純 色 人 不 流 也 其 粹 忠 如 接 如 精 時 誠

浩 以 R 乎 形 之 若 容 潤 滄 溟 胸 之 懷 無 洞 際 然 徹 極 視 其 無 德 間 美 測 言 其 蓋 藴 不 足 則

若 非 悌 於 道 明 有 時 理 於 老 求 聞 言 出 世 開 窮 庶物、 道 汝 諸 先 釋者 神 白 有 之志 生行 南 己 物 代 知 周 察 幾 化 未 而 不 茂 己, 於 動 明 由 + 欲 未 叔 内 有 人 之 年 诵 弗 知 論 倫 常 主 惑 於 其 返 道 施 於 禮 要 知 於 求 秦 敬 先 遂 樂。 盡 漢 諸 生 泛 厭 而 性 而 六 濫 行 爲 科 居 辩 至 經 下 舉 學 於 之 異 廣 命 9 之業 諸 而 以 端 居 未 自 必 後 家 恕 似 本 有 + 而 得 是 於 臻 出 慨 行 見 五. 之。 之 孝 斯 然 大 善

昔 自 惑 之 謂 X 任 害 之 謂 也 窮 其 近 孟 乘 神 子 而 其 易 没 知 曰 迷 化 知 而 暗 聖 而 今之害深 道 今之入人 學 不足以 之 不 不 傳 明 開 而 以 也 物 異 難 興 大 成 端 辩 起 其 務 害 ; 斯 之也 言 高 昔 文 .明 之 爲 爲

> 是 高 説 無 以 則 口 皆 競 以 才 必 不 道 明 IE 起 人 人 周 路 智 堯 於 遍 塗 之蓁 舜之 此 膠 生 實 於 民 則 蕪 道 自 之 見 外 道 聖 聞 耳 於 天 之 門 目 倫 下 不 醉 之 之學 理 溺 明 生 蔽 夢 天 也 窮 塞 下 死 深 非 邪 闢 不 於 極 淺 誕 之 自 汙 微 陋 妖 而 覺 濁 古 異 後 베 也 之 雖 不 口

怒 者 接 性 河, 下 學者之所 止 生之言平易易 世 当。皆未 物 循 獻 人 而 誠 各 闚 先 其 而 辨 循 意 充 生 誠 高 至 及 而 有 其 不 進 傳 於平 序。 暴 不 所 也。 量 怨 將 爾 間 慢者 以 賢 知 覺 夫 病 其 輕 感 先 斯 先生之 下 賢 愚 世之學者 辯 致 自 生 人, 而 人愚皆 善 灑 其 析 大 能 教 惡 退 恭 精 而 掃 诵 人, 門, 獲 將 微 卒 咸 教 應 聞 捨 其 明 自 學者 無 得 對 風 稍 之 益 近 致 其 得 至 者 見 書 而 而 知 多 心。 也 於 如 誠 趨 於 人 矣 至 不 群 窮 易從 遠 世 服 狡 先 於 飲 幸 理 僞 盡 知 於 處 早

子 時 德 見 者 也 排 心 斥 醉 退 雖 而 小 省其 以 私 趨 未 嚮 之 有 異 不 以 顧 先 於 生爲 利 害 君

皆寬 之 條 聲 爲 **\$** 八皆病 法 甚難 而 色。 繁 可及 厚 和 度, 先 密 於拘 生爲 方監 不 ,設施之際, 之際, 而先生爲之沛然。 也 可 求 礙 司 政, 效 物 未嘗 競爲 而 治惡 而 而 先生處之綽 物 爲 嚴 有 從 以 應, 也, 急之 所 衆 寬 賴 爲 未 至 焉 時, 施 應 其 處 雖 信 文 道之而 煩 其 當 然 先生所 逃 而 待 而 倉 ; 民 卒,不 先 責 裕 衆憂 信 從, 之事 生, 當 則 動 率 動 以 綱 法

以 簿 子 孝 本 今年十月乙 稱 有「三夭 本 彭 日 有「三早 夫人 善 端 睦 一一字。 本 対仁 其 卒」字。 西 治 族 葬 和 進 適 先 于 縣 士 日 假 君 一業。 伊 端懿 承 年 ĴΙΙ 嚴 先 卒。 務 正 本 蔡 绺 郎 有 有 州 朱 禮 四 本 汝 純 謹 有 字。 之。 陽 書 事 「五」字。 家 縣 舅 世 主 以 1

奮

能

行 業 及 歷官 行 事 之大 概 以 求誌於作

門 朋 友 叙 述 并 序

賦《 不不 遷。」當世先達 於行 以 也 爲 銘 而已,是則同。 酌 明慧驚 推尊稱美之意, 文以叙其 河 溺於流 貪泉》詩, 曰 且備 而 間 狀之不及者數篇,附于行狀之後 先 以 劉立 兄 爲 異 俗。 明 孟 日 事 之曰: 道 年數歲, 子而 史氏 跡 許 從 : 文多不能盡 之 其 汝 人各 述 後傳 葬, 中 採 志 南 其 録 先 即 頤 操。 周 心 用 道 聖 生 有 狀 茂 如 其 學者甚衆,其 既 成 幼 取、取 其 叔 及 自 所知 八之道 而 人之度。 有 長 問 行 固 門 奇 蓋 豪 其有 外 者 以 物 窮 求 勇 作 朋 不 異。 嘗 性 補 同 所 友

質

0 道 夭 先生行狀》作「夭二」。 河 南 程 氏 文集 + 一《伊]1] 先生文》七

兀

宿 容 命 學皆 之 不 理, 勉 自 率性 以 踰 爲 冠 會 不 道 應 及 書 體 莫 京 道 不 師 成 造 德 門 聲 願 望 出 交 藹 處 孔 孟 儒 從

之民 寧 年 纔 迄 先 寧 登 晉 出 Z 而 先 生 教 科 守 守程公之化 城 見民 元 年 生 被 爲 Ź, 者。 皆 釋 豐 其 去三 服 政 褐 禁 有 間 俗 朝 立 先生 先 條 主 密 聚 鄉 應 之 夕 朴 年 生 大臣 教 永 書 督 閶 口 得 陋 之化, 間 擇 也 精 衆 興 者 猶 厲 官 其 編 民 , 待 密 軍 至 誘 而 以 其 晉 秀 不 户 暴 鄠 數 先 誠 不 不 進 異 而 城 知 桀子 數 縣 遵 析 生 110 百 主之以 學, 學 爲 萬 簿 距 教 莫 感 異 登 者 第 至 衆 置 先 者 令爲 中 不 科 風 學舍 永 如 生 罪 間 盡 誠 問 者 有 靡 興 去 此 深 幾 禮 人 心。 其 + 帥 耻 日 糧 已十 極 耻 百 所 餘 盛 具, 府 不 台 爲 典 年 犯 以 者 餘 聚 熙 城 熙 **\$** 無 其

對 薦 爲 使 御 臣 史, 拾 神 遺 宗 補 召 闕 對 裨 問 賛 所 朝 以 廷 爲 則 御 可 史。

> 事 宗 荆 發 荆 使 納 天下之事 揚 憤 公 公爲之愧 歎 君 臣 荆 己 肆 相 執 賞 掇 公方怒言 矜 罵 拾 政 衆 疏 臣 爲 人 議 無 下 屈 非 吾 輙 得 所 法 善 短 所 者, 削 御 改 不 談 長 家 不 藁 史 令,言 至 厲 私 爲。」 體 以 者 色待 不 議 沽 以示 者 嘗 神 直 先 願 之。 攻之 宗 名 被 生 公 子 厲 日日 平 獨 先 姪 則 甚 精 赴 以 氣 生 不 力 求 徐 中 至 常 能 以 聽 堂 誠 至 日 議 開 有 神

士 得 事 以 所 大 便 夫 先 養 欲 太 從 中 生 公 之 歸 經 講 洛 得 術 學 請 通 從 者 明 領 容 H 崇 親 義 夕 福 庭 理 盈 先 門, 精 日 微 生 以 虚 求 讀 樂 往 折 書 告 實 資 勸 歸 不 監 學 倦 局

學 議 南 其 還 虧 闕 先 人 生 至 已 先 在 位 生 而 御 附 奏 通 史, 會 言 顯 之 有 其 懼 説 南 行 先 先 + 生 遊 布 後 復 都 執 先 進 政 下 生 9 門 乃 被 且 者 抗 命 其 章 判 方 武 素 自

謹 先 先 生 是贵 高 生 生 才遠 處 新 誣 之 法 我 業 恪 之 邪 勤 淪 初 匪 屈 復 首 卑 懈 以 爲 冗 便 異 日 親 0 論 乞 八爲 汝 先 執 先 州 生 事 生 監 歎 安 笑 局 息, 得 不 先 : 而

望 用 與 不 識 今皇帝 民 未 莫不隕 以 赴 其 闕 即 出 位 涕 得 處 疾 以 1 宗 以 時 終。 隆 IÉ 派 汙 先 召 聞 生 0 計 有 朝 之 天 廷 日 F 方 識 重 且.

學 闢 藩 不 閾 +: 榛 知 者 大 自 穢 X 蓋 夫 德 孟 開 始 鮮 軻 示 况 没 先 知 本 生 所 堂 原 聖 傑 白 奥 聖 學 然 乎 失 人 然 自 傳 高 之 立 庭 學 於 才 者 世 户 干 希 曉 穿 載 之 然 窬 能 後 口 妄 造 作 芟 其

賢 嘗 易 見 多 不 肖 其 恕 先 皆 生 終 有 德 使 日 有 性 之款 怡 字。 充完 悦 曲 忿 粹 自 立 厲 之 之 和 盡 之 容 從 聞 先 氣 盎 接 生 於 X 善 温 + 面 背 年 咨 嗟 無 未 樂

> 復 感 畦 惟 漿 萌 悦 恐 勞 畛 于 其 而 惟 胸 望 化 不 恐 其 中 服 至 其 容 不 色, 風 故 篤 格 雖 聽 ; 高 桀 其 邁 傲 人 言 有 不 不 教 不 恭 事 則 及 標 見 放 飾 開 先 心 導 生 邪 而 誘 莫 氣 自 掖 有 不

之, 女 孤 老 城 長 遺 幼 撫 過 各 先 而 太 育 期 盡 生 中 後 誨 以 公 其 及 至 導, 歡 禄 告 己 無 期于 養 老 貲 子。 中 以 而 族 外 成 遣 食 歸 大 幼 人。 無 食 孤 家 重 衆 窮 素 嫁 肉 無 清 菽 女 娶 託 窶 衣 粟 者皆 婦婦 無 僅 僦 皆 兼 足, 收 居 先 洛 而

見 先 物 于 民 戴 各 之 民 時 生 0 抱 如 疾 得 先 然 雖 苦 經 生 父 輸 愚 至 母 達 濟 其 不 如 誠 大 於從政 肖 情 在 在 器 立 ; 諸 天 佩 之 有 下 己 當問 服 問 開 先 惟 御 物 先 生之訓 聞 恐 愛 成 吏, 生 爲 朝 務 以 物 廷 之 本 臨 不 才 興 不 正 故 民 作 得 敢 己 雖 所 忘 小 其 日 以 至 格 用 使 民

哉 康 則 之意 憂 形 命 顔 其言 色。 會 如 感激 此, 論 動 美 所 志 以 不 致 千 行 君 Ŧi. 堯 利 百 舜 澤 年 不 措 施 生 俗 斯 成

風 其 數 有 歲 奇 宜 户。 操 立 有 之家與 與先 愧 生 末 耻 兄 世 弟 生 先 俗 好 取 生有累 薄, 尤 以 密 歸 朋 友 世之 教 先 道 養 人 衰, 舊, 視 早 子 世 聞 先 姪, 先 立 生 卒 之 高 立 方 爽

纖 生行 膈 所 及 細 知 知 以 者 服 先 事 立 生 爲 之從先生 言 備 大 大 最 列 採 懼 節 詳 摭 行,足以 堙 哭 高 没 泣 誼 先生 最 之哀, 不 天下 久,聞 傳 終, 垂 承 以 法 莫 繫 先 爲 來 信 官 不 生 世 聞 悲 朔 教 一,而 最 號 陲 羞 不不 多 摧 於 所 輙 裂 得 委 得 曲 不 肝 與 先

也 久 沛 或 朱 光 子 庭 思 日 筆 之於 嗚 呼 書 道之 其 後 不 孟 明 不 軻 行 倡

停,其 六 之 信 自 高 屋 誠 之中, 草木 夷,然卓 也 以 蓋 之, 抵 窿 ൬ 學" 經 以 誠 漏 於 孝, 己。 育 誠 先生 自 軻 爲 朋 者 之繁殖 際 孰 臨 參 動 事 始 死 何 月之運 奥 異 俯察 友 之 政 然 能 學 也 天 合 君 莫 而 識 則 學 愛民 才 與 之見,一 神 德 無 至 不 則 由 久 要 乎 以 於 而 速。 誠 也 於 間 得 百 照 行 斯 所 地 則 誠 斯 家 不 古 忠, 成 以 其 道 不 純 隂 自 如 天地 聖 ? 之異 爲 今 主 然者 德 廣 傳。 也 志 友于兄 陽 保乎赤 以 人 亦 本 而 0 博 一於誠。 才 脩 雖 不 之 之變化 爲 自 説 不 先 持 誠 周 退 仰 天 己 足, 所 誠 身慎 自 生 載 之之言信 萬 而 觀 研 資 弟 子 者 以 而 得 以 行 故 物 乎天 窮 非 穎 則 所 位 Ш 明 聖 其 爲 行 貫 推 而 搜 綽 徹 111 則 人 得 得 萬 神 其 以 在 不 而 决 綽 之 之 居 自 清 夫 物 静 明 不 兹 事 絶 矣 融 有 聖 愧 誠 親 出 判 以 乎 者 明 至 而 也 天 於 所 地 淵 則 穹 誠 不

毫 不 中 釐 足 權 以 下 動 之不 之 其 事 心 失 雖 輕 真 萬 口 重 變 謂 交 凡 大 貧 於 丈 富 前 夫 貴 者 而 賤 燭 死 之不 非 所

皆

失

胸

得

深

,所養之厚

能能

至

於

是

歟

矣。」自 爲 亦 生 進 不 功 ·幸之甚 己 得 德 不 而 殆 高 較 後 贵 鳴 將 矣 位 傳 呼 著 孟 小 以 以 其 矣。 軻 補 其 斯 澤天 以 補 哉 間 天之生 道 孔 來 助 覺 見 下 子 千 天 斯 而 方 日 有 然 地 斯 知 民 當 : 餘 之 而 之, 人,使之平 聖 歲 以 而 功 政 朝 天 尚 斯 先 可 日 聞 奪 能 道 王 謂 新 道 之 似 倡 大 盛 之, 速 治 之于人, 賢 道 矣。 夕 天 先 者 得 死 口 下 生 雖 先 謂 彙 口

造 接 剛 精 眉 初 義 和 河 目 間 以 其言 清 先 有 邢 生 峻 容 恕 近 於 語 日 其 而 磁 聲 : 斷 測之益 州 鏗 先生 義 然 其 剛 氣 德 而 遠 恕 貌 性 不 早 清 犯 絶 恕 從 其 明 人, 蓋 先 夷 始 思 生之 外 粹 索 恍 和 其 然 妙 弟 内

> 先 自 生 失 是已 而 知 天 下 有 成 德 君 子 所 謂 完 人 者 若

八

先 生 田 心 澶 又 爲 父 感 生 如 州 野 之從政 何 問問 先生 郡 哉 雖 村 皆 爲 又 爲 民, 澶 知 其 如 郡 莫 其 州 視 何 僚 姓名, 幕 不 民 哉 佐 稱 官 如 又 先 子 又 歲 ,憂公. 使先生行乎 止 生, 稱 餘 歲 嘆 咨 罷 餘 其賢。 如 嗟 歸 而 家 嘆 去 息 恕 天下 使 至 其 後 誠 使 蓋 调

皆 筦 道 者 必 不 規 命 足 皆 造 之 庫 勸 高 矩 慕 仰 道 際 其 義 準 以 既 門 之, 化 也 爲 繩 不 有 行李 之,從之 用 養 樂從 虚 蓋 以 洛實 於 真 而 自 之往 朝 居 之 往 顔 養 别 廷, 洛 質 游 氏 來過 都 實 其 幾 而 疑 之流, 而 渾 + 乃士 以 解 洛者 歸, 學 浩 年 惑 奉 士 黄 人 沖 親 莫不 荷 玩 皆宗 之區 憲、 融 之故 心 間 知 心 於 劉 里 而 一藪 師 名 醉歛 迅 道 必 禄 有 大 德 在 合 仕 袵 平 性 於

高 而 於天 誠 服 下 於是 先 生身 益 退, 位 益 卑, 而 名 益

計 之 亦 至 下 利 下 以 宗 . 侍 至 京 者 世 今皇帝 布 郎 師 正 存 丞召。 用用 衣諸生,聞之莫不 ,諸公人人 害 即 吕 者 位 公晦 去。 執 太 政 嘆 叔 皇 復 日 、嗟,爲 爲 太 起 湏 尚 后 司 其 相 書左丞,而 同 馬 來,將 朝廷 弔,以爲 聽 公君 斷 借 大用之。 實 凡 士大 哲 先 以 政 生 爲 事

流

者 遠 極 大 矯 下 十 先生 文 小 堯 纖 枉 古 有 爲 左右 · , 悉 已 舜三代帝王 七 嗚 」 晏然。 呼 年, 古 人材以 下 内外, 今太 己 至 下 惟 行 默 與 方大講 先 成 用之無 母 而 一之治 師 天 生 識 治功之時, 制 用 地 以直 之。 政 其 兵 同 求政 不宜。 下 戰陣之法 流 所 道 至 事 言 以 其 於 之 不 如 包 蓋 事 化 興 得 先 出 涵 其 不 之 造 失, 博 所 房 合, 生之材, 無 禮 如 闥 知 大 所 樂 救 時 去 悠 偏 天 制 或 雨

> 哭 其 練。 知。 險易、 講 皆造 萬 而 若先生 其 一,又不 邊 涕 吏 鄙 其 也 事 極 防 可 操 究於 戍 謂 决、 城 外 通 高 寨 之 文 儒全才矣, 年 斥 夷 法 ,此有志之士 堠 狄 簿 控 情 書 帶 狀 之要, 又 而 山 皆 所 111 所 精 有 靡 道 以 不 密 路 不 慟 究

之政 除害 爲 之道 朝 父母,去久而 潔,内直 政 廷, 可達 可以必至, 成 視民 0 與道行止,主於忠信,不崇虚名。 都 所欲 外方。 於天下,一 范 如 必 祖 子,慘怛教愛,出 思之不忘。 得。 禹 勇 其 學本 於力 日 故先 邑者,天 行,不爲空文。 於誠意 先生爲人, 生所至,民賴 先生嘗言: 下之式也 正 於至誠 心,以 清 建 聖 其 明 如 利 其 在

年 0 與 先 生 弟 以 伊 親老,][[先 生 求 爲閒 講 學 官、居洛陽殆十餘 鄉

⁰ 並 作 據 河 南 程 氏 遺 附 録 門 朋 友 叙

没,而 真 用 除 去 直 以 可 貌 日 枝 不 族 而 宗正 朝 親 睹堂 獨 用 :「非孔 哀之, 日 ,及聞其亡, 學者之師 肅 遠 貧 詞 廷,而 智 ,叩之者無窮,從 心於末, 千里而 必 而 疏 中庸之學不 要其 「自得, 奥,一 丞, 天 氣和,志定 其 二時 人常 或 也。 用 力。士 天地 子之道不 至 去聖 故 下 不 在 者 以其 不 成就 幸 日 自 己 之 傳、後 人 而言厲,望之可畏,即之 可與人堯舜之道 望 公 也 之 而 先 而 理,盡 千有 出 卿 先 容以應之,其出愈新 人 生 從 明 事 可 下 處爲時之通 生 才,於時爲 學 其命矣夫 世之士,不 於 親 於 學也。」蓋自 餘歲,發其 事 人 經,不 者 務 至 知 物之變。 朝 養 間 不 天。 以以 絶 巷 其 務 多,雖 於館 志 爲 塞。 循 其 解 關 故 且. 教 先 孟 其 析 賙 其 既 久 生 子 大 本 爲

伊

洛

淵

源

録

卷

第二

伊洛淵源録卷第三

明道先生

行狀後

游

酢

酢 大 節 復 ,伊川季先生與門人 先生道 何言? 德之高 謹拾其 致,經綸 遺 事 備採 高 之遠 第 既 録 論 圖 云 進 其 (實矣, 退之

其 以 得 爲 明 從 聞 易 才 誠 先 與 事 夫子張子 先生生 於道 生 耳 提 ,故從之游者,多能 論 騎 而 議 卒 厚友 其視 有 乃 數 妙質,聞道 歸 萬 先 而 謝 師之。 生,雖外兄弟之子,而 可 其 横 八徒,盡 行 甚早。 子厚 道邊事 匈 棄其 奴, 少時 年逾 視 舊學, 自 既 叛 冠 喜 而

> 致。」 之時 意若 與 洛人並,推 師 有 足,必欲 之不明於天下久矣,人善其 可 爲 猶 虚 而 淺 資 已 孟 考 以 破 心 月 且 外 隔, 深,亦 故故 子厚用 求益 H 子 其 書 而 比 知 疑 抵 當 如 不 之意,懇 使 也。 扈 其所自,先生發之也 然猶秘其學,不多爲 各 隨 而 孔 屑與之言。」先生謂之曰 其言,故關 雖復多聞,不務畜德 其 先 門『不憤 有 内 以 其後子 得 資 定 王之道或幾 懇 性 焉 動 而誘之, 如 静,道 未 · 厚 學 不啓,不悱 而堯 不及。 中學者躬 能 不 成 舜 雖 通 乎 動 八所習, 之 德 識 爲 逮先生之官, 熄 致 人講之。 道 徒善 尊 行 有 問 矣。 不發 9 明暗, 庶可 自 讀 . 識 趣 謂 者 其 先 П 馴 則 與 志 耳 其 書 至 道

學,惟當務爲急,辭 神宗縱言 納 必 據 擢 爲 經 了,及於 術 御 史, 事 常 睿 辭 命 辯於早 眷 命 甚 非 渥,亟承 先 所先也。」神宗爲之 而 生 戒於 日 德音 漸 「人主之 所 日 獻

之言 如 先 政 壽 動 他 美 生 E 顔 志 人 非 玉 先 日 0 一之賢 未 是。」 然,反覆視之,表 : 生 會 必 宫 既 日 者 同 執 作 嬪 言 天 猶 淫 然 政 實 於 節 辭 巧 可 心 爲 朝 得 宫 遂 以 慕 9 非 又 屈 蕩 而 嬪 其 裹 上 顧 議 上 專 爲 洞 是 意 謂 心 也 獻 人,當 徹 時 也 9 執 奇 所 乃若 莫 政 有 巧 傷 庸 見 語 戒 口 9 多 伯 何 疵 爲 在 傷 矣, 淳 瑕 天 曰 臺 公 子 則 : 執 列

誚 千 持 誠 以 革 忠信 心 金 心 既 發 詣 奴 先生平生與 大 於 而 無 京 故 中 奴 父 師 抵 人 持 母 貿 類 暢 亦 物 妻 用 此 不 於 人交, 子 如 物 忍 几 期 肢 欺 同 計 而 無隱 之。 列 金 見 歸 聞 之 之者 情 嘗 衆 之, 數 始 自 雖 信 莫 可 澶 歎 僮 慕 當 不 淵 服 僕 事 駭 必 0 遣 蓋 且 奴 百

越 則 钮 洒 與 先 賤 生 如 者 少 在 同 長 塵 起 親 外 居飲食 闡 宜 視 不 之 能 如 勞 不 傷 堪 苦 其 又 難 及 氣 遇 象 而 先 清

> 及 致 勝 裘 生 役罷 夫 力 數 處 之裕 或 常先 御 怖 夫 先 蓋 散 生 如 萬 時 期 也 以 部 夫 畢 所 師 伍 競 事 廵 嘗 律 猶 起 行 董 處 肅 異 姦 役 整 之, 衆 時 人 如 莫 雖 夫 乘 遂 常 測 祁 伍 訖 虚 其 寒 爲 去 中 至 烈 盗 無 夜 日 故 者 多 譁 不 譁 自 口 擁

者 盗 安 意 能 簿 天下搢紳 禄 日 未 文 卒、 詎 ,告之甚 身 殺 敢 將發之,某勢窮 輙爲 身 人! 發。 初 以 肯 「人之爲言 自 爲 至 善 爲 言 號 嫡 先生 始習爲常 鄠 盗? 悉 去。 日 其 能 孫 其 有 人 殺 至 未 監 州 人 默 萬 , 果 必 外 將 酒 從 從之, 不 衆 殺 至 人 與 承 税 事 蓋 有 敢 皆 人。」言· 之 謂 者 於此。 先生 重 有 言 之, 憚 至 某 口 以 既 今 之, 將 自 事 賄 後 先 御 孤 遂 救 未 盗 播 足下 生 亦 小 而 雖 其 訖 爲 官 死 聞 爲 私 遭 人 監 定 先 錢 不 使不 食君 推 償 祖 心 然 司 暇, 其 13: 典 生 新 州 不 怙 安 法 喪 所 自 將 主 而 力

於法,助君子使必成其美,又大抵類此。

妄意 者 及 可以 者 者 蓋 者 其 至 出出 和, 措之事 裕 忘 以以 之操 ,所學皆心 先生之教, 齊家, 创寒, 1、强者 空無 先生 單 茹 大 夫 衣 其 確 業 雖 追 可 無 已仕 實, 御 多棄官從 乎 不 則 以 拂 到 咏 要出於 冬, 甪 如 既 昔 治國平天下。 **低然無** 理,愿者有立 自 者 前 石 累 久而 忘 人之糟 得,無求 年 未 之學, 胸 爵 爲 據 嘗 而 不 禄, 中 己, 而已 一日忘. 粕 能 志 之 於外, 朝見 魯 而 不 去。 氣 志, 也 而 非若 重 士之游 變,身不 沖 朝 身 者 而 可 以故 其徒有 如 世 敏 夕歸 不 以 廷, 也 之士 與馬 脩 其 謹 甚 然久 屈。 門 貧 細 貧 飲 所

者謂 夫 呼 先 方 哭而爲之賛 道之行 生行 朝 廷 置 且 與 任 大用 廢 真儒 Θ 果 矣,不 以 非 人力所 惠天下,天下 幸而 先 能 生 爲 卒 也 · 有 悲 識 嗚

天地之心,其太一之體歟! 天地之化,

其太和 夫子而 足以 歟 陰自 然博 民未覺,而先覺者逝 不然,何穆穆不已,渾渾無 ! 頌 厚,萬物載焉 此 夫子之德,其 之運敷 其 不可得者,亦能觀諸天地之際歟 凝,消息 美敷 ! 滿 非以 嗟 確 融 虚 歟 乎 然 心 莫見 ! ! 高 其 滌 明,萬 涯 慮,默 孰 百 其 歟 謂 世之下,有想 而能言之士 形 此 物 契於此 道 覆 陽自 非 焉; 未施 以 此 其 敷 一,莫 見 此 隤 和

哀詞

吕大臨

授 流 之學, 風 善 嗚 政 呼 沢 斷 絶 没 去 而 聖 而 不 遠矣,斯 不 得聞。 可 見 文 以 へ喪矣。 章 明 師 句 訓 賢 詁 弟 先 子 王 之 傳

●「傳」,原作「之」,據成化本並《河南程氏遺書》附録

吕

渞 不 窮 反 求 口 玩 遺 諸 行 於 經 異 己 腐 儒 端 儀 則 諷 争 罔 誦)衡猶 度數 然 之餘 無 爲 不 得 與 隱 能 施 此 於 盡 之 儒 百 於 姓 術 天 日 使聖 下 用之末 則 若

衆, 不 心 所 惻 不 之 並 識 未至,不 篤 ,弗之 成成 可慢 安 立 知 躬 一, 知 病 也 也 而 先 洞 行 反之吾身 也。 生負 不 欲 見道體 不 措 和 應 力究。 吾 能 官有 以 欲 以 志 氣充浹,見於聲容, 也 遇 特特 移,聖 是 以 口 事 立之才, 善成 其 而 心 所 察倫 行 優爲,從容不 自 不 時 自 其 而 人 不苟 屑 任 足。 造 之 復 不 明 之重也,寧學 於約 窮 知 物 利 起而 潔 其致 大 ; 9 爲 寧以 其 極 學之要 也 己 不 雖 去 其 迫,然誠 然望之崇深 於 功 與 天 雖 所 就 物 事變 下之理 也 止 聖 其 博 其 之 自 吾 被 心 異 涣 文 懇 義 信 澤 養 至 感 然 而 强

夫位天地、育萬物者,道也; 傳斯道

得 也 者 極 先 生也 而 斯 其 道 文也 獨 天 也 智自 也 , 使 0 學 得,合乎天契乎先聖者,不 先生之德,可 振 不 已墜 卒傳, 之文,達 志 不 形容者 卒行,至 未 行 之道 猶 於 可 者 道 此 口

皆 易 名 以 也 所 元 豐 自 亦 得 各伸 年六 者名 其 月, 先 志 生 明 爾 之 道 德 先 生 先 卒 ,門人學 生之德

墓表

之 死 師 夫 不傳 善治之道 ,聖人之學 題 石 其 先 千 墓 生 名 日 載 周 明 顥 守 大 不 無 公 以 〈,字〉 道 太 宋 · 傳。 没 真 淑 先生。 師 明 伯 儒 諸 聖 道 道 致 淳 人之 先 仕 無 不 葬 弟 生 潞 以 善 行 于 程 傳 頤 或 道 治 白 伊 君 公 序 諸 不 世 111 文 伯 其 後 猶 無 彦 淳 所 善 得 博 之 潞 治 孟 無 以 或 題 太 直 明 刻 軻

明,爲 也久 早世。 以 遺 石 邪 矣。 儒 口 之爲 夷,谷可 表 説 經,志將以 天下貿貿馬莫 一傍,以 其 矣,先生出, 先生生 功大矣。」於是帝 開 功, 鄉人士大 墓。 歷 詔 堙 古之沉迷, 知 學者之於道 千 後 斯道 ,明道之名 所 四 至 大夫相 倡 白 覺 知 然後見 聖 年 所 斯 與議 學 聖人之道 之後 師采衆議 之, 民 旦 以 斯 知 一萬 示 日 天不整遺 名 所 人, 得 欲 古 : 向 得先 不 之 肆 而 辨異端 而 傳 稱 然 道之不 長 而 爲之稱 後見 存。 生 之 情。 天 哲 而 學 理 斯 後 勒 明 Ш 闢 於 滅

陳恬

曫

讓 其 弟 于 野 賢 哉 推 移之 先 以 治 生 事 人,不 始 君 於 ·爲 讜 孝 言 弟 而 忠謨 化。 孝 篤 民 靡 於 姦邪之言 有 親 争 弟 揖 友

明

道

作

縣

常

於坐右

視

民

如

几

懷矣。 弟。 深 之日 斯 感 大 材 窮 民 用 動 欷歔。 矣。 微, 方其 甚 如 服 誰 邇 該 允 夏之雲。 爲 初 蹈。 世之務。 胡 有 起,天下 舉 力, 奪之年。 以 本 教 終 於 進之君矣。 咸 其 正 賢 喜。 身, 默 哉先 粹 先生之道 識 然 惟 今其 生 洞 德 王 俾行 道 暢 温 超 西 今古 温 不 矣,天 然絶 其道 天 在 如 下 倫。 其 久 英 鈎

遺 事二十七條

字,却是自家體貼 先 明 道 生謂學者 先 生 日 : 日 : 出 吾 學 賢 來 雖 看 見《上蔡 顥 有 如 所受,「 此 語 録 顥 天 煞 用

只 人 工 衆後 是 夫 常見 箇 便成 風 伯 淳 以 風 動之也。 所 成 在 風 臨 則 政, 見《程氏遺書 有 便 所 上下 鼓 動 》伊 響 ĬΙ 應, 天 先 生 地 到 間 I

字 應 ·, 云 是 不 到 錯 顥 决 每 撻 H 了人。 常 有 媿 見 於 《龜 此 Ш 0 語 録 觀 其 用 心

至 誠 感 明 道 X 而 臨 人 民 八化之。 刑 未 嘗 見侯子《雅 不 用 言 亦 嚴 亦 威 然

爾 見 判 何 白 官 爲 日 者 皮 師 不 明 使 道 宰之相信 殺 師 ? 明 宰 主 簿 道 來 티 : 以 問 省 上 伯 如 之日 元 其 此。 淳 $\overline{\ }$ 兄 時 所 本 : 嘗 謝 見《文集·伊川記》,下 使 草 從 師 人不 · 説 漕 明 直 司 道 桑 爲 欺, 役 白 假 江 卒甚多 故 皮 公 東 假之 出 僕 轉 同 掘 運

秋 主 海 乃 猶 謝 能 時 伯 曰 師 如 見 非 直 淳 是乎 取,至言《易》,則皆 君皆通 是 尹 亦 洛 ? 然。 監 時 司 《易》者 嘗 往 不怒, 談 在 經 上元 也。 主 與 簿 鄙 監 景 敢 意 非 司 温 不 談 是 説 合 0 非 經 **^** 春 通 頤 而 大

安 之學不是。」上 明道 昔 見 上 稱 愕 介 然 甫 問 之 日 學 何 對 對 王

> 此。 《 詩 按《龜 几。 其 臣 身 \forall 若安石剛 不 神宗 Ш 猶不能 周 言 語 敢 録 公盛德,形容 周 問 遠 亦 褊 公之 自治 王 自 引 載 安 任, 此 語,稱 德,云『公 止 恐聖人不然」,恐當以 ,何足以及此。」 石 之學 以 「周公『赤 如是之盛 近 如 事 孫 何 明 舄 碩 之。 几 明 膚 見《遺 几, 《遺 道 如 書 臣 赤 聖 對 王 書 》 爲 人 舄 安 蓋 正 几 石 讀 又 如

書》,下同。 「安石博學多聞則有之,守約則未也。」見《遺

道 者 . 亦 而 荆 忠信 獨不 公嘗 參 公之 政 人也 怨 之 學 與 明道, 學 明 如 0 道 如 上 捉 壁。」 論 且 事 風 日 言 不 後 難 合, 此 來 行 逐 因 世 雖 謂 不 附 未 明 先 知 道 生

議 其 也 就 時 今 不 行 當 日 新 時 甫 之事 政之改, 則 天下岌岌 直 决其去。 , 塗炭 數 亦是 事 天 乎 伯淳 吾 殆 下 前 黨 哉 9 於上前 亦 争 去就 須 甫 兩 有 若若 欲 分 與孫莘 大 去 其 青苗之 過 數 罪 矣。 成 口

文字 數 刑 聽 意 猶 廷 人 必 遂 後 事 流 何 П 介 口 甫 0 群 四。 誰 行 是 坐 用 甫 得 妨 天意,文字更 水 何故?」介甫之意,只 却 大怒 自 臣 伯 從 不 ?」伯淳云 貶 伯淳嘗言: 不 要得 以 淳 家 無 伯 得。 意 伯 願 此 順 則 而 淳 淳 不 能 黨 遂 從 人心」,今參政須 爲 要 伯 當 善 求 伯淳 任 每 分 以 也 擔 1 天 淳 言 從 陛 對 以 矣。 ? 死力争 棋 復 當 當 遂 職 容 下 陛 却 遂 其 何 「今咫 T 此 待 事 下 管 道 介 苦 幸 至 日 見 用 事 者 罪 仲猶 不 甫 老受 如 不 於上前 Ŀ 於 而 宜 尺 、恐始 曾 以 青 既 道 中 介 大 能 輕 欲 但 天顔 約 使 今 苗 書 而 要 甫 抵 言 做 去, 用 日 爲 ,上爲之一 束 言 除 大悖 做 之 上 且放 兵爲 尚 之 順 而 人 此 以 而 出 意 意 . 不 不肯行 患 人心 所 感 京 大 上 順 **\$** 過 不 亦 不 2 觀之, 言 沮 賢 西 綱 問 能 有 緣 當 又 尚 欲 以 且. 者 提 是 誠 其 朝 甚 少 只 如 無 抑

> 朝 苟 職 以 是 詆 如 於 廷,不干 以 是 許 大 1 去 而 抵 前 爲 去 自 説 事 則 落 爲 仁 1 理 是爲己, 便 賢 祖 其 宜 習 朝 他 優 以 此 昨 尚 容 成 小 來 有 諫 風 文 諸 私 臣 字 惟 君 意 當 恐 只 蓋 在 人言 言 是 未 却 職 備 免 不 者 禮 在 稱 而

它天意 當 當 日 寒 理 不 贵 時 初 便 會 孟 津 欲 也 事 學未至,意未誠 今日朝 不 此 故 只是理會學,這 是 誠 特 自思則 命 可 廷 人動之, 笑 惡之深。 所 也 以 如 特 據 此 誠 其 惡 當 以 裹 如 忌 德 時 然 吾. 動 河 伯 尚 今日 自 事 濱 則於他 淳 薄 勢,又至 處 之 者 許 人 無 猶 大氣 捧 以 以 輩 於 感 自 其 土 有 艷 以 家 動 所 口

新 法 程伯淳先生嘗 並 用 君子 小人。 日 君 子 熙 正 寧 直 初 不合, 王 介 甫

❶「此」、《河南程氏遺書》卷第二上作「此則」。

❷ 「却則」、《河南程氏遺書》卷第二上作「却」。

之 之 甚 争 折 可 日 佞 以 司 敵 理 爲 脩《 也 介 馬 爲 則 刻 0 甫 君 俗 俟 執 起 甫 則 見 薄 實 被 學 其 居 小 邵 謫 不 人 注 勢 爲 故 愈 氏 不 拜 聞 無 害 堅 > 久 有 通 介 得 同 見 隙 自 天 才 録 世 甫 罪 知 以 君 緩 下 務 性 樞 知 乘 張 益 子 委 狠 變 密 既 天 斥 深 其 曲 愎 院 通 去, 祺 去 爲 平 以 使衆 衆 自 用 害 · 章 所 去, 監 小 人 之。 不 用 皆 君 人 范 尚 察 至 皆 子 苟 以 御 如 有 堯 君 小 未 爲 聽 容 此 史 夫 子 從 之 與 不 辭 如 謟 面

直 送 起 象 然 是 全 吕 見 小 是 日 則 别 聖 眷 申 於 士 申 别 眷 其 夫 公、 人 孟 然 志 在 明 子 面 又 司 哉 天下 渞 傳 在 詩 馬 去 先 ? 聖 天 寄 温 則 生 或 下 人 温 諫 公 窮 却 之 或 家。 公,二詩皆 於 日 是 温 道 家 其 之 如 雖 公 君 力。 故 與 此 不 然 而 常 日 見《文 起 不 如 且 人 : 兀 受 志 此 豐 看 集 明 於 道 聖 子 中 則 在 其 去 作 悻 贵 有 功 若 就 意 詩 名 詔 氣 悻

> 體 之。 日 官 簽 詔 法 X 有 李 者 本 判 以 却 時 末 定 程 乃 皆 吕 極 有 申 以 顥 分 得 講 止 論 公 顥 口 責 明 學 列 上 嘗 判 議 見 不 明 武 疏 爲 胡 皆 論 放 道 學 御 氏 略 過 辭 獨 久 傳 史 顧 意 除 家 益 論 臨 步 録 提 忠 疏 新 權 刑 厚 通 顥 法 開 作 兀 豊二 辭 臺 不 立 封 與 且 身 府 不 官 失 臨 其 行 受, 推 年 時 臣 在 併 官 子 言 言 改 可 路 素 罷 除 諫 新

禮 之 校 境 知 成 生 洫 其 之 義 内 施 日 之 利 法 吾 扶 邑 至 訓 民 爲 溝 以 狹 治 經 以 M 地 有 子 也 然 畫 之, 卑, 扶 年 弟 繼 後 + 溝 饑 而 教 之者 未 歲 爲 里 之 道 之, 歲 及 有 盡 之 之 免 地 矣。 興 水 亦 地 興 於 盡 早, 工 故 幾 廢 死 爲 夫 以 吾 成 明 而 繫 亡 爲 溝 開 於 道 先 而 焉 令之職 洫 其 扶 飽 先 廢 生 端 是 溝 食 必 去 生 後 數 開 逸 數 夫 官 經 之 事 百 設 居 必 年 畫 學 使 有 先 溝

未 忧 命 90 之 及 成 見 興 贵 庭 廢 聞 藁 則 不 録 有 非 矣 命 與 此 吾 然 所 知 以 ൬ 不 不 敢 爲 不 盡 而 責 心

語 專 録 和 氣 明 道 終 所 謂 日 望 坐 之 如 儼 泥 然 塑 即 之 然接 也 温 渾 見 是 E 蔡

然 是 戒 惻 譎 輕 片 乎 諫 感 旧 飛 動 隂 愛 凡詩 世 矣。 君 0 伯淳 ,又云「莫 之意 何 必 如 見《龜 其 使 東 先生 言 ,言之安得 温 坡 Ш 之 詩 柔 愁 語 一詩云「 無 敦 只 録 盏 罪 是 厚 酒 也 未 譏 無 + 聞 須 誚 罪 者 分 聞 愁 醉 朝 知 之 聞 日 廷 戒 者 之豈 只 暮 亦 恐 無 所 足 且 風 天 至 以 際 自 花 以 誠 尚

曾 樂 道 近 將將 先 午 點 夫 生 底 學 謂 作 者 事 傍 偷 鄠 須 閑 花 般。 是 縣 學 隨 胸 主 少 柳 先 簿 懷 年 過 生 時 擺 前 又有 有 脱 看 111 詩 得 他 0 詩 開 K 胸 時 云 始 中 得 直 不 雲 0 是 識 閑 淡 不 好 來 子 風 見 無 輕 與 心 明

> 物 便 道 過 他 住 倒 思 事 何 自 能 者 此 ? 爲 所 所 X 不 便 得 能 存 化 過 放 風 所 從 是 謝 兀 存 者 却 雲 過 者 容 豪 带 日 者神。 化 神 化 變 雄 謝 忒 : 佳 睡 態 0 ,甚 早 日 興 覺 便 問 中 問 : 在 他 與 能 東 親 横 裹 不 牕 所 渠 切 富 0 吕 是 同 過 0 日 云 見 貴 岩台 擺 明 周 見《上 者化 箇 性性 伯 不 道 道 恭 脱 紅 甚 淫 下 門 得 通 蔡 叔 道 爲 貧 擺 得 開 語 天 恁 萬 録》,下 能 理 賤 所 脱 地 地 只 物 過 樂, 轉 得 存 有 放 便 爲 静 口 神 者 語 開 形 能 開 男 立 觀 化 好 兒 皆 物 所 爲 不 如

轉 但 又 日 優 : 兩 游 明 伯 字 道 玩 古 點 淳 味 先 平聲 談詩 生善言 吟哦 所 以 掇 並 上 貴 詩 下 不 地 親 ·, 便 下 他 念 炙 過 又不 之 使 字 也 便 曾 訓 教 有得 章 詁 人 解 省 處 有 句 悟 時 只 又

道 與 語 伊 111 直 與 是 君 道 實 得 語 下 終 日 無 句 相 合 明

更 明 商 道 量 先 生 伊 龃 ĴΠ 門 則 人講 直 日 論 示不 有 然」。 不合者 見《外 則 書

言 淳之言 舖 有 陳 康 宋 晦 條 節 邵 熙 暢 叔 寧 先 之言簡 之間 生 几 作《 . 賢 洛 大 當 四 陽 爲 賢 之望,是以 吟 君實之言 時之壯 **※**云: 優游, 在 彦 見 或 《擊 之 之 壤

辭之。 泣。 大臣 州酒 日: 丞曰 洛 公之子宗 與元 兵部 兵 官 故 兀 同 念先 部 相 豐 列 豐大 司 一公果 師 日 會 韓 八 \Box 皆 馬 帝 兵 以 年 康 謪 臣 部 君 檄 見 公 作 官 同 今日 實 知 日 來,舉哀 爲 何 月 相 : 之 顥 留 憂 五. 吕 若 獨 當 朝 ? 恩 守, 日 晦 顥 先 如 除 廷 於府 宗 程宗 叔 終 以言 分 監 神 之事 何 作 無 派 ? 司 黨 宗 相 以 顥 新法 丞伯淳 日 與 升 如 既 宗 矣。」 報 何? 遐 罷 不 派 他 不 9 敢 兵 \exists 便 謂 爲 日 詔 日 元 當 部 汝 而 忤 口 康 至

> 濟於 之, 爲 此 直 則 大 邵 温 公果 難 善 臣 事 氏 今四 聞 時 朝 公、 皆 與議 見 並 嗜 申公所 范 録 + 則 相 不 利 年 醇 元 晦 然 者 夫、 祐 而 召宗 叔 重,使 其言 朋 衣 朱公掞 解 使 冠 黨之論 丞,未行, 事 自 之害 益 不 變 驗, 恐 早 其 杜 力 未 無 死 故 已 孝 不 自 艾 以 表 甚 錫 更 足 也 而 疾 而 害 相調 爾 卒。 伯 起 出 民 0 君 温 之法 護 宗 既 實 百 聞 協 忠 派 論

書。 川 不存矣。 見《文 先 生《 集》。 墓 然誌 誌 \approx 文 作 韓 不 公 傳 持 於 或 世 撰, 韓 孫 氏 家 公 集 曼 經 叔

福 天下人也 或 問 明 道 無 於 福 富 韓 見《治法 公。 陵記 公 日 : 伯 淳 無

宜 路 幾 頁 叟云 乎子 院 不 對。 點 陳 路 忠 檢 之不 葉公當 肅公當作 官 葉 適 對 公 與 世 也 沈 校 賢 ~ 責 諸 者,魯 書 予元豐乙丑夏爲禮 梁 沈文》,送其 郎 問 范 孔 有 公淳 子 仲 於 尼 夫 子 而 姪 同 路 不 孫 9 淵

云:「自是每得明道先生之文,必冠帶而後誦之。」來,嘗以寡陋自媿。」見《陳忠肅公集》。《范公遺事》南,實未知也。』時予年二十九矣。自是以問公曰:『伯淳雅也?』公默然久之,曰:公嘗論顏子之不遷不貳,惟伯淳有之。予公嘗論顏子之不遷不貳,惟伯淳有之。予

伊洛淵源録卷第三

=

伊洛淵源録卷第四

伊川先生

年

譜

常 驚 以 明 録 道 高 明 道 學, 之 龃 \pm 口 .識 子 即 生 先 受學 功 道 皇祐 先 於 所 延 非 時 生 且 明 爲 生 見 好 禮 海 道 鄰 於 名 乞 何 不 元 陵 春 齋,首以 處 年, 頤 年 學 召 動 生 胡 陵 王: 以 論 對 0 靈 年 字 申 翼 周 學 見 + IE. 爲 伊 試 之 茂 面 職 師 語]1] 念 叔 叔 諸 先 陳 禮 生 録 見《文 先 生 所 於 生 **%**0 朏 明 事焉 明 學 生。 方 書 世 得 年 道 道 集 主 俗 先 闕 二年 先 十 見 既 不 教導 之 下 生 生 四 癸 哲 吕 報 而 論 9 之 所 西 五. 宗 希 勸 0 川 弟 試 徽 方 嘗 哲 間 幼 期 與 宗 世 之 宗 有 原 以 遊 非 明 實

> 學, 學, 擇 器,伏望 當 濟 屈 出 行 即 治 士 願 嘉 物 群之姿。 人 命 諸 言 命 仕 平 得 祐 從 之才, 材,先生所 臣 駕 生願 衆博 日 任 游 也 嘗與 過 几 熙 特 之。」 子 年 者 非 以 得 士 寧 (之語 嘉 見《文 即 恩 不 同 以 伏 廷 日 又《雜 間 祐 薦 見 先 次 拘 爲 試 益 四 數 南 洞 集 旌 師 生 士 輙 年 近 衆 報 十人,以 明 省 之 用 曲 記 推 臣 已 進 罷 0 經 臣 儒 居 又 與 士 方 與 術 〈案《吕 屢 見 明 敦 徒 殿 程 治 領 遂 父表弟 薦 族 道 通 吕 有 請 試 頤 平 或 古 不 人。 行 偏 爲 申 氏 子 \equiv 年 自 自 今 狀 太學 長 公家 復 童 年 張 監 後 \equiv 治 以 蒙 載 云 九 見《涪 試 + 絶 親 使 亂 IE. 傳 暨 爲 訓 月 意 四 之 在 往 弟 有 進 學 要, 云 公 先 朝 敦 頭 太 神 陵 取 廷, 不 舉 請 知 生 特 爲 中 實 宗 記 蔡 古 立 足 稱 進 公判 必 卒 往 嘗 有 善 公 之 辭 州 首 , 使 爲 經 不 來 録 士 操 屢 推 或 將 世 太 公 太

仕 公光 集 絳 好 進 Ŀ. 與 古 真 吕 一其行 一、尚 兀 儒 申公同 安 豐 者之高 貧 書 義 八 守 左 薦劄子》 節 年 於 丞吕 蹈 言 朝 哲 必 聖 忠 日 宗 世 公 見《 之 信 公 嗣 逸 哲 動 宗、 著 臣 位 民 遵 等 及 禮 徽 竊 伏 義 門 西 宗 見 望 實 河 京 下 特 年 録 南 侍 加 踰 留 處 召 Ŧi. 守 郎 士 案 + 程 韓 司 温 不 頤 公 馬 力 公

席,豈 之道 知。 貫徹 至言 天下。 西 變斯 儒。 行相 召 無 放所不 必 勁 云 頤 日之積,有 次, 能 正 京 赴 究 以言乎才,則開物成 善之或 俾之日侍經 文。」又論 正 輔 顧 至此 不 有中立 闕 或 一才,而 先 足 揆頤 論 及知者。 養 是 而 盛 王之藴, 以 子 聖 無 時 所 哉 而 矜 之賢 ,擇,仁 遺 德 諫 以平 監 ・・十一月丁 傳。 無 經天緯地之才,有制禮作樂之具。 不 式 , 啓 官 倚 教 朱 觀 筵,足以 1: 以 毫之爲間。❶ 達 况當 治天下之道。」又謂: 摶 之風 迪 義 祖 其所學,真 光 類 授,見《實録 言乎學, 當 天 在 宗 裨 庭 放 世 天子 聰 躬 識 又言 未 時 務, 一之務, 益 發揚 而 起陳 必 慮 風 進學 而 則 不 Ė 頤 能 正 明 八得 聖· 化。 聖 矜。 無一 博 道 摶、 乃 以言乎 過 君 徹 訓 之初, 通 德 授 天 之; 心, 又 种 若 人之傳,致思 至 理之不總。 古 純 民 汝 先 案《 放, 爲天 用 知 今, 備 之先 德 兼 若俾 州 頤 斯 幾 生 則 掌 胡 高 學 頭以 而 之道 團 下 其 風 學校 覺 并 文 問 再 真 無 ·福。」又 神之妙 聖 練 包 素 俾 定 言 淵 儒 是以 辭 乞訪問 節 足 一衆美, 乎 力 則 當 博 公 推 物 代 得 行, 道 文 有 勸 材 專 聖人 之不 以 之真 聞 謂 官 尋 摶 講 則 非 經 而 其 於 不 資

伏 見 程 兀 頤 祐 學 元 極 聖人 年 、之精 月, 微 行 至 全 京 君 師 子 之純 王 粹 巖 早 叟 奏 與 其 云 兄

> 爲陛下 之士,皆將相 如 顥 臣 詔 何, 願 闕 俱 陛 下 以 處之者當 盡 下 德 四 其 加 名 方俊义, 用,則 所以待之之禮 顯 招 於時 否 而 爲 所 莫不 而 朝 陛 得 將 廷 下 不獨 議 翹 出 復 焉 首 矣。」 擇 起 頤 鄉 所以處之之方, 頤 則 風 人 陛 而 用 而 以 下 之。 已。 此 觀 舉,繫 朝 頤 四 廷 趨 海 而 所 天下之心。 召 潜 使 以 以 待之者 高 光 賢 隱 待 得

所以 將 受之間 遂可自 者。 得 見 功深,静 下之人歸 除 日 而 程頤京官,仍與校書 以 : 後 品 願 見、未 爲崇政殿説書,先 除宣 觀其 陛 命之以官 品 ,兩得之矣。」於是召 而閱天下之義理者 而進 下 心 祖宗時 於盛德也。 一召見之,試 德 敢 頤 臣 則 然非 郎、 祗 布 以 頤 命。」王巖叟奏云: 頤 郎, 祕 當之而 衣 爲 然 抱道養德之日 以 頤 被 書省 足以見 臣 多,必 也 召 品 欲 言 生辭 對 無 品 愧 校 成陛 問 有 自 之 陛 嘉言以 爲國之要,陛 太 誠 陛 不 下 有 書 下 久,而 下與之而 優 獲,始受西 皇太后 故 尚 郎 之美耳。 禮 新 有 事 臣 高 潜 聖聽。 以 伏聞聖 賢 先 神 爲 今 不悔,授 下 面 陛 積 陛 而 生 臣 至 恩 喻 下 慮 使 此 下 明 未 辭 之 臣 天 特

⁰ 爲」,《 集》卷九十八《伊 河 南 程氏 遺 11 先生 》附 録《 年 伊 譜 11 並並 先生年譜

洛 淵 源 録

四

三道 殿 際 居 行 儒 事 中 目 性 侍 重 秋 尊,未 説 宿 命 其 重 規 動 見《文 輔 敢 義 書 道 諫 息 仍置 其 直 不 固 養 被 Ħ. 之心, 集》。 E 就 爲 命 以 不 陳 1 見 其三, 經 精 而 職 請 急 語 奏 説 使 矣。 實 筵 又 先 論 宜 寅 講 録 案 侈 上 道 論 祇 既 請 經 《劉 畏 官 事 左 義 靡 選 如 應 爲 而 **\$** 筵 先 忠 祇 右 所 賢 之 不 其 内 非 講 命 肅公文集》有 生 懼 内 是,蓋 德, 物、 口 或 臣 以 下 官 事 再 之德 侍 用 小有 坐 涵 辭 以 0 淺 宫 以 不 一講 養 備 其 願 俗 知 0 通 而 違 氣 講 先 聽 章 之 使 皆 後 直 而 以 生 疏 其 質 官 言 伺 選 受 郎 養 日 以 出 論 辭 若 接 充 得 老 命 處 先 人 薰 大 + 語 生 崇 言 主 在 於 以 成 使 富 陶 劄 默 辭 政 尊 隨 宫 陪 耳 厚 德 之 春 鬼 口 子

監 德 輔 長 日 導 貳 見 E 四 ル 看 文 月 殿 主 詳 問 不不 例 國子 起 五 宜 以 居 月 監 疏 暑 條 因 略 熱 差 制 得 如 罷 司 此 從 孫 講 見《 容 覺 乞令講 實 納 先 顧 録 誨 生 臨 奏 先 以 官 及 言 輔 以 或 生 所 六

宗社 侍 今間 養之 密 是 尊 上 月 步 六 Ŋ 書 厚 去 \equiv 至 争 定 胡 罷 月 體 者 賢 承 不 風 利 宜 陳 宗 則 殊 大 弼 堂 離 道 非 講 生 教 誘 愈 亦 侍 説 學 概 上 切 非 宜 之意 靈 謂 數 ; 日 正 仍 義 直 非 疏 官 以 以 教 講 + 先 長久之計, 舊 習 及置 理 徒 而 至 太 省 爲 延 召 養 帝 條。 業 講 學 繁文,以 皇太后 中 乃 涉 天 解 聚 而 之道 請 因 日 一待賓 校 士 仍 秋 釋 書 可 見《文 下 教 是 俟 以 宰 禮 且 選 以 數 史、覽古 深 道 之, 學 9 初 不 臣 吏 以 詆 義 惟是 言 請 臣 行 *,教 涵 集 德之士; 專 秋 接 史官 先 師 更不考定 邇 **%** 相 僚 改 養 委任 人以 生, 今 儒 爲 英 齋, 先 家 即 薫 輔 試 舊 臣 益 皆 今而 日 謂 經 迫 之 + \$ 陶 爲 養 實 立 ; \equiv 既 至 溢 不 地 講 殆 録 課 E 觀 大 少 成 己, 宜 舍 * Z 鐫 暑 高 勵 9 官 使上 非 德 光 使 科 而 至 就 解 行 下 歲 要 輪 古 又 在 條 法。 有 月 聖 急 檢 額 禮 朝 古 自 使 恐 子 日 而 所 使 德。 廷 已 部 跬 日 輔 爲 几 如 制 精 尚

兼 後 有 楹 舒 上 不 它 所言 進 泰 宰 垂 報 職 業 悦 簾 臣 史官 請 易 其 而 太 亦 以 於 請 罷 皇太 上 后 侍 自 達 之, 德 今 后 未 使 所 時 餘 必 得 繫 月 H 無 積 尤 再 臨 講 補 誠 大 講 之, 於 意 於 延 又講 且 不 崇 以 和 使 惟 感 政 殿 講 讀 省 上 殿 官 官 察 间 心 例 欲 然 主 後

非 明 其 職 類 甫 辭 且 官足 夷 以 言 不 則 布 子 甫 古 而 受。 八月 以 衣 先 辭 辭 談 行 人 切 生之辭, 受 朝 見《文集 道 差, 受之。 蓋 道 取 乃 神宗 前 舍, 德 可 兼 \mathbf{H} 受 及 欲 所 判 亦 出 伊 鮮 以 優 不 不 楊 登 領 JII 不 其 知 以 然 時 聞 先 禄 仕 之。 訴 爲 日 是 者 **令** 生 鼓 是 訟 : 苟 爲 故 也 爲 兼 院 講 事 禄 常 道 數 非 官 道 也。 公之受, 也 局 與 用 先 朝 則 如 禄 然 廷 生 今 鼓 仕 後 亦 之 引 日 院 不 人 # 欲 之仕 同 體 前 不 道 染 使 學 以 兼 院 常 説 再 不 須 它 爲 夷

英 時 暑 召 熱, 講 官 年 乞就 文上 至 簾 崇 前 疏 政 論 問 延 延 E 和 和 進 講 殿 學 讀 或 次 垂 它 第 簾 寬 事 凉 又 奏 處 H. 講 彌 乞

> 辯 爲 以 時 講 則 脩 讀 之便耳 自 是 尊 臣 展 君 所 邇 給 則 仁宗始 爲 請 英 事 誤 閣 説 遂 中 非 主 矣。 顧 若 E 就 而 先 臨 知 臨 不 邇 生 然 以 之 見 知 英 復 祖 殿 意 尊 上 臣 宗 1 而 也 君 疏 講 講 職 以 之道 當 官 來 讀 今臨 以 輔 立 爲 爲 並 導 侍 之意, 不 脩 若 是 不不 口 展 蓋 殿 以 邇 得 其 不 從 有 上 英 调 坐

學 忘 文 説 富 才 章 潜 義 其 也 思存 非 日,當講「顔 常於文義 貧賤 ,乃復言 有 周 先 能 而 誠 生 簟 不 君 ,冀以 在 食 爲 事 經 魯 瓢 富 日 之外 子 也 筵, 感 君 飲 主 : 貴 不 動 將 用 崇 每 所 改 反 何 上 陋 當 高 捨 移 季 其 意 以 復 巷 進 如 氏 樂」 奉 爲説 之士 推 上 此 養 見 且 章 魯 明 《文集》。 備 顔 或 必 非 門 歸 子 宿 之 極 及 後 人或 之人 蠧 義 齋 世 王 苟 而 在 也 豫 之 佐 不 既 疑 其 躬 戒 此 而 知

聞 之。 者 日 歎 : 見《文集 服 不 見 於 胡 此 氏 不 盡 論 知 語 心 者 詳 竭 或 説 力, **%** 誚 其 而 而 哲 於 委 宗 何 曲 所 己 亦 字 尊 先 生 患 中

常 少 太 録 乎 甚 乎 休 ? 師 一,先 首 不去 肯 平 然 生 章 入侍 或 重 服 也 事 之 藥 際, 或 即 侍 或 容 日 立 以 貌 就 終 問 極 醫 日 先 莊 官 不 生 問 懈 時 起 文 1 居 潞 雖 君 公 喻 見 之 以 以 語

嘗 爾 \Box 衣 潞 0 聞 職 公 先 輔 1 几 生 在 導 有 朝 宫 是 日 亦 大臣 : 中 不 乎 起 敢 ? 行 事 願 __ 不 上 漱 幼 陛 自 水 主 日 重 下 不 推 也 必 0 得 此 避 然, 不 見 心 螻 恭 以 蟻 邵 誠 氏 及 恐 聞 大 吾 四 見 傷 請 以 録 海 布

嚴

視

潞

公之恭

,

孰

爲

得

失

八?」 先

生

日

公聞 折 枝 之亦 先 生 不 日 不 進 悦 悦。 9 講 或 罷 : 見 云 馬 未 永 恐 退 卿 方 無 所 春 此 編 上 事 發 《劉 忽 生 諫 所 起 議 講 憑 不 語 書 檻 口 且 有 戲 無 云 折 故 容」 摧 柳 温

則

天

F

幸

·
甚

0

見

語

録

問 喜 習 以 時 名 上 而 베 肾勿 之 之, 所 思 輩 用 開 百 樂 御 也 吉 方 官 講 養 臣 日 置 禮 切 以 罷 成之,不 復避。」見 則 以 : 下 冬至 宴, 請 見《文 吾 黄 則 尊 進 先 不 崇慶 覆之, 改 大 之 言 表 集 敢 賀 生 事 過 可 賀 日 不 又 爲 用 宫 語 甚 以 : 嘗 日 諫 奏 慰 録 樂 先 物 而 聞 不 請 口 生 也 驕 人 戒 後 及 言 時 0 矣。 罷 心 主 上 苑 除 神 宴, 請 先 生 一之勢 藩 以 宗 今 喪, 自 生 爾 邸 日 金 之喪 特 節 今 有 日 嫌 製 設 序 舊 司 此 不 名 水 未 宴 變 除 名 皆 患 又 也 遷 除 桶 嫌 喪 將 不 近 0

問 生 經 知 而 之,俾 之,先 後 曰 筵 承 受 在 命 受 職 户 生 吾 張 累 部 今 日 月 平 茂 特給 日 不言 生不 則 乃 嘗 焉。 某 爲 禄 啜茶 招 起 妻 諸 又 吏 於 求 講 不 亦 亦 草 封 官 爲 弗 不 萊 乎 啜 妻 致 ? 識 茶 求 畫 既 辭 觀 見 邑 而 封 畫 不 竟 語 諸 或 先 公

怨之端 令具 議 秦、 素饌 往 子 哭 筵 日 以 序 盛 而 顧 歎 往 王 則 解 用 吊 兩 如 避 於是 0 黄 一公繫 日 兩 喪 肉 肉 不 省 色。」又案侍御 范 畫 又 制 見 讎 : 0 歌 而 食 禮 食 子 官 案蘇 諸 以 蓋 於 日 食 年 矣。 龜 瞻 先 欲 由 日 上 居 禮 哭 肉 自 贵 録 龃 公 詰 往 Ш 生 真 是 多 及 喪 此 則 軾 無 可 其 元 奠 之 語 害。」蘇 不 始 奏 臺 侍 不 不 又 智 亦 口 祐 司 吕 録 日 狀 從 諫 歌 侍 鮮 爲 飲 赦 初 史吕陶 以 講 朝 馬 ×0 又《 申 官 即 亦 酒 于 劉 類 才 經 光 崇 天 公 自 也 軾 之 破 或 語 氏 綽 T 不 不 家傳 筵 政 正 遂 云 蔬 日 下 者 言 巧 士 云 録 食 言 是 傳 叔 殿 饌 以 却 左 *\frac{\times}{\times} 自 門 爲 恐 歌 有 説 肉 時 聞 》及先 信 鄙 不 往 o 祖。 則 無 謗 任 時 書 語 臣 録 好 以 吊 然 先 程 明 忌 范 不 此 素 学云 程 佛 戲 喪 以 於是 頤 堂 詆 文 哭。 生 日 生 事 淳 論 IE. 或 疾 程 麤 降 言 之子 胡 忌行 夫 章 程 講 叔 頤 議 喪 糲 坐 赦 曰 范 爲 歸 當 今已賀赦了 見 文 某之姦 以 衆皆 客 名 之 褒 説 舊 淳 食 端 遂 香 排 食 臣 潞 其 餘 龜 有 夫 素?」 子 世 例 貶 中 食 輪 僚 肉 大笑。 難 門 也 伊 Ш 退 公 輩 未 所 稱 爲 爲 行 一子 遂 之 111 於 語 嘗 者 食 無 食 撰 相 非 賀 先 香 具 **\$** 日 是 嘗 録 會 是 訖 疾 所 甚 與 與 齋 蔬 供 瞻 生 結 却 H 假 集

> 之, 論 觀 派 111 申 饌 有 公爲 過 沮 力 遂 内 劉 其 止 立 翰 非 門 相 故 毁 敵 蘇 蘇 者 凡 及 極 矣 子 黨 誠之。」 伊 事 無 膽 蓋 111 是 有 不 因 不 疑 後 肅 以 又曰 相 宰 也。」 蔬 鄙 必 知 相 饌 語 質 耳 蘇 亦 戲 于 又 子 不 伊 IE. 案 朝 容 行 叔 JII 廷 劉 \Box 欲 諫 : IE. 又 進 以 議 叔 語 游 退 門 公未 盡 人 酢 録 人 才,二 言 爲 朱 可 云 集 某 公 如 官 蘇 掞 亦 此 有 蘇 疑 時 輩 右 異 頌 伊 吕 銜

間 説 疾 放 仲 御 不 先 曰 由 還 亂 大 知 殿 生 : 奏先生 退 田 是 以 可乎?」 太皇不 不 里 詣 日 償 大臣 知。」先 宰臣, 恩 以 赴 當獨 讎 示 汙 亦 講 翌日, 典 多 問: 下 遍 生 會 刑 坐 致 謁 憸 不 日 上 市 宰臣 貴 巧 悦 : 上 井 且 瘡 臣 0 素 目 疹, 人主有 以 不 加 歷 無 爲 先生 諫 御 不 聖 造 鄉 Ŧi. 議 殿 坐 臨 臺 行 鬼 疾 言 大 之魁 諫 己 朝 知 奏 夫 經 而 累 否 騰 筵 孔 請 大 日 請 陳 問 臣 口

^{●「}破」、《河南程氏遺書》附録《伊川先生年譜》作「並

筵,切 聖 然此 又《文 必 朝 諫 者 年,然後舉之,此二 術 實 程 家傳》云: 自 以 存 言 官 抗 皆 有 傾 謂 爲希闊之美 以 行 頤 知 百 臣 大臣 爲 類 駁文仲 用 補 王 頤 誼 對 爲 直 懷 於皇帝陛下 仲 每 日 大侫 巖 至 便 小 稱 聖 頤 不 軾 思之,不 之累 天下 ..傳》 黨。 叟、 殿 爲 人所 明 如 以 意。」又《吕 月 朝 大邪, 臣 無 所 載 元 朱 自 意氣役臺 蠢 共 年 輩 陛 與 事 據 紿 臣 論 吕 光 祐 布 不 知 叨 人相 無 下 0 申公之言 雖 猶 朱 庭、賈易皆素 貪 進 衣 九 新 曉 慎 路終老 愧 一人者 而 光 豫 備 年 申公家傳 學, 除 《録 憤 黷 事 司 接,不爲 擇 勾 也 纔 庭 不 諫 講 崇 奏 鬱 請 經 馬 非 及 故其 在 》皆 事, 果。 職 嘔 爲 西 政 其 求, 曰 光、 今 筵之官 外, 歲 浮 殿 爲 血 日 (言皆 删 京 語 臣 實 奔 講 餘 薄 使 關 吕 》亦 説 而 欺 無 已 非 之,失其實矣。 甚 推 或 走 死。一〇 輩 防 説 臣 頤 公 書 罔 即 乞去職 所憾矣。」 激 敢 如 誣 載 伏 交 所 受 著 ,天下之士 伏見元祐之初,陛 子 文 未 以 以 罔 語 切。 望 其 頤之經 結 使, 頤 仲 誣 皆 誤 監 習 人 頤 非 常 與 之賢 案舊 爲 图 與 言 聖 也 繁 以 吕 實 朝 且 若 蘇 之 頤 罷 又 聰 害 云: 多 大防 也 廷 先 行, | 録 乃 見 復 謗 軾 謂 臣 相 之。 善 事 也 皆謂 又《范太史 舊 召 3 所 生 於 知 足以 良。 蓋 久 故 頤 體 「文仲 固 頤 劉 誘 公 頤 欲 草 實 不 當 欲 頤 既 得 勸 多 脅 之經 茅之 正 + 下 晚乃 爲 輔 知 時 以 在 而 録 妄 就 之 者 召 頤 導 臺 故 言 經 餘 本 王 論

> 召。 政 除 年録》云: 道 而 頤 年,服除,除 又不報。 得。」三年, 説 五. 而 職 直 不 服 蘇 月 監 纔 同, 除 軾 秘 再 先 進 察御 得 欲 在 閣 改授管勾崇福宫。 生 禀, 互. 判 翰 朝 相 與 奏 再 便云 林 西 元 史董 館 五. 非 官。 亦 京 祐 又請, 辭 乞 職判檢院 年正 直 毁 國 但 七年三月 多附 歸 一秘閣、 子 敦 極 頤 恐 \blacksquare 監 不肯靖 竟爲 逸 論 月,丁大中公憂去官。 皆 之 以 里 者, 簾中以 奏以 儒 不報。 四 初, 判 蜀 罪 者 遂 日 黨 頤 日 西京國子 罷 延 有 進 簾 所 爲 : 見《舊 在 其不靖 洛 擠。 中 和 經 退之道 有 乃乞致仕至 則 黨 筵 奏事,三 其 怨望 臣 録 今 所 蜀 歸 説 令只與 又適 黨 本 監。《王公繫 授 其 之 故 未 輕 門 一省 布 見 官 不 軾 論 頤 《文 西 進 拜 躁 弟 不 甚 監 呈 再 轍 復 黨 大 得 遂

8

⁰ 晚 文公文集》卷 原 闕 據 河 南 九十 程 氏 遺 書 附 録 伊 11 先 生

² 憤 》并《朱文 」,原作「噴」,據《河 公文 集 》卷 南 九 程 氏 遺 改 書 附 録 伊 111 先 生 年

朱文公文集》卷 語 闕 《河 九十 南 程 八《伊 氏 遺 11 先生 影附 《伊 11 先 生 年

疾尋醫。

見 黨 之命 孟 知 E 之, 《實 子 論 先生 既知天,焉用尤 録 放歸 元祐 乃 族 族 子 門 田 九 一再辭 至 子 年 里。 愚不足責, 公 謝 9 哲 不 兀 孫 良 就 宗 年 佐 滅氏 與 初 邢 日 見《文集 親 ? : 故 恕 政 月, 之 見 是行 申 情 送 爲 語 涪 厚 秘 紹 爾 録 不 也 州 聖 閣 敢 編 間 先 良 西 疑 佐 生 監 以

受 然吾之不 位 職 年 宣 録 後 户 德 門 命 正 **※**云: 惟吾 郎 月 兀 被大恩, 復 即 符二 通 任 徽 尹 謁 先 能 所 直 焞 宗 便 告, 生 欲 年 仕 郎 居 深 歸 即 爾。 Ė 不如是, 蓋已 欲 自 住 疑 位 權 月,《 涪 遷 之。 見《文集》、《語 州 判 移 延 制 决 西 氣 見 易 峽 矣, 爲 先 則 京 貌 傳 曲 州 尋 容 何 生 或 受 阜 色、 醫 成 以 日 子 集 録 几 計 仰 : 監 髭 而 月 月 髮 還 序 承 之 皆 一劉 既 德 洛 上 以 之。 先 勝 俸 忠 生 赦 意 初 0 而 平 肅 昔。 供 既 復 ? 即 記

> 致仕 或 未詳 家 私 年 記 而 云 五. 云 依 月 舊 9 此 致 追 除 仕 所 乃 李 復 疑 邦 官 西 直 監 依 范 供 彝 職 舊 不 叟之意。 致 久, 仕 即 嘗 建 前 致 此 中 仕 未 也 靖 嘗

意 焞、 詖行 復官, 是 未 得 致 不 政, 薦 止 盡 書,令監 惟 因 逐學 傳授 衰,尚 仕 四 得 必 張 於是 惑亂 而 在《易 又云「 官 及 方 崇寧 寫 徒,復 繹 見《實 學 成 衆 吾 覬 傳》, 或 雖 司 有 敘 聽 者 熟 門 隸 尹 当, ,而尹 有 覺 復過 嘗 以 録 讀 黨 焞 年 求先生之學 日 也 * 察。 明 少 爲 籍 玩 日 優」, : 追 四 0 焞、 進 味 請 正 時《 《語 月, 毁 即 見 先生 張 耳 「先 罪 亦 ※ 語 可 易傳》成書 尊 繹爲之羽翼,事下 出 録 未 罰 言 見 先 者, 生 一於是 身以 *\frac{\times}{\times}: 詳。 録 所 其 矣。」 踐 者論 生 觀 聞 而 履 後 日 此 又 今復著 叙復 盡 遷 五. 范 寢 來文字 足 行所 云: : 《易》, 其 致 矣。 年 居 疾 已久,學 虚言 本 過 始始 龍 其 自 因 復 知 河 書 先生平 語 優 ', 程 門 作《 南 量 宣 姦 録 非 以 某以 之南 府 口 傳》,只 已 義 授 者 所 之 毁 黨 體 生 邪 追 莫 究 郎 論 朝 説 所

0

年七 視 也 出 而 非 先生平日 於學 ·, 曰 先 』見 也 生 忠孝自 : 語 没 有 所 録 Ŧi. 黨 道 所 見 所 事 學 著 大 見 見 起 語 用 觀 有 不 正 實 録 淺 與 便 今 録 先 深 不 年 生 日 故 是。」其 往 作 於 九 要 所 門 來 疾 記 月 用。」 及卒, 人郭 革 有 庚 I. 人未 忠孝。 午 先 門 拙 亦 生 不 人 蓋 出 致 力 尹 進 未 奠。」 寢 子 能 疾 云 無 微 失

日,先 今 從 蓋 繹 使 光 外 材 日 容 其 良 X 庭 雪 事 學 日 情 無 生 在 尊 而 初 矣。」 深 已 有 其 子 坐 春 成就 到 尺 嚴 早死 朱 風 而 明 能 先 餘 猶 至 師 我 中 瞑 矣。 處, 公掞 道 形 在 生 不 坐 之, 昔 道 目 此 了 先 容 但 既 者 其 狀 及 乎 見 則 於 嚴 其 生 用 ? 没 子 明 月 明 聖 厲 吾 也。 子 嘗 德 立 0 道 日 人 道 如 不 弟 昔之門 侍 游 于 謂 美 氣 暮 使 此 先生之行 不不 定 矣,姑 汝 得 也 象 者 先 及 夫 州 差 讓 晚 敢 用 生 少 楊 年 就 去。 踰 焉 若 於 曰 然 從 接 中 月 元 舍。』二子 0 接 容 學 高 先 : 立 久 而 祐 爾。 者 引 見 之, 來 歸 間 我 第 牛 見 後 乃 語 先 異 嘗 名 明 則 語 伊 者 更 學 録 道 生 不 111 人 已 道 謂 日 平. 退 至 則 乃 日 先 易 張 隨 能 有、 已 則 顧 侯

猶 伊 歲 者 鑄 之處 辨, 介, 能 利 謂 右 守 書 必 追 龃 言 也 役 定。 伊伊 多費 潔。 錢 無 薦 動 可 111 人 無 正 法 0 則 寬 明 細 必 以 而 利 以 則 大 所 當 皆 權 111 事 猛 事 見 倍 鐵 事 道 起 省 太 有 盡 由 也 不 無此 合宜 爲之 討 曰 歸 必 之。 必必 中 是 行 矣。 讀 集 同 公 通 親 論 私 遂 舊 觀 年 也 序 間 上 矣, 變 不 於 事。 止 鑄 之, 未 瞻 伊 莊 增 老, 價 非 不 動 事 異 者 及 可 給 111 有 價 處 重 亦 平. 足,子之言 聲 伊 無 衣 衆 左 尹 輕 温 或 時 内 日 中 則 議 有 可 則 色 所 雖 111 焞 公大變 右 改 家 外 更 反 體 有 不能。」 欲 以 鹽 紬 聞 E 指 致 也。」公不 是。」已 以 親 之大計 費 常 易 見 之, 素 知 將 養 顧 族 多 銅 或 洩, 其 疏 熙 若是 累 冠 我 而 八 無 者 梗 利 説 日 謝 先 寧 通 人 人 集 + 違 襟 概 乎 而 少 匍 者 良 生 然之。 矣。」或 簡 矣。 ? 人 餘 必 何 果 已 匐 之學 復 佐 易, 盗 得 \Box 以 整 然。 此 祖 而 以 求 也 日 又 鑄 使 食 家 乃 吊 會 不 宗之 本 者 有 既 之 韓 曰 又 事 司 或 所 喪 爲 於 無 食 議 息 而 謝 日 自 馬 家 鑄 於 舊 富 矯 伊 雖 至 積 增 誦 數 子 之大 子 異 公 任 當 111 簡 誠 而 此 解 民 人謂 年 伊 日 孝 既 不 不 或 才 不 儉 鹽 不 悉 III 其 紛 先 大 文 相 售 利 踰 經 之 紛 日 時 敢 伊 力 爲 生 蔬 見 也 母 直 薦 口 吾 盗 陝 不 111 於 飯 狷 於

兮,自 爲孚 也 聲 知言者識 踽 此 無 踽 心 臭,夫何 可 也 惟 獨 喪 鳴 作「道 克 拘 尚 ; 呼 于 行 者 其要也 也。 利 德者以爲卓絶之行, 斯 會」。 立 知 世 害, 可 義者以爲 利 其 在吾先生,曾 泯 親 害 難 而 然無 作「於 生 禮 也 德 一於身, ; 義 輶 不 際。 世 以 如 不 可 爲 毛, 禮 7 何 犯 無 而 虚 意 義 毛 有 欲 衆乃 而 而 也 猶 以 根 可 忠 達 爲言 於心, 有 以 信 以 故 權 心 倫 係 與 先 者 爲 5分, 者 羈 道 生 以 以 迁 無

數 終 霜 高 作 兮, 不 某 或觀于 爲 · 得 等不得 獨 嗚 日 吾 清 呼 而 先 形 也 而名也」。 禮 以 生 也 學者 先生之道,不可 爲 在昔 一,淡 明 惟 也; 乎 伊言者反以 l 諸儒 趣 無味, 之,一 Ш 「惟」, 春 各行 作 風 得味之真,死 「趋之」。 得 以 其志 爲 作 爲 而 病 維 名 和 兮, 世 或 也。 得 濟 以 此 嚴 於 爲 其 心

之濱, 生之; 孕化 之心,猶或可推。 有七分之儀。 之心,何日 吾 見于文字者,有七分之心; 字。 育 自 望先 ,以蕃以 某之見,一作「某等受教」。 君親 志 生之墓,以 其 之。 七分之儀, 臨 滋。 而 我 先生有言,一 天 今而 兮, 夫子 畢 地其容我兮,父母 後 吾 固 將 此 不 其成之。 繪 可 生 築室 本上有「昔」字。 于丹 益 年于兹, 也。 于伊洛 青者, 七分 欲 本 其 無

契斯 行, 寄 Ŧi. 前 字,有「 聞 地 道 ? 不 也 嗚 不言 「亦當 呼 0 作 待 凄 在先生 「某等 ! 誄 字。 風 而 本 而 百 上 夫子没 之志」 有「某等」字。 奠, 敬 後 爲未亡 洗 物 徵。 生 心 而微言絶, 不 去 也。 惟 祖 然 待 智 與二三子。 于 而 物 「, 格 然天 庭 嗚 山 而 物去意, 頹 呼 後 不 則 梁 白 見 言 古 年 壞 而 不 何 本 期 先 可 几 無 默 得 時 此

伊

洛

淵

源

録

第

四

四

併此以傾。

説 畏, 視之,邵 厚及焞四 有 云 得 七分之語云。 無 而 七分,學者 尹 先生 薄 敢 子 暮 送 溥 人。 以 者 日 出 也 《易 城 乙夜 故 乃 更 傳》 是 祭 先 附 須 以 名 生 文 授門 有素衣白馬至者 自 後。 惟 焉 之 體 張 葬, 究。」故 繹 又 蓋 洛 按 É 范 溥 人 ^ 亦 域、 語 畏 有 録 只 所 孟

胡安國

奏

狀

節

略

自 加 政 當 召 司 勸 或 伏 命 見 講 急 擢 元 不 於 以 祐 爲 得 不 之 辯 次, 初 辭 首 遂 宰 解 薦 起 臣 釋 河 韋 司 文義 南 馬 布 處 光 所 超 士 吕 居 程 以 公著 講 頤 積 筵。 其 秉

夫

聖人之道,所

以

垂

訓

萬

世

無

非

中

伸、吴 莫 礪 其 儒 官 加 必 誠 能 後 防 之 合 而 意 而 表 别 乎 頤 禁,學者向之,私 行 其 感 給等稍 門 其 之門 義。 間志於利 舉 通 真 聖 人高第,莫 動 其脩 僞 人 心 必 稍 如 者 而 由 進 身 楊 禄者 河 乎 用, 行 古 時 洛 禮 獲 法 不 之學 託 於 相 劉 繼焉 可 其 規 是 傳 安 得 幾 奉 説 矩 士 習 節 而 身 絶 以 準 大 雖 聞 矣。 許 不 繩 而 自售,學 夫争 崇 也 可 景 去 獨 寧 遏 衡 相 間 進 出 及 也 馬 淬 退 曲

之學近 榜, 詆 盛 以 絶 而 誚 乃 乎 其 如 無 ? E 綫 説 壬子 以 及 日 夫 滿 自 可 屈 有 盛 於 年 門,人 謂 是 服 伊 爲 行。 臣 服 士 孤 伊]1] 嘗 立 人 儒 人 臣 洛之學者,皆 臣 至 之心 冠 傳 而 語 行 竊 者 寫 以 之日 闕, 以 以 爲 爲 故 耳 伊 有 . 盛 過 衆 納 Ĵ۱۱ 仲 行 矣 論 欲 口 門 伊 并者言 出 屏 洶 何 人妄自 川之學 絶 洶 也 而 ? 其 深 伊 以 標 爲 贵 加 111

今欲 頤 矣 也 此 宜 析 高 發 庸 也 之學,是人室 耳 明 爲 亦 以 明 自 非 使學者 然 孔 所 之,然後 不 取 頤 有 途 中 孟 以 可易之至 世 兄 甚 庸 處 爲 資 弟 則 而 高 蹈 師 己, 之 而 其 其 始發明之, 或 難 中 義 而 干 義 義 以 行 庶 中 論 庸 不 利 之 六 幾言 愈 可 庸 不 也 由 禄 師 説 經 不 思 明 所 户 孔 明 愈 而 行 以 久 也 然 而 此 **^** 孟 矣。 得。 不 語 接 矣 不不 後 孔 相 誠 得 \approx 物 稱 其 而 孟 不 亦 士 其 ^ 之道 禁 道 自 口 誤 孟 可 大 本 門 使 頤 易 口 平 濟 夫 末 **>** 而 ž 學 之 不 不 則 兄 之學 時 上 人矣。 得 傳 弟 至 而 或 下 用 從 資 至 論 始

體 語 旨 接 用 人之大 淫 而 之 夫 説 知 頤 求仁 則 鄙 用 源; 之文,於《 諭 忠 ; 之方 贵 誠 於諸 於《 動 其 於 春 易》 經 人 文 州 秋 、德之 也 則 里 > 語 哉 則 大 序 見 其 理 ^ 諸 孟 事 以 頤 之 親 行 明 則 則 行 從 象 事 狂 發 言 其 其 而 Щ 則 微 行 怪 知 知

> 高 孝 也 0 視 介 悌 其 濶 不 顯 步 餘 以 于 則 取 家 與 庭 亦 其 諸 與 行 其 人 也 辭 同 哉 雖 爾 禄 取 之 舍 然 千 則 鍾 非 有 幅 其 巾 道 必 義 不 袖 顧 則

Ш 此 來 Ш 石 當 之 几 東 西 路 人者 餓 昔 都 國之阨 者 夫 有 重 伯 皆 邵 以 東 夷 雍 蔡 道 或 其 柳 京 學 之 道 程 朏 下 德 得 不 顥 惠 行 政 行 臣 及 之 名 爾 弟 曲 深 賢 於 頤 加 可 當 本 惜 微 排 關 朝 世 抑 仲 也 中 自 尼 有 嘉 會 故 張 王 祐 有 則 載 安 西 西

禮 者 蒙 祀 者 述, 時 官 多 甚 典 猶 書 뻬 失 多 討 今雍 以 門 有 9 其 論 頤 崇 弟子 見 又有 真 所 有 故 儒 聖 著 ^ 事 # 重 質 易 書 臣 有 道 雖 疑 以 × 愚 ^ 當 疏 請 此 皇 ^ 尊 禁 伏 銘、 春 兀 益 德 極 暴 望 秋 樂 經 答 誅 陛 詩 傳 義 世 問 亂 加 下 並 *****, 之 之 特 行 書 顥 奉 語 封 降 於 雖 詞 載 號 指 世 存 未 伐 仍 有 9 揮 罪 載 於 及 而 ^ 在 F 傳 世 IF.

子之道 道 閣 便 於學 定 集),使邪 者 兀 傳 日 習 小 説 之 遺 補 者 羽 之 不 翼 哉 得 乘 經 官 間 校 以 而 IE. 推 作 尊 取 而 仲 旨 天下 尼 施 行 孟

遺事二十一條

之; 尹 和 伊 漢 焞 111 州 云 自 王 宿一 伊 人皆 亦 霖公澤言 ĬΙ 嘗聞 僧寺 親 門 近 先 此 而 是 生言之。 : 明 左 伊 頤 道 明 JII 不 獨 道 X 及家 嚴 行 門 見《涪 伊 重 至 而 ĬΙ 兄處。」蓋 法 陵記 人不 右 隨 堂 從 侍 善 敢近 上 者皆 太 相 明 中 道 隨 知

者 游 致 西 敢 伊 韓 湖 ĬII 使 預 持 語 親 口 戒 命 或 爲之。 視 如 諸 諸 與 此 属 子 子 姪 韓 聲 侍。 先 氏 叱 生善。 使治 先 孝 之 行 生 謹 日 次 至 之風 韓 室, 一,暇 有 在 言 至 衰 汝 H 潁 貌 於 矣 輩 與 昌, 持 脩 從 不 莊 持 長 欲 或 治 敬 或 者 屈 窗 口

> 見 遂 祁 皆 寬 逐 録 去 尹 和 靖 語 聞 持 或 宗 質 彬 叔 云

儻 生 筵 不 非 實 之方 人 知 古 在 可 爲 之。 保 君 伊 主 之時 傅 出 111 則應 前 有 之 先 言 翦 也 任 生 時 人臣當任 桐之戲 居 諫止。」吕 舉一 伊 經 欲 111 筵 使 事 内 之耳 則 建 , 臣 食 申 隨 一果 公日 事 : 正 見《庭》 箴 미 供 實 今 規 爲 聞 侍 之 藁 也。 經 使 違 經

失 弓 羿 從 也 日 子 遺 (多中 於此, 聞 使羿 之, 程 Ħ 聞 之巧。 其 子在講 怒而 以 羿之道 立 發 言, 書 于 而 去矣; 謝 故 其旁, 而 多 筵,執 矣,慮 用 中, 不 捨 若 道 政 羿 從之, 其 處羿於 公知 有 之以 皆 不 害公之多 欲 以 恤 則 射 用 彀 爲 也 無 戾 之 乎 率 善 事 ? 爲 其 射 頤 中 之地 故 諫官者 才非 也 習, 0 執 則 而 不

文潞公尹洛,先生時爲判監。一日府

見 硯 必 禮 鈞 里,尤所尊 詞 先來 旨 涪 法。」故 先生往 陵記 先生訝 衣 見。 善 冠 先 明 録 禮 赴, 之, 來 然 吕 日 榮 呈。」富 請 後 到 問 吕 公兄 程 寫 客 故 正 侍 次 獻 對 弟 鄭 講 其 公、 見 日 爲 與 公、 詞 樂 : 當 先 范 司 曲 人 忠宣 時 生 馬 來 並 昨 禮 書, 温 呈 要 H 一公過 敬 必滌筆 公居 嚴 樂 得 如 語 謹 太 洛 此。 鄉 依 師 曲

當 今年有 侍 或 見之。 翁 生 貌 遠 0 食 以 道 加 兩 敬 義 如 他 , 來 乃 伊 交,故 往 是 事 所 111 似 無 歲 造 債 使 戒 與 口 以 日 焉 韓 汝 爲 未 元 試 不 爲 侍 先 還 日 持 啓之。 遠 韓 意 生 或 食, 因子 密謂 春 而 , 我 留 壽 善 來,奚以 因 中 潁 有黄 弟 其子 從 當 約 先 然 昌 賀 生 候 容 暫 未 金 韓 正 日 彬 道 往 韓 敢 此 藥 早晚 吾意 叔 潁 年 乃 遽言之。 爲? 楪 曰 昌 日 伴 + 頤 : 見 重 食 詰 與 彬 韓 體 往 我 先 朝 叔 持 頤

> 此 遂 歸 耳 ٥ 0 持 再 或 謝 謂 過 其 而 子 别 日 : 見 祁 我 寬 録 不 尹 敢 和 靖 言, 語 正

之。 同。 **见子** 衆矣,公帛固多, 公位 天下受其 公孫 子 宰 吕 相 日 汲 在 公 賜 能進 旁,謂 以 也。 「公之所 百 天下之賢,隨 恐公不能周 何 縑 子曰 . 獨 遺 以遺 頤 子, 貧 「勿爲 子 頤 也,天下貧 辭之。 也 者, 才 。」見《遺書》,下 而 己 以 任 甚 頤 時 力,姑受 之, 貧 者 子 也。 則 族 亦

雖 口 西 永 監之命 安尉 殿 先 帥 生 可 苗 日 履 履見 也 問 : 0 日 先 且 生 如 於 朝 山 陵下。 陵 廷 處 事 先 時 生 苟 先 得 如 生 專 方 何 處 則 爵辛

心 韓 成 退 書 之稱 信然 先生嘗 但 逐 聰明 旋 頤 説 脩 於《易 不及 改 頤 於前 期 傳 於《 以 * 後 時 易 來 道 傳 所 德 改 其 今 日負於初 書 無 却 可 已

❶ 「三」、《河南程氏外書》卷十二《和靖語録》作「二」

字。 此 士 工 深 又 也 知 不 閑 一,被 技 耕 如 庶 秋 及民 尹 藝, 過 易 **^** 今人解《 何 子云: 堅執 中庸 》之書 幾 T 耨, 作 有 故 日 别 鋭 **>** 爲 播 且 補 一,待 書却 月 詩 先 事 以 器 耳 種 更 生 劉 又 期 0 即 用 Ŧi. 守 自 ·已成。 做 全 絢 之, 是 穀, 以 陳 土 吾 爲 無 文 不 長 天 宇 不滿 吾 得 以 方 得 字 意 地 見 得 今 + 吾 而 到 思 意 間 尹 惟 農 年 用 得 而 子 , 焚之矣。 」 此 有 却 之 夫 食 之; 於 而 蠧 却 補 用 之; 姑 功 安 祁 緝 也 待 蘇 功 之, 寒 看 聖 甲 亦 出 間 暑 如 今百 胄 却 功 此 不 中 何 雨 遺 澤 如 多 庸

公分 否 年 既 朝 日 ? 而 口 既 去, 問 遭 成 日 在 舊 憂, 也 朝 以 : 日 0 頤 廷, 又 作 先 説 惟 日 疾 則 此 生 撰 病 易》 當 曾 成 己 數 行 定 之。 須 聞 及 年 之 六 親 七分。 有 朝廷, 今始 禮 撰 禮 ^ 之名 Ŧi. 今已 不 無 經 後 經 當 數 事 解 來 則 成 爲 被 更 弱 陜 私 未 已 召 西 中 ? 成 諸

> 文 其 公删定, 書安在 亦非 親 已 也? 作 送 與 不 然 吕 口 世 所 與 定 叔 只 禮 與 之名 叔 今 數 死 若 矣 禮 不 知

受, 戚 都 遣 見 見 涪 先 叔 0 人 監 陵記 渠 生 何 贐 廳 母 伊 先 爲 是 臨 善 ĴΙΙ 生 金 録 明 亦 行 時 不 白 才 被 · 受? 時 H 不 己 星,先 出 謪 差 許 與 諸 見 時 人 頤 先 莫 之, 公贐 生不 管 李 不 知 生 押 便 相 邦 朝 日 行 受。 成 請 知 : 命 直 皆 行 上 云 尹 受, 贵 既 與 轎 何。 洛 歸 至 可 邦 0 頤 龍 受 **\$** 直 先 門 是 相 門 邪 都 夜 生 亦 知 X ? 是 問 邦 宿 監 即 欲 親 於 略 來 口 見

坐 流 心 當 不若無 如 存 船 船 常 伊 危 誠 幾 川 覆 敬 時 先 心。」先生欲 已 爾 君 生言 。」父 而 舟 獨 中 及 無 老 岸 怖 皆 曰 昔 色, 與之言,父老徑 同 號 : 貶 哭, 舟 何 涪 心 也 有 州 伊 ? 存 父 111 渡 誠 老 伊 獨 漢 敬 問 正 111 江 古 去不 襟 曰 安 中

顧。見《邵氏聞見録》,下同。

起 判 中 不以 西 京 時 伊 涪 或 哲 |||爲 州 子 宗 先 憂。 監 幼 生 先 冲 元 赦 兩 生 祐 得 加 先 注 歸 直 初 生 ^ ,不以爲喜 周 秘 司 以 閣 易 馬 師 皆 温 道 與 公 解 自 門 薦 之。 居 弟 侍 0 子 黨 講 後 講 禍 禁 出

請 取 書 不 未嘗容易下一 敢 篋 門 先 多 弟 疑 以 生 閲 出 子 自 先 請 涪 身自 生 門 益 陵 必 . 第子 歸,《 字。 一發之, 有 再 及《易》書者,方命 請 吕堅中 易傳》 喻 以示門 問 之。 《易 所)已成, 録 傳 蓋 弟子。 尹 和 事 其 靖 未 潜 語 雖 嘗 心 非 小 所 其 有 奴 示

研 究其義,六十 著書 先生云: 不 得 以 吾 前 几 見 + 《遺 反 覆 以 書》,下同 紬 前 繹 讀 誦 六 五 + 以 + 後 以 著 前

校 而 浸 其 盛 筋 先 生 骨 兀 謂 於 張 五 盛 繹 年 曰 而 無 後 損 完 吾 也 受 今生 氣 繹 七十二年 甚 因 薄,三十 請

> 先 生豊 然 日 以 受氣 吾 之 以 薄 志 9 而 生 厚 徇 欲 爲 保 爲 深 生 邪 耻 ?

他意。」 諄。 公跋夏爱所 此 頤 在 書 嘗 焞 焞 可 何 得 年 前 藏 自 觀 必 朱 H 《 語 觀 是 否 +, 公掞 所 録 ? 此? 不 》後 呈 方登 敢 所 先 雜 復 若不 論 説 生 先 讀 雜 留 生之 如 得 説, 見《涪 半 何 頤 月 門, 呈 心 陵記 先 先 被 只 生, 善 是 教 生 H 録 記 問 誘 日 , 及 請 尹

煦。 他 伊 有 日 个 . 也 111 若 岐 南 日 見 學 夫 方 徑 祁 自 者 學者 寬 **\$** 得 久 豊 所 他 記 從 從 尤 敢 尹 尋 難 學 伊 便 和 其 將 于 ĴΠ 靖 道 録 去 門, 有 人謂 既 不 得 誰 久, 錯 處 之得者,便 是 有 了 最 且. 歸 有 已 只 者 得 是 是 者? 是 沈 指 或 太 與 問

沂 世 胡 文定 此 物 人得志, 因 公日 問 使 安 萬 程 或 明 物 昔 道 各 嘗 如 得 見 何 其 鄒 所 志 志 完

改其 具 來 樂,便不是顏子。」以此 處 E 又 説顔子所樂者道 在 道 問 不 曰 尋常道 伊 0 始 曰 : 長 通 _0 必 111 _ : 浩 、樂,不知所 沙 知 處 又 有言 見 見 先 昔 有 問 問問 爲 伊 顔 再 處 (胡文定: 生 浩 鮮 善 又 子 論 111 行 語 昔 于 極 問 所 河 如 可 高 古 學 在 事 侁 曾 公集 何 樂者. 樂 南 證 何 一。」伊 者 潁 曾 人 以 見 者 恐門 觀 昌 問 因 日 願 先 一
先
生 侍 不 何事 何 _ ĴΠ 象 : 問 聞 得 生, ? 郎 日 有 知 日 作 之。」志 : ? 學 比 先 或失 趙 伊 : 侁 有 除 服 顔 ? 術,志完却日 生]1] 均 伊 曰 何 却 何 子 却 言 若 便 其 或 見 ĬΙΙ 日 : 神 語 以 完色 在 不 傳。」 伊 是 _ 者 處 説 . 却 ? 言 祠 陋 得 爲][[自 有 問 極 不 巷,不 廟 之? 動 後 均 比 高 過 不 爲 洛 道 日 宇, 或 中 是 來 徐 通 明 口 有

伊

111

常

服

璽

袍

高

帽

簷

劣

半

寸,

本

9

視 云 非 服 帽 禮 桶 也 勿 八 0 寸 聽 深 簷 非 衣 半 禮 寸 紳 四 勿言 帶 直 青 繫 非 緣 條 禮 篆 勿 曰 文 動 非 禮 見《 此 野

今道 111 學 0 者 土 所 伊 一大袖 謂 戴 111 之仙 紗 常 巾 愛 方頂 背 桃 衣 皂, 巾 後望 何 者。 謂 或 之如 博 不 見祁 褐 知 鐘 紬 寬所 形 襖 録 謂 尹 其 其 和 之 製 袖 靖 習 乃 如 語 伊 似

伊洛淵源録卷第四

伊洛淵源録卷第五

康

節

先

生

墓

誌

銘

明道

先

生

楊氏。 噫 ! 家。 諱德新,父諱古,皆隱德不仕。 父諱令進,●以軍職 按,邵氏姬姓,系出 者又聚謀其所 昔先人有言,誌於墓者必以 洛之人 熙 先生知我者,以是命我,我 寧 先生之幼,從父徙共城,晚遷河南, Ţ 吊 Ė 以葬。 哭 孟 者 秋 召 逮 癸丑 相 先生之子泣 事 公,故世爲 屬 藝祖 一,堯夫 於塗,其 ,始家衡漳。 母李氏,其繼 屬 先 何 燕人。大王 尤 吾 以 生 可 辭 告 親 疾 伯 終 淳。」 日 且 舊 謹 于

> 歎 夏 梁晉,久之而歸, 方,遽可已乎?」於是走吴適 後又以爲潁川 亥,至是蓋六十七年矣。 雍,先生之名,而 其親於伊川,遂爲河南人。 夫其字也。娶王氏,伯温、仲良其二子也。 曰 不扇,夜不就席者數年,衛人賢之。 先生始學於百原,❷堅苦刻厲,冬不爐 先生之官,初舉遺逸,試將 「昔之人尚友於古,而吾未嘗及 團練推官,辭疾 曰 : 「道其在是矣。」蓋始 先生生於祥符辛 楚,過齊魯, 不赴 作監 主 先生 四

陰陽之消長,以達乎萬物之變,然後頹然其學益老,德益邵,玩心高明,觀天地之運化,學,力慕高遠,謂先王之事爲可必致及。其先生少時自雄其才,慷慨有大志。既

有定居之意。

■「大王」,原作「先生」,各本同。今據《河南程氏文集》卷

「百」、《河南程氏文集》卷四《明道先生文》四作「伯」

2

講 鄉 順 之公府 學于 里化之,遠 蔽 然 前 家 其 風 必之先生之廬 未 歸 雨 近尊之,士人 嘗 躬 在 强 爨 洛 以 以 幾三十 語 養 其 父母 之道洛 而 年 就 9 居 始 問 至 之裕 者 者 蓬 日衆, 有 蓽 如

弟 奴 中 樂 居 坦 表 材 悦 忠信 如 燕 夷 襮 隸、皆知 者 洞洞 其 何 飲 先生德 大夫 不設防 ,先生之功多矣。 德 耳。 樂 徹 笑 道 歡 中外。 語 不 家 氣粹 病 喜 畛 終日, 賢 人之善, 聽 畏 尊 者 其 然,望之可 寒暑 正而不 接 奉。 服 車 人 音 其 而 常常 取 其 無 化 諒 未 甚 倒 貴 與 以 嘗 所 異 屣 人言,必依 知 賤 通 春 及其 迎 以 於 其 親 而 秋 致 厚 賢 疏 不 時 風 之 汙 雖 顧 行 間 俗 於 吾 兒 故 遊 清 不 成 賢 孝 童 城 所 群 明 事

其 餘 所 以 昔 告子思 人,各以其材之所宜 子學於仲尼 而 子 思之 所 其 爲 以 傳 學 授 口 雖 見 孟 者 子 同 者 尊 惟 耳 曾

> 之於穆 者 就 名其學者,豈 歲 不 李之言 . 與 ? 雜,汪 爲 所 師 所 有 至 大 道 伯長, 及其 而 傳 洋 語 而 不 論 也 浩 成 立 之, 者 德 所 大,乃其 行 推 學 者,昔 則可謂 謂 事 其 門 者 門 源 概 户 得 莫 户之衆 流 所 難其居,若 則 可 之於 知 安且 自 見 衆 其 遠 得 矣。 矣 成矣。 李 有 從 者多 各 挺 端 來 有 况 而 之, 先 矣。 獨 先 所 後 生之道 生淳 因 挺之得 先 此 今穆 生 千 而 而 餘

生之葬 世 也 銘 先 日 古律詩二千篇, 生 附 : 有 于 書 先 塋, 六十一 實 其 題 一卷, 終 日 之年孟 ^ 命 擊 壤 ^ 集 皇 冬 1 極 先 西

生從 哲 厲 空 人之凶 先生所 容 嗚 探 呼 出出 先 有 問 索 鳴 生 隱 有 , 臯 志 觀 在 曲 豪 南 以 暢 力 旁 雄 飫 伊 通 以 流 豐 濶 在 在 步 天 長 不 或 趨 有 愸 難 寧 凌 先

張 崏

之 體 約 道 至矣,天下之能 推 餘 窮 一,質以 其 以 萬 意言 日 月之 言 世 故 先 義 象數 經之以 生治《易》、《書》、《詩》、《春秋》之學, 廣,其 人 盈 研 又 事 之藴 精 縮,考隂陽之度數 斷 書 元,紀 極 興 自 事 思三十年,觀 著 ,明皇帝王 廢 唐 車 ,其旨隱。 治亂, 虞, 迄于 之以 會, 靡 霸 所不 五代,本諸 參之以運,終 之道 嗚 ,察剛柔之形 天 地之消 呼 載。 其 美 長 解 天 矣

於汶 廬 達 之 .詳 者 於 淮 先生少 海 也 陽 百原之上,大覃 之濱 穆 訪 先生既受其學, 脩 涉 事 伯 道 北 長,伯豆 於濟、汶,達 海李之才挺 無 常 思於《易經》。 長以 師 焉 又遊 於 雖 之, 廼 梁 河 退 有 汾之曲 挺之 其 居 夜不設 傳, 共 苟 聞 未 有 以 道

> 聞,始. 志 師 寢 天 (悦, 之,衛人乃知先 愛 大 博 不 而 驚 達 再食,三 欲 服 之士,尤長 教之。 ,卒捨其學 年 既 生之爲 而 與 學以 於《易》,聞 之語三日 而 有 大成 道 學 焉 也 先 北 大 得 生 名 面 之 所 而 王 篤

其 學者 禮 衆 驟語 善者 以 悦 生 不 不 中 激, 中 亦 誠。 廬 而 而 可 · 矜之。 與 知 於 誠 不 而 年 亦不 以 和 長者 服 之者尚 强 先生之教 三十餘 理 屑 士大夫之 觀四方之士,乃定居焉。 而 益之。 也 一苟辭。 吅 不流 故洛 先生未 事之,少者友之,善者 其 來 寡 故 所有, ,遇人無貴賤 人,必 洛人 或 人久而 來 過 游 及接之久, 聞其言,若 嘗 者 洛者,莫不慕其 于洛 多 有 愈 、爲買宅、丞相富 隨 益尊信之。 而 求 久 以 其才分之高 從 於 而 爲洛 人,或 賢 察其 者少,見之者 愈 不 不 新 適其意, 先 邑 與之, 肖 所 餽 則 風 兀 生 天 之以 皆 而 方 清 下 造 接 之 之 無 而

伊

洛

源

録

五.

買園以居之。

爲隱 矣。」 志。 言 踰 究 從 初 手足於天津之南道德坊之第 宜 學士祖 以 其 白 補 命,然卒 ,復求逸士,御 先 也。」其於書 日 本 生應 隆寒盛暑 晚尤喜 者之服 仁宗嘉 潁 十卷, ., 氣 日 原 公無 川 詔 而釋、 稱 專 · 日 擇 祐 自爲 爲詩,平易 耗 授將 疾 練 無 與 中 而 : 閉門不出 ,不之官。 推 ·, 詔 老、技術之説 所 今丞相吴公充又 之序。 史 「病且老矣,不復能從 神 i 官。 作 不讀,諸子百家之學, 中 益 舉 監主簿 明矣。 丞吕公誨、 遺 而 皆三辭,不獲 熙 一; 曰 : 逸 造於理 先生年六十, 寧 留 + 七月 今 守 年 ,有《擊 無所惑 非 以 龍 上 干 癸 春 退者之 先 啚 熙 $\widehat{\mathbb{H}}$ 得 閣 寧 拱 生 而 啓 壤 其 事 始 直 後 爲 辰

於 兆 家 父 0 初,先生葬其父於 先 以 生 明 經 雖 教 貧,養之終身致 授鄉里 伊闕 一,及先 神 生之長 隂 其樂。 原 · 今 退退 弟 從 睦 老 其

> 亡。 得 事 其 先 意 生 甚 蓋 謹 如 先 飲 生之事 食 起 居 其父母 必 身臨 也。 之, 不 惟 幸 恐 不

事一十五條

邵 堯 夫、 顥 接 司馬君實。 人多矣, 不 程 雜 氏 者 遺 書》,下 百 張 子

堯夫放曠。

堯夫猶空中樓閣

嘗 戲 以 堯 亂 夫 世 豪 一之姦 傑 之 雄 士 中 根 道學之有所 本 不 帖 帖 得 地 者 伯 淳

身 柳 懷 堯 風 曰 夫 都 風 來 若莊 是 有 來 面 堯 春。」 夫 卷 面 詩 上 詩 周 云 吹 上 舒 0 吹。 又 大抵寓言,要入它放蕩之場 云 : 萬 明 曰 古興 道 不 : 頻 日 頻 梧 止 亡 : 桐 梧 風 到 手 月 桐 月 口 真 向 言皆 月 微 出 風 懷 向 成 中 流 醉 懷 幾 有 人豪 照, 中 重 拍 理。 雲 拍 楊 世 水 又 楊 滿 柳

理 夫 K 一, 故 却 皆 要得 聖人 有 理 從 喫緊些兒 心妄行總 萬 事 皆 事。」其言太急 出 不 於 妨。 理 堯 自 夫 以 又 爲 迫 得 皆 此 詩 有

道

理

平

鋪

地

放

著

裏

何

必

如

此

之侮 未必 類 不 天 我得 對 則直是 下之理 玩 有 此 術, 夫之學,先從理上 自 大者,則 無禮不恭 如《 贊云「弄丸 要之亦難以治天下 須 無 出 名君傳》言「 於 萬 四者, 事 惟是侮 餘暇, 由 我 推 推意,言象 9 問 玩 無 到 時 諸 或 理 雖天理 有 往 天 家 處 不 時 地 定 來」之 數 天 亦 其 日 言 地 爲 然 爲

言 子 此 元 元 事 文字呈上 古未有人道來 有《易》,自從 後,無人曾 便 夫 與 詩 堯 堯 敢 雪 舜 夫 删 如 月 三代 皆 後 此 風 道 更 不 花 恭 來,直是無端 無《詩》」,這个意 未 之甚 般。 品品 題」, 此 等語 須信 他 便 自 畫 又 把 思 前 如 孟 這

> 善矣 夫 戲 謂「且就 然言 己 須 誠 平 盡 行 側 誠 則 盡 誠 處 之爲 9 道 正 叔 非 謂 能 盡 也 0 意 堯 則

堯夫 之事 安用數推之? 以其不知,故待推 處 夫愕然日 何 下 起 乎? 事 事 於起處。」 ??.」是 日 邵 亦衆矣,子能盡 頤 堯 子曰 所 . 夫 一時 不 子 謂 一堯夫 適 知者 何謂也?」子曰: 程子曰 以 雷 「頤知之,堯夫 瞿 古 起,堯夫日 爲 然稱 多 知 起 邪? 然 於 善 子 堯 何 . 夫 子 處 雖 不知 所 日 聰 子 謂 而後 既 明, 也。 知 不 知之, 知。 知 天 然 堯 者 起 天

餘][[世間 答書云: 晁以道 事無 嘗以 所 頤 不 邵 書 與 問問 堯 問 堯 惟 夫疾革, 康 夫 未嘗 節之 同 里 數 且言「試 巷,居 字及數 于 伊]1] 0 與與 觀 伊

■「丸」,原作「九」,據成化本并《河南程氏遺書》卷第二

化 識 家 又 道 如 理 却 何 觀 於 子 得 厚言 儒 化 術 未 觀 見 嘗 化 所 觀 他 得 堯 人 夫 便 詩 觀 意 得 自 纔 家 做 得 自

之日 你 先 心 如 虚 州 事 聞 間 大 常 氣 以 説。 此 知 無 世 得 便 答云: 微 聖 Mi 日 聞 念 甚 明 0 不 死 : 邵 何 慮 有 是 以 得 能 懸 觀 堯 故 何 也 某 人云 他 0 時 絶 夫 堯 之, 答。 ? 聽 也 不 事」, 諸 夫 矣 諸 臨 你 香 得 則 、觀之, 平 公恐 公都 終 次 日 道 有 也 便 亦 堯夫曰 生 他 : 日 時 生薑 新 如 喧 未 所 疾 見之, 在 問 只 此 便 是 報」云云 學,今 他 甚 此 廳 樹 「只是一个不動心。 是 蓋 以 : 革 只 上 盡 上 却 諧 又問 爲 是 議 堯 猶 出 生 頤 日 有 謔 我 病 後 夫 有 外 往 無 聲 將 堯 我 後 事 説 未 視 意 須 事 此 夫 謂 如 亦 它它 之 氣 病 話 臾 也 否 問 只 只 絲 收 將 時 而 氏 是 在 得 髮 却 有 比 他 大 絶 去 之 不 房 依 他 警 心心 出出 甚 來

> 學 釋 堯 者 夫 氏 事 不 平 生 必 它自 學 只 學 他 如 這 此 但 燭 亦 事 理 豊 明 將 嘗 這 學 自 个 也 能 做 知 件 只 大 如 事 邵

客 每 行 然 用 餽 日 飲 濟 便 下 號 K 遇 無多 其 出 止 則留 寓 花 也 未 安 日 興則 乏。 不不 司 邵 能 外 賓 樂 嘗 則 乘 少 花 堯 馬 \equiv 小 乃 皺 焚 康 使 先 繋 小 夫先 嘗 爲之,不 公 似 五 車 眉 爲 香 濟 至 車 生 經 有 贈 錦 宿 猶 薄 獨 醉 自 生居 綸。」又曰 詩 用 ,又之一家,亦 未 以 時 粥 坐 家 所 也 云 來。 詩 牽 高 身。」 以 0 又 居 0 洛 人 代 强 晡 爲 寢 閣 日 中 川 隨 : 也。 挽 息 喜 時 甕 望 間 : + 斟 意 處 飲 牖 吟 州 好 年,安貧 有 草 大 所 林 酒 爲「安樂窩 詩, 府 莫 事 讀 淺 如之, 之, 寒暑 如 \equiv 間 爲 道 者 以 作 書 深 茵 几 高 詩 遇 更 Ш 或 大 存 樂道 則 甌 處 閣 以 或 燕 法 主 翁 載 字 爕 不 望 小 自 經 拙 居 微 酒 不 書 出 理 月 喜 車 詠 已 於 餉 醺 其 自 自

深 對 能 支; 去 歡 忘 者 體 及 不 然 返 也。 窮, 也。」學者來從之問 如 其 開 親 雖 遇 思致 見《吕氏家塾記 性 小小 論 高 嘗 幽 疾, 天 潔 自 遠,妙 下 得 言 而 事 有 接 弹 極 客 人人無 經義, 道 若 久 對 數 話 存 至 心世 不 大 精深 不肖 間 病 自 與 一務者,一 浩博 貴 「覺疾 自 相 賤 不 知 不 之 之 能 應

手段 敢 仰視 堯 夫直 他 如富 將做 彦國 是豪 小 才, 身都 兒樣 在 將 看 風 相 塵 嚴 時 節 重 有 便是 威, 偏 霸

指 始,人之禍 以差却。 做大,於聖人門下學上達 他只見得 此 不 夫數欲傳 屋 如其言。 或問 便知 堯夫精《易》之數,事 福 天 與 脩 「堯 起 理 然二 (某兄弟,某兄弟那 短 於 進 夫 算 退、萬 何時,至 程不 所 得 學 來 貴 物 如 事, 無 其 某 消 何 毫 ? 年 術 長 更不施 物之成敗 髪 月 之 明 謝 得 差 日 理, 道 子 錯 \mathcal{I} 而 夫 云 便 日 , 所 終 敢 如

> 繫 倍之數, 太玄都 欲 夫 哥,你怎 大 師 監 學堯 如此。」見《上 禮 曰 : 須是二 試 甚 大,亦 無 嚴 恁 日 事 濟事。」堯 堯夫之數,只 地 雖 以 必 聰 蔡語 在 其説 如 都 明? 録 一夫。』堯 此。 忘之矣。』 夫 推 店 他 驚 是 伯 算之,皆合。 日 撫 夫 加 淳 飯 其 聞 初 因 伊 必 倍 背 學於 説 襴 歎 111 法, 甚 其 問 曰 熟,一 坐 李 出 伯 以 挺 無 謂 淳 此 偏 加 大 知 日 堯

伊洛淵源録卷第五

伊洛淵源録卷第六

横渠先生

行狀

吕大臨

横 西官 侍 某 派 郎。 渠 生唐 知 諸 鎮之南 先 涪 贈 祖 生 司 孤 州 復,仕 諱 事 空。 皆幼,不 大 歷 載 贈 振 五. 真 父迪 字 谷 尚 代, 宗 子 書 口 克 仕 朝 不仕 都 厚 歸 因 爲 官 , 仁 徙 世 僑 郎 : 宗 給 以 而 大 寓 中 朝 子 家 事 梁 於 焉 貴 中 終 鳳 涪 翔 州 于 集 贈 郿 卒 賢 禮 曾 殿 院 部 縣 于 中 祖

法 軍 先 遷 生嘉 丹州 祐 雲巖 年 登 縣令, 進 士 第 又遷著作 始 仕 祁 佐 州 郎

> 先 以 享年 簽 歸 復 召 生 元 書 召 + 娶 豐 五 還 對 渭 有 元 南 + 館 ,除崇文 州 陽 年 有 軍 同 月 郭 八。 1 事 知 Z 氏 月 判 院 太常 亥, 有 癸 是 官 校 月 酉 公 子 禮 書 行 以 葬 事 日 院 次 其 于 大 臨 明 喪 涪 熙 年 是 潼 尚 歸 州 移 寧 年 幼 卒 墓 殯 冬, 疾 南 于 于 年 謁 十 家 館 冬, 告 年 兆 舍 西 被

累 之,猶 許 言。 不學。 於兵?」 成 命 就 年盡 上 守 之, 當 先 書 未 不 究 與 康定用 生 以 大 乃 謁 可 其 邠 始 勸 責 爲 范文正 奪, 説 人 就 足 讀 之 兵,時 焦 涪 外 知 中 也 日 寅 傅、志 州 無 公。 : 庸 游 於是又訪諸 器之。 年 所 **%** 儒 得 公一 + 寅 氣 者 反 先 八 喜 不 自 見知 慨 少 生 談 而 群 有 孤 讀 兵 求 然以 釋、老之書 , 其遠 自 先 其 名 之六經 知 立 書 教 虔 生 功 器 雖 何 名 説 奉 無 愛 事 欲 自 其 所 父

師, 共 嘉 語 祐 道 初 學之要。 見洛 陽 程 先 伯 生 淳 涣 IE. 然 叔 自 昆 信 弟 日 于 京

文 也 吾 浴 東帛 道 間 自足, 以 起 延之學宫 故 從 仕 相 何 日 判 事 長 旁 「異其 益 安, 求 人, 學 聞 禮際,士子矜式 乃 先生名行之美, 益 盡 明 棄 異 方 未 學, 第 淳 時 聘 如

諄 苦 事 親 庭 患 每 諄 爲 以 言之出,雖愚 文檄之出不 ,及告所 聞 或 勸 月 其 否? 行 諭 酬 吉 在 遇 三雲巖 具 以 使 于 使往告 聞 酒 訓 人 道 能 即 食, 政 知 夫孺子, 戒 盡 事 養老事長之義, 必 子 其 召 達 大 問 弟之意 否 鄉 里 于民, 抵 : 則 間 X 無 以 高 0 罪 不 敦本 每 某 間 年, 其 預 有 召 時 受 有 聞 會于 善俗爲 所 鄉 命 命 民 因問民 長于庭, 教告,常 某 者 因 縣 告 事 先 庭 某 疾 至 故

尊 科 教 亦 舉 多 X 一,相從 以 有 知 軍 京 德 府 兆 之 從 于 之政 王 者。 堯 容 公樂道嘗 舜 語 在 之域 學 渭 大 者 咨 渭 否? 日 延 之。 . 帥 致 蔡 學者聞 郡 先 公 孰 學, 生 子 能 夙 正 先 法 夜 特 生 從 意 多 所

> 言 徒 事 便。 食 ,所 往 于 而 府, 貸 來 以 于官帑, 不 取 助 軍 可 之 儲 爲 力 不能 數 用 爲 + 9 不 萬 足 若 以 又 損 並 救 屬 塞 數 之。又言 霜 之 以 旱, 民 募 先 戍 生 苦 兵 王

訪 學 漸 御 觀 臣 府 復 問 有 旬 史 三代 月, 中 本 。」上即 議 外 原 嗣 派 事 繼有 官 爲 吕 位 赴召 四 朕 命 之二 對 晦 所獻 方之學者皆宗之,● 召 且. 叔薦 年, 將 未 上 0 既入見,上 説之,日:「 測 先 大 上然之。 登 生于 朝 用 用 廷 卿 大 新 朝 臣 政 先 問治道, 思 所 生 卿 可 有 謝 宜 以 皆 日 召 張 願 日 申 見 對 徐 載

風 日 . 0 懼不 若 他 與 日 朝 能 見 廷 任 爲 執 將 事 善 政 大 ,求助於子, 執執 有 則 爲 孰 政當語 天 敢 下之 盡 何 日 如 ? : ? 如 願 先 新 教 與 政 玉 牛 對

● 「四」,原作「西」,據成化本改。

Ti.

八

還 謁 追 未 淑 張 告 朝 得 琢 問 載 謝 西 如 以 則 歸 會弟 臯 道 寖 復 人 陶 德 命 不 亦 天 居 進 案 悦 故 猶 祺 於 不不 獄 有 横 以言 Ħ. 既 渠 浙 不 獻 宜 使 命 能 故 東 得 囚 罪 校 0 居 之治 此 書 或 執 遂 先 庸 崇 有 獄 政 移 生 何 爲 文 默 疾 益 傷 之言 執 然。 ? | 獄 不 不 政 起。 安, 生 日 所 日 乃 成 : 語

終 自 自 X 學 者 道 有 約 以 有 日 得 精 給 必 得 而 自 之者, 問 則 危 爲教之必能 思 能 横 如 荷 孟 未 識 渠 足 聖 坐 門 子以來,未之有也 多 至 告 始 人之無貲者,雖糲 人不 窮 室,左, 僻 而 須 以 或 神 陋 後 臾息 堪 知 化 中夜 養之,然後信 已, 右 禮 其 有 ,一天人, 簡 憂 成 田 起 聞 亦 編 數 性 坐 未 者 而 百 俯 莫不 嘗須臾忘 變化 先 取 畝 蔬 而 立 生 燭 故 讀 亦 大 動 氣 一處 以 以 共之。 雖 (本,斥 質 書,其 心 之 供 仰 貧不 也 之道 有 益 歲 而 進 計 安。 思 能 異 其 學 志

> 衆 禮 嚴 始 祭無 其 吾 麻 之變。 或 0 0 乃 辭 皆先生倡之。 疑 家祭: 先生 法 ; 嘗 沛 笑,終乃 謂 然 喪惟致 命 繼 始 祭先之禮,一 門 精 辭 遭 行 義 人 無 期功之喪, 四 入神 日 隆 差 信 時 : \equiv 而 然 之薦 者 年 從之。 後 吾 用 , 豫 自 斷 曲 學 始 流 期 而 事 既 治 俗 盡 己 以 , 得 喪 變 矣 誠 節 下 於 服 斷 從 潔 序 未 事 心 古 燕 始 近 輕 無 者 聞 世 褻 有 則 重 者 不 如 脩 甚 衰 喪

義 行 未 嘗 親 掃 而 也 之信 祭 應 日 而 日 對, 不不 親 無 祀 先生氣質 喜 悔 ,反躬自治,不 給 敢 見 納 事 0 其治家接 以 侍 顔 酒 親 故 長 色; 漿 奉 剛 識 毫及 者 毅 與 皆 物 不 之。 答 贵 德 所 以語 識 女子之未嫁 大 問 盛 口 以 要 學 使 養 其家童子,必 貌 聞 人, 者 正 嚴 孫 風 爲 己 雖 弟, 然 而 雖 之 以 有 畏。 與 多 者 就 感 未 人 不 成 諭 聞 必 使 非 居 使 洒 其

之晚。 鑿,將 對 雖 有 蔬 案 不 有 食 能 不 春之,先 可 食者 歲 且 語 適 自 未 者 數 愧 大 嘗 生 几 ,又安忍有 歉,至人相 必丁 不 亟止 開 寧以 其 之, 端 誨 擇乎 日 食。 之, : 其 ? 家 惟 所 飢 人惡 甚 恐 至 其 或 必 盈 米不 答 成 訪 野 嗟 就

枝别固 惟《 與 廣 前 $\overline{ }$ 曰 詩》、《書》、《禮 聖合 學者緒 之,則言 : 春秋》之爲 孟子》 先儒 熙 集 多 與 此 寧 逆 所 IE 未及此而治之,故其説 9 書 九 爲 1 將 志 所 其 立言 子 年 能 書 少 有 説 歷 秋 知之, 在 待 》、《樂》之言,多不 者 要 方 年致思之所得,其言 先 且 於學者。 謂 發端示 潤 古 生 條 之《 澤 非 無 感 舉大例,考察文理, 華 有 理 正 異 人而 乃聖 葉爾。」又嘗 明 蒙 Œ 夢 義 ×, 如 已。 忽 精 多穿鑿 老木之株 出 能 以 所自 示 其 平易其 書 未 門 謂 觸 殆 屬 及及 作。 可 於 類 門

> 皆 賦 末 廣 之天下 之田 始。 者 者,特上未 制 論 法,共買 有 加 足 役,退 有志· 己。 察然, 儲 術 治 舉而 蓄 爲 貧富 先 以 期 未 辭 9 世之病 先 生 推 以 猶 措 興 備 田 以 就 不 慨 務 先 學 其 之行 之爾。 미 具,要之可 數 均,教 然 然 王 校 私 方, 驗 未始 年, 兹 難 有 之遺 9 之 爾。 成 意 法之行 正 畫 行者,未始不 不 養無 嘗 不 禮 三代 經 爲 法,明當今之可 刑 乃 鄉 以 日 俗 以行 數 界,分宅 言 法, : ',悦之者衆,苟 經界爲急。 之治 ,救災恤 井, 方 日 於今, 雖 仁政 與 而 : 上 欲言 望 以 不 學 里,立歛 可 一患,敦· 道 失公家之 者 縱 復。 亟 必 如 治 而 不 議 奪 自 講 有 欲 本 能 皆 古 富 經 用 所 處 求 法 抑 此 病 荷 我 法

善 乞 召 發 還 聖 秦 舊 人 鳳 之 職 帥 遺 訪 吕 意 公 以 其 薦 治 術 體 略 0 日 可 詔 : 措 從 之以 張 之。 載 復 之學, 古。 生

焉。」 其 難 先 先 能 可 安習故常,以古今異 言者欲講 生者,以所欲言嘗試 生益 行 願 生見禮 奪,然議 行,且謂 欲 及至 不 吾 與門 説。 都,公卿 不致嚴,亟欲 行冠昏喪祭之禮 是 卒不决。 稱不可,非 行 人成其 會有疾,謁 也 不 聞 風慕 於人,多未之信 俗 郊 初志,不幸告終,不 :儒 敢 廟 Œ 爲 生 以 之,然未 告以 之禮 之, 説。 博士 部下 疾 辭 而 一禮官 歸。 先生獨 所宜 衆 禮官 庶 有 莫之助, 知道之 幾 0 深 預 以 禮 有 知 會 焉。 莫 爲 先 有 遇

欲求 歛 其治喪禮 生之學之至,備 日 ,遂奉柩 門人之在長安者繼 文以表其 之日, 歸 用 惟 殯 墓 存 古 以 一,必得 于 甥 以終先 葬。 書,略述 在 來 行 側 又ト以三月 奔哭 生之志 事之迹, 囊 于謚 致 中 賻 議 ※ 襚始 敢 某惟先 矣。 然。 而葬。 次 然 克 明

哭子厚先生詩

聲 東 知 名 何 Ш 恨 聯 無 歎 贵 息 棣 復 萼 蒼 斯 獨 ,二年零落去 生 文 交親念舊 望 約 共 西 脩 土 遊 誰 如 供 Ш 何 後 丘 夫 學 子 寢 明 求。 便 道 門 先 慟 生

司馬温公

《文集》,今藏龜 生。 先 横 误是之没 生 疑 之, 門 Ш 訪 楊 于 人 公家 温 欲 公 謚 爲 以 明 爲 誠 不 夫子 可 此 質 帖 於 明 不 見 道 於 先

之,有 以 漢 魏 光 所未 啓。 以 來 盡 昨 此 日 例 承 甚 問 多 張 無 子 不 厚 謚 可 卒奉 退 而 思

三代之禮者也,漢魏以下,蓋不足法。《郊竊惟子厚平生用心,欲率今世之人復

禮 之,諸 不 則 特 有 夫 誄 己 以 誄 牲 况弟子 貴 貴 上 侯 日 也 相 幼 縣 宜 0 而 誄 不 賁 有 ^ 誄 誄 檀 父 謚 非 長,禮 其 者 始。 弓》 矣。 禮 師 生 記 也。」諸 乎 無 子厚官: 然《 也 禮 ? 爵 曾子 所 惟天子 死 侯 由 比 無 相 問問 失, 諸 謚 誄 **>** 稱 侯 以 日 猶 之 天 爵 大 爲 以 誄 賤 夫 非

也 範 也。 天 謚 而 不合於 也 陶 曷若以孔子爲 君子 0 孔子之没,哀公誄之,不聞 門 子 節、 古禮 愛人以 路 厚 王 欲 葬 非 文 使 顔 禮,今關中 中、孟 比 子 門人 淵 厚 平 之志 孔子歎 爲 貞 臣 矅 與 諸 爲 孔 不 君 弟 比 得 子 欲 其 子 以 其 視 謚 以 復 尊 猶 爲 陳 子 爲 之 文 厚 欺 子

博謀, 備 萬 承關 及於 惟伯淳裁擇 中諸 淺 陋 君 不敢 决 疑 而 於 不 折 伯 盡 衷之。 淳 所 聞 而 光 而 伯 再 獻 淳 拜。 之, 謙 以 遜

遺 事一十九條

以下 : 並 伯 見《程 不 淳 嘗 氏 知 遺 舊 與 書》。 H 子 曾 厚 有 在 甚 興 人 或 於 寺 此 講 處 論 講 終 此 日 事 而

守 子 厚 厚 以 則 禮 高 教 才 學者最 其 學 更先 善。 從雜博 使學者先 中 调 有 來 所

据

美。子厚聞皇子生甚喜,見餓莩者,食便不

横渠言氣,自是横渠作用,立標以明

道。

者所未到。《訂頑》之言,極純無雜,秦漢以來,學

如 讀 人 及 此 書 筆 此 西銘 要之仁孝之理備 得 力, ×, 此 他 文 人 顥 (字,省· 無 得 緣 此 意,只 做 多 得 于 1 是須 言語 此 孟 子 須 得他子 以後 臾 且 而 教 未 厚 不 他 有 有

理。 此 道 則 若 篇 便 西 不 銘》則 其 間 不 孝 言 是《 也 語 原道》之宗 古 孟 3 子 病 之 然 後 祖 大 也 只 要 有 儘 近 原

言。 也; 曰 : 何?」曰 此 事 横 問 也。 有德之言説 造道之言則智足以 渠文之粹 言有多端, $\overline{ }$ 聖 西 人 者 銘 自 也。」「横 也。 有有 己 何 事 如 日 : 德之言,有 ? 知此, 如 渠 聖人 伊 能 充][[如 充盡 言 賢 得 先 造道 聖人 生 盡 否? 説 時 日 之 事 聖 如

都 無 他 横渠道 見 識 儘 高,言儘 醇 , 自 孟 子後 9 儒 者

一西 比 日 ∭ 哉 不 與 銘 及 楊 孟 》之爲書, 用 時 横渠立言, 子 西 致書 恐其 性善、 銘 影明 伊 流 推 ĬII 養 理 誠 遂 先 理 氣 有 至 生日 以 之 而 過 於 存義 論 分 者 兼 : 殊 口 愛。」 擴 乃 $\overline{ }$ 功 墨 西銘 在《 前 贵 先 氏 聖 Œ 生 則二 墨 | | | 答 氏 所 蒙 本 之 未 之 體

> 及 不 而 用 及,不亦異 無 彼 分, 子 欲 比 使 乎?」見 而 X 同 推 之, 而 《程氏文集》,下 行 過 之,本爲 矣。 且 謂 同 用 言 也 體 反 而 不

者,如 望 如 意 之,則有苦心 然此語 見, 語,①深 和 揣 屢偏 完養思慮 -0 志正 料 伊 之氣。 目所睹 未能 於物,約見髣髴]1] 而言多室,小 探 而 先 遠 謹 涵 無過 生答 賾, 非 嚴 極力之象,而 纖微 泳 明 贵 義 先 睿 如『 2 盡 後 理 生 所 出 餘 識 世 他 虚 耳,能 書 照, 之矣; 所 學 無 時 論 日 日 者 而 無 即 有之。 當 無 以 所 考索至 寬 氣 自 差乎 大 嘗 裕 考索至者, 則 條 觀 概 温 慮 無 明所 ! 吾 氣象言 此, 厚一 無 及 叔 也。 更 照 故 作

- ■「無無」、《河南程氏文集》卷九《伊川先生文》五《答横
- 2 然 文》五 此 語 《答 未 能 横 無 渠先生書》爲 過 句。《 河 南 小字 程 氏 注文 文 集 九 伊 11]
- ③ 「明所照者」至「能無差乎」、《河南程氏文集》卷九《伊

斗 此 能 氣 也 此 明 句 無 不可 只『 失,類若此。 孟 却 今以管窺天 問 如 子 是 何 謂不是也。」見《程 我 ; ? 日 知 横渠 : 伊 言。一 由 ĴΠ 我 誠 若《西銘 古 戸 先 知 句 至 見 由 生 言 E 明 北 明 氏 盡 斗 以 我 則 遺 至 書 不 别 篇 横渠之言 誠 養吾 然 處 由 下 誰 可 雖 明 由 浩 誠 説 不 至 誠 得 然 見 則 誠 以 不 北 到 明 至

先 生 無寬舒之氣 日 問 横渠之 厚 謹 嚴 書 有 纔 迫 謹 切 嚴 處 便 否? 有 迫 伊 切 氣 111

病 不 成 在 0 横渠當言 見《上 明 道 蔡 語 録 下 吾 口 百 + 知 是 Ŧī. 學 年 學 不 成 个 恭 有 而 多 小

書 明 横 渠 道 著《 云 正 蒙》 子 厚 時 却 處 如 處 此 置 不 筆 熟 硯 得 意 即

節 横 其 渠 意 教 人 世 八,以禮 汗 漫 爲先, 無守 大要 便當以禮 一欲得 正 爲 容 地 謹

> 得 者。 札 刑 教 物 名 相 他 理 明 似 度 就 道 數之間 ,却從敬 E 更没滋 先 面 生 做 則 Ě Ι. 味 夫。 不 涵 遂生 得 然, 養 來 然 出 先 一厭 因 其 來 使 倦 無 門 ,自然是 學者有 所 見 下 其 處 學 梢 别 知 無 如 頭 識 傳 溺 喫 於 窮

潼 衰 經, : 沐 日 横 挽車 浴 與叔 載 渠 更衣 再移 病 以 作 不 葬 而 横 起, 疾 寢 、渠《行 西 見 尚 邵 歸 及 口 氏 狀 日 及 過 聞 *****, 視之、亡矣。 見 洛 長 録 有 見二 安 見二 也 程先 程 至 盡 門 生 棄

生議 兄 其 存 斯 弟 學」之語 論 則 幾 謂 無 於 是 頤 無忌 尹 兄 事 子言 弟 憚 有 頃 矣 之,先 年 同 0 屬 處 見 則 與 生日 程 叔 可 氏 删 遺 若 去 書 謂 表 學 不 謂 於 叔 頤 尚 平

然 皆 云 後本 「於是 龜 其 案《行 源 Ш 爲 盡 出 集 勝 棄 狀 於 中 》今有 程 疑 異 學, 有 與 氏 叔 跋 兩 而 淳 後 本, 横 關 如 嘗 渠 中 也 删 諸 與 云 改 生 伊 其 如 盡 尊 111 此 它 其 棄 簡 不 其 書 <u></u> 云: 口 學 特 欲 處 而 据 自 學 亦 以 爲 横 多。 焉 爲 定。

伊洛淵源録

然與 葬 則 自 故 事 其 成 子 伊 他 録 家 111 固 此 有 但 此 可 簡 提 言 以 知 其 耳 已。」案,横 示 源 蓋 懇 學 則 退 激 者 自 讓 之言, 使 不 一先生發之耳 渠 知 居 横 之 疑 有 渠 意 龜 簡 雖 Ш 而 與 細 所 横 伊 務 跋 渠 JII 必 之學 即 問問 資 此 於 其 簡 叔父 實 也 程 亦

行 張 郑 史

古大臨

太常 主 蟲 知 强 氣 陝 簿 起 之 ,不與群 博 就 解 州 君 靈 鄉 士。 以 諱 鳳 寶 貢 戩 從 翔 童 熙 科舉,父兄敦 渠 普 字 子 寧二年,超 既冠、登進 潤 州 狎 夫 流 縣 戲 祺 江 令, 長 少 改 懷 爲 而 安 士第,調 而 秘 迫 監 軍 書 好 莊 喻 察御 學 金 省 重 以 堂 著 不喜 陝州 有 爲貧, 史 作 縣 老 裏行。 佐 事 閿 一爲 成 郎 縣 之 乃 雕

> 寧九年三月朔 縣 明 年 運 言 使 舉 事 監 日 出 一感疾卒 鳳 知 翔 江 府 陵 享年四 司 府 竹 公 監 安 縣 + 秩 有七。 改 滿 陝 以 州 巸 夏

干 言 役,止 罷 朝 利 之, 月 靈 其所,若己致之,極其智力,必 0 課 廷,行之。 害 于郡守、監 寶采稍 力行不怠,所至皆有顯效。 伐 君謂 君 計 就 纖 以足 歷治六七 河 其 悉 歲 無名以 壖 直 得 歲計 爲 用民 竹監 司,皆不 之。 場 請 使 邑,誠 ,立價募民,采伐 力,久爲 命民納 民 乃 歲 計 ,乃籍隸監園夫,以 發旁縣夫 之聽,後 心 愛人, 市于有司 困 夫之役,采 擾。 以 伐 視民之不得 而 濟 御 至 有 竹,一月 而 以 史言 而 則 術 後已。 給 罷 稍 訪 以 用 於 其 其 濟

悍 舉 有 莫 使 籍 氣 能 ,鉤考會計,密 其爲邑,養老恤 ,不畏法令,鬥訟寇盗 欺 嘗攝 令華 察 窮皆有 州 不 荷 蒲 府 城 常,察惡 倍 蒲 吏 蓰 束 城 它邑。 手 劇 勸 邑 聽 民

簿 禁 子 酒 召 時 食,召 有訟 孫侍 民 令長 父老, 獄訟 有 以 爲衰 因 邑之高 小 至 使之教篤 峻 勸 庭 善,悉以 法治之,姦 以 必必 孝弟之道 年,聚於縣 以 子弟 籍之。 理敦 服 愈 0 喻 學 不 月吉, 廨 不 使 勝 省 以 數 無 0 调 勞之, 月, 以 犯 君 俸 邑 作 悉 法 使 人 錢 記 寬 化 其 爲 間 條 善

寖 爲 可 以 其末,未 怛之愛, 進 戩 0 爲 對 異 之狂易,宜 謂 乃告 可言 以 初 熙 不少矣!! 反 御 寧 議 見 經 無 嘗 諸 皆濶 初,上 史 其 不 正 所 左 執 召, 以 本 可 遷 右 政 其 略 當 堯 也 初 避 君 章十數上,卒不納 邇 爲 不 自 舜三代之事 即 0 喜 臣 執 公所 · 辨。 事 朝 位 其 政 不 以 有 廷 大要, 啓君 9 笑 以 笑 爲 登 始,不先諸 既 不 德 用 而 千 見, 歸 然 不 進 載 大 興 進 天 而 答, 臣 衰者 之 于 君 下之士 新 心,進 將 遇 上 争 政 君 此 , 前 之 乃 間 大 所 \Box 而 笑 不 雖 歎 治 有 更 有 惻 見

> 則 不 罪,卒罷 日 説 聳 然畏之,終乃 以以 兹 言 未 無 職。 可 罪 已乎 既去 天 服 下 其 位 士 厚 遂 大 未 謝 夫 嘗 病 聞 以 不 其 諫 朝 居家 風 草 示

朝。 乞張 張君 者 訟幾希。 已,皆泣下。 以 未幾,靈寶之民 昔者人以吾邑之人 往 至 君還 往 誠 去之日 ,乃吾昔日之賢令也 自公安改知夏縣。縣 扣 ,反復教 是惟 頭 舊治。」使者欣然, 」, 遮 自 公知吾 引,不 喻 心遮使 道 不 送,不 者 無 五. 逆 邑民之不喜訟 車 良 六 不 得 喜訟 請 月, 億 素 願 行 聽 日: 刑 號 不 使 其 自 省 多 君 行 父 辭 訟, 公來 「今夏令 而 哀吾民 小 老 也 而 訟 惠 言 日 君 訟 民 于

言 容。 失色於一 未 ·嘗 然 君篤 不 與 人 人 實 及 寬裕 於 居 樂道 義 温 儼 厚之意 接 人之善 然 人 正 無 色, 貴 久 而 雖 賤 而 不 喜 疏 益 及其 愠 戚 親 不 未 惡 終 見 嘗 於 H

能 沛 勉 我知之矣。公等察之,後此 若 進 矯 病 有 强 人 己 餘 之德 其 言之欺,以爲 任 和 道 常自省 不 力 而 以 行 不 物 事 . 9 每 小 奪 無 己 若 有 志 益 病 過 不 之言。 及 常雞 差 不 復爲矣。」 必 德 鳴 其 語 大 而 清 人曰 容 起 不 重 : 勉 以

乃 性 事 處 事 君 有 周 無 屈 ൬ 自 達 之美 惻 裕 歸 方 恤 在 今始 ,誠意 其 然 别 如 少 孔 極其 又 吾 兄 内 孤 也 不 有 門 日 載 不 外 安 妹 懇 恭 有 之 有弟. : 有一 之限 寡 重於世,常 切 愛。 得 所 列 帥 居 不 不 事 其 吾弟 如此,道其無 宜 如 推 子 親 制 知 故 弛 與 0 而 不 識 財 全器 人 其 子 而 其不 克家, 及 語 用 死 勞, 奉 夏 合 諸 之節 人曰 也, 其 後 力 自 族 不 君 憂乎 聚 先 兄 然 以 姻 假 克 : 力 男 以 語 財 葬 爲 故 晚 爲 而 就 悌 道 + 難 舊 吾 乃 經 而 勇 傅, 而 餘 講 於 弟 克 其 当 就 而 合 年 學 德 襄 自 家 不 女 不 養

> 得 倦; 兆 葬 善,有不勝 下之重 베 文 手疏 着 善言 後,戰 集 將 既 書 無之,疑未及 其 以 而 暴 請 求 忠之盛, 兢 哀 於 傳諸 不辭 病 有 明 辭 書,要其 免 道 道 卒, 夫 納 ; 先 後 作 者 0 諸 載 生》,云「 使 敢 也 其氣之强 以 是 壙 死 哭 大者, 月 銘 次 日 者復 失 還 先 : 其 其 聲 生嘗 蓋 葬 狀 墓 生 其 哀哀吾弟 以 篤 如 許 以 而 力之厚 請 誌 大 從 不 行 無 御 臨 先大 欲 禮義 憾 史之墓」, 案吕 惟 生 是 任 君 夫 而 氏 而 令文 宜 將 無 天 今

遺 事 五條

笑 戩 極 張 怒 陳 戩 其 日 爲 事 監 辭 察 參 裹行 氣 政 其 請 厲 罷 戩 介 條 甫 亦 例 笑 以 口 參 扇 政 掩 大 所 詣 面 爲 m 中

叔 視 事 只相公得爲 耳 而 0 待罪。 豊惟 戩 無過 見《温 笑, 天下誰 察院 邪? 公日録 不 須 退 如 而 不笑之者?」 此。 家 居,申 戩 顧 暘 不 :

遺 賢 經語 却不向道 書》,下同 却 會讀 爲 張 證 戩 書。」 嘗 0 一只這 於 介 甫 戩 政 不 箇 事 日 能 : 堂 便是不會讀 答。 與 安石 介 伊川 甫 却 争 先 書。」 不 辨 生因 事 見《程 因 : 舉 氏

與 却 却 人,嘗爲 景 有 庸 氣 氣 天祺有自 相 局 短 御 處 小 史,論新 濟,乃爲 0 規規 1然德 景庸 法 得 太以 氣 則 中 ,似箇貴 只是才敏 也。 事 · 爲 重 薛 景 庸 3,須是 氣 傷於周 名昌朝 象,只是 天祺

遂治之 是 意 愛用 氣 局 天 無 祺 其 小、太規 徳量 少貨。 卒長,及將代, 有自然德氣, 如 規 罪已正 此 以 事 又《邵 望之有 爲 一,待 自 重 氏 見 之 也 聞 見 復 其 貴 録 人 昔在 如 人之象, *\frac{\times}{\times} 盗 初 筍皮, 司 天祺

在司竹、舉家不食筍。」

0 張 藻 子 鑑 厚 人物,自 善鑑 裁 是 其 人 弟 才 天 有 棋 通 學之便錯 悟 處 學不 得

也

伊洛淵源録卷第六

■「惟」,原闕,成化本作「爲」,據國圖崇禎本、民大

明

本

伊洛淵源録卷第七

吕 侍 講

家傳略

召 紹 以 聖 爲 恩 光 初 補 公諱 出 禄 官 希 少 知太 卿, 哲 元 字 祐 平 出 中 守 州 原 爲 奉 明,正 坐 講 祠 黨 官 而 謫 獻 卒 遷 居 公之長 諫 和 官 州 不 子 徽宗 也

茶 者 去 日 事 而 市 肆 事 申 酒 韈 循 或 正 命 肆 蹈 獻 夫 雖 縛 公居 規 坐,不 袴 天 性 矩 市 衣 甚 一嚴 井 家 服 熱 里巷之語 敢 甫 簡 有 惟 + 法 坐 重 在 謹 歲 度, 也 寡 父 默 母長 雖 行 祁 日 鄭 步 不 寒 甚 必冠 出 者之側 暑 衛 以 愛公, 雨 事 帶 無無 物 侍 以 經 未 文 得 見 得 長 終

比

首

以

師

禮

事

而

明

道

程

先

生

顥

及

横

公少

先

生

一歲

察

其

學

問

淵

源

非

他

始

與

程

先

生

頤

俱

事

胡

先

生,居

並

公德器 訓 時 之語 賢父兄,外無 過 正 州 於 公方 差 目 如 事 此 一,先 焦 於 正獻公招延之,使教 + 之 成 諸 耳 正 生端 先生千之伯 嚴 0 就 餘 獻 生 大 歲, 恐 公 不 外 嚴 坐 IE 通 懼 師 則 異 内 召 之 判 畏 友,而能 焦先 衆 則 與與 書 潁 服 强 人。 正 相 州 先 生 客文忠公所, 非 獻公與 對 化 禮 、諸子。 公嘗言 歐 一,終日 有成者少矣。 生方 導 之色, 陽 如 申 文 略 諸 竟 此之篤, 國 人 忠 未 降 夕 生内 夫人教 生 嚴 嘗 少 滴 有 無 與 知 接

學。 學者不由 孫 也 ,有官矣 先 安石 生復、石先 公始從安定胡先 以爲凡士未官 而 公聞 復 生介、 事 遽 科 棄 舉 李 生 科 先 瑗 舉 是 而 僥 生 於 事 倖富 覯 太學,後 意古學。 科 舉 王 貴 者爲 公 利 安 遍 貧 從

笑 等話 難 説 其 截 遊 渠 話 不 人 所 徑 説 由由 某 邪 日 者,學皆類 張 知 專 爲 捷 人 道 先 話 會 是 此 只 取 理 生 蓋 以 亦 私 地 相 知 是 嘗言 有 也 載 豊 此 自 造 見 或 説 行 兄 此 門 聖 易説 處 古 寺 H 得, 然 不 正 弟、 氣 至 益 公 務 叔 論 象, 今, 正 論 也」,公以 取 廣 略 孫 先 事 嘗言 叔言「只 知 大。 人,先 去枝 自有合得 更曾有 公 生 詳 見者。 覺 自 盡 往 然公 葉, 小 , 伯 論 與二 爲二 李 説 人 説 知 公 又 亦 得 淳 如 來 程諸 話 見 意 常 程 説 未 好 忽 此 此 過 次次 涵 遠 皆 話 世 歎 嘗 地 養, 公遊 説 過 乃 人 專 説 與 亦 曰 衆 喜 嘗 考 . 直 公 大 此 此 主

皆 度 從 與 登 當 預 學。 聞 世 王公安石 進 之矣。 諸 善 自嘉 賢 人 務 祐 然 與 脩 欲 間 正 自 建 變 學 獻 秉 更, 内 政 校 公 外 略 既 事 施 放 其 多 相 設 前 所 不 推 次 代 施 甚 重 第 設者, 别 往 而 往 立 王 公 公 法 與 又

> 先引 舊 父 子 説 不 公,公固 不 同 合 又 後 辭 愎 欲 乃 諫 用 止 自 其 信 子 雱 動 侍 失 講 衆 殿 心 中 寖 乃 與 欲

身 天 下 爲 且 自 本,脩身 公爲説 不 化 能 不 喻 書 以 ·假 况天 凡二年, IE 他 心誠 術 下 ; 乎 意 日 身 爲 夕 不 主 勸 能 導 脩 心 IE 主 雖 意 以 左 誠 脩 右

潞 先 勤 以 懇 意 私 鄰 公日 公雖 相 州 結 在 也,公之子 私 邢 性 州 至 相 一樂易, 日, 吾 附 素 劉 託 疑 然 邪 與 公 問 ?! 卒 劉 安 未 嘗 往 世 嘗 勸 還 假 適 不 公與 守 不熟,今豈 人 與 潞 辭 書 劉 色, 州 公 書 悦人 口 通

今諸 家 和 有 事 事 州 至 擾 儒 絶 公 ,當作詩 之説 晚 公私 切 糧 居 數 不 宿 日 問 云 默 閑 者。 州 不 坐 真 居 沉 以 公 陽 日 除 毫 思 處 間 讀 却 髮 之 + 隨 借 事 晏 餘 事 書 託 然 年 活 解 州 爻, 酒 静 衣 縣 外 食 坐 遍 不 考 其 更 夜 室, 無

與 子 孫 評 論 古 今, 商 榷 得 失, 久之方 罷

中,時 次 晚 年 疾 病,全不 誉言: 公之行 覺心動 己 一十餘 動 矣。」 數 務 年 自 年 其 前 省 前 自 大 察 在 力 病, 校 楚 如 量 已 州 此 稍 以 橋 勝 自 壞 前 進 墮 益 水

云: 程 後 奉聖公爵 先 扶 生 始, 添賜 兀 傷 默 祐 以 敗 公 田 然 初 奉 如 并 日 祭祀。」未嘗遽 而 舊 程 是足 . 賜 去。 先生議 爲 矣, Ŧi. 案《程》 方 百 今母 此豈 請 頃 請 氏文集·修立 便 設 封 行 溝 后 大 封 建 封 建 臨 有 欲 爲 也 朝 爲 孔 奉 自 時 聖 氏 衆 封 鄉 條 邪 議 孔 制 ? # 子 襲 但

以 中 悉 師 而 嘗 却 脩 融 友之矣。 佛 問 顒 通 公自少 學?」公曰 之, 公: 游 然 盡 年 晚 後 究 既 更 其 知 程 從 從 佛 道, 先 諸 高 之道 老 生 别 僧 只 先 所 白 爲 員 與 見 生 見 是 照 吾 學, 得 如 非 師 聖 太 宗 此 當 人合。 棋 近。 高 本、 世 酌 遠 深 證 善 淺 本 悟 士 何

遺 事

屬 廨 雜志》,下同 舍 悉不能 無几 祭陽 案, 公 具,處之甚安 在 以 淮 竹縛 陽 時 架,上 東 其簡 萊 置 公爲 書 儉 册 如 曹 此 官 器 \mathbf{III} 見 所 之 居

氏

公, 有 以 不 人 動 七十矣,作《 俱 其 德,神相 動 0 文在 八德齒。 27,從 滎陽 墜 自 歷 其 者 浮 陽 公 其祉 中。 於水, 有 我 晚 敬之愛之, 赴 溺 敬 年 單 見 0 水者。 詩》贈 習 守 而祭陽 乎外者 何 静 ",過 以 祝 雖 公 何 時 Ш 公,勿藥有 公安坐轎 古 驚 티 : 徐 陽 時 恐 仲 渡 已 人之風 顛 己。 車 橋 我 沛 先 橋 敬 上, 喜 美哉 生 未 吕 惟 年 神 嘗 公 幾 轎 腎 色 少

范 之上 + 年 内 一、未嘗 -, 未嘗 翰 仙 源 以 嘗言 戲 爲 笑。」 日 不 口 有 滎陽 及 面 與 赤 侍 公 講 自 處 爲 身 少 如 夫 至 婦 此 老 相 雖 而 處 袵 每 歎 席

公與 諸 人云: 自 少 官 守 處

未

滎

陽

以 好 官 求 · 云 會 干 稽 知 人 舉 也 ___ ·薦 勤 或 見《童 於 譏 以 職 其 爲 訓 事 不 後 生 求 其 之 知 他 戒 者 不 敢 仲 仲 不 父 父 · 慎 對 舜 詞 乃 從 其 所 守

以 字 久之。公言觀 其 베 日 自 少愧矣。 子 言 知 之。 有有 滎陽 不肯受,願 可 亡父未嘗 謂自 以 公嘗言 白 金 賊 皆 此 者 召 百 以 事 口 其 也 兩 白 以 而 子 寄 世 言 金委人也。」 爲 予之」,尹 我 包 人 堯 孝肅 者, 喜 無 舜者 言 好 死 尹 人」者, 矣, 蓋 召其 無 京 兩 好 時 子 觀 子 · 其 子 於 亦 相 民 此 辭 有 讓 可

之 禰 耕 非 可 無 ,以供築 委之使令也 公嘗 良 若以 農工 又 言 説 己 盛 女 爲 所 也, 人子者, 孝 自 嘗 王 子 親 以 觀《 后 事 者 爲 親 穀 也。 親 視 人之所 叠 梁 於 須 》言 此 以 無 事 説 供 盡 形 事 最 祭服 躬 事 聽 盡 天 親 子 於 其 親 親 無 祖 或 不

> 親 氏 雜 志 則 未 有 嘗 時 頃 而 刻 違 離 天 親 天 也 不 事 可 得 親 而 如 違 天 也 頃 刻 見 離

於 象。 止 此焉 輕 滎陽公嘗 氣 重 分,亦貴賤壽夭之所 象好時 疾 徐 足以 言 白 事 見之矣。 是 後 當 生 初 由 學, 氣 不惟 象者 且. 也 君 須 辭 子 理 **\$** 小 會 氣

於心矣 攻 其 惡 又嘗説: 入, 豈有三 , 日 夜 且 夫 攻 自 點 其 點 思, 檢 檢 他 無 絲 人 攻人之惡 邪 毫 不 9 即 不 蓋 慊 自

書 實 在 Z 原 元 明 祐 子。 間 派 伊伊 相 久 Ĵij 留 先 左右 生既 所 歸 洛 助 寄范 意正 道 醇 夫

生。 却 臨 先 崇 被公家學佛。」 行, 生 寧 召 元 又請 食, 年, 坐間 教 叔 語 父 舜從 問 甚 舜 事 詳 從 即 甚 侍講之子 至 泉,先 既 洛 而 中 微 也 生 笑 請 見 子 先

范 内 翰

録》記 著 語 講 其嘗受學於二先生之門也。 家傳》、《遺 説説》、 先 讀官 生稱 名 伊川事 人翰 祖 唐鑑 道之語 禹 事 》,議 字 林 而 載 淳 以門人稱之。 以 論 爲學士。 夫,蜀 其言行之懿 見 亦 梗概 多資於程氏 人。 ,他不得 后 獨 兀 坐 又其 甚 鮮 祐 黨 詳 于 0 中 而 然不 論 所著《論 綽《傳信 爲 故 書也。 貶 給 今特 死 云 諫

遺事五條2

能 盡 相 用 信 先 范 生 淳 如 此 夫 0 . 論 嘗 見 與 程 伊 先 氏 ĴΙΙ 生 外 謂 論 書 門 唐 人 事 日 及爲《 唐 夫 鑑 乃

近 方 惟 元 見 印 祐 此 行 中 書 ^ 唐 客 有 鑑 自 見 **>** 伊 代 ĬII 部 以 先生 後 先 無 者 生 此 謂 几 議 案 客 論 無 0 日 他 見

花公遺事》。

意。」 淳夫色 公問: 之曰: 言亦失 云: 後來遂除侍講。 伊 温 更得 ĬΙΙ ,却道: 何 不問 而 先 氣和 故 范淳夫在筵 生 ? 有 三 尤 無門路,但筵 : 頤 他見脩史,自有 可 曰 見 昨 以 : 《程氏 在 中 開 自 尤 講 遺 陳是非 書 好。 筵, 度 中 少 曾 · 須 温 門 温 ,導人主之 得他。」 説 路 公 潤之氣 與 彼 温 頤 時 温 應

其 人如 尹 彦 玉 明 一。」見《 問 外 范 淳 夫 之爲 人, 先 生 日

楊學士

祭文, 祭文 名 亦先生交遊 而 或 吕 寶, 氏 諸 字 應 書 耳, 記 其 非 無 言 門人之列 他 行 叙 之一二。 述 也。 獨 伊 然 111 詳 氏 有

② 「五條」,檢正文,當爲① 「資」,成化本作「咨」。

七二

言其元豐中已老,則年輩與先生亦相若云。

祭文

子 屬 舊 志 年 君 肉 南 子 ? 奇 之情,悲 而 言 衰年 藴 止 忽聞 嗚 契氣 曾 於 呼 致菲 誰 憚 來 此 哀 不 未 合,遂從予 計 乎 死,君· 薄 於 得 昔 而 何痛 之奠,魂兮其 長 子 己。 施 道 與 高 0 如之。 管 才偉 君 天 死 游 不 城 胡 邂 爲 能 歲 之 爲 度 逅 可 臨 嗚 時 (來, 歆 原 厚 相 恨 絶 呼 三紀 其 , 遇 也 歸 應之, 出 於 禀 此 慟 群 袝 情 大 奚 而 誠 先 類 止 蓝 以伸 誰 江 均 意 兆 其 善 謂

遺 事六條

行 而 益 壯 楊 元 豐 或 以 中 寶 詩 會 應 贈 之, 于 之, 都 余從 城 曰 余 姑 見 之 子 其 獨 貧 也 抱 而 遺 少 不 經 强 唐 學 處 老 力

士,差强人意漢將軍。」見《日氏家塾記》。

篤 朝 信好學,至 未嘗有求 楊 應之勁 死 於 挺 不 人,亦 不 變。 屈 未 見 自 嘗 童 爲 蒙訓 假 布 衣 以言 下 以 口 至官於 色

楊 壺, 應 盡 郎,有遠房舅 就 而 有 以成 試 應之有 弘 之嘉其 如 竹 致 楊 ,授成都 應之元 是足矣。」 白 都 + 遠 1竿,有 英 七學 識 所得數百千遺之。 才, 氣 祐 在 轉 特 即 間 香 蜀 伊 運 見《吕 異 薦 應之 用 中 判]1 流 范 官 爐,有書 氏 先 朝 俗 力 官 派 雜 生 行 滿 志 相 有 嘗 》,下同 嘗 自 苦節 堯 貧 屬 以 題 其自立 成 千 夫 不能 官 爲 所居 都 學 卷, 薦 與 交 召 歸, 之 問 館 如 有 爲 遊 壁 辨 職 贍 此 酒 應之 云 校 論, 博 書 惟

忠公處 者。 偉 度 應之 伊 過 事 ĬΙΙ 絶 猶 樂善尚 先 於 不 生 免有 日 德 未 小 見 而 楊 其 如 議 應之 比 孫 論 威 不 在 可 敏 苟 望 交 操 遊 以 云 行 託 中 以 富 吾 英 文 道 氣

類 師 於心術,其流之弊,有不可勝言者,豈不要賢 石 可代己 (,未免有心,况常 守 友以規正其微邪! 此應之之論 道 以 」,守道 行多詭 其 (喜訕 可 激,特以 任 韓、富,亦 臺諫。 人乎。 又知 人附己 雖然毫髮之失,生 加 擯 劉 抑。 原 巾 乃 父文學 凡此 薦 威 之 絶 敏

之,甘 元豐間 日以廳 楊 如飴蜜。不求於人,卒能有立云。 飯置 親 應之兄弟皆安貧樂道,未嘗 喪服除,至京 一盆,又以一盆盛菜蔬,兄弟分食 師,寓予家榆林舊第 少屈 於

朱

慕

范

内

翰

光 公諱 禄 卿 光 庭,字 贈 太 尉 掞 母: 宗 河 南 氏 偃 崇 師 或 太 夫

景,

應 皆 時 第, 制 以才名稱,關 程伯淳主鄠縣 調 科 萬 李氏 會仁宗 年 了。會昌 主簿 數數 登遐,罷 中 簿、張 縣 號爲「三傑」。 假 太 君 邑 山甫 事 嘉祐 主 邑 武 文潞 功 謂 一年登 簿, 之 明 公舉 與公 進 士

改 不 畝 地 笞 民 垣 加 曲 租 1 一人,而輸 久侵冒 總 内 令,它邑飲 外 四 艱,服 萬 轉易皆 以 餘 時 **濟青苗** 石,公争之, 除,爲脩武 足。 爲 I錢,類 税籍 以 得 令。 朝廷遣 嚴 减 取 萬 邑 辨,公 餘 使按 有 牧

便。 公對 張 有 法 所 聞 誠 以 以 度,臣下行之, 能 乎?」公對曰:「陛 樞 少從孫復授《 臣 去其不便,則 薦 得 召 或 春 對。 非 天 秋 下 聖 神宗問 **%** 均 意 下 又問 被 ·即位 故 福 所 有 矣。」 以來,更 治 便有 何 中 外

以 廷 辨 伐 日 西 丞相 調 夏 發 五. 大防 有 路 非 出 守長安,辟僉書 朝 師 廷 意 雍 而 爲 急 都 於 會 期會者,公 判官。 事 多倚 朝

執 、公請 白 從 督 治 部 獄 使 祠 者 以 怒 避 之。 宣 言 將 加 以 乏 軍 興

陵 事 神宗 事 以 Щ 時 陵 集 洛 韓 獻 人不 肅 公尹洛, 知 有 大 役 奏公勾 當 Ш

遇 以 所 罷 大 臣 朝 薦 提 臣 太學置 聖之 舉常 , 損 達 政 忠 口 邪 闕 馬 益 人無 知 平 爲 文 失 明 政 官 言, IE. 當 事 知 師 夙 一公薦 、公密. 安心言之, 夜竭 者 不 又請 以 養 散 力, 青 太皇 天子 人 召 勿 苗 才 啓 爲 知 太 錢 燕 沃 勿 左 無 后 • 間 論 多見 畏 正 不 嘉 奏 與 廣 言 言 避 公 儒 無 儲 施 正 虚 臣 公自 首 時 行 直 講 日 備 進 以 以 諭 退 辨 多 水

易 罷 增 官 吏 制 錫 京 師 + 遷 九 左 \blacksquare 倉 懲獄 麗 司 法 保 别 諫 異 官 甲 六 慘 世 請 汰 酷 襲。 罷 冗 糾 + 遣 官 合宗 論 禁淫 使 急 高 室, 議 務 祠 麗 河 四 + 褒 省 患 事 崇 浮 : 先 費 慎 五. 數 議

河北饑,遣公賑濟,大發倉廪,所全活

公請 德 治 甚 有 詔 應 道 變,乞 幸 罷 燕 後 是 拜 苑 歲 右 以 戒 祇 諫 旱, 諸 議 天 州 花 論 大 戒 讞 釣 救 夫 獄 魚 災 其 請 毋 夏 燕 召 得 日 事 群 講 爲 食, 臣 官 疑 遷 便 似之言 給 殿 會 疏 春 事 論 訪 寒 脩

鄆 丑. 知 州 潞 ,公封還 晦 州 數 以 以 疾卒 月 論 遷 復召爲 事 集賢 麻 官 求 制 外 年 院 坐 給 補 五十八 學 落 事 士。 職 中。 除 集 復 紹 劉 賢 聖 知 派 殿 亳 元 相摯罷 脩撰、 州 年三月 歲 知 政 餘 辛 亳 守

賦 德 恭 與 有 叔 爲 朋 粟 間 父 五. 言 虚 盡 友 天 之 交,一 己常 性 其 立 月 爲 道 純 祠 而 人端 若 孝 教 止 以 不 諸 居 亳 至 - 足, 脩 厚 民 大饑 太 弟 方 誠 無 尉 以 重 0 菜 喪 身治家, 友 再 公開 色。 望 愛,上 廬 守 之可 墓 亳, 倉 在 側 下 居官 畏,即 潞 賑 亳人 惇睦 濟 年。 立 懷 之謙 鄰 , 其 事

■「散」,原作「敢」,據成化本改

七六

興 荒 疾 而 食 歉 猶 强 流 之心 視 民 至 事 日 順 者 0 盈 未 食 而 路 終 饑 後 Ê 前 者 公 至 勞 日 暮 來 禱 不 安 暇 定 雨 食, 拜 H 不 遂 爲 能 感 食

足 家資 者 造 道 不 叔 於 善 次 忠信 之門,正 後歷 惟 素厚 如如 不 先生於洛陽, 初,受學於安定先生,告以爲學之本 孔孟 避 忘。 ,公終身力行之。 清 水 一心誠 顯 所 爲 火。 見善勇 其 取 然 意 甚 自 常謂 故 薄,仕 爲 其 奉 如 力 所 如 入德之方,公服行 賁 百 排 聞 故 世 育 至 後又從 異 時 以 以 朝 端, 惟恐不 格 俟聖人而 列 物 以 程 猶 致知爲 扶 一伯淳、 及; 糲 、聖道 食 不 惑 進 不 見 正 主

銘 郎 日 娶王 其 年 氏 Ŧi. 月 封 葬 仁壽 公偃 縣 師 君。子純之, 先塋之次,來請 假 承 銘 務

則 慎 獨 鳴 呼 靡 公 有 掞 作 1 輟 誠 道 明 學之强 篤 實,行 直 正 而 色 方 于 朝 居

> 者 見 而 今也 光。 義 能 祈村之原,前洛後邙 勇 則 志 氣 其 之 名在 剛 我 思 其 永固 古 事 在 其 史, 藏 庶 愈 見 來

祭文

忱, 蹇 動 行 乎 可 獨 自 不 王 紀 静 ? 信 子 求 미 遽止 述 臣之節 質於神 不 兄弟倡 嗚 不 篤學力行,至於没齒 呼 疑。 於此 由至 求 謂當. ! 則 明。 學之初, 非 誠 道 何 凛凛循吏之風 大施 夫豪 得 既 在家 不 於 論 斯 傑 明 衆 時 在 古 道之所 方驚 特 ,必得 邦, 世 人, 豈易其 立 一、志不 罕 臨 著見 異, 之 信 以 其 民 士 (壽,天 渝 者 君 久 臨 事爲, 不 如 事 能 時 不 比 明 甚 金 胡 如 信 也 石 次 則

之、 學 之人 楊應之相 嗚 呼哀哉 相 繼而 繼 逝 而 也 逝 不幸 今 劉 質 君復往 七 夫、李 年 端 一,使予 之 伯 間 日 與 踽 同 叔 踽 志 范 於 共

之情 之深契,痛音容之永隔 · ,憂道學之寡 而 已! 邙 山 助 之陽 則予之哭君,豈 歸袝先宅。 陳薄奠以 將誠 思半生 特 朋 友 庶

遺 事四條

英靈兮來格。

之,此意亦好。見《程氏遺書》。 之道」,中以一榜書「毋不敬,思無邪」,中處各三十六隔。一書「天道之要」,一書「仁義公」,一書「仁義」

掞對「願陛下禽獸畜之」。見《龜山語録》。朱公掞上殿,神考欲再舉安南之師,公

雍 臣 再 封 爲 還 知 攻朱、乞正黨與之罪。 摯有功大臣,不當無名而去。 言者若 亳州。 麻 朋黨,願 十一月三日,朱給事 制 17,故但 被 相 以本官出 斥 以其召 而不 辭」。 八日,公掞以 而 封還劉 簾 不 至 中 六日,中丞鄭 ,又不悦其 殊不怒也。 丞相麻 本官

兄王彦霖《繫年録》。

文定公集》。 者,然夷考其 其 易知、心未易盡 亦多過矣。 公掞等,可謂奮 自 固 有 寧、元祐、靖 名蓋 乃知 事 聖賢 ,猶有 天下, 不顧身,盡 理 未 易窮,義 事業未易到 憾 或 致 焉 位 間 忠許 廟 堂, 如 未 張 國,而議 易 得 屢 也。 天棋、 行 所 論 朱 學

伊洛淵源録卷第七

伊洛淵源録卷第八

劉博士

墓誌銘

李籲

妣

安仁

縣君,余仲

姑

也

學校 各 未 君 叟、左正言朱光庭又皆言:●「近《春秋》 廢 絢 名聞 爲 學 報 舉 已久,絢 ,以二年六月十二日卒于官 論論 太學博士。 經 元 兼 祐 明 授 議 侍 行 元 少通《春秋》,宜 不 京 講 年 修 · 倦 兆 韓 閏 學者 府 口 公維 及就試,不幸有 二月 府學 充 内 以 多親 詔 教 外 開 侍從、 授。 學 爲 封 之。 官 博 府 侍 10 陳 者。 病 諫 疾 御 留 甚 部部 猶 官、 自 資 史 縣 公卿 請 復 王 政 勉 尉 御 學 外 力 巖 劉 以 殿 史

> 後 贈 岢 仕 大 因 光禄 夫 贈金紫光 私 葬 乎 君字質夫,先 師 少卿。 哉 焉。 友、學士莫不傷之。 蓋 父師 以 禄 祖 純 大夫,以 諱 日 學懿 世常 舜 今爲 卿 行 Щ 仕宦 君子 人。 尚 朝 書 散 噫 爲 始 曾 虞部 大 家 難 祖 夫 得 河 諱 其 郎 致 南 懷 也 傷 中 也 其 致

矣, 焉。 易 明 遇 無交戰之 不爲異端 老成器 保 事 道 孜孜焉 常 剛 也 君 君 i,結髮 生質 謂 毅 所授 病、故 所 斯 自 人 不知 惑 明粹 日 立 有 即 之志 : 一,其 其 其 本 故 事 末 行 其 他 長 明 質之美、學 吾 他人之學,敏 履 所 也 也。 而温 道 無疑 也安; 果。 先 知 恭, 天性孝弟 生程 造 焉 外 自 淵 之 雖 氏兄 内 髫 微 力 則 温 日 监 也 有 然 弟 樂 知 加 時 如 口 所 受 善 重 止 有 而 而

● 「左」,原作「今」,各本同。今按《宋史》卷三三三《朱以

以 簿 禮 尹 之子 此 部 尹 善 君 召 後 弟預 幼 府 公臨 不 以 中 復 者 衵 爲 事 且. 蔭 皆 不 俾 得 也 計 ·荷 官 勾 率 而 稽 初 少 償 類 公 嘗 任 之, 此 厨 應 河 賓客之費。 尹 進 南 始不悦, 士: 府 舉 壽 安 再 卒 凡 主 至

之。 如 歲 期 公 有 重 1 劉 早, 安仁 謝 君 又 絢 鄉 不聽, 夫貧 言 誠 遣 兀 田 古 縣 豐 愛,公家 、遂以 税 皆 君力 縣 君 甚 中 府 民 + 憂,父 **\$** 涕 由 代 自言 詣 争 移 當當 也 泣 是 負 輸 潞 闕 蠲 不 舉 而 老 憾 未 逋,不施箠 七八, 之 訴 能 還 數 終其 子 君 有 長 得 詔 之所 千 以 子 乃 府 遣 去 富 百 乃 償 **令**, 以 遣 通 見 封 、公惻 人 文 遂不答 小,以 公 官 邑 判 還 者 送 忠 事 覆 俗 至 躬 其 語 然 置 郡 案, 視 榜 淳 期 爲 公罪。 境 古 而 卒 所 寬 概 日 請 . 得 君 其 改 蠲 口 而

惜乎朝廷方知而用之,年纔四十三而

賻 没 村 口 之,始 傷 北 邙 平. 也 原 己。 生 克 先塋之次 藴 歸 積 没 葬 見 時 河 于 家 南 時、 無 其 府 年 千 及 偃 錢 + 于 師 月 物 諸 縣 + 者 洛 公 九 古 士: 南 日 未 友 鄉 也 博 相 中 與

足言 正 步 同 舍 不 坐 吕 者 端 忘 君 之爲 學。 獨 與 意 叔 念累吾 氣 既病, 過問 人 即 氣 下 疾, 和 - ,平居 親 與予言 而體 耳 君 0 日 持養、 莊 : 日 持 論 死 氣 生 每 不苟 口 常 瞀 忽 悶 合 理 乎 時 跬 無

學者 共 盤 孔 \mathbb{H} 今予之悲 大 夫。 也 靧 孟 外 之言 也 君 猶 繹 君 自 余 道 ,豈特 斷 君 平 幼治《春 晚 與 詩 經 時 始 人 有 意,將没之時 聞 親 子男一 遺 俱學,有 書》 善 秋 戚之情 藁 》, 其 語, 賴 未 就 君 安 學 所 乎 以 伯 然 0 知 尚 祖 將 告 順 君 而 終, 于 惟 以 語 娶 逝 程 啓 例 恐 者 銘 田 氏 類 可 手 不 氏, 多 謂 與 足 質 專 中 自 以 于

❶ 「去」,底本字跡漫漶不清,似「去」,成化本作「志」

歸 遭 迷。 未 而 發之鏗 道 蹈之。 大施 乃 有知之,起以此詩 生曷疑。 蓋 不有豪 鳴 如子 審 君 鏗 呼 所 進 一、堅不 質 者 子 持。 以 猶身之長,日益 傑 夫 鮮 是 知 悲。 也 孰 變也。 止 力久内明, 0 不 逃 本 養 彼 可 而 以不 之温 得 歸 而 嗟世 ? 不 而 欺 温 莫 知 見 見 習 尚 淳 於 知。 也 非 我 贵 其 融 乎 若子, 滔 何 試其 出無惑, 學 善 怡 説 滔 以 世 爲。 德 所 競 致

文

伊

11

先

生

吾 知 而 後 之者 門 志 不懼 者 嗚 將明 衆 . 廣 其 呼 矣, 難 則 斯 聖 者 道 而 用 學 信 力 蓋 不 興 之篤 者 亦 傳 斯 衆 有 學 久 冀 於 得之多,行之果,守 何 矣 矣。 難 既 之 絶 吾 不易 以 力 生 謂 小任 百 苟 能 世 重 使 游

> 之 者 不 贵 幸 古 姑因 遽 若 止 子 薄 遊 者 奠,以 從 使 幾 之 吾 希 情 叙其 悲 哉 傳 方 學 賴 之 兹 子 焉 難 致 歸 力 則 葬 以 所 相 不 以 輔 惜 克 臨 子 而

遺 事五條

氏遺 書》,下 劉 質 司 夫 久 於 其 事 自 小 來 便 在 此

質夫沛然。

111 所 方 須 夫 111 記 見之。 著 也。 必 伊 尹 頭 對 劉 和 Ĵη 劉 質 靖 親 日 語 傳 夫 又 作 : 下 作《春 既 有 同 蜀 成,門人請 竟 已令劉 更二十 人 不 秋 謝 以 傳 湜 絢 示 年後 未 作 解 人。 觀 成 方 春 自 伊 伊 每 可作。」見祁 秋 不 ĴΠ 111 有 × 須 日 没 來呈! 頤 問 費 伊 却 伊

❶ 「所」,原作「乃」,據成化本改

邪? 便謂 誌 傳 質夫,豈 皆與孔子見同,「惟復」指當時一 矣。」然質夫《春秋傳》 》,有記 得 子貢 伊川 如孔 可復得然。争説我得伊川學, 多説曾 盡得孔子言《詩》之道。今要箇 學。 伊川 子謂賜可 焞昔 語 見 曰 : 見李端: 伊 以言《詩》, ĴΙΙ 成 斯 伊 伯 之志 川却親 作《劉 他 惟復三百 事,今不 吾 質 某 無 夫 哀 篇 可 劉 何 疑

《雅言》。明道平和簡易,惟劉絢庶幾似之。見侯

李 校 書

郎,嘗記二先 它人無此言 而祭文亦有傳學之語,蓋 籲,字端伯 也 生語 終氏. 人。元祐 編 號 中爲祕 師 自劉 説 書省 博士外 伊 ĴΠ 校 稱

祭文

伊

11

先

力焉。 文何其艱哉 予憂事道者鮮,悲傳學之難。 大受,期之遠到,而半年之間 疑,能使學者視 而學,才器相類,志 奠,以叙其哀。 嗚 質夫於子爲外兄弟? 呼! ! 自 倣 官制 予兄 而信從,子 尚 弟倡 有拘,不 如 一。予謂二子 明道 同 與 克臨穴,寄 相繼 嗚 邑而居, 劉質 學,世 呼,天於 以亡, 夫 可 方 同 爲 斯 文 使

又

吕正字

洛陽夫子之門, 嗚 呼 識 風 子 期 于 南 自 振 Ш 於 渭水之曲, 流 俗 問學不 知子

之云 憂。 見之, 違。 舞交, 賢 恍 亦 不 斯 幾 流 如 口 交莫逆, 於 前 · 得 盡 至 其 # 時 矣 賜 亡 子敏 惘 子 吊 源 也 傾蓋 志 屈 靡 罹親 其才。 矣, 嗟 驚 傷, 孰 朝 有 不啻弟昆。 折 或 如之何, 且. 疑 如故。 子 如意 同 至 知 争。 有 喪, 强 恍 奚望矣。 而 此 我 子 質夫之賢, ,予心子契,謂 胸 惚,若有 與 既 才之不足,才 子之於 悲。 與子。子疾繼作,予爲 中 廼得 歸莫留。 予求友於四 道之難 皇天降災,夭 交, 天不 子之往矣, 閎 哀哉 與子, 事 所失, 肆 洞 行,我 , 愸遺,質 予聞有 開 别未 照 如 或高 發, 情親義敦 其 其 控 方 不 有 六善, 天不 情 今知之, 踰 于中道 求 , 意二子之 而志 顧 夫且死。 年 月,子訃 所得 和 , 孔 昔 與之 逐 0 而 9 汝 定 使 子 曲 立

人

遺 事 條

李 端 伯 相 聚 雖 不 久, 未 見 他 操 履 然

> 識 穎 悟 自 是不 能 己 也 0 見 《程 氏 遺 書 下 口

聽 兄無 之。」 得 便 大 多 都 大 得 則 是。 别 只 此 却 楊 轉 無 言 遵 依 與 動 所 先 道 李 説 不 便 在, 問 知 籲 舊嘗 生 時 别 尚 却 説 剛 不 \$ 得 有 别 舊 則 敢 其 此 大 學者 見 不 如 改 意 見 語 只 屈 何 動 不 李 有 不 ? 以 籲 要 或 李 拘 直 伊 録 如 籲 言 脱 道 明]1 此 志 本 語 順 道 云 編 無 往 語 理 兩 錯 録 往 而 云 先 他

藍 \mathbf{H} 吕 氏

文

其 末 學問 以寶 名大 源 文閣 忠, 流 今不 直 字 學 進 復著 伯 士 卒。 丞 但《遺書》中 相 ^ 實 汲 録 公之兄。 有傳 見 其 不 元 符 從 載

學之實。

宣義

行 狀 略

文字。 出 韓公絳宣 事 議 博 T 諫 鎮 来 務 授果州,乞代 年以進 自 改光 京 議 君 赴, 祖 憂,服 兆 府罷 諱 而 撫 土 旋 大 薦 下葬 禄寺丞、 除 陜 中乙科 鈞 以 除 君 西 諫 字 復閒 藍 福 知 親 議 河 州 田 和 涇 入蜀, 致 知 東 授 侯官縣 ,故今爲京兆 叔 陽 居 耀 仕 路 秦 縣 數 姓 州 辟 州 移 皆 移 年 吕 司 知 疾 故 君 氏。 不 原 理、 綿 相 掌 不 縣 赴。 州 宣 行 監 書 人。 其 事 巴 寫 先 靖曾公 延 機 嘉 丞 西 以 汲 州 宜 相 諫 折 縣 祐 郡

信 育 人材,變化風 於是不復 自 以 道 未 明 有 俗,推 学未 禄 仕意 其 優, 在 己者 講 日 道 「吾斯之未 门以以 勸 驗諸 義 以 教 能

> 他 其 惜 六 出 朝 興,陳乞 起 將 月 辭 暴 志 廷 自 其 、癸酉 露 問 免 也。 賢 期 不 罪 得 德 而 君 監 而 感 西 己 會 成 不 臨 君 鳳 圖. 疾 造 仲 用 而 事 義 翔 卒 鄜 朝 以 兄 致 竭 府 不 用 力,不 龍 年 延 大 爲 辭 造 也 路轉 五. 圖 臣 不 難 船 十有 閣 薦 仕 也。 弛 務 居 運 直 以 無 厥 無 新 爲 義 司 學 以元 勞。 官 何 特 宫邸教 土 由 改 請 大 豐 士 是 宣 君 防知 Ŧi. 勸 大 多 義 授, 行 年 君 强 夫 郎 夏 永 以 非 皆 師 君

故 親 誠 君 止 取,昏塞者 生倡之, 所 自 於先生爲 服 也 識 知 賓 者 信 君爲 是學者靡 蓋《大學》之廢絶 方之季路,而 而 賓然 而 力可 人質厚剛 後 難 同 進 執 於 年 及 然知 蔽 弟子 領 友 於俗 解 則 7,及聞 Œ 所 君之所趨,蓋 禮 身遂行 由 向 尚 以聖門事業爲 以其才 是 扣 久矣,自 矣 先 請 寂 生 之,不 寥 無 學 俊者急於 倦 於於 無 扶 亦 復疑 有 是 風 未 久 和者 己 心 而 張 見 畏, 其 益 進

營飲 節 焉 事 誠。 友,皆 範。 而 勉 至 到 ,皆不混習俗,粲 執 鉅 愛之。 蓋君之所行, 於葬祭,一倣古 而 之 食 自 君 又推之祭祀 先 細 紀其行 人則姑誦 日用躬行,必取 即若 也 彌 身及家, 生之學 規 謹, 矩 潜心 蹈 而 於禮, 由 大 述其 其言 大 心、冠昏 自家 是 路 玩 抵 僚 儀 理,望聖賢之致 然 雖 事 朝 以 及 友 所 而 昆 有 雖 0 先生之法 夕 誠 飲 未 鄉 稱 得爲者 弟 文 方 從 以 明 知 酒、 其 禮 以 共 諫 事 爲 其所 孝, 相 行 爲 不不 相 議 本 旁及 主 接, 見、 憂, 世 度 而 啻 以 以 以 親 慶 居 要 而 自 禮 尅 創 進 信 欲 咸 爲 弔 君 喪 始 戚 期 於 樂 渴 宗 其 安 特 之 其 喪 朋 是 爲 口

明 先 生 涣 説 君 然冰釋矣。 少 遷 時 其 贍 素 學 志 洽 故 聞 比 而 他 前 無 人 所 H 功 不 之 敏 該 學 博 而 得 而 日 之 以 尤 約 聞

> 其 下 成 多 爲 志 置 0 矣。 籍 愛講 家 胸 × 明 中 井 ^ 中 T 田 或 然 兵 若 制 口 以 推 謂 行 治 賦 道 又 獻 必 嘗 是 概 作《 悉 天 撰

凡委巷 然若 里 德 之學士大夫驚 於妻子矣。 ,夫人种 性 所 思 君 養,可 浮 既 久 屠 之。 感疾 氏 子義 煩 治喪,一如君 以 歎 客至 鄙 想 君之家法,以 日 山 不 見 ,傳其父學,蚤有 ·經之事 問 矣。 安,交語 命 内 既 所 外 卒 以 不用。 見君之道固 洒 治 未 其 掃 諫 終 孤 立志 議之喪 而 於是 尚 齋 居 在 延 鄉 则 冥

墓

學

立

其守,

而

又樂

爲

語

故

人皆

由

其

數

而

范

育

説

其

義

,自是比

比皆知

禮

爲

可

行者

友信之, 之 明 鄉 所 善 黨宗之, 知 至 者 學 踐 性 可謂 之 之 於 所 至 身。 誠 得 者 敏德者 妻 子 盡 刑之, 之於 矣。

心

心

惟

君

朋

四

乃表其墓曰「誠德君子」,而系其世行云

息,不 利刼之 子克己復禮之用 之心立 心 重 如 爲衆人沮之而 知不二于行。 此 而 其志,以孟子集義之功養其德,以 性 回 純 , 厚易 知力窮之而 厲 直 其行。 强 其學 疑, 明 小辯奪之而 止,其自任以 正 以 其要歸之誠 亮 孔 , 所行 子 下學 不 屈 聖賢 上 明 勢 達 于 不 顔

其義, 勇 至焉 德 之信 已,若夫道 執 先 是 弟子 且 关扶風 也 蓋《大學》之教,不 然 陳 謂 可 禮 先生以 不恤 其數 君 問問 張 君 勉之當自 德性 馬 先生子 於先生 謂 之 非 命之際,惟 而 君謂 學不造 行 爲 厚 間己 悟 之, 始 同 聞 -明於世 學 年 約 也 將 而 君 必先行 友,一 9, 雖 雖 躬行 乃信 知 以 之,而 抗 者 勞 先生亦 禮義 言 横 己 千 而 其 流 不 而 Ŧi. 艱 學 所 疑, 契,往 百 歎 繼 者 於 知 年 設 進 則 未 而

> 貴。 習俗 不 中 皆識其義,相與起好 酒 可踰,以造約 、相見、慶弔之間 未能 事 始 久之,君之志 尚 居 沛 諫 然 議 倣諸 不 喪,衰 爲先務矣。 疑,然後信先 禮 既 其 ?矜行, 麻 克 文 歛 後 少 節 奠 乃 施 寖 葬 粲 朝 生之學, 祭 然 行 而 知禮 之 於 미 於 觀 冠 事 趣 義 悉 本 時 之 求 口 飲

文章 已,孰 及 之 講 優 試 推 而 日 游 而 而 不 修 之 而 不作 解 喻 乎 不 已。」既 先生之法,日 以 先生既没,君 能 諸 道之可樂; 悔 ,使學者 有命,不得於今,必得於後世。」 善俗 與於 於無 義 始 又 9 此 用 治 也急於行己, 知夫 且 趨 經 必 : 而 益 説 君 君子之德 於吾身 不 始 脩 如如 與 得 厭 也 明 於 嚴 0 有 其 語 身 既 嗚 於 用 親 、學,將 呼非 不 踐 率 乃 我 見之。 存焉 者,舉 至 而 大 援 而 心 其 持 既 解 不迫 是 其 既 所 乃 雖 而 道 措 和 始 口 而

八六

正字

《易詩禮中 卒, 學,行如 學博士、祕書 乃東 名大臨,字 古 見二先 庸説》、《文集》等行世。 省 可爲講官,不及用 與 生 正 叔,學於横 字。 而 卒業 范 内 焉 翰 渠之門 薦 元 祐 其 而 中 修 卒。 身 爲 横 好 太 渠

祭文

諸 乎 偶 民 吾 薄 不 見 於 利 撫 П 1 而 世 物、若無能者。 嗚 不 其始終,於其亡 之,其長 子之學,博及 1,登科者二十年,而始改一官,居文 子之行,以聖賢爲法,其臨 呼 ! 四 吾 也吾 者皆 十有 誨之,以 群 有以過 子之文章,幾及古人, 四年 也 書,妙達 得 而 人,而 無 至 子 宦 義 慟 始 乎, 學之成, 理 生 其 政 一,其 得 如不出 事 乃 無 幼 莫 也 慟

> 得 也 學之職 己 顔 П 1 者七. 爲壻矣。」其爲 子之婦翁張 年 而 逝 兹 天 祺 可 所 哀 嘗 重 也 謂 如 己 此 日 兹 口 吾 痛

哉 ! 邪? 邪? 實 矣。 日 柩 不 爲 待吾之喋喋 ,遷于西郊之僧舍,以待時 以方暑之始,將 喪祭之主。 然吾獨 子於窮達死生之際, 是未 將與 可 天 不 知也。 爲 也。 知子之亡也, 徒 將行一奠,終天永訣。 卜辰歸袝于先塋,乃擇 邪? 今獨以喪事爲告。 子之才皆可 將 古 無 焉。 將 所 了 以 與 通 然 嗣 知 物 子省 於 而 此 子之 爲 不 胸 明 伍 Ш 哀 古 口 中

雍 行 録

伊

11

先

從者六七人。 元 豐 庚 申 歲 予以千錢 子 行 维 掛 華 馬鞍、比就舍、 間 關 西

相

死 善。 亡 得 見 識 爲 後 五 口 坐 也 水 則 其 用 年 也 行 古 中 गां 數子者 人曰 與 矣 有 者 次 矣 0 不 墜之矣。」予 之泣 何 大 0 叔 同 吾歎 數 一人應 歎乎?」 閱 至 : 而 人曰 僕 自 故 之言 雍 夫 無 爾 夫 聲 E 編 水 有 用 : H 聖 其 以 日 誠 用 中 偶 也 何 子 不 語 至 不 0 之 善 囊 覺 見 如 千 日 同 於 吕 子 矣 ? 物 中 歎 : 錢 非 千 與 下 如 因 微 若 晨 然 思 子 口 愚 叔 錢 此 書 使 裝 觀 物 沉 以 與 日 也 日 Ľ 而 人得 水 而 先 千 叔之不 0 誌 何足 去 知 忘 中 視 生之言, 之。 與 錢 有 最 甚 叔 則 口 幾 之 後 後 不 口 惜 意 則 日 者 復 非 惜 則 涉

遺 + 條

吕 進 伯 老 而 好 學 理 會 直 到 底 IF.

> 乎 年 至 叔 乎 ? 於 謂 數 ? 之 老 老 學不 喜 矣, 不 見《程 學 多。 多 志 者 氏遺 , 力 年 尤 不 書 須 數 可 日 倦 之不 9 朝 又 足, 慮 聞 人 學 少 道 之 壯 猶 夕 不 則 愈 死 能 自 於終不 口 當 及 矣 勉

聞

般。」 得。」 諸 點 客 悟 仁 凡 何 何 每 ? 勞之有 : 事 侯 故 事 日 日 亦 皆 却 日 進 吕 進伯 早 只如力 須 伯 有 世 近 進 口 晚 臨 兄弟中 ? 恁 乎 公説 人説仁, 憐 伯 好 衙 地 時 函 甚 曾 《易 學, 行 纔 ? 簡 改 好 點 覆 近 皆有 從容 易 初 **>** 换 9 惟 字, 推 乎 只 日 便令放 但 不 理 食 鳴 此 管 易 見 處 問 正 會 次 瑟 類 底 處 著 事 易易 與 箇 且 具 力行 ,一人作 愛上, 道 者 太 櫃 尊 獨 吾 簡 言 理 字 煩 只爲 對 嘗 展 關 之。 而 不 碎 門 看 春 語 才 愛 怎 天下 透, 定 詩 得 説 生 風 進 之 無 甚 如 故 分 之 吾 禪 見 詠 伯 事 日 不 詠 召 明 也 曾 得 大 理 大

子 休 到 得 相 心 如 齋 人 反 有 類 0 詩 俳 見《 日 E 獨 : 蔡 立 語 録 孔 學 門 如 無 元 箇 凱 事 方 成 只 癖 傳 顔 文

案牘 呼 爲 不 道 氏 時 元 云者,及第 聖人言 吕公教載之恩 科舉之學既 可 之學 得 謝 六狀 也。」 後 講 委 良 師 馬 元, 佐 臣 消 爲 行 論 臣 濟詳 進 臣 顯 後 在焉 吕 政 未 語 濟 伯 道 濟 立 無用 除 進 治民,其可 \approx 每 愧 覆 作 狀 也 官 伯 朝 吾 進 屈 州 謝。 元 爲 ,脩身爲己之學 也 爲 且 伯 不 車 學 及 見 帥 臺 日 敢 既 騎 正 教 第, 進 邵 官 爲 謂 不 襟 不 授, 氏 伯 同 爲 聞見 之日 有 肅 判 肅 知 臣 又 脩 顯 官 秦 聲 ? 容 録 濟 謂 身 道 又 州 聽 過 不 每 臣 爲 數以 臣 其 爲 簽 之, 之, 可曰 濟 伊 歎 己 濟 勉 判 狀 之。 自 之 公 日 11 則 日 日 學 事 狀 程 顯 初

學。 後入太學,求書見汲公。 進 伯 帥 秦, 時 倅 之子張 瞻 進 伯 景 前 云 時 往 微 問

2

信

字原闕

據成化本、《河

南程氏遺書》卷第二上

仲不須見,不若見大臨舍弟。」見《呂氏雜誌》。

密 有 和 所 叔 不 任 逮 道 於與 擔當 叔 其 見《 風 程 力 氏遺 甚 勁 書 下 然深 同 潜 縝

不 他 則 問 既 不 能 他 己 和 疑 叔 無 不 甚 疑 及 疑 4相7 然 不 而 見 如 亦 終 劇 復 則 未 論 知 不 有 果 復 疑 能 0 有 終 伯 疑 不 淳 言 疑。 既 相 不 别 何 知

謂 人 秦 敦厚,東方 俗俗 正 之化, 叔 謂 亦 亦 恐 先 洛俗 難 自 向 恐 和 風 叔 難 有 化 於 力 秦 焉 俗 亦 0 是 子 厚

他 和 叔 至 誠 一作「與 巽之凡相 便 相 叔」。 信 見 據 心直 須 理 篤 室 合 信 滯 礙 礙 , 2 蓋 而 巽 有 之,范侍 不 先 然 定之意 者,只是 郎 育

横 渠 無 先 生 説 處 云 皆 相 吕 從 與 纔 叔 有 守 説 横 1 渠 更不 學 甚 肯 古 口 每

⁰ 氏 傳 遺 F 蔡 語 録 作 同 輸 成 化 本、 或 啚 崇 禎 本、 河 南

見其儼然危坐,可謂敦篤矣。學者須恭敬,吕與叔六月中來緱氏,閒居中某嘗窺之,必可否?」曰:「安有箕踞而心不慢者。昔可否?」曰:「人之燕居,形體怠惰,心不慢,

故,曰:「不敢揜祖宗之德。」見《呂氏雜誌》。 呂與叔以門蔭入官,不應舉。或問其

親聞此,乃謂劉質夫也。」

一不可令拘迫,拘迫則難久也。」尹子曰:

伊洛淵源録卷第八

八九

伊洛淵源録卷第九

蘇學士

今 云。 自 而 無 布 卒 以 業 衣 名 召 於 昞 考其言 爲 程 字 博 氏 季明, 行之詳,特載 士,後坐 者 武 元 功 祐 上 末,吕 書 日 邪黨, 亦 公薦 進 横 伯 竄 渠 狀 門 薦 鄱 如 之, 陽。 左

奏狀

吕

正

字

代

伯

兄

强 校 書 學 篤 張 右 志 載之學,爲門人之秀,秦之賢士大夫 臣 伏 見 京 四 兆 十,不 府 處 求 + 仕 蘇 進 昞 德 從 性 故崇文 純 茂

> 如 必 亦 能 所 多 盡 稱 舉 ·, 臣 之。 其素學, 甘罔上不忠之罪 如 蒙 以 朝 副 狂 朝 擢 廷 用 樂育之意。 俾 充學官 之選

遺 事 三 條

季明,安。見《遺

書

邪? 明: 遷 爲 進 靖 取 貶 然。」先生日 館 之,伊 計 爲 蘇季明以 若爲 『當初 意。 則饒 國 ĴΠ 上 家計,自當 州之貶猶爲輕典。』季明以 和 訪 上章得罪 書, 靖 焉。 「名言名言。」見《涪陵記 日 爲 : 既行,伊 國家計 忻然赴 然 貶 饒 也][邪? 爲 饒 州 謂 州 焞 季 過 嘗 明 善録 身 問 若 殊 爲 計 以 季 和

季 得。 在 言 伊 明 從 者][[如 後世司言責者,於人主前 横 横 則 之門 渠最 渠 (顛倒 聲 衆 久,以 動 矣,不 錯亂 嗣 中 其文釐 只 知 嗣 爲 其 中 他 要者 爲 尊 學 信 十七篇,自 非 無 如 所當言 依 源 夫子 舊 流 無 蘇 所 代 如

罪 政 只 半 戀 渠 縫 最 甚 爲 參 年 白 知 其 重 横 大旨 道 即 清 差 次 渠 去, 朝 切 不 有 亦 絳 有 合 及後 後 必 諫 夫豈 詩 霄 即 + 有 官 云 去 來 非 年 不 葵 坐 御 忧 所 復 欲 藿 上 史, 宜 召 行 野 中 書 朝 言者矣。 用 季 道 天 心 邪 廷 之, 明 於 宫 雖 黨 事 越 不 世 殿 萬 自 却 半年 職 然 里 機然 見 有 岩 上 《胡 宰 在 不 未 又去 嶤 氏 相 館 無 知 傳 得 瓦 執 中 忠 横 家

謝學士

録

世 裭 書 楊 官 局 文 官 靖 名 游 良 公爲誌 有 百 後 時 佐 ^ 論 復 受學 , 去 字 語 其 爲 顯 説 墓 歷 筦 道 × 今訪 仕 庫 ^ 文 州 以 蔡 求 集 縣 飛 人 未 × 0 得 語 \sim 建 語 與 坐 中 録 繫 游 召 詔 察 對 行 院 獄 於 除

遺事

拓 得 開 明 將 道 初 來 見 可 謝 望。」 子 見《上 語 語 録 : 此 秀 才 展

静 寬 先 П 爾 所記 坐 不 生 輩 相 謝 尹 在 受學,志甚 和 伊 顯道 應。 此 靖 ĬΙΙ 語 相 盍若 習 每 從, 舉 見人静 業 行 只 篤 之? 是學某言 已 坐, 明 知 請 名 便 道 歎 問 往 語 焉 其 日 扶 、善學。 故 謂 溝 日 其 之 : 見 學 明 日 且. 道 祁

耳 學 科 者 不 規 人 將 於堯 信 於 之 歸 利 貨 道 且. 明 應 當 道 舜 顯 也 貧 利 也 舉 去 富 哉 之 知 道 9 此 故 有 ? 先 道 伊 扶 對 聖 心 命 矣。 生 溝 日][[特 人謂 而 : 縣 曰 彼 於 日 後 夫子 : 事 豐 : 乃 之不受命 口 蔡 留 約 伊 語 貢 汝之 人尠 情 之 何]]] 之 也 間 於 不 侍 0 習 高 是 其 不 止 行 顈 識, 心, 間 有 禮 能 試 道 志 曷 已 記 多 謝 無 於 乃 於 見 留 嘗 顯 不 ^ 道 其 規 大 情 决 口 道

九二

是歲亦登第。見《程氏遺書》,下同。

得 失 蔡 便不 州 謝 良 佐 雖 時 學 中 大 議 州 舉 學 試

有 不 透 明 其 道 謂 顙 謝 有 子 泚 雖 憤 小 魯 悱 如 直 此 是 誠 見 侯 篤 子 理 雅 言 會 事

在 此 坐 0 朱 爲 公掞 公 切 掞 問 以 不 近 諫官 思之學。」 語 召 伊]]] 過 見 指 洛 程 顯 子外 見 道 伊 書 謂 111 日 顯 道

隱 差 記 話 浹 道 之心 背 得 先 頭 一字。 許 生 謝 面 舉 多 先 引 發 及 謝 史書 生 博學之士。 赤 可 甚 看 初 謂 明 以 不 不 玩 明 服 道 記 遺 物 道 讀 問 後 喪 却 字。 史, 爲 見 來 志 云 學, 《胡 省 _0 又 : 明 氏 却 謝 悟 自 傳 道 定行 聞 却 負 家 只 日 録 該 此 此 將 看 語 博 便 此 過 事 是 賢 汗 對 做 惻 却 不 流 明

足 與 非 又云: 昔 禮 日 者 作 課 昔 昔 簿 日 者 學 以 用 時 記 功 日 處 只 用 甚 垂 言 多 足 動 坐, 但 視 不 聽 不 敢 敢 是 禮 説 盤

> 與 録 下 諸 公, 口 恐 諸 公 以 謂 須 得 如 此 0 見 1 蔡

> > 語

家受 問: 點檢得 只 過 是去箇『矜』字。」 曰 相 蔬 : 别又 方 用 食菜羹,却去 謝子 做 「矜 有 來,病 事 此 事 向 與 年, 字 進 只 爲 伊 有 痛 管 罪 學 處 做 底 \prod 盡 要誇 曰 得 過 别 切 人 房裏喫,爲 在 : 伊 甚 食前 問 這 何 耀 年, T. 近 111 裏 故 夫? 别 何 方 思 點 往 恁 故 者 丈, 若 頭 見 甚 地 耳 也 按 謝 之。 恁 大? 便 目 因 0 伏 日 日 地 向 語 胡 渾 得 : 伊 坐 謝 文 這 不 |||前 關 定 子 箇 同 日 也 \Box 喫 自 細 只

宗 吾 草 就 庭 晏 平 看 上 駕 生 却 面 知 見 未 命 下 神宗, 哲宗 嘗 雖 工 萬 淺 干 夫。 事 嗣 近 而 人, 真 位 太 余 實 也 在 子 初 要信 有 如 書 及 涕 此 命 局 第 泣 等 得 亦 時 事 及 不 力 及釋 謁 歲 將 直 計 前 執 來 不 褐 夢 把 政 做 不 時 來 \mathbb{H} 得 内 或 神 地

勸 杆 在 做 若 却 五. 信 閑 對 T. 不 夫 日 及 枉 風 用 吹 他 却 草 安 閑 動 能 心 陶 便 力 鑄 生 我 信 恐 懼 得 自 命 憂 有 命

便

養

得

氣

不

挫

折

拆 夫 道 子 下 如 用 人 便 否 日 在 要 倒 處 游 謝 上 富 病 子 謝 子 面 根 問 貴 何 子 做 樹 日 謝 以 將 謂 要 木 T. 子 答 來 夫 胡 他 有 日 斬 來。 子 凡 做 根 斷 日 事 甚 雖 胡 須 便没 公於外 謝 剪 氏 有 必 子 枝 口 日 須 根 事 條 H 謂 有 物 : 切 用 相 屋 如 問 柱 處 次 實 何 切 世 尋 又 無 向 做 放 討 發 根 胡 他 得

開 棄 却 + 只爲 餘 或 問 年 來 合 矣 謝 漸 要 子 漸 用 於 當 輕 勢 初 却 利 大 並 至 故 如 無 今日 何 做 健 羨 Ι. 日 夫 底 於 器 心 揀 物 難 打 之 捨 透 類 底 此

六 舊 多 管 恐 筆 懼 特 常 地 於 寫 危 教 階 不 好 習 打 疊 又 T 日 此

心。

早 道 慮 0 問 句 近 釋 氏 H 伯 只 用 要 淳 心 箇 日 對 . 絶 日 念 有 某 此 近 初 理 H 得 只 只 似 是 用 釋 發 何 氏 得 思 太 明 何

若 物 轉 何 發 被 到 直 則 何][[? ? 不 却 得 思 伊 此 何 亦 日 會 得 應 太 何 111 地 止 問 日 日 煅 它 副 慮 早 \Box 除 : 煉 得 近 句 在 是聖 吾 去 心 日 壞 太 句 0 得 伊 見 | 丈莫 救 事 了 當了 問問 虚 111 得 有 問 拔 説 如 便 這 曰 無 止 . 已 何 . + 不 T 箇 便 盡 ? 終 只 年 不 用 事 人 X 須 如 當 用 爲 是 0 心 某 禪 却 有 此 曾 經 初 否 則 當 用 有 對 道 家 却 不 時 ? 發 是 往 他 初 止 去 日 恰 诱 何 無 曾 見 有 此 矣 處 故 好 他 若 發 伊 此 安 語 著 被 念, 理, 川 不 此 得 當 時 伊 天 用 未 接 腎 下 句 伊 初 如 合

九

JU

姑 小 開 遲 也 未 兩 異,蓋前 敢 0 存 道 問 之。 此 數 到 段 年 何 曾 + 调 氏 思 聞 年 所 却 何 此 聞 記 如 慮 語 見 而 夢 地 後 知 此 位 段 識 如 如 胡 却悠 何 挽 氏 始 ? 所 弓 初 長 記 ___ 到 進 也 滿 速 案前 未 時 知 段 後 愈 至 孰 與 是 來 難 此

先 生 道 見 日 生 有 生 無 先 \pm 試 聞 一,先 此 佐 生 馮 但 先 問 良 語 才 忠 生 生 此 不 留 佐 恕 語 聞 日 來所得 以 每 先 聞 此 : 判 常聞 是 餘 生 語 然 陳 『某見 質 日 晚 叔 無 耳 如 先 0 於 年 易言 疑 何。 生 先 和 , 見《 得 顯 語多疑 生 靖 涪 焞 它 所 9 道 伊 陵記 謂 0 也 得 即 授 焞 和 111 是 如 往 善 澠 惑, 嘗 録 靖 問 此 如 池 許 馬 此 今次 日 令, 具 如 謝 以 見 見 來 雖 顯 良 先 告 洛 甚 道 顯 先 佐

喜 何 如 己 謝 而 ? 顯 就 道 先 監 建 生 門 中 日 之 間 職 上 殿 由 陳 不 貴 求之徒 稱 日日 問 先 0 生 見 顯 聞 程 之 道 氏

遺

子 服 問 夕 烏 從 日 曰 夫子 烏 頭 先 謝 頭 者 生 子 力 見 何 見 去, 以 河 其 行 南 教 服 將 口 則 夫 我 謂 如 學 也 子 之何 益 聞言 顔 友 辭 謝 色 ? 矣。」見《上 而 子 悦 則 歸 懌 曰: 尹子反 識 筋 尹 蔡 力 以告 語 如 疆 送 録 徒 焉 夫 朝

之, 首 話 見 親 先 願 弟 也 舉 欵 部 生 見 子 及階 当皆 雖 ^ 先 及 其 何 權 謝 論 少 子 坐 茶 先 講 以 生 偕 子 必 見 語 罷 生 久 見 説 往 子 作 齊 **>** 日 0 教 矣, 監 ? 謁 日 乃 衰 ? 子 西竹 之。 掀 者 己 今 過 先生日 髯 日 發 與 而 之, 木場, 坐定, 某 之來 也 私 冕 日 具 在) 0 必 : 念 衣 飯 斯, 及 趨」。 : 朱 子 裳 酒 日 無 席, 子 聽 某 發 者 五. 以 刻 好 説 發 在 進 子 行, 與 又 發 如 待 ^ 自 斯 日 日 舉 瞽 論 問 此 只 太 與 : 者 語 説 子 學 師 賢 不 何 冕 見 他 説 震 由 識 與

⁰ 與」, 原 作「學」, 據成 化本及《上 蔡 語 録 改

於

明

道

先

生

兄

弟之

道 問 掃 應對進 也 論語》只恁)° 夫聖人之道 退 師 而 地看。 上 言之道 達天道,本 見《上蔡語 與? 無 微 末 顯 日 録 無 以 後 内 跋 貫之。 固 相 師 由 灑 之

得 則 前 處 考 歷 分 做 事 明 不如使 歷言之。 龜 學者必 夫 Ш 體 則 語 否則休 認 流 求 至 爲 此 西 箇緊 釋 人氣 更 體 耳 須 氏 不 認 將 要 直 説 見 是 處 孔 破 胡 自 謂 門 方 氏 家 傳家 説 謂 問 口 則 元 後 答 説 録 不 曉 不 時 若 者 曾 處 只 不 自 是 有 實 編 有 見 是 間 眼 見 類

游察院

墓誌略

予昔在元豐中受

楊文靖公

公諱 與 俱 雖 以 滴 少 有 文行 道 伊 酢,字定夫, 而]1] 先 是 知名於時 時 時 生 老師 馬 以 明 事 建 道 宿 謝 至京 州 先 儒 良 所 建 生知 咸推: 佐 交皆天下 師 陽 顯 先之。 扶 道 見 溝 初 縣 英 謂 與 事 其 其 先 資 兄 也 醇

德 師 得 子 邑 兄 門 器 其 弟 弟 河 教之。 見 粹 清 微 方 然, 言 以 稱 倡 如 問 往 於 此 召 明 學 是 見 公來 其 道 日進 之。 盡 學爲 所造 棄 職 伊 其 學 政 己 可 學 111 任 事 事 知 謂 而 、公欣然 亦 矣 設 學 絶 子 庠 焉 日 序,聚 遠 往從之, 其 甚 後 游 邑 得 於 君 牛 口

幾還 參訂 公以 侍 忠 宣 臣 朝 范 食 薦 兀 豐 移守潁昌 公 貧 召 六 判 待 爲 年 河 次 鈞 登進 太 南 軸 奉 學録 辟 親 待 即 士 公自隨, 以 不 第, 除公太 改 或 便 調 宣 士: 就 越 一德 學 爲 有 擬 州 郎 博 學 疑 知 蕭 教授。 除 河 Ш 議 博 清 尉 與 而

九五

忠 廳 宣 事 罷 政 太中 亦 公憂, 請 外 矣 服 除 除 再 簽 調 泉 齊 州 州 簽 判 判 官

乞 州 H 歸 州 州 成 再 都 以 寓 歲 移 任 Ш 上 府 疾 歷 縣 餘 皇 知 知 長 終 陽, 車 濠 漢陽 管 即 生 于正 轅 因家 州 位 觀 勾 領之 軍 , 寝,享 南 不 召 焉 以 京 丁 數 還 原 親 鴻 太 月 宣 年 爲 老 慶 碩 和 監 會 再 宫 + 五. 從 察 乞宫 憂, 有 年 居 官 御 太平 Ŧī. 謪 服 史 祠 月二 0 守 除 葬 除 出 州 衝 + 知 于 知 提 罷 和 舒 點 和 兩 \equiv

慢 芸 疑 見 爲 中 壯 其 形 思 獄 官 成 益 令者 遇 德 公自 諸 愈 自 僚 君 外,儀 力 餘 吏 子 幼 年 而 惠 有 也 心 不 不 不 恩 容 傳 政 群 忘 能 在 意 其 辭 自 **令**, 决 讀 民, 到 事 筮 雖 書 親 公 仕 戴 粲 不 無 攝 之 之 樂 然 爲 過 違 如 邑 於 有 初 世 H 事 自 未 父 交 文, 儒 軱 母 朋 之習 盡 更 望之知 成 友 問 故 而 誦 有 得 縣 誠 0 去 無 信 則 其 有 敢 於 比

> 情 夫 以 如 無 來 而 雖 編 釋 虚 時 之, 月 有 民 興 精 所 木 造 至 練 於 民民 騷 如 征 素 然 歛 初 宦 不 公 而 者 知 修 歷 而 奉 守 事 服 祠 几 集 其 館 郡 明 處 市 0 材 比 調 年

女歸 卒。 解 聞 治 卷,《 生 友娣 某 娶吕 子 産 詩二 之子 男 卷, 姒, 氏 七 夫 文各 睦 南 遹 人 封 姻族 0 義 攻苦 宜 撝、 有 **>** 人, 卷,藏 ^ 擬 食 卷, 人 中 有賢 淡 無 庸 捄 於家 ^ 間 義 論 能 行 言 握 > 宜 語 事 \approx 卷 其 損 公 舅 ^ 家,先公 素 孟 掞、 姑 易 貧 子 以 説 拂 不 孝

遺事五條

資 悟 質 見 温 建 程 厚 州 E 游 遺 酢 南 書 非 劒 昔 州 日 楊 之 時 游 雖 酢 不 也 逮 酢 古 是 然 穎 煞

語 之外 游 酢 别 於《 7 得 西 銘 這 箇 意 讀 之 思 已 便道 能 不 逆 作 於 到 中

庸矣。見《外書》。

異 之。又皆學《春秋》,愈駭俗矣。 且 新 動 進 作 游 亦 、楊輩數人入太學,不 必有異, 故 爲 學 中 見《程氏遺 以 惟 異 議 類 論 書 待 須

處,故來此,却恐不變也。 游酢、楊時先知學禪,已知向裏没安泊

者之間 丈既 也 此 也 往 游 婦 」。』然迹安 一。」游定夫嘗言 地 年嘗 丈答書云:「佛書所説,世 問之云:「 、朋友、兄 佛者之道去此然後可以至於聖人。 從二程先生學,後又從諸 游定夫後更 方能 必必 見伊 無滯閡,敢問 所 辨 兄弟,順 ĴΠ 其 儒 從 先生云: 同 者 出 一爲 哉? 此 之道 異。 禪學,大觀 「前 五 心以爲 輩先生往 者 不 所 要之,此 『吾之 然,難 以 則可以至於聖 父子、君臣、 不 儒 禪老遊,則二 間 同 亦未深考。 所 以 往 事 本 何 攻者 中 不 口 須 也? - 曾看 · 嘗 親 吾 争 夫 至 迹 以

書自不以爲然者也。」見《呂氏雜志》。書,故詆之如此之甚。其所以破佛者

佛

佛

伊洛淵源録卷第九

九七

九 八

伊 淵 源 録

楊 文 靖 公

誌 銘

胡 文

堂 生 11: 謂 動 有 得 睹 西 見 而 靡 奥,號 孟 謝 方 而 自 天 然 顯 子不傳之學於遺 之 知 孟 理 從之,於是 道 傑, 之 子 滅 稱 没 與公三 與 矣。 高 窺 遺 聞 第,在 見間 宋嘉 而 經 人皆失其 知之者 僅 隙, 是 南 祐 在 經 也 方 遂 中 前 則 以 世 有河 聖 本 中 廣 倡 無 學 平 心 或 天 南 其 木 游 下 莫 舉 人 傳 定夫 程 知 世 而 先 升 所 則 傾 所

公諱

時

', 字

中

立

姓

楊

氏

既

没

踰

年

饑 越 杭 禮 觀 人 方賑 州 長 待之。 州 諫 餘 後 蕭 知 潭 例 杭 Ш 垣 濟 縣 薦 罷 縣 漕 州 劾 瀏 使 之, 差 遷 提 陽 以 胡 監 點 南 除 縣 不 師 常 京宗 均 荆 催 文惡公之 州 州 安 南 積 明 子 市 撫 教授 欠, 易 道 博 使 務 觀 士 張 坐 與 、公年 改宣 一衝替。 公 成 張 會 舜 都 善 省 德 幾 府 民 員 也 郎 張 以 或 公 寧 歲 客 知 知

案 閩 諸 楊 中 孤 氏 以 寓 右 出 南 史吕 於 劍 弘 州之將 農 本 中 爲 所 樂 望 次《 縣 姓 为 因 行 五 狀 家 世 焉 祖 來 請 唐 末 銘 避 地 謹

艱 渟滀 者 公 徐 進 肾立 燭 州 士 除喪 第 理 司 涵 公資禀異 法。 精 斷行 調 遷 深 汀 瀛 T 莫 與 州 曉習律 甚 州 繼 能 郡 司 防禦推官 母 將 測 户 憂, 者 參 歲 議 **令**, 事, 幾 能 軍 服 有疑 一年。 屬 翼, 不赴 守 文 正 獄 授 不 熙寧 虔 杜 衆 傾 之,乃 州 門 所 九 司 種 罹 年 不 調 决 外 中

轉 V. 鈔 犴 得 故 澤 盗 殿 闕 祐 官 導 至 般 迫 狴 根 説 額 ; 通 Ė 此 遷 是 而 而 之 究 充 商 意 必 是 於 使 権 流 詔 夫 近 來 時 斥 権茶之法,公私 敗 殿 信 燕雲 州 法 作 庶 **\$** H 公知 歷 最 爲 愈急,宜少 不 幾 舊 縣 蠲 郎 宜 爲 宜 今茶 下 之地 之軍 。 計 盗 猶 和 口 易 除 力 即 虚 時 多 者獨 預 去, 口 辨 引耆 及 革 |勢將 租 文 故 買 及 法 對 而 之; 耳 税 宜 急 宜 發 免 也 獨 ア寛之; 德 或 授 宜 變, 募 退 運 於 陳 租 兩 而 許 説 老 損 則 邊 守 食 儆 司 賦 便 遂 東 安 根 廣 當 成 其 以 民 内 宜 戒 也 何 南 土 濟 陳 究, 數 白 世 祕 爲 郡 之言 置 給 諸 以 論 之 州 軍 宜 貴 姓 今茶 而 書 弓 諸 追 糴 堪 犯 政 縣 以 民 以 從 實 何 郎 箭 宜 除 呼 権 本 事 左右 省 均 支 憚 放 以 租 前 召 手 貨 蔓 運 所 敷 以 錢 被 其 酌 税 詔 不 邇 延 買 復 鹽 不 嘉 爲 惠 降 使 輸 中 略 如 英 開 事 到

 \equiv

女好 之 言 牙 天 去 所 此 下 臣 歸 興, 騎 餘 而 積 猾 事 射 分 免夫之役 者 憤鬱 今日 借 西城 執 爲 以 政 應 殺 聚 而 所 不 奉之名 常 急者 不 歛 毒 能 勝 得發 宜 用 東 軍 被 循 豪 莫 南 幾二 海 而 其 大 勢 花 奪 内 虜 舊 + 於 , 石 騎 民 誤 收 年 財 已 不 其 衛 或 可 X 害 之罪 欲 不 心 增 寇 尤 致 口 天 損 甚 數 宜 子 邊 則 和 宿 有 V 凡

體 平 首 辱 師 執 正 爲 亦 典 叙 奄 何 虜 竄 遷 刑 至 甚 灌 X 皇痛自 亡自全之計 |矣,主 安受 淵 城 侵 爲 相 聖 疆 総 臣 不 嗣 逃 棄 子不 辱臣 引 而 辭 位 去, 咎 朝 軍 忠之 廷 死 此 公 大 而 ,陛下孤 至託 不 河 何 歸 乞 大 戒 知 理 天 對, 臣 以 險, 也 帥 宜 倦 立 而 ? 日 童 臣 任 勤 何 棄 不 貫 : 問 其 失 城 避 而 賴 爲 責 位 職 焉 不 下 君 故 守 ? 之 路 臣 梁 而 而 無 盟 乞 皆 宰 總 甚 虜 方

於 -, 授 此 以 宜 擢 兵 以 右 柄 軍 諫 法 此 議 從 覆 大 事 車 夫 0 之 防 轍 城 不 所 仍 口 復 用 閹 人 淵 提

受敵 之 夫 鎮 騙 百 則 又 地 而 要 河 之 無 師 年 去 貫 民 盟 名 朔 虜 宜 數 吾 逾 欲 公上 不 神 要 人厚 好 口 月 日 腹 藩 以 不 爲 與 中 而 前 信 猶 死 取 疏 也。 則 至 後 不 拒 金帛 距 日 宜審 生怨,不可 集, 能 守, 此 : 京 日 朝 保, 非 使之無 城 處之, 今若 棄之虜 又遂 廷 經遠 河 無 欲 寧 藩 朔 專 賂 以 能 無 之謀。 不 功 朝 兵攝 籬 守 廷 以 保 至 慮 而 之 和 廷 暰 此 以二 也。 古 去, 重 鎮 議 臍 狂 四 地 + 虜 厚 戎 遂 使 方 如 賜 契 腹 聞 勤 馬 講 乎 州 丹 疾 和

王. 刼 屢 初 掠 淮 約 於 無 屢 是 及 却 算 淵 河 公 聖 而 書之墨 又 乃 反,今挾之以 言 詔 出 未 師 乾 聞 而 而 虜 往 議 叛 者多 駐 此 不 叛 旋 兵 持 盟 磁 踵 兩 端 相 肅

> 之 矣。 民 者 計, 以 故 死 雖 終 望 拒 欲 斷 失 之於前 專 此 自 守 機 宸 和 會 衷, 吾 議 於 無 以 不 是 重 惑 口 太 兵 浮 得 擁 言 原 也 其 諸 後, 郡 而 皆 議 此 \Rightarrow 告 者 萬 鎮 全

0

昔 今敷 邦 心 惟 於 從 非 和 民 揭 彦 之者 先 議 伏 榜 虜 邦 告 首 闕 建 王 時 於 言 太 罷 彦 學 憲 中 畫 忠 詬 衢 數 是 李 等 外 憤 生 天 遁 萬 聽 駡 綱 0 且. 自 逃 既 伏 請 非 大 請 而 之策 此 罷 民 闕 禁 (臣,發 推 有 納 之意 以 趙 執 士 平 作 乞 誓 禮 政 庶 賊 野 捐 亂之心 留留 書 者 其 起 慮 以 宜 金 尚 和 李 隱 邦 或 其生 「天」、『王」、『 議 存 收 割 綱 彦。 慝 人之 李 之功 還 地 無 鄴 亂 榜 种 無 公言 復言 質 足深 所 奉 示 歸 所不 師 引高 親 同 使 道 此 王 棄 失 以 歡 軍 也 主 民

❶ 「言」,原作「不」,各本同。據慶安本、文政本改

從 行, 聖 而 爲 野 名者 猶 泰 然不 皇 以 後 爲 以 爲謟 耻,乞賜罷 諛之論 朏 廢 格 上

文罷 者 制 説 家 也 堯 數,姑即 説 加 爲 或 以 萬 有 三公 舜 以 名 實安石 子 道守 ●以塗學者耳 了實挾 物 之道 夫 露臺 祭酒 則 王 或 領 一 爵, 倡之也。 堯 意太學生又 竭 成者 費 一二事明之。 應 治 天 舜 之費,安 而 有 西己 王 遂言 天下 奉 下 茅 不爲侈。』 享孔 以 安 役 司 者, 茨 啓 石 使 其釋《鳧鷖》之末章 目 雖竭 土 號 必 石乃言: 之 以 子 群 將伏 階 爲 敗 非 蔡 也 廟 啚 衆, 按 其 天下 享上,實 壞 堯舜 昔神宗 京 0 廷。 身 闕 此 泰 其 謹 利 以 稱 鼓亂 章 以 而 心術者 之道 按 然致 繼 禹 故 自 止 不 皇帝 陛 安 安 述 日 謂 推尊 奉 爲 石 下 今 神 乃 石 能 驕 克 若 昔 宗皇 則 稱 日 以 後 不 É 不 持 安 之禍 儉 能 美 公 王 爲 爲 奉 口 日 盈 石 之 黼 于 過 漢 縷 邪 兼 以

> 職 旨: 列 提 中 猷 官 詔 此 則 不 窮 ,累月 章 紛争 閣 舉 甚 説 神 中 極 待 西 哉 外 淫 諫 祇 文 「京崇 官馮 制 楊 侈 後 祖考安樂之, 懇 四 毁 有旨 某 蔡京 E 乞正 實 辭 去配 澥 學 福 安 皆罷 請 輩 宫 力主王 宜 行 石 其 享 争 去 從 醇 學 此 之 又 益 以 其 固 説 無 像。」 懇 術之繆,追奪王 奢僣 氏 堅 即 志 後艱 9 有以倡之也 辭 0 上 諫 遂 以 職 諍 以 章乞出 相 疏 耳 降 勵 名 徽 高 有 詆 , 安石 廉 不 猷 而 聲 輕 退。」 安石 當 閣 其 請 除 又 從 得 直 爵 妄 改 給 會 害 閑 學 祀 獨 爲 學 除 事 明 有

也。 君 未有 然之,除兼侍講。 即 不 位 以 9 除 典 Ι. 學 部 爲 侍 務 郎 者 年, 論 以 君 自 老 德 古 疾乞出 賢 在 聖 是 故 之

⁰ 挾管 昔 商 各 之 本 術 同 宋史》卷四 其 著 爲 邪 説 八《 以 楊 塗 時 學 傳 者 耳 謹 目 按 安 石 作

除 İ 寢 告老,從之。 啚 ,享年八十有三,葬本 閣 直 學 士 紹 提 興 舉 五 杭 年 州 四 邑西山 洞 月二十 霄 宫 一之原 四 几 日 年 終

録。 陸 逈 娶 所 以 術 余氏 棠,次李 著 復 之謬 ,曾孫一人。 昭 仍 近 適、 慈聖 辩 臣 優 經 贈 朱 恤 郁,次 誣 造 碩 義 震 獻 其 謗 已仕 人, 先卒。 辩 之位 奏,公嘗排 家。 以 \leq 未 明 有益 據 嫁。 有 宣 女 旨 仁聖烈之功 四 經 學者, 孫男七人,孫 子五 贈 邪 論 官 事 説 長 人,迪早卒, 乞下本 以 賻 適 不愧古 正 了,雪冤 以 陳 天下 金帛 淵 女五 州 次 抄 抑 學

器 者 也 日 事 早成 育 裁 推 處 公天資 易 本孟 不 而 積 平 動 子性善之説,發明《 於 夷 淡。 聲 中 飲 曠 者, 氣 人 閒 濟 以 純 居 以 和 與 粹 問 和 之 而 而 樂, 學 遊 鄙 閎 , 者 薄 色笑 充 深 之 中庸 養 ; 雖 態自 口 有 群 見於 》、《大 道 居 不 9 終 外 臨 形 德

> 也 當 道 時 公卿 有 欲 大 知 (夫之賢者,莫不尊信之。 方 者 爲 指 其 攸 趣 無 所

佚 嘗 不 也 田 可 显 改其 品 袁 以 有 ,若將終身焉。 飯 之人 託 皆先世 雖 年間 崇 所 每 (樂也 擇 蔬 寧 加一衣, 宿 也。 食 出 初 也 未 0 脆 處 代 所遺,守其 嘗 平 老之將至,沉 甘 余 雖 險 有 生 若 夷 狐 子 所 典教渚宫,始獲從 居 皆可 孫 貉 羨 亦嘗 處 滿 緼 而 世業、 雖 於 前 袍, 求 覸 伏 弊 口,未嘗有 安 皆適 之熟矣。 每 下 廬 亦無 也 食 僚 厦 不 於 屋 厄 所 故 體 公遊 飽 若 誉 視 Ш 窮 所 之 遺 增 未 亦 嗜

之而 者 諸 河 心 南 則 所 ,其傳寖廣,故 止 建 遠 小 然則公於 矣。 白 亡,必有 試 以 凡 表 訓 斯 以 其 其 特 釋 世 也。 用 深 載 論 所 己 切 辯 宣 欲 如 著 進 和 不 以 此 不 明 末 闢 存 年 隱賢, 所 邪 及 而 果 謂 説 公之 靖 何 必 援 康 存 求 學 之 於 而 哉 於 初 今 ?

淺 道 之爲 贵 丈 不 夫 信 世 乎 銘 世 H 或 以 不 屑 疑

學 者 展 其 詆 欹 贵 其 而 也 是 欺 術 不 處 誰 可可 非 業 邪 見 ? 此 夷 我 説 不 庸 孰 顔 扶 有 喪 害 其 能 世 孔 援 有 IF. 道 河 餒 師 識 艱 則 極 流 倚 0 文其 而 車 厥 在 止 門 偉 中 北,伊 時 用 直 公名最 兹三 之狀 則 在 道 不 揮 兹 狂 賢, 迷 0 何 水之湄 意 瀾 嗟 顯 疵 維 闊 欲 奔 奚 彼 天之命 垂 步 施 潰 必 女好 不 範 共 勉 來 图 誰 砥 有 馳 世 而 其 柱 詞 讒 兄 0 尸 , 和 0 似 判 不 弟 有

龜山誌銘辯

無 學 中 或 耕 宏 ? 種 問 佛 片 之徒 曰 H 何 地 故 如 西 漸 達 自 方之傑, 漸 麽 孟 畫 抛 子 荒 既 最 爲 没 窺 桀 至 見 世 東 間 無 晉 隙 傳 時 此 心 遂

> 間 能 眉 出 瞬 隙 他 H 以 卷 到 爲 襀 處 無 稱 尊 遂 此 X 土之人 中 或 拱 血 壁 手 端 歸 降 坐 揚

勘古人 問: 官,吕 事 小 懸 成 曰 止 性 不就 K 昔 : 是, 佛』 ? T 遠。」宏 成 明 事 佛 龜 宏 居 道 句 事 出 據《楊 若 答曰 二字? 又 吾却言『失其本心,莫知 Ш 仁亦云 何故 句 先 是 於此 處 問 又 合, 生 大 差 氏 句 問 却 有 致。 監 見得,許 然 辭 家録 答 句合』 言 言 釋氏 市 佛 而 不就 曰 : 若 人 之 不 》,稱 何 自言『直 書 務 人 徒 同 汝 以 故 今 何 即 失 既 此 先 不 具 吾 懸 故 辭 誌 其 是 就 是 生 宏 觀 却 遠?」答 不 本 直 指 它 不 隻 又 於 所 中 不 就 兩 指 心 問 門 欲 眼 儒 止 何 同 0 除 未 爲 故 ? 釋, 便 曾 宏 知 市 曰 大 見 削 事 契 又 既 去 所 見

❶ 「詞」,原作「祠」,據成化本改。

渾 省 箇 洪 年 校 書 活 將七十 ,不卑小官之意 分説 底 郎 却 楊 不出 矣, 授 龜 而 Ш 即 來。 不 也。 古 辭 今 , 并 自 乘 但 似 遷 在 只 \mathbb{H} 此 著 其 委 書 行 作 中 吏 差 徑 之比 郎 監 乃 雖 市 是 并 子 意 易務 邇 畫 貢 之 英 出 思

氏 氏 却 不 旬 解 足 心 心 似 月 皆 肝 爲 肝 于 遍 濶 破 懸 文 歷 底 飾 矣 劊 在 何 肉 也 臺 子 故 0 案 手 而 載之?」答 宏 段, 上 無 又 非 何 問問 之 人 可 者 八見得, 不書 日 此 攻 ? 亦 王 而 是有 氏 詖 書 此 之 是 淫 底 章 則 取 邪 事 0 遁 王 王

董

卓

卓召

用之,

除

申

屠

蟠

外

諸

賢

皆

至

或

王

事

説

它

龜

山

前

代

如

伍

瓊

亦

嘗薦

諸

賢

於

殿

説

書

時

向

兖

説

將

去

不

消

更引

高

麗

或

故 劉 日 器 之。 宏 劉 傳言 又 問 劉 如 問 若 此 此 以 或 行 未 貧 説 何 知 故 龜 爲 信 Ш 則 否 龜 被 更 Ш 不 召 若 日 消 據 過 説 吾 南 則 以 京 貧 見 不

> 路 然 隨 檢 用 身』 0 處 0 否 劉 亦自 且 但 不然者,若問 若 日 問 這 脱 此 料 保 洒 行 得 社 何 無 此 爲 它 處 行 若 但 分 何 對 更 爲 説 問 曰 只 還 答云『 任 有 傍 轉 老 竿 身 年 點 木 無

其爲 之 即 友 矣』一 更 想 馬 地 有 見矣。 氣 喧 孟 也 位 象 這 0 甚 宏 子 句?」答 亦 高 再 問 觀 所 般 故提 謂 决非 問 世 氣 其 君 在 人以 象? 詩 何 此 其 所 能 日 中 欲 惠 何 功 : 爾 句 遠 但 不 故 名富貴累 存 深 以 所 心 載 結 陶 若將 味『 表 能 遠 廬 之, 公是古之逸民 果 招 地 心 在 劉 何 自 則 而 終身』,若 其 求 遠 偏 龜 雷之徒 境 心 哉 矣」 Ш 者, 之 即 而 心 賢 古 何 可 無 所 則 句 也 處 有 能 知 車 遠 口

: 宏 或 又 問問 尚 友古人,或志 如 何 是『 在 心 天下 則 遠 或慮 矣」 ? 及後

^{●「}攻」,原作「差」,據成化本改

之於孫 之,故 若 仰 初 寅 生 仲之於張 尊 世 居 於 公 以 在 所 ,恐二公之門人未達 則 先 之。 卿 不 亦 師 尊信 都 疑 侍 稱 達 高 貢、曾子之於 大 禮 稱 城 明 立 又 之,後乃 其 稱 也 夫之賢者,於當 事 又 而 先生 或 問 之 一嘗見 横渠是也 復是也; 先 \wedge 亦 年 《誌》 先 生 一矣,不 則 一,若韓子之於 口 以 生 知 杖 T 中 見 居 行 有二義 字者 何 翁 屨 矣 仲 已稱『公卿 長, 必 狀 狀 故 其一 與 尼, 今一 云『胡 更引二公以 服 云 或 故故 親 龜 世 不 兼 勤 近世 如 聲 厚之 載? Ш 有 陳 龜 概 不 至 盧 書 望 道 子弟之於父兄, 公 公之徒 Ш 復 死 稱 日 全,歐 大夫之賢者 意 稱 早著,心 之士 瓘 答 道 則 書。 以 與 , 先生者 中 心喪三年, 爲 學 如 師 曰 鄒 立 叔、 實 重 自 陽 大 禮 後 莫 傳 潘 觀 高 浩 事 永 進 不 生 其 高 庚 先 叔 仰 之 凡 康 師

> 處 道 生 却 所 先 自 歲 必自 發 皆 其 以 牛 有 此 書 後 所 義 來 事 知 授 汝 所 歷 兼 如 來 萬 著 但 師 何 歷 餘言, 觀 據 矣。」 友 必 吾 吾《 龜 無 所 實 答 聞 Ш 大 大 春 尊 日 所 段 抵 在《 秋 信 見 是 牴 傳 之, 春 在 説 牾 秋 若論 此 廼 中 ×, 更 於 事 是 有 自 庸 其 白 試 伊 改 傳 游 詳 易 頭 111 自 閱 明

答陳幾叟書

之口 説 若 厚 或 知 如 將 論 爲 差 龜 義 監 證 · 至 終身不改 其 ^ Ш 難 龜 故 行 市 者 其 古 Ш 易 己 甚 措 大 辭 處 務 多 略 爵辛 銘 故 自 其 事 , 雖 而 又用《 不 樂 不 飲 乃 疑 得 初 事 食 平. 謗 己 不 皆 語》、《 衣 生 之者 而 勉 敢 服 有 履 意 强 下 居 實 歷 孟 却 亦不少 爲 筆 處之際, 以 之。 有 》、《正蒙 故 折服 以 所 不 情 主 世 可 衆 故 至 意 於 安

0

六

半 畫 著 筦 海 御 在 口 耳 載 仁. 夫 須 若 而 中 世 不 作 謂 者 援 庫 當 行 筆 畫 龜 所 句 轉 據 但 知 指 者 當 論 特 了 用 郎 老 而 削 Ш 龜 之者 至 即 條 當 等 贵 獨 時 揮 以 婆 止 去 龜 行 Ш 如 以 見 之 具 室 能 時 事 録 Ш 所 心 見 後 岢 得 可 不 之意 不 言 執 政 進 而 言 其 切 乃言 來 大 此 遺 口 就 不 之, 事 止 恭 中 不 矣。 赴 南 大 佚 正 却 以 書 一,未有 隱 論 若 段 又 召 郊 示不 謂 阨 却 甚 此 平 賢 餘 能 字。 時 赦 似 世 狼 窮 明 定 自 ? 則 條 援 欲 聽 文 必 然 是 不 嫌 人 狽 白 賢 政 日 而 爲 言 其 行 此 處 憫 夫 後 不 世 以 其 者 和 此 市 雖 止 後 年 下 發 事 其 怨 太 委 之 末 之 御 易 而 書 若 道 以 它 之 已 卑 其 所 出 年 筆 决 而 官 龜 秘 意 宂 人 七 龜 不 用 院 處 以 耳 須 以 也 止 Ш 不 書 正 正 + Ш 而 就 心 來 吴 救 尤 於 獨 能 者 召 不 此 之 元 得 稱 要 己 夫 口 故 欲 語 無 舉 言 也 違 忠 貴 備 遷 此 是 所 其 爲 爲 脉 害

哉 然 所 藥 經 也。 下 益 術 論 或 畏 末 之 有 不 \equiv 皆 論 治 後 所 事 ? 明 於 海 王 惻 口 則《 經 又即 空言 幾 氏 世 龜 理 然 行 病 違 故 闢 則 義 以 新 叟 著 疑 以 指 Ш 不 而 此 説 致 邪 辩 又 謗者 義》之 爲 垂 也 何 宣 忍 揮 就 者 亦 其 **>** 説 何 訓 邪 以 和 人 有 召 雖 以 乃 互. 品 辭 以 事 説 莫 靖 尚 之 爲 益 謂 以 懼 不 相 品 正 以 假 以 不 言 心,是 害 學 待 以 如 康 五. 天 之意 發 對 天 明之, 有 自 猶 者 ^ 塗學 中諸 經 後 下 可 耳 下 ? 論 春 消 是 之人 知 之學者 如 0 以 學 秋 及 釋 故 破 藥 者 夫 此 所 不 故《 ***** 申 術 矣。 誌 紛 方 時 在 龜 建白 耳 以《 真 屑 屠 之 《春 誌 之 紛之議 句 塗 Ш 拔 中 豊日 其 去 蟠 謬 義 論 即 之 詳 炭之中 又 本 篇 章 耳 敗 笑 辩 秋 是 赴 乎 載 小 塞 之 壞 載 疏 而 ? 召 爲 猶 補 末 所 近 源 其 使 故 中 其 不 事 獨 著 有 用 心 安 所 本 非 Ŧī. ൬

言

凡

著

述

論

辩

其

存於今者

非

見

諸

行

事

誤 也 耳 故 ,公更思之,如何 矣。 大 但 此 而 曰「著述 著 語 故 述 安 反 論 或 覆 論 辨 意 證 辩 之 明 不 ? 存於今者 功 諸 欲 自 所 有 在 建 所 白 若 改 其 之 更。 以 傳 尤 爲 寖 必 爲 緩 廣 欲 辭 深 切 口 更 則

記差市易務事始末

陳淵

部 慎 報 不 不 求 以 能 詢 癸巳 常 以 郭 初 辦 龜 吏 爲 非 州 生 慎 Ш 亦 事 部 見 然 市 求 宣 不 宣 見 惟 闕 易 和 在 和 知 闕 縦 几 求 朝 四 務, 前 監 古 便 年 年 以 當官 於 歲 得 即 筦 既 在 書 吾 日 禄 爲 王: 庫 罷 問 近 事 爲 求 寅, 祠 所 其 無 毗 爲 得 年 官 欲 可 濟 陵 Ė 之,馳 所 貧 公公已 就 未差 七 貧 授。 耳。 然市易 + 乎 甚 以告公。 年 公聞 慎 不 答 吏 求 以 果 部 吾 得 老 赴

> 材,薦 就 抱 傅 易 材 召上殿云。 召 六 華 求 臣往 一字爲 務 道 對 國 年 之 不 미 即 方待闕 處 華奉 薦 察 薦 此一 非 來京 且御 或 當 晦 吾 者 同 華 人。」上 意 使三韓, 薦 詔 又 更恐欲見其實,故 時 無 西、淮、浙 赴 若謂 未上 耳 事 之,不限 若 以 如 都 楊 辭 前 堂 監 ,雖不見於墓誌 失其 Ŧi. 亦聞公名 時者。 者 請 得旨 審 市易務不 年 坐罪 未行 察, (實矣。 秋 以 人 許 末, 材 員。 即 願 ", 再 於 故 可 以 以 薦 果 就 經 不克 具 今削去「不 所 薦 及 足 除秘 退 始 之。 亦 由三路凡 遂 得薦三路 者 歸 疾 闕 召審察, 免。 以 可 甚 辭 具奏: 秘 書 大 也 多 如 郎 先 傅 市 即 或 V 郎

行 狀 略

虔守楚溍議法平允,而通判楊增多刻

之争 先 及 溍· 方知 生 每 去 先 從 後 生 溍 守 能 議 有 林 守 某 增 也 議 以 不 先 持 生 平 爲 附 先 太 牛 守 h 與 輕

其 縣 貴 水 杭 重 先 爲 盛 事 縣 先 形 生 知 簡 得不行 生 母 潭州 勢 詢 前 易 每 便 問 葬 不 見 瀏 利 爲 父 餘 必 陽 煩苛 老 託 杭 設 縣 言 拜 用 人人以 安 欲 席 遠 日 撫 以 與 近 者 便 使 悦 均 之言 爲 民 張 禮 服 不 公 0 便, 舜 事 欲 知 蔡 即 浚 下 京 杭 民 條 湖 餘 方 雅 州 杭 瀦 相 餘 敬

治 自 化 知 越 州 人 蕭 圖 Ш 畫 縣 先 生 蕭 形 111 像 之 就 人 聞 家 先 祠 生 焉 名 不

闕 問 力 口 引 引 矣 兩 及 耆 先 人 也 德 或 及還 龜 説 老 生 當 會 成 Ш 路 世 先 政 遂 置 允 貴 生 府 以 上 迪 今 人 然 名 左 以 在 之, 聞 傅 右 爲 何 墨 遂 大 處 事 開 卿 勸 以 導 至 使 兩 政 秘 此 上 高 人 府 書 必 麗 意 對 宜 郎 敗, 庶 方 高 及 召 宜 麗 此 召 幾 赴 及 王 時 猶 力

對,陳儆戒之言,上嘉納焉。

號 今 以 傳 在 貳 列 進 貶 乃 黨 E 爲 也 **>** 0 以 籍 别 乞罷 疏 凡 先 太 進 所 者 辟 省 論 生上 朝 原 0 論 力辩 被 廷 官 政 宦 朝 蔡京 從 言,乞誅 韋 屬 事 者 皆 廷 其 所 宣仁 王 切 置 典 朝 新 議 出 當 修 詳 廷 進 黼 京 時 誣 議 遣 古 六 小 又乞褒 一镑, 乞 要 童 城 姚 曹 可 生 以 務 議 貫 古 事 分 未 肅 等 天下 救 治 復 復 必 軍 且 罪惡 援 賢 完 政 元 各有 録 利 祐 祐 於 古 ^ 病 一,或 五. 六 皇 名 又 逗 攸 后 曹 臣 代 先 率 死 遛 司 或 位 凡 長 生 中 口 不

先 定 無 亂 矣 生 他 0 兼 意 先 太 學 淵 或 生 但 聖 即 諸 子 擇 祭 喜 見 生 老成 酒 日 上,言諸 詣 闕 有 上 行 此 書, 義 生 無 者 欲 議 逾 爲 忠 者 卿 之長 於 疑 者矣。」 朝 其 貮 廷 生 耳, 即 即 事 本 命 自 徼

爲 上 言 今 先生 Ė 即 之賢 位 本 於 中 是 之 除 先 Ι. 君 部 子 侍 初 郎 在 政 府

年, 官 趣 時 與 成 涯 涘 人交終始 沉 聞 涵 兩 ,不爲 「蓄廣 浸 事繼 河 先生學者甚衆 生天資仁 經 南 大而 書, 兩 崖 母 如 程先 異 尤 推 不 絶 謹 0 厚, 廣 敢 生 俗 師 性 0 輕 一之道 寬 之行 至 説 熙 大能 自 而 孝 寧 肆 先 窮 即 中, 以 生 也 探 幼 容 往 力 獨 求 物 喪 既 從之 索 世 歸 母 舉 俗名 進 學 哀 閑 務 毁 士 見 居 極 是 得 其 如 其

温 純 本 粹 中 ,終身無 聞 於 前 疾言 輩 長 遽 色,先 者 生實 爲 明 似之。 道 先 生

遺事九條

先 最 往 吾道 求 會 生 潁 教、潞 得 昌 明 南 從 容易。」及歸 道 可 矣。」先是,建州林志 學。 在 公云: 往 潁 從之。」因 昌 明 時 道 送之出 甚 此 先 喜, 中 生 使人送 無 尋 每 門, 以 醫 言 寧 相 調 明 出 謂 日 益 官 道 . 坐 人 京 潞 有 客 處 師 公門 楊 日 程 君 大

録

生與 實 狄 明 寧 伊 也 矣,惟 乃]1] 謝 但 謝 語 自 於是 聰 君 涪 定 丈不變, 有謝 如 悟 歸 夫及 同 水 不 行 及 投 見 楊 先 先 石 因 學 生 時 生 者 歎 君 謝 凋 日 長 先 然 故 顯 落 : 進 生 亦 明 道 0 謂 未 道 多 亦 學 見《 嘗 從 每 在 者皆 不 龜 言 佛 不 Ш 可 謝 學 稱 語 流 楊 不 爲 録 其 於 獨 君 X 先 夷 聰 誠 見

見《程 常 知 其 與 氏遺 楊 短 楊 時 時 而 書 於 讀 持 新學 之。 數 篇 極 介甫之學 其後 精 今日 盡 大 能 抵 有 推 支 所問 類 離 以 通之。 伯 即 淳 能

然。 Z 見祁 伊 判 ĴΠ 寬 然無 所 答 記 楊 尹 疑 和 中 靖 立 伊 語 論 111 西 銘 \approx 楊 中 時 立 也 未 書 判 尾

叔 最 愛定 舊 在 夫。 先 觀 生 之 門 氣 者 象亦 伯 淳 相 最 似。 愛 中 見《上 立 正 語

妓 女, 先生 以 來小 曰 : 民 官 此 司 最 設 爲 法 害 賣 酒 而 所 必 在 張 樂 集

間 之罔 方官 與之 處 如 其 也。 民 張 得 所 故 吏爲之,上 與 錢 愛惜 設 散 爲 且. 民 漁 民 民 遂 官 青 有 財 頗 其 口 之有 賣 苗 者 而 其 用 得 財 樂 酒 時 巧 於 之有 民 悉 求 下不以 是 舊常 財 鞭 凡 贵 利 有 在 暗取之,雖 力。 笞者矣。 亦 酒 不 以 百 至是時 須上 肆茶店 禁之, 誣 或 姓 爲 見 哉 以 《龜 爲 怪, 之 請 ! 之, 山 , 散錢 余 人 無 不 亦必以 語 與 不許 夫 在 與 鞭 理 録 知 夫 引 己 潭 之 笞 亦 爲 俳 誘 州 愛惜 以 當 政之 妓 往 然 優 無 强 瀏 禁 樂 往 後 戲 知 陽 民 民 隨 调 之 今 劇 不 而

無 縣 立 以 縣 法 歸 ,至今以 不 · 得 官 又言常平法。 令寺 使 其 行 賑 所 爲 舍飲 旅 民 也 之 恨 之 窮 食 疾 其 之。 病 餓 州 事 者 飢 縣 未 欲 踣 寺 及 人 於 余爲 舍, 行 之 道 者 瀏 歲 而 於吾境 隨 陽 用 余以 有 日 所 餘 罪 方 在 去 申 爲 則

元城劉公問胡珵曰:「毗陵莫常得

傾 以 書 曰 不 秘 中 書 知 立 傳 中 郎 安 聞 立肯 召 否 是蔡攸。」公曰 對 ? 來 日 否。」 公 : 見 : 楊 道 護 先 録 誰 生 此 所 近 曹 薦 有 立 除 黨 命 珵 相

者鮮。 數 公無求 之心爲 明 袒 補 新 衰 公時 奉 又《與宰相書》 計 聖德 精 應 詔 裼 必 多 裸 仲 造養深遠 命 而 胡文定公《 於 力 衆論 書》云 知之者知其 裎 龜 人, 心者,裂裳 少 延 1 至 不 蔡 年 禮 以 如 氏 殆 有 又 此 裁 凂 焉 日 可 老 文學 與 疑 不 燭 能 决 : 楊 安國 楊 助 能 裹足, 凂 理 見 置之 危 而 及。 之。 先 相 大諫 己, 胡 甚 疑 龍 府 生 文定 明 經 不 不 獨 行 啚 之 經 世 書 知 席 閣 以 年 俟 公集 混 方 者以 忠 事 理 直 爲 屨 日 八 迹 繒 殊 謀 朝 世 爲蔡 學 以 : 而 + 同 不 也 務 夕 意 明 士 在 氏 塵 答 屑 若 儒 志 致 道 所 涂 大 又《 意 訪 學 引。 燭 氣 知 先 仕 世 諫 0 雖 照 裨 未 楊 H 生 初 此

昔西南夷人嘗以梅聖俞《雪詩》織布,

然 也 而 龜 0 則 永 111 見《胡 叔 姓 行 只於《野 名 狀 氏 傳家 爲 中 蠻 載 録 夷 高 》載 君 麗 之,其 長 或 所 王 知 事 事 不 贵 所 人《誌 足 以 道 得 哉 銘 書 1

竴 道 誌 銘 略 此 昔 先 君 子 吏 部 府 君 所 作

也

謹

爲

之

銘

銘

日

身 于 公一 急 游 不 極 意 物 太學, 踐 伊 能 冰冰 人 支 即 而 言 出 Ĵη ,不苟言 和 困 賦 公諱 後 解 凛然 一,咸歛 易 之門, 諸 乏而 加 己。 的 聲出 迪 兩家 \Box 破 樂其 9 0 與 手 外無間言。 「等夷 字 也 如 聞者欽聳,退而 故 爲 貌 人辯論 遵 成 、爲善, 無 之 然 推 道 里 人。 賢不 少 旦 平 先 有 9 爲 年 則矯 9 既冠 貨訟,不 其 ·肖愛 綱 棄 髫 周 平居 伊 誠 振 兒 還 而 然 111 信 敬 條 益 不 已 少 群 察 敢 無 于人 之,蓋 决 英 析 顧 貫 能 然 公之間 爲 喜 抱經 者 、私,言 一穿古 可, 力 愠 發 如 連 學, 色, 微 度 極 此 年 若 詣 同 遊 其 至

> 許 以 成 遠器。」於《易》、《春 士 疾 卒。 遊 伊 間 ĬΙΙ 予不 《答龜 論 近 Ш 及 書 世 識 \mathbb{S} 學者, 秋》 公, 尤 自 令子名迪 精 至 來 一公皆 詣 閩 中多 者,好學質 崇寧三 日 吾 從 不 龜 美,當 年 及 Ш

告 疵 之子 行 學昏之。 乘之。 躐 Щ 莫乘莫惛 而 一,淵源 來 折 滿 不 陵, ·, 妙 世 胡 鄉 斯 天其 不 黨 道 文 伊洛 質 師 百 以 堙 盛 夙 訓 或 世 年,以 見 不 天 衰 成 是程 《者,尚 ·治,以 孰 、 天實 自 蓋 如星之斗,以 知之。 私 祐之,使 究 目 命之。 相 其 與 濡 乖 軌 公子。 業。 世違。 心渟, 戾 道 遺文 莫 與 以 齎 施 有 趨,不 斯 表 食 蔚 法 我 有 嗜 後學。 文。 息 然, 銘 莫 孰 志 其 訓 畔 出出 陳, 爲 於得,俗 徑, 不 屹 經 墨繩 毅 公爲 可 屹 異 不 端 龜

伊洛淵源録卷第十

伊洛淵源録卷第十一

劉起居

墓誌銘

許景衡

其屬 郎 擢 行爲 達 未 從父弟今徽 凡 進 ,思之夜以 方兒時 表留 士 士: 召 公諱安節, 改河 對 一第 友 所 便殿,公言春 公太學, 東提 調 稱 猷 已有遠 繼 越 閣 舉學 日 州 字元 既 待 不 諸 冠 必 制 度 事 報 暨主 至於 承,温 游游 安 宫 司 比 止 除 宜 管 太 簿。 長 得 萊 相 學 慎 勾 嗜 州 而後已。 州 0 友愛,皆以 擇 文 或 人。 學 官 字, 州學教 元符三年, 子祭酒 屬 改宣 資 有 雖 所 禀 少 授。 德 率 文 與 未

> 監 右 察 和 趨 御 走 口 史。 之異 者 必 數决 惟 其 大獄 稱 善 所 顧 又 問 平反甚衆 論 甚 節 悉 儉 即即 及 君 日 擢 子 小 爲

何,宣 所 明 起 省 年 建明, 居 親 ",遷 既 郎, 居 義 數 陛 且久不 太常少卿 趣 思 月 解 歸、公 赴 而 攝 闕 ·寧親 命 殿 欲乞外 ,而言者斥公在 公迎父宣 下 中 ,責守饒 不 侍 御 及 補 史。 供 州 職 義 宣 時 而 義 而 公方 言 歸 西 古 責 止之。 居 時 謁 俄 無 告 無 除

與 之。 民 官者所擾, 相 無 曰 之治 通 : 遏 無倉卒之擾 者 未幾,飢 糴 州 賦 歲荒 薦 0 政 出 飢、公 軍 應 逃 如 儲 裁 者 散 調 此, 制 不足,它日 充 至,大發廪賑之,又檄 適 郊 貢奉之須 重困之可乎 其 ,乏者濟 外, 緩急耳。」市 公躬率以 皆 逃 俾 强 ! 者 屬 取 廉, 復 縣 它 諸 先 數 寮 司 民 期 爲 於 屬 宜 旁 戒 是 化 在 郡 有 公

移知宣州,去饒州二日,民遮留之,涕

其 持 力 其 闢 活 吾 泣 ,其得 其 幾 屬 將 劉 佛 不 議 發廪 數 忍 廟 公 具舟 千人。 而 别 以 ,公皆弗聽。 不死者不可 也 處 已 耆壽 振 更以 之,發 溺 至 而 以 宣 遠 而 爲 爲 廪 + 近 躬督之, 計 法令不 吾 以 大疫,公 日 流 州 活之, 民 自 而 至 可 畫 范 水 者 夜 命 大 文 而 以 無 至 E 不 醫官 部 失 萬 少休 公後 使者 數、公 所 治 者。 甚 亦 所 遣 惟

子 有 之,旁郡 氏 -,於是 異質, 誠 公之娶也,初行 政和 九歲 聞 六年夏 皆 多 思 而 竊 公公之 夭; 笑。 五. 月卒, 倡始云。 親 比 迎 年 女尚 之禮, 朝 年 廷 幼。 川 子 頒 + 鄉 男 以 九 五. 人 禮 慕 安止之 暨 於 娶 而 孫 天 繼 何

養 游 非 性 始 世 俗 公天 以 所 之,於是有 致 資 謂 知 近 學者 格 道 物 發 而 得 嘗 敏 其 從 於 材 其 當 學 貌 沉 世 問 温 涵 賢 然 其 熟 而 所 有 望 趨 之 道 存 尚 者 知 心

> 覺 僚 者 其 有 自失,相 有 未嘗 容, 交惡者,一 見其 遇 與 人 如 有 無 初 怒 日 貴 色 邂 賤 恚 逅 小 辭 公座 大 也 以 聞 其 誠 其 在 緒 河 雖 餘 東 忤 不 己 同

急 所 爲 立 其 厚 避 則挺 人皆惴 數輩 無它 就 其 也 恬 然 有 静 追 恐、公獨 不 鄒公浩以 弗 詔 可 路勞勉 校 釋之,而 口 奪 泰 宜 之。 然 曾 若 右 公亦自若 如 易 不 正 朝 平 知 與 言 廷 禍 時 者 得 震 福 罪 怒, 也 至 既 利 9 公 於 害 追 而 哲 與 有 逮 口 甚 其 所

信 還 則 不 有 過 有 雖 間 孝 事 古 臧 斷 弟 親 獲 人 矣。 能 所 天 無 承 難 下 間 能 順 之 言 其 者 理 也 意 有 0 族 常 教 居 無二 日 養 踰 0 諸 百 9 弟 乃若 口 涵 異 之道 下 容 愛 周

遇 迫 遽 事 勤 不 聞 瘁 擇 人 之 善 劇 色。 易 如 人 其 出 所 與 厭 或 苦 遊 歸 常常 者 以 過 任 引 之 其 則 裕 所 未 然 長 嘗 無 而

邑,公既左右之,振其綱 陰 卒善待之。 覆 其 不及。 諸 暨 令不 條,又稱其長者, 事 事 州 將 欲 易 將 它

外、通 公」,遂捨 間 受之故,朝廷録 不 平易近民,民有訟 常在於公天下, 志 施 非 有 答朴 敢 鬥者,將愬于 宣 彼我 私 州賑濟,公疏 佚 也。 其 身, 所治 部者 以 是廷 委 官, 爲 而 以爲非 不如 在 之 曲 則 無 於 功 州,專以 訓 可 日 爲 而 是則非 「何面 戒之,俾毋 治之事 敢 人,其 進 專也, 秩 所謂 目 ,或踰旬 . 義 所施置 復 蓋 教化, 再犯。 合内 見府 有 其 所

遺

只爲有根 有 只爲 進 或 處。」 未有 問問 故故 問 根 0 劉子 年 大 長盛 所 指 進 庭 以 乎?」曰: 如 前 不 茶 進 蘼 年。」問 者 何? 一未 曰 見 此 花 何

> 它守得 以 徒 皆忘却 見 他 定,不變却, 未 了。 有 進 」見《上蔡語録 處 亦早是 日 好手。 不 道 全 如康仲 不 進 只

尹 侍 講

墓誌銘

吕稽中

128

諱林,官至尚書虞部 謂 漸,是謂 張氏,生七子,而二子有名。 河南先生。 先生洛 劉氏卒,陳氏,福昌縣君,是生先生。 河内先生; 河内 也 9 姓 娶 員外郎,娶劉 尹 何氏,生四 次子諱洙,字 氏 長子 曾 祖 子,其長 諱 諱 氏,萬年 師 仲 源,字子 魯,是

生退 告 母 日 日 吾 於 巾 知 不 程 汝以 子 復就 夫 噫 子 有 爲 尚 舉。 母 日 善 口 在 1養,不. 以 ·。」 先 程 干 吾 夫 禄 知汝 不 子 生 乎 復 聞 歸 哉 以禄 應 告其 之, 進 日 養。」 士 母 不 華矣。」 對 於是 母 而 賢 日 出 哉 先

畏 尹 欲 倡 氏子 之。 仕 爲 異 大 而 也 端 觀 程夫子 聲 尹 中 聞 焞、 新 益 學 盛 張 日 繹 德 興, 爲 我 益 之左 有言 死 成 而 同 右 者 不 門之士皆 日 失其 先 . 生 正 遂 程 者 尊 不 頤

徙 死 靖 往 德 有 一、又謝 于 處 四 之士,以布 繋天下 士 賊,先生 Ŧi. 年 而 康 不欲 歸 元 而 一之望 年 既 長 朝。 明 衣 死 朝 安 年 召 則 而 大 廷 陷 先 復蘇 使 臣 初 金 其 生, 辨 知 劉 人 意。意 僞 豫 陷 不 忠 先 帥 僣 洛 能 邪 生 趙 位 陽,先生之 留 長 謝 召 斌 于 安 也 不 用 卑 京 Ш 詞 授 用 四 中 師 以 方 厚 家 思 轉 和 既

> 遂 去 來 至閬 召 夜徒 先 中。 生 步 渡 具 久之,往來 供 渭 帳 若 衛 翜 從 水 邑中,止 于 谷 Ш 中 中 甚 于 崎 盛 涪 嶇 走 先 Ш 生逃

問 耻之。 愈 病 先 毁 爲 召先 崇 事 遣 生 生 之正,上又思見 程氏,先生復辭 先 之二十年,今又二十年 不 政 于 必受命 一解 生立 上賜 生 殿 己。 涪, 曰: 紹 避 興 於是大臣 説 已 先生 之金帛 祠于涪。 五 六 書 而 年,先 數 年 後 千 遂 ,有從臣言 力辭十 「昔者之召 朝 以 顯言先生 先生 使 迫 日 生辭官 七年, 左宣 大 . 上 數 臣 命 上 召之愈 教 至 先 存 矣, 學程氏者焞 程 而 布 拒 問 郎 九 赴 勑 頤 生之道 衣 請 劉 慰 江 有司 蓋 召 崇 急,禮 至 就 必勞,須 豫 ,有言者 蜀 一行 政 自 斥。」 之 -, 上 加 之 殿 在 布 節 益 也 禮 學 所 其 朝 説 召 衣 學 廷 而 攻 敦

卿 尚 病 可 愈 辭 先 邪 生 朝 朕 渴 又 卿 辭 於 矣 上 前 知 卿 之 上 從 日 伊

左通直 江 朝 禄 觀 於 説 先 萬 川 職 111 兼 州 廷 朝 書 生 月 月 日 . 壽 世 哀 一益衰 太 至 侍 觀 廷 又除秘 除 賜 俟 平 其 郎 講 崇 十 一 緋 秘 卿 何 病 觀 十二 0 且 政 書 以 衣 功 月, 且 病 而 先 而 書郎 殿 講 銀 德以 少 去。 老, 月 先 益 生 除權 説 學,不 監 魚 除徽 生病 日 九 書 求 象 先 當之。」上章 : 月 年二月 禮 去,改除直 笏, 生年 H 敢 餘 部侍 猷 九月, 作, 病 以 與 閣 六 以 有 不 御 9 待 不 郎 使 十七 病 除 它。 能 府 能 兼 制 以 徽 太 求 十餘 朝 珍 朝 侍 待 提 常 猷 矣。 去, 先 一、告病 矣 玩 講 制 舉 閣 生 小 不 之物。 不 提 萬 而 進 主 卿 遂 己。 許 舉 寵 甚 官 管 年 兼 就

制 紹 進 年 官 七 以 興,居二 賻之,贈官 左 + 先 奉 生去 日 議 年 郎 ,之平江 而 一七 没 四 而 年 從 + 虎丘 其 而 七十 請 老 有二矣。 + 尚 + 矣。」 年 月 庄 遂 月 先生 致 命 先 如 越 生

> 將 在 0 仕 立 郎 先 孫 生 ,洛陽之陷, ·娶張 鎮 爲 均子。 氏 追 與 封 張 令人 令人皆死 0 生 子 均 惟 諸 仕 爲 女

之儼 後 心 奉 言,據六經發 不 必宗之,不知者 順 而 者,學之正 於是乎下學上 味以索之,踐 聖人必可 有聖 詔 得施之天下 心 放 不欺 撰 然 得 諸 稽 人,不 也 几 中 論 闇室,自 如 海 聞之先生之學,學聖人 語 即 以 出 也。 而 解 明 之則温,言 學而 易 履 諸 準。 問 退 達, 以 先 必 Z 故 誠 答 身之, 今行於世。 未嘗筆之於 慕 至 生 先 窮理 而 見於 其 一,不 也, 之,小人見之必 之道矣。 明 生 於 ·爲講 則 以 涵 而 聖 莊 盡 容貌 厲。 養 敬 不 性 之開 解 以 可 聲音 六 然 文 天下 而 成 以 經 實, 物 者 與 而 無 之, 爲 之間 之言 成 也 不過 先 知道 群 贅 也 革 務 有 生 無 獨 0 日 面 者 進 於 外 望 耳 推 玩

遺 事十條

和 西 靖 銘 大 蘇 昞 見祁 見 伊 寬所 111 録 自 尹 和 後 靖 半 語 年 下 方 同 得 大

焞 領 請 此 語 益 和 靖言: 然 伊 不 JII 若 日 近 初 時 見 看 主 伊 得 111 更 則 時 親 是 切 教 敬。」 焞 看 當 敬 時 字 雖

便是 既 事 彦 收 喻 自 生 叔 不 明 貶 没 歛 以 只是 自 敢 思思 更更 主 屈 尹 獨 高 和 寬 彦明 輕 識 常常 問 能 着 專 叔 然 爲 言 力 以 不得 亦 有 \$ 與 且 行 先 不 病 明 闸 所 思 如 毫髮 生教 如 敢 之。 死 以 得 敬 敬 叔 人 妄作 篤 何 也 以 到 有 同 彦 事 行 彦 人 是 直 甚 時 神 不 專 明 明 因 内 主 俱 非 形 師 祠 常言 以 窮 説 愧 主 爲 ? 若用 影 事 中 敬 居 往 屋 先 伊 致 以 教 而 只收 年 漏 生]1] 此 敬 直 學,未嘗 願 何 先 所 矣。 先 理 内爲· 時 先 先 ? 歛 生 生 生 自 習 其 身 則 之 先 心 教 少 思 心 善

> 説 無 内 陵 I. 0 睹 歸 日 處 當當 : 見 日 吕 因 日 氏 問 無 見 雜 易見 先 誌 之, 計 生 較 得 也 如 日 邪? 此 不 大 習 讀 且 ^ 先 無 更 易》 生 不 涵 至 深 利 養 以 時 敬 爲然, 以 則 更

生 敢 日:][[諸 ? 輙 温 爲 伊 謂 日 焞 州 他 111 子靳學, 以諸 鮑 説 額之。 伊 若 ? 川遣 公 雨 萬 來 見祁 之 商 不 依 以 見 霖 寬 有 先 所録 教 和 與 少 生 靖 鄉 尹 差,便不誤 之 渠果 和靖 次 門受學, 日 否? 語 輩 伊 下 久 111 它 先 焞 從 H 生 伊

得 請 爲 往 子 問 我 尋 造 言 常 如思 未 和 妙 之。 見 靖 達 處 與 叔 只 和 同 思 是 則 四 否 靖 叔 焞 先 請 ? 共 日 雖 生 益 : 學之 有 愚 纔 尚有 差 鈍 説 焞 久 否 不 自 未 便 ? 伊 保 得 逮 點 自 川 守 處 思 頭 問 覺 得 叔 會 如 之 若 何 如 凡 思

❶ 「十條」,檢正文,當爲「十五條」。

叔 則 自是 焞 未 每 敢 同 保 請 也 益 退 伊 111 伊 笑 111 日 必 謂 諸 也 郎 是 也

魯 者 終 子 有 謂 守 尹 也 焞 魯, 見 張 《程 繹 氏遺書》,下 俊。 俊 同 恐 他 日 過 之,

張

秀才如

此

不

待

尹

秀

才

背得

言 領 如 焞 意 如 淳厚不 。」先生欣 何 尹子 ? 張 尹 如 子 子 繹 然日 見 對 9 先 日 : 能 生 終 「各中其 曰 守先 聞 先 生之學, 二子於 生之言,言 病 頤 之 不 下

伊 明 幹 111 他 先 和 時 起 日 必 下 元 日 有用 堦 不 ·曾許 昔 伊 於 與 世]1] 人 范 こ元元 謂 0 元 見 范 長 祁 長 日 寬 同 次 所 見 録 日 尹 伊 君 説 和 ĬΙΙ 看 如 靖 語 此 尹 偶 彦 蓋 有

講 伏 説 潜 見 河 必有補益 康 南 允 應 元 府 蹈 書, 年 布 踰 己召 不 同 衣 =求 知 尹 + 至 仕 焞 樞 年 京 進 密 學 若 西 師 院 專 都 事 蒙 + 師 學 种 月 召 古, 者 師 致, 皆 賜 行 道 號 俾 推 足 奏 抑 勵 預

> 意 藏 備 靖 以 尋 南 好 延之士, 臣 任 以 ,伏望聖慈 或 中 問 敦 處 一等伏 金 大。 器 迫 和 士 户 · 言 人 赴 以 無有 部 睹 不 犯 臣 闕 歸 動 侍 爲 河 闕 等 特 出 惟 郎 伏 南 時 不 淺 户 加 其右 邵 時 聞 府 用 陋 部 及 識 皆 溥 命 布 尚 再 ·者。 不 摧 未 之 衣 口 中 書 見 足 以 副 處 尹 師 書 孫 昨 以 朝 焞 士 慰 法 舍 見 傅 緣 盡 廷 以 士 難 學 朝 器 知 仄 大夫 歸 御 胡 儷 窮 廷 識 席 史 安 特召 宏遠 根 之望 求 近來 使 或 中 本 賢 焞 丞 之 吕 招 德 河 可

意,一 畏 堂 有 名 致 法 日 取「學」 命遂志」 人之言」之意 和 室名 晝有 有 靖 齋 而 在 曰 爲,宵有得 之義 時 瀘 三畏 取 習之」之義。 州, 横渠 齋 見《 在涪 室名 先 息息 取 涪 生 陵 陵 日 所 畏 有 記 縣 遂 在 善 謂 養 天 所 録 志 千 命 言 瞬 福 齋 居 畏 有 有 院 名 取 存 大 教 易》 動

紹興五年,史館脩撰兼侍讀范沖奏:

遣 先 求 恐 遣 申 友 外 日 在 撫 特 無 士 直 伏 是 非 室, 能 之所 淳 蜀 使 號 起 方 0 依 聖旨召 睹 0 先 髣 宣 之 有 備 伊 已 聞其 和 髴 生 尹 矜 毫髮 司 撫 建 行, 興 臣與之遊 得 遯 加 111 靖 式 炎間 舉 治 處 几 移 司 養 赴 名, 聖 津 先 動 處 士 狀 美 文 浩 劄 行 以 旨 遣 無 合 生 士 遣 迹 雖 俗 辭 可 代 焞 既 下 在 玷, 謪 志尚 其 規 尹 處 使 以禮 寓 之意 免 致 仍 臣 逃 涪 矩 焞 居 所 三十 延 至 居 實 不 0 竄 州)聘,焞 於 高 \$ 允 得 京 誠 本 津 爲 乞自 獲 Ш 津 愜 靖 涪 潔 111 於 明 餘 師 州 遣 鄉 於 谷 之 遣 陜 明 年 康 公議。」 千 間 邦 已 宣 亦 懇 涪 使 + 學 宣 翟 中 年 之 福 表 得 人 知 不 辭 人立 撫 司 副 撫 朝 興 九 院 所 莫 見 其 就 還 實 州 專 司 六 朝 廷 爲 司 月 尊 今流 得 於 爲 有 Ш 祠 差 委 事 然 廷 月 以 以 河 乃 外 禮 淵 而 於 官 官 + 李 獨 舉 禮 南 賜 布 行。 見 源 敦 北 逸 贍 處 津 落 五. 臣 内 鎮 處 衣

持 父? 榮,不 學,亦 之甚 溝 又 皆 留 程 生 紹 辱 巖 未 且仰 前 + 屏 頤 有 召 : 有 前 先 進 安 絶之, 年,學之既 之學惑亂天下 以 也 躅 命 四 不 加 顧 於是右 ,乞令自 惑 月, 生 不 焞 鑒 過聞 以 繼下 四 避 聖聰 使焞 爵辛 甲 之。 É ·辱 疾 明韶 方 地 寅 不 第 其 除 病 於 相 獲 之公議 濫 孟 專, 便 門 書 七年二 偶 師 八狀云 日 天 張公浚 命 焞 列 秋 訪 增 則 者 下。 亦 9 自 實 雖 經 始 藥 有 有之。 勉 居 信益 嗣 精 甚 不 帷 居 求 爲 月, 赴 焞 焉 捨 講 神 涪 愚 惟 醫 此 行 實 其 篤 其 事 至 衰 無 陵 學鼓扇士類 在 今兹啓 敢 師 所 竊見臣 至 免令 , 所 耗 江 以 自 人微 偷 程 是 敷 臣 己 學 有 州 發 壯 繹 頤 以 先 卯 道 决 補 行 明 至老, 望 上 時 不 僻 之 寮 以 備 塗 文 於 孟 經 輕 學 欺 之 能 陋 填 上 病 惟 冬 告 世 日日 者 居 顯 垂 先 則 敢

■「副」,原作「赴」,據成化本改。

二十狀 記 志 側 州 聽。 新 觀 路 劉 陝 春 谷 善 此 守 僅 豫 命 其 宣 録 猶 守 臣 臣 今陛 所 依 撫 父 其 引 其 未 獲 長 被 不 疾 奏 學 子 處 聞 所 前 生 安 命 師 允, 下 速 所 置 迫 以 先 就 説 徒 全 法 還 · 博 使 養 以 乃 以 生 道 被 力 步 則 朝 采 禮 受 辭 V 寵 僞 竊 趨 誠 臣 , 亂 群 敦 命 若 辭 伏 蓋 命 云 見 嘗 蜀 聖 有 議 遣 望 驚 嘗 人 和 9 大 延 聰 不 近五五 焞 崎 對 聖 召 靖 以 過 請 ·得已, 進 9 經 嶇 慈 列 0 置 趨 焞 處 人 至 退 月二 涉 見 之 千 特 經 之姓 時 + 者。 司 失 餘 大 經 降 筵 難 九 尹 荷 據 儷 + 筵 月 睿 里 河 與 焞 合 名 紹 者 集 而 九日 之款 旨 達 炎 則 投 乃 乞 焞 興 也 陳 緣 負 之 食 身 説 辭 甲 至 叛 涪 接 素 奉 江 天 間 至 1 或 免 寅 臣 111 陵

生 戊 之 午 孟 君 子 八 謂 而 月 言 紂 也。 + 夫 九 時 如 日 有 何 講 進《疑 ? 筵 先 初 孟 生 開 子 日 , 説》者 上 問 此 先

> 上 程 問 頤 不 敢 程 疑《孟 頤 謂 子 ^ 孟 子 見 祁 > 寬所 如 何 録 尹 和 先 靖 語 牛 曰 .

如

此

作

詩

不

知

要

何

用

0

見《吕

氏

雜

志

尹

彦

明

在

經

筵

嘗

從

容

説

黄

庭

堅

之禍 採 乎 以 讎 王 陛 啓 首 問 戴 諱 勤 衆論 之禮 紓 ,不反兵,今信 遽 撫 ! 下 和 H 或 之至 + 議 目前之急,豈 爲 來 紹 而 臣 勢 亘古· 以 事 陛 於 興 可 竊 父 莫 今 一,所以 年 下 全大計 戊午, 爲陛 保 未聞 母 究不 勤 方 Ħ 遂 之讎, 且 撫 使 9 下 前 億 意欲 先 豫 之功 虜 仇敵 屈 年 然 兆 則 痛 之 生 不 意 意 不 徽宗 之 賴 天 惜 失 潜 狀, E 當當 益 降 之 與 心 祖 下 之, 不 奏 圖 驕 詐 心 天 共 皇帝 宗 决 無 共 幸甚。」又與宰 混 日 更 謀 下 戴 謂 於 德 迎 有 戴 願 之人, 而 天 奉 澤 我 此 離 9 天 寧 深 覬 臣 之厚 梓 矣 無 異 本 反 德 謀 其 妾 宫 人 1 兵 兄 痛 遠 朝 皇 肯 中 熟 、之義 弟 况 乃 請 心 后 近 陛 戎 和 或 相 先 問 疾 再 愛 虜 X 下

罰當 念誤 德 豈 及 幸 之 意 下 者 切 沙 要 靖 秦 戊)要,内 或 甚 成 爲 方 骨 漠。 中 怨 堪 竊 午 檜 康 讜 之已 受 罪 將以 時 於 事 聞 誨 有 以 書 ·則虜· 議 一,使主 安强 用 寵 復 年 主 繼之梓宫崩問 兵 來 日 淡 .则 甚 際,蔑 有《 此 上 識 矣,然亦 進 《難 人虎狼 自 屢 見迂 乎 望 以父兄未返,降志辱身於九 解 第 上 君 儷 勿 墮 木 於相 虜 集 之 子 几 免 以 其 聞 自 陋 狀 之孝弟 待 而 今之上 未 小 術 貪噬之性 補 斃 公, 與 **>** 遠 智 聞 制 已 報 ,豈忍爲 不祥, 又言之, 今若 我 第 通 小 覬 虜 子 驗 比嘗不 有 義 於 有 策 人 于今, 狀 神 莫 不 以 不言可見 天下之人,痛 悔 而 屈 乃 * 明, 共 如 革 此 禍 啚 則 得 量 還二 跡 大 自 議 戴 其已然, 使 賞當 主上之 外 分 功 其 治 乎 天 爲 守 不不 愚 祠 之 帝 臣 功 自 勝 道 贵 輙 每 治 恨 重 天 於 而 比

先生卒,門人吕堅中以文致祭,其略

言 覺 哀 先 生 以 才 有 理 聞 ,發欲 之私 哉 求, 意 生 見 見 日 則 測遠 乃 否 所 昭 致 恭 如 9 贵, 惻 剖 之 窮 何 霽 馴 德 惟 中 敬 善 精 之賊 節 則 以 我 鮮 以 由 誘 知覺, 行 固 亦 克 其 時 直 是 有 養 有 有 循 未 如 然 内 致 不 厚 終。 循 傳 思 後 潦 惟 知 以 養 略 是 不 者, 言 則 私 思 厚,行 則易 力 乃 喜 休 是 無 行, 匪 持 怒哀 達 猗 醜 俾沉 言 邪 詐, 守 誠 與 或 必 不 實 爾 謂 吾 樂 踐 以 拘 明 維 或 若 心 道 謂 無 則 必 力 窮 酣 聖 先 知 易 勿 生 愚 嗚 雖 培 而 簡 殖 半 口

伊洛淵源録卷第十一

=

伊洛淵源録卷第十二

張思叔

説》。所著詩文甚多,今存數篇。 名繹。嘗記伊川言行一編,亦名《師

遺 事 三 條

發憤 禪 以 頗 此,或 傳 未 科 勸 呼 知 勉之。 舉 道 讀 ,從人授學,執勞苦之役,教者憐 ,悦其道 張 告之日 之學不 路 書 思 叔 爲 思 後 ,有祝髮從之之意。 : 叔 X 河 頗 足 頗 傭 南 能 爲 此 羨 壽 作 文, 也 讀 慕 安 人縣學、 書 之。 因 所 0 日 至僧 致 問 家 見縣 耳。 人 甚 府學 寺, 何 微 時 官 周 被被 思 以 見 其志 出 年 恭 道 叔 得 薦 長 叔 始 如

> 此 矣。 子 時從 始 也 志 行 子它日 〕。」及 有 》一志士 則 士不 見《吕 無 自 學 官官 不可 忘 伊 者 得 洛 程 在 氏 不忘在]1] 爲之事 甚 溝 處 中 雜 先 壑,勇 先 衆, 志 生 後 生 思 歸 又《童蒙訓》云: 先 一歸 更 士 叔 溝 不 窮 生 自 亦 壑 可 忘 理 獨 涪 從 喪 從 勇士不忘 其 造微 陵, 許 之學, 之, 元, 思 思 恭 叔 慨 叔 思 少能 無 叔 然 叔 始 有 爲 謂 喪其元 大 因 見先 得 及 空 之 讀 讀《 **念**孟 蓋 之 一祝 E 能 子 者 孟 : 守

於爲文 守 之,甚 和 生語 先 和 歸 尋 生 自 靖被召,嘗曰 靖嘗因 恐思 往 思, 亦 涪 和 相 便 靖 陵、思叔 敬待。 又善 往 叔 或 一侍坐, 言 喜之,自 不 言 更 辨事 及 下 請 家 始 焞 禀 解 問 焞 居 見 此 伊 悟 先 9 與 先 思叔若在到 先 壽 同 然 ; 111 生 思 遊 生。 後 安,學者從 生 一没 焞 叔 處 解 以 未 聞 既 思 悟。 爲 幾 先 先 相 叔 張繹 然 生以 生 今,自當召 思 穎 友 然它 之漸 善 悟 叔 思 每 族 亦 疏 日 叔 須 聞 衆。 女 伊 通 妻 先 再 111

用,必能有爲於世。」伊川嘗言:「晚得二

士。」見《涪陵記善録》。

伊 年 111 卒 每 張 繹 云 初 思 以 張繹 文 叔 聞 朴 十 於 茂 鄉 歲 -0 曲 方 見 見 後 祁 寬 伊 來 録 111 作 尹 和 文字甚 後 靖 語 伊 111 少 0

馬殿院

逸士狀

何兑

公 黨 不 時 方 學 爲 樂 舉 自 者 諸 崇 馳 公諱 恐 吏 路 寧 騖 無 亦 部 學 幾 初 以 當 伸 元 階 兼 使, 求 雖 字 行 進 爲 祐 宿 專 時 西 東 晦 素 學 中 糾 京 平 迹 有 從 其 案《 司 州 人 禁, 游 事 法 縣 語 也 0 録 姦 曹 間 伊 或 事 以 自 無 111 作 用事 趨 弱 知 鋭 時 利 冠 者 然爲 先 仲 , 叛 登 生 出 去。 或 親 其 作

遭 監 邪 久 首 周 姑 公暇 初 臺 朝 依 飛 不 生 有 愈 謀 公 權 大 官 察 0 語 唯 至 不 志 恭 初 之 邦 變故 敢當 於死 唯 爲 但 御 者 計 宜 中 以 召 逮 雖 昌 畏 且. 從 史, 既 靖 傷 王 風 非 問 禍 恬 至 即 莽 事 至 之,不顧 者 康 遂 其 雨 無 虜 堪 令人 而 無 則 趨 乎? 初 引 時 中丞 敢 忍 賊 惟 自 不 必 大 虜 政, 而 言 立 死 相 取 堪 日 孫 臣 使 恐 帳 先 進 爲 張 秦 也 先 樞 意 公 從 伸 願 生 貽 之。 無 邦 檜素 受 所 旁 狀 密 造 生 得 公 高 問 公首 昌 城 僞 勸 爲 時 0 焉 累 第 孫 聞 聞 自 生 願 高 號 公日 耳 進 傅 道 俾僣 張 而 具 不 冒 爾 其 靈 皆 始 曰 : 嘆 繹 願 書 出 雖 執 節 僚 贖 既 意 邦 : 于 以 티 : 以 贄 相 死 命 虜 昌 邦 卓 請 位 求 即 居 忌 凡三年 何 凡 相 中 人 於 行 邦 他 迎 無 憾 此 去 是 邦 丞 至 實 公 日 辟 薦 何 反, 今 昌 滋 俛 爲 取 真 先 預 训 况

DЦ

昌 邪 吾 書 后 兀 今 首 爲 ! 不 帥 邦 肯 垂: 稱 日 康 出 昌 簾 臣 王 不 得 計 即 愛 辭 遂 書 以 書 不 以 氣 繳 成 死 受, 書 沮 申 率 自 正 公 尚 恐 同 抵 投 書 爲 敗 院 銀 省 袂 此 誅 簽 臺 叱 爾 與 甫 尚 司 俱 進 議 ൬ 書 : 往 之。 欲 迎 省 隆 吾 以 逆 相 示 祐 稱 類 吏 顧 皇 邦 臣 視 無

官 虜 故 是 忘 爲 非 1 之宗者, 得 宗社 皇 常常 宋 即 天 既 其 發 子 之事 寶 下 其 春 使 惟 北 臣 書 户 孰 秋 心 神 大 通 康 知 若 若 閣 相 靈 一祭仲 問 略 王 比 之, 爲 下 公於 虚 H 者 在 日 掃 此 與 口 受 不 而 行 : 外 清 其 時 欺 義 於 幸 權 無 宫室 贵 己 虚 天 即 之旨 所 相 迫 孫 以 下 合 以 人 公 而 於 義 於 所 變 率 忍 以 閣 實 而 爲 狂 繫 懼 死 群 相 存 下 不 口 盧 臣 須 而 服 或 自 公 荷 趙 犯 使 共 實 臾 爲 事 統 列 辭 以 迎 君 當 而 於 歸 累 有 非 其 趙 而 詭 爲 僞 歸 耳 朝 朝 也 立 氏 聽 號 口

之際 心 從 假 過 此 伏 疑 然 身 以 當 明 之 生 退 面 爲 不 名 身 不 設 此 伸 望 尚 閣 伏 時 事 閣 爲 汙 蜀山 當 俱 闕 君 飾 以 项 不 所 下 間 知 下 置 榮 與 能 事 往 非 忠 下 以 請 不 所 退 矣。 叛 臣 端 以 即 九 據 實 不 容 猶 謂 則 就 歸 逆 廟 俟 死 存 髮 敢 可 惕 閣 昧 偃 死 北 口 在 今 命 以 或 自 轉 寢 下 上 H 有 於 面 朝 乃 天 待 9 閣 禍 外 待 天 禁 包 司 之 謀 義 防 陛 如 請 雖 爲 下 難 藏 闥 期 列 患 不 下 不 此 且 以 若 先 萬 福 欺 既 若 苟 出 效 伏 爲 不 而 無 於 今 以 則 然 生 此 愚 下 古 幸 實 人 事 愚 死 成 罪 明 後 志 職 有 都 隂 言 民 臣 爲 理 朝 時 棄 主 既 從 結 之 分 寇 市 虜 伊 可 過 必 失 定 粗 H 而 於 畏 寇 能 節 必 夕 以 録 讎 有 群 夫 伸 引 以 勞 之 之 讎 異 朝 覺 照 脅 多 成 臣 明 復何 咎 亦 間 戒 廷。 悟 汙 敗 此 願 外 狐 肆 以 IIII

既而户部侍郎王及之言於邦昌,以上

異 之 君 後 皇 府 F 取 宜 收 寧 ? 藏 以 如 其 德 燕 資 竊不 方且 古者 何 遊 宫 田 或 里。 ? 府 可許 用 北 忍 人 藏 首 今吾君 臣 所 君之禮 公復 去國 朝 有 擬 邦昌 欲 而 及 遠 慨 其 毁 臣 追 不 池 狩 然 乎 猶 聽 挽 君 塘 引 ? 若 猶 而 待 魚 義 此 未 之猶 不 藕 此 白 出 口 之 與 則 於 得 疆 利 三年 削 臣 都 之 天 君 迹 可 之 報 下 然 何

寇境 潜 於國 戚 税 大臣 以 主 臣 誅 嗟 善、 遷 言 「遂擢 相 ,故有是命。 時 之 邦 不 今上 可采, 汪 吊 昌 用 能 罪 伯 事 龍 及 死 Ħ. 彦 爲 者恚 "即乞 其 飛,公屢 爲公危之。 殿 不法 請 移 黨 中 從 病 甚 施 王 有 十七七 侍 竄 待 行 時 識 必 拜 削 御 命 , 雍 者 欲 章 事 史、 旬 公 爲 置 非 9 日 還 以 以 不 荆 之 是, 朝 知 報 臺 湖 城 襆 廷 死 貶 其 臣 言 廣 惜 陷 被 地 濮 忠 合 嗣 南 就 其 不 州 執 以 坐 上 且 道 去 撫 能 監 章 濮 誣 有 政 諭 救 功 迫 芒 以 黄 酒 無

憂懼之色,人益嘆服。

幸卒爲 莫不 淮上,受潜善等密旨, 名 凡所建明, ·痛之。 公天資 仇陷於死。 未 重 幾, 軱 厚 加 削 廣 不 公之死不 雖 其 利於公。 陵 勇 藁 不守 於 ·得其 故 爲 天 果如 人 八詳,或 義 下 少 知 公言 知 而 云 與 時 耻 者 不 王 以 淵 知 釣 不 中

事 元。 史 曰 一之缺 奮 . 今日 不 紹 興初 顧 志 身 謹 何 士不 狀 每 時 乃 如 追 溝 忘 此。 壑 贈 在 乃 諫 溝 姑 吾 議大 壑 掇 死 其 勇 夫。 所 大者 也。」 士 公居 不 忘 故 以 補 其 喪 常 臨 其 稱 或

先 荆 君 自 紹 相 興 南 遂 陳 李 詔 以 癸 公, 其 不 先 一四倅 得 此 獄 君 靖 李公許 預 令自 文 康 紹 繳 辰 也 之 興 陽, 申 功 初 以 引 尚 奏 作 忽見邸 謂 達 虚 上 書 此 獄 朝 他 省 文, 又 廷 辭 報。宰 以 無 未 携 皆 激 預 以 出 及 檜 重 呈 焉 相 吏 怒, 而 法 故 檜 派

謹 子, 其謀 哉 歸 知 特 而 檜 削 揚之, 議 忌 皆 官 秦檜 人分 復 出 貶 故 於先 靖 舊 忿憾 功 真 康 物, 深 生 末 陽 至 諱 及 爲 死 而 察 其 中 院 病 未 事 派 辛 吴給敦 幾 於 不 及 巳仲冬十 見《 虜 起 檜 人帳 逸 仁。 矣。 死 + 前 狀 敦 乞立 嗚 仁 蒙 日 恐 爲 男 呼 恩 趙 先 草 鎬 氏 痛 東 君 劄

記

何

續

爲 都 縣 視 司 0 浩 丞 吏 資 守 穰 當 尚 X 先 守以 問 生 封 在 其 一調 抄 者 選 故 官 即 調 委先 拒 , 注 先生 0 未 之 擬 至任 生 嘗 則 日 一,先 擇 速 家 未 : 遠 禍 生辭 東 幾 近 (會納 平 弊之大者 守 利 以多弊, 乃 害 日 冬米,0 授 到 成 部 不 君 都 由 既 諸 成 可 郫 旧

> 受納官 道傍以 人云 滯 名 之, 用 呼吏書 孫俟按部, 計 訹 紛 干人也。」 者 ,於是蜀 然 中 嚴 : 無 矣 察 則 待曉,怪 馬 牒 薦之, 所 某等 「人之利鈍 吏卒,不 豐 束 縣 不 至 人稱 飲食 手 丞也 至。 成 至 受制 都 詠 而 即 玩 無 了,孫 前 容纖芥, 問 境 日 好 自 邀 萬 此 之,俱 É 莫 改 有 阻 歎 主 文 敢 秩。 時 早行 故 者 息 飾 誰 負 , 辭 應 不已。 不 美 但當行直道 先生常以 争 米 何 日 見 能 女 先 至 負 時 自謹 0 先 者 擔 提 凡 抵 詰 生 今 者 舉 略 口 此 其 年 假 常 盡 無 以 留 無 即 主 好 寐 平 逐 墮 蠱

壑 贵 抗 廷 行 可 守日 茶 先生爲奉 重 先 引 困之。」太守怒 生 日 先生拒之曰: 須先 符 丞 伸爲令, 劾 攝 爾 令事 日 事 誠 : 民 , 乃 不 方 方 可 忍 歲 救 朝 行。」 見 歉 死 命 民 不贍 安 民 轉 而 聞 溝 口 朝

■「米」,原作「采」,據成化本改。

知

其

弊

尚

何

辭?」先生至場中

則

諸

邑人

以 官 解 先 直 直 牛 須 高 又 被 劾 伸 倅 掌 去 强之,先 争 市 乃 赴 易 可。」欲 愬 倅 諸 生 以 司 日 尋醫 白 或 縑 倅 徑 令售之, 伸 達 懼 不 臺 而 敢 省 止 先 以 詐 生 事 辭 遂 估

憚 未 謂 道 學 古 生 幾 請 日 \vdash 再 遑 先 : 來。 果以 恤 其 生 子見先 它乎?」 生 尊 既 此 在 繳高 還 書 奉 既 今非 以 生 符 麗 遂 告, 得 詞 第 孫 求《二程 令復至 此 其 頭 伯 歸 傅 時 書, 罷 野 伯 尊公若 不 未 日 野 先 先生 得 敢 在 生 久 遽 「吾志欲 果有 西 語 乃授之, 於 傳 掖 録 朝 志 其 慕 矣。」 且. 求 無 子 先 洛

姓 它 狀 無 日 乞留 所 以 但 失其 舉 受 先 知 其 牒 生 知 出 辛。 付 初 縣 使 至 至 民 到 番 過 清 問 後 使 禺 湘 州 其 以 未 所 縣 善政 問 遺 嘗 諸 在 必 **\$** 有 民 察 司 皆 吏 衆 以 群 民 下 日 歡 屬 聚 利 鄉 然 吏之賢 遮 病 乃 馬首 先 不 餽 去。 知 生 遺 即 其 投

> 應。」 直 合 氣 縣 自 口 某 得,不 幾 局 索 任 薦 以 者。」 先生 夫 臺 遭 官 馬 節 敢 官 虎 吏 還 度 延 其 過 不 口 無 朝 推 之 令不 供 州 首 不 官 坐 乃 I薦之。 縣 畏 應,直 舉之。 姓 且 附 從 黄 謝 令乃 令姓 惟 之, 至 分 \Box 還 此 前 : 外 周 敢 既 至 日 需 拒 舒 而 敢 : 方 州 謂 與 陳 之 是 實 從 殿 述 院 辨 生 必 日 不 有 就 能 所 曲 殺

過 然後 先生晨 出 視 興 事 必 整 衣 冠 端 坐 讀《 中 庸 >

擾, 則 爲 陵 爲 心 隨 而 妻子 先生日 家屬 身 則爲富 行 所 尚 李 : 累 留 貴 東 是 所 擔 吾 平 累 道 志 而 不 在 啚 可 行 使 書 行 道 吾 半 也 以妻子 使 故 吾 其 Ш 以 爲 富 東 在 念, 貴 廣

於 執 建 政 先 康 不 法 生 先 事 自 作 生喜 湖 廣 彈 還, 日 文 將 方 人 吾 具 奏 有 藁 於 事 道 而 數 先 中 日 君 採 不 追 訪 及 得

文。 力,以 當 以 我 欲 自 不 皆小人,不可 探之。」是時 ,若未及言 首言之。」 决 報 職 時 邵 遂 媚 修遂除 事 執 成 泛貶公。 子 虜 政 章 徐 人, 怒 先 矣。」 口 論 而 方 甚 書 君 受其 農 用 似 有 召 事 日 搜 卿 因 遷 未 孫 求 0 如 出 成 除 晚 覿 先 女 覿 藁 無 章 0 先 生 謝 奈何? 以 親 相 中 先 乃 生 爲 草 克 古 官 示 生 方 負 也 罪 降 家 辭 日 且 或 以 表 以 然 乃 乃 乃 一之賊 E 使 爲 繳 言 吾 指 極 . 還 彈 當 趨 進 其 此 彼 也 彈 有 白 文 忌 筆 且

遺事三條

生 及 説 能 門 日 朝 求 棄 廷 官 見,先 寧 下 間 近 則官不必棄也 河 日 生 南 言 盡 辭 府 者 逐學徒, 之。 盡 范 逐 致 伸 學 虚 恐 欲 徒 攻 建 先 非 先 炎 棄 公 後 生 間 仕 官 數 伸 月 進 而 元 所 來 爲 祐 馬 利。 先 伸邪

史論事、公論與之。見《程氏遺書

行 據 方 訟 行 雖 然 無 趙 者 强 初 就 狀 又 太 仍速 勤 遭 自信 宰 改 有 有 虜 服 獄 死 如 是 孤 IE 塗 忠 之威 未 城城 王之師 此 中 心 謳 也 相 靖 易 炭,辜負 義之志,相 原 伏 康 歌 迎 亦 就 中之 旧 虜 服 見 今虜 奉 大 謂 爲 臣 退 使 又皆 使 逆 不 年 以 康 歸 虜 列。 人不 久 必 主 退多 胡 便、蓋· 四 省 示 王 相 假 能 遊 歸 或 犯 公必 即 無 歸 庶 未 道 月 公初 不 説 往 復 事 日 順 間 事 遠 路 京 生 歸 康 辟 八 相 吾君 不 一變者 傳言 刼 之計 相 心 王 日 心 也 取 因 能自 公 應 日 矣。 9 未 循 且. 内 尚 之子 監 下 帝 所 忠 太 乎, 以 亦 未 令南 處 外 開 明, 北 察 伏 伸 臣 以 后 謂 能 以 禁 赦 門 己 行 御 知 忍 望 滿 義 命 相 相 盡 遁 中 知 日 相 史 撫 **\$** 公外 士 相 城 改 公 死 H. 喧 所 勞 生 公 然 不 公 必 施 而 不 就 馬 逼 鬨 必 後 後 V 即 几 谏 靈 雖 挾 反 位 立 伸

悦 旨 赦 宋 即 伊 恩 兀 H 追 祐 先 不 朝 不 惠 唐 用 皇 行 申 次 叛 П 再 後 收 后 時 就 諸 臣 遣 邦 作 施 人 垂 路 馮 也 奉 昌 行 心 簾 無 赦 澥 伸 鈞 召 等 決 以 文 謹 有 旨 侍 庶 事 政 李 復 并 死 具 從 幾 邦 П 權 加 而 官 申 中 爲 收 切 行 昌 已 議 太 外 初 奉 改 行 如 拘 事 宰 釋 必 几 迎 正 以 太 收 9 疑 使 日 相 不 伸言 0 宰 晚 立 俟 副 敢 公 降 九 轉 事 宋 輔 立 日 手 爲 禍 伏 見 太 中 趙 相 書 不 爲 汪 后 外 追 候 公爲 氏 藻 然 福 手 鈞 大 僞 子 所

其 誾 也 詔 祥 言 世 邵 汪 之人也 則 胡文定公《 成 朏 伯彦措 有 章 陟 廣 狀 也 不 布 矣。 公, ; 置 私 時 杜 恩, 乖 則 不 妨 塞 方 政 功 以 慎 則 言 論 害 罷 命 自 以 路 > 能 令, 言 衛 復 E 則 官 膚 : 祠 則 則 以 敏 朏 宫 以 以 馬 貶 爲 教 沮 下 伸 而 吴給 監 宗 官 還 言 用 澤 之 都 黄 孫 闕 張 覿 潜 與 而

> 閣 説 承 有 爲 以 敢 所 罪 許 天意 詔 或 爲 何 共 景 以 請 之 言 由 是 王 命 知 衡 盡 給 一安中 息 事 爲 也 褒 不 亦 獨 見 公公 非 不 ; 勸 聞 《胡 惡 衆 優 也 實 0 之禮 來 道 其 文定公集》。 所 厚 私 0 而 而 期 何 毁 共 也 凡 收 當 重 乞 譽 見, 由 舉 君 軍 時 責 之 加 行 子 情 之, 不 不 口 核 乎 追 憫 事, 信 敢 惡 间 ? 是 實 獎 焉 其 以 必 相 以 罰 而 言 伸 及其 無 立 濟 各 沮 此 不 既 而 爲 置 亂 忠 則 雖賁以 遠 罷之, 子 證 有 讜 親 以 也 貶, 捐 亦 皆 力 兵 以 龍 雖 反 邪 軀 庇 不

侯 師 聖

編《實

録

学草

本

出 無 行 衡 口 狀 之 名 Ш 仲 孫 胡 0 氏 良 有 河 其 東 論 爲 語 説 梗概 \forall 先 及 生 ^ 雅 亦 舅 言 見 氏 胡 **>** 華 文定 隂 編 先 皆 生

遺事三條

往 聞 欲 則 而 베 蔬食,士之常分,若食彼之食, 侯子 身 用夏 子當之, 壁 或問 爲 垂 人 變 有 從之,侯子遂 佛 祖 之,侯子 欲 像 夷,未聞 母 則 館 忌 無 侯子 父 日 積 矣, 日 飯 變於夷 佛 於其 : 僧 行 書 吾何往 0 者,召侯子, 「主祭祀者其父也, 門 其 或問 者 家 者 也 馬 之,]。]人有父在 則非 !」見侯子《雅 又 侯 侯子 常 子 侯子 矣。 造 吾 :

危 略時 固 凡 ,去春自 水之濱,今已 艱難之時 胡文定公《 所未 務之 事 有 荆 切 則 門 ,至於講 於 纖 與 兩 潰 而 今 微 使此 卒 楊 年。 者 皆 甲 大 莫 察, 論 輩 其 馬 諫 經 或 不 安於 人 之中脱 書 ※云: 術, 留 勢 老 身貧 意 安 則 羈 危 苦 身, 通 而 賤 皆 貫 民 守 相 侯 曉 不 情 節 仲 亦 就 窮, 也。 休 於 良

移

商

漳

方

戚

效 慨 矣 職 尹 子 伏 亦 望吾 曰 : 不爲 兄 無補 力 先 薦 生 。」見 於 謂 朝 《胡 文定公集 俾 侯 命 子 以 議 官 論 使 只 得

好

隔

聴。」」

見《外

書

謝 言 之,對 溪 行 伊 天 友,然視予爲 而 文定留 『非從濂 人,據諸 見天之廣 侯子 之廣大」者, 相 公手 其 狀 111 接 見 亦 或 榻 未 明 靖 與 濂 止 帖 日 書 溪 夜 晤 康、 溪 云 爲鄰終 大。 所 來 談 猶 9 也 後生」, 建 邪? 乃 熟 載 亦 云 且 伊 江 炎之 策 觀 越 與 其 濂 焉 但]1] 陵 顯 杖 侯 言 一先 。」愚案 溪 師 知 亦 有 間 道 訪 則 日 子平日之言 自 前 聖 訝 卒於熙寧六年, 侯 尚 雖 其 濂 生之言行」,不 數 後 其 自 師 謂 在 與 年 溪。 條 侯 不 遊 謂 聖 有 輩 子 其 得 荆 凡, 有得 者 爲 濂 不 子 題 而 胡 非 不 與 同 E 如 溪 初 濂 蔡 荆 胡 從 如

似。凡若此類,學者詳之。

王

務

得

其

措之事

業。

蓋

聖人經

世

大

王著作

墓誌略

十憲

學行 當世 之務、 字。 清 世 粹, 充養 居 於朝, 一,世亦 福之福 福 民 清 俗 王 利 純 罕知之。 召見賜進士出身,除 先 清 病,若習於從政者。 固 生, 平居恂 自 程 其 門 (考徙 知府事孫公 高 恂儒者, 平江 諱 蘋 祕書省 祐 及 先 然 語 生 列 不 信 先 徼 資 當 伯 生 禀 名 世 正

王 舜、禹、湯、文、武之道,擴 皆備 之學與儒生異尚,儒 先 生 盛德 一爲 上言 大業,由 日 : 生從事章句文義,帝 此 「人心廣 充是 而 成,故 心焉 大 欲 無 爾 傳 垠 萬萬 帝

> 常 備 Щ 幾 疾終于里第,葬于湖 郎,壽七十有二。 州,主管台州崇道 在 方 史館 册 荷 校 得 勘 其要,舉 遷著作郎。 紹 觀 興 州長興縣和 致仕。 二十三年五 而行之無難 丐外 官至左 平鎮 補 月 也。 茅 戊 通 朝 栗 午 判

實文閣 承,識 後 焞皆舉 來 成 楊文靖公時,程 通 就 以自代,胡公論薦 直 世 ,莫踰吾信伯。」中書舍人朱公震 學士胡公安國、徽猷 務,使司 獻納 門 先進 必有補於聖時 尤力,謂其學有 曾曰: 閣 待制尹 同 公 師

伊洛淵源録第十二

伊洛淵源録卷第十三

胡文定公

行 狀 略

淵 永 壽 縣君 公 宣義 諱 贈 安 郎 令人。 或 致 仕 字 贈 康 侯, 中 大 建 夫。 州 崇安 母吴氏 人。 故 父

其 明 公 與 靳 句。 年 文 裁 獨繳還差帖 論 之,嘗 課 歲 經 少長,人太學,畫 公生 解 爲 史大義,公以 將 迥 於 聞 致 出 小 熙 西洛 詩, 優 流 寧 願退就諸生之列 劣 畫 甲 有「自 而 程先生之學 寅 去 博 夜 是學問 九 留留 士欲 刻 任 月二十二 之,皆 勵 以 令諸 益 文 章 同 中。 强 争 獨 職 舍 道 奇重 先 日 識 長 有 德」之 自 巳 致 各呈 潁 送, 時 昌 日

> 數 欲 爲 意 熙、 降其等。 第 四,親 以 豐之政,公推言《大學》格 平天下 紹 聖 擢 將 四 公爲第 唱名 哲宗命 年 ·之道 登 進 一,詞幾 宰 再讀 士 執以 第 萬 0 策 諦 言, 時 中 聽 物 策 考官 逾 無 致 問 時 詆 知 大 得之,定 元 稱 正 要 祐 善者 心 欲 誠 復

衆,公正 如 守,奚以 名 爲 出 公揆薄遊 「就選 勸 此, 凡 除 亦 所 荆 除太學録,學 何 録 色 屢 訓説,務明忠孝之大端,不 成訟 南 足 日 爲? 居 教 恤 上 授,正 ?」衆不 逾告 游 且二人者 録 生劉 以 期 身 旦 行 不 能奪,竟致之法 律物, 觀 歸 觀 規 果 爲 矩 ,爲之游 、石公揆 佳 人代筆 爲 非 士 職 休 9 説者 以 沐 職 輕 而 事 者 所 俊 文 不 甚 爲 能 有 藝 不

法 不 令具 爲 遷 矣 學 謹案聖門設科 博 當當 校 士: 所 使學 除 以 提 成 者於 舉 就 湖 成周 規 人 材 北 矩 之外, 貢士 路 非 學 治 皆 事。 之 有 以 也 所 公言 德 畏 行 而

爲 由 至 獨 官 湖 一,訪 吏 公論 撙 南 先 節 求 文藝爲下,臣 是 承 風 人 時 過 之,禁其太甚,士子持 材,詢 采嚴 當 蔡京方得 韓魏公最 肅 愈 問 爲民 當以 郡 利 縣 病 志 害 善行新 敬畏不敢 此 禮 , 學 所 仰 行 下賢 校 奉 事 法 法 其 明 既 士 犯 者 自 詔 不善 也。 也 刺 肆 者懲 舉 改 所 必 使 而

遠 之狀,直除公名勒停 退 惡 推 京 公 稱二人者 矣。」 謂 治 以 公不爲 大怒,改 永 僚 會有 人皆 獄 佐 州 未 詔 己用,於是 范 布 日 爲 良 成 占日 : 衣 公膽 純 輔 王 委諸 移 合 胡 繪、鄧 一之客, 北 落。 入官, 提 路 屬 道提舉學官論舉 舉 吏李 再 帥 璋 命 而 凝 曾 鞠 應 湖 鄒 之,訖 然 公孝 良輔 詔 南 浩 不 提 動 所 廣 徑訴 時蔡 不 刑 請 來 · 得 賢 긁 唁公, 託 遺 於 於 請 置 京 逸 也 朝 獄 Ė

籍自娱,家人皆忘其貧,而親心適焉。既而公退居荆門漳水之上,定省之外,以經

公官 良 輔 改 以 他 正 罪 元 發覺,臺臣乃 斷 ,然公仕意 辩 益 明前事 薄 矣 有 復

旨召 謁 矣。 一年,未 ,公以 告而歸 對。 政和 余深 能 親 公至京師 元 入相,薦 年 朝參,丁 年 寢 張 高 商 名士 令人 即 英相 卧 上章乞侍 疾 十人,公 憂,服除 不 ,除公成 出 百 養 與 餘 政 得 都 其 日 和 請 府 逡 路 9 有 年 廵 學 滿

譚 耕 奮 時 致 殿 何 不 處 仕 世 拂 ,將終身焉 迹 其 ,未受命, 建功立業 所 中 一勣合章薦 寒 ,除尚書 施 間 宣 鄉 和 大之嚴 委曲 元 遂 爲 年,除 而 屯田 稱 親 將 而母令人又 中大 公經學可 訓。 宣 疾 而 順 員外郎,公來謝 提 和 掛 仕, 既 捐館 終 舉 末, 冠 今雖 不 喪,謂子弟 江 用,齒髮未衰,特 侍 舍。 買 失 每 東 臣 有 田 令人之本 以進 路 中 李彌大、吴敏 萬鍾之禄 學 大嘗欲公及 旁,築室 取爲 事 且 Ħ 辭 : 復 心 戒 召 勤 吾 又

陳。 爲 深 名 文 則 欲 所 權 枕 E 義 儒 問 發 於 載 要 : 彻 辭 淵 古訓 獨 帝 明 今 0 , 靖 不 無益 聖急 智 於 臣 陛 允 正 王 心 康 官屬 治國平天下之本 位 下 聞 制 者 不可不 元 則 於 乃 召 宸 昔 年 事 明 世 之司 天下之幸。」 至 心 在 極 御 物 君 坐 術 京 除 考。 東宫, 俗 之宗 以 者 勸 後 師 日 太 之大略 務 講 殿 月 常 若 非 學 者 潜 以 方 向 正 夫 ル 帝 爲 德 俟 以 久 心 卿 者 分章析 王 必 急 韜 疾 必 者 之 有 而 公 再 虚 晦 在 揆 聖 有 學 所 即 績 除 懷 告 句 學 所 事 也 隱 其 效 訪 起 • 以 避 於 宰 而 見 未 問 居 牽 物 正 願 H 未 而 見 郎 擇 制 以 及 經 心 午 不

綱 沮 易 可 之計 毁 立 尚 紊 摇 臣 陛 動 謀 又 風 下 聞 議 俗 而 南 爲 既 初 益 面 天 計 定 衰 而 下 不 朝 君 ·國家 施 移, 臣 天 置 故 下 古 者 乖 守 越 有 方 必 半 志 雖 有 舉 年 必 浮 矣 成 動 言 定 煩 治 異 而 不 擾 説 紀 功 口

> 議 望韶 經 或 姦 底 大 士 於 藴 女好 民 論 雄 臣 口 朝堂 不 作 争 大 不 冀 畫 頒 臣 忌 · 信。 競 中 用 諸 詢 , 興 夷 具 衆 加 中 若 以 、之效 狄 失 朋 進。 謀 外 脩 示 當 肆 黨 愈 , 掃 政 行 之 以 而 同 先 事 除 患 宣示 次 名 舊 大 攘夷 然後斷 萌 器 施 勢 迹 9 愈 臺 行。 百 狄之 乘 輕 諫 傾 執 自 勢 庶 窺 出 仍 方 不 宸 更 幾 令 觀 衷 集 張 ,令各盡 口 新 數 而 百官 復 按 政 竊 更 浸 有 恐 而 潤

言於 來 未 日 朋 附 不 問問 黨。 識 事 之 其 陛 淵 舊 除 下 中 聖 中書舍人。 見公論學術之 下 面 士 派 凡大小之臣 日 許 然 夫 此 : 聞 無 翰 口 識 其 謂 不 安 安國 名 不 時 國 其 久 臣 奏, 門 往 與 否,翰 矣。 矣。」 籠 下 者 己 愠 絡 侍 不 不 懟 自 淵 對 郎 事 超 同 形 蔡 聖 曰 耿 然遠 者 於 京 不 南 皇,今 詞 納 得 即 仲 迹 色, 政 指 臣 倚 以 雖 又 爲

爲 南 仲 蔡 氏 知 不 恭 淵 所 聖 污 宜 意 惟 從 不 黜 安 可 削 或 口 淵 人 13 聖 耳 諷 終 臺 淵 不 諫 許 聖 捺 角 嗟 異 論 焉

猶 駭 爲 嘗 若 心 將 部 公 大 危 白 蜀 有 應 内 但 不 不 州 抗 H 謂 密 得 掉 委 之 援 奏 今 推 衡 中 説 或 而 之虞 諸 地 書 州 日 挽 跋 日 有 其 以 如 路 侍 郡 : 之 扈 謂 分爲 於 意 京 此 警 帥 太 郎 力, 蓋 几 則 Ш 師 急 號 輕 内 臣 何 總 康 林 自 既 四 舉 不 召 京 專 桌 管 侯 道 理 乏 欲 有 口 而 之勢 無 不 城 治 建 之 士 當 宜 人 擁 守 兩 駁 則 至 議 物 戒 軍 地 不 南 衛 通 得 權 異 之 則 嚴 旅 道 適 分 口 變 京 又 矣 各 復 表 之 出 置 用 師 平 即 削 何 每 太 然 及 任 幸 之 四 則 桌 各 乃 歲 以 其 今 重 此 Ш 勢 道 安 方 率 遠 信 待 專 又以 日 奏 南 都 得 外 然 以 案 之 假 V 所 偏 澽 E 總 異 淵 乎 於 屬 州 察 無 **\$** 可 以 重 管 然 議 聖 公 大 以 守 其 萬 尾 數 則

> 酁 m 翔 己 漢 1 于 後 京 復 師 北 被 顧 韋 大 西 略 道 如 公 王 襄 所 策 領 云 所 部 兵

紛 陛 聽,非 知 相 推 而 臣 己 殄 殄 好 乃 分 雖 隆 益 議 惡, 未 黨 唐 下 澥 守 當 通 而 爲 州 恪 定 即 分 與 王 獨 遂 緇 獻 吏 論 所 廣 不 門 氏 建 位 其 部 游 納 則 開 以 未 何 得 之學 言 行 户 跋 説 侍 澥 數 議 公正 靖 奧 至 侵 至 祖 扈 郎 之 迭 朝著 降 論 珏 從 之謀 於 襄 宗 紊 馮 宜 故 一之路 再 相 詔 坐 9 彈 陽 而 未 察 此 澥 挾 排毁 也 也 貶 日 擠 擊 者 必 而 蔡 姦 言 紹 0 베 之, 官 全 而 滌 京 追 於 述 图 劉 虜 公言 陛 何 邪 是 置 澥 越 復 騎 遂 是 行 珏 之 下 忍 早 或 無 祖 於 職 行 己 除 議 聖 必 耿 熙 更 勢 加 故 宗寧, 妄 宗 薄 李 右 遵 度 歸 南 寧 於 懲 或 復 都 言 善 文 仲 寬 侍 綱 用 未 風 論 傾 戒 稱 城 政 殿 大 必 之, 明 憲 從 責 脅 至 危 黨 矣 之臣 脩 怒 良 詞 全 今紛 瀆 各 制 與 乎 使 夫 無 法 非 欲 異 宸 未 私 有

也 之?」公日 有 0 論 必 虜 公 列 論 韋 在 益 至 省 或 急 大大 謂 一於大 月 淵 公 事 聖 事 日 告 皆 命 假 又 不 召 之 起 公 敢 於 事 日 及許 論 細 之 居 微 其 小 是 景 ,今以 半 者 無 衡 盍 時 每 旨 姑 小 口 出 竟 事 置 必

發 升 以 下 未 命之意。 陛 黒 干 愚 行 委任之恩,若 下 見 諷 犯 凡 於 撥 而 尚 典 給 闘 亂 心 痛 登 而 事 刑 多 出 反 意 憤 黄 極 未 中 徒 正 納 益 夷 潜 合。 康 召 狄 戾。 善 將 玷 動 執 公 侵 建 方 清 係 行 爣 權 公 陵 爲 得 中 安危 時 其 或 彈 因 ·心 給 興 政,專權 擊 職 隱 無 事 於免奏 遂 在 政 守 情 補 中 聞 事 王 絾 0 罷 或 必 之道 室 人 妄 黑出 除 有言 事 公 以 作 材 ____ 命 蓋 憩 雖 即 塗 斥 潜 愚 負 辭 弛 日 有 揆 妄 善 陛 張 逐 趨 避

以 給 事 建 炎 中 召 年 命 樞 州 密 郡 使 以 張 禮 浚 敦 薦 遣 公 可 子 大用 寅 時 脩 再

> 疾 欲 康 喻朕 起 人 而 東 居 旨 返 朝 南 注 0 都 催 **>** 除 行 會 促 E 提 _, 上 次 前 賜 舉臨 池 來 之 既 州 手 在 安府洞 以 札 聞 是, 副 E 幸 延 而 : 霄宫 吴、越,遂 竚之意 眷待 卿 如 父 。」公以 此, 未 具 到 慨 建 然 引 口

經 難 啚 采 大 音,公奏曰: 復 允 贵 典, 除給事 而 使 遂行 則 紹 已乎 亂 南 於 義 興 臣 理 面 精 以 元 中 之術 賊 戎 理 年 0 子 禦侮 時 陛 奥, \sim 懼 上 除 盡 政 下 春秋》乃仲尼 以《 尤 中 在 而 論 之 必 是 書舍人兼侍 不 難 際, 左氏 欲 矣。」 作 窺 削 + 虚 莫 測 平 傳》 費 若儲 潜 篇 光 親 付 今方 暴 隂 筆 先 講 公 心 9 實實 獻 點 恢 思 仲 耽 再 于 尼 復 濟 句 味 經 寶 文 艱 世 IE

浙 未 未 諸 允 卒業,乞在 軍 除 事 兼 會 ,公上 侍講 除 故 外 相 奏 編 專 朱 日 集 以 勝 ^ 庶 春 非 幾 秋 同 勝 成 都 **>** 非 進 書 當黄 督 講 江 口 潜善、汪 備 公 淮 Z 以 荆 學

至 渡 伯 好 一於此 金 江. 彦 或 秉 鈞 9 南 許 天 之時 狩 下 其 之 子 憤 初 9 同 鬱, 孫皆得 9 又 在 皆 下 政 詔 不 録 府 令, 能 用 9 緘 平。 尊 淪 默 用 滅 傅 及 張 三綱 會 正 邦 位 昌 循 結 冢 乃 致

容,不 司,苗 顧 劉 君 肆 父。 逆 沿 勝 非 江 都 不 督 能 用 死 生以 人 得 之, 失 係 偷 國 合 安 荷

危 赴 恐勝 行 在 非 命 門下 不足倚 檢 仗 正 \cdots \cdots \in \text{in} 黄 龜 勝 年 非 書 改除 行 侍 公上 讀 奏 召

職 日 當 去 由 甚 臣 明。 愚 陋 且. 致 公羊氏 朝 廷 侵紊 以 祭仲 官 廢 制 君 既 爲 失 其 行

權 先 儒 力 排 其 説 蓋 權 宜 廢 置 非 所 施 於

秋 君 》進 父、《 一讀 春 秋 而 與 \Rightarrow 大 が勝 法, 非 爲 尤 列 謹 於 有 此 違 經 訓 臣 方以 縱 臣 ^ 春 無

耻,公論謂何?」

其 鎖 右 意 闡 相 秦檜 是時 ,謂之曰 當 先去之。」 未 左 得 相 其 吕 目 方 頤 頤 浩 爲 浩 朋 调 都 大喜 黨 姑 督 蘇 江 口 矣 力 太 引 還 然 守 勝 黨 席 朝 非 魁 益 欲 在 知 傾

> 職 難 助 爲謀則善矣,百官象之,又如 蹇 提舉建昌 ,不肯致身 不至,今 而 據公奏 始 軍 造 擬 盡 仙 朝 瘁, 進 都 責 觀 又 乃 命 數 ,實八月二十一 欲 日 有 求 . 請 微 或 罪 贵 安國 計 不 而 何? 去。 以 屢召 日 時 也 遂 其 方 落 自 艱 偃

今無故 躋 頤 勝 報 新之意,臺省爲之一空, 上 疏言 即 浩 非 表臣 即 不 是 解 罪 可 夕 排 等 相 去,恐非 朏 用, 彗 「安國: <u>-</u> 十 EIJ 給 出 去 安 事 東 位 餘 或 扶 中 南 所 人,云 不 疾 程 以示 ,檜三上章乞留 侍 當 造朝 瑀 御 勝非 責 以 史江 天 起 應 下 亦 遂 居 右 天變, 躋 欲 也。」奏皆寢。 舍 相 司 上 行 諫 一疏,極 其 除 張 公, 所學 舊 燾 表 布 及 臣 不

醫 屋 而 留 數 休 間 于 再 公登舟稍 衡嶽之下, 旬 ,名之曰「書堂」, , 至 豐 泝 城 流 爲終焉 寓 居 日 0 類然當世之念矣 計。 而 又 後 半 買 行 年 地 次 誅 乃 衢 茅 渡 梁 9 江

三七

初

王

荆公盡

屏先

儒

以

爲

淺

陋

獨

用

之偏 夏,殆 勤 精 酣 之,不 經 義 所 講 藉 矣。 指 漫 道 切 遺 義 者 著 説 意 以 德 惟 證 深 \equiv 俗 公自 爲 述 能 性 至 此 列 著 據 學 由 十 蓋 此 是 餘 無 ^ 命 曉 之以 必 此 于 士 或 春 傳 年。 條 準 壯 之 出 年 慮 乎 存 加 不 學 秋 則 則 心之要典 學 於 年 百 經 。」於是 若合符 歷 辨 得 官 之以 \sim 詆 及得 家, 先 即 新 代 正 相 以 而 傳 聖 於 有 有 説 之史, 片言之善 傳 《語 下 爲 仲 伊 一之手 ^ 或 **>** 服 **>** 潜 節 習 春 舊 逮 也。」 Ĭ۱۱ 尼 去 膺 離 × 心 斷 崇 秋 本 而 先 經 或 益 之志 窮 亂 **^** 刻意 析 爛 乃 寧 > 蓋 孟 世 書 取 研 以 生 倫 見 聖 字 使 朝 於克己修 始 之心 采 自 所 者 玩 ,衰古 防 滅 畫 報 嘗 權 無 就 信 作 拾 味 禁 理 撫 行 偏 主 日 衡 傳 靡 歎 益 事 旁 毫 幾 直 慨 探 游 之 今諸 用 不 . 遺 之實 甚, 德 然 索 其 以 夷 得 於 或 廢 好 謂 泳 之 惡 歎 愈 間 害 Ŧi. 沉 儒 變 聞 六 熄 遂 故 棄 之

> 心 方 之術,未嘗不 尊 君 父, 討 亂 屢 賊 書 而 攘 致 夷 詳 狄 焉 存 天 理 9 正

潤 譴 宫 意 州 謹 春 之意 觀 繕 修 秋 義 不 之任 紹 寫 仍 傳 有 拜 不 興 》(俟 非 給 奏 用 欲 差 Ŧi. 諸 御 之文,少 吏 本 請 提 年 儒 史筆 書 以 也 舉 成 所 上 養 , 及 月 江 屢 進 札, 及 報 老 州 對 也 此 無 優 除 委 太 近 功之禄 除, 賢 疾 以 徽 平 臣 副 速 觀 猷 稱 乃 非 投 朕 閣 善 上 大 0 崇 **\$** 進 待 表 避 謂 即 纂 儒 制 謝 職 公 深 再 脩 重 嘗 得 道 及 加 所 知 删 謂 獲 著 永

僻 觀 寢 閣 侍 臣 直 御 以 行義不 學 贈 史石 禮 乃除 久之,上念 左 津 朝 公揆、 遣 公 脩 0 議 以 提 0 公以 大 紹 舉 公 復 司 夫 興 萬 訓 除 諫 疾 壽 經 知 陳 年 未 觀 納 永 公 四 行 兼 諫 州 輔 月 侍 之忠 御 遂 提 讀 史 論 舉 中 委 特 日 江 公 丞 學 没 所 除 州 周 術 于 在 寶 太 秘 正 文 平 頗 守

奕。 時,已 也 在 以 責 過 其 長沙 登覽 之日 爲 量 成 慨然歎 急 即 一,是 有 止 日 學官 負 後終 E 出 知 傑 按行 戒 遽 日 塵 惡 晚 得 出 京 : 身 行 寢 之趣 居 必 絶 師, 屬 不 矣, 其 第, Ш 去, 異 部, 復 吾親待 議 下 同 俄 登科 德業 去必 醉 ,亦終身 Ħ. 過 僚多勸之買妾, 而 年 衡 思 養千 後 竟那 嘗 見 絶 竟亦不出 嶽 日 同 好 善 其 愛其 不 奕 年 里之外, ?」是後 必 非 根 復 宴 棋 爲 職 買 雄 集, 自 事 先 世 妾 ***** 所 曾 事 不 飲 幼 必 也 欲 復 既 在 酒 少 要

奉 俟, 北 有 論 從 阢 巵 引 而 隉 酒 臣 · 覺 交代 觴 贵 官 爲 家 日 徐 荆 居 吾 龜 酌 南 者, 徒 云 Ш 公蹙 ,僚舊餞 置《 爲 楊 暮 治饌 公時 宴 也。 語 然 樂之日 延 \approx 日 行于 具 壬子 ^ 孟 朝 飾 渚宫 ? 膳留 > 赴 案 姬 闕, 敢 帝 間 妾, 公,鮭 呼樂 蒙 過 。」其 請 請令出 塵 菜 坐 戲 饒 或 講 蕭 以

> 赧 赧 而 11

不

老未嘗 以 集, 深 業,有矜意 寡於 否 光 色。 是爲 以爲 日. 可惜 可 雖 ^ 得 言 辭 問問 語 夜 常常 將爲 同釋手。 高 受 而 動 其 \approx 已 食, 取 、所集何 ^ 深, 雖 孟 捨 見 則 寒不 小人之歸矣。」子弟或 在 怠 每 日 \approx 猶 宴 晨 慢 五. 客 未 可 介 間 昏 不 經 所 寢, 得 之 虔, 士當 諸 獨 子弟定 微 而 論 必 處 衣 必 史, 何 俟 志 必 也 未 頻 事 其 於聖 周 度 省,必問 嘗 蹙 歸 於 而 有 恬 有 日 復始, 義 益 静 驗 近 怠 無 簡 其 出 容 勿 何 雖 益 臨 燕 流 所 慢 飢

降 姑 日 之,大抵 理之漸, 息。」故不以 孫言 士子有 君子之愛人 以敬 以 一、苟爲 立 自 志 爲持 辭 遠 唯 爲 色假 諾 來 先,忠信 養之要。 也 學者, 以 借 以德,小人之愛人 祈 子 人之悦也 弟及學者, 爲 公 每誦 本,以 隨 其 曾子 資 致 知 性 亦 之言, 也 未 爲 而 窮 接

0

故 繆 氏 中 故 違 知 來 窮 窮 泰 物 也 物 111 自 萬萬 不 其 雖 書 理 致 良 理 物 111 曾 達於天下 一,反以 妙 能 又 修 説 有 充 察 爲 也 來 而 壯 幾 堪 象畢 身至 四 謂 7 流 察 年 要, 書 愛 點 非 兩 端端 心之説 以 遁 几 曰 親 不 理 檢 知 見 知 於天下 端 莫 五. 觀 惇 以 相 敬 爲 之 至 典 充 釋 古 則 長 五. 妨 貫之之要, 障 聖 可 始 (四端) 釋氏 理 良 有 氏 之本 不 然 窮 典, 門 致詰,接 也 得 或 何 知 非 而 書 知 疑 理 之學 ; 則 家 必 則 良 於 外 其 每 所 不 盡 以爲 舍彼 後 性 鑠 能 也 用 未 無 事 行 迷 性 遂 是 成 則 以 而 物 處 了 充 所 本 五. 前 儒 屏 欲 而 而 乃 貫 至 而 以 應 不 者 擴 處 心 典 塵 絶 者 取 倫 不 内 聖 復 於 而 致 事 之, 爲 天 此 爲 舉 則 亦 盡 盡 外 究竟 知 不 顛 如 其不 叙 知 擴 矣 未 足 妄 合 當當 爲 事 夫 與 倒 不 之 日 免 而 而 想 也 也 業 宗 至 充 良 方 差 先 物 釋 登 口

> 妨 批 根 何 拔 哉 本 而 殄 滅 之,正 相 反 也 9 而 以 爲 不 相

冬嚴 木 期公,謝 也 心 能 寒 士 己 可 主 公不及二程之門, 世 良 雖 。」定夫者, 大 0 决 温 厄 挽 間 佐也 也。 致、 如 雪百草萎 其 公於 留 定 必 惟 此 欲 夫、顯道諸丈 去 自 講 公嘗語 ,與 安國 出 出 朱 乃 就 學 棋 處 也 天將 震 楊 游 論 語 酌 死 出 時 被 朱 察 政 非 默之幾, 由 處,自 不 降 中 而 召 院 而 震 由 道 可 則 大 松 立 日 三君 酢 勸 據 以 人人行, 决 當 任 皆 崇 栢 : 也; 勉 義 出 之 如 焉 切 寧 挺 子 人 處 於 耳 然 程 以 切 皆 以 胡 皆 問 顯 飲 人 詢 其 先 來 獨 心 不 康 以 道 食 公, 欲 秀 生之高弟 究 之 以 斯 侯 皆 亦 者 去 也 所 公曰 文 正 此 内 非 其 至 也。 之 安 謝 謀 使 如 斷 於 飢 學 於 行 爲 所 飽

本 朝 卿 公 尚 相 論古 則 以 韓 則 忠 以 獻 諸 公爲 葛 武 冠 侯 慕 爲 用 首 鄉 於

給 祭 歲 臨 方 治 矣 温 言 之也 響 也 釀 秫米, 潔器 必 於 儀 而 加 則敬, 酒 稱 嚴 奉先之禮 以 貌 沐 疾 正 雍 雖 斛 浴 已祭必 病 中 穆 在 性 盛 用 以 有 離 而 未 服 於 本 備家 薫 亂,遷次居 節 謹 剛 和 哀,濟濟 然可 嘗 率子 齊量 飭 樂 急 廟 或 於 中 薦 親 闕 孫 及 9 禮 有 饗 諸 無 近 促 其 處, 毅 之意 之 不 無 婦 促 老 親 然 用 衣 異 也 各執 之。 食或 如 平 不 造 祖 年 口 氣 其 麴 於其 有 考之 寖 宇 犯 不 之 高 粹 每

求 嘗 於 世 期 有 不 戒 親 ? 至 日 命 可 故 貧 致,子孫 子 由 汝 間 少至老, 弟 曹 轉 以 非 無 徙 日 志之。」 口 唯 戏或請 少差忒 流 體 口 寓 食 之 所 凡 遂 對 故 稍近城郭 不 不 人言 兼 財 道,故亦手 至空乏,然 移 利 味,深居 不 假 貧 貲 之 公日 貸 者 劑約 疾 足 軀 貧 其 哉 病 之 所 意 必 不書。 將 膳 字, 死 明 何 牛 羞

> 笑動 漳濱 富貴 周 焉。 寢 日 士大夫之所爲, 베 流 愈篤 思所以告吾君者,然宦情 止之間 ,公館留之逾年。 二程門人侯仲良 如浮雲者,當今天下惟 天下,泛求 自 登 登 六載, 每被 第 不不 逮 召 雖 休 覺 人 而 即即 數 致 物 歎 熟 以 置家事 服 觀 久居三 仲良 鮮 罪 兩先生之德行 四 語 有 去 + 公一 人 可 潜察公心意 不 年 川,多識賢 而 如 其意者。 日 問 寄 愛君之心 人 : 其 或或 ,所好 耳。 在 視 通 實 於言 不 後 又 公 夕 歷 義 卿

潭 講 差 迪 人 益 功 縣 郎 龍 初娶 公爲 寅, 向 穴 李氏 將 左 沈 文定。 Ш 仕 奉 禮 幾室 郎; 孫 議 官 大 郎、 議 原、 宏, 試 王氏,皆贈 以 尚 大 道 正 書 承 德 禮 務 博 葬 令人。 部 郎 聞 于 侍 純 潭 郎 女 適 州 子 兼 湘

伊洛淵源録卷第十三

洛 淵 源 録

伊 洛淵源録卷第十四

程 氏 人 無 記 述 文 一字者

王

端

明

語。 惟《 諫 本傳記其行事甚詳,然不及其學問源流也。 生語數條, 官、登政 《遺書》前篇有其答問,而其 及伊川造朝,亦有兩疏,推挽甚力,蓋 名巖叟,字彦霖,大名人。 元祐中爲 府,正直不撓,當世 又《祭明道文》有聞道於先生之 集中亦有記先 稱之。 墓

劉 承 議

尊先生者。

然恐其未必在弟子之列也。

名立之,字宗禮,河間人。 叙述 明 道 先

> 歲 郭 生事 雍 即 者。 稱其登門最早,精於吏事 養於先生家, 其父與二先生有舊,宗禮 娶先生叔 父朝 云 奉 早 一之女。 孤 數數

林 大 節

篤實之士也。 林大節雖差魯 不詳其鄉 里名字行 1,然 所問便能 實, 但《遺 躬行。」然則亦

云

臺

張 閎 中

不詳其名字,有答書見《文集》。

知

馮 聖 先

公再題其後。 名 理,汝 州人。 其子 忠恕,從尹公學、浴陵 陳 恬 叔易爲作誌 文, 尹

有一 坐,室中有光。』先生曰: 記善録》者也、誌、跋皆見録中。 號東臯居士,曰: 載尹公之言: 奇特事。』先生問之,理曰 理請問之,先生曰: 「先生門人馮 二十年 『每食必飽。』」 聞 頤亦有一奇特 理,字聖先, 先 : 生教誨, 《外書 夜間 燕 又

鮑 商 霖

《伊川語》一卷,今見《文集》、《遺書》。名若雨,永嘉人。有《答問》數條,及録

周 伯 忱

111 《書》、《集》。 受學,有《語 帖 數紙,其 名孚先,毗 伯忱嘗爲臨安教官,其家有 飛那 録》及《答問》各數章, 陵 人。 和 叔問 與其弟恭 先生謂 先伯 今 温 周 見 伊 同

> 可 何 與 則多言,多言則害道 以 ?」先生答云: 楊 入道。 時 似 同, 頤每 恕 勸楊 恐二周 「周孚先兄弟 時勿好著書,好著書 學者要當察此。」 未 可 望楊 氣質 時,如 純 明,

唐彦思

名棣,宜興人。有《語録》一卷,見《遺

書》

謝用休

名天申。

潘子文

名旻。

四三

四四四

陳貴

李嘉仲

名處遯,洛人。亦見《唐録》。後爲中

書舍人,溺死維揚。

孟敦夫

敦 夫 來從 名 厚,洛人。 伊 Ĭij, 又爲 祁寬記 王氏學, 尹 和 舉業 靖 語 云: 特 孟

云 獨 處 孟 室,糞穢 日 厚 語之曰: 初 時 不治。 説得 也 嘗獻 「子何不見 似 書 其 於 後 伊 須 尹]1] 没 焞、 事 伊 張 生 III

> 快 彦 敦夫 至 心 亦何益? 日 ,獨敦夫與尹 人意否?」然伊川之葬,門 也 明 ? 」。」伊川 見和 所願見, 「只不消見思叔之心,便是不消見焞之 朋 友間 學不在此,假使洒掃得潔淨 嘗謂學者曰: 日: 最 如 、張、范棫、邵 好 思 講 叔莫不消見否?」和靖 「先生令厚 學。」 然 「孟厚不治 溥送焉 三公皆 來見二公,若 畏黨禍 口 文,莫更 监 也

范 文 甫

暢中伯

二人不詳其名,見楊遵

道

❶ 「敍」,成化本作「叔」,疑是。

② 「舉」,原作「學」,據成化本、《河南程氏外書》卷一二

改。

李 先 之

焉。 從程先生學問 《吕氏 名朴, 雜 贛 上人。 誌 》云: ,而學蘇公文詞以文之,世多 爲 西 李先之、周 京學官, 恭 因 受 叔 學 皆

暢潜道

其 ,乃方學禪,是於此蓋未有得 所記也。 名大隱, 《遺 洛 書》云: 《遺 暢 第二 也。 大 隱 十五 許 多 卷 時 即

郭立之

譜 名忠孝,宣 祁寬記 尹 徽 和 使逵之子。 靖 語云: 事 忠孝每 伊 見 ĴΙΙ 伊 年

> 序》曰: 伊川, 所記事甚詳,未知孰是。 變,與《易傳》殊不同。 道也。」」今觀忠孝所著《易》書,專論互體卦 切問 111 : 問《 近思。』、《外書》云: 伊 『子從事 論 川曰: 『易即道也,●又從何道?』或 語》,伊 於此 『人隨時變易爲]]] 多 皆 少 然其子雍辯《年 時 不 ,所問 答。 郭忠孝議《 何? 皆大 日 語 易 爲 以 且 譜 從 問 傳 須

周 恭 叔

0 即, 改。 原作 師 據 成 化 本、 河 南 程 氏 外 書 》卷

四

六

要有 後 是 偶 也 \prod 知 所 其],豈得 亦 來 擺 賤 屬 進 歸 富 倡 脱 又曰 鋭 云 意 和 緣 貴 得 者 靖 不 可 累太 既 開 相 頤 「人須是於 乎?』」上蔡謝公亦言: 偶 害 其 而 未 及 只爲立不 義 重 退 周 知 密 之, 理。』又曰 一、若把 速。」 恭 又 告 叔 伊 何 時 人 每 川云: 才高 得 妨,此 住 日 切 歎 定 亦 便 : 世 惜 。。儘 做 識 做 味淡 之。 父 明 不 長 T 勿 害義 得 此 母 進 初 薄 **\$** 嘗 禽 此 胡胡 在 年 遺 方 尹 獣 理。」 酒 恭 事 甚 體 好 彦 叔 不 席 若 以 伊 明 有

邢尚書

邵 涪 ,其爲 亦 伯 州 日 温 月 恕, 辨 而 字 明 誣 至 知 辨 和 焉 等書 其 有才, 叔 者 由 也 云, 來 其 後 行 乃 邢 又 更 事 族 和 云 一曉 詳 子 叔 謝 練 與 具 後 良 世 來 故 佐 事 或 亦 曾 人 史》 耳。 其 染 問 於 禪 及

> 之心 之全 T 哉 七自言 言 想 話 安 敢 先 不 有 不 無 都 救 書 用 疑 到 官 生 其 伯 可 口口 無 無 尤 到 更 \Box 説 見 淳 餘 便 便 却 族 知 知 頤 傾 臧 : 在 責 不 至 説 時 子 便 識 識 ,云『屢 先 氏 其 謂 之, 日 於 曾 此 勾 不 _ 則 生 族 程 間。」 話 用 此 後 當 得 邢 公孫 不 大 子 也 點 也。」《 來 功。」又多 不 甚 於權 日 可 問 至 檢」。 未 故 又 説 極 事 : 先 , 愚 問: 知 人謂 只 狼 ? 宰處言之」,不 上蔡 生 不 傾 須。」 是 伯淳 無 邢 邢 日 足 與不 蓋 逐 義 恕 口 七 語 : 責 邢 做 先生 理 日 説 録 雖 傾,只合 七久從先生, 孟 面 不 : 故 然, 爲 **>** 子 省 日 能 伯 云 惡 既 邢 説 勝 知 可 知天, 説 哀 救 身 然 利 七 般 謂 與 也 邢 欲

伊洛淵源録卷第十四終

❶ 「做」,成化本作「放」。

伊洛淵源録後序

於其 源》 追洙 有 子 政事,無不備載,而聖賢 之學得於周子而 孟 功於世 出 子之後,至二程夫子,始克紹其緒。 中, 泗 ,又能集厥 昔 書, 諸子,非 孔子續述群聖之道,至孟子而 如 教大矣。 凡周、程、張、邵 五緯之麗天,百川之有源委,其 大成而 漢 益闡之,當時師 儒之所敢望。及考亭朱 折衷之。 相傳之道, 炳然見 及其門人之言 蓋《伊洛 友之盛,可 愈明。 淵 行 子

庠。 後學益廣矣。 .甫、幕長獲獨步丁成之克相 及涖 大參蘇 浙 公伯修頃 省,又 公之自叙有曰: 命刊 在鄂省, 鋟 于吴學。 其成,所 梓 會 「能 郡 武 本於 昌 守 以 蕭 郡

> 之説 者 者道 能 其於道也遠矣。 亦 此 明 此 於聖 之行,堯、舜、禹、湯、文、武之所以 修己之學,而 道 道 也 至哉言乎! 也。 ,孔子與後世諸君子之所 一賢治 外此 人之方, 不溺 而 夫修己者道之立 詞 則 於 章記誦、權謀 不 詞 訹 章記 於 權 誦 以 之習 謀 治 功 爲 功 君 師 利 ;

不揆 月 風 可 而 朔 俗之意又切矣。 爲,不爲虚文,其於國家培植 不知公之用心者哉 水嘉 而 公之是書,必欲 僣 李 附 世安敬序。 於序末云。 學者讀 求聖賢修己治 至正九年己丑春三 世安 是書 忝 教 而進之, 基本,敦 于 人之 兹, 其

道

命

録

〔南宋〕李心傳 撰

迄靖康解禁大略 一九	伊川先生乞歸田里奏狀注先生去官大略 九
元祐黨籍碑注黨人敘復及先生卒葬事迹	諸差誤 三
寧盡逐學徒大略 一七	先生退歸本末并辨劉元城語録所載折柳事
言者論伊川先生聚徒傳授乞禁絶注崇	事迹及蘇翰林與先生異論胡宗愈孔文仲攻
學禁大略 一七	孔文仲劾伊川先生疏注伊川先生經筵輔導
元祐學術政事不許教授指揮注蔡京主	先生本末 二
先生掛冠後事迹及崇寧黨人行遣大略 一五	先生辭受及王彦霖朱公掞劉莘老論所以處
范致明論伊川先生入山著書乞覺察注	伊川先生授西京國子監教授制詞注伊川
出處大略 一五	處及蔡確執政未即召用大略 一
方提舉請還先年所奪伊川先生田土注	司馬温公薦伊川先生劄子注二程先生出
生西監供職大略 一四	道命録卷第一
伊川先生謝復官表注元符黨人敘復及先	序 (程榮秀) 四
道命録卷第二 一四	序 (朱申) 三
及邢恕相傾與尹彦明不應舉大略 一二	道命録序(李心傳) ························
伊川先生涪州編管指揮注紹聖黨人行遣	校點説明
二蘇公得罪本末 一〇	
先生力辭西監職名董敦逸論先生及紹聖	目録
范太史乞復召伊川先生還經筵劄子注	
第二状 九	

祀注秦吕二相相傾趙張二相相引相失及	胡文定公乞封爵邵張二程先生列于從	略 三〇	吕安老論君子小人之中庸注安老論事大	斥	周秘劾董令升沮格詔令注黄次山告訐被	禁大略 ·······一七	趙張二相同心異意范元長薦公輔及復學	陳公輔論伊川之學惑亂天下乞屏絶注	本末 二五	道於濂溪及熙豐迄崇寧二先生門人高第	朱内翰論孔孟之學傳於二程注先生聞	及褒録黨人大略 二五	録用伊川先生子孫勑黃注先生諸孫避亂	祐諸賢大略	紹興襃贈伊川先生制詞注渡江後褒贈元	道命録卷第三 二四	弛禁大略 二三	罷元祐學術政事及黨禁指揮注金人犯闕	
安石祀典事附 四六	荆舒及解禁大略魏元履請追爵二程罷王	葉伯益論程學不當一切擯棄注秦檜尚	仲鼇蔡宙曹紱乞禁詭僻之書 四五	張震乞申勑天下學校禁專門之學注孫	注胡明仲胡季皐得罪大略 四四	鄭仲熊論趙鼎立專門之學可爲國家慮	注彗星出赦書黜專門之學及曹筠本末 四四	曹筠論考官取專門之學者令御史彈劾	攻正蒙書聖傳論及編撰人姓名 四二	何若乞申戒師儒黜伊川之學注何若并	詆毁伊川及復主學禁本末 四一	汪勃乞戒科場主司去專門曲説注秦檜	趙及和静本末 三九	尹和静辭免待制侍講劄子注秦檜傾吕	道命録卷第四 三九	處大略及范元長魏公引薦和静本末 三六	尹和静以師程學之久辭經筵注和静出	周秘陳公輔石公揆論胡公本末 三二	

 \equiv

何澹論專門之學短拙姦詐宜録真去僞晚年出處及造朝大略	道命録卷第七上 六七進退本末先生與詹元度書罷諸書鋟梓事附 六〇應先勸周留二丞相引知名之士及劉公論事	劉德脩論道學非程氏之私言注詹元善沈注胡晉臣劾罷林栗大略 五六葉正則爲晦庵先生辨誣及論陳賈封事	林栗劾晦庵先生奏狀注先生仍舊職任大略 五四略 五四略 五四	道命録卷第六 五四賈起道學之禍 五一陳賈論道學欺世盜名乞擯斥注鄭丙及陳	中年出處至因按吏忤王丞相本末
晦庵先生落職罷祠謝表 八六 道命録卷第七下 八六先生事迹及董銖之論蔡元定本末附 八〇	沈繼祖劾晦庵先生疏注胡紘與繼祖誣章異同事迹 七七德秀等不肯奉行禁言舊事御筆與黄元	趙丞相貶死京鏜何澹欲盡除善類及劉季路得罪大略楊大法鄧千里等論建至及楊充父等六士袁和叔等三舉官至汪	並進注張茂獻李元德楊敬仲吕子約 胡紘論僞學猖獗圖不軌豈可容其 及德秀起偽學之禍 七四	稷注韓侂胄趙彦逾怨留周二丞相本末劉德秀論留丞相引僞學之徒以危社國本末	生淳熙末兩除經筵及論事忤韓侂胄去 阿澹申心喪及還朝大略

言者論僞徒會送僞師朱某之葬乞嚴行	注侂胄厭言舊事及論皇極非大中 九八	言者乞虚僞之徒姑與外祠使宿道向方	偽學逆黨籍注柴中行程允夫事迹······· 九六	年覺察周丞相降官本末 九四	張釜論劉德修學記及泰然上書行遺施康	吕泰然論不當立僞學之禁注丁逢論調停	戒父等救解黨籍本末 九三	諭告僞邪之徒改視回聽詔書注黄子由費	張伯垓孟必先論諸人本末 九一	徐子宜劉德修游子正沈正卿事迹及張釜	姚愈論姦僞之徒盜名欺世乞定國是注	不至注三傑得進大略 八九	劉三傑論僞學黨變而爲逆黨防之不可	部注闕本末 八九	召注楊寅建請及偽學不舉改官錢文子赴	言者論廷省魁兩優釋褐皆僞徒不可輕	生獲罪後事及答祝汝玉謝絶生徒書 八七	晦庵先生落秘閣修撰依前官謝表注先
道命録卷第九	大略 一二〇	東萊先生吕成公覆謚議注丘壽雋請謚	東萊先生吕成公謚議 一一八	南軒先生張宣公覆謚議 一一六	略 一一四	南軒先生張宣公謚議注衛清夫請謚大	立語孟集注于學官本末 一一一	元履李文簡趙衛公論從祀及劉晦伯請	定周邵程張五先生從祀注胡文定魏	李仲貫乞下除學禁之詔頒朱子四書	晦庵先生朱文公覆謚議 一一〇	晦庵先生朱文公謚議 一〇八	被誅大略蔡元定贈官誥詞附 一〇七	晦庵先生朱文公賜謚指揮注韓侂胄	道命録卷第八 〇七	止注京鏜等死後侂胄漸弛學禁本末 一〇四	言者論習僞之徒唱爲攻僞之説乞禁	約束注晦庵先生掛冠至卒葬事迹 一〇〇

機業父爲濂溪先生請謚奏注太常寺助 時庵先生贈太師追封信國公制詞 一四 中川先生內子孫和封內國公制詞 一四 中川先生內子孫和封內國公制詞 一四 中原 先生贈太師追封信國公制詞 一四 中原 先生的对教國公制詞 一旦 中川先生內持衛內伯制詞 一旦 持揮 一旦 持揮 一旦 持揮 一旦 指揮 一旦 持揮 一旦 神後等十 一旦 中川先生追封河南伯制詞 一旦 神後等十 一旦 中川先生過封沙南伯制詞 一旦 神後等十 一旦 神後等十 一旦 神後生色 一旦 神後等十 一旦 神後生色 一旦 神後等十 一旦 神後生色 一旦 神後是 一旦 神後是 中川先生 中国 中川先生 中国 中川先生		
華父爲濂溪先生請謚奏注太常寺勘 晦庵先生贈太 曹乞特降指揮因依 二二四 晦庵先生贈太 富乞特降指揮因依 二二四 一時庵子侍郎五 夢父爲周二程張四先生請謚奏注禮 之像以二程惠 文為以二程惠 二二五 一時庵先生贈太 寶應本朝治平故事集官議 二二五 一二五 寶應本朝治平故事集官議 二三二 指揮此下續證 月先生程紅公謚議 二三四 指揮此下續證 月先生程紅公證議 二三四 明道先生追封 財財財 一三五 伊川先生追封 財財財 一三五 伊川先生追封 財財 1三回 明道先生加封 東京 1三回 1三回 財財 1三回 1三回 財力 1三回 1三回 東京 1三回 1三回	附録	川先生四世孫源授迪功郎制
### ### ### ### ### #################	庵先生改	
最考第十 時庵先生贈玄 日起爲二程先生請謚奏注太常寺勘 晦庵先生贈太 自起爲二程先生請謚奏 一二四 晦庵先生贈太 自起爲二程先生請謚奏 一二四 晦庵先生贈太 自起爲二程先生請謚奏 一二五 晦庵先生贈太 實應本朝治平故事集官議 一三五 確庵先生改封 漢先生周元公證議 一三五 推揮此下續續 漢先生程經公覆謚議 一三五 推揮此下續續 原卷先生贈封 推揮此下續續 上追封 原子生理点公覆謚議 一三五 神川先生追封 所載附 一三五 神川先生追封 原子生即封 神川先生追封 原子生即封 神川先生追封 原子生加封 神道先生加封 原子生加封 神川先生追封 原子生加封 神風先生追封 原子生加封 神風先生追封 原子生加封 神川先生追封 原子生加封 神川先生追封 原子生加封 神川先生追封 原子生加封 神川先生追封 原子生加封 神川先生追封 原子生加封 神風先生加封	川先生加封	用
或局流是先生請謚奏注太常寺勘 晦庵先生贈官 之特降指揮因依 临庵先生贈定 之特降指揮因依 二二四 中屬先生贈太之特降指揮因依 中屬先生贈太之傳以二程張四先生請謚奏注禮 父爲周二程張四先生請謚奏注禮 之像以二程惡之像以二程惡之。 大生周元公謚議 一二二 先生周元公證議 一三二 先生程純公證議 一三二 先生程純公覆謚議 一三三 先生程元公覆謚議 一三五 大生程正公覆謚議 一三五 作出先生追封 東溪先生追封 大生程正公覆謚議 明道先生追封 大生程正公覆謚議 東溪先生追封 伊川先生追封 東溪先生追封 (本生) 東溪先生加封 (本生) 東溪先生加封 (本生) 東溪先生加封 (本生) 東溪先生加封 (本生) 東溪先生加封 (本生) 東溪先生加封 (本生) 東溪先生過封 (本生) 東溪先生加封 (本生) 東溪先生加封 (本生) 東溪先生加封 (本生) 東溪先生過封 (本生) 東溪先生過封 (本生) 東溪先生過去 (本生) 東溪先生過去 (本生) 東溪先生過去 (本生) 東溪先生過去 (本生) 東溪先述	道先生加	録卷第十
C () () () () () () () () () () () () ()	南行臺請加	
父爲濂溪先生請謚奏注太常寺勘 晦庵先生贈官 之特降指揮因依 临庵先生贈太 之特降指揮因依 之像以二程 文爲周二程張四先生請謚奏注禮 之像以二程 父爲周二程張四先生請謚奏注禮 之像以二程 大生周元公謚議 一二二 先生程純公謚議 "漢明道伊川先生追封 先生程純公養證議 指揮此下續續 先生程純公覆證議 "漢先生追封 先生程純公覆證議 "漢先生追封 先生程純公覆證議 "漢先生追封 先生程紅公覆證議 "漢先生追封 大生程正公覆證議 "月九生追封 大生程正公覆證議 "月九生追封 大生程正公覆證 "月九生追封 大生程主公覆證 "月九生追封 大生程正公覆證 "月九生追封 大生程正公覆證 "月九生追封 大生程正公覆證 "月九生追封 大生追封 "月九生追封 大生追封 "月九生追封 大生追封 "月九十五十五十五五十五五十五五十五五十五五十五五十五五十五五十五五十五五十五五十五	溪先生加封道	侍郎擬謚未定國史及熊氏性理羣
C 等降指揮因依 晦庵先生贈宝 C 等降指揮因依 二二 晦庵先生贈宝 C 等降指揮因依 二二 晦庵先生贈太 C 等降指揮因依 二二 晦庵先生贈太 C 等降指揮因依 二二 晦庵先生贈太 た 生 間元公益議 二二 濂溪明道伊川 先生 程	川先生追圭伊	華父再爲横渠先生請謚
先生程純公覆謚議 職溪先生贈古 先生君元公證議 市庵先生贈太 先生周元公證議 一二二 先生君純公證議 一二五 先生君元公證議 海溪明道伊川 先生君元公證議 淮揮此下續續 先生君元公證議 淮運 先生君元公證議 淮運 先生司元公覆謚議 非揮此下續續 先生程純公證議 非揮此下續續 先生程元公證議 海溪先生改封 先生程元公證議 市庫先生贈古 先生程紀公覆謚議 海溪先生追封 先生程純公覆謚議 市 市 市 </td <td>一己三量寸五</td> <td>川先生程正公覆謚議 一</td>	一己三量寸五	川先生程正公覆謚議 一
先生周元公覆諡議 職選先生追封 先生周元公覆諡議 市庵先生贈云 大月海洋野区依 一二四 中庵先生贈太 大月海洋野区依 一二四 中庵先生贈太 大生周元公證議 一二五 中庵先生贈太 大生君正公益議 一二二 神溪明道伊川 先生程正公益議 一二二 神溪明道伊川 先生程正公益議 一二二 神溪明道伊川 先生程正公益議 神溪明道伊川 先生程正公益議 神溪明道伊川 先生程正公益議 神溪明道伊川 先生程正公益議 神溪明道伊川 大生程正公益議 神溪先生贈宮 大生程正公益議 神溪先生贈宮 大生程正公益議 神溪先生贈宮 大生程正公益議 神溪先生贈宮 大生間元公養證 神澤天生贈宮 大生間元公養證 神澤大生贈宮 大生間元公養證 神澤大生贈宮 大生間元公養證 神澤大生贈 大生間元公養證 神澤工工 中庵先生贈玄 神澤大生贈 大生間元公養證 神澤工工 中藤先生贈太 神澤工工 中藤先生贈太 神澤工工 中藤大生贈太 神澤工工 中藤先生贈太 中藤大生贈太 中華 神澤工工 中藤大生贈太 中藤大生贈太 中華 神澤工工 中藤大生贈太 <td>道上三十五百百百百百百百百百百百百百百百百百百百百百百百百百百百百百百百百百百百百</td> <td>先生程純公覆謚議 一</td>	道上三十五百百百百百百百百百百百百百百百百百百百百百百百百百百百百百百百百百百百百	先生程純公覆謚議 一
先生程正公謚議 (************************************	溪先生追封汝	溪先生周元公覆謚議 一
先生程純公謚議 二三〇 濂溪明道伊川 先生程純公謚議 二二〇 晦庵先生贈太 左特降指揮因依 二二〇 晦庵先生贈太 大生周元公益議注高常博乞依唐 濂溪明道伊川 先生周元公益議注高常博乞依唐 濂溪明道伊川 先生周元公益議注高常博乞依唐 濂溪明道伊川 先生周元公益議注高常博乞依唐 濂溪明道伊川 先生程純公益議 "濂溪明道伊川 先生程純公益議 "濂溪明道伊川 先生程純公益議 "濂溪明道伊川	指揮	川先生程正公謚議 一
實應本朝治平故事集官議	溪明道伊川	先生程純公謚議
溪先生周元公謚議注高常博乞依唐 濂溪明道伊川横 華父爲周二程張四先生請謚奏注禮 之像以二程張子的在人 市處子侍郎在人 一二二 時庵先生贈太師等父爲濂溪先生請謚奏注太常寺勘 晦庵先生贈官封	揮此下	應本朝治平故事集官議 一
部勘當乞特降指揮因依	溪明道伊川横	溪先生周元公謚
華父爲周二程張四先生請謚奏注禮 梅庵子侍郎在內僧起爲二程先生請謚奏 一二四 晦庵先生贈太師華父爲濂溪先生請謚奏注太常寺勘	庵先生改	
伯起爲二程先生請謚奏 一二四 晦庵子侍郎在△當乞特降指揮因依 一二二 晦庵先生贈太師華父爲濂溪先生請謚奏注太常寺勘 晦庵先生贈官封	之像以二程張子	魏華父爲周二程張四先生請謚奏注禮
一二二 晦庵先生贈太師晦庵先生贈官封	庵子侍郎在人	伯起爲二程先生請謚奏 二
晦庵先生贈官封	庵先生贈太師	依
	庵先生贈官封	魏華父爲濂溪先生請謚奏注太常寺勘

鄭仲熊論趙鼎立專門之學可爲國家慮 … 一七七	曹筠論考官取專門之學者令御史彈劾 … 一七七	何若乞申戒師儒黜伊川之學 一七五	汪勃乞戒科塲主司去專門曲説 一七四	尹和靖以師程學之久辭經筵 一七二	從祀 一六七	胡文定公乞封爵邵張二程先生列于	吕安老論君子小人之中庸 一六五	周祕劾董令升沮格詔令 一六五	陳公輔論伊川之學惑亂天下乞屛絶 一六三	朱内翰論孔孟之學傳於二程 一六一	紹興襃贈伊川先生制詞 一六○	言者論伊川先生聚徒傳授乞禁絶 一五八	元祐學術政事不許教授指揮 一五七	范致明論伊川先生入山著書乞覺察 一五六	范太史乞復召伊川先生還經筵劄子 一五四	孔文仲劾伊川先生疏/ 一四九	司馬温公薦伊川先生劄子 一四七
														劉後溪論道學非程氏	陳賈論道學欺世盜名	葉伯益論程學不當一	張震乞申勑天下學校

川会会南京基ニュニュニ	陳賈論道學欺世盜名乞擯斥	葉伯益論程學不當一切擯棄	張震乞申勑天下學校禁顓門之學
			:
-) =	八〇	一七九	一七八

校點説明

《道命録》,南宋李心傳(一一六七—一二四

代 朱 書 除 來 實 史 復 研)人。《宋史》有傳。 録。 熹 實 留 書 道 應 舉。 學 年 爲 的 N' 李心 進 均 史學外,李 的 要 李 編 退 部 盛 録 修 後因 傳,字微之,號 13 始 研 衰,心 學 傳 末 曾受命 究宋史, 術 人舉薦, 有史才, 建 史,詳 備 心 有 炎以 録 所 傳 編 尤其 其 載 還 李 感 修 X 來 秀巖,隆 襃 宋 潛 朝 生著 心 高、 朝 遂 是 贈、 代 N' 任 傳 野 著《 孝、 理 南 早 於 史 貶 述 雜 宋 學 道 道 館 年 州 甚 光 謪 記 代 史 學 校 井研(今四 命 鄉 **>**′</br> 豐, 寧 的 薦 表 録 勘 試 關 如《 不中 基 舊 四 等 人 注 本 物 朝 聞 職 彈 建 書。 有 史料 遂 程 證 或 劾 宋 炎 參 川 史、 頤 誤 之 是 以 與 不 井

> 述中 興亡與 代 則 李 廢 同 興, 道 13 見 有 學 傳 解 所 對 四 乃天下安危、國 序)。 程、 發展歷 對 譏 於 庫 貶, 道 反 全 朱二人 學 基於 道 不 書 程保 學 過 總 派 者 這 他 的 目 留了珍貴 難 的 樣 》卷 仍 進 家 免 的 論 詳 隆替 退 五 有 奏也 立 列了 聯 九), 所 場 的 之所 繫 旦 全文收 和 各 史料。 起 將 護 觀 派 來, 關 朝 點 對 對 繋」(《道 聲 政 録 於 於 李 稱 治 道 反 爲 N 亂 一道 傳 研 學 道 命 學 究 的 在 或 録 宋 者 之 不 記 家

卷本可 版 清 朱申、程 李 後,程榮秀再次增 道 》本,皆爲十 影 本 年(一二五 心 命録 仍 傳 元抄本、 據《宋史》李 能 得以 死後,《 榮秀 更多地 四 流 庫 刻 或 卷。 傳。 道 館 家 版 N' 保 命 刊 均 删 臣 置 另《永 今存版本 傳 留 録》 印 已 以 改定,並 書 了《道 本 無 爲 館 最 並 傳 樂 存, 當 藏 早 載,《 增 大 屬 命 明 由 釐 補 有 但 典》卷 原 録 刻 北 了 朱 道 爲 程 本, 》的 本、《 十 部 申 命録 京 榮 卷,重 於 即 1 大 秀 分 本 内容。 知 南 增 》原 學 五 來 不 宋 六 置 删 面 新 爲 淳 足 修 四 書 本 目, 付 五 齋 定 祐 存 館 X 卷。 元 五 有 叢 藏 的 十

刊》二〇 本。 不符。 生 容》,《古 又 中 容。 卷本 頤 以 廢 諸 據 相 一楊《程 事 繫事」的 道 言「元祐道 已 事 此 同 ,係乎趙忠定之去留」,若不及朱熹 (參見 學 皆 第 跡,故《永 明言「今參取 則 以 四 之興 另外,或 主 爲 爲 庫 朱家 籍 一〇年第三輯。) 七 程 李 館 要 編纂 整 來 卷 (廢,係 一榮秀 N 臣 爲 可 理 學 族 以 樂大典》所收《道 認 傳 程 泓《關 研 體 因《永樂大典》「用 之 與へ 下 所 爲,其 原 例 乎趙 榮 究 百 興 則 本 道 學 增 秀 之故,「程」字 四 廢 多 於〈道命録〉 等 忠 只 刊》 命 十年之間 前 此 爲 係 載 簡之用 人 録 六 論 程 乎司 程 整 ×, 卷 恐不 榮 九 理, 頤 大 秀 1 馬 命録 舍 事 地 條 的 確。 所 體 道 並 五 文 韻 跡 方 卷 下 學 年 增 内 新 慶 正 》或 以 之事 文 數 所 第 李 容 疑 之 廢 增 元 統 化 許 與之 及 收 道 與 四 存 心 所 四 T 字, ', 則 研 期 有 並 自 學 傳 載 庫 五 部 亡; 故」, 究 關 非 用 之 爲 前 卷 原 朱 館 分 完 輯 程 字 金 内 後 興 紹 序 熹 本 臣 内

而 未成者」,故 程 榮秀序 在 認 爲 增 李 加 N' 内 傳 容 原 外, 本 對 爲 原 初 文 稿 也 進 尚 行 欲 T 删 删 定

本多出 監。」 生 經 月,仲 年,兼 而 本 下侍郎,奏云: 事 典》本 文中 喪,宰相 元抄本和明刻本作「元祐七年三月,伊 影 改, 卷 范太史乞復 亦 給 筵 同 元抄 四《 其 明刻 但 遂除直秘閣 也 以 諫 其 權 作 熊 鄭 的 輔 顧 諫 本 下 吕 參 除 仲 是 子 幾 道 本、 明 記 另 正 是 官朱公掞、賈 僉 知 熊 敦、 删 年三 句 自 爲 愍 召 書 影 有 删 政 論 除 居 解 「但 劉 「其 公奏,欲 伊 數 事」,《 元抄 樞 除 趙 權 故 了 釋 月 器之與先生不合,每 句, 密 恐不 川 T 年, 鼎 原 T 四 判 簾 院 先 本 釋 立 文 前 即 西京國 永 日 中 仲 均 事 肯 生 文 明叔皆其 與 專 中 丁其 文宣仁太 樂 以 能 作 還 門 靖。」、 中 職 詳 大 爲 五 月 經 除 的 同 之 判 一子監 細 明年三月」、《永 不 典》本 年 丁 筵 學 僉 條, 宣仁云: 檢院 部 的 靖 四 門 亥 劄 書 分 可 年 后、 __ 釋 月, 子》後 也。 内 樞 爲 人,推敬甚 作 月 文 蘇 《永樂大典》 屢 川 容 兼 密 蘇 或 日 永樂大 中 攻文之。 先生 其 轍 先生之 文定 權 院 家 記 一只 釋 明 擔 年 事。 如 參 慮 載 文, 刻 i's 與 將 + 樂 爲 卷 知 本、 先 在 程 門 免 西 影 政 明 大 釋 如

本。

關

於《道

命

録

的

流

傳

和

版

本

問

題,

相

關

學

者

的

具 頤 「不 肯 靖 的 原 因 比 之 影 元 抄 本 和 明 刻 本 更 爲

計二 解 本 年 載 數 學 皆 庵 勑 亦 有 釋 爲《永 有 例 欺 先 黄》、 所 有 所 的 百 世 生 無 奪 數 程 晦 但 詳 再 九十二字,爲 盗 伊 辭 卷 卷 榮 樂 當 其 庵 細 辭官之 四《 秀 名乞擯 免 也 11] 爲 解 後 先 大典》 進 不 先 有 尹 生之 釋 程 釋 職 僅 生 所 和 7 榮 文 因 狀 斥》之後釋文、《永樂 本 增 續 田 道 静 秀 辭 有 土 所 補 增 學 明 等 朱 删 辭 較 官 刻 × 無。 了 等。 熹 去。 之意,此 免 也 故 大 後 本 與 卷 待 差 + 三《 至「 幾 與《永樂 如 吕 影 制 另 異, 卷 卷 外, 元 卷 祖 侍 乃 本 録 爲 ____ 如 的 謙 抄本在 講 有 影 用 前 個 卷 劄 内 兩 大 以 伊 方 幾 元 别 大 五 子》、 容 封 典》 抄 亮 提 111 卷 篇 典》本 釋 書 此 本 陳 先 舉 部 對 E 本 卷 信 文最 與 N' 請 賈 俱 雖 4 原 分 節 五 耳 各 子 明 論 篇 無。 列 還 文 選 後 刻 舉 先 已 道 本 晦 孫 E

五 卷 本, 其 大 典》所 後 流 傳 收 諸 《道 本 命 主 録 要 源 當 自 據 程 朱 榮 申 秀 略 的 加 增 十 卷 補

作 參 卷 增 已 本 足 瞭 師 本 金 標 校《永 齋 的 本 解 生 有 内 範 以 點 叢 展 楊《 容 大 詳 面 兩 或 書 以以 貌 開 具 宋 學 細 樂大 家 汪 本。 有 學 道 論 祚 備 置 可 述, 學 報 以 較 、典》本。 有需 與 書 △道 高 = 北 興 對 此 + 館 京 的 命 衰 要 於 卷 處 藏 大 史 録 调 的 與《永 不 本 明 一二年 因《永 料料 學 後 程 再 讀 互 刻 序〉 價 啚 故故 者 贅 爲 本 樂大典》本 值 書 查 樂 述 的 爲 本 第 補 館 閲 大典》本 有 文 充, 校 次 Ξ 藏 可 助 獻 期。) 本, 整 參 清 故 於 學 理 影 閱 参 作 完 重 價 主 因 前 反 元 校 爲 合 整、 值 要 程 映 抄 引 附 清 *, « 的 榮 了 依 全 本 兩 録 内 五 知 據 篇 爲 秀 面 西 容 不 地 及 僅 恭 底 十 所 華

劄 明 土 又 有 留 子》, 論 如 不 伊 目 同 此 原 卷 文有 11 外, 録 目 第二《 如 録 先生入 請 卷 目 作《 目 第 録 字 方 録 范 中 山 下 提 太史乞 部 范太史乞 且 著 有 舉 分 目 書 請 給 標 録 乞 還 還 題 中 覺 字 先 伊 復 内 有 察 另 年 11 容 召 **>** 小 外, 條 所 先 與 伊 字 奪 前 生 正 111 注 本 伊 後 文 經 先 條 今 11 中 順 筵 生 與 序 先 依 劄 標 還 與 范 子 生 經 題 舊 IE 致 筵 田 略 保

缺「及論陳賈」四字。 賈封事》,目録作《葉正則 文相反。 改與正文一致。 卷第六《葉 正 如此等等,爲前後統一,一律 則 爲 爲 晦 晦 庵先生辨誣 庵先生 辨 誣 封 及 事 論 陳

因校點者學識所限,文中舛誤較多,敬請方家

批評指正!

校點者 袁良勇

四

道命録序

録 及 紹 殿 未 用。」 明 朝 道學,爲宋儒 嘉定 白 稱崇獎儒先之意。 一德音 官 十 詔 · 有 傳 尚 播 七年月 書 天下 宗,雖 都 省 正 誦 日 屢 之。 元 可訪 : 被 日 褒 朕 求 榮 皇 惟 其 帝 伊 而 後 御 世 111 特 先 大 禄 弗 與 生 慶

之 程 未 舊 十 嘗 廢 ·年 子 聞 人之學不 矣。 日 編 不 蓋 興,乃天 嘆 自 年 愚 伊 息 周 著録,次第送官。 傳。」夫道 ĴΠ 不 痛 公殁,聖人之道不行 下 之 佞 恨 安危、國家 被 於惇、京、檜、侂 蓋 薦 嘗 即學, 而 網 羅 隆 經 學即 中 因 替之 筵 天 得 道 9 逮 竊 以 之 所 前 孟 考道 來 今 際 嗣 軻 程 百 放 死 也 學 失 四

> 者之事 學道 自 在 異言之,何 任 上者之事 一,未嘗歧爲 愛 也 聖 也 含道 也 ? 師 ; 以 學 則 蓋 焉 爲 以 非 行 訓 學, 致 義 , 其 以 倡明道學, 舍學 道 達 者 其道 則 聖 非 者, 賢 先 道 聖 賢 在 賢 以 故 下

之 學之興 學之興 之徒 道 之所關繫者,天 之《道命録》。 百 與,命也; 自 亦 「諱之, 興 四十年之間 未嘗深 學之目,以廢君子 廢 所 自數十年,不幸儉 係 能 廢 廢 可 知所 與 道之將廢 乎趙忠定之去留 係 係 不嘆 也 乎 乎 道學廢興之故,萃爲一書, 謂 蓋 趙 實爲之,而 哉 司 雖 道、 以 忠 馬 ! 然 爲天下安危、 也 所 9 文正 簡之用 抑 與,命 子 邪讒 謂 而 又有 日 學 號 之 非 : 爲 也 諂之小人,立 存亡; 舍 也。」故 感者,元 惇、京、 彼 則 君子之徒者 道 慶元 或 之 往 時 紹 家隆 今參 將 往 檜、 也 道 興 從 祐 行 9 侂 謂 一爲 聖 道 替 取 道 也 而

所任 戒; 天道也,命也。 者,訖不可得而 賢之道學,其 由 孔子之言,則有 由 孟子之言,則修 爲 泯 有性焉,君子不謂 厄已甚矣,而義理之在 也。 天 下國家者 孟子曰:「 身守道者, 可 命 聖人之於 可 以 也 以 人心 知 故 知 所

或 際。 益其所 秘 信。 夏五月之吉,朝奉大夫、守尚書工部侍郎、兼 世,蓋所謂「焉能爲有,焉能爲亡」者。 見善明,用 義利交戰 害之私; .男、食邑三百户、賜紫金魚袋李心傳序。 書監、兼史館修撰、兼修玉 於道學也,其 視其 至若 不 能 而 所 于中,而卒之依違俯仰,以求 近世諸公,或先附後畔, 心 始 以 而 剛? 致 疑 則 此 終 丽 先附 庶幾乎? 也。 信, 卓然不惑於生死禍 則 後 又有 由 畔,皆出 夫 牒官、仁壽縣 或出 嘉 動 熙 心忍 或人之士, 於一 三年己 或始疑 性,增 必 媚 時 福 亥 也 之 于 終 利

《道命録》者,秀嵓李公所編也。命名之義,取諸《論語》,蓋有感於吾道廢興之也,願與朋友講明之,因刻梓于九江郡齋。此,願與朋友講明之,因刻梓于九江郡齋。此,願與朋友講明之,因刻梓于九江郡齋。以,願與朋友講明之,因刻梓于九江郡齋。以,願與朋友講明之,因刻梓于九江郡齋。

此序題原無,今據文例補。

序

原 初 在 本 稿 江 ·, 略 尚 州 宋 秀 加 欲 燬 巖 釐 删 于 先生 定 兵。 IE 一,彙次 而 一李公《 榮 未 成 秀 爲 嘗 者。 道 + 得 · 卷 如 命 齋 而 録 居之 讀 **>** 左 五 之 暇 卷 疑 僭 其 刻 梓 爲 大

惡 欺 呼 所 小 如 有 天下 弗 不 天 組 者 用 日 忍 或 是 織 後 其 甘 在 謂 讀 淺 讒 世 極 上 者, 爲 夫 誣 之 卷 鷹 諱 而 孰 贵 今不著之 犬 見 中 之 此 若 徒 所 爾 何 則 以 大 以 載 獄 益 禍 而 蔽 案 君 諱 多 而 時 不 先 也。 子 之 吠 反 君 諱 生 爲 堯毁 諱 世 何 巧 跡 道 之, 主 愈 發 損 其 德 孔 哉 ? 狙 是 包 且 昭 ? 之 中 藏 小 將 獨 昭 説 忮 以 乎 嗚 無 彼

> 嚴 蓋 者 既 必 若二 著之,而 逃 罪 先 于 前 生 後 一則豈 小 又 人之罪 泯 俟 迹 此 于 而 益 後 爲 暴 損 何 後 益 幸 哉 世 之 一之警 多 邪

降,士 聘、 説 追 有 淳 悼于百代之下,爲世 沈繼 林 注 夫范 然榮 行 一愈卑。 栗 省 祖 疏 相 秀 氏 疏 後 君 於 之 後, 迄 有 有 爰 説 此 識 命 水 者 陳 竊 有 無 心 比 賈 有 司 葉 一人爲之説 道 而 疏 感 氏 惜 重 觀之,惡得 焉 後 之説 哉 刻 有 于 孔 和 , 龜 至 者 文 静 Ш 於 不 仲 尹 書院 劉 扼 氏 世 疏 之 腕 愈 後

年,歲 等 以 而 處儒 名 屬 榮 在 則 學提舉、 秀 一癸酉 秀巖 識 其 ,春二月既 已序之詳,兹 後 新安後學程榮 以 諗 觀 望,奉直 者 不 復贅。 秀 若 謹 大 是 夫、 書 至 之所 江 順 浙 几

⁰ 本 篇 序文元抄本 無 據 明 刻 本

道命録卷第一

司馬温公薦伊川先生劄子

專 止 以 高 遵 + 康 檢 禄 ___ 禮 程 國 蹈 校 練 不 大 + 次, 義 公 推 太 夫、 頤 正 聖 官 韓絳等劄子奏:「 議 ,力學好古,安貧守道 傅 足以 世之逸民。 尚 月二十六 年 大 充西京國 知 書 夫 踰 **矜式** 河 左 守 五. 丞 南 十,不求 門 吕 府、兼 日 士 伏望 子 下 公著, 類 侍 監教授。 奉 聖旨 聖 西 郎 裨 臣 仕 京 一慈特 鎮 司 等竊 益 進 ,言必忠信 留 江 馬 風 程 元 守 加召 軍 光 真 見 化 豐 頤 司 節 八 儒 河 銀 除 年 命 公 度 者 南 取 青光 汝)使、 上 事 擢 之 進 州 動 處

> 省 年 下 荆 年 生 111 致 其 亦 司 河 補 河 數 先 年 合格 仕 馬 南 外 洛 以 公 申 0 宗 月, 六 之間 推 生 者十六 居 温 得 自 公 而 大程 及 洛 月 其 公起 與 正 政 韓 以 哲宗即 族 + 季 丞 祐 廷 題 四 康公爲 雜 爲 方 末,二 人。 五 召 也。 爲 年。 方學 試 其 監 學 以 日 門 報 墓 位 察 士 嘉 也 未 父太 下 富 時 日 府 士 罷 程 9 御 知 祐 行, 宣 侍 温 或 從 尹 先 史, 明 蔡 遂 文 四 中 郎 卒。 彊 之 生 申 道 潞 年 知 ·公當 州 不 皇后 議 兵 者已衆 倡 二公皆 而 其 試 先 公時 9 舉 不 年 之 薦 賢 明 大 生 任 同 合, 進 五. 紨 道 先 程 以 也。 治 子 聽 士 + 先 生 退 太 學 平 罷 木 而 而 四 政 先 生 于 几 居 於 南 伊 師 歸 天 王

「困」、《永樂大典》本作「用」

0

朝 此 公起爲尚 不 奏,而蔡確猶爲左僕射,未即行 得 召。 書 左 元 丞。 豐 末, 於是, 温 公既 與康 得 公同上 政, 也 申

伊川先生授西京國子監教授制詞

專 試 澤 豐八年十 事 天 練推 用 太 下之民 也 平, 故 勑 官、充西京國子監教授,填見闕。 鄉 盛名之下,尚慎處 一月二十六日王震行 加 而 貢 歸 以 大 進 心 臣 爵 士程頤:孔 焉。」吾思起巖穴之士,以 命 以 爾 起爾爲洛人矜式。 好學篤 哉 子曰:「舉逸民 行薦 可 于朝 特授 汝 此 願 州 故 得 粉 元

生至京. 旨令乘 伊 遞 師 ĬΙΙ 先生 馬 赴闕 既 有 元 西 祐元. 監 之命 年二月,●先 一,再辭

監察御史王巖叟彦霖言。「先生

加所以待之之禮,擇所以處之之方。」學極聖人之精微,行全君子之純粹,願

德 及。 种放 侍經席, 豈不盛哉 才,有制禮作樂之具,聖人之道,至此 天 而傳。』況天子進學之初,若俾 郎、秘書省校書郎 民 未必 先 知者又言: 左正言朱光庭 覺 能 聖 過 世 , 若其 真 『先生有 !」有旨,授先生 儒 公掞言:「先生乃 道 列則 揆其賢,陳 ?經天 摶、 緯 . 真 放 儒 地之 有 摶、 得 不

乞召見,問以爲國之要。公掞又乞訪祖宗時,布衣被召,故事具在。彦霖亦先生言:「既蒙召命,禮合見君。」

年閏二月丙午載,程頤進京于元祐元年二月,據補。資治通鑒長編》(以下簡稱《長編》)卷三六九元祐元二月」、《永樂大典》本作「元祐二年二月」。李燾《續「元祐元年二月」,原作「元年二月」,明刻本作「元祐

至言正論、所以平治天下之道。

其

望依 崇政 辭。 若 養 蓋 遂上 書。 對。 僕 再 天下節義之士,樂道 親 解 亦不少。 可行,敢不 射 殿 先 宣 而 其所乞,授以 閏 後 二十四 奏論經筵坐講 《説書。 後受。 生 三月 日進用 一月,蔡 皇 辭 彼無所援于上,故不聞 日 后 + 不 就職 , 御 獲, 面 詔 四 確 未晚。」不報。 史 諭 以 初命之官,使得 日 免。 9 退 中丞 等三事,且 如不 先 將 而 有 不 生爲 几 以爲 旨, 受 劉摯莘老言: 出 可 日,温公 西 一如程 用,願 通 令先 崇政 監之命。 直 先 某輩 郎、 生亦 殿 生 聽 拜 禄 言言 爾 説 左 以 充 其

諫。 避 既 先 由 是 以 生 河同 天下自任,議 在 經經 朝之士以文章名 筵,容貌 論 極 襃 莊, 貶 世者 多 無 所 所 疾 規 顧

之如讎,而先生始不安矣。

孔文仲劾伊川先生疏

左諫議大夫孔文仲奏:

籍 獨 鄉 頤,人品纖汚,天資憸巧。 御,必有姦邪。 必有稂 曲之行; 交 再見而 臣 П 莠。 聞 襃美,又至 + 升經筵 奔 日 尺之囿 月 走交結,常 謹按 當天,必 連章 必必 通直郎、崇政 有荆 論 有 在 **貪**贖 奏, 棘 公 氛 卿 請 祲; 百步之田 見 之 一殿説 求 明聖 ·, 元 而 門。 除 書 在 朝 不 無 程

説,凡經義所在,全無發明,必因籍一事,汎臣頃任起居舍人,屢侍講席。觀頤陳

□ 「請」,原作「論」,據明刻本、《永樂大典》本、《長編》卷

刀口

邪 聖 啓 考之 永 王 獨 以 调 無 語 以 勿 濫 合 Ē 伾 下 候 此 聽 , 借 用 以 如 所 援 D蹤,卒 之亂 诗 王 王 問 侍 語 開 ッ 恐 此 無 跡 引 又 無 小 如 講 聖 如 講 陳。」 有 近 以 有 叔 以 日 體 陛 又 0 借 0 女 惑 所 致甘露之禍 文、 讀 . 眩 叔 注 下 當 如 豈 色; 無 每 上 疑 惑 文以 者 以 因 僭 雖 李 陛 惟 日 至 根 聽 聰 藥 六七人, 踰 咳 -孔 上 訓 講 勸 下三 之 伏 明 碁 術 嗽 子 调 意 而 罷 導 語 乞非 臣 鄭 用 待 甚 罷 復 陛 年 未 以 不 上 必 詔 注 以 講 下 生 有 頤 不言 所 訓 時 敢 並 德 是 曲 摇 亦 信 官 爲 及 特 子 不 以《易》 未 無 爲 也 必 撼 惡 最 之 爲 嚮 御 職 賜 細 陛 有 卑 黽 聖 際 交 小 宣 敷 嗜 分 邇 下 佞 伾 實 勉 而 聽 義 踵 英 問 奏, 好 陳 乃 常 以 附 爲 頤 亦 如 , 進 説 終 唐 越 學 之 開 容 虑 合 矯 無 推 而 詩 之 次 應 之 兆 兩 + 臣 煩 欺 以 常 不 難 H

答 攻 明 諫 與 謁 跨 除 也 類 事 促 私 而 陶 叔 易 竭 , 異 貴 曰 諫 席 恩 又 兀 命已久閣,今聞 及有 之 必 同 官 深 臣 臣 馬 盡 臣 或 日 不 官, 居京師 罪 德之。 也 頭 奔 訪 死 何 當 以 小必 安職矣。」 聞 力 以言之?」 即 遂 馳 已 排 差 氣 頤 來 暗 語 數 權 除 擊 如 使, 近 其 有 訪 藉 及 門 日 若 此 朱 造 家 或 吕 臣 重 矣。 人。 年 光 明 復 徧 臺 合 不 以 輕之意 陶 下 頤 叔 庭、 謁 符 及 諫 先談 頤 術 事 今 而 者 日 貴 節 治 也 何 未 杜 9 動 陶 臺 「指賈 . 臣 日 賈易 嘗 · 出 也 純、 設 諫 脅 是 有 今 明 ? 過 歷 之中 爲 以 禄 肩 以 日 之賢 賈易之 叔 吕 易字 臣 造 蹙 司 人 語 不 如 當 陶 門。 近 臺 諫 皆 額 人,收 及 此 曾 常 論 有 也 諫。 0 憚 養 流 文 有 明 臣 屏 則 補 列 又 叔 賀 爲 賈 是 某 臣 其 比 儔 日 口

^{● 「}先」,原作「光」,據明刻本、《永樂大典》本改

言 臣 明 臣 畏 臣 能 如 頤 一素與 義 坐 是者彌 ,使之相争鬭 安静爲治 日 必 一觀 知 日 是 頤 明 恥 乃 此 與 年矣 叔 不 者 事 非 陶 之去 相 於上,而 也 在公也,公之責 意相 有隙, 言 識 於下。 乎? 只 干 既 又欲 頤 在經筵 不 説 紛 臣 乃鼓 行 諭 紛擾擾,無 諷 日 其 如 臣 : 騰 相 此。 重也。」推 辭 攻 利 遇 將如之何 去 陶 П 陛 又 决 助 有定 間 未 下 矣。 易 以 嘗 頤 亂 日 也 之 群 清 公 過

肯 事 在 者推 容 萬 伏 頤 里 者 惟 舉之過,遂誤 之外 穢 太皇太 滓 無 班 所 后、 列 遁 皇帝 知 變 逃, 人之明 亂 況 白 陛 於 黑 下 咫 鑒 乎 尺 ? 察 之近 真 僞 緣 執 雖 而

里 以示 伏 望 典 論 刑 正 頤 取 罪 進 儻 止 未 誅 戮 且 當 放 還 田

京國子監。元祐二年八月上。八月二日,奉聖旨,程頤差權同管

勾

西

簾 於 聖 上 説 秋 遇六參、宰臣 富 命 (,侍上) 延 聞 道 體。」六月,又上太皇太后疏 ,於内殿或後苑 於 下 聞 和講 義。 春 伊 故 庶 秋]1] 一習業。 事 輔 仍擇 讀 先 輔 暑 後 導 奏事 生 養 熱 臣 之間, 以 楹 且 之道 罷 僚 以 召見當 退,許講 元 垂 講 家 簾 邇 年 有 十 二 二 豊 太 英 即 几 當 迫 日 口 上 月 皇 讀官上 奏 狹, 乞 講 踈 言 受 歲 太 稟, 官 請 略 經 后 子 便 主 筵 時 自 殿 弟 俾 俟 之 陳 問 乞 得 至 今 初

許 制 0 時 先 月, 已 生 命 乞 差 先 判 免 生 登 兼 兼 聞 官 鼓 修 專 院 或 職 子 先 輔 監 生 導 太 復 學 亦 引 前 條 不

● 「太」,原作「大」,明刻本同,據《永樂大典》本、《長編

爲 霈 起於草萊,三辭 公聞之,命户部 妻求 ,又不爲妻 在職 封乎?」 累 月 求 '弗言禄,吏亦弗致。 不獲 封。 特給焉。❶ 而後受命,今日 或問 及 E : 明堂 「某 大 諸

之,而 進 薨 之士 盛 新 有 起 口 用之。 申 河 前 退人才,二蘇疑 法 日 自右 黨、 ,以先生之學爲 先 不合,謫居黄 ·公獨 温 蘇 生之被旨入見也,蘇文忠公軾 公素 公繼 洛黨之論。 然先 史除中書舍人。 相 凡 重先 遷翰林,亦多輔之者 生在 事 州 生、未敢 先 有 經 五 不便於己,相 蘇公所從皆輕 疑,必 生 筵, 年。 有力,故 歸 動 蘇公先以 質於先生。 温 其 也。 一公得 門者 極 温 與 遂 政 俊 排 甚

之,而先生之門人亦不平。

公者。 識 忠 蘇 歌。 偷 召 公。 師 題,而蘇公所問 有 士院考試不識 成 其意 公遂 肆 厚,而患百官有司 試 法,乞正其罪,以戒人臣之不忠者。 日 法 先生止之,曰:「子於是 赦,百官稱賀,而 館 豈有賀 初 聞 神考之勵 左司 流 職。 以 温 鄙 哭 公之薨 入於刻。」太 諫 赦甫畢,乃往弔喪?」坐客 蘇 語 則 大體,謂仁祖 朱 戲 公 不 有 精, 光 與 先 歌 云:「今欲 也, 庭公掞 生。 不 承旨 不舉其職,或 而 兩 上方 皇太 恐 聞 省官欲 未 鄧 監 歌 祀 幾 即 、神考不足 温 后 師 日哭 司 則 明 奏: 伯 守 點 仁 學 不 往 堂, 哭。」 奠 用 **\$** 至 祖 各 則 士 蘇 學 於 之 院 不 温 禮

^{■「}特」,原作「持」,據明刻本、《永樂大典》本改。

令知 事評 堂説 言 詔 御 以 特 史 議 諭 王 放 策題 事 罪 者,蓋學士 巖 乃已。 然官司 叟 非 0 是 彦 御 議 霖 史 試 一院 諷 中 繼 人,亦 有 祖 言 丞 失檢 宗, 傅 之。 堯 無 召 會 俞欽之、 申 以 臺 公乃 一諫 祖 劄 宗 本 至 院 故 都 上 侍

始

君 都 英 顧 政 閣 轉運使。 臨 延和殿 而 以 先 不知 生又言:「 先 殿 生 上 或或 尊君 復 講 他 讀 上 之道 寬涼 言 爲 邇 不 0 處講 英 可 臨 臨 暑 , 之 遂 有 讀 熱,乞 意 出 旨 爲 不 給 展 就 调 修 河 事 崇 尊 北 中 彌

及 被 又 表賀,先生乞改 命 擬 置尊賢堂,待賓、吏師 修 開 先是,神宗 三學 樂 置 條 宴,先 制 賀 喪 爲 未 乞去 生 慰。 除 一復 利 以 齋,立觀 而 將 誘,專 爲 百 除 不 官 喪, 可 以 委 光 冬 有 法 任, 及 至 司

> 吕 皆 鄙 此 語 陶 不 納。 爲 戲 殿 程 於是 某, 衆 中 侍 臺 御 諫 大笑,結冤之端 史,爲· 論 蘇 上言:「 公未 己。 蘇 蓋 軾 蜀 自 以

門 皆爲 七月, 易 月,又命欽之與 諫 爲 議 也 右 策 大 五. 陶 夫 司 月, 題 罷 諫, 事 爲 陶 遂 也。 京 彦 爲 命 吏部 西 左司 霖、公掞 起 易言: 轉 居 侍 運 諫 舍 郎 副 人 兵 皆徙官。 陶 使。 胡宗 孔 部 不當 文 員 易, 愈 仲 外 兩易, 先生 用。 後六 爲 郎 左

古 不 已 宜 宗 精 使 愈 密 在 既受 , 宜 朝 廷。 命 切 首 仍 日 論 舊 先帝 先 因 生 力 三舍科 赴 詆 講 先 , 條

⁰ 三九三元祐元年十二月壬寅條改。 特」, 原作 時」, 據 明 刻 本、《永樂大典》本、 長

八

善 意 直 稱 舊 仲 以 宰 河 不 主 朝 血 相 上 文 良。 録 之 論 悦 + 有 南 執 而 瘡 然 仲 問 E 也 又《 死 疾 **>** 事 以 疹 惷 不 上 附《 爲 晚 月 大 其 失 文仲因奏先 先生 申 不 御 不 蘇 不 蓋 乃 亦 月 當 明 文 曉 公家 臣 殿 自 御 指 軾 改 坐 年 奏,遂 仲 事 弗 遂 絀 知 除 此 殿 己 \equiv 所 太 爲 傳 傳 知 知 命 爲 也 月, 中 累 之 皇 誘 * **>** 懷 蘇 請 小 浮 書 生 可 因 載 不 日 脅 州 文仲卒。 公 問 薄 舍 罪 人 爲 0 申公之言云 當 9 兼 所 輩 疾, 論 人 寒 日 先 文仲 罷 獨 先 侍 蓋 紿 所 事 心 生 之。 太皇太 生 坐 讀 使 皆 退 憤 以 申 即 翊 哲 公 易 聖 詣 用 以 伉 且. 而 H 皿 陷 直 不 歸 亦 后 軾 文 臨 宰

其

後

蘇蘇

公上

章

有

臣

素

疾

程

某

生云。 抑 憑 之言 不 則 過 免 之説 言 之姦 而 春 甚 物 被 元 劉 9 年 發 檻 應 不 發 劉 元 不 命 繼 三月 再 公 悦 平。 安 年 生 生 有云: 如 折 而 即 未 0 於 ? 後 先 世 之 之 柳 劉 此 不 以 嘗 除 劉 器 所 又 温 非 論 秋 時 枝 踈 即 可 暑 假 惡 説 且. 公 公 之 蘇 事 誕 劉 温 若 無 熱 有 以 聞 門 書 亦 以 而 黨 爲 公之學,自 未 公已薨 以 故 罷 老 時 辭 辟 蓋 兀 論 之,不悦 人 非 四 知 爲 講 戕 月 儒 講 色」之 焉 馬 先 是 月二 其 永 折 不 罷 生辭 上 進 永 計 知 大 矣, 卿 年 暇 未 旬 日 卿 先 日 不 進 誤 春 上 : 退 審 不妄語 者 卑 尚 生 非 方 按 足 排 0 記 講 擲 也 居 安得 方 人 先 E 記 再 所 以 詆 而 之 去, 時 侍 謂 具 生 春 忽 劉 知 先 右 事 聞 此 先 方 辭 以 不 色 萬 起 公 牛 IE.

日 爲 或 公 仲 初 文 誤 不 書 云 仲 在 記 希 游 章 口 Ŧi. 久 以 劉 也 純 疏 鬼 相 全 不 行 爲 騰 楊 諫 章 辨 位 之 於 據 或 通 則 議 世 時 魁 間 寶 乃 傳 謂 而 ^ 劾 亂 年 無 晦 機 Ŧi. 文 邵 们 先 今李 譜 鬼 此 庵 仲 密 於 牛 龠虎 以 者 語 先 未 注 章 快 及 又 丙 報 生 應 文 疏 先 恩 乃 載 ^ 復 考 所 出 Ţ 疑 生, 讎 指 亦 文 恩 張 作 此 未 致 其 歐 有 仲 怨 謂 商 語 之, 陽 録 不 年 劾 受 英 市 棐 然 譜 命 疏 吕 疑 井 紹 中 譜 申 居 於 畢 聖 目 有 有 今 亦

伊川先生乞歸田里奏狀

勾 西 京 臣 昨 或 任 子 崇 監 政 傳 殿 聞 説 有 書 言 忽 事 奉 官 勑 言 差 臣 權 罪 冒 狀 管

> 訖 臣 既 方 知 敢 是 傾 責 瀝 命 懇 誠 禮 當 仰 奔 干 赴 天 聽 就 職 已 到 任

罪 蒙 許 朝 朝 臣 廷 廷 納 務 竊 使 擢 念 存 官 勸 任 臣 歸 寬 講 ,真之經筵,授以 本草萊之人,因二 田 厚 里 則 在 所受之官 以 臣 安愚分。 義 所難 理 處 朝 三大 當 階 伏 追 臣 今既 望 奪 論 聖 薦 慈 有 雖

第 二 狀

者。 子 上 煩 聞 天 道 臣 命 今月 聽 以 惶 臣 懼 + 不 乞 几 歸 日 知所 準 田 河 里 安。 南 奉 府 須 聖旨 送 至 到 再 不 尚 竭 允 書 悃 所 省 誠 劄

言 京 或 何 事 子 臣 昨 監 必 自 傳 是 崇 聞 罪 政 大 惡 殿 諫 有 説 官 實。 書 有 受 言 竊 勑 念 權 臣 臣 同 雖 畎 管 不 畝 知 勾 之 所 西

道命録

誠 嘗 其 薦 而 有 自 許 善 當 旌 何 蒙蒙 去之,至公之道 大 義 用 追 而 歸 朝 日 不 理? 用 奪 田 廷 馬 之,陛 欲 授官 里。 以 光 臣 放 正 吕 愚 下 去。 誤 公 急賢 今 朝 也 竊 既 臣 著 廷 意 之心 有 竊 之 伏 朝 韓 罪 以 罪 廷 望 絳 :. 惡 爲 也 顧 聖 等 不 尚 惜 是 慈 以 後 然 事 叨 無 俯 行 見 體 禄 行 鑒 其 始 義 位 義 惡 丹 聞 以 稱

章 乞 喪 五 納 去官 官 伊 一,迄不 歸 ĴΙΙ 先 田 里 生 得 既 命 就 年 西 五. 監 年 月, 之 正 命 又 月,遂以父 乞致 即 具 仕 奏

范太史乞復召伊川先生還經筵劄子

翰林學士、兼侍講、兼修國史范祖

禹

陛 瀆 任 思 祖宗之時,講筵之臣 才,置之左右 下。 或或 得人, 9 將 臣 涉 去 自 親 開 講 居 舊 達 講 職 言 天 職 以 肝 聽。 則 備 竊 鬲 有 多由 顧 謂 所 然 嫌 問 懷 天 無 舊 子 裨 今臣 大 不 官 當 益 而 薦 敢 已二 博 聖 言 引 不 學。 求 吐 懼 天 奏 故 露 乞 爲 臣 追 下 外 賢 觀 煩 每

欺 知 行 者 事 自 謂 子 一 而 罔 誼 知 而 得 布 曰 : 其 + 天 天下莫不歸 衣 臣 以 纔 餘年 伏 除 必 舉 誤聖聽 下 及 雖 見元 通 不廢 共 歲 逸民,天下之民 真宗 直 然 餘 知 祐之初 郎 後 也 待 即 心 陛 崇政 舉 司 种 者 以 下 之。 馬 放 何 人言 用 光 陛 殿 亦 頤 哉 下 此二人者,必 説 吕 不 罷 歸 ? 召 書, 實 之。 過 公著皆 心 程 爲 爲善 焉 於 天 頤 希 下 此 頤 對 闊 之士 於 夫 與 之 也 便 非 之 出 舉 頤 經 殿 美 皆 爲 隱 孔 相 術

朝 以 不 平 稱 輕 朝 動 故 官 役 奔 説 古 人 一之術 未嘗 處 臺 相 次得美官 重 富 不 走交結,又謂 有 0 王 無 土 將 貴 之,而 巖 知者指 接 諫,其言皆 頤 語 有 Ш 故 公公 爲矯詐 叟、朱 在 常 不遭 不 不 能 謂 經筵 繁多 其 卿 被 處 傾 言 爲 爲 毁 故 責 謗 大 大 光 者 關 士 頤 爲 望常 夫自 謗 其 毁 誣 頤 切 臣 庭、賈 謂 人 防, 黨 頤 憎 沽 於 图 也 欲 一、役 朝 頤 草茅之人,一 未習朝 皇帝 嫉之人多,是 激,爲釣名。 以 蓋 以 重。 大佞 頤 非 必 臺 易 故舊 處 己 元 實 素 有 諫 陛 至於不 士 不 大邪、 也 延事 ? 過 推 下 能 本 夫 傾大臣 伏 人 也 進 如 不 自 蓋 -賢者 之能 頤 此 求 貪 體 學 日 古 以 又 當 有 仕進 之經 一、以意 贖請 · 迂 故故 處 處 故 處 時 何 朝 士 士 士 則 致 權 臺 踈 其 無 能 行 求、 多 勢 諫 氣 太 講 則 不 與

陛下慎擇經筵之官,如頤之賢,乃足以

果。 有 不 頤 輔 無 補 導 也 聖明。 媿 使 聖 也。 頭 臣 學。 受誣 久 臣雖老在外,無憾矣。 今臣已乞去職,若復召 欲 至 罔之謗於公正之朝 爲 如 頤 臣 輩 言, 叨 懷 備 之累 講 職 取 年, 頭 臣 實 進 侍 每 猶 非 啃 講,必 思之, 敢 豫 望

文定 躁 監 疏 閣 宰 靖。」宣仁 再 察御 相 語 權 ,改管勾西京嵩 爲 吕 元祐七年三月,伊 辭 判 史 門 正 新 西 董 云: 愍 下 命 京 敦 公奏, 侍 或 極 逸 郎 只 子 論 奏, 與 欲 儒 監 奏 山崇福 以 西 與 者 云 ĴΠ 爲 監 職 進 几 先 有 判 月,先 退之道 宫。 生 怨 遂 但 檢 將 望、 恐 除 院 未 免 生 直 不 , 2 喪, 肯 輕 蘇 而 秘

^{●「}故」原作「政」,據明刻本、《永樂大典》本、范祖禹《范

❷ 「以」,原作「次」,據明刻本、《永樂大典》本改。

龍 改 親 本 九 Ш 以 蘇 官 年 置 府 政 元 疾 閣 $\stackrel{\cdot}{=}$ 路 紹 知 再 公之去, 尋 學 安撫 月丁 聖。 汝 伸 士 州 秘 使 范 八年 西 而 知 閣 落 公先已 兀 陜 後言之也 蘇 西 九月, 兩 月 州 文定自 監之命 職 壬 知 字,蘇 數 其薦 宣 求 英 門下 二仁崩 先生 去, 先 州 文 生, 是 忠 侍 再 癸 哲宗 蓋 日 自 郎 丑. 除 遲 中 守

伊川先生涪州編管指揮

管 的 \mathbb{H} 以以 係 里 姦 人 十 示懲艾。」奉聖旨 黨 程 月 河,宜 頤 原 下 日, 係 河 中 司 南 書省言 馬 府 依 光 收 薦 押 紹 引 聖 四 轉 契 年 口 送 勘 惡 涪 得 相 州 放 濟 歸 編

命 未報 伊 ĨII 會 先 黨 生 事 自 作 尋 醫 紹 中 聖 再 兀 辭 年 西 監 月 癸 之

> 子 子 先 孟 良 臣 田 貶 艾。」於是,吕 各 酉 子既 公 至 竄 佐 生 知 里。 加 中 欲 愚 孫 告 河 追 而 知天,焉用 人 + ,不足責。 與 南 日 貶。 先 省 邢 内 : 府 生 言 月, 别 恕之爲 事 追 是 汲 其 叔 毁 公以下三十三人, 行 同 送 即 司 母 尤臧氏?」 出身以來文字, 故 也 涪 惡 日 馬 爾。 亦不 州 相 差 良 光等造 情 編 濟 人迫 佐 先 厚 許。 管。 者, 知 生 不不 爲姦 之, 遣上道 日 亦 門 時 敢 當 乃 李 放 皆 疑。 謀 族 謝 族 清 懲 歸 丛

不 傾 知 救。」 恕 樞 密 初 聞 御 恕 院 者 語 事 史中 笑之。 人 林 日 希 丞 : 意 邢 恕 便 恕 必 斬 與 救 先 頤 先 生 萬 段 生 素 善 因 恕 亦 以 日

元 祐黨 門 人 尹 焞 彦 彦 明 明 日 應 : 進 噫 舉 尚 策 可 問 以 干 誅

舉。先生聞之,曰:「賢哉,母也!」不復應進士舉矣。」先生曰:「吾知汝以善爲養,不知汝以禄養。」彦明遂不復就要,是明歸告其母,母曰:「吾知汝以舉。先生曰:「子有母

道命録卷第一

道命録卷第二

伊川先生謝復官表

造 官 或 語 ,復畀舊官,仰荷恩私 子 監 臣 頭言: 者。 道、蒙聖恩、授 始 今月二十 竄 遐 荒, 臣 、伏增愧懼 分甘終 日 通 直 准 郎 河 廢 南 權 贵 府 判 期 送 西 京 洪 到

傳 蒙 物之心。 容 於 牽 寬 於後世 明 復 恩,如安居於樂土 竊念臣天資愚暗, 無 之恩。 不照,念先帝經筵之舊,推 臣敢 ,以上報於深恩 不益善其身,勵 兹 蓋 伏 遇 自致放投。 忽遇 皇帝 精 非常之宥 陛 所學, 下 既 道 至 大 仰 期 有 愛 兼 荷 繼

> 德意 職。 命 通直 生移 初 再 范 月之俸焉 敘 即 月,●李邦直、范彝 忠 即 ? 前 宣以 位 郎、 峽 門人尹焞深疑之。 元 謁 符三 一首被 州 告、欲 先生復 然吾之不 權 編管。 下十八 然後惟 判 年 大 西 正 遷 宣德 恩 京 月, 人 延 吾所欲 四月,范公等十九 仕 不如 或 並立 蓋蓋 爲尋醫 徽宗 叟同 郎 子 敘復 任 監 已決矣。 先 爾 是, 秉 即 便居住 0 計,既 生 有差 政,復 位 先 何 曰 : 以 生 仰 既 受 先 而 而 月 受 先 承 供 生

一改。 一改。 一改。 一二《宰輔表》、(宋)徐自明《宋宰輔編年録》卷十二 . ,原作「二」,據明刻本、《永樂大典》本、《宋史》卷

方提舉請還先年所奪伊川先生田土

瀕 法 生 Ħ. 廷 罪 灌 田 召 博 頤 於 當 給 病 奪 + 用 注 學 遠 於 饑 得 粟 竊 之, 漸 好 餘 謫 提 臣 元 將 , 見 餓 豐 古 伏 舉 頃 侍 而 辭 下 成 而 前 京 間 見 以 哲宗 殆 有 躬 禄 汝 熟 舊 躬 通 世 西 養 非 司 行 以 州 耕 以 佃 土 路 直 高 成 于 或 不 歸 錢 出 人 以 郎 常 士 其 爲 家 經 義, 數 9 至 贍 榜 乘 平公事 如 節 而 筵 所 申 權 紹 重 隙 親 百 夷 頤 貧 以 理 判 聖、元 争 族 千 賣 險 等 況 窶 今蒙 優 西 買 使之 市 方 逾 賢 輩 特 頤 京 按 節 汝 宙劄子奏 符 甚 獎 本 + 恩 户 或 多 與 頤 州 之 六 善 自 復官 部 子 老 蒙 幾 親 初 户 際, 年 有 以 監 而 朝 敦 族 無 絶 以 聞 \mathbb{H} 益 程 廷 以 頤 開 荒 勵 百 既 處 堅 頤 於 賜 爲 老 風 士 朝 得 墾 \mathbf{H}

> 然 俗 絾 默 賣 之 户 意 乞下 絶 也 田 汝 乃 頤 臣 州 \coprod 所 被 依 領 奪 元 職 雖 買 事 在 價 既 臣 給 未 有 還 所 到 頤 見 任 田 已 不 前 敢 取

進

止

元符三

年

十二月

上

得 薦 雖 提 未 將 歷 舉 行 宙 官 處 十論 京 初 以 司 西 名 農 臺 常常 輔 韙之。 閣 派 平。 宋, 莆 章 宙 至 惇 耻 田 是 之, 蔡 乃 確 力 上 熙 請 此 蔡 寧 奏 補 中 京 事 交 進

范致明論伊川先生入山著書乞覺宛

臣僚上言:

禁 ; 而 臣 邪 聞 説 私 誣 義 民 害 或 處 私 士 横 智 議 非 亦 聖 先 人 王 之 所 所

❶ 「賜」,原作「則」,據明刻本改。

— 五.

不

治 之 爲 聖 學 迂 其 其 日 猶 兹 譎 罪 甚 先 之罪 中 闊 黨 徒 以 怪 則 何 悪 嘗 生 不經 薦 通 更 謹 以 專 專 弟 籍 引 按 唱 純 真 明 出 以 不 之論 穎 致 通 子 迭 鄉 正 私 朝 詭 在 直 洛之凡 仕 名 和 道 原 罪 見 廷 異 鄧 郎 田 指 目 德 之亂 罰 遂 聾 有 析 以 野 致 標置 瞽 命 而 輕 庶,節 變 仕 而 德,治 少 出 以 愚 議 視 亂 程 元 官。 正 俗 處 之, 人 符 神 頤 朝 操 自 卯 主 世 之末,敘 考 敗 廷 之下, 不 勸 學 如 頃 一之姦 之 成 壞 有 立之徒,往 講 ,未嘗心 在 術 意 憲 大政 風 經 頗 元 民 爲 0 俗 復 僻 筵 祐 議 此 也 事 令, 過 中 法 而 莫 伏 0 素 則 優 此 則 往 前 太 不 紹 原 大 進 行

妄 所 及 著 朝 書 訪 政 聞 是 欺 本 何 等 人 惑天下後 日 文。 近 竊 以 慮 人 世 如 Ш ,不可不察。 著 野 史 書 小 爲 説 名 之 未 類 委

> 所 得 伏 契 勘 望 本 聖 人 慈 在 特 身 降 官 指 職 揮 削 本 奪 元 施 祐 行 女好 黨 以 爲 薦 蜀山 引

六

治

者

之戒。

取

進

止

以 常 來 切 文字 兀 覺 月 察。 三十 除名 崇寧二 Ħ 其人 奉 年 聖旨: 上。 Ш 所 著 程 書 頤 追 毁 本 路 出 身

司

又以 焉。 詖 仕 人 年 姓 0 復 行 譜 惑 先 崇 丙子 名, 行 乙亥,令三 \forall 生 追 寧 亂 更 勑 爲言,❷遂有 降 元 衆 不 年 聽 范 榜 而 得 五. 致 朝 先 省 而 與 月, 虚 堂。 生 籍 尹 在 言 追 記 温 是 焞、 京 明 所 貶 公 命 差 年 復 張 以 降 程 0 遣 官 几 繹 下 某 人 晦 月 爲 先 以 几 四 庵 依 之羽 邪 生 先 御 + 舊 十 説 生 史 預 几 致 兀

- 0 不一 原 作「人」, 據明 刻 本改
- 2 言」 原作「書」, 據明刻 本、《永樂大典》本改。

黨 翼 按 路 以 八 月 致 罷 譜 致 事 虚 虚 下 則 兄 長 大 河 世 此 致 編 ^ 南 語 奏 明 府體 云 乃 録 以 致 四 > 究, 「 致 載 明 月 此 所 盡 除 虚 上 殿 逐學徒,復 必 此 中 誤 時 語 侍 也 不 録 御 在 》誤 史, 隸

元 祐 學 術 政 事 不 許 教 授指 揮

講 議 司 奏

禁,欲 若 依 先 弟 私 聖賢之書 無 不 聚 條 許 從 生 知 徧 聽 在 徒 泗 行 取 外 讀 州 即 曉 進 私 姚 及元 使邪 難 諭 聚 11: 孳乞天下之士 以 生徒 祐 應 説詖 施 學 私 行外 即即 術 下 行 聚 政 不 無 其 學之家, 事 係 自 占皆 邪 置 流 不許 示 説 學之處,子 行 得 詖 並 教 於 行、 看 仰 授 在 詳 遵 條 非 外

> 創 有 下 七 四 講 月十三日 首有元 年,至 議 先是,元 司 自 金人圍京師 祐 奉聖旨依 領 學 年 之。 七月, 術 政 至 事 蔡 乃 是, 之禁。 崇 京 寧二 頒 拜 學 年下 右 凡二 制 僕

於天

射

言者 論 伊 JII 先 生 聚 徒 傳 授 乞 禁 絶

臣 寮 上言

教化 奇言 不 察 在 盡 女好 於 去,則至治之功終 異行 則 去 私 臣 聞 義 邪, 誅 害國 不 道 殛 尤致 能 德之難 隨之。 私 自 其 恣 智 詳 明 於 非 非 命 世 風 樂 無 上 之教 其 於 自 俗之不 刑 故 而 昏 , 然 成 人 先 頑 後 也 悖 王 一,其患常 以 戾,不 爲 之盛 謂 學, 姦 時 邪 口 而

施 必 恭 操 惟 其 陛 要。 下 ·聖學 比 詔 高 有 妙 司 神 增 斷 廣 不 學 疑 校 凡 衆 所

八

究 授 麗 H 如 不 非 始 師 於 其 書 學 先 此 忻 儒 親 法 實 生 戴 王 之人,有易名 閲 講 聖 犯 故 鼓 而 條 誦 舞 考校之際 行 復 者 八之書 目 之 未 于 咸 屏 聲 期 上 著 出 知 月 之 遁 陛 并 遍 可 於 有 迹 此 下 元 於 成 謂 首 祐 於學者,必 之 書 天 効 言 兀 所 學 既 下 已 曰 方 不 以 術 頒 0 見。 : 風 協 懲 政 方 有 邪 動 于 惡 事 其 往 聞 識 者 説 正 丕 歲 不 頒 之 于 者 詖 承 朝 著 士 得 法 邪 行 聖 之 莫 必 黨 明 教 而

昏 而 以 頑 悖 私 自 戾 智 元 祐 而 自 以 已 高 哉 來 所 俗 守 學 甚 包 得 藏 堅 志 禍 確 心, 以 然 私 無 不 變 所 義 不 相 贵 至 結 特

嚴

爲

之禁

世

進

如

西

洛

程

頤

之

類

恐

非

止

尚

未

聞

志

矣

然

臣

竊

謂

法

之

施

於

學

校

古

精

密

而

女好

邪

散

處

以

聚

徒

傳

授

爲

事

者

或

出

間

或

在

原

野

或

在

111

林

妄

相

推

稱

誑

惑

後

今黨 先 者 繁 者 凡 有 士之未 王 猶 一聖賢之書 徒 與 爲 未 飾 被 所誘; 能 人學 謫 禁絶 其 之 前 安得 并 於學 人 非 或 元 雖 屏 陰 不 校之 祐 學 · 惑 居 與 學 外 而 ? 地 外 術 郡 不 者 也 政 是 能 不 氣 事 邪 自 保 説 類 拔 取 詖 其 相 於 以 行 無 感 教 流 焉 非 俗 授 實

言 於 省。 發 分上 睿旨 就 庶 正 制 者 無 幾 0 俟 則 究 若 下 窮矣。 皆 在 然 近 委府 之以 驗 上 學 半月 覩 有 播 狀 可 得 與 告 禮 而 界諸 用 歲 實 以 取 具 不 未 部 不 之 聞 月 進 在 嚴 行 則 發 本 路 材 止 學 下 隨 則 所 部 監 孰 許 曉 之 道 隸 而 罪 有 任 司 臺 諭 士 陛 德 監 輕 覺 無 其 諫 下 明 司 重 察 均 責 + 聚學之家 聖 風 並立 而 被 件 其 必 聞 德 風 教 坐 事 罰 部 臣 美 俗 失 養 迹 或 欲 無 内 意 察 察 悉 全 申 赦 乞 有 之 益 訪 備 所 特 歸 尚 如 罪 成 純 昭 舉 書 仍 臣 降 學

十一月四日奉聖旨依。崇寧二年上。

逐 所 之南 致 刻 禁。 南 二十三人,言者遂有此 知 ,或在兹時乎 虚自兵部侍郎 府 石,凡九十有七,而先生於餘 八月,頒黨 先是,七月,既 可矣。 實 語 奉 四 行之。 方 不必及吾門也。」尹、張 學者 人姓名,下 除 先 Ħ 下元 顯 生於 謨 請 祐 各尊所 閣 是屏 監 學 後四 待 術 司 制 居 官爲 長 政 聞 日 伊 知 事 吏 行,行 見 范 第 闕 之 廳 河

元祐黨籍碑

百 夷 刑 /考罪狀 九 朏 人焉。 皇帝 元祐害政之臣,靡 第其首惡 嗣位之五年,旌 皇帝 書 而 與 刊 其 有 之石,置於文德殿 附 佚 别 麗 罰 淑 者 悪, 以 乃命 聞 明信 得 有 賞 司

> 不對揚 武 門之東壁, 空、尚書左僕射、兼門下侍郎臣蔡京謹書。 書之,將 遵制 休命,仰 揚 以 功 頒 永 之天 ,彰善癉 爲 承陛 萬 下。 世臣 下孝 悪 臣 子之戒。 悌 以 竊 繼 昭 惟 陛 述之志。 先 乃詔 烈。 下 聖 臣 臣 京 司 英 敢

韓 巖 劉 商 劉 鬼叟、蘇 維 摯、范: 英、蔣之奇 奉 、孫固 世、 文臣曾任宰臣、執 司 馬 范 轍、王存、鄭 純 光、文彦博、吕公著、吕大防、 純禮 、范百 仁、韓忠彦、曾布、梁 禄、胡 安 **燾**、 雍、傅 政官二十七人: 宗 陸 佃 愈、 堯俞、趙 黄 李 履、張 燾、王 清 臣

蘇軾、劉安世、范祖禹、朱光庭、姚曾任待制以上官四十九人:●

■「人」字原脱,據明刻本及下文補。

彦若、 紱 官 象 張 覿 汾 安 勔 均 范范 持 求 問 葉祖 韓 趙 葉 楊]1] 周 純 趙 錢 君 洽 粹、 畏、 濤 鼎 勰 錫 卨 顧 朱 吕 臨 郭 鄒 徐 李 馬 0 師 陶、 王 勣 浩 之 默 知 賈易、吕 服 欽 純 章 王古、 路 孔 陳 臣、 楊 次 昌 武 孫 孫 升 覺 仲 康 衡 希 豐稷、張 升、 或 純 董 謝 鮮 孔 龔 敦 李 文 曾 文 于 瓘 仲 原 逸 舜 肇 周 侁 民、 岑 王 朱 王 趙 吴

餘官一百七十七人:

宋保 安 涓 卞 余 杜 〈詩 純 爽 孫 李 或 秦觀 張 諤 歐 格 鄭 黄 陽 非 保 俠、 陳 隱 棐 源 黄 陳 郛 常 庭 畢 瓘 孔 劉 立 堅、 朱 仲 平 唐 任 光 程 游 仲、 老 晁 伯 裔 頤 補 常 王 湯 雨 蘇 之、 鞏 安 戫 唐 張 嘉 民、 義 張 司 吕 庭 問 龔 汪 耒 堅 馬 希 夬、 康 哲 衍 馬 余 吴

> 公 卿 傑 柴 平 韓 蘇 遜 極 甫 適 陳 葉 王 望 治 衰、 迥 祐 伸 口 曹 洪 王 周 李 高 王 曾 洪 都 檀 伯 虞 貫 公 賁、 李 吕 永 蓋 察、 貺 紆 徽 應 藥 防 茂 希 古 羽 朱 趙 楊 趙 直 績 秦 高 高 安 周 李 何 趙 **\$** 紘 琳 峋 信 希 大 誼 天 漸 祉 吴 吴 士 時 吴 蘇 受、 育 甫 之、 封 孫 佑、 處 儔 2 張 李深、李之儀 朋 昞 覺 厚、 郭 王 錢 張 琮 李 歐 鄧 夙 民、 葛 梁 、范 景 執 忠 箴 新 集 李 陽 鮮 安 茂 中、 祥 臣 積 中 胡 鹿 黄 柔 于 衡 宗、 或 中 立 端 石 綽 策 周 种 鈞 敏 中 修、 芳、 綍 求 王 劉 師 商 尹 吴 吕 鄧 范 兗 江 謂 極 倚 材 何 諒 安 金 公 Œ 李 考

- ■「卨」,原作「商」,據明刻本改。
- 「時」,原作「畸」,據《知不足齋叢書》本改

2

民、王 寶、倪 高 肇 洪 潛 溥 鼎 方 梅 大 行、彭醇、梁士能 正 林 苗、高 膚、葛 适 陳 芻 、許安修 、黄遷、莫侠、許 正 遵恪、黄才、曹盤 君俞、寇宗顔、張居、李脩 臣 心、許端 日日 陽、 直 劉 周 唐、 彦 孺、蔣津、王守、鄧元 勃 諤、 輝、宋壽 茂華、楊彦璋、廖正 劉 張 卿、 祖 劉吉 王 蕭 經 裕、陸表民、葉世英、謝 、梁 李 拯 國、 刓、 昭 一、黄 寬、 甫 岳 扈 堯 趙 玘、 侯 王 胡 安期 沈 鉞、 充、 輔、 一公彦、 潛 顯 向 干、 張 滕 楊 道 紃 董 曹 陳 恕、 友、 朏 逢 一、李 中、梁 祥 王 周 陳 師 興 宗、 江 陳 遵 胡 交、 純 察、 楊 錫 并、 道 洵 良、 熙、 于 張 鍾 羅 俊 懷

武臣二十五人:

王履、趙希夷、任濬、郭子旂、錢盛、趙張巽、李備、王獻可、胡田、馬諗、

李 希 李嘉亮、李珫、 德、王 愚、吴休復、崔 長 民、 劉延肇、姚雄 李冰、王 昌 一符、潘 庭 臣、 滋 李 高 吉 基 師 士 雄

内臣二十八人:

穆、蔡 居 張 倬、 燾、蘇舜民、楊**偁**、 琳、 簡、張怙 譚扆、竇鉞、趙約、黄 梁惟簡、陳衍、張士良、梁知新、李 裴 克 彦 明、王 臣、 李 化 偁、 基、 梁弼、 閻 王 道 守 陳 卿從、馮 一、鄧 懃、 恂、 世 王 張 昌 紱、李 説、曾 茂 則、 鄭

三珪、章惇。 爲臣不忠曾任宰臣二人:

崇寧三年六月丁巳,詔元符姦黨

- 「八」、《知不足齋叢書》本作「九」。
- 「怙」下、《知不足齋叢書》本有「王化臣」三字。

務 到 下二百有七人敘 又 如 三人,●尋以通直郎致仕。 通 畿 一,以 郎、依舊致 命蔡京 舊 爲 縣 元 星變,毀黨 前 祐 上 書 女好 親 先生於餘官爲第二 而 黨, 書 仕 頒之天下。 刻 凡三 復 碑。庚戌, 石 三月戊 于 有差,而 白 文德殿 有 戌,詔 九 五. 人, 劉 先 年 之東 等二十 忠 生 黨 正月乙 而 復 肅 先 壁 許 承 以 生

衰,尚 授。 家,年七十 尹焞、張繹。 或以 時《易傳》 覬 有 爲 少 有 請 大觀 進 Ŧi. 先 成書 爾 。」其後 元 生 已久,學者 年九月庚午,卒于 日 : 自 寢疾,始 量 莫 精 以 得 力 授 未 傳

所 而 日 一:「道 學,正 先生没。 初, 著用,便不是。」其人未出 疾 今 革 洛人畏黨,無敢會葬,致詞 日 要 門 用 進 先生 日 :「先生 力疾 微 寝門 平 視, H

> 以 也。 乙夜, 蓋 者, 畏 惟 黨禍 有素 張 繹 故 衣 晚 白 尹 出 馬 焞 云。 至者 范 域、 視之 孟 邵 厚 溥 几

+ 中 冠襟 於 悉 《孝經》以追薦,皆無 宜 誠,其 通 事 餘 年 莊 力 簡易,不爲矯 老,左 營 必 無 口 和静 於言動、事 重 _ 0 所 辨 整 又曰: 有 不能 尹氏 細 右 體。 食雖 致 事 0 日 必 養 「先生於書 異,不爲 爲 或 :「先生之學,本于 簡儉,蔬 親 無 説 之間,處之有常, 瞻 此事。 違 匍 給 匐 狷 以家事自 飯 内 以 無 介, 衣 必潔。 外 所不 弔 雖 寬猛 親 喪, 紬 太 誦 合 疏 至

事 必 謝 不動 氏 日 聲 色, 「伊 指 ĵ۱۱ 顧 才大,以 而 集。」 之 或 處 日 大

0

紛 未 猶 梗 復 鹽 增 歸 多費 生聞 鐵 日 司 子 言若是, 紛 概 馬 可 祖 可 必倍矣。 解 不 易洩,人人得食,無 公上,非國家之大利乎?』又 矣。」 不 輕 宗之舊, 以 温公既相,薦 鹽之直者 少、盜鑄者息、民不敢盜鑄、 之,曰:『此 輸 將累人 伊 能 改 有 母 川守正則盡 何也?」 定。 有 也。』公不然之,既改,數 行 增價則反是。」已而 謂 議 也。」 矣。 伊 無 ,伊川先生日 由 更 ĴΠ 乃 利 是觀之,亦可以 以 謝 及 使韓 伊 日 國家之大利也 也 銅 氏 温 إارّ ,通變不足,子之 遂 積 者, 日 公大變熙、豐, 而 富當國時,吾 役法當討 而 :「陝右 起之。 止 已 不售者,歲 而 「價 伊 會 果然。 伊 見其 有 平 則]1] 錢 所 論 年 ĴΠ 以 則 權 先 利

罷元祐學術政事及黨禁指揮

事及元祐黨籍指揮更不施行。靖康元年。 二月壬寅,三省同奉聖旨,元祐學術政

靖康元年正月,金人犯闕。二月

年矣。

壬寅,

遂有

此命,

時

伊川

先生卒二十

道命録卷第二

道命録卷第二

紹興襃贈伊川先生制詞

德 妙 者 不 列則 之 事 違 説 道 章 朕 勑 曲 者 以 惟 故 句 學 趨 唐 左 四 不 孰 利 衰 通 世 從 習 直 聖 捨己 者 而 訓 郎 人 又 聽 傳 之道 崇 一以爲 從 之? 政 而 自 殿 人, 排 不 得 間 説 得 陷 於 其欲 有 書 之,卒 其 正 老 程 傳 聞 心 頤 師 誠 使 世 大 義道 意 流 之 儒 之 離 學

帷 居 洛 則 師 阚 拂 頤 則 心 潛 逆旨 子 心 弟 大業 從之,孝 務引 無 君 待 以 弟 當 而 忠 興 道 者 由 及 也 其 谁 内 侍 方 以 講 退

+

有

Ŧi.

年

矣

其

門

人高

弟

往

往

進

爲

顛

仆

其

禍

賊

於

斯

文

甚

矣

文采 外 之 察 風 示 學,可 恬 其 示 而 嚴 外, 疾 默 不 之,是 足表 IE 信 中 以 實 所 不 中 見 重 疑 已 實 奔 於 不 爲 競 口 世 幸焉 僻 而 而 外 浮 逆 乃 所 僞 遂 示 竊 未 之 朴 使 其 徒 爲 魯 天 名 自 下 以 中 則 知 之 自 實 高 其 士 售。 女好 明 學 聞 自 問 外 其 得

尚 顯 之 其 賢 者 襃 孫 龔 畢 明 政 朕 贈 將 夬、 事 錫 靈 卿 以 張 紹 仕 自 以 知享 張 等 明 八 守、 興 渡 攢 郎 舜 宜 上之 月 元 晟 江 書 此 秦 民 爲 年 後, 赴 遂 哉 此 檜 寵 朕 所 七 行 贈 ! 日 朝 留 與 以 月 在 先 几 : 廷 意 延 口 在 生 高 次 閣 黨 特 先 名 直 此 宗 程 籍 第 0 贈 德 生 龍 而 皇 襃 直 所 頤 至 之 尤 圖 不 帝 贈 龍 今 以 殁 著 任 閣 在 諭 啚 追 元 振 伯 彼 閣 宜 參 祐 至 贈 耀 召 雨 也 是 其 即 諸 未 知 襃

售 時 者 用 故 致 制 位 詞 通 及 顯 而 亦 有 妄 託 其 名 以 自

録用伊川先生子孫勑黄

堂 端 件 書省 本 即 省 興 請 右 + 弟 札 彦之子,見 指 無 大 + 承 澤 暘 夫、 送 九 子 與 揮 年 行 直 到 補 H 粘 在 川 即 於文資 郎 特 直 吏 是 尚 月 連 奉 未 與 龍 何 桐 部 書 在 聖旨 今白身,欲乞將 曾 本 圖 盧 名 狀 前 吏 + 内 陳 家 閣 縣 部 目之文 九 安 合 乞,今有堂 恩 程 **\$** 承 程 : H 排 申 澤 都 頤 程 暘 勑 準 取 省 易 與 係 名。 尚 所 又 朝 付 陳 補 元 中 書 緣 有 廷 上 下遂 工弟 暘, 乞 將 祐 書 左 本 件 指 元 元 仕 門 黨 選 家 降 恩 得 故 揮 安 郎 籍 下 關 0 係 指 澤 自 祖 軍 其 資 奏 故 几 揮 被 承 贈 繳 月 真 補 尚 内 叔 都 朝 紹

> 揮 到 合 札 行 子 奉 令尚 勑 書 補 省 將 毁 仕 抹 郎 今 來 本 人 依 上 件

端 彦 徙 政 知 六安 彦之子暘 郎 寓 會州 嫡 居 軍 康 也 池 之難 0 司 州 遂 金 以 户 0 補 人人寇, 參 太 先 伊 迪 中 軍 生二]] 功 ·公任 先 郎 至 一子,長 生 死 是 入官, 諸 其 襃 官 孫 端 録 避 仕 黨 中 次 狄 至 從 流 故

朱内翰論孔孟之學傳於二程

直 學 士 給 院 事 朱 中、 震 兼 侍 講、 兼資 善 堂 翊 兼 權

學 子 西 者 思 洛 負 傳 臣 程 笈 孟 竊 顥 謂 子 摳 程 孔 衣 孟 子之道 頤 子之後 親 傳 承 其 其 傳 道 無 教,散 曾子 於 傳 千 焉 之 有 曾 四 餘 至 子 方 歲 于 傳 之 本 子 或隱 後 朝 思

二六

舉 郎 名 郡 通 時 或 今存 家 致 顯 見 在 亦 日 被 黨 仕 諸 有 游 莫 流落台 害。 籍 三子 子 酢 能 著 世 補 盡 仕 于 禄 時 紀 子 州 子克 石 宦 晚 渡 刻 酢 遇 貧 其 閩 獨 仕 己,逢巨 靖 窶 終 高 良 至 死 康 身不 弟 佐 監 身 於 日 建 終 察 瘴 遇。 賊 謝 朝 炎 於 御 癘 夕 良 之 於 監 史,出 雖 不 德 間 佐 竹 以 給 一子克 安府, 木 朝 致 典 奉 位 州 楊

官 最 道 食 道 其 爲 學,舉 禄 之 者 子 不 竊 實。 克念 幸。 陛 見 世 黨 下 莫及,又遭 使 伏 取 籍 皆 進 望 諸 寵 奉 止 許 人 良 之以 及 依 佐 禁錮 黨 上 之祀 官 書 人 而 人上 得 良 以 死, 罪 佐 昭 書 一之賢 諸 人 陛 後 人 子 下 例, 衰 尊 親 無 特 德 傳 人

迪 功 郎 Ŧi. 月二 紹 **汕興六年** + 四 上 日 奉 聖 旨 謝 克 念 特 補 右

自慶曆末年,二程先生侍官南安,

先 諸 成 六 然 聞 生 行 經 家 有 濂 , 亦 尊 求 而 溪 以 後 周 道 出 南北之 得之。 其 先 之 人 學傳授 於老 生 志 論 士: 而 逮 道 釋者 從 未 于 熙、 游 遂 關 知 幾十 豐 者 厭 其 西 甚 間 科 要。 年 衆 舉 之業 反 先 泛 而 求 濫 横 生 德 渠 於 慨

景 書 中 竹 + 光 元 夫、今龍 侯 庭 省 劉 衡 承 木 給 仲 務 公掞 少 絢 正 伊 字 質 謝 先生之門 良 事 圖 、東部 吕 夫、 良 師 殿 閣 中 大 聖。 佐 劉 校 直 中 臨 顯 侍 安 尚 學 書 與 伊 道 上 土 書 御 郎 叔、 111 致 李 史 邢 元 監 前 之門 禮 馬 仕 籲 恕 起 察 有 伸 楊 端 和 故 居 尚 御 時 時 伯 叔 郎 給 史 書 中 中 後 劉 游 太 右 監 事 立 或 安 有 學 酢 中 派 西 許 節 子 京 博 秘 定 河 朱

作 康 忱 伯 仲、 祭 字 中 士 前 道 士 河 喻 郎 朱 侯 范 周 秘 南 、新除崇政 酒李朴先之、右 臨 京 學《春 沖元 行己 樗 張 震 書丞 張 兆府 其 汝 子 九 子發、通 繹 馮 顯 一恭叔、 才、 成子韶、秘 長、 唐 思 路 秋 者 理 棣彦思、今著作郎 殿 叔 提 聖先、 影於 臨 也 高 講書 判 徽猷 刑郭 安 孟 閌 伊 興 府學 徽 諫議大夫李 抑 厚 永 111 化 書 閣 忠孝立之、太學 尹焞彦明、侍 猷 、崇 。皆 敦 嘉 郎 待制 劉 而 教授 閣 夫、 鮑 蕭 子 不 待 及 若 慕其 暈 吴給敦仁、 振 暢 周 制 德起、 見, 彦 雨 大隱 孚先 處 胡 王 (學馬。 沖、 商 給 蘋 安 讀 遯 霖 正 著 伯 學 信 潛 博 事 或 嘉

指 之學 趙 以 忠 爲 簡 獨 自 當 盛 詞 弱 國,奏行 於 河 而 東 陷 邪説起矣。 南, 没 之。 故 而 朱 楊、 自是,不樂者反 内翰之言云爾 游、 謝 三先生

陳公輔論伊川之學惑亂天下乞屏絶

左司諫陳公輔奏:

是時, 以 彰 祐 夫所 私 夫靡靡 人同己。 否,未嘗 後, 天 黨 以 尚 前 臣 下 王 是 故 嘗 尚 互 風 風 朝 安石之學著爲 非 士 蔡京因之,挾紹述之説,於是士 同 謂 爲朋 俗以之,此不 俗 廷 大夫以 明, 而 朝 贵 尚大公之道,不營私 廷 風 毁譽公, 比 有 所 俗 遂至 尚 氣節 尚 壞 同 矣 定論,自 之弊哉 善惡 士 於 相 可 大 雷 不 高 夫 同 慎 自 以 因 荷 也 分, 成 議 合 之; 一家, 意,不 自 賢否 論 或 彻 熙、 士 相 朝 大 使 豐 自 當 植 大 嘉 口

惟陛下天資聰明,聖學高妙,將以痛革

❶ 「正」,原作「止」,據明刻本、《永樂大典》本改

之説 非 文 鱪 喻 謂 競 之 軻 積 臣 傳 北 弊 堯 利 也 日 舜 頤 不 : 謂 變 飾 伊 日 文武 能 詐 之 天 頤 111 此 上 伊 下 沽 之 死 之 伊 此 體 名之 尚 111 道 無 行 111 伊 聖 學 同 傳 之 傳]1] 明 徒 之 則 之 焉 相 文 之 俗 爲 X 仲 翕 率 也 行 賢 0 復 然 甚 狂 尼 而 也 士 胥 從 輙 言 盛 幅 0 仲 以 大 效 之。 舉 怪 巾 尼 能 私 夫, 也 語 大 傳 但 師 是 意 袖 爲 捨 淫 伊 以 取 然 大言 孟 説 此 111 高 趨 程 在 軻 皆 之 鄙 視 時 頤 庭

訓 弊 有 至 惑 離 萬 如 令學 亂 # 世 臣 蔡京之紹 異 謂 天 無 下 俗 使 非 之行 後 師 頤 中 世 焉 尚 述 庸 在 矣 在 非 且 學者 非 能 獨 將 H. 誉 有 T 聖 見 允蹈 甚 或 私 淺 人 高 家 黨 之 俗 道 難 事 僻 而 復 行 乎 陋 E 有 凡 之 之習 ? 所 尚 説 以 冒 取 之 非 終 頤 垂

伏望聖慈特加睿斷,察群臣中有爲此

俗 之 學 而 以 遂 自 星 後 急 自 成 所 此 明 明 學者 相 者 是 詔 雷 治 長 性 師 皆 同 天 而 天 理 但 成 伏 知 下 下 折 能 自 風 或 惟 復 中 使 以 參 得 家 焉 陛 祖 天 皷 聖 考 宗 下 下 扇 無 人 惟 衆 故 留 之 知 之 士 乎 不 説 以 時 神 朝 背 道 類 不 聽 此 廷 研 者 乃 聖 著 口 之。 修 所 今 人之 矣。 窮 在 身 皆 尚 至 日 方 取 屏 者 之 意 以 理 毋 册 進 絶 務 如 執 此 11: 則 各 炳 若 此 事 道 以 如 説 術 緩 風 己 H

朕 用 意 0 當 臣 以 僚 孔 紹興 月 所 孟 奏 六 爲 年 + 深 師 六 用 日 庶 憮 幾 奉 然 言 聖 行 口 当 布 相 中 稱 士 外 大 口 使 夫 濟 時 之 知

其 以 督 靖 次 軍 康 收 于 先 外 是 中 用 爲 趙 而 言 范 忠 忠 官 侍 簡 簡 讀 秉 與 有 大 政 張 聲 薦 干 忠 故 公 獻 中 也 輔 刘小 于 相 公 時 輔 善 忠 以 獻 類 人

罷 學 諸 引 沖 懼 女好 榜 之名 下 公進 劾 逐 耿 對 除 爲 復 揭 ··, 見 忠簡 本 臣 也 鉉 左 首 口 0 世 皆 批 。,張 非 自 呈,有旨 等 司 令安 之 上 鼓 論 是日,公輔 至 大 旨 相 忠簡 相 此 諫 八人伏 求 通 公命檢會紹 王 倡 是,僅 /禁者 知 繼 日 職 始。 去, 一安石 衢 諸 : 補 既 求 沖 然 毋得 生 因 押 又二 外 闕 公輔 + ... 而 去。 學術之誤。 赴 上 + 再 不 年 上 薦 乃 此 再 上 紹 有 自 日 知 書, 相 而 朕 臣 後六 指 興三年 請 疏 疏 興 崇 復禁。 榜 五. 所 有 公 乞 忠 臣 言: 府 年 寧 中 違言, 親 日 輔 於是 簡 實 留 張 聽 後 所謂 擢 後 靖 ·禁止 公批 無 也 罷 忠 平 讀 0 康 公 伊 范 意 江 非 臣 簡 日 公 旨 伏 初 侍 與 兹 進 輔 111 靖 聽 由 之 張 范 闕 之 乃 讀 薦 行 輔 讀 康 張 士 大 遂

周秘劾董令升沮格詔令

侍御史周秘奏:

肆 令爲 發。 部 此 論 朝 風 天 其 下 廷 俗 ! 列 權 郎 之人 幾爲 略 是 其 [X] 臣 若 侍 特 官 意 其 也 竊 愎 不 郎 欲 降聖旨 之變。 猶 前 0 朋 見 ·斥之於早,臣 董 沮 遵 蓋 附 不 昨 使 弅 格 故 以 弅 之 者 之同 一, 且. 獨 詔 例 陛 罪 素 前 在 難 令, 下 無 H 廷之 使布 己, 遍 己 之, 灼 所 士 牒 無 極 恐 行 行 見 士 戒 臣 告 所 所 寬 陰 爲 其 大 中外 以 諭 躐 屬 忌 容 邪 弊 非 夫 曹 躋 憚 害 靡 家 而 吏 而 乃 侍 而 政 然從之, 之 弅 中 從 無 命 因 今 猶 學 至 得 書 下 臣 無 日 誘 於 敢 禮 命 舍 僚 所 印

❶ 「下」,原作「不」,據明刻本、《永樂大典》本改

不至。

私 慢令者之戒。 臣 愚 欲望睿 取 斷 進止 將 弅 速 賜 罷 朏 以 爲 懷

提舉 許, 罷。 不 格 見 郎 員 IE 求 可 董 外 月 詔 曰 : 江 長 張 對。 郎、 介 陳 九日, **令**, 州 丞 公輔之奏録 令升曰: 可 兼權 太平觀 秘 贵 相 次 與外任 遂 奉聖旨, Ш 非 尋 郎 聞 上 告 奏 免謝 中 此 除 許 少少 黄 即 奏。 董 次 黄 張 次 董 申 俟之。」令升 辭 弅 公意 Ш 下 御 Ш 介 又二 者 起 禮 欲 史臺,謂 除 紹 甚 居 乎 部, 鏤 興 集 ? 日 沮 郎 七 板 英 年 而 遂除 上 此 以 殿 **令** 權 弅 吏 升 己 風 不 沮 侍 部 修

吕安老論君子小人之中庸

尚書吏部侍郎、都督府參贊軍事口

祉奏:

傳 接 上所 問 於所 傳播 奏,深 子 易 爲 武 也 則 師 》,作《春秋》, 教 中 向 於 見於《論 有 臣 臣 庶幾言 用 下 庸》 竊 時 伏讀聖旨: 憮然, 道 識 惟 所 與 術 交 何 孔 學,鴻 七 裂 語 行相 | 當 賀, 布 子 篇之書具 **%**0 而 明《 不 告 以 删 復 稱 由 「士大夫之學, 儒 凡學孔 禮 謂 中 合矣。 ^ 詩》, 此 碩 可濟 **>**′ ≪ 聖 外, 學,端 道 存。 有 《樂》, 使 贵 子, 時用。 序《 謨 知 亮宏 訓 自 待 無 與門 書》, 朕 漢 如 程 學 意 宜 覽 子 偉之士, 至 頤 弟子 者 臣 以 繋《 . 思、孟 本 而 中 僚 孔 不 朝 後 答 周 迷 外 孟 所

次

Ш

湖

南

提

刑

者 笑。 交結權 不爲。 所 者 更相 篇 近 朝 躋 也。」其惡直醜 小 庸 此 中 也 聞 士。 要近 也 類 王 庸 (見靖 此 處 汲 臣 口 非有守之士,考其素 君 爲 氏 皆 一、名動 引,以 中 廉 勢,取程頤 朋 有李處廉者,知瑞 謂 子 入德之 之學,非 非 庸 詳 比 子 犯 康 切 而 學之謬,乃學者之罪 人己 思 者 程 以 理 列于 時 也, 所 正 交 來 頤之學, 時 要。 中。 贓 謂 其 然 口 文 意 吾 欲 朝 繋獄 小 學 并雜 有 稱 肆 徒 程 中 欲慕之,遂變 人 稍 則 君 譽 擠 也 大抵宗子 頤 庸 之中 子之中 傳, 説刊 罪 排 日 安縣 之 謂 **>** 一: 行, 當當 號 日 其 所 則 庸 處 板 棄 蓋 爲 徒 得 爲之説 專 庸,有 廉 作 市 也。 思《中 伊 伊 而 小 楊 君 也 事 學 帙, 巾]]] Ĭη 無 遠 時 子 伊 貨 易 之 所 之學 之學 臣 遍 忌 輩 之中 小 近 近 日][[服 僚 憚 遺 傳 世

> 舊學,一 僚 育之意,不勝幸 所 欲望聖慈特降睿旨,將 論 而 出 不 爲 榜於諸 近 甚 世 路 ! 小 州 人之所習, 取 學學舍,使學者皆 進止 前 日 聖旨指 以 副 揮 神

臣

知

樂

IE

月二

+

五

日,奉聖旨依

紹

興

七年

Ė

者 之勢方盛 口 安老在 以 安 陳 (老,張 難 公輔 建康首上此奏。❶ 9 之奏 朱 公客 内 (既行, 翰等皆 也, 乃 吏部 抗 憚之,不敢 先是,時 章論 侍 郎 此 公 日 議 出 輔 祉

^{1 「}社」,原作「社」,據明刻本、《永樂大典》本及前文改

² 此 之。」此後下 廉 處 者 疑 知 有脱文、《永樂大典》本作「先是,右 温 接「時公輔之勢方盛」句 州 瑞安縣 以以 贓 罪 爲 監司 所 按 宣 故 一教 安老及 郎 李

胡

文

定

公乞

封

爵

邵

張

程

先

生

列

于

從

祀

徽猷閣待制、提舉江州太平觀胡安

國奏:

青 竊 祠 官 臣 柵 忝 隆 苟 預 厚之恩 有 從 見 臣 聞 職 自 當 當 次 論 對 奏 雖 庶 嬰 逃 疾 尸 疹, 素之 尚

世 之才 奏: 爲 布 世 政 一之真 之逸 當 言 超居 伏 或 頤 有 必 民。 見元 儒 道 制 忠 急 講 也 信 禮 德 乞加 於 筵。 祐之初 作 純 得 頤 動 樂 備 之見知 詔 遵 而 、之具。 禮 學 臺 命 首 宰 義 問 諫 擢 薦 臣 於當 淵 臣 寔 實 河 以 司 博 天 僚 南 馬 儒 不 世 民 次 者 處 光 朱 有 至 之先 之 士 光 矣 經 吕 程 高 庭 天 遂 公著 覺 蹈 頤 等 緯 自 聖 又 韋 聖 以 地 秉

> 繩 不 去 雖 也 所 崇 口 以 獨 進 遏 及 寧 積 出 退 當 間 也 其 諸 必 官 曲 誠 儒 合 而 加 意 之表。 乎 禁 行 義 感 防 舉 通 門 學 動 其 聖 者 人 修 必 心 向 高 身 由 者 弟 平 行 古 禮 法 莫 私 不 相 獲 規 奉 口 繼 傳 身 矩 得 焉 進 而 聞

真 既 稍 節 而 失 進 僞 其 舍人許景衡 之 用 河 間 其 後 志 蔽 洛之學 於是 頤 於 淫 之門 利 邪 傳 禄 幾 遁 者 殿 人 者 絶 之 院 浸 如 託 矣 辭 廣 馬 諫 紛 其 伸 議 然淆 士 説 楊 待 大 以 時、右 亂 夫 制 自 争 吴 莫 售 給 相 能 史 等 淬 傳 劉 别 礪 者 稍 其 安

滿 言 口 伊 門,人人傳寫 謂 III 矣 壬子 孤 伊 立 ĴΠ 年, 臣 之 而 語 學 臣 以 之日 近 耳 嘗 爲 日 至行 盛 納 盛 行 \Box 伊 行 出 闕 何 111 士 , 之學 也 而 有 大 ? 以 教 夫 不 爲 授 贵 將 絶 盛 仲 以 轉 乎? 如 其 并 而 綫 説 者

自

頤

之司

勸

講

不

爲

辨

辭

解釋

文

借 況 古 樗 互 高 卻 王 有 自 , 0 樗 信 相 弟 人 居 皆 * ...是 等曷 之 大 排 謝 識 之 正 進 又 服 擊 益 命 用 者 良 而 儒 爲 體 其 甚 佐 稱 有憂之。 樗 冠者 者 焉 辭 嘆 此 真 游 夫 也 日 者 起矣。 其 以 酢 西 1 : 或者又言 人也 伊 洛 楊 故 士 乃 頃]1[淵 大 樗 時 乃乃不 窮 門 敢 源 諸 之 夫 人妄 託 西 改 所 古 洛 人 於 非 見 學 官 自 尚 之 詞 人 知 各 淵 難言 大 標 人 伊 命 妄加 分 體 館 榜 源 11 近 黨 之, 門 雖 遂 舍 臣 如 與 襃 其 見 人 亦 喻 而

詆 大 而 Ħ 用 M 消 乃 傳 見 元 無 上 聞 祐 紹 河 以 2 興 及 夫 洛 屈 既 於 有 朱 五 之 服 己 震 年 伊 爲 學者,又多 士人之心。 習熟, 等。 伊][[省 洛之學者 0 試舉人, 安 考試 臣 竊 於 失 以 蓋 故 其 其 爲 從 經 衆 説 皆 本 過 都 於 論 欲 不 真 矣。 堂 新 洶 屏 肯 分。妄 學 陳 洶 絶 遽 者 乞, 其 夫 自 深 變 徒 9 聖 尊 耳 加 不

自

禁 之書資 學 弟始 之 不 濟 而 夫之學,宜 上 則 高 一之道 下 使 而 至 人 傳 或 難 時 不 矣。 ·, 析 謂 久 用 至 發 論 行 0 得 矣 也。 明 П 高 所 之説 也 爲二 從 耳 自 此 今 之,然後 明 以 以 取 頤 欲 不 亦 所 然 頤 孔 途, 離 垂 之學,是 以 然, 使學 不易之至 中 世資 兄弟 孟 訓 世 處 而 庸 其 則 爲 異 萬 己, 者 其 之義 以 義 始 或 師 俗之行。」 世 蹈 義 人 干 發 中 口 以 論 室 庶 愈 不 無 中 利 明 庸 思 六 也 幾言 明 庸 Ź, 非 而 禄 不 經 所 而 明 久 中 以 不 得 此 愈 師 然 而 矣, 庸 矣。 行 接 由 也 語 孔 誠 不 後 孔 相 户 物, 得 自 其 非 孟 不 也 孟 士 稱 不 **念孟** 其 道 之 本 頤 有 口 , 不 道 門 易 而 兄 甚 口 口

² 0 加 加 原 原 作 作 如 知 據明 明 刻 刻 本 本、《 同 永樂大典 據 知 不 足 本 齋 改

狀改 永樂大典》本、 朱熹 伊 洛 淵 源 録 卷 四 附 叢 胡 安 書 或 本、 奉

三四四

亦誤乎?

兄 其 旨 聖 巾 必 義 怪 體 行己 大 不 人 用 則 則 而 袖 顧 之大用 之 夫頭 孝 淫 知 高 接 也 介 弟 説 求 物 之文,於《易》 源 視 不 顯 鄙 仁 ; 其 闊 於 喻, 以 則 之方,人 於諸 於《 餘 步 家 忠 取 則 春 豊 贵 龃 庭 誠 經 亦 ; 秋 諸 其 動 其 與 德之序 其 則 文 於 語 行 人 則 辭 因 也 州 × 見 同 雖 也 受 理 哉 ^ 里; 哉 諸 爾 禄 孟 取 以 ? 之千 然 明 > 行 捨 其 則 然 則 頤 象 事 事 非 發 鍾 之行 則 狂 親 其 其 而 而 言 道 幅 有 從 微 知 知

光 卿 載 來 Ш 、吕公著、 之 大 西 夫 餓 昔 几 都 者 之所 人者 夫、 有 伯 邵 東 韓 欽 皆 夷 或 雍 絳 慕 以 之 柳 程 吕 道 而 朏 下 顥 大 師 學、 惠之 臣 及 尊 防等皆 爾 德 其 之 賢 行 弟 者 本 名 頤 微 朝 論 也 於 仲 薦 自 歸 當 尼 如 之。 嘉 中 世 司 有 祐 則 會 馬 張 以 西

> 於 語 卷 蒙 今 有 王 世 存 書 雍 安 西 顥 石 **>** 所 Ш 於 而 雖 著有 東 當 傳 世 + 未 路, 國 者 者 七 及 多 一之賢 皇 甚 篇 著 重 失其 多, 極 以 述, 頤 經 蔡 而 又 真 有 世 而 京 其 有 《易》、《春 門 書》六十 得 道 書、 弟 政 不 子 疏 行 曲 質 卷 銘、 秋 深 加 疑 載 排 口 答 傳 詩 惜 抑 有 問 並立 彻 之 + 正 行 故

天 尼、 仍 伐 荀 施 故 下之道 罪之時 詔 行 事 孟 楊 館 臣 便 之 子之道 以 閣 愚 於 列 此 術定 裒 欲 學 猶 几 集 望 以 者 有 贵 四 陛 使 見 傳 崇 加 人之遺 下 邪 聖 日 習 儒 之 特 説 朝 小 封 重 羽 降 者 補 雖 道 號 書,委 翼 當 指 之 不 哉 得 尊 禁 載 六 揮 德 經 乘 官 暴 在 下 間 校 樂 誅 祀 以 取 禮 義 亂 典 而 正 進 推 官 之意 作 止 尊 取 奉 比 討 仲 而 辭 於 論

檜 並立 相 紹 瓸 秦 改 欲 元 傾 之 吕 秋 而 吕 奪 頤 之柄 浩 元 乃 直 託 與 秦 内

公以 省 兼 爲 不進 大喜 黨 於是,給事中程 方。 講 于 外 修 一,置修 侍 同 可 朝 政 空。 過平江 失職求去,乃 讀 都 也 廷。 吕 事 復還 督。 命 至常州, 覺 然黨 外 政 首召 之, 行 檢 局 攘 而 胡 在 魁 太常 正 欲 公駁 ,朱、吕繼 夷狄之名, 胡 自 會其 瑀等二十人皆罷 在 黄 盡 文定爲 領之。 召 瑣 席 落 龜 之,改提 去 朱 後 闥 益 職 年 秦 軍 丞 ,當先去之。」吕 語之日 奉 免。 書 所 給 多引 相 叛去,乃引 俾 . 祠 讀 引, 事 舉 於 吕 行 旋被 中 望 萬 紹 督 未 下。 一目 去,臺 興 壽 得 軍 兼 斥。 觀 胡 疾 其 侍 聚 于

院 忠 夏 四 獻 拒 自 月 四 賊 年 9 責 兵, 張公出行 秋 籍 傷 卻 中 之。 齊入寇,趙 以 邊。 趙公薦 Ŧī. 年春, 五月, 忠 除 簡 張 建 知 相 公 儲 樞 相 制 密 張

> 以 相 齊 諸 神、 衡 内 陳 州 崇、觀之黨決 下。 七 用 伊 趙公每言於上 之學,士大夫翕然鄉之,然趙公實 所薦 翰 爲 ĬΙΙ 年三月,有旨,召文定赴行 再入寇,趙公懼,議棄淮 于上前 人之罪,張公又不然之。 哲 聞 陳 不 在 自 張公之門多 兩 故 而 公 經 可,力戰卻 ,習聞紹述之論 是,二 朝《實録 有 非之,遂 筵,不 輔 僞 二公所 遂 一公始 不可合。 一前 稱 上 敢 才 河 疏 》,明著 上此 之。 謂元 諫 有違言。 操浸異 吏,趙 南 5、乞禁 門 十二月,趙公免 祐之人 ,數以 奏,然 胡 而 人者, 王 公亦 伊 公 守江。 張 氏 六年冬, 僞 在 時 公本]1[趙 趙 孝弟之説 未 及章、 與 不樂之。 亦 公改 奉 學。 尊 達 紹聖、 張公 祠 黄 伊 不 也。 居 蔡 修 英 朱 進 識 Jil

初,趙公既去位,張公復引秦丞相

疾 文定 行。 讀 師。 復 命 修」,疏交上。 史石公揆 爲 (, 委 潭 提 召之。 文 樞 可 舉 之奏 定 有旨, 張公既 密 與 太 使 春 州 便 共 平. 至 張公既 秋 郡 守 胡 一、公輔 觀 劾 秦 以 傳 臣 公 胡 陽 有旨 事 除 **>** 除 公 以 成 爲 批 不 知 乃 禮 提 柔 旨 學 己 永 朱 與 胡 舉 佞 津 矣 出 州 術 中 内 安 萬 遣 會 頗 翰 派 或 形 壽 胡 僻 周 切 乞 累 用 往 於 公力 觀 行 秘 嘉 無 金 上 言 淮 獎 所 章 字 侍 兼 西 義 辭 異 引 御 搋 侍 乃 不 而 視

尹和静以師程學之久辭經筵

和静處士尹焞狀:

有 爲 此 竊 學 見 臣 鼓 僚 扇 士 言 類 : 者 程 皆 頤 屏 之 絶 學 之, 惑 亂 明 天 詔 下 天

> 之公議 聰。 於 專 之增,精 濫 下 0 師 列 自 焞 者 經 焞 信 雖 筵 實 神 捨 益 不 甚 師 衰耗 其 其 篤 惟 愚 程 所 無 所 自 頤 決 敢 學 敷 以 之 壯 偷 繹 不 發 學 至 能 明 僻 欺 老, 時 垂 支持前 經旨 君 陋 之 居 之言, 父? 顯 之 + 榮 又 甚 淮 年 不 且. 安 加 亦 仰 以 不 學 顧 惑 過 之 疾 使 几 聖 既 方 聞 煌 病

醫,免使道 指 揮 伏 紹 望 興 朝 塗,填 七 廷 年 四 特 月 委溝 賜 上 敷 壑,不 奏 許令自 勝 幸 甚 便, 訪 伏 藥 候 尋

識 安 舜 户 京 密 國 擢 部 院 徒 師 尚 先 康 事 先 户 侯 書 薦 是 會 部 生 韋 以 孫 侍 靖 不 先 城 傅 爲 郎 生 欲 康 不 伯 未 學 邵 留 元 野 副 果 溥 行 年 賜 求 召 澤 秋 御 口 賢 號 民 史 种 備 虜 和 中 中 勸 師 意 陷 書 派 静 講 道 河 乞 吕 處 舍 同 南 特 好 士 X 召 知 先 問 胡 加 至 楅

見 奔蜀 生 朝 厚禮聘之。 妻子 安 0 己 Ш 而 皆 谷 張 自 死 中 忠 先生 閬之涪 于 獻 劉 賊 爲宣 逃 豫 依其子 去, 僭 先 撫 生 立 夜 處 , 命 死 置 涉 婿 而 渭 使 僞 以 復蘇 川 招 帥 居 趙 間 與 彬 竄 相 道

崇政 之。 之行 月 恐 州 議 雖 在 長 7,范元 員 非 知知 奏先 寓 先生 范侍 殿 有 本 紹 州事 有旨, 以 説 動 生 司 興 州 禮 長 合 講 書 再 文 川 李贍 誠 除 獨 津 召赴 辭。 移 年 又奏,乞令夔路 ,令宣撫 規 徽 明 遣 處 春,趙公、張公並 口 矩 之學 0 猷 申宣撫 有旨 致。 行 閣 權 室 舉 在 司 待 宣 乞自 以 實 邦人莫見其 授 加 司 制 撫 宣 代 有 禮 右 云:「尹 副 使 撫 兼 淵 臣 漕 敦 宣 使 司 侍 司 源 遣 教 臣 允 邵 專 劄 講 相。 ; ,赴行 一員, 郎 處 愜 溥 差 直 下 面 從 官 充 涪 方 元 Ŧi.

> 往 人,給中金 令本路 一涪州敦 帥 遣 漕 Ŧi. 0 司 白 仍差撥 敦 兩 遣 爲 行 舟船及兵士二十 皆從之。 費 (),俟至 荆

其所學 張公耻 之命 先 公免 見 賜 伊 臣 江 公罷,趙公復相 金 州 生至國門,力辭 疾 Ĵη 帛 速 ,以病少留。 學,張公從之。 先生又辭, 相 六 所養 之,乃 以 年 元 至是,復引 命 禮 九 趙 長 敦 有 月 顯 公 繼 遣。 , 大 薦 先 , 先生猶 罷 凡二十狀,不允,乃受 存 過 先 先已七上章,辭説 新命,詔不允。 生 程學爲言,乞自 問 有旨,依奏。 生 七年二月, 離 人者,乞令江 諫 慰 避 涪。 官 以 勞 僞之節, 且 疾丐 陳公輔乞 十二月, 須 病 免。 先 九月, 愈 會張 州守 生 便。 至 禁 趙 書

「間」,原作「問」,據《永樂大典》本改

0

學,不敢以有他。」先生不得辭,遂就 卿久矣,知卿之從伊川也。 職,時年六十有七矣。 既對,又辭于上前。上曰:「朕渴 俟卿 以講

道命録卷第三

道命録卷第四

尹和静辭免待制侍講劄子

輕 陛 避 芥 上 下 可 久,五遷名秩,率皆清 之大倫 以 賤 謂 乎? 再 下 條 假 微 盡 赦 臣 列 一之瀆 人? 聞 其 報 禮 懇 固 臣 君 愚 矣。 施 請 自 無 使臣 重 之道 使 深 足 辭 臣 悃 陳 慮 畢 道 免 以禮 敢 幅 當 也。 其 辭之不至,誠之未格 禮 不 而 殫 去之義,仰 説,以全事君之義,不 部 華, 盡 朝 盡 臣 臣 侍 事 廷名器之重,豈 獲 則 事 未 郎 君 陛 侍 君 奉 恩 之 下 燕 以 俞 干天聽 命 義 所 義 閒 允。 以 章 圖 廼 使臣, 臣 報 歲 疏 君 不 之 宜 草 惟 陛 + 臣

勝幸甚!

能 禄 篾 者 有 無 止 發 臣 補 自 明 聖 此 造 聰 臣 闕 朞 義當 廷, 月 先聖 之 職 去 間 在 有 者 勸 言 病 講 也 告 陳 相 而 力 繼 本 就 無 坐 列 學 竊 厚

知 非 于 訓 將 常 詞 臣 不 復貽 起 次 而 自草 之 辱 臣 師 舉 貪 萊, 戀 友。 利 寵 誤 苟得 榮 此 膺 臣 召 遂 之人 義當 用,守道之語 移 素守。 , 非 去者 特 上 使 也 累 朝 聖 形 廷

分守 其 庸 愚 臣 輙 贵 每念誤受寵 及國 堪 時 事 用 ? 識 知 だ, 篾間 見 此 迁 臣 愚 義當去者 補 已驗于 報 比 今。 嘗不 也 量 跡

義 去,更 遽 當 濯 去者 春 臣 獲超遷,有 官官 昨 拜 几 也 命 臥 奉 病 何 常 至今, 功實, 曾 未 未嘗 得以 踰 月, 供 祇 職 受? 方 移 以 病告, 病 此 丐

臣聞國朝典故,揆之《禮經》,年七十皆

遺 當 月 訓 致 其 仕 難 理甚 支持 今臣 微 年 血 监 此 氣 已及, 臣 既 衰 義 當去者五 所 加 之衰 戒 在得。 病 也 伏伏 先 枕 聖 累

志 畝 仰 惟 俯 伏候 陛 今 臣 成 聞 臣 下 匹夫之志, 人物旨 眷 聖 有 知之深 君 五. 有 可 從 去 特 欲之仁,匹 之 洞 賜 義 照 檢 情 無 會 實 累 夫 曲 可 有莫奪 推 留 放 上 之 聖 歸 理。 之 之 \mathbb{H}

舉 江 州 正 月 太 平 Ŧi. 觀 日 待 \equiv 省 制 同 如 奉 故 聖 紹 旨 賱 九 尹 焞 可 差 提

斥 善 年 名 雖 而 以 之。 ,趙公免,秦檜 行 士,已深忌之。 傾 時 ,趙忠簡 先是, 吕 蓋 檜 賢 元 陳 直 争之 初 公 再 終 非 輔 獨 尤 知 及 則没其實 請 相 2 道 力。 決 禁 公輔 學者 3 屈 伊 以 檜 己][趙公之門多 旋 大怒, 和 始 以 之 亦 戎之議 害 學。 特 罷 趙 竊 遂 盡 忠 其 事

> 以 安 111 程 在 部 以 墮 和 簡 十 二 撫 先 外 書 虜 暐 議 侍 是 生 宫 可 爲 切 成 郎 以 年 準 之 責 觀 桐 恩 陛 若 病 $\dot{+}$ 備 孫 盧 命 檜 下 尋 是 中 差 縣 也 此 得 檜 章 其 月五 E 遣 0 **令**, 膝 請 + 大 紛 疏 又 上 怒。 太 致 紛 極 H 有 先 屈 往 仕 也 諫 生 壻 迄 卒 不可 先 依 復 邢 不 于 以 生 之。 時 和 純 就 往 紹 爲 先 因 静 復 興,年 視 職 爲 力 生 伸 暐 先 之, 浙 辭 生 則 子 乃 不 壻 得 禮 遂 東 伊 又 聞 口

2

8

^{□「}九」,原作「元」,據李心傳《建炎以來繫年要録》卷

簡 秦」, 原作 原 作 奏」 間 據 據 明 明 刻 刻 本 本 改

汪勃乞戒科場主司去專門曲説

殿中侍御史汪勃奏:

愛南 頒 萬 春 息 幾 校 洗 幸 賜 馬 泮 餘 賢 北 孳 12 臣 周 關 之民, 滌 宫 暇 伏 · 孳焉 徧 不 慮 覩 秋 海 陛 蓋 明 邇 幸 宇 力 以 下 將 知 聲 秘 定 講 臨 以 猶 上 色, 省 和 藝 御 斯 之 以 崇 論 議 親 以 文 爲 好 道 儒 來 寫 陶 與 未 惡 爲 羣 重 冶 天 也 興 先 經 道 多 下 衰 務 更 士 涓 撥 刻 口 是 革 亂 符 日 石 比 之 祖 上 宜 者 投 聿 良, 宗。 庠 人 修 兼 戈

去 粹 多 不 重 1: 然 取 歟 將 臣 出 拭 ? 愚 尤 於 目 以 在 今鏁 以 爲 正 所 今年 觀 者 謹 院 取 在 有 捨 科 苟 日 所 爲 場 欲 專 必 之 當 取 師 望 趨 或 孔 ; 戒 嚮 學 或 飭 孟 初 採 則 攸 建 摭 所 而 司 專 議 萬 門 論 顧 方

> 爲 生 曲 表 俾 説 裹 奥, 偏 爲 但 但 謂 溺 有 更 檜 皆 流 主 於所 以以 不 專 所 少 月二十 愈 進 獨 乃 知 人 門,指 長 適 呈講 荆 知 紹 見 丕應 爲 正 迁 伊 聞, 公之學, 9 用 興 上 天 學 習 善 ĬΠ 怪 曰 : 或或 筵 + 几 伊 聖化,豈不 真 地 者 將 學 亦 闕 者, 日 兀 託 111 太 之大全,下 ____ 當 官 年 奉聖旨 故故 見文有 初 王 以 在 也。 Ш 取 檜 三月, 不 爲 因 所 安石 之於丘 其 上 \Box 姦, 言 知荆公也 自 必 韙 訓 所 典, 依 趙 1: 尹 去。 歟 則 及之。 視 長 程 忠簡 陛 和 垤 ? 則 不若不讀之 紹 專 頤之學, 讀 静 不 下 以 也。 興 與 門 取 去後 書 既 + 聖 執 六 曉 然檜 進 之陋, 四 去, 古 檜 學 諭 於 經 年 止 上。 淵 所 各 相 檜

■「主」、原作「王」、據明刻本、《永樂大典》本改

使 侍 所 「甚善。 奏。」 不 御 得 史, 汪 勃 作 曲 首 時 學 則 上 爲 人 臆 監 此 之心 説 察 奏。 誠 御 術自 害 史, 檜 經旨 進 未 Ē 呈, 幾 當抑 矣。 遷 上 口 殿 日 之, 如 中

受禄 説皆 厚薄。 之名 繼肉 稱 避 春秋傳》,乞不避名諱,而 者, 稱 其名,故季文子之告君,有 氏 甚嚴 其 程 他 乃正 曾不思孟 之徒,祖宗之 則 名矣, 氏, 兼已受官 日 體 有 故 爾 經 事 此 上 繼 檜 君、 本 大 禮。」先 子 言 古 而 文, 及 事 處實 乃 及之。 者 稱 尹 而 諱 師 欲 臣 氏 是, 和 所 之道 不 師 廩 者, 既 避 引 静, 之位 胡 人 然 所 死 蓋 伊 繼 文定 文定 恐 引 檜 而 75先大 與 111 仕 栗, 君 伊 不 避 遂 左氏、 説 所 不 ĬΙ 修 當 其 庖 言 而 夫 忍 之 進 初 不 有 不 師

> 年 云云 元 臧 文 祐 逮 間 仲」之語,是 檜死 實 然自是又設專 乃已 未嘗言禄 稱 字 門之禁者 檜 稱 既 謚 不 也 考 + 而 伊 有 妄 川 餘 爲 在

何若乞申戒師儒黜伊川之學

右正言何若奏:

時 翰 豐 將 並 舍法造 聖 親 臣 得聖 刊 增 仰 以 石 士 惟 Ŀ 緝 經 變 陛 爲 熙 下 使 師 興 光 紹 何 多 臨 明。 開 士: 幸,用 其 中 乃崇 幸 知 興 所 哉 彰 建 恢 取 寵 上 宏 賁。 庠 治 復 道 親 士 生 灑 天 以 斯 宸 縱 元

校; 方 而 之士,殆無 試之,又俾同 又下臣僚章疏, 今秋科舉 遺 者。 既 文館 命 使 前 進 有 士 1: 司 期 人 附 群 申 知 勑 焉 太 學、 所 所 有 趨 司 或 以 精 子 網 諸 德 羅 加 至 考 生 几

秀 渥 之士 也 0 有 多 口 在 仰 選 體聖意 中 惟 謹 是 專 於 門 去 取 曲 學 故 未 能 時 俊 遽

以

盡

革

·, 臣

請

爲

陛

下

陳

之。

將 得 域 論 從 曲 頃 者 學 緣 知 而 虚 盛 高 大率 所 忧 和 蓋 幻 開 勸 始 行 之, 空寂 懲 ·務爲 爲 緣 誠 乃 或 趙 矣 使 雖 之 然 子 有 有 好 鼎 地 司 凡 横 奇 司 唱 業 去 渠 其 立 爲 試 取 去 異 伊 學 有 正 之 聖]1] 者 司 流 蒙 之 際 人 者 争 而 書 之 學 明 投 入於乖 未 × 示 道 所 高 有 ^ 好 益 好 聖 不 閌 悪 遠 於 志 僻 之 傳 矣 彼 於 是 之 徒

之 既 曲 以 論 學 者 不 盛 IF. 陷 不 考 道 臣 風 攻 訓 溺 愚 選 俗 伏 其 而 飭 之際, 諸 良 自 望 之 破 心 生 聖 厚 悉 慈 爲 又不 學術 亦 皆 申 亚 必 淪 朏 戒 僻 既 由 落 内 胥 之 正 説 外 此 於 則 如 師 異 而 虚 是 習 文 儒 致 空 之官 體 矣 則 則 幻 自 寂 專 醇 才 門 之 專

> 谁 止

月 + 七 日 官 奉 勃 聖 旨 請 依 禁 專 門 之 學 諫

紹

興

+

川

年

上

第弟 事 此 中 之。 后 如 任 郎 官 日 李 聞 記 : ! 自 經 劉 七 何 篇 文會退 子 之, 得, 若 時 筵 若 子 不 正蒙 於是 河 臺 以 翬 所 明 廢 大 奏 南 而 爲 《書》者 論 彦 怒 日 學 而 ^ 日 府 汪 未 愈 甚 冲 可 聖 9 日 軍 快 當 書 措 對 傳 之《 所 巡 既 横 陛 樞 大 臣 + 作 判 皇帝 又 時 程 渠 密 下 説 論 家 官 也 併 政記 院 先 頤 記 過 **>** 蘇 不 雖 者 伊 當 生 得 兼 昞 檜 年 川 識 所 哲 時 臣 則 季 權 進 少 廟 著, 事 横 宣 説 明 冬 右 呈, 之 體 然 渠 知 否 釐 承 其 初 政 如 宫 皇 ? 議 爲 高 攻

曹筠 論 考官取 專門之學者令御史彈 劾

事

參

軍。

守臣

張

稱

欲

按

其

罪

檜

與之

殿 中 ·侍御 史曹筠 奏:

試 劾 十人者。 垂 戒 庶合士心。 官多以 學 飭 校、科舉 其有 私 士子怨忿,有遺才之歎 意 不公,令監 取專門之學,至有 取進 必欲得真賢實能 止 試 御 史 出 而 院 州 欲 近 望 來 日 而 特 數 彈 考

九月十二日,奉聖旨依。 紹興二十 年 Ė

赦 是 知之。 書 夜, 内 秦 彗 十五 檜 出 項云: 既 東 年 禁伊 方。 四 月三日 川學,猶慮 勘 + 會數 三月, 檜 + 年來, 入居賜 士人未盡 赦 天 學者 下。 第

> 遂 有 E 舊 此 引 爲 勑 \$ 所 删定官 旋除 御

鄭 仲 熊 論 趙 鼎 立 專門之學 可 爲 或 家 慮

右 正言鄭仲熊奏:

凡 不 寅 計 襄, 有 知 爲 有 周 趙 心嚮胡寅之門,有識 從 之魁。 或 密 鼎 臣 一伏見工 朝 妄立 家 東 何 南 事 又今事已敗 來 負 專 部 門, 者 此 切 員外 輩 不 互 迥 卹。 必首 相 而 郎 標榜, 迥 之士 9 楊迥、 而 詣之,訪其 與 時 人 襄 爲之切 大開 猶 群 監 甘 惟 小 察 心 交 寅 所 御 從之? 齿 、蹤蹟 結 是 聚 史 胡胡 詭 蓋 而

議

者

以

爲

祖

宗

以

來

未

有

此

比

蓋

欲

天

下

户

知

之

也

筠

積

舉

得

官,爲

台

州

録

黨

同

伐

異,今當崇雅

黜

浮

抑

其

專

門。

⁰ 「二」,原作「一」,據《知 本、《建炎以來繫年要録》卷 不足 齋 五三改。 叢書》本、《 永樂 大

定,襄 位 慮 於 與 立 略 趙 專 者 也 年 不 無 鼎 才 于 門之後,有 知 顧 有有 欲 所 兹。 避 中 胡 望 戒 是説 夜 寅之門 懼 今襄 亟 襄 自 一賜 比 司 必 易之,意 罷 取 又爲之唱,欲 當 附 置 而 黜 淮 秋 會 之 後 止 闡 庶 已。 高 專 私 監 使 等。 務 試 其 邪 臣 徇 黨。 正 所 使 題 士 私 以 人 子 目 分, 初 爲 人 扼 不 或 論 盡 腕 趙 E 而 鼎 議 在 家 歸 才

仲 直 此 名 置 論 文 (定,有「 一等語。 故 學士致仕 文定公長 口口 勳 月 先 仲熊奏及之。 九 員 迥 外 日 H 祖宗之諱 右 龜 . 秦檜. 郎、 坐 奉聖旨 子 正 Ш 傅 言 也 先 權 會 奏 鄭 生 或 不 依 明 趙 事 仲 之 明 避 子 年 忠 仲 仲 熊 大 紹 司 簡 \equiv 先 聞 子 而 詆 興二十三 業、 月 之, 避 謪 以 伊 兼 仲 徽 寅 其 新 111 Ó 年 字 權 熊 猷 及 州 即 師 Ė 之 胡 中 復 安 閣 明

> 其 字 鼇 書 死 權 藏 參 年 季泉 其 舍 則 仲 知 仲 首 人孫 姦 熊亦 論 仲 政 詭 熊 仲 事 禁 廢 鼇 除 計 詭 鼇 終身 愈書 字 口 力 再 僻之書 道 測 主 閲 樞 Ш 一專門, 月 密 仲 。罷 一,以 3 院 皆 鼇 附 永 以 事 亦 嘉 私 又 檜 坐 黨與, 數 意 人,而 明 免。 者 月 年 也。 檜 兼 仲 包 襄

張震乞申勑天下學校禁專門之學

秘書省正字張震奏:

小,厚風 臣 仰 俗 惟 美教 陛 下 化,天 臨 御 下 以 靡 來 然 興 鄉 學 風 校, 甚 制 禮 德

^{■「}熊」,原作「能」,據明刻本、《永樂大典》本及前文改。

② 「論」,原作「論」,據明刻本、《永樂大典》本改。

③ 「字」,原作「子」,據明刻本、《永樂大典》本改。

之意 漸 也 不 可 士 然尚 長 生 斯 有 時 宜 溺 於 通 虚 經學古, 無不根之説者 仰 稱 陛 0 下 樂 其 育 源

端 科 才,天下幸甚 者 . 舉 皆勿 取 願 士 陛 專 下 取 申 以 勑 經 庶幾 取 天下學校,禁 術 進 淵 士風 止 源之文,其 近古 一、悉 專門之學, 涉 爲 虚 可 用 無 之 使 異

十月一日,奉聖旨依。紹興二十五年上。

世 論 或違戾,必 士大夫争附之。 書坊刊 不 「全蜀數道文 經之書以 先是 行 秦檜既 置 詭 解 之法。」 感民 之辭, 太學生孫 籍 指 聽? 伊 山 新 望 積 ĬΙΙ 知 一明示 其 望 爲 漢 仲 申 專 間 州 鼇 條 嚴 門 蔡 贵 首論 之學, 制 法 無 宙 禁 詭 V 更

> 從之。 絶。」 明 程學者自是少息矣。 檢 詭 指 僻 專 詔委本 其 不經」,皆言程學 門 後二十 或 異 以 路 端 非 提 餘 虚 僻 日 刑 無 趙令詪 之 檜 二之學 書 也。 死 刊 奉行。 士大夫之攻 印 至是, 漸 不 委 可 震 **\$** 所 長 又 謂 止

葉伯益論程學不當一切擯棄

亨奏: 秘書省正字、兼實録院檢討官葉謙

之間 然臣 異 者 皆 猶 臣 伏 有 不 向 者 在 慮 見陛下 選 朝 者 0 論 留留 學 前 專 意場屋之制 術 尚 H 大 程 粹 駁 臣 頤 繋 則 之 學, 陰 於 佑 規 有 主 王 矩 司 立 安石 説 去 新 稍 取

❶ 「溺」,原作「弱」,據明刻本、《永樂大典》本改

作。」

監

登

聞

鼓

院

曹

紱

又

論

建陽、

邵

不

得

擅

輙

鏤

板

庶

幾

異端

可

去,邪説

不

武

兩

縣

民

間

以

印

書

爲

業,望

下

本

州

縣

者 進 願 所 不合於孔、孟者 而 岸 詔 無 在 取 偏 其 有 惟 説 曲 司 其 精 之敝 是 稍 擇 而 涉 而 已,取其合於孔 則 程 博 可 學術 學者 取 以 ,不拘一家之説, 爲學矣,又何拘 正 而 切 擯 人才出矣。 棄。 孟 者 夫 使 乎 去 理 取 學 其 之

亨 六月十五 日 大 秦檜 對, 趙 鼎 論 既 日,奉聖旨依。 尚 程 死 程 頤 [X] 黨 秦 切 盡 檜 擯 逐 紹興二十 尚 棄 安 非 館 石 職 是 六年上。 葉 誠 謙

二年,至是始解。 自檜專國柄,程學爲世大禁者凡十有

偏

曲

卿

所言

極當。」

於

是

降旨行下。

祀者 以 太學録,釋奠先聖 邪 説 後 乾道 先 亂 事 天 白 下,不應祀典。 兀 宰 年, 相 職當 建 言 陽 魏 分 王 掞 獻 安 之 河 先 南 元 石 賢 之從 父 履 程 子 爲

> 諭 上 唱 學不爲當路 密爲?」丞 生,使從食。」宰相陳魏 罷 明 元 履 絶學,以幸方來,其 安 姑密之。 石 相 父子勿 所 日 知 . 如 元履 恐人 祀 此 公康 日 而 笑 功大。 追 君 伯不可, 爵 此 爾 事 請 蓋 程 何 Ħ 先 以 程 且 于

道命録卷第四

四七

道命 録 卷第五

晦 庵 先 生 辭免進 職 狀

宣 教 郎、 直 秘 閣 提 舉 兩 浙 東 路 常 平 茶

鹽 公事 大借緋 臣 朱 熹

驚 守 省 不知 劄 臣 賑 右 子,奉聖旨 臣 濟 所措 九 有勞,令臣 月 谨 四 已 淳 日 即 到 熙 進 時 處 職 望 年 州 闕 遂 早 等 謝 傷 昌 恩訖 者。 縣, 去 處 準 聞 監 尚 命 震 司 書

如 寧 色, 此 既 又 伏 無 誠 念臣 閔 非 不 然 惻 敢 昨 有 旧 愛 以 畏 焦勞之實。 其 孤 天 夙夜之勤,冀 愚 恤 民 誤 之誠 叨 退 臨 惟 造, 疵 以 而 賤 仰 聖 仰 訓 稱 遭 視 萬 玉 遇 T

> 恩 絶。 見 斷 況 非 已 蓋 萬 蒙 榮,以紊賞刑之典 臣 爲 嘗 緡 所 已罷 送 臣 昨 之 以 寬 而 方 積 浙 以 再 疾 示 典 本 當 前 自 按 病之餘 西 勸 人 至 提 劾 囚 劾 懲、 無 於 新 刑 知 服 恭 過 以 惜 任 司 台 籍 精 全 俟 名 恩 差 州 藁 所 力 嚴 活 器 假 官 唐 以 有 淺 科 寵 體 仲 俟 體 而 道 短 究。 斧 一、徒費 友, 謹 躐 究 饑 陛 誅 指 等 馭 饉 下 反 近 贵 揮 臣 疏 赦 流 被 大農 日 之 榮 殍 而 論 宜 尚 雖 之民。 柄 不 訴 數十 遽 蒙 未 則 誅, 也 "; ② 懼 結 竊 聖

聖慈特 所有 許 前 辭 自 秦 件 免,臣不 檜 恩命,臣 死, 勝 學禁稍 幸 實 甚 不 開 敢 淳 祗受。 而 熙 張 九 忠 年 上 欲 獻 公 望

玉」, 原 作 王 據 職 明 刻 本、 朱熹 》改 晦 庵 先 生 朱 文 公文

0

集》卷二二《辭

免

進

奏

狀

2 訴」,原 二二《辭免 作「訢 進 據 明 職 奏 刻 本 狀 朱熹 》改。 晦 庵 先 生 朱 文 公文

林 精 爲 好 餘 之士 黨 思 檜 力 所 相 不不 忌 繼 行 始 在 以榮 謫 位 知 居 辱貴 連、 此 或 學 論 永間 賤 爲 尚 累 未 可 者 其 用 正 + 心 也 者 有 然 餘 檜 乃 惟 年 之 克 Ш

字 仲 敬 謂 又 者 洛之緒 劍 也 間 右 胡 有 勑 夫 承 屏 也 往 浦 一受業 Ш 憲 右 即 務 先是, 羅 Ŧi. 令所 原 龜 忠 峰 郎 承 從 籍溪 仲 宏 務 獻 前 Ш 傳 彦 人 胡 删 先 字 郎 故 仲 公之嗣 建 白 自 文定既 得 定 生之門, 右 劉 素 相 陽 其 官 水三先生,即 故故 文 子 仲 劉 講 傳 李 子 殿 暈 習,不 ., 所 居衡 勉之致 者 郁 `, 彦 修撰 受業者尤衆, 右 謂 光 沖 則 Ш Œ 謂 名 五. 中 祖 張 公之少子, 言 秘 南 湖南學者 峰先生者 其 皆 爲 栻 陳 師 書 軒 人 稱 敬 聞 淵 先 省 也。 夫 首 生 所 正 幾 河 而

> 先 請 在 死 調 盡 庵 崇 棄其 早 生 抑 陳 紹興二十九年八月 孤 奔 仲 安尉, 魯公執 競者 學 延平 素 初 而 傳 從 秩 學 傳 郡 意侵先生,先 \equiv 政,言先生之賢, 焉 滿 晦 人 先 代 庵 李 生 先 年 歸 侗 受業 生朱 + 愿 遂 也。 九 中, 不復 生 中中 熹 後 會 辭 是 兀 進 見 言 召 不 仕 爲 晦 士: 延 出 路 赴 延 第。 平, 行 平 有 檜 晦

公 道 論 相 初 元 録 不 事,不合 再 年, 魏 秉 合 孝宗 召先 掞 政 促就 引 之元 即 差 意, 歸 生。 位 職 充 履 除武學博 樞 \equiv 既 改 又以 以 年 見 密 元 論 隆 院 執政錢端禮 首 曾 陳 編 興。 覿 論 正 士 修 賜 獻 講 官 待 陳 學、 罷 劉 次。 魯 遂 忠 等 復 公 會 力 議 太 肅 乾 讎 獨

❶ 「羅」,原作「雜」,據明刻本、《永樂大典》本改

先生 復許 之士 喪,復 與 生 熙 主 三,時 旨,安貧樂道 辭 在 一,得 一管台 三年 樞 王 差 奉 府 民 九 虞 除 恐誤 申 , 知 趙 祠 先 月 州 瞻 雍 前 秘 丁 南 衛 崇 同 莊 生 書 公 命 朝 康 公 五. 道 一、恬退 召 郎 敏 又 獨 母 廷。 軍 年, 方 觀 辭 以 先 憂。 相 以 執 者三。 川 首 史忠定爲 上 生 也 龔公力争,不能 時 喪 可 政 辭 批 參 以 胡 梁 嘉,特 制 今,言宜 不 邦 諭 虞 行 禄 鄭 未 許 龔 公 九 衡 不 丞 公爲 終 公,以 一罷 相 相 年 及 改合入官 以 以 辭 詩 張 必必 事 Ŧi. 養 外 相 月 人 郡 欲 虚 薦 説 既 辭 得 薦 起 名 先 淳 處 有 猶 者 免

之語 禍 先 必必 生因 七 至之憂,近 年 極言近習 上大怒, 春 早, 命 在 用 詔 先 事 朝 監 生分析 夕 之害,有「莫大之 司 郡 而 守 陛 條 下不 趙 利 派 病 相

> 直 上 詭 七 月 秘 除 辭 閣 9 救 以 提 解 先 南 舉 生 乃 康 江 亦 止 修 西 再 常 舉 辭 先 荒 平 乃受。 生復 茶 政 9 鹽 民 請 無 待 奉 流 祠 几 年 殍 章 闕 五. 除

之 奏之。 祠 生 生引 之。 先 先 理 鹽 又三 生章 禍 生行 濁 許 口 義 又 浙 差主管台州 亂 過 以 辭 王 部 力 + 東 上 聖 闕 最 辭 丞 至 大 察 賑 上 心之害 相 台 饑 其 濟 9 後 詔 詔 既 素善仲 有 誠 乞 得台 易 改 罷 對 宗道 勞, 退 江 除 乃 仲 言 閑 東, 守 又 進 提 詔 友 友 觀 唐 極 論 舉 直 以 免 , 除 仲 切 近 朱 而 浙 徽 免 避 至 友 江 習 某 以 猷 東 宰 H 不 西 累 先 蔽 常 閣 相 産 提 法 九 乞 生 遮 平 中 年 刑 事 官 代 先 先 茶 傷

陳賈論道學欺世盜名乞擯斥

監察御史陳賈奏:

之似 是 誅 行 以 僞 必 始 之 其 辟 好 假 而 不 則 僞 惡 謂 른 其 而 廉 同 臣 將 者 名 堅,言僞 僞 也 潔。 竊 欺 既 謂 以 表 世盜 不得不 同 聖 以 裹 天 濟 孔 矣, 人 下 夫 相 其 子 名 而 於此 之士 副 人之飾 僞 而 之惡 · 然。 辨。 無 者 謂 是之 所 所學,● 也。 孔 己之學 是 所 鄉 不 僞 ,子之誅 故 謂 原 以 至矣。 若此 邪 居之似 者, 謹 誠 於 獨 正 其 ; 聖人之道 惡 之辨 言 異 少 疑 不 其 正 於 忠 似 行 有 卯 僞 信,行 誠 相 以 而 者 也。 違 抑 是 示 未 與

以 大 率 正 類 心 臣 誠 此 伏 見 意、克己復禮 其説 近 世 以 搢 謹 紳 獨 士 爲 夫 爲 事 能 0 有 以 若 所 謂 此 踐 之 道 履 類 學者 爲 高

> 爲 其 稱 者 憲 千 甚 者 與 如 所 學者所當然, 人 勢以 造 一愛者 辭 譽 得 邪 爲 ,旁若無人。 金 則 市人;竊處 説, 以以 以 而 ? 則 作語言 日 護 爲梯媒,庇 : 弗受。」 又大 以 爲 貨 是 其 吾 以 賄 爲 他 短 互. 常 己 不然,不 其 而 人 也 士之名,而 又其甚者, 下 爲 故上焉 之 中 泥 所 其 其 標榜。 之者常獲 ·焉者 滓 所 實 難 徒 語 冠 不 辦 甚 乃 幾 者 人 然。 0 .得 冕 欲 謂 於 2 有 得 道 則 規 以 者 而 己 假 其 有 善 以 取 先 曰 故 掩 不 獨 其 爵 過 雖 顯 遂 王 助以爲 附 顧 其 能 名 之語, 雖 位 位 其 小 之者 吾 之。 不 以 大, 女好 也 己 能 濟 必 能 輕 肘 常常 必 之 交 次 視 其 其 夷 糞 而 腋 假 曲 所 典 土 僞 考 \Box 相 行

2

⁰ 治 所 通 一字原 鑑 一》卷 脱 + 補 據《 永 樂 大典》 本、 劉 時 續 宋

[「]辦」,原作「辨」,據明刻本、《永樂大典》本改。

Ŧi.

植黨分朋,漸不可長。

身,而 相 而 情者,鮮不爲大姦慝。」 勝 己。 夫 在天下 萬 欺 朋 君 黨之始,不 有 图 也 是 上 蘇 其 而 過 洵 術 得 相 有 遂 用 言 與 行 也 爲 媒 利 事 則 之不 害 必 彼 不 求 此 近 在 有 矛 於 其 盾 以

惡之 納 無 疆 出 除 之 於正 所 授 故 福 之間 臣 在 願 ,無或肆 取 陛下 庶 ,考察其 進 幾 明 止 多 爲 詔 士 詭 人, 中 靡 異 外, 擯 然 以 干 向 斥 痛 治 風 勿 革 體,實 言 用 此 習 以 行 表 於 示 社 裹 好 聽

六月五日,奉聖旨依。淳熙十年上。●

尚 輪 擢 欺 世盜 當 書 太 府 晦 面 亦 名,不宜 對 寺 庵 上 先 丞 遂上 言 陳 生 賈 祠 「近 信用。」遂 此 爲監 命 奏。 世 之 未 有 察 時 所 御 下 有 鄭 謂 也 史。 道學之目 丙 道 爲 時 學者, 至是, 吏部 相 先

來,

亦云『豊

口

逆

料

後

患,

而

先

汩

所

守

全不

相

似,皆

未

敢

援

以

爲

比

欽

夫

書

蒞

舊

職

义

可

逡

巡

解

去,

即

與

今日

事

體

正

伊

111

再

受

西

監

止

是

敘

復

元官

還

書 堪 勝 世 聖 焉 目 日 周公大聖猶 歎 學者 以 云: 歎古今兩 人之學不 周 哉 夫道 晦 攻 公殁,聖人之道 不 庵 康 善 知 學云者 先 節 1類,遂 當 陳賈 傳」者 生之 其 恐 遭 時 實, 是 謗 太 了; 如 併 辭 打 謂 謂 學諸 因 伊洛 官 其 何 乖 小 以 道 名 也, 專 不行; 法 道 人 衰學 生 名賢 而 門, 把聖賢 答 立 爲 爲 自 東 非 之語 爲 學 廢 亦被 孟 諱之,可 萊 道學之 辭 也 也 菲 軻 受之 日 譏 氏 近 其 :

《孝宗紀三》、《宋史》卷四二九《朱熹傳》改。「十」,原作「十五」,據《永樂大典》本、《宋史》卷三五

0

哉 ? 得進 量,如 如 品 計,誠欲 以 友,❷其不哂笑者幾希。 臣子之心,亦何敢 授,雖未必直 必再三,以得請爲期 亦 臣之義,平昔講聞,不爲不熟。 敢肆然直遂,莫然不以爲意者,則以 之義?』此語甚直截,但渠却不曾爲 吾伯恭者,乃有以亮此心耳!」 非 此 不得不力辭者,實以 ,於心有所不安。 心, 臣 此所以不免委曲懇 何避免得脱。 子敢安 兩全公私,不使交病 非 特 由 世俗 也。」 中 出,而名爲 傲 所 又書云: 若只如此 而後已。 若一請 疑, 重雖 然 無功受爵,求 度惟 心祈,宛 以 不 忠 而 品 君 ·受爲 厮崖,恐 不遂,勢 平 然又不 轉調 今此 厚 命, 生 惻 品 高 在 君 思 怛 知 護 除 退 品 所

道命録卷第五

- 文公文集續集》卷五《答吕東萊》改。「特」,原作「持」,據《知不足齋叢書》本、《晦庵先生朱
- 文公文集續集》卷五《答吕東萊》改。「雖」,原作「難」,據《知不足齋叢書》本、《晦庵先生朱

2

0

五. 三.

道命 録卷第六

晦 庵 先 生除江 西提刑誥詞

勑 宣 教 郎 直 微 猷 閣 主 管 南 京 鴻 慶 官

朱

篤 之不忘,江 而 救 荒 擁 爾 州 之政,所 好古道, 麾,分 右 持 據 全 使 平。 節 活 正不回,利 往 者尤衆。 先德後 哉 ! 物愛人,用 惟 刑, 久從家, 允 民 行 從 爾 其化 食, 盡 志

奉 崇道、雲臺、 先是 晦 庵 鴻 先 慶 生 之 以 祠。 按 吏 仵 五. 年 時 相 周 歸 派

南

西

路

刑獄

公事。

淳熙十

四

年七月陳居仁行

之學,廣

我

好

生之仁。

可

依

前

官,

差

一提

點

江

心

勞卿 足 之 能 善 六 年 非 相 月,先 疾 事 五 去 不 所 爲 乞 朕 月 州 其 能 長 次 宫宫 輔 縣 自 充 根 王 生 觀 知之。 議 其 授 人 派 不許 八月,除兵部郎 上曰 量 除 江 對 相 , 轉 西 罷 人 今當處 • 極 提 運 「久不 欲 論 朝 刑 副 未 天 廷 先 使, 卿 盡 理 又 見 生 而 清 官 促 未 卿 故 或 再 先生 要, 純 行 除 謂 辭 者 惡 故 不 浙 金 再。 以 復 東 不 爲 明 穀

林 栗劾 晦 庵先生奏狀

彌

兵部 侍 郎 林 栗 奏

下 供 職 臣 伏見 而 熹 己 乃 降 敢 指 自 揮 陳 朱 私 熹 計 除 非 兵 便 部 0 郎 只 官 欲 口 H

0 便」,原作「使」, 據明 刻 本改。

印 屬 至 去 難 送 并 貳 就 口 記 還 于 徧 廳 郎 江 致 達 其 詣 官 兼 0 無 西 其 仍 緣 朱 宰 所 官 提 日 廳 偃 加 歸 執 長 印 熹 刑 司 鐫 蹇 著 貮 記 印 堅 諭 E 諫 不 不 記 不 拒 執 受 既 肯 合 違 不 免 即 難 能 省 管 收 君 \$ 從 乘 以 受 劄 出 郎 命 几 轎 臣 棄 官 推 不 司 人 實 宫 爲 擲 部 廳 出 伏 負 門 貳 在 印 吏 供 門 赴 慙 卿 外 記 抱 職 上 外 部 懼 守 殿 供 不 慮 且. **\$** 良 終 奏 職 能 再 送 所 有 不 夕 事 有 率 失 爲 令 長 几

然

也

下

愛

借

名

器

館

學

寺

監

久

次

當

遷

郎

路 之首 將 輒 以 希 置 擕 爲 孔 邀 朝 門 浮 熹 所 孟 列 誕 本 生 宜 高 歷 宗宗 無 價 以 聘 禁 數 主 學 之 次 絶 妄 術 風 收 謂 意 用 習 徒 今 要 繩 道 采 竊 爲 津 熹 學 以 春 其 張 門 單 治 載 秋 虚 妄 生 命 世 名 自 戰 程 之 之 迭 推 俾 爲 法 或 頤 初 尊 之人 之 之 游 遷 則 態 説 緒 亂 所 延 奏 餘 道 妄 政 至 臣

> 作 郎 府 僞 許 而 有 以 輙 不 風 懷 聞 口 不 掩 然 滿 者 後 傲 是 人 睨 贵 門 累 張 0 載 日 既 經 程 不 陛 肯 頤 對 之 供 學 得 職 旨 其 除

乞 權 爲 熹 官 兵 乃 將 部 所 以 事 輕 者 君 熹 之。 臣 熹 以 只 在 無 新 竊 臣 待 之故 令兼 禮 兵部 舊 惟 熹 合 者 任 職 有 亦 移 權 之戒 指 制 郎 統 不 揮 者 計 其 官 薄 攝 並立 視 衡 矣 朝 本 若 取 且 於 郎 廷 係 進 停 不 而 都 之 選 大 熹 罷 舉 止 官 紀 宗 亦 乃 劾 姑 綱 不 淳 正 薄 而 輕 熙 **\$** 厥 之。 緣 以 派 + 循 罪 矣 計 兵 Ŧi. 熹 省 惟 年 部 既 衡 而 上。 均 以 除 兼 處 熹

栗 合 日 退 過 侍 慚 疾 郎 未 其 派 林 從 瘳 相 栗 者 周 數 勉 强 日 遂 必 登 大 劾 前 對 先 與 言 先 # 上 欺 生 熹 然 慢 論 上 之。 易 殿 > 詔 以

以舊職之江西。

葉正則爲晦庵先生辨誣及論陳賈封惠

再拜,上書皇帝陛下: 六月日,宣教郎、太常博士葉適謹昧死

駭 供 欺 而 職 者 敢 莫測其故 告者 間 也 臣 聞 耐 惟私 臣 臣 侍 子告君父之言 竊 郎 見 意之徇 林 近 栗 日 急 朱 前 劾去之。❶ 熹 忘君父之爲 除 必 兵部 以 實, 郎郎官, 士論 非 不 其 未 怪 實 口

既 此 下 刑 王 衆 罷去,陛下趣 進 淮 ,使之奏事 議 熹 深惡之,遂不 熹素有文學行義 有 所 以 漸 洶 下, 熹 無 洶 熹 不 趦 不 欣 人 敢 平。 趄 對 喜 仕 居居 辭 用爲 臣 避 忽 官 陛 始 爲 所 終 下 郎 疑 至 栗 差 官。 未 之,以爲 有 誣 熹 敢 績 奏使 前 江 0 知 2 西 栗 陛 淮 提 因

> 栗 字 栗 熹 君父之前,而 父,大義一也。 何 雖 傳 獨 爲 無 貴 得 至此 布 實 中 其 而 者 得 外 實 近, 臣 也 臣 臣 非 以 忍不 得 烏 熹果有罪,③外 告于陛 雖 特 始末參驗, 有 發 賤 以 栗以 於 而 其 下 踈,然 私意,遂忘 實 熹 也。 陳於陛下乎 不實之罪 然後 臣 暨 不能 子之 栗 知 其 劾 其 欺 知 於 奏 欺 所 爾 君 文 当 而

提 熹既受除郎 人,客將兵卒等皆已辭去,其 刑 栗言熹「敢 己 受省劄, 省劄 自 即 陳 不肯 私 時 計 遣 赴 非 П 部 便,只欲 江 時 供 西 朝 職 提 士 有 刑 口 候 司 臣 江 熹 接 聞 西

⁰ 二《辩 急 兵部 原作 郎 「熹」,據 官朱 元 明 晦 刻 狀 本、葉 》改 適 水 心 先 生 文

² 二《辩 績, 原作 兵 部 郎 「續」,據 官朱 元 明刻 晦 狀 本、葉 》改 適《 水 15 先生 文

③ 「果」,原作「栗」,據明刻本、葉適《水心先生文集》

者 其 謂 遂 申 熹 尚 只 共 書 欲 、見之。 省 口 乞 就 給給 江 熹 假 西 以 候 提 脚 刑 疾 痊 司 發 安 動 不 日 肯 供 不 供 職 任 職 下 是 • 床 非 栗

實

世

書 後 懼 卿 外 腳 抱 職 印 旬 出 上 不能 休 省 守 記 疾 殿 門 與宰 慮 良 奏事 終 所 外, 祇受恩命 栗言熹 未及 有 不 有 夕 臣 作 率屬 · 執 令送 失 爲 ,并徧 , 印 再令送還 將 至 當 去。 難 臺 記 四 上 長 于 對 致 諫 無 詣 一,所 司 貮 達 止 其 之 兼 其 相 所 郎 宰 乞給 廳 旦 時 朱 官 偃 有 見 0 歸 執 官 仍 蹇 熹 司 着 郎 臺 廳 偶 長 假 腳 加 堅 印 不 官 臣 印 拒 諫 能 鐫 貮 供 痛 執 記 聞 印 違君 記 少 免 不 浸 諭 職 即 不 記 熹 不肯收受, 難 ***** 合管 既 劇 止 乘 從 未 命 四 以 熹 適 轎 人宫 對 郎 對 司 臣 棄 既 既 實 會 人 之 部 官 未 歇 申 下 人 負 爲 擲 前 門 供 泊 尚 之 慚 貮 供 廳 推 吏 在

> 當 前 鐫 職 印 記 知 諭 印 其 而 可 偃 記合是 其 扶 蹇 `受乎 可 曳 拒 推 供 ? 違 何 以 君 職 官 委熹 熹 命 司 口 已 • 收 乎 乎 申 非 管 ? ? 省 其 0 給 實 是 郎 此 栗謂 假 世 官 Œ 矣, 未 長 熹 供 貮 雖 之 職 欲 不 受 所 己 聽

歟 官 或 推 法 淑艾於下,2 頤 1,公教 之態 之緒 尊 則 人何用 栗又言: 亂 妄 所 餘 育 臣 至 之首 希 於上 師 以 輒 自古 孔 之? 爲 擕 ; 也 熹 浮 孟 門 而 士 本 誕 生 歷 果 然 臣 子 宗 無 聘 + 有 聞 矣。 闢 學 主 數 之 學 朝 術 家 風 術 謂 廷 使 塾 歟 徒 習爲 開 熹 繩 隆 道 竊 學 果 其 以 學 張 校 師 春 無 相 治 `, 妄 載 友 秋 學 與 建 世 從 術 自 私 儒 之 戰 程

⁰ 何 原 作 河 據 明 刻 本 改

² 兵部 下, 郎 原作「不 官朱元 晦 狀 據 明刻 》改。 本、《 水 in 先 生 文 卷

Ŧi.

八

非 栗 之 事 乃 以 諱 者 所 治 諸 世 以 習 非 之法 生不 爲 元 欲 祐學 强 「, 宜 得從 才計 自 術 禁絶之,此 標 烹講 曾 爲 目 或 9 有 學 而 家 不 爲 勸 尤非 計 得 熹 人 爲 也 之 爲 其 師 罪 忠 實 惟 之 爲 也 而 蔡京 禁。 孝 又 者 謂 用 今

言 累 + 得 栗 累 H 之非 日 知 逆 日 日 初 之。 不 採 ,不肯供 栗 + 再 肯 實 熹 又言熹「 日 供 爲 之 臣 也 爾 職 江. 所 用 職 知 西 相 心 是 邀索高 提 者 而 栗急 去 以 刑。 熹 隔 暴 爲 揚之, 於誣 日 以 價 作 栗之劾熹 之 今月初 妄 僞 間 熹 此 有 意 非 要 而 而 不 八日 栗 當 臣 津 不 口 遂 之 自 在 掩 除 愚 初 以 傲 顧 郎 熹 九 其 所 夫 睨

派 輕 久 計 矣 次 當 衡兼 栗 而 遷 又言 熹 郎 以 乃 官者 : 輕 熹之故,移 陛 之。 「, 只 下 **\$** 愛 兵 兼 惜 部 計 權 郎 名 衡 器 官 其 於 本 待 館 都 係 郎 官 學、 大 選 宗 寺 亦 而 以 正 不 監

> 織言 熹,熹 遷 之。 嘗 除 兵 郎 部 歷 郎 語 官 知 其 臣 處 何 以足其文爾 哉 州 聞 熹 德馬 事 ? 陛 9 監 久 所 下 ? 差 司 矣。 以 明 0 除 詔 待 是又栗 之際 則 館 曾 熹 而 不 學 不 亦 任 免 自顧其言之非 急 寺 那 不 監 兼 薄 於 監 换 權 司 矣 誣 闕 雖 贵 知 熹 次 得 而 州 之罪 次 移 謂 熹 者 實 之 衡 而 始 乃 也 用 未 薄 組 得

爲 婉 除 部、寺監 斥 矣,本朝 揮 之請 栗 其 兵 並 之屬 義 且 部 栗 又言: 停 舉 故 所 給 在 罷 尚 劾 臣 事 以 舍 未 其 重 未 合 繳 臣 供 屬 職 臺 之 有 駁 聞 職 或 制 緇 統 必 有 唐 而 然 者 攝 而 日 栗 寢 以 尊 乞 惟 朝 望 罷 左 乞 或 行 臺 廷之紀 風 之文。 右 將 體 回 諫 劾之,且 派 熹 避 也 彈 進 新 劾, 綱 微 至 今 退 舊 其文 兼 熹 於 有 郎 熹 任 停 用 指 官 既

^{■「}司」,原作「言」,據明刻本改。

制 給 非 其 舍、 紀 實 綱 臺 也 劾 諫 熹 繳 而 劾 先 百 自 官 亂 之 之,是 例 何 職 哉 制 ? 紀 栗 綱 之 以 説 職

之 子 此 垢 於 爲 名 見 其 殘 立 不 丙 類 行 是 歸 士 孫 唱 害 獨 術 鉤 異 中 之, 以 賢 之, 或或 朱 謂 無 距 夫有稍務 善 凡 窮 此 避 熹 道 栗之辭 往 良 士 以 以 使 之計 學一 於 日 此 陳 惴 爲 爲 臣 率 不 陛 王 名 賈 慄 善 植 獲 有 潔修, 不 者 淮 下 語 和 爲 始 黨。 進 指 口 中 彰 表 殆 之。 其 則 末 玷 以 ; 名 善 裹 材 如 損 粗 參 缺 近 無 從 不 臺 朏 解 喫 居 或 不 能 忽 驗 實 旁 力 惡 體 以 諫 菜 細 要 以 操 創 辨 最 窺 好 無 路 爲 矣 陰 事 銷 守 封 甚 爲 0 伺 學 魔 者 植 廢 聲 道 好 蓋 實 爲 輙 景 使 密 學 名 利 滅 正 自 者 過 以 材 影 相 之 不 害 迹 昔 或 道 愆 目 獲 付 所 學之 蓋 穢 小 以 犯 以 至 安。 係 爲 用 敗 德 鄭 爲 於 相

> 意 生 付 善善 熹 授 志 之説 固 慮 栗 良受 ,孚信 爲 未 侍從 甚 福 以 害 道 於 無 第 學 就 下 所 恐 爲 其 不 寡 自 而 大 有 更 淺 此 罪 襲 游 文 無 陳 辭 致 以 賈 無 達 語 實 言 鄭 陛 讒 下 丙 之 密 逐 德 横 去 相

請 宗之説, 其 明 誠 有 、公形 常 罷 心 不 術 守 勑 臣 可 局 伏見栗 不 察 無 今 而 預 苟 實 其 而 人 防 之 恣 知 人 指 耻 誠 辭 知 其 趣 不 身之 其 不 横 顯 得 舉 可 專 ; 逐 與 動 0 怒 不 狠 知 廟 若 早 詳 戾 而 名之 辨 號 此 定 況 不 之議 也 所 職 欲 畏 士 人 匪 以 君 執 風 遂 陛 何 父 覆 聞 之 爲 爲 下 聖 原 官 遂 堯

不 可 之條 臣 去 冬蒙 其 恩 説 面 甚 對 長 論 未 獲 大 究 事 竟 , 有 方 兀 齋 難 心 五

0 兵 丙」 部 郎 原 官朱 作 内 元 晦 狀 據 明 》改 刻 本、 水 N' 先生 文 集 卷

辯

哉 積 今 滌 其 慮 、厲階 郎 蓋 以 官 見 俟 將 去 大 陛 害 留 臣 下 大 以 反 何 體 下 覆 至 畏 詰 1 栗 難 封 兇 譊 庶 燄 譊 幾 莫 竭 徒 敢 盡 溷 辨 愚 宸 明 忠 聽

至 或 摧 形 ,干冒宸嚴 家之本,孰 抑 無 伏 暴 惟 願 横 其近 陛 以 下 伏 大於此 扶 惟 正 善 地待罪。 其 紀 類) 賢 綱 ? 奮 ; 之 臣 無 發 所 淳 不 惟 剛 在 熙 勝 其 + 斷 絶 効 官 五. 以 年 忠思 欺 慰 上 惟 图 公言 其 於 報 實 之 既

黨,最 庸 爲 復 亦言 起 于 博 人擾 再 辭 論 栗 士 林 人之所 之爾 栗 思 不狠 奉 乃 之劾 獻 常 有 愎 納 寶 悪 自 E 晦 之臣 文、 用 聞 詔 疏 庵 0 罷 崇福 論 先 所 黨 無 栗 列 生 謂 日 之命 知 事 也, 天 伐 而 胡 泉 下 異 指學 州 侍 葉 之論 本 御 IE. 無 者 晉 則 事 生 乃 臣 時

劉德脩論道學非程氏之私言

殿中侍御史劉光祖奏:

機 畏 議 深 劾 乖 親 泰 立 方 擢 也 所 慮 違 隨 則 而 伏 不不 晦 孤 臣 事 民 實 私 方今之 聞 遠 若 而 病 可 以 爲 情 是 私 夫 奏 未 使 忽 或 交 非 得 是 陳 瘳 待 家 也 起。 不 憂, 以 非 罪 之 官 明 既 勝 方 言 禍 臣 此 孰 箴 顯 公, 殽 責 本 福 則 团 大 不 然 踈 社 而 邪 2 道 於此 凡 戒 而 庸 則 邪 正 之 賞 稷 易 皆 往 得 耳. 消 蒙 之 刑 知 口 攻 鑒 以 長 僭 陛 存 明 因 曾 ; 害 昭 濫 亡, 下 是 公 時 人 未 然 正 過 非 號 甚 之 足 論 而 聽 清 危 **\$** 以 以 舉 否 不 口

^{■「}愎」,原作「復」,據明刻本改。

❷ 「議」,原作「義」,據明刻本、《永樂大典》本改

於此!
别邪正,立公論而抑私情,方今之事,孰急

景德 矣。 時 之 朋 道 流 招 皇 厚 上 泰 知 愧 蓋 奥爲 以 太 來 極 其 而 漢 則 退之不 初 分 之 有 實 唐 小 不 臣 而 其 正 以 非 間 勳 幸 命 觀 治 非 追三 責 學 心 事 有 保 本 而 名 朋 見 進 誠 難 故 術 强 渾 壞 太 朝 幸 代。 其 爲 退 意 樂 或 以 反 然 議 士 和 於 而 尊 戚 爲 知 覆 之 正 論 百 不 大 熙 元 其 主 其 學; 見 術 道 道 至 夫 率 祐 端 9 窮 有 豐 紹 其 之 爲 於 忠 學 君 由 而 其 本 之邪 而 義 聖 際 味 黨 慶 諫 子 術 或 交際 於 也 在 當 層、嘉 爲 是 而 爲 元 起 最 勢 此 下 説 愛君 實 以 鍾 以 符 尊 爲 而 此 故 也 非 居 鼎 則 谁 之 安 近 救 踈 時 祐 也 之 黨 以 以 ; 古 之, 棄 兹 也 達 共 根 由 本 窮 不 正 咸 謂 道 學 羣 朝 足 本 性 見 窮 義 而 而 平 深 爲 盛 末 盛 臻 在 命 其 達 爲 以 IXI

> 之消 嗟 得 夫 志 存 長 0 絶 崇、 時 滅 非 之 觀 綱 虚 否 而 語 泰 下 0 也 而 尚 其 實 忍 論 爲 言 既 或 平 勝 家 1 其 之 臣 禍 勢 所 福 既 謂 成 社 道

嗟 惡 恐 紀。 得 攻 臣 中 亦 至 乎 其 道 無 明 竊 更 有 黨 謂 學 旦 惑 外 ! 臣 譏 見 初 從 之交攻 聞 人 艱 而 貶 至於忠 乃 無 言 遠 併 所 道 去 生 彼 方 慮 棄 贵 學 或 朋 此 誤 其 口 之説 諫 悉 六載 黨 玷 言 逮 因 而 爲 可 ; 班 衆 臣 疾 得 罪 指 因 列 而 議 其 復 己 陳 無 惡 則 實 既 來 憂 人 去 甚 朋 其 未 已 來 而 兩 臣 邪 黨 其 去 覩 交 併 議 之 始 ? 事 紹 乃 間 興 之 朋 攻 至 陛 果 聖 今已 罪 黨 各 其 時 賢 幾 見 下 忠 甚 之 黨 愚 何 雖 至 分。 間 聖 大 因 ? 每

■ 「志」,原作「忘」,據明刻本、《永樂大典》本改。

私言 明 在於切磋之、琢磨之。 目 而 與 以居仁由 德 别 人 日 白 爲 亦 ,出於《大學》之記載、《大學》之教 臣 如如 無 先。 本 切 方今道學,伊洛爲宗, 蜀 親 義 如 踈 其 人 爲道,以 磋 間 但 爲 舉詩人之言, 者,道 以 學 終 自 正 今之道學,其得之有 歲 有 學也。 心誠 之私 原 本 意 憂,首 遂 實 爲 然 介 有 非 學」者,又 則 在 道 程 臣 爲 朝 學之 氏 明主 所 民 序 之 謂

無 是 率 路 益 少,反以人臣之私意,微累天日 而 俱 擯 熾 所 由 時,大臣 論 陛 人言, 斥, 歲之内,斥逐 救 下 安得 履 竊 無 位之 初 歎 所 更 無 而 異 有 好 初 己。 同 好 紛 惡之私 端 人, 紛, 給 委 拱 必 寄 舍 中 而 贵 無 取 謂 間 治 所 凡 何 以 好 之清 封 凡 才 黨 人 所 駁 偏 所 固 以 明 充 進 爲 斯 侍 亦 塞 主。 退, 從 方 不 朝 論

若 交馳 也。 則 太苛。 衆忿 品 别 ,古今然也。 朝廷之上,賢才 今之君子不明大道,自 自是太 且 而 怨。 封 域之。 高 雖然,以 則 而 夫 並 實 或 薦 者 用 此 將 士 乃 窮 不 非 名 倡 居 副 是 不 利 議 爲 太高 善 責 之 薦 道,猶之可 也 途, 士 人太苛, 而 之 然 智愚 責 人 而

者,人

將

見其

肺

肝

然。

是固

其

師

友之所

不

非

歟

行之誠者,足以爲君子矣。

行

之

僞

安

敢

槩

輕

譏

而

痛

疾

之也

?

何

況

其

率

有

至

平.

之説

往

往

僞

者

色

愧

淺

者

心

服

又

子

也

而

又

何

爲

乎

?

臣

每

因

論

學

之間

必

善

 \pm

善善

人,所至人

必喜稱

0

又

以

僞

黨。

之,使

之益

深,

而

遽

自

| 矜以

召禍

則

無

乃

亦

學》之明德矣,得之淺者又可

不

切

磋

而

琢

磨

淺

深,其行之有誠

爲。

得之深者固已合《大

^{■「}傷」,明刻本、《永樂大典》作「爲」。

❷ 「由」,明刻本、《永樂大典》本作「用」。

然。 指 之間 實 豈 往 公,迹已涉 抑 凡 至 謂 禍 必 此 有 怨,必至過 於一 彼既 品品 所 沽名之舉, 欲激怒於至 循嘿 亦 題 取 未 言。 既 成 於 有 得 贵 衆 甚 朋 風 充 志, 無 是 實 至 黨 而 則 所 國家安賴 决 以 尊 快 於 涵 疑 遺 必必 不 潔身以 私 養之素,彼 謗毁先喧 怨 時之虚 我 ; 情 加 叢 容。 凡 之 興。 有 退 往往忠諫之言 以 我 名 所 一於羣 心 許 於 亦 如 而 揚, 雖 訕 譏 賈 窮 日 Ц, 贵 怨 誚 達 今 主 事 懟 於 無 進 以 進 日 修 之 勢 退 退 至 所 而

伏 使 此 而 由 而 定 相 理 此 幾聖心廓 而 生 激 泯 臣 而 邪正 相 熄, 欲 靈之幸, 和 勝 熄 道 平 由 然, 將 之 學之 展 此 來 轉 福 永爲皇極之主 而 社 之禍,故 報 譏 由 别 稷 復 此 由 之福 公 八,爲 而 此 論 集 而 不 禍 或 也 消 由 無 憚 此 ,使是非 家 朋 窮 反 如 而 之事 黨 復 其不 明 之 臣實未 以 由 私 洂 由 然 陳 情 此 由 此

知税駕之所。

爲言 留 或 章 非 , 神 ,甘受誅 臣 采 風 以 一蒙恩 曉 覽 免異 在 必 擢 位 責 時 能 任 9 無 請 上 取 洗 所 當 進 對之初,首以 往 税 止 於 陋 駕 天 共 之 心。 禍 趨 至 然 伏 是 後 乞 非 聖 下 公論 臣 臣 慈

益 廢 極 爲太學博 益公既 王 公 論 不 丞 雖 用 王 相 責 者 相 丞 罷 不 以 士 拱 相 能 陳 變 留 秉 用 傅 率 通 嘿 丞 政 良君 同 之 無 相 然 日 志 理。 所 爲 其 久, 舉 者 預 次 後 請 而 士 因 輔 亦 下 於益 疏 詹 多 多 三十三人, 與 體 納 失 所 公, 益 知 職 收 公不 元 名 反 擢 復 善 士 周

0 古文集成》卷二六《論 後 原 作 居 明 刻 程氏道 本、《 永 學劄子》改 樂 大 八典》本 作 后」, 據

月二十七

日

奉

聖旨依。

紹熙元

年

之門 聞 是 矣 遂 時 拔 合 有 沈 0 善 用 mi 何不 還 擢 肆 副 劉 知 有 多 類 爲 何 之。 名 端之命 公 開 多 佳 納。 澹 軍 在 之 聚 應 士 爲 器 士 先 于 會 諫 相 少 館 爲 朝 留 何 長 繼 監 留 時 被 丞 而 對 去 攻 丞 首 命 相 不 或 與 益 相 首 從 同 以 得 者 何 公 所厚 之。 上 知 保 志 衆 麗 諫 此 貢 全 者 議 之。 , 舉 自 疏 善 始 力 善 太 是 天 劉 士 勸 學 側 益 下 勸 公 博 及 以 公 目

言 對 公 公日 席 H 者 甫 復 至 迫 論 今 餌 月 0 光 則 前 何 定 何 祖 諫 自 劉 自 志 非 曰 議 言 公 然 丸 : 立 之 被 大 見 異 夫 爾 他 命 近 公 陳 也 拆 口 日 疏 賈、 及 號 知 風 旧 退 南 今 爲 世 采 平. 宫 恍 右 口 H 惚 劉 新 院 與 正 與 言 者 公 語 大 何 數 黄 諫 劉 劉 坐

> 掄 補 郡 憸 黠 佞 一人皆攻 柔 清 議 道 所 學者 非 0 也 出 賈 與 祠 掄

得 議 五. 以 號 即 相 遠 舊 械 承 放 論 差 命 封 指 罪 月 爲 日 遣 何 誤 , 矣 直 還 揮 自 都 忧 \equiv 先 劉 亦 諫 是, 此 秘 上 9 録 司 公 轉 會 徙 議 分 章 又 閣 + 沈 黄 人 論 上 劉 行 太 矣 論 有 月 訦 劄 之, 舊 公 觀 潼 府 詔 孫 9 給 子 察 以 楊 何 趣 111 少 E 璫 疏 再 使。 使 拆 諫 經 **\$** 府 卿 不 者 \equiv 言 吴 號 0 至 議 轉 書 樂 上 端 之。 自 給 差 臺 讀 除 劉 運 , 乃 言 者 事 御 公 誤 諭 御 判 坐 上 中 壽 筆 除 求 官 指 自 史 何、 諭 劉 皇 帶 胡 **令** 去 中 劾 其 公 胡 劉 潛 依 留 晉 御 9 派 拆 公 器 年 即 既 臣 邸 己 既 派

之,以絶 始 禍 劉 本 公 而 臺 劉 也 公不 識 忍 者 望 但 其 擊 擊 陳 何 黄 去

罷之。後五年,遂有道學之禁焉。

之禍 世 敏 以 懼 臣 蓋 熹恐其 近 虚 呈。 説 口 晦 經 一若將 之罪 邪 遽 程 未 之 匿 鄙 0 見愛之深,衛道 謂 伯 論 理 • 況 乃 先 説 上及前 '', 且. 未能 賤 聞 體 今之君子不能爲前 禹 東 生 推之,至 尚 況 以是 初 洪洪 京禁錮 迹 己 以 仁 所説 恐 門 意 有 遂 方 書 後 賢 未 慶善之事 下 與之較 因 補 刊 以 止 帥 經 亦 能 爲 此 刻 於 虚 之云 之切, 古 白 未 江 免 爲熹之計 刻 可 世 聲 有 聞 免 西 馬 禍 疆弱、 書 以 教, 横 嫌 : 9 分 清 之 亦 不 欲 其 求 於 遭 朋 惘 流 蒙喻 今 而 日 暇 可 刻 書 教 争 時 之禍 樹 然 口 侍 之 鑒矣。 適 政 以 晦 勝負 事 黨 語 以 流 郎 欲 消 使 繼 故 庵 之機 德大 重不 布 見 丈 即 而 息 深 玷 而 以 者 ^ 贵 遠 近 自 朏 諸 經 乃 盈 驚 寫

> 曾讀 邪 感 不 色 虚 足 迦 紛,本非 能 非 而 之所 市 ; ? 畏 興 曲 納 避忌 可 則并 曾讀《三 詩 直哉 彼 乎? 避 之 權 欲 者,指 在 臺 書》、《 亦 攻 爲 布 然 遂 諫。 而 老子 何 愚 程 去 亦 爲 攻之 嘗 經》、《字 懇 歲 但 氏 爲 何 諸 衡 此 不 有 發,但 建 ; 苦 訕 論》, 人注釋 便乞寢 尤 幸修 察此 定 爾 上,而 而 昌 近 論 0 直 説 學官偶 則 承 事 齋 而 若 觸 斥三 罷 9 而 \approx 望 之 加 戒 欲力與之争 此 此 可與之較是 則 明 以 風旨 以 蘇 姦 則 且 爲 攻 鏡 爲 刑 尚 慝 兼 今 刻 王 謗 誅 舊作 談 視 Ħ 之 怒 雖 氏 詆 室 其 鋒 釋 清 紛 無 何

2

^{●「}晦」,原作「悔」,據《知不足齋叢書》本、《晦庵先生朱

卷二七《答詹帥書》改。「注」,原作「汪」,據明刻本、《晦庵先生朱文公文集

道命録卷第六

慮爾。」 爲道學之害,亦不爲難。此尤不可不 則必反以激成其勢,而益堅其説,或真

六六

| 渴想,望爾遄驅。紹熙五年八月黄由行

晦庵先生除焕章閣待制侍講誥詞

道

命

録

卷第

樂 之 朝 士 頤 多 登 延 帥 論 義 之 奇 源 從 學 垣 召 在元 直 之誠,究 其 班 士 朕 有 賈 初 賴 之次 將 以 在 誼 祐、若 眷 承 增 兩 重 于 儒 大 試 益 爾 對之班 朝 吾 宗之 長 統 未 道 望 于 正 尹 沙, , 朕 之 心 焞 未 爲 在 爾 躬 誠 自 于 之在 暇 處 不 外 發 意 當 馮 他 用 以 之説 須 非 接 紹 圖 翊 邇 經 召 不 以 興 英 至 首 之 不 節 知 前 贵 之 今 闢 政 藴 以 如 席 副 列 惟 四 化 經 趣 真 吾 窮 慰 海 闡 方 歸 之 慰 若 滿 尊 猶 百 行 本 兹 德 詳 于 程 謂 氏 徑

崇 寶 辭 主 養 辭 先 江 有 奏 子、選任 揮 事 禮 之 管 民 東 文 指 政 職 未 生 有旨 疾 朕 閣 崇 翊 力 轉 道 名 殿 力 衰 晦 朱 速 諒 , 令 學 學 福 説 日 運 辭 也 庵 1,召赴 疏 修 大 之任 熹 其 爲邪 副 宫 書。 先 臣 詔 再 明 昨 誠 而 乃 使。 生 0 士 上 以 軍 時 先 **\$** 氣 提 有 行 先 既 復 院 先 時 政 内 生力 有 者 面 舉 寶 先 在 生 從 爲 降 淳 生 六 禪 旨 除除 對 綱 文、 生 方 所 主 林 詔 熙 事 前 辭 因 維 以 控 栗 依 管 秘 請 羧 + 奏 崇 七 言 江 上 田 免 所 諭 閣 所 西 變 五. 策 福 日 可 西 書 極 産 劾 修撰 太 化 乞, 年 皆 之 依 也 而 苦 論 之 辭 風 論 依 新 孝 命 己 切 輔 宫、 月, 俗 月 詔 先 依 宗 舊 執 翼 任 降 也 兼 勿 除 生 舊 政 愛 太 疏 又 職 眷 有

行 月 辭 術 事 謙 觀 月 任 詔 去, 里 與 紹熙二 澼 「長沙巨屏,得賢 育解 淵 且 辭。」先生至潭 日 湖 漳 以 除 除 未 論 差 又 州 辭 八 南 源 辭 副 秘閣 湖 報。 撰 知 者再 月, 章 年 差 使 日 朕 正 南 之 潭 不合妄議 節 知 春, 先 十月 四 崇 修 資 除 轉 上 職 州 静 事 上。 撰 儒 勸 焕 運 十月 登 不 江 先 奉 以 章 重 講 副 極 州 爲 生以 差 相 府 寵 閣 生復 祠 道之意。」先 使, , 重,往 知 五. 經界,自劾。 次 見 酱 詔 視 名 待 又 日,御 長子 漳 對 先生再辭, 事 面 先 先 儒 制 乃 再 再 州 之 辭 六 祇 生 生 乞 辭 辭。 從 之喪,力 侍講 月,乞 職 劄 者 成 声 赴 補 不 命, 辭 所 行 生 許。 依 滿 勿 有 便也。 有旨 職 乃 復 卿 退 先 在 歸 無 大 舊 宫 旨 受 求 牢 經 又 生 執 宫 觀 奏 九 田

何澹論專門之學短拙姦詐宜録

去傷

命

御史中丞何澹奏:

之不 曉 其 而 而 以 公言 不 辭。 中 純 陳之於陛下乎 臣 道 者 臣 不 ,國是之不定,至 正 既 佞,不足以 贵 理之所在 黽 敢 勉就 懷 顧 ? 列矣,今日之事,當 任風 忌之私 今日之病 煩 憲之寄,陛下 陛 下 爲 親 ,在於士風 容默之計 下 明明 别白 不

賢之功用在是也。」一人倡之,千百人和之, 毁之者,有 專 日 也 一及其 : 門 此 之學 臣 竊 致 久也,有 謂 者 知 畏 此 格 以 而 病 物、 私 無 從 所 淑 精 從 敢 而 諸 義 附 來 竊 人 人 和 久 議 神之 之者 爲 矣。 者。 己 學, 有 任 頃 附 歲 之 非 而 從 者 古 有 而 不 聖 則 詆 善 爲

之口 潔 鄉 非 畏 附 見 其 護 之 得 趨 幸 而 無 立分 黨 之 乎 某 其 門 總 其 何 而 不 和 爵 而 補 自 者 學之 於 無 爲 局 者 之, 而 無 禄 而 其 莫若 因 玷 空 或 乎 者 假 而 敢 實 無 彻 踐 論 以 顯 言 定 借 流 用 甚 竊 今 敢 置 既 履 其 大 爲 乎 衆 行 其 而 日 其 竊 議 詆 言 不 其 口 而 人 此 ? 爲 言 聲 者 宦 毁 議 行 矯 觀 不 則 其 皆 見 而 勢,小 僞 則 學 之 激 有 問 矯 而 不 於 賢 學 擯 則 日 之 者 詆 出 問 以 人 僞 不 事 真 斥 而 人 : 捷 則 於 毁 臣 爲 爲 可 其 而 \Box 僞 矣 棄 也 巾 徑 此 者 嘗 異 利 僞 以 E 不 9 舉 置 禍 正 其 皆 之賢 行 平 得 行 或 近 無 彼 矣。 無 亦 且 、學者 直 乎 失 名 於 善 心 欲 其 其 所 不 以 及 閨 譽, 而 其 類 否 人 而 説 學 又 易 詭 别 以 身 門,達 實 不 爲 情 論 也 術 不 矣 此 此 大 空 隨 兼 私 真 繁 鉗 獨 以 以 見 皆 有 口 虚 收 平 是 或 某 爲 廉 用 爲 畏 以 不 而 而 而 知

> 不 道 不 爲 贓 又 拙 尚 叮 口 憑 已 學 穢 不 此 知 ; 哉 則 踐 慮 也 自 學之玷、 藉 ? 則 真 士論之不 履 哉 乎 反 爲 聖 彼 荷 之不 此 9 ? 賢 漢 其 其 又 以 此 甘 、學術 之 好 羣 篤 沽 道 道 陵 傷 · 姆 起 名 而 之 之 學 善 而 唐 譽 而 借 累 空 類 忧 攻 牛 而 寅 此 0 爾 虚 也 之, 李 釣 緣 以 贵 而 爵 文 假 或 日 彼 及 不 假 禄 其 託 : 人 家 此 口 此 姦 之 尊 將 是 亦 彼 甚 以 詐 借 受其 非 竊 其 者 贵 蓋 ; 議 重 紛 不 沽 或 其 不 害 樂 屠 者 則 則 短 口

其 目 有 下 宸 王 爲 翰 安 ; 以 志 亦 是 於 高宗之言 石 臣 有 學 不 之學 聞 非 曰 必 者 紹 者 : 皆 以 不 興 從 學 口 風 有 必 間 其 門 者 厲 尚 自 爲 諫 之 當 天 口 相 非 臣 故 F 以 之 標 陳 孔 弊 榜 使 更 朝 公 孟 天 廷 相 使 輔 爲 高 下 亦 庇 衆 嘗 宗 師 皆 惟 護 言 皇 師 是之從 是 得 臣 帝 孔 程 者 而 願 親 孟 頤 從 指 陛 灑

是 勉 行 惟 定 厲 善 因 乏 將 名 而 取 必 無 而 由 察 敢 而 此 實 飾 無 詐 彼 録 取 以 此 其 進 求 異 真 止 售 同 而 矣。 之 去 别 其 士 0 僞 風 聽 言 則 純 而 X 而 或 知 觀

元 元 年 七月 Ė + 四 日 奉 聖旨 依 9 仍 榜 朝 堂 慶

申 議 宗 自 网 藺 澹 事 而 心 諸 言 謙 爲 月 益 登 所 越 喪, 薄 孝宗 仲 公 生 不 右 次 極 又 喬 爲 適 拜 逮 諫 澹 攻 仲 將 嚞 既 樞 忤 右 議 事 卒 謙 至 等移 内 密 揆 而 上 大 去位。 乞 仲, 以 山日 禪 澹 使, 夫 而 下 宫 書 有 罷 素爲 仲 留 周 攻 府 給 責 本 之。 時 至 正 益 益 之, 舍 舊 生 紹 仲 仲 引 公遷 僚 公, 繼 臺 由 太 熙 至 至 兵 爲 母 是 常 諫 罷 部 自 左 所 喪 上 年 大 之。 參 議 憚 侍 揆 亦 所 爲 0 郎 八 謂 知 厚 清 光 月 當 太 疏 後 王 何 政

> 獻 疾 也 言者 0 ,於是過 是 甚 冬, 衆 重 光 華 宗 之 不 禮 豫 始 繼 簡 而 以 公 疑 卿 畏 士 民 得

閤 趙 閑 皇 子 喪, H 又 相 日 0 忠 昧 批 0 門 得 太 遂 人 定 光宗 后 事 爽 出 紹 之, 五 情 棄 熙 , ,上奏乞致仕, 時 韓 年春,孝 十六字。 天下。 連乞奏 洶 知 Ŧi. 批 又 侂 洶 樞 年 遣 出 胄 密 六 T. 云: 大 逮 宗 内 事 院 月 部 留 臣 七 侍 不不 疾 事 <u>二</u>十 尚 派 歷 乞立 月 浸 關 書 9 乘 相 報 事 几 朔,光宗 棘。 禮 趙 几 婦 大 已 日 嘉 以 彦 日 懼 久, 定 王 六 逾 忠 也 車 一七 + 定 諭 思 爲 猶 策 月 以 九 月三 白 遣 指 皇 + 留 未 欲 去。 日 知 殿 太 太 執 丞 廢

禮

0

[「]關」,原作「門」,據明刻本、《宋史》卷四六九《關

郭杲。 除 定。 趙 焕 公奏 章 侍 閣 御 五. 徙 日 待 史 叔 「, 上 即 張 制 椿 叔 侍 吏 椿 講 位 部 乞 于 侍 趣 議 重 郎 赴 派 華宮 闕 相 晦 去 趙 或 庵 之 公 先

罰

乃

帥

夫,上 公 中丞,遂 侂 免 趙 目 除 胄乃以 網 喪,除焕 公未之覺 暮 罷 盡 侂 拜 自 奏論學術 知 胄 略 矣。 趙 上 福 亦自 將 公得 此 Ë 州 章 明 作 也 閣 無 謂 年 監 且 政,凡一 不 學 賞 遺,姦儉 正 李 召 九 於是 可 不 士 月, 月 澹 沐爲正言 偏 幡 于 ガ趙 尚 知 時 澹 叔 勞, 慶 小 明 公引 椿 知 口 而 元, 重以 人 州 名之士 知 除 何 相 使論 樞 除 諫 用 澹 亦 怨 與 密 之 先 議 御 怨。 恨 院 趙 此 朝 大 人 側 史

事,自是,主僞學之禁者凡六年

晦庵先生罷待制仍舊宫觀誥詞

勑

之。

侂

胄

亦

欲

得

權

從

中罷

留

派

相

而

見

議

1

Ш

陵

留留

丞相

不

欲

士

或

大

而

間

生

以

趙

公

爲

右

丞

相

居 陳 其 名 如 貢 飜 眷 老之風,且 生 朝之特招 論 高 頒 慢, ,前受之是,今受之非, 幾 然。 生之懷土。 我 著之聯。 晚 茂 執 從欲 小 在 方喜 命 經 既陪東學之遊 我 遜 之老 ,稱疾屢矣。 者 詎 如 示隆儒之意。 以 聖 輕於 亘榮之説書; 僞,夫豈其 仍夫華職,秩 爾 辭 雖 人 心耽 雅 之仁 爵 夫次 志之勉從, 馭 於十 墳素,性樂 對 兼 尚 然 之祭。 俾 誰 逮 侍 謙 ? 兹 高 解 能 以 連 西清之邃 者 累歲 禁嚴 真 論 而 無 在 顧 君 惑? 未 趣 丘 既 祠 至 而 一樊,被 之直 始始 蓋 召 子 聞 諒 懷 務 之 忱 而 遽 肯 大 復 彰 徇 行 誠 良 復 遜 於 有 優 起

元 用 歸 咈 元年 蹈 鄉 于 里 噫 十二月 中 授 傅 生 厭 口 伯 徒 承 依 壽行 往 明 舊 勞 究 秘 專 閣 侍 門 修 從 之業 撰、宫 既 違 持 觀 其 槖 差 祇 之 遣 子 班 訓 慶

從 奉 末 子 百 月 望 大 至 官 之。 慰 復 日 暑 當 明 旬 稱 請 亦 日 故 諸 休 日 瑞 賀 繫 或 事 \equiv 色假 班 及 慶 值 罷 年 講 過 投 先 聖 講 假 内 筵 故 宫 進 牛 節 故 月 每 賀 日 欲 前 並 分。 遇 禮 外 有 即 不 **\$** 隻 旨 行 立立 出 先 H 逐 不 日 權 免, 卻 不 晚 日 以 生 早 罷 賀 可 早 寒 奏 晚 節 關 表 暑 乞 晚 又 進 序 乃 報 進 不 除 大 講 進 草 雙 來 受。 寒、 講 朔 名 隻 劄 及 H

明 心 白 先 以 口 平 生 舉 每 日 而 所 講 行 論 務 著 講 積 者 畢 誠 敷 有 意 陳 可 開 以 以 析 感 開 悟 益 田 然 上 上

> 者 德 生 在 者 再 經闡 罄 而 竭 面 對 凡 無 隱 進 賜 講 食者各 者 亦 七 虚 内 心 嘉 引 留 納 焉 身 先

制 審 黄 言 千 中 觀 艾, 祠 胄 侂 内 1 之, 已, 處 奏 里 樓 遣 胄 與 而 過 可 方 謝 中 十月 繼 鑰 大怒。 郡 中 密 宫、 之 而 知 此 對 大 使 仍 悉 疏 書 語 不 窮 王 + Щ 防 面 德 論 申 下 舍 冬, 德 九 奏 封 陵 是 脩 先 尚 趙 0 人 有 謙 還 日 再 書 恐 生 日 起 派 乞 旨 陳 朝 講 以 録 上 省 相 難 留 傅 居 有 緇 御 御 黄 除 疏 照 筵 立 留 先 良 郎 几 筆 批 論 留 會 留 先 御 講 中 劉 生 君 事 付 行 事 劄 身, 生 書 舉 光 先 遂 言 不 迂 寶 朕 己 再 祖 上 舍 行 奏 生 古 皆 闊 文 関 除 許 報 挂 德 X 諫 疏 切 閣 還 脩 除 鄧 卿 卿 論 更 給 先 至 乞 耆 大 録 又 京 馹 事 宫 牛 侂 還

閤 乃 容 部 用 覆 逐 防 方 止 以 先 疏 寢 門 侍 又 有優 進 吏部 生之 0 事 郎 封 諷 祇 還 乞 事 趨 兼 候 人王 留留 侍 録 上 欲 以 侍 先 郎 從 日 與 爲 講 上 喜者,時 生 聞 戲 有 黄 兼 曰 朱 艾 又 侍 : 伯 侂 伯 某 誦 大 講 依 胄喜之,欲 始 耆 講 耆 言 所 於 孫 E 除 大 權 懇 F. 將 逢 降 熹 對 輿之詩,反 前 9 古古 請 指 經 再 從之亦 効 問 揮 諫 不 用 先 所 爾 不 生 可 以 命 工

允 議 謝 不 許 提 事 Ш 尋乞致 舉 + 陵 自 乃 鴻 朕 月,差 以 慶 劾 優 仕 議 宫 賢 乞 僖 章 之 職 知 鐫 祖 意 再 江 朏 如 廟 上 舊 陵 祧 有 先 府, 旨 不 有 生 合 先 生 旨 復 自 辭 生 無 以 劾 職 再 罪 嘗 辭。 妄 不 職 口

> 待 鴻 慶宮 先 月 生 依 中 不 制 所乞, 書舍 得 詞 請 有 人傅伯 仍 乃 大 舊 乞收 遜 秘 壽 如 閣 還 所 慢 修 待 行 撰 制 小 也 職 遜 提 舉 如

恨 意 意 不 乙 樂。 不 遜 · 薦 己 敢 初 朝 固 牘 直 時 伯 廷 辭。 詆先 为 因 再 壽 侂 欲 胄 行詞 以 故 先 生 猶 此 皆 家 生 未 無 别 以 有 子 不 忌憚矣。 真 敢 逢迎之。 襃 弟 聽 僞 有 詞 嘗執 辭 加 望 益 罪 廟 先 弟 是後 力 先 堂 生 子 生 寄 廟 體 禮 之 此

^{● 「}逢」,原作「逄」,據明刻本、《宋史》卷四○四《孫逢士

②「某」,原作「其」,據明刻本改。

劉 德 秀 論 留 丞 相 引僞學之徒以危 社 稷

右 諫 議 大 夫 劉 德 秀 奏

言之。 捨 在 殿 臣 震 示 一之請 職 懲 是 矣。 動 ; 天下 而 臣 于以示 覽羣 聞 然 能 而 之心 濟 臣 真 一臣之 主 以 勸 否 趙 一之治 爲 汝 也。 奏, 是 天 猶 愚 天 以 下 而 有 之 臣 動 下 悚 加 佚 罪 竊 要 無 然 趙 見陛 罰 不 薄 彦 必 者 應 知 行 逾 有 下 大 之 流 爲 大 請 八賞罰 近 功 竄 賞 無 爲 者 罰 不 陛 因 于 進 之 成 所 臺 以 下 加 以

肝 謹 衛 其 見於前 小 或 廉 公 謹 背公營私 欺 留 按 日 少 IE 臣僚 保、 耳 初 目 觀 無 附 之章 學 文 下 至 術 殿 图 ·疏, 臣 其 大 上之罪 懷 又 學 姦 乏 更不 挾 才 累數 詐 猷 醴 欲 泉 重 如 徒 條 觀 瀆 見 以 舉 使 天 肺 曲

> 聽 特舉其罪之大者, 爲 陛 下言之。

外 廟 稷。 敵 大 太 政 室 又 ,首尾 , 反倚 罪 示 欲 上 動 乃 推原 得 違 孝宗禪位 古 或 與 摇 也 家 參 豫, 寵 小 五. 爲 人 其自 祖宗以 預 保 臣 助 心。 年, 不 機 位 引 之初, 思 I,則正 縱 政 驅 裾 爲 保 見 來 臾 去 扣 臣 佑 鈎 僞 乃 垂 復 之由 太上 額 不 致 力 學 三 聖 來 者 忠 薦 百 躬 之 略 賣 即 蟠 汝 年,聖慮 徒 孰 此 其 位之始, 據 如 無 愚 其 方 甚 朝 功 韓 廉 大 盛 於 名 破 廷 琦 耻 罪 此 壞 深 之 以 正 流 幾 遠 成 於 不 傳 專 危 前 也 法 其 中 英 能 歲 輔 社

꼿 膝 乃 汝 愚 旦 拜 復 陽 造 委之而 他 昨 者 妖 爲 不 陛 撰 得 道 逃。 夢 地 下 嘗 未登 暨 意 夫大臣許國 聞 指 啚 極 趙 其 不 之時 彦 軌 膝 逾 以 建 語 正 存 双 既 心 同 亡 戴 危 逆 列 之 與 疑 知 日 俱 議 之 其 正 正 心, 此 則

其 則 濟 使 大 遺 亦 汝 罪 患 愚 必 \equiv 他 敢 身 也 爲 死 ? 無 贵 禮 爲 有 臣 猶 平 如 居 此 正 則 色 社 貪 折 竊 稷 之, 相 何 位 賴 籍 使 有 急 此 不

知 相 合 窮 列 几 藏 於 奉 巾 位 問 IF. 方太 金 藏 IE. 又 方 行 匱 太 /攜 始 詔 上 IF. 土 仍 以 吐 書 爲 有 御 露 去 頒 首 脱 劄 史 乃 相 屣 館 陛 至 深 意 萬 0 煩 便 下 藏 機 欲 當 宣 IE 正 廢 之意 何 復 位 取 格 爲 藏 啓 九 方 ? 不 之私家, 隆 親 Ŧi. 始 ,太上 以 慈 降 此 繳 語 御 其 F 進 劄 及 大 御 率 罷 罪 劄 及 口 付 不

進 職 偃 然 11 罷 祠 居 夫 隆 以 少 名 IF. Œ 有 其 享 四 罪 厚 大罪,臣 禄 庶 幾 實 累 臣 子 子 或 之所 典 知 所 共 望 戒 忿 將 懼 乃 正 取 褫 反

正月二十四日,奉聖旨依。 慶元二年。

簿 言 始 士 者 定 及 備 月 侂 甫 用 時 是 望 以 宣 + 胄 薦 侂 知 江 皆不 一忠力 侂 忠定引己 節 德 留 終 罷 H 德 胄 留 建 西 胄 度 也 秀 秀 派 不 羅 派 E 康 特特 答 大 使 爲 相 釋。 春 相 大 平。 府 語 + 怨 伯 授 察 惡 既 遷 用 自 共 恨 不 簽 四 官 之, 其 事 罷 有 徐 二官,爲 有旨 政, 知 遜 日 書 大 誼 侂 遂 忠 趙 重 以 樞 子 侂 理 0 彦 胄 除 定 不 慶 忠 侂 遂 丞 宜 密 胄 寺 逾 乃 監 承 悔 得 府 定 力 胄 相 院 爲 亦 主 諭 除 察 宣 代 己 爲 踈 往 望 事 京 遣 簿 端 御 中 使。 歸 來 己 右 除 慰 尹 下 劉 明 史。 丞 兩 解 丞 節 受 諭 勸 殿 德 有 謝 除 求 鉞 相 忠 學 怨 侂 谕 進 九 深 秀

「答」,原作「合」,據明刻本改。

0

七六

黨 官 之。」而 日 辭 彦 逾 上 疏 始 改 老 廷 疑矣。 除 奴 臣 几 今 姓]1[名 去, 制 于 置 不 Ŀ 使 惜 以 爲 彦 爲 逾 陛 忠 愈 下言 定之 恨

誦 乃 十,責 落 罷。 此 知 明 事 擅 言 留 樞 職 年 疏 忤 權 客 密 中 侂 是 攻之,至此 散 求 院 ,方爲言 蓋 監 丞 月 月 胄 官 居 勝 德 事 察 十九 何 趙 即 德德 秀於 御 澹 興 永 派 日 史胡 又論 日 始 訛 事 秀 州 罷 相 留 發 遷 官之長 起 侍 晦 以 紘 其 丞 二年 世 右 訕 右 庵 講 又言其不遜 有 相 諫 與與 先生 正 無 動 有 正 議 言 故 深 君 摇 在 大 月 以 德 李 之 人 憾 外宫 澹 夫 秀 沐 論 心 論 未 遂 者 遷 朝 而 9 觀 敢 復 澹 有 其 而 綱 口口

叔 欲 論 捎 侂 派 胄、 相 之罪 之 未 一語洩 罷 也 右 爲 所 IE 言 逐。 黄 度 晦 文 庵

+

三日

也

後

數

月

德

秀

又言

邪

正

罪 廷, 其 前 如 邪 爲 也 已 放 生 德 之 能 先 相 行 一之徒 士 高 轍 中 爾 肆乃人之真情,潔廉 秀分居言路,使盡去趙公之客、朱先 得 生 繼 假 則 則 鉗 毒 則 及趙 言 一侍 致, 疏論者甚衆。 以 倡爲僞學之目以 義 制 桀、 朝 餌 德 之, 經 中道爲卑污, 臺 又 以 廷 又謂 秀遂言:「 席 跖 相 況 皆 諫 干 願 爲 抵 利 賜 與 本 下 知名之士不可一一 降 鼓 甚 罪 罷 吏 非 詔 詔 倡 · 搢 至 聽 部 高 侂 書, 如 附 曲 中 其 侍 趙 胄 致 而 紳 所 名之, 和 訓 護 言 道 好 郎 丞 以 大 患之,乃引澹 請 權 飭 特 禮 萬 則 詭 夫 相 彭 元 如 在 臣 欲 周 者 蓋 世 僻 與 懇 龜 飲 庭 年 歸 依 所 僞 夫學 險 以 留 年 孔 狂 常 誣 傲 焉 貪 Ŧi. 毋 過 正 之 子 藥 蹈 校 者 月 行 朝 考 行 不 而 黷 以 壽

貶, 侂 必斥 之辨 深 實。 蓋 已 考核真偽, 王 語 自 知 乃 凡 此 其 也 以 胄 無 而 虚 始 姦 引 益 行 過 僞 昔 以 如 於 僞 大 之徒,言 我 故 辨 市 真 學 用 孝宗 臣 邪 人 與 之 事 願 所 正 係 罪 垂 陛 行 不 德 歸 而 下 意 爲 至 相 已。 秀 之。 以 規 是, 違 恨 在 孝宗爲 者 恢 僞 留 彼 趙 興 未 學 首 王 派 丞 口 之 相 嘗 之 道 相 務 法 稱 己 覈 所 先 不

胡 紘 論 僞 學猖 獗 啚 不 軌豈 미 容其 並 進

太 常 少 卿 胡 紘 奏:

軌 而 三大臣 摇 致 治 臣 動 竊 者 上 臺 惟 皇, 諫 自 比 出 古 詆 年 死 以 誣 以 力 來,未 聖 來, 而 德 排 僞 有君 幾 之,故元 學 至 猖 子、小 大 獗 亂 惡 啚 X 殞 爲 賴 雜 命 用

> 之手。 誤 唐五 後 光 或 遣 群 並 田 日 之事, 徐 廢昌 認 邪 進 里 ,以冀 僞 品 ,循省燃咎 王 學之姦黨次第 天 屏 今縱 邑王 意 不 迹。 處之,置於無甚 幸 可 殺 急於奉承 其 以 賀 未 武 自 爲 他 御 能 \equiv 戒 日 筆有 思, 日 革 盡 不 用 陛 用 去 而 不 相 之, 倡 救 古 下 舊 誅 事 旋 報 爲 偏 法 染 何 權之地 其 或 復。 踵 調停之議 建 未 與與 群 亦 濡 而 中 宫 臣 窹 往 皆 宜 ·之説 贵 觀, 一百餘 也 者 聖 且 斃 ? 或 **\$** 於 建 可 化 容其 退 漢 取 或 中 與 伏 然 思 差 靖 前

之心。 使臣他 尹 諫 、太公、莫能爲之策矣。 論 列 願 日 者 陛 不然,紛 不 並立 下 宣 幸 與 一論 獲知言之名。 權 然 宰 四 住 執 起 進 横 擬 凡 僞 驚 勿 惟 學之黨, 取 啓 捷 陛 進 出 其 下 止。 經 留 曾 誉 雖 意 有 求 經 伊 進 臺 册

月九 日 奉聖旨依。 慶元二年上。

七八

姑從 之 端 置 仲 傅 賜 汝 事 侵 論 太 觀 章 士 正 ·, 且 心 愚 裁 言 頴 口 象 侂 府 復 朝 晦 之忠 邪, 竄 寺 夫 酌 胄 李 子 中 庵 疏 或 茂 乞鑒 兀 0 書 詔 静 先 斥 留 子 獻 年 丞 沐 竄 勤, 趙 或 舍 吕 祭 生 詔 上 徐 劾 漢 祖 沐 張 以 彭 學 月 公,沐又 酒 人 祖 祖 疏 其 範 察 唐 衟 儉 以 示 上 李 鄧 儉 儉 留 侍 彝 附 趙 寬 祥 志 謝 之 周 舍 祥 馹 子 朋 之, 郎 下 公 叟 禍 容 叟、 在 天 簡 生 千 比 約 (劾之,祥、 元 既 子 亦 当 下 詔 無 之 懲 楊 林 里 德、 图 又 壽 投 免 君 茂 還 非 自 靖 宏 封 疏 仲 等 上 相 斬 博 獻 合 祥 還 স 其 黨 疄 中 康 留 不 送 E 士 與 兵 之變, 書 罪 充 景 録 李 簡 H 當 書 簡 灼 楊 韶 部 郡 黄 行 當 父、 冲 去 公 俱 論 李 簡 以 州 與 侍 誅 罷 沐 乞 又 收 蔣 周 併 安 宫 其 語 敬 右 郎

> 爲 覈 以 去 博 德 以 詔 不 御 罷 讀 百 守 爲 真 或 詔 士 秀 如 史 里 宏 斥 言 袁 詔 楊 者 中 臣 趙 僞 是 司 又 外 依 錢 業 劾 大 相 等 派 季 爕 而 軍 尊君 重 已 法、 妄亂 鍪 相 辨 汪 和 或 繼 州 路 真 面 所 既 邪 逵 叔 子 編 典 右 亦 中 諭 人 窘 正 貶 E 季 博 或 憲 管 正 罷 情 書 逐 書 永 路 道 僞 士 言 子 洶 行 州 等 學 人 孫 遂 德 千 劉 正 洶 鄧 扇 劄 之 增 事 過 里 德 陳 元 秀 千 是 摇 侂 禍 子 訓 卿 劇 遂 武 時 衡 亦 秀 或 里 胄 自 辨 東 罷 乃 陽 1 蕃 飭 是 而 乞 患之。 知 此 之, 卒 伯 乞降 疏 叟 已 知 在 改 名之 各 起矣。 天 病 庭, 泉 德 皆 太 爲 送 州 下 考 又 學 有 侍 秀 罷 聽 五

夫」,原 作 大」 據明刻 本、《宋史》卷 四 五 五 楊

0

實

疏

之也

除之, 多佳 冤之。 歸 行。 趙 后 葬 聞 師 士 而 信 召 非之。 也 中 聞 二年正月二十 者, 時善類 一,引唐 書舍人汪 ,二十七 嘗 上 李 貶 書 斥 林 日 養端 乞 相 甫 有旨 Ħ 斬 繼 故 也。 以 趙 公事,欲 憲 趙 復 丞 丞相 聖慈烈 有迪 相 元 根 官, 之門 株 事 功 皇 斷 許 不 郎

侍 章起 力争 黼 事 議 正,以稱朕救偏 御 元 大夫劉德秀、監 臺諫 史。 居 章獨贊之,與 六月二十六 以 始,御筆之出 郎 爲不 論 元章 奏, 兼 權 可 去左史,改除兵部侍郎 不必 建 刑 9 乃 察御 日 同 中之意。」命 部 改爲 也 更及 列 侍郎 一,殿 御 史姚 異。 **筆** 不 舊 姚 中 事 七月, 愈、張 愈爲 侍 必 「今後 下,右 御 專 務 殿 徙 史 及 伯 在 中 黄 舊 給 諫 元 垓 平

> 遷 貢 議 院,未 學禁愈急。 用 史。 者。 干, 弛 歲餘,三遷至吏部侍郎。 九月,除 紘章 ,紘亦廢棄而 舉考宏詞不當而罷。 起居舍人。 遷太常 侂 後十九日 慶元元 胡 胄 爲 紘者, 疏 意 人 秘 也 所 少 未 書 年 二年三月,紘 紹 卿, 知 快 又二日,黄元章 趙 郎。 六月,遷 明 死焉 熙 年 遂 丞相遂有零陵之命, 會 趙 五. 十一月, \equiv 上 有 年 派 月,紘· 0 此 紘 薦 冬纔 相 遷起 奏。 未幾 五. 司 紘 時 年 農 除 建方喪之 可 奪 監 ()學禁 居 奏二日, 罷,自是 寺主簿。 監 備 坐同 都 職 郎 察 鷹 居 進 漸 甫 御 知 犬 餘 奏

「考」,原作「者」,據明刻本改。

沈繼祖劾晦庵先生疏

監察御史沈繼祖奏:

惟 夫 魅。 淡,衣 簧 走 呈身於 方 載 斷。 熹 而 鼓後 竊 其 疏 譽之、薦之,根 無 程 徒 自 臣 士大夫之沽名嗜利 行 襃帶 所 本 頤 主威 進。 咸 竊 長 知 義 至 之 口 遂 聖 見 響 之徒 沙 博 邪 餘 張 所欲 福 敬 世 秘 答 論 浮 加 閣 之 此 簡 或 株 以 駕 前 以 修 小 柄 寓 之堂, 會 術 既 益 忮 誕,私 撰 者 以 徒 難 熹 而 固 忍 其 得 喫菜 於 售, 提 亦 用 潛 黨 利 覬 肘 廣 初 富 之 立品 舉 形 尋 伍 其 信 事 腋 事 貴 於 南 大 變 匿 魔 既 爲 豪 鵝 矣。 相 者 題。 京 私 所 之 迹, 成,遂 助 湖 俠 與 得 室 鴻 習 妖 之寺 收 如 餐 名 慶 臣 務 術 竊 又 鬼 粗 召 剽 宫 飛 以 爲 謂 從 不 書 如 張 兀 或 食 几 武 朱

熹有大罪六,而他惡又不與焉。

0

昔茅 釣 熹之不孝其 以 天 不 名 : 堪 此 惟 容殺 与每 供其母 人子 彼 而 母 亦 存 以 不 之於 雞 焉 恤 語 親 食 , 家 大罪 其 人。 而 母 親 也 乃 建 母 9 而 當 日 寧 有 嘗 之不堪 與客蔬 米 糴 極 赴 此 也 白 甘 倉 好 鄉 甲 旨之奉。 米 飯 鄰 飯 無 以 之 于 乃 食之。 今熹 招 閩 聞 大 中 者 歸 戾 欲 熹 憐 謂 乎 餐 其 熹 也 粗 母 不

行 者 郎 又 謂 及 監 林 不 蓋 貽 栗 肯 司 熹於孝宗 召 書 圖 之章 郡 命 痛 朝 部 守 不 責 至 供 或 至 之, 而 熹之不敬 職 之 有 夕饋 蓋 託 朝 熹 招 將 累 無 致, 足 辭 以 疾 於君 其 被 則 1 對 以 鄉 召 趣 而 要 有 命 駕 要 其 大 君 士人 大 以 罪 後 偃 又見於 往 除 蹇 連 命 也 郎 不 其 説 駕 行 者 則 姓 趣

誤 或 愚 熹 官 西 改 家 其 大 乃 事 之 素 1 以 建 他 所 利 私 草 熹之不 處 厚 害 意 澤 之説 善之 倡 向 别 爲 非 忠 妖 啚 異 陛 於國 改 不 人 論 下 1 蔡 顧 聖 大罪 首 祖 元 明 其 宗 定 意 奏 之 \equiv 朝 而 蓋 禮 劄 論 也 附 欲 典 堅 乞 會 藉 決 不 趙 召 此 幾 恤 汝 以 江

罪 躐 玩 爲 奏 名 八萬 侮 辭 几 取 以 也 朝 免 其 次 招 昨 廷 者 致 子 對 贵 汝 弟 姦黨 莫 有 熹 愚 此 换 既 以 倚 易其 爲 秉 職 用 政,謀 爲 甚 名 法 章 腹 1 受 從 服 心 恩 恩 爲 此 羽 矣 數 例 不 而 翼, 軌 乃 封 口 而 忍 贈 驟 卻 忽 欲 其 升 辭 H. 熹 藉 章 父 職 經 熹 名 母 筵 佯 虚

其 廷 人 、哭之 徒 之 建 大 汝 陽 於 愚 義 既 知 野 而 縣 死 乃 儲 熹 朝 猶 用 雖 廷 爲 之詩, 懷 交 死 卵 慶 黨, 翼 有 熹 之 不 除 乃 畏 私 是 率 恩 人 人 其 言 間 盍 徒 别 至 顧 百 有 和 朝 餘

> 天」之句 止 怨 望 而 E 間 贵 熹 容 二之大 别 罪 有 天 Fi. 邪 彻 ? 其 言 意

> > 何

其 主 嘆 撼 子 下。 爲 之 爲 意 風 0 之殿 摇 路 地 以 水 有 縣學,以 忽 害 有 邑 方 0 熹 通 縣 所 遭 於 既 且 人 遂於農 侯 衢 設 學 過 對 風 信 移 以 囂 王 縣學 木 機 移 騒 教 夫子 妖 之 夫子 市 造 之罰 可 大矣。 動 月 人 地 之 械 爲 爲 伐 蔡元 於 爲 破 内 • 護 私家之有,於 熹欲 山 釋 壞 又 千 或 用 熹之大罪 鑿 而 定之説 重 迦 \mathbb{H} 一寺,以 萬 大木 得之。 手 石 之 畝 以 世 足 殿 折 曹 仁 巨 運 爲 墮 肱 纜 牽 義 謂 儲 移 是 熹 而 損 傷 絞 伍 禮 也 釋 致 建 用 以 他 股 縛 拽 樂之宗 觀 陽 之 泇 護 迎 日 之患 聖像 者 於 於 逢 縣 取 或 口 驚 夫 得 學 縣 捷 其

0 設 原 缺 元 據 知 不足 補 齋 叢 書 | 本、 葉 紹 翁 四 朝 聞

見

賂 業 引 必 暴 姓 則 經 徒 復 齊 不 必 財 憲 安弓 擇 之 露 界 富 多 家 刑 與 0 夫 與 執 鼎 0 Ш 費 千 之 室 富 謂 者 之 而 柯 以 來 口 又誘 謂 手 民 其 朝 改 娶 子 甚 至 自 偕 踵 以 里 平 之 父 廷 Ē 劉 欲 能 多 孕 弟 行 至 廣 騒 ? 尼 恕 賑 母 珙 報 治 其 利 動 2 以 姑 以 之 之 濟 汝 守 民 帥 知 諸 謂 其 居 歲 責 二人以 及 女 墳 錢 莫 愚 漳 盒 長 南 其 子 可 之間 其 米 而 援 不 娉 州 沙 能 康 盜 而 以 反 乎 引 束 被 之 軍 修 牛 盡 可 奄 ? 3 葬 加 爲 則 之 害 脩 多 乎 則 身 動 與 而 有 罪 藏 其 則 寵 恩 之 又 搜 以 ? 其 宰 其 於 匿 開 母 妾 爲 妄 口 厚 如 古 萬 徒 殺。 身 則 其 赦 西己 乎 男 門 浙 據 計 書 每 而 後 身 而 爲 書 ? 受 女 數 東 川 范 之 不 謂 而 不 其 鉅 婚 徒 提 方 謂 恤 發 染 及 妄 其 官 而 萬 子 冢 嫁 舉 之 饋 必 其 掘 祖 百 行 之 崇 斷 能 婦 則 而

> ^ 魯 昔 可 操 也 彼 齊 廉 大學 少 家 不 以 口 猶 其 致 正 律 哌 也 》之説 能 行 日 誅 之 身 卯 亟 而 乃 治 之 勢 言 去 誅 可 如 民 乎 以 之 僞 乎 之。 而 此 也 欺 如 而 ? 熹 贵 惑 是 辨 皆 夫 有 夫 4 不 斯 熹 子 浮 況 廉 爲 世 ·, 聖 平 行 於 陛 也 者 大 僞 H 少 下 姦 也 恕 竊 正 而 居 之不 大 也 堅 取 卯 得 今 憝 ^ 之 致 修 得 其 夫 中 也 罪 之 身 言 位 子 庸 邪 位 也 其 相 如

祠 以 臣 爲 欲 欺 望 君 聖 图 慈 世 特 汙 賜 行 睿 盜 斷 名者 將 朱 之戒 熹 褫 職 仍 將 罷

^{● 「}財」,原作「則」,據明刻本改。

² 黨》改 冢」, 原 作 據 明 刻 本 四 朝 聞 見 録 T 集 慶 元

³ 漳」, ※ 改 原 作 章」, 據 明 刻 本 四 朝 聞 見 録 学丁 集 慶 元

^{● 「}昔」,原作「者」,據明刻本、《四朝聞見録》丁集《慶元

之時 乞行 勑旨 師 知 儲 前 懼 用 鐫官 下 誠 憸 正 建 非 人 道 寧 ,永不 小夫不 小 復 府 補 明 追 · 得 0 天 敢 與 送 臣 假 下 親 别 謹 託 學 民 州 具 差遣。 憑 者 編 覺 藉 自 管 察 此 肆 奏 其 以 庶 横 聞 蔡元定, 幾 於 孔 伏 清 奸 孟 候 明 爲

特降兩官,蔡元定道州編管,餘依。十二月二十六日,三省同奉聖旨,儲用

乞致 之禍 先 聽。 容默 蒙 磨 生 生 更 累 勘 仕 默 蔡 進 朝 晦 因 服 草 然, 元定 知 庵 迭 及已 以 色、 封 遇之 先 諫 明 取 請 事 生 爵 受 汝 奏 以 恩 數萬言, 以 聞 邑、 愚之冤 過 藁 蓍 爲 尚 趙 焚之, 次 决之, 奏 必 丞 帶從 對 薦 且 相 0 0 恩 之類 賈 極 大 責 遇 繕 臣 數 陳 禍 更 遯 零 寫 職 奸 陵, 號 之 名, 如 已 先 朝 邪 同 遯 具 封 生 廷 義 蔽 自 贈 翁 主 以

> 告先 度 多 見 許。 祖 獨 學》之書爲 下 翥、 指 爲 生爲奇貨 並立 學之魁, 外,不 黜落 兵部 撰 行除 胡 故文風 論《太 以 倪 造 二年 追 紘 生, 思 草 論 事 毁。」是科 侍 煩 六經、《 極 報 以 疏 迹 門門 劉 郎 $\dot{+}$ 伊 過 世 未能 圖 日 兀 德 一月 111 將 慮 説 醻 以 大 人 : 夫 得 上 秀 学之 禁。 語 丕 其 投合言者之意 楊 一,會遷· 爲 竊 死生 奏 取 , 然久 □ >、≪ 孟 變。 言 道 陳 察官 非。 論 人 士 臺 也 夫 賈 主 禍 文 之 議 乞將 去,不果。 聞 稍 自 **>**,</br> 之 弊 省 福,久 相 紘以藁授之, 洶 未 涉 鄉 知 闡 柄, 顧 語 幾 中 洶 復 義 寧 曲 知 庸 不 録之類 言 已置 鼓 理者 或 射 争 張 亟 貢 敢 **>**,</br> 沈繼 動 舉 貴 府 以 利 以 之 天 者 先 悉 僞 模 葉 召

) 「封」,原作「對」,據明刻本改。

此 繼 奏。 祖 鋭 於 進 取 意 調 立 可 致 富 貴 遂 上

胄 情 得 先 不 薑 紘 名 第 曰 經 欲 能 醯 生 先 與 嘗 隻雞 若 殊。 嘗 論 浸 待 不 階 初 年 學 由 先 迁 廟 醖 上 紘 尊 紘 子 科 兀 道 生, 黨 釀 游 酒 試 不 第 惟 枚 謁 盡 章 宰 紘 悦,退 者 Щ 共 脱 冀 晦 以 疏 鋭 還 中 何 食。 粟 庵 前 規 乃 然 由 未 謁 飯 先 語 名 裹 成 任 進 至 爲 紘 生 用 趙 人曰 列 ? 責 乏 至, 于 忠 士 0 茄 也。」 武 定, 神色不 : 忠 物 熟 先 則 夷 定 0 色 此 自 生 或 2 精 愀 無 非 非 敘 會 遇 則 接 舍, 所 侂 禮 用 前 然 科

祖 姓 秀、 名 之章無所 鄭 是 董 丙、 銖 猶 陳賈 云: 有 忌 羞 憚 之緒餘, 惡之 僞 學 之 説 則 心 幾 也 於 始 無 猶 9 至 蓋 是非 未 是 拾 敢 之心 沈 劉 誦 言 繼 德

傷於日月乎?」矣。然先生之學之行,卓然在世,果何

DЦ

矣。」 定 爲 + 者。 動。 E 遊 叮 動 曰 车 多 過 長 謂 百 與 万友 0 於學 彼 明 子 餘 與 先 郡 兩 季 不謂 劉 年 有 淵 得 縣 人會别 生 加朋 子 · 元 公度 逮 書 之矣。」 ,無所 微 相 以 沈 晩年 捕 曰 定 驢 愛之情, 視 徒 蕭 書 . 元 卒 不 爲 元 步 乃 寺 既 定 講 日 于 贐 臨 定,不 以 上 坐 别之後,先 甚 . 春 者]1[道 無 所 季 急 客 陵 曾 與 狀 賴 口 通 感 異 元 景 季 先 先 之迹 以 免 不挫之志 慨 平 通 憲 定 祛 生 生 徒 生 蒙 時 交 報 有 株 爲 與 色 步 一與元 游 之 之 尊 不 泣 嘗 連 蔽 哀 勞 及 者 丈 所 爲 几 因

●「熟」,原作「孰」,據明刻本、《知不足齋叢書》本改

2

乏」,原作「之」,

據明刻

本、《

知不足齋叢書》本改

其哀焉。 誠博聞,●同輩皆不能及,故先生深致 之餘,行自病也。」蓋元定從遊最久,精 柩已歸,萬事盡矣,尚何言哉? 流落也。」又與黄直卿書曰:「季通之 禍,遂至於此。聞之痛怛,不知涕泗之

慟

道命録卷第七上

誠」,明刻本、《知不足齋叢書》本作「識」,疑是。

八五

道命録卷第七下

晦庵先生落職罷祠謝表

臣熹言:

洪 撰 當 逮 臣 論 準 年 私 之名, 復 已 臣 尚 兩 Ŧi. 捧 尋 於 罪 書 月 觀 臣 於 惡 當 省 + 前 之 輟 戴 一、乞賜 白 任 慶元二 日 誅 \equiv 奚勝 真 秘 簡 謝 日 9 祠 閣 始 恩 量 己 睿 ,感藏曷 香火之奉。 修 年十二月劄 祇 該 斷 極 知 撰 受訖 滿 包荒 麗 褫 罷 提 於 喻 職罷 者。 舉 丹 姑 至 兹 南 書。 祠, 示 罪 子 爲 京 片言之貶。 多 節 + 輕 奉聖旨依 鴻 鐫 典,允 擢 文, 七 慶 延 宫 日 臣 閣 賴 論 僚 伏

> 乾 既 眊, 厥 臺 悔尤 然猶 於衆惡之交 清 時, 足 之深知。 俾 坤 刻 流 稱 大譴大何之目,●己皆不 已誤三朝之眷 容廁 但 盡 之造,獨 賦 所 伏念 初 乃 蒙。 書 之 罔 弗謹 發陰 於薄 佚 召自 臣草茅 聞 迹 歸,亦乃羣情 暨 知 禄, 回 於 私 於彝章,致自投於寬 遠去於 及 藩 罰 圖 日 使 維 上 賤 月之光。 獎; 此 書之府。 庇 稽告終 一瀆宸 擢 品 省循 身於 朝 晚 參 行 江 嚴 逢 帷 之共 甫深 ·忠不 卜祝 海 之明訓 略首 即 興運 所宜恭恪, 幄 交 孤 永 孝之 棄。 駭 疑懼 之間; 生 從之常規 略 歸 聞 復 網。 於 無 爣許 科 聽 蚤 而 叨 農 可 贵 臣 果 真 值 E 或 紀 畝 卒 憤 煩 追 在 聖 至 凡 明

⁰ 生朱文公文集》卷 何」, 明 刻 本同,《 知 五 不 足 《落 齋 職罷 叢書 宫祠謝 》本作 表 「呵」。《 》作「訶 晦 庵

^{● 「}憤」、《知不足齋叢書》本及《晦庵先生朱文公文集

或 過 全 竄 周 難 遂 於 知 其 以 報 殛 未忘葵藿之初 修 餘 謂 身 物, 臣 此 生 表 敢 蓋 未 無 正 不 伏 是 於 傷 及 涵 遇 宜 桑 朏 萬 濡 皇 衰 陟 邦 榆 聖 帝 涕 之公。 之 己 澤, 之 陛 暮 極 易 下 刻 景 忠 堯 厲 遂 ; 邪 1 然 己 愚 使 之 廣 覺 在 衷 冥 判 覆 頑 家 大 恩 雖 獲 則 舜 而 憂 逃 之 補 曲 哲

竟 講 以 誣 無 論 也 小 告 報 如 省 來言 劄 命 初 始 蓋 者。 至, 翊 掖 日 先 垣 先生略 生方 諸 不 敢 生 與 秉 乃 起 諸 筆 知 視之, 一、公論 有 生講 指 復 論 揮 焉 有 後 口

新

感

極

涕

零

懼

深

首

隕

晦庵先生落秘閣修撰依前官謝表

臣熹言:

臣昨於慶元三年正月二十七日準尚書

依 省 墨 都 謝 祠 前 進 恩 劄 下 奉 奏院 頒 官 子 聖 解 者 節 復 旨 罷 遞 文, 寵 依 職 到 彈 名 加 臣 告 劄 文 於 命 仍 僚 臣 上 明 奉 照 奏 徹 訓 道 表 會 臣 付 稱 罪 閲 幸 臣 謝 臣 惡 時 落秘 免 去 即 9 既 乞 於 訖 於 與 嚴 當 閣 祇 今 褫 誅 H 修 命 望 復 職 撰 詔 惟 闕

清 衰; 之傳 私 於 奚 改 廛 重 罔 憾 故 班 爲 之 劾 爲 贵 僧 人 汙 功 伏念臣 尚 盡 臣 之財 ; 不 坊 行 許 適 掎 虞 而 旋 仍 明 宿 草 即 高 恩 諒 居 有 而 時 愆 茅 貸 皆 不 便 於散 母 納 之用 賤 安, 事之心,足 考 謂 其 乃 而 士 覆 其 秩 尼 誤 嘗 復 ? 一, 章 以 習 女, 未 保 小 魔 非 頃 慗 句 能 全 人之食, 誣 外之妖 叨 規 璽 腐 明 於 任 學官之 儒 禮闕 第 政 寡 使 之來下 使 调 唯 言 ル 竄 口 己 知 地 避 以 驗 僞 投 履 致 屢 恩 學 於 而 而 市 煩 奏

以 就 歲 還 律 ; 逮 之 心銘 數 還 惡 周 敢 難 墜 從 視 於 要 末 人 減 詎 11: 猶 於 聽 旬 省 時 循 蓋 存 口 遷 誦

告 付公論 在 悲 敢 臨 後 贵 不 作 容 誓 効 深 此 福 蓋 堅 之 省 於 於 作 無 伏 死 昨 得 署 威 守 遇 期 非 指 人。 皇 總 覬 細 2 帝 謂 大 答 大 肝 尋 罰 陛 生 敷 權 今 膽 下 成 顯 刑 是 而 輪 仁 ? 號 古 在 禾 足 兼 己 徧 尚 年 以 覆 ; 警 喜 龄 懲 載 日 晼 孤 具. 女妓 賢 忠 晚 明 僚 日 之 極 而 0 佞 有 播 雖 臣 照

師 取 填 奸 類 顧 者 姗 塞 貪 调 斥 要 狼 侮 先 門 屏 逐 途。 籍 生 無 伏 不 或 獲 遺 人。 F. 及 暴 罪 士 於 壑 慢 至 知 之後 甚 禍 恣 薦 務 至 依 肆 修 舉 變 黨 3_D 之徒 考校 飭 易 時 禁 辈 守 衣 從 益 懦 紛 冠 者 游 廉 皆 譁 紛 隅 爲 特 稍 狎 更 者 过过 厲 名 立 遊 稱 禁 起 市 他 不 例 善

> 竹 肆 生 一徒 林 ,儉德避 精 自 舍,不 别 其 難 爲 非 者 黨 輟 先 時 先 牛 多 牛 笑 勸 與 而 先 百 不 生 志 以 講 謝 道 於 絶

還 道 者 非 復 徒 有 日 積 一,令人 之 贵 任 識 僧坊之請 闔 誨 門 之, 之 先 狐豚之蹤 亦 知不 憂。 生 塞 不 愧嘆 然 若 與 竇 謝 鄙 禍 免, 四 祝 所 客 害 性 事 方 不 汝 能 初 於 之 而 昨 亦 朋 謂 玉 遭 此 亦 免 來 日 施 遊 尚 書 何 此 也 V 行 卻 未 足 阚 邪 云 聞 0 蓋 有 遽 言 ? 推 季 皆 有 彼 所 遷 止 毁 通 某 巍 有 顧 口 不 此 學 徒 罪 付 然 安 謝 乃 以 當 校 計 步 絶 重 至 戾 大 以 坐 亦 姑 貽 今 所 牛

⁰ 晼 1 五 原 落 作 秘 晚 閣 修 據 撰 明 依 刻 前 本、 官 謝 晦 表 》改 庵 先 生 朱 文 公 文

² 效 1 五《落 原 作 秘閣 功 修 據 撰 明 依 刻 前 本、 官 謝 ~ 晦 表 庵先 生 朱 文 公 文

言者論廷省魁兩優釋褐皆僞徒不可輕召

臣僚上言:

其親 場屋 事官 號。 詔 而 徒 下 ·, 高 展 後 非 之權 除 廷 轉 故 所 臣 可謂 官要 授。 即即 謂 試、省試 伏 滋 盡歸 狀 甚 見 職 是其徒。 公選矣。 取 元、省元 近 無 進 伏 日 三温 非 與 止 望 僞 兩 此 明 若 與 學荒 三十 人。 優 徒 詔 專 釋 兩 大 守 褐 預説 陛 優 誕 年來, 偽學顯 臣, 此 釋 第 下 迁 試 格 褐 灼 一人,不 闊 審 者, 題,陰 見 之 察 恐 其 説 其 若 僞 姦, 所 學之 除 徧 通 非 學 私 職 特 私 天

六月一日,奉聖旨依。 慶元三年上。

寅 輪 當 據 進 面 奏院 對 而 報 寅 是 以 日 閨 宗 六 月 正 十 二 寺 主 日 簿 除 楊

道

命

卷第七下

之徒 學 稱 寅 守 臺 者,時以 以 乃就部 秘 司 復有 之。 直 ,如是僞學,甘 觀 著 書 薦舉改官,並於奏贖前聲 不 作 趙裒然者,乞自 丞 恩數 此請 得 郎 注 太學 前 除 引年 潭 尤異。 古 在 州 未 兩優釋褐,一 告老, 左宣教郎錢文子字文季 内 有 醴 差遣,事 伏朝 此 陵 先 |今權 除 比 是, 知 典」。 直 縣 有 已 臣 秘 五 任 而 一之黨、 詔 説 閣 年 行。 又 回,當召 去, 三月, 示不 有 監 主 至是 人多 僞 大 是 管 司 學 理 僞 雲 又 帥

劉三傑論僞學黨變而爲逆黨防之不可不至

朝散大夫劉三傑奏:

之憂。 今 H 邊境之憂,有大臣 之 憂 有 有 邊 以 境 任 之憂, 其 責 有 臣 未 僞 學 敢

八九

九

之心 故 軌 其 主盟 奈 淮 矣。 三十 正 顔 庸 性 鄿 而 而 口 或 之 之 何 肆 力 能 理 論 相 以 閔 以 駕 心,非 反 之學 也 傾 變 無 又 來 獲 傾 餘 文其 有 亂 若 姗笑君父之説 去 忌 利 年 E 而 藉 得 垂 雖 言 朱 王 黑 奪 憚 夫 而 以 涎 此 其 明 姦 之 白 熹 淮 周 矣, 栻 僞 來 曹 黨 利 語 知 而 者 柄 必 學之憂,姑未 也 雖 而 莫 出 禄 與 然猶 而 此 行 大 即 欲 論 甘 與 知 專 心 П 曹 此 遂 其 爲 以 爲 之。 於爲 共 腹 此 之 曹 誘 未 爲 嘘 於夷 計。 爲 右 義 事 曹敢 0 非 有 而 愈 鷹 枯 相 孔、 其 前 至 利 下 在 真 而 得 犬, 吹 虜,或爲三女一 始 汝 顧 爲 ,借《大學》、《 論 之 欲 孟 志 學之者已 此 上 生 勢 以 愚 有 無 朝 其 曹 與 有 矣。 拜, 已 覬 張 顧 遠, 列 左 獲 勢 則 亦 成 栻 幸 忌 争 則 其 知 素 派 者 利 請請 者, 非 趨 大 爲 汝 懷 卒 相 以 後 無 爲 愈 望 愚 談 不 藉 之 中 利 口 留 王 廣 爲 以

> 魚之 至 其 旨 陛 以 他 此 天 下 但 符 變 扇 未 動 得 登 而 妖 以 威 趙 造怪 惑 爲 極 以 家 泉庶, 逆 彰 羣 肉 黨 不不 周 情 公之 甚至 可 塊 洶 勝 洶 足 德 因 之 數 矣」之語 時 雷 有 蓋 風 如 則 前 不 詐 劉 有 時 日 傳 光 之 之變, 如 隆 祖 僞 徐 慈 誼 有 大 則

疆 至,必受其禍 於吾之君父。 稍 愆 之 ,則喜見 福 賴 陛 然 下 聖 此 顔 此 曹 明,去之之早,此宗 色。 如 潛 形匿影 鬼 聞 蜮 虜 百 或 方 侵 日 害 擾 夜 人,防 之 伺 廟 報 隙 社 稷 則 雨 移 暘 無

之去僞 或 僞 家 深 臣謂 用 而 從 附 其 正 今日 逆 他 古 以 能 者 之策 銷 革 自 今日之憂。 心 知 惟 易 罪 當 慮 不 銷 則 容 之 取 勿 誅 而 進 ,終不 遂 己。 止 廢 斥 ·肯 其 爲 習 使

^{● 「}姑」,原作「如」,據明刻本、《知不足齋叢書》本改。

胄 侍 月 大喜 御 史。 劉 閏 憂 六 即 去, 月 又 傑 日 明 六 者 免 除 年 喪人見 右正 嘗 七 奉聖旨依 万, 爲 言 監 遂除 9 因 察 明 上 御 兵部 年 此 史, 九 疏 侍 月 未 郎 9 除 侂 o

姚 愈 論 姦僞之徒盜名欺世乞定國

之名 官 惡 以 其 近 愚 存 罪 贖 日 不 俗 全之 罪 徐 悛, 魁之顯 臣 右 竊取 權 誼 諫 竊 以 日 意, 臣 議 \$ 見 求 懷 程 然 力 大 弟 近 歸 頤 怨 可 者 夫、 芸 主 # 侍 望 謂 一; 止 張 援 其 行 兼 至 載 反 説 韓 險 此 從 侍 矣。 之説 維 以 僥 皆 竄 講 結 倖 謫 元 姚 假 免, 爲 奈 之 祐 筠 愈 張 借 何 死 餘 徒, 奏 州 黨 而 元 習之深 黨 悉 籍 日 大 祐 創 不 自 之, 大 諸 陛 問 爲 比 賢 者 下 子 聾 道 之 納 怙 瞽 如 所 取 學

> 名 以 欺 天 下 後 世

日

慶元三年

上。

此 觀 兼 汝 汝 裔 愚 遜 其 如 以 天 邪 愚 肯 天 愚 了, 宜 輩 之爲姦, 如如 謀 此 兵 彰 之際,有「但 柄 爲 周 下之所共 當 四 而 以 其 承 汝 窺 壽 ? 附 公之德 元 今僞 肯 爲 大 愚 伺 皇養子, 權 祐 如 外 如 之 神 統 推 臣 時 黨 此 間 器 徐 尋 無 知,安 宰 9 妄 得趙家 如 誼 如 之類,見於論 軍 自 宗 如 君 游 張 民 者乎? 輔 彼 劉 謂 者 沠 謂 仲 可 致 推 光 如 風 乎 肉 夢 誣也? 遠 鴻 雷 戴 以 司 祖 ? 壽 者 陰 者 之變爲 相 馬 爲 其 塊 皇授鼎 侍 乎 受 乎 光 公, 汝 餘 足 疏 ? 從 汝 ? 輩 愚 不 矣」, 夫元祐 如 百 如 愚 今天 其 乃 , **①** 白 其 沈 其 職 指 蘇 肯 楚 肯 肯 清 以 事 而 教 軾 動 之黨 獻 王 當 陰 助 龍 臣 如 威 圖 蓄 之 秦 登 謂 佞 汝 揖

0 謂 原作 請 據 明 刻 本《 知 不足齋叢書 》本改。

邪 省 似 然 説 以 知 臣 諫 盜 以 邪 願 定 凡 名 正 特 或 欺 之 進 降 是。 世。 實 退 明 人才,宜各堅 詔 取 庶 仍乞宣 進 姦 播 止 僞 告天 之徒 論 宰 下 守 不 執 , 正 至 使 侍 論 假 中 從 借 無 外 惑 兩 疑 曉

四月二十二日,奉聖旨依。慶元四年上。

侍 庭 徐 公十不遜 疏 事 但 號爲「 請 紹紹 誼 郎 得 留 子 先是,趙 趙 兼 熙 之,子 宜 家 知 \overline{H}),0謂 紹 爲 臨 年 肉 熙 中 丞 宜 安 八 皇帝 子 府 書 相 月 塊 亦 宜 門 得 也 足 罷 __ 嘗 趙 0 政 下 矣」 欲 育 又 丞 + 省 既 以 之 公然告 相 檢 擢 而 兵 語 月 罷 正 胡 衛 左 諸 子 F 紘 除 司 坐 皇 論 宜 郎 房 I 是, 调 趙 部 公 官

> 侍 移 援 同 壽 登 故 子 韓 列 南 天」, 持 宜 難 以 愈 國 之。 袁 爲 乃 上 貶 州 可 何 疏 筠 已 安 因 詆 澹 州 置 而 此 劾 之。 例 還 0 捎 用 流 至 派 納 疏 七 是, 相 月 人 官 中 章 之 + 贖 所 子 在 中 謂 罪 宜 語 嶺 日 以 之弟芸 授 巾 德 外 鼎 求 者 歸

改 爲 受 作 也 起 天 居 監 監 幕 動 舍 禪之五 居 登 賓 始 主 威 郎 人。 劉 簿 趙 聞 光 爲 及 乃 後 日 派 祖 鼓 監 其 慶 外外 月 院 秉 相 德 察 元 餘 年閏 之人 政,子正 脩 除 御 趙 初 兼 史 司 年 + 蜀 丞 劉 農 爲 侍 Ŧi. 月 相 也 趙 德 講 少 自 月 應 罷 卿 丞 秀 幹 游 詔 9 政 出 論 又 相 辦 仲 至 上 數 知 所 罷 始 審 鴻 書 則 洋 引 日 計 除 之 子 除 州 今 文 將 遷 正 可 起

常

寺

或

史

院

討

論

典

禮

校

書

郎

陳

峴

六

月

始

得

子

·, 太

皇太

后

命

禮

部、

太

責

專

練

副

使、

南

安

軍

安置

慶

元二

年

^{■「}遜」,原作「孫」,據明刻本、《知不足齋叢書》本改。

胄

大喜

逻

御

史中

丞。

會其

病甚,遂自請祠去。

除

右

諫

議

大夫。

踰

史,遷

殿

中

. 侍

御

史,尋

兼

權

右

曹

郎

官,

俄改

于國之寬恩

以

稱

朕

意

之

小

學

教授

監

尚

書

部門。

几

中

進

士

第

浮湛

州

縣

姚

愈

者,

字次

韓,

平

江

密使,慶元元年十一月,罷 遷司農寺丞。 愈兵部尚書。 何澹言其嘗乞以 府舊僚,本留 御史張伯垓言,罷 年秋,除諸王宫大 年,乃上 九月,遷起居 駕 兼 紹 人, 莊 自著作 部, 慶元元年夏, 張 侍 五年 熙 士 闢 致遠 丞相 講。 二年秋 擢 此 也 江 趙 曾 七月,拜 監 奏。 西兵 郎 派 三年, 者, 孫 所引, 察 授 相 紹 郎 也 祠 御 侂 纔 爲 馬 兼 武 熙 幾其 寧 或 盟 安。 而 俗之失,不可復 獲 宄,包藏 也 而 諭告僞邪之徒改視 罰 ? ,弗汝瑕 不 是 ,窺伺間 承慈訓 自新 朕惟 有 思 而 嘉與士大夫厲 朕既深詔二三大臣與夫執政、言議 弗及 惑衆 實 禍 向者 9 類 殄。 而 隙,毀譽升降,流言 心。 膺 歟? 心。 乎 歷 受 權 紹 載臻兹,弗迪厥化。 今焉自 反 賴 内 臣 甚 聖之 飲飲? 何 天 禪 擅 回 精更始,凡 至於竊附 其 地 朝 聽 姦黨 作弗靖 未能 之靈 將狃 爲 詔 陰 類 邪 洗濯 宗宗 壞 意意

舉

進

士

也。

樞

鈐

轄

又用監

察

初

爲

秘

書

一丞,被

章

去。

以

言

罷。

沈

清

臣

IE.

卿

朋

附

協

肆

女好

9

起

居

舍人、●兼

侍講

沈

有

開

應先嘉

+

即

位

之

八

日

趙

丞

相

0 授」, 明刻本作「拔」。

間

發,將

以

傾

元

祐

之衆賢

或

家

秉

德

康

者

斯

于

流

曰

淫

朋

比

締交

合

散

或

勢

復

廟

之

福

朕

刑 世 以 官 示 必必 俗。 其 想 益 各改 罰 宜 維 若 知 毋 持 其 悉。 視 赦 IF. 遂 口 論 非 慶 聽 布 元 不 以 四年 告天 毋 悔 明 得 五 9 示 借 月 下 怙 十三 天 終 疑 毋 下 似 不 日 忽 下。 之説 矣。 悛 故 邦 諭 以 兹 告 有 惑 詔 常 蜀山 所

學 所 此 不 主 部 薦 又 飭 送 有 廣 請 鍋 邵 不 籍 用 大 如 陞 新 臣 口 記 州 也 劉 亦 係 奏 起 待 \equiv , 姓 居 及 知 引蔡 舉 鑒 僞 居 住 綿 傑 天 名 刑 吏 學 改 元 舍 言 部 既 下 州 法 京 官 祐 與 人 侍 甘 論 以 王 廉 者 文德 閑 調 費 黨 伏 郎 沇 吏 留 又 停之 慢 士 與 黄 朝 並立 自 言, 丞 論 殿 差 寅 令聲 典」。 代之人, 相 由 僞 説 碑 不 遣。 自 戒 學 引 子 今曾 事 必 父 説 杜 僞 之 由 故 爲 置 蓋 新 其 學 禍 奏: 沇 侂 籍 不 前 並 受 爲 之 根 胄 侂 又 係 僞 望 以 此 罪 源 胄 示 有 己 舉 申 僞

> 明 張 之。 士 院 詔 高 子之學,及 沇 播 文虎草韶 議 告天 遂 格 下 趙 至 乃 如 丞 是 命 所 相 中 請 諸 姚 焉 書 愈 人 舍 之 又 罪 加 詆 直 乞 程 下

吕 泰 然 論 不 當 <u>\(\frac{1}{1} \)</u> 僞 學 ·之禁

拜 上 書 九 皇 月 帝 + 陛 日 下 進 士 臣 吕 祖 泰 謹 昧 死 再

龍 悟 氏 安 躐 逐 相 周 之 在 邪 汝 致 汝 ? 愚 廝 禁 哉 愚 臣 筠 從。 之黨, 役 聞 ? ,今之有 以 陳 道 皇后 自 蘇 人 陛 與 是 强 共 師 下 學, 親屬, 將 何 大 知 日 舊 空陛 勳 平 之。 自 學之臣,若 也 勞 古 俱至大官。 江 者 下之國 今 所 徒以侂 之吏胥 也 師 恃 旦 以 彭 立 乃 胄 爲 而 龜 ; 僞 以 不 童 陛 或 周 年 學之禁, 知 潛 孺 下 也 筠 等 , 陛 不 之 뫲 0 下 隋 韓 知 今 師 派

陵 親 在 朝 潛 果 廷 邸 有 時 廝 至 役 果 於 之 識 此 周 所 筠 謂 者 蘇 平 師 ? 日 者 其 乎 自 ? 尊 大 椒 房 而 之 卑

用 亟 逐 宜 啚 陳 自 願 以 陛 强 臣 代 之 下 昧 其 亟誅 徒 任 死 再 侂 故 拜 不 胄 大 然 及 慶 臣 事 元 蘇 在 六年 將 師 者 不 日 上。 獨 測 0 周 周 筠 必 惟 陛 大 而 下 罷 口

軍 爲 中 111 侍 派 起 以 温 器 茶 郎 象 證 調 相 天 人 有 累 運 監 馬 先 和 先 正 宰 之 罷 爲 是, 循 召 則 正 害 環 執 薛 會 斥 歸 姚愈乞 太 則 者 直 京 叔 且 無 府 典 鏜 秘 也 似 引 往 見 卿 州 0 象先、 閣 降韶 何 蘇 不復 郡 直 極 劉 淮 澹 文 實文閣 光 東 定 論 之 大 葉 戒 象 祖 然之, 總 説 元 飭 適 先 任 德 領 祐 感 僞 IF. 嘗 忠 T 脩 調 邪 侂 則 皆 爲 乃 敏 逢 作 停 胄 之 地 之言 自 户 坐 留 者 徒 涪 部 爲 建 趙 13 川

0

鼓 僞 筠 以 約 世 夫 是 以 城 學 州 既 慢 待 非 學 H 縣 即 書 學記 黨 貶, 爲 居 上 豪 定 祖 論 事 住 泰 棄 五. 於 傑 此 慶元 德 作 字字 罪 物 萬 之 其 脩 四 有 世 興 大 泰 泰 佐 年秋 詔 又云 云 0 0 然, 略 然 年, 逆 德 : 學 張 也 不 於子 不 脩 以 者 勝 卒 釜 世 成 落 生 宜 其 于 方 陳 好 時 職 約 皇 蓄 謹 自 憤 貶 惡 以 爲 爲 子 房 憤 其 强 所 道 出 右 乃 族 德 州 者 懷 於 所 爲 諫 擊 弟 居 音 姦 先 明 僞 議 侂 登 住 年 時, 移 胄 聞 子 欺 大 而

F 胄 續 慶 朔 + 書 傳 宋 元 H 等 + 編 六 爲 H 年 記 年 九 當 資 載 H 上, 月 係 治 即 爲 + 甲子。 庚 於 通 此 慶 鑑 子 句 日 》卷 元六 原 甲子 是 故 闕 十二、《宋史》卷 月 以 年。 無 明 六年爲是 考 甲 刻 綜 慶 子 本 合 元 日 作 諸 五 書 據 年 而 慶 四 所 補 六 九 元 七 載 年 月 五 四 爲 年 九 吕 韓 月 庚 祖 侂 甲 寅 泰

至 旨 議 堂 若今之附韓氏得美官者,乃 私 中 受教於 章,汝試言,吾 配 日 或 不 頭 童 汝病風 公何問 了。 皆補· 殺 及之。 ,府尹爲好 欽 ,令臨安府 大夫程松奏: E ,故不治。 者, 侂 子 子 州 猶 書,語言狂妄, 正,至是,已爲 師 牢 也 喪 右職 之 當杖 胄 城 書 心 愚 書 且 慶元 收 那 語 從 徑 脊、 明 邪 佐 與 管。 ? 杖 且 誘 堂 ? 「祖泰有當誅之罪 侂 用 人 黥 置 之曰:「 禮 送連 胄 周 泰 爲 右 議 年 吾 泰 百 面 汝。」 畢, 要官。 筠 諫 大 然 然 六 之 古 ,投之遠惡。」 ,真決,免 州拘管。 怒, 者, 議大 曰 : T 有旨 月 乎 知 泰 誰 ? 無 必 侂 然笑 會 病風喪心 教汝 自 故 夫 懼 死 吾觀之, 胄 泰 方 選 尹 泰 色, 刺 家 共 然 祀 然 右 蘇 人 而 日 日 総総 面 有 爲 既 挾 蒼 除 可 諫 明 書 師

> 都 廟 補 欽 依 祖 致 爾 之成,造端自必大。 謀 E 舊 泰 仕 婺州 於諸 嘉定 致 州文學,俄 所上書及周必大姓名,且 居吉州 周 仕。 益 求 公間 四 公時 祖 侂 年,丁 泰 胄死,今史 以 改迪 遇 所 監 少 寒疾死 在 内艱 察御 傅 制降 功郎、監潭 會 史 觀 年四十 無以葬 祖 丞 益 施 文 公爲 泰 相 殿 康 自 得 言 大 州 年 少保, 政 歸, 八。 僞 來 南 覺 學 下 下 中 習 嶽 詔 察 士

僞學逆

宰 執 四

趙 汝 愚 右 丞 相 留 IF. 少 保 觀 文 殿 大學 士。

王 藺 潭 州 帥 周 必大 少 傅、 觀 文殿大學士

待 朱熹焕章閣待 制 徐誼知臨安府。

彭

制

以

上十三人:

九六

户 龜 部 年吏部侍 侍 郎 郎。 章 頴 陳 兵 傅 部 侍 良中 郎 書 舍 人。 鄭 湜 刑 薛 部 叔 侍 郎 似

禮 部 樓 尚 鑰 書 吏 部 尚 黄 書 黼 兵 部 林 侍 大 郎 中 吏 部 何 侍 郎 異 禮 部 侍 黄 郎 由

孫 逢吉吏部侍 郎

餘 官三十一人:

滴 太府卿。 劉 光 祖 起居郎。 楊 方 秘 書 吕 郎 祖 儉 太府寺 項 安 世 派 校 書 郎。 葉

知 頴 李 州 ·皇 校 書 游 郎 仲 鴻 軍 沈 器 有 監 開 簿。 起 居 郎。 吴 獵 監 曾 察 御 史。 聘

藏 庫。 李祥 祭 趙 酒 汝 談 楊 淮 西 簡 撫 7國子博 幹 士。 陳 峴 趙 校 汝讜 書 郎 監 左

范 士: 仲 輔 袁變太學博 著作 郎 士。 汪 逵 司 陳 業。 武 國子正 孫 元 卿 國 田 子 澹 博

宗 正 丞 黄 度 右 正 言。 張 體 太 府 卿

晦

庵

再

調

廬

陵

録

參

與

新

史君不

協

蔡 公幼學 福 建 提 舉。 黄 灝 浙 西 提 舉 周 南 池

州 教 授 吴 柔 勝 嘉 興 教 授 王. 厚 之江 東 提

> 舉 0 孟 浩知湖 州 趙 3 军知揚 州

> > 白

炎震

成 都 通 判

武 臣

皇 甫 斌 池 1州都 統 范 仲 <u>:</u> 知 金州 張

致遠 江西兵馬 鈴 轄

士 人 八

楊 宏中 周端 朝 張 道 林

仲

麟

蔣

仲 0 徐範並 太學 生 蔡元 定 吕 祖 泰

婺 撫 如 不 易》,讀 源 以 是僞學」五字於後 州 程洵 爲僞, 先是大比 推 官, 程 允夫 氏 不 獨 傳, 願 晦 漕 移 考校。 未委是與不 文 庵 司 先 取 漕 有 生 家 士論 司, 柴 内 狀 稱 中 弟,就學于 必 壯之。 ·是僞 行 欲 自 者,爲 書 幼 習 又 委

0 仲 "知不足齊叢書》本作「傳」。

九七

等 名 見 恐 臺 吾 爲 語 ,故附注 章 弟 有 師 古古 洵 行 門 與 之 止 州 晦 分 辱 知 0 庵 明 録 書 晦 O 程 日 庵 然 洵 答 黨 亦 某 日 是 籍 濫 僞 中 學 得 不 今 美 之 見 日 名 流 其 方

言者乞虚僞之徒姑與外祠使宿道向方

臣僚劄子奏:

殺 世 昔 也 走 赦 非 生 用 不 小 郭 尊 之 以 命 夫 嚴 臣 解 漢 柄 爲 者 郭 聞 以 辨 臣 也 過 解 主 任 治 之議 市 者 權 之 俠 井 兀 今姦僞 貴 惡 女好 極 乃 夫 行 其 乎 權 真 猾 忧 則 之不 尊 以 也 之徒 用 無 任 嚴 兀 睚 以 夫 俠 其 道 假 君 眦 見 之 取 鄙 處 身, 德 殺 正 其 名 之極 事 以 貴 廣 也 也 而 行 卑, 大 乎 漢 干人 典 污 之 廣 爲 其 法 德 大 主 後 害 奔 不

> 意 惡 絶 啚 生 舍 恩 結 媒 磨 時 公 肆 附 事 語 民 其 報 ; 軋 不 傳 欲 搏 結 0 進 麗 而 既 根 復 休 以 升 噬 有 方 宣 以 死 顧 攘 相 爲 抑 本 時 沈 爲 戚 爲 爲 黨 出 事 朋 死 奪 復 也 此 失 公 在 助 名 逢 於 比 體 黨 如 子 相 愛 勢 其 取 掖 宰 口 以 則 秦越 等 君 位 及污 牙 道 屬 怒人 爲 則 彼 美 則 憂 頰 主 先 典章爲 利。 此 詭 官 高 或 倏 之視肥 舉 簪 一之福 王 異己 販 與 形 之人 揖 去 紳 留 要 之 喜 易 若 奪 虚 忽 出 職 威 語 棄 人 則 影 所 自 拱 瘠 來 有 於 則 物 同 乘 不 以 以 其 貌 而 臺 日 呼 磨 盜 己 隙 視 當 私 次 胷 身 市 諫 嘯 牙 聲 或 抵 然 府 食 超 臆 則 爲 道 儔 摇 家 巇 竊 不 己之 第 息 惟 躐 握 市 ; 侣 利 毒 干 以 報 欲 如 手 黨 所 井 介 傳 深 締 笑 以 魁 私 好 異 陰 寵 相

恭惟陛下如堯則天,若文籲俊。自即

之 之 吉 仰 其 者 行 省 洞 泰 彼 廣 實 政 斥 邪 漸 · 您咎。 禁錮 之始 遵 口 見 僞 大 可 黑 亦 公論 朋 世 徒失勢 以 邪 矧 心 當 虚 開 用 可見於 遠 祖 向 正 惟 待 僞 察 嚴 衆 内 用 建 聖 之 罪 道 前 陛 之徒, 泰 致 懲 之已 君 正 中 訓 蓋 斷 下 之朋 弭耳 首 平。 之 子 此 去 洗 又 亦 融 御 神 惡。 路 姑 陂 濯 輕 臨 足 爲 運 外 會 極 使已 陂 怗 然安 與 自 以 朝 天下 以 黨 9 小 伏 恩 其 引 雷 向 于 新 見聖 尚 宣 人, 絶 偏 往 次 可 來 有 禄 者 兹 動 中 諭 計 偏 譬 者 者 僞 謂 六稔 危 以 咸 風 行 意之所 大臣 0 黨 欲乞 得 如 爲 徒 亦 深 機 行 使 成 歸 以 之 投 其 蛇 以 後 知 皇 戒 小 害 明 德 治 熟 開 是 虺 悔 世 小 用公正 在 往 城 大 極 ; 可 詔 有 非 知 過 計 置 懲 者 復 遇 崇 大 一散 謂 情 亂 大 黜 大 聖 于 來 冬 方 以 雅 已 臣 萌 陟 戒 之 隍 之 而 義 來 使 屏 務

> 之 之 陛 成 知 罪 聖 懲 福 下 明 財 創 X 0 幸 者 其 極 宿 辨 有 必 道 之治 取 長 重 向 悪 進 真 方 弗俊 止 典 踈 悉 憲 遠 爲 負 , 投 小 皇 固 之荒 臣,妄議 極 不 至 服 遠 正 甘 大計 之 庶 爲 歸 幾 聖 惟 咸 時

慶

元

五

年

上

身 也。 者 蓋 請 懼 郡 前 皇 其 事 二月十三 居極 宰執京鎧 而 者 至是, 然 事 僞 凡 或 學之禁, 之 經 至之 君 者 以 變 所 德 世 又 僞 日 也 謂 地 ; 秀、紘 以 學 何 皇 奉 極 雖 故 建 得 澹 以 者 聖 極 出 復 極 爲 罪 皆 旨 臺 者, 侂 之 天 至 者 去 胄 依 諫 言 説 下之標 也。 非 劉 往 者 侂 投 而 此 德 往 言 胄 以 之。 力 之 秀、 奉 辨 亦 主 謂 君 治 稍 小 胡 其 祠 也 之 周 厭 紘 説 補

禄」、《 知 不足 齋 叢 書 本作

0

之士 建 中 公所 容 大 極 姑 中 Ē 稍 用 息, 謂 淮之皇極 一字訓 稍 中 以 善惡不 -之論 牽 爲 敘 民 0 極 皆 而 而 分 議 者 學禁漸 後 之 者 是 是 世 目 亦 也 也 因 以 之, 弛 爲 如 然 自 幸焉 曾 遂 自 漢 時 布 儒 侂 以 廢 胄 之 誤 爲 建 絀 主 含 以

者 論 僞 徒 會 送 僞 師 朱某之葬乞嚴 行 約 束

臣 僚 上言

則 其 聚 無 順 師 設 是 美 身 之 于 謬 野 信 位 意 己 臣 議 以 殁 風 亦 祭之。 時 其 蓋 或或 聞 無 僞 事 四 傳 佳 徒 師 之得 方 欲送 語 不 容 朱 僞 若 忘, 熹 有 失。 徒 僞 此 居 非 生 互 師 于 事 則 人 妄 相 之葬 然 建安,信 有 談 嘯 畫 世 像 呼 聚 或 喙 人 會 以 傳 期 喙 ·之間 之 事 爲 欲 以 短 之, 中 有一 哭 長 路 僞 必 殁 H

> 葬 説 哭 固 野 非 之 名 通 爾 寒 暄 敘 間 闊 而 已 特 假

甚 書 德 之 異 肆 《大學》、《 有 也 正 趨 論 地 彼 之履。 者 疑 盜 爲 一,彼 性 以 獨 晦 形 則 或 憎 非 浸 未 命 臣 婆娑其 初 則 儒 其 沈 而 之 主 道 聞 釋 淫 者事 爲 肆 步 嘿 不 一人邪? 以 儒 説 此 乎 皆是 爲 似 僞 明 不 . 義 徒 行》 巾 人 攻 異 徒 也 蹇。 言 盛 道 幘 中 其 心 塞 此 之 論 熾 德 彼 投 至 正 則 庸 書 而 徒 冠 而 聾 之 獨 性 以 香 道 今人心之迷 × 其 肆 不 爲 以 瞽 時 此 毁 命 華 納 0 通 爲 口 知 不 乎 大 儒 其 之 巧 猶 幣 寬 似 議 9 正 天 學 學》、 説 其 者 是 正 且 衣 論 之 時 瘖 者 陳 綦約 論 誰 正 博 譊 此 冠 欵 肆 未 譊 道 帶 儒 使 或 儒 儒 獻 ^ 悟 然 爲 也 者 過 蹁 中 者 而 履 高 書, 行 學者 事 非 歟 義 是 庸 以 談 彼 爲 正 躚 道 也 之 道 願 論 ? 知 何 闊 則 不 不

送

説 執 弟 謂 子 非 禮 其 黨 惟 恐 其 追 逐 不 時 納 好 0 既 以 而 干 棄學 仕 進 排 者 詆 其 尤

口

怪

世

散 其 法 氏 釋 怪 言 偏 室 夜 意 聞 徒 之 枯 又 徒 一之内 之 氏 書 盛 其 挾 則 語 0 鼓 臣 和 亦 徒 如 湖 虚 如 録 後 往 或 又 定 同 女好 如 道 名 百 南 更 聞 僞 湖 之 道 即 人 家 爲 以 雜 相 師 之, 意 南 狀 家 大 9 事 尤 欺 步 之 問 又 身 之科 在 開 魔 甚 虚 世 異 以 從 則 答 據 於 至 譙 之 0 俗 魔 時 湖 高 而 獵 儀 門 于 或 聲 蓋 教 書 僞 往 南 坐 富 遇 轉 ; 之 往 語 延 之 師 貴 盡 相 夜 或 詭 觀 浙 言 П 之而 時 假 徒 館 也 辨 其 則 作 出出 出 東 險 秘 儒 盛 于 難 默 異 文 帥 怪 則 道 倡 則 郡 , 言 端 語 至 以 以 之 或 亦 則 聚 浙 嘯 下 坐 以 對 曉 吟 以 文 如 于 呼 臣 東 魔 釋 偶 如 哦 授 之 女妓 \Box 則 遇 如 所

> 之 虎 遺 攝 臾 荷 致 或 年 緘 有 功 富 異 類 之 ,惡之小 擅 大 歲 在 以 以 名 必 貴 不 意 事 以 放 卑 而 富 厚 取 非 非 之 官 快 而 上 可 其 其 吾 而 吾 私 以 者 達 輕 家 (彙; 勝 者 幾 薦 志 願 忿 市 去 道 僞 危 9 爲 ______**;** 0 私 有 有 有 其 師 社 朝 蜂 甚 恩 其 爲 不 意 爲 居 稷 廷 爲 至 , 徒 寄 待 在 士 語 官 處 蠆 有 居 有 居 旬 人 於 也 惡 危 屬 必 公 在 月 而 均 而 釣 之 疑 輔 吏 有 遂 選 求 之害 而 併 大 之 功 之 之 公家之常 調 爲 得 及 者 名 時 遷 位 無 者 當 數 格 不 罪 9 也 9 爲 路 更 州 僞 有 狼 相 肯 或 之 則 如 之 其 不 師 賦 爲 從 餽 權 此 待 徒 自 文 日

篇 端 意 睥 無 書 今乃聚 非 睨 皆言 世 温 故 習 于 其 信 相 義。 故 率 E 態 一,所 而 楊 爲 鼓 談 朱 僞 扇 者 假 也 其 何 義 0 姦 事 之 昔 兇 名 孟 所 9 以 軻 窺 主 害 者 氏 伺 何 事

0

聖意 害尤 學》、《儒行》之書,使 者 使仁 之名 筵,愛重 孟 義 軻 壞 甚 深 氏 以 義之實 弊 仁義、道 於楊、墨 知楊、墨之害 汲 害 其 至 汲 夫仁 書 於 於 昭 爲 德、性 闢 其 講 示 也 我 楊、墨,正 於 明 弊 而 天下 其 此 命之説 至 不 道 義 於兼 理不 知 後 而 至 人心 有 世 明於天下 愛 於 攻《 亦 0 父 而 以以 知 終 陛 中 不 墨 今之 篇 下 庸》、《 承 知 翟 自 有 其 僞 假 臣 御 聖 君 大 爲 徒 知 經

者之正 僞 世。 所 論 天 之説 惡 下 徒 其 學者 所舍者在於偽徒,所 ,使下學者曉 不 臣 正 ***** 論 願 得 道 以 陛 中 以 、儒者之正 是 皆 庸 下下 伸 ×, 而 如 其 立言, 臣 孟 喙, 大學 然知 此章 軻 道 氏 如 有 今日 楊、 七篇之仁 令禮 司 使 好 儒 以 好 墨 仁 所 行 是 惡 部 不 義、道 取 》之書 取 鏤 得 而 者 義 舍之實 取 板 以 在 復 其 塞 於 見 布 儒 其 告 使 於 IE. 性

> 當 路 甚 徒 毋 聚 與 人 士,乞令禮部 心自 其 使 于信 悉禁, 庶 ! 滋 他 惟 幾 取 蔓,具已 正 怪 不 其 上,乞令守 進 市 **=** 得 僻 屏息 止 肆 涉 之 聖 申 不 於 語 施 可 嚴 得 正 道 出 行 承 行 臣 復 道 家 於僞 申 也 下 灩 嚴 之科 庶 尚 0 其文。 行 主司 幾 徒之 書 所 約 儀 其 省 有 束 照 昭 僞 口 釋 今後 應 明,天 者 散 如 徒 氏 施 此 植 之 場 如 如 行 語 壞 下 遇 則 果 屋 録 僞 有 取 所 則

守 保 + 子 + 朝 明 卒于 月二十三日 月,乃 奉 申 晦 庵 奏 大 考亭 先 致 夫 申 生 致 仕 建 年 既 仕 寧 七十 奉 奪 五. 府, 聖旨依 職 年 六 以 罷 年 有 年 祠 \equiv 旨 七十,乞 月 慶元 慶 ,依所乞, 元六 九 日 四 年 上。 預 甲 年

九人在側。辛酉,改《大學》「誠意」章。先是,寢疾,諸生惟蔡沈、葉賀孫

略。」「 堂 源 里 良 萬 書,托 諸 書,令早歸 底 倡 步 項合修 癸亥,諸 大林之原。❷ 久 言諸 處 ,故有此 本 君 率,下堅苦工 而 ○」諸生退 遠 不 然 生復 寫《禮 補 條目, 逝。 來,然 諱 則 葺 生 請 入問, 前 當 人 收拾 書 其年十 用《 也 一用《儀 成 問 且. 道 **%** ,先生作書三:●范 之。 疾。 夫,牢固着 而言 封 書 理 遺文。 日 黄 亦 儀 :「先生之疾革矣, 一卷往 · 一 月, 禮》乎?」 其 榦 先 者誤以 止 **>** 書界行,開 書,令收《禮 乎? 生 是 甲子,移寢 起 葬建 爲式。 如 足,方 坐曰 爲 此 乃頷之。 日 歸 陽 : 唐石 子 葬 有 念 具 但 「踈 書 在 德 逐 進 誤 相

深 書 政 抵 府 先是, 請 其 書 有 斬 于 新 先 地 除 生 州 以 語 學教授余 絶 同 僞 列 學。 曰 : 嚞 丞 「朱 者, 相 元 謝 獻

> 殿中 能已。 乎 史, 史。 晦 ? 蔡 康年右正言 明 侍 事 元 年 御 時 乃 定 程松爲 史, 中 不 林采、 過 、松同 太常 然先生之殁,言者 自 右 相 諫議 施 少 知 講 卿 康 樞 明 大夫,陳 年 密 采 爾 爲 院 殿 監 事 果 中 察 讜 侍 何 猶 御 爲 罪 御 不

之 遂除 時 年壬戌,時 傅 殁,故以 伯 先 先生既没, 壽 生 守 華 生存 論欲 建 文 寧 閣 出 稍 論 命 猶 待 示更張以 益 以 制 譸 前 張 與 憾,不 致 就平,於是 至 仕 嘉 申 恩澤。 先 泰 生

聞時政之闕失,則戚然有不豫之色。先生平居惓惓,無一念不在於國,

^{●「}三」,原作「二」,據下文及(清)李清馥《閩中理學淵

②「唐」,原作「康」,據黃榦《勉齋集》卷三六《朱先生行

售; 然 以 立 + 與 身 力 語 紹 於 年 用 世 辭 謹 而 及 舍爲 其 道 朝 間 難 動 或 亟 厲 愛民 統 進 者 勢 輙 去。 歷 加 立 易 之 開 之 几 事 退之節 禮 損 也, 龉 未 + 其 人 四 也 日, 則 極 事 振 朝 不 自 9 徇 君 道 則 爲 仕 筮 則 官 俗 也 之 感 萬 於 仕 之 以苟安。 9 難 外 慨 世 以 不 語 拜 宗 行 者 至 以 不 必必 貶 至 也 僅 合, 師 屬 道 抗 九 如 泣 纊 則 故 以 必 章 此 下 不 五. 其 求 奉 而

言者論習僞之徒唱爲攻僞之説乞禁止

臣僚奏:

誠 子 之大 不 可 臣 罪 不 聞 習 察 僞 欺 也 與 者 僞 苟 名 有 蓋 教 人焉,方 人 之 材 僇 人; 風 俗 僞 之 欺 習之熾 介所 君 深 者 患 則 臣

> 得 之 從 爲 丕 於後 昭 人 媒 之, 或 臣 臣 身干進 及 仰 子 是,公道 揚之 僞 惟陛下 而 習 欺 之計, 於始 之 君 四 衰 雖 負英明之資,秉 達,其 則 而 而 有 攻 抑 不 他美 之。 、於人 之於終。 知 墮 了,其 譽之 材 在 罪莫贖 進 剛 欺 彼 於 退 君 健之德 升 自 前 之域 也。 · 黜之 以 而 爲 毁

僞 人,不 心, 斷 論 醜 際 之説 排 之 畢 若 相率 盡 固 擯 徒 見, 知 持 已 忠 之書,徑 得 不容於 士友,立 自 聖 初 竭 衡 罪 請 意 何 焉 誠 名 容 足 所 以 世 教 竊 在 軒 以 心 祠 承 輊 追 美官者。 於 作 心 於是習 中 休 其 自 記 逐 跡 外 德 時 分,① 間 昭 褒美 臣 ? 好。 晰 僞 子 而 有 若 之徒, i, 自 鄉 其 素 故 陛 貪 止 者 所 爵 與 下 有 宜 水 學 其 慕 奮 推 倡 精 曲 焉 徒 禄 學 尊 恪 發 而 爲 之 復 其 攻 英 異 妍

^{■「}輕」,原作「輕」,據明刻本、《知不足齋叢書》本改。

詆 書 此 者 俚 相 復 之説 學,所友者 結 不 而 私 足 反 有 納 復 相 人其説 數 曾 自 肆 求 往 之人。 經 其 爲 叛 來 臺 此 其 以 詭 序文,誇 諫 而 徒, 習 計 自 其 論 今 者。 文 他 列 並 矯 其 八具言 從 其 緣 詫 飾 過 有 風 廷 其篇 前 奸 曾 者 其 策 胥 非 計 論 有 靡 什 專 甚 駕 薦 摳 以 隨 主 其 至 自 其 衣 而 是學 波 説 贄 所 黨 復 媒 逐 見 師 其 進 於 與 流 之 淺 者 身 家 切 而

所 論 君 不 八 베 除 隄 己 年 容 又其 罪 定。 授 誅 防之,其權 夫 又 陽 前 次 甚 給 内 日習 今者, 人之趨 焉 在 陰 舍 臺 外 不 僞 諫 在 臣 繳 以 之徒 嚮 其 嘗 駁 僞 又 \equiv 類 設 謂 攻 盜 臺 已 執 繇 使 $\widehat{\mathbb{E}}$ 僞 名 諫 朝 政 分 慶 以 不 大 ; 元 廷 其 歸 真 論 欺 臣 未 初 弊 于 丁,其次 是 世, 列 知 迄 遂 正 僞 其 今, 至 其 而 非 謹 於 在 于 罪 百 給 欺 執 有 守 其 兹 古

> 之
> 戈 之 所 肆 事 攻 切 而 宜 僞 料 具 諸 之 進 間 者 之欺 陛 説 釣 空言 ,彎射羿之弓,轉 哉 下之所 取 召 見 爵 遂 其 相 禄 使 人 而 師 厭 聲 賜 之 世 成 聞 其 資 人 對 風 也 譁 罪 前 其 E 然,指 可 凡 臣 論 日 下 投 也。 習 恐 軌 僞 繼 本 攻 律 今乃 而 之 僞 此 於 是 心 有 此 而 不 書 贵 爲 操 爲 清 進 今 臣 陛 人 身 徒 室 亦 辭 朝 H

昭聖 患 自 今 0 朝 以 者 吏 胡 正 其 臣 部 紘 月 於 公 始 愚 + 侍 群 專 正 專事 欲 自 人 之心 郎 主 慶 材 小 七 望睿慈下 附 日 僞 風 元 德 忠 之, 以 俗 學 奉 秀 恪 抑 來, 之禁,爲 -聖旨 自 牢 誠 亦 臣 毋 吏 不 何 非 有 此 肆 部 依 澹 細 口 以 章, 欺 尚 破 故 侂 杜 京 謾 嘉 播 書 胄 鏜 僞 泰 取 告 出 Ŧi. 斥 習 不 年 劉 進 知 中 年 逐 淆 惟 上 止 外 亂 異 紘 口 州 己 繼

前

譽

後

毁

始

揚

終

抑

不

口

徧

舉

澤。 宫觀。 仕 俾 趙 年爲 之、曾無逸、 侂 游子正之流,咸先後復官、自便或 象先、葉正 者徐子宜、劉德脩、陳君舉、章茂獻、薛 革,願於用 也。 六 疏 廢退之人,又有以 年七月, 澹罷 勿復有言。● , 胄亦厭前事, 年, 丞相資 遂 可 十二月,周丞相 右 上。 言者復 除華文 鏜 以 又削 正 政殿 言。 時林采 人聽言之際,防微 則、 左 薦 項平父、范文叔、黄商伯、 論 知 閣 派 櫝中「不係 其 大學士,而 林 爲學之徒 且 十月,有旨,朱某 樞 待 相死于 年 爲 正 復讐之説進者,故 有開邊之意,而 密 制 殿 復 院 甫、詹元善、蔡行 月 中 依 少傅,留 事 位 朔,遂命 侍 條 餘 爲 學 一 黨人之見 御 魁 與 孽 獨 杜 史, | 檢盡 致 派 未 澹 漸 典州 仕 Ė 追 未 相 能 施 往 節, 致 復 恩 在 復 此 時 其 盡 去 康

少保。自是,學禁稍稍解矣。

道命

■「勿」,原作「幼」,據明刻本改。

道命録卷第八

晦庵先生朱文公賜謚指揮

遺 当 致 揮 表恩澤 仕合得 ,特與賜諡,令有 朱熹已 勘 會 恩澤。 一名。 嘉 致 泰二 仕 + 可 年 月 司 除 + 議 + 華 月 定 文 八 日 閣 申 + 奏,仍 待 川 制 省 日 依 己 同 依 條 降 奉 條 與 指 聖 與

右劄付禮部太常寺。嘉定元年十月二十

九

日

年 用 四 兵, 月 晦 遂 庵 鎮 以 先 太 江 生既 軍 師 平 取 没 泗 章 之 州 軍 四 或 Ŧi. 年 事 月, 韓 開 侂 襄 陽 禧 胄 將 軍

> 外郎 謀,除 之忠 吴曦 奏。 日 追 淮 虜 將 襲 文」,天下以 一月,隨 月三 録 陝 議 ,有旨,朱某特 李 唐 明年, 誠先 學黨、 受虜 好 和 州,皆大 兼權 侵 侂胄。 虜 日 義 軍安 地 見始 之士 命, 也 之衆 必 博 考 欲 敗。 爲 轉 稱 功 士 伺 資 中 明年, 得暴白 當。 其 得 運 蜀 善 郎 謚 討 賜謚 首議 加 朝 王 丙 史直 官 曦 日 \equiv 造遣 恩 朝 改元 以 劉 「文忠」。 殺 ,0令有 年, 月, 數, 義 用 彌 講 之。 其 兵 廷 嘉定。 兵 士 正 彌 大震 年 又特贈 而 殛殺之。 興 賊 楊 遠密 去「忠」 朝 州 司 + 晦 臣, 巨 吏部 廷 議 月 都 庵 於是, 源、 寶 以 爲 定 復 \equiv + 先 統 謨 存 申 年 員 生 IE. 制 與

「特」,原作「待」,據明刻本改。

0

尚 之。 書, 者。 獲伸 謪 知 遇 初 於 享 其 爾 不 蔡 無 哉 遇 贈 是 問 死 元 龃 後,天 定亦 天 以 非 學 於 官 己 有 也。 世 特 定, 者。 源 理 慰 贈迪 其 昭 爾 爾 操 不 或 昭 泉下 則 修 功 幸 擯 未 郎 殂 無 ·見誣 斥 有 矣, 玷 死 於 制 久而 雖 荐 生 朕 日 杜 莫 一前 甚 門 遭 不 贖 愍 遠 著 定 士 而

晦庵先生朱文公謚議

議曰:

易 者 化 所 之食 也 育 以 講 才 必 自 故 明 周 以 定 世 大 穀 道 之 位 衰,正學不明,道術分裂。 栗, Ě 治 非 亂 寒者之衣必資桑麻,不 道 常常 事 無 之 與 視 綱 立 道 常 世 之隆 而 儒 污。 參 者之學, 天 若 急 地之 饑 功 口

> 雄 出 非 信 道 相 不 世 用 利 隋 處 定, 賢之所 奪 於當 既 獲 有 其 者 通 用 傳 昧 之王 弊 固 與 塞 則 時 焉 本原,其 爲 其 不 身 大大 謗 不 通, 而 莊、老。 容 徒 死 爲 然 毁 抵 乃 以 辨 而 也。 轍 唐 熄 皆 獲 流 問 後 П 環 之韓 而 0 然 伸 講究, 舌 爲申、韓; 其 孔、孟 天 公議 於 百 勝 道 下 愈 後 年 始 今, 學" 一之後, 而 又 世 詆 生 行 明 著 枉 乎 邪 毁 矣。 孔、 尚 己 其 而 困 ? 愛憎 是 清 孟者 直 爲 時 阨 至 蓋 何 虚 人者, 書, 漢 泯 真 至 者 不 躬 也 之 僞 能 使 忘 而 老 履 其 楊 之 後 是 又 取 是 而 實

仕 其 志。 後 不 故 愈 待 獲 篤 制 命 亦 累 侍 講 屢 辭 朱 位 召 公, 于 請 朝 益 自 分 得 少 有 符 以 持 志 涵 節 養 斯 于 道 所 既

^{■「}又」,原作「文」,據明刻本、《四朝聞見録》丁集《文公

曾 泯 儒 化 學 未 而 蓋 者 幾 類 H 奪 不 之 職 究 新 多 異世 用 道 龃 乃 排 而 於 龉 公 而 還 權 古 平 不 同 亦 舊 臣 不 生 符 合。 繼 職 而 能 9 以下 巾 遂 而 以 特 主 去 僅 苟 命 世 上 昭 合, 賜 矣 龍 尋 白 謚 飛 而 以 於 權 亦 論 身 擢 以 臣 不 者 後 侍 公之學, 既 可 0 詆 經 誅 贵 以 爲 筵 終 聖 其 僞

洛 聞 官 據 偏 理 於 爲 日 踐 則 明 H 一之謂 遠 忠 信 訓 用 履 謹 居 接 之實。 按 於 釋 常 鄉 後 乎 洙 溢 惟 行之 則 諸 ? 明 泗 公 法 信 經 聖 躬 勤 間 用 於 平 賢 道 而 自 履 卹 功 朋 德 以 **藴奥之旨** 格 實 純 民 及行 於 友 博 教 物 隱 坦 誠 不 聞 化 致 而 明 著 睹 爲 潛 曰 如 知 有 而 不 文, 恐 務 救救 使 心 講 習 聞 閑 傷 問 後 清 切 察 之 之, 非 邪 學 學 之 談 廉 際 存 有 道 德 公 功 功 近 誠 減 方 德 利 所 新 加 承 ; 横 依 之 博 居 省 以 伊 正 而

> 之天 皆 作 從 勢,雖 名 方 惠 賦 足 也 彼 知 禍 0 以 容 權 修 廉 詞 取 且 下 或 亦 當 彼 奏對 下 方 禍 及 究 章 臣 削 舉 忤 可 之 公正 與 盡 天 制 初 弗顧 ·荒政 以 藁 時 極 來 下 而 心 作 得 任 爲 而 世 無 之 獻 必 志 部 言 文 也 抗 歸 兼 爲 愧 忠 得 納 使 矣, 章 庶 無 美 備 竊 民 也 其 非 隱 乎 極 衆 弄 隨 則 而 合是 有 亦 職 久 論 體 威 廉 事 未 剴 請 糾 日 乃 口 而 二者, 足 方 福 切 不 繼 規 發 以 雄 己。 益 文 公 爲 論 於 拂 吏 爲 深 知 信 避 道 Œ 講 疏 姦, 與「 以 忠 雅 其 至 煩 或 德 筵 之 矣, 健 漸 於 定 發 瀆 謹 不 抗 忠 博 密 謂 公行 立 於 議 不 直 撓 聞 追 而 奏 必 乎 至 朝 可 惟 未 以 於 使 之 並立 ? 嘉 長 誠 文 古 傳 揚 實 公 必 雖 則 權 定 0

0 謚 謂 議 》改 原 作 請 明 刻 本、 四 朝 聞 見 集《文 公

0

二年太學博士章徠上。

晦庵先生朱文公覆謚議

議曰:

哉 道 生 ? 德 於 行 可 謚 故侍 謚 者也 古 下 講 也 _0 朱公没 有 , 一荷 複 司 當 益 議 於 於爵 所 非 其 以 古 行 謚 也 未 得 謹 字 謚 謚 獻 足 法 議 矣 日 上 曰 : 以 奚 : 公 謚 複

輩 賴 韓 己。 漢 思 晦 子 愈 末 又 孟 諸 老 思 氏 隋 由 軻 經 漢 復 死 唐 儒 更 出 訓 間 而 軻 采 述 聖 詁 下 特 而 其 掇 人 河 其 明 0 遺 載 汾 以 闇 謂 文近道 言 資 道 講 子 如 聖人之心 文 以 之文 學 思、 也 墨 持 E 爾 孟 斯 也 及 不 鄭 軻 世 本 涉 真 之 蓋 司 孔 朝 聖 農 孔 文 死 在 賢 氏 幸 而 氏 明 王 句 没 之道 閫 未 又 者 讀 輔 9 明 奥。 墜。 子 復 嗣 而

> 微 説 持 銖。 穿 乎 徒 濂 深 閑 思 有 去 而 其 百 居 0 中 嘘 溪 也 出出 不 出 也 由 采衆 其焰 0 氏 得 者 駁 朝 敬 惟 横 博 不 干 公 平 廷 几 終 持 渠 恐去之不 而 説 敢 其 中 居 每 + 嗚 至 也 外。 剖 歸 科 之 過 思 與 以 餘 呼 一公聖 縮 其 約 第 求 精 其 好 年 以 其 丝 醇 其 猶 也 徒 官 而 早。 聖人之格言。❷ 道 於 矣 於道 原 少 遺 磨 召 Ш 粲 恐 書 哉 也 心 林 其 程 切 公,莫能 自 然 汩 ! 不不 於 講 粗 捨 之 子 官 薄 矣。 其 眇 孟 六 宿 貫 日 敢 簿 游 統 集 忽 皆 長, 籍 其 氏 深 公之 書 徑 諸 0 屈 一考者. 以 光 隱 索 問 則 析 讀 道 儒 自 來 學 也 學之 諸 德 之 理 不 書 程 閉 近 九 得 性 於 恐 門 不 粹 初 子 以 氏 而 功 之 命 而 E 潛 多 錙 人 貫 人 曲 誠 而

^{■「}輩」,原作「章」,據明刻本改。

② 「縮」、《四朝聞見録》丁集《覆謚》作「蔽」

若 憂民 孔 莊、 而 汩 墨 人 没 各自是。 孟 小 此 跅 與 朝 技 矣,公何 弛 者,真公之學也。 忠 於 重名節 者 市 信 敬 繩 者 以 公力扶 孝 墨 以 爲 ,恨焉 居 而 愛之事 者 爲 迁 則 愛 姗 矯 ; 安貧 聖緒 出 癯 以 ; 於 自 處,合於古而 爲 而 嗚 本末 童 山 由 誕 樂道 呼 至耄 澤 ~ • 公學者 1 與 宏 仕 世 闊 動 世 師 嘗 則 背 以 友 無 以 必 尊 而 禮 競 道 於 是 弄 行 君 法 喪 時 病 筆 而 己 而

年、王 之日 謂 言之功 也 可 而 恨 非 乎 ? 本朝歐 淺 也 初 介 太常 大暢於後,合「文」與「忠」謚 正, 正 楊公正 甫 世 有 多 主 、蘇 功 評 介甫 庇 議 復 於 不 民 韓 以 文 斯文而謂之文,簡 . 得 經 文文 之學鬱 愈 士 謚 學 爲 爾 忠 非 「文」,而得 文 文 醇 而 而 益 乎文乎 也 不施 非 公。 也 其 按 者 事 而 贵 公, 矣 公在 業 乃 著 原 是 楊 亦 似 而 書 道 之 有 實 朝 大 矣 V.

> 吏部 有合歟 謂 員 公晚 外 軻 郎 ? 之 爲韓 兼考功 請 死 以 不 文 郎官劉 韓子 得 立 其 之謚 彌 考 傳。」 正 異 上 謚 \forall 奉聖旨 斯 公。 言 書 也 依 謹 贵 議 程 其 子 尚 亦 與

周邵程張五先生從祀 李仲貫乞下除學禁之詔頒朱子四書定

學 教 授 承 李 議 道 郎 傳 秘 劄 書 子 省著 奏 作 佐 郎 兼 沂 王 府 1

談 搜 盛 實切 羅 衰 繫 臣 材 聞 乎學術之明 今日之務,❷然 天 以 下 待 治 天下未 忽 晦 繋乎人 所 至之憂。 臣 以 材 前 作 之盛、 所 成 陳 雖 衰, 材之本, 書 願 生 陛 下 材

^{■「}姍以爲誕」、《四朝聞見録》丁集《覆諡》作「姍笑以爲

② 「切」,原作「功」,據明刻本改。

則未之及也。臣請爲陛下終言之。

衆 之間 末 益 世 天資 精 孟 由 近 無 多 精 之 精 儒 或或 施 儒 者 學 力 粗 臣 至 者 之於 朝 雖 近 分之 凡學 復 又 于 聞 殆 廷 有 之 然 得 本 明 孔 隨 事 正 無 而 者脩 於 朝 其 於 所 孟 時 *, 而 餘 未 聖 説 世 既 止 河 以 天 藴 真 門 己 能 Mi 没 下 洛 而 就 用 接 推 盡 大 理 己。 治 誠 之 雖 功名之臣 正 物 明 得 學 間 未 矣 使 未 學 之, 其 之道 治 能 事 此 究 大 不 當 不 學 盡 君 擇之 儒 明 功 益 臨 如 窮 並 或 亦不 則 故 古 行 民 益 出 語 自 義 已 千 之道 詳,語 則 於 多 數 之 職 调 漢 未 此 能 是 而 唐 極 百 本 近 孔 之 其 年 盡 未 非

今其 説 士 氣 禁 臣 日 往 衰 竊 者 雖 謂 除 權 士 當 論 臣 而 世 H 獨 顧 先 卑 以 未 務 ·, 士 嘗 此 莫 學 明 風 要 爲 示 H 禁, 於 天 壞 此 下 + 識 以 者 數 今有 除 憂之。 年 之之 間

> 詔 其 然 平 意 上 所 臣 如 以 進 焉 禁 者 下 居 害 君 願 則 此 以 下 之 陛 等 其 易 學 口 同 下 則 誤 人, 豈 本 其 任 F 術 此 必 則 順 心 終 特 成 有 使 緩 於 不 之 身 出 人 心 皆 振 天 急 欺 親 德 之 明 才 天 勵 下 可 其 9 感 操 詔 出 資 激 曉 恃 應 非 民 誠 ; 則 知 昂 然 崇 之 義 得 今 贵 信 而 義 尚 知 機 此 不 日 以 非 行 於 聖 此 不 等 口 最 副 捷 之, 陛 友 意 學 可 生 人 要 陛 下 於 ; 進 所 非學 不 布 之 下 指 所 上 影 在 滿 作 言 響。 務 願 忍 不 則 不 中 成 君 乎 肯 苟 前 不 可 外 荷 此 臣 H 欺 牛

之篇 者 書 大學》、《 ,莫要於《大學 之 當 臣 故 聞 讀 中 侍 學 者 庸 莫 講 莫 急 学章 朱 * × « 出 熹 於 句、 有 致 於 論 或問 聖 知 論 語 人 語 致 × ,學者傳 之 \Rightarrow × 知 孟 經 ^ 莫 孟 子 大 經 ×, 子 之,所 於 之當 > 中 讀 集 庸 先

教育 之士 業 太學 試 官 過 也。 詔 擇 亦 之外, 之 稍 每 未 俟 有 以 之責 今學 者 精 寬學官、 月之試 聞 有 司 其 備 取 所 以 而 其 陛 從容 通 有有 官 是 語 風 風 下 以 貫 四 之 而 示 選 節 ·之官使 教 所 浹 i 講 論 書 己。 詳者,於是 生員 四 任 育 洽 不 傳 方。 太輕 暇 人才 頒之太學 ,然後次第 其 臣 往 交 議 以 相 來 凡 爲 故 9 爲 論 資 之禁, 上下 而 國 近 乎 非 學 益 家 以 得 在 使 以 建 法 之所 用 來, 以 庶 使 諸 學 及 東之太 慕 臣 幾 得 本 諸 風 生 且. 從 願 成 用 · 意。 節 使 而 LI 經 事 效 就 意 陛 議 四 次 9 嚴 之 課 方 下 德 謂 論 夫 誦 不

罷 祀 朝 雖 ,乞以 孔 詔 王 子之廟。 罷 安石父子 臣 聞 安石之子 邵 紹 雍 興 勿 淳 程 中 祀 熙 顥 雱, 從 中 程 而 臣 而 學官 祀 頤 胡 他 顥 安 未 張 魏 或 及 載 頤 掞之亦言 嘗 行 兀 兄 欲 弟 人 春 儒 有 者 請 厥 秋 後 相 從 於 宜

> 之才日 諸 言 與 二月上。 者 下, 頤 重 不然,臣 論 非 0 儒 爲迂,誠 以 議 之祀 示學 説 臣 特 而 盛 願 請 以 行 謂 者所 陛 伏妄言之罪。 能 補 之, 宜 日 下 事 下 祀 推 宗。 詔 上 典 天 既 除 而 以 有 之闕 禁 下之治 行 上之, 其 司 彰 之詔 考 所 聖 人心 而 益 安 朝 取 以 己。 歲 興 崇 或 頒 甚 進 及 加 起 几 大 儒 止 陛 掞 了,其 者之書, IE. 程 當見 之 下 歲 嘉 學 之 所 不 所 定 之意 四 天 以 嘗 師 關 其 年 定 周 或 F 臣 甚

節 孔 乾 疏 道 子 明 辨 先是, 之 五. 陳 道 年 廟 公輔 春 伊 紹]1] 張 繼 所 興 魏 詆 除 横 七 公 程 魏 渠 年 學之 爲 掞 川 春 政 之元 先 謬, 胡 生 奏 文 履 春 因 人 定 爲 乞 秋 報 公 太 從 以 聞 學 食 奏 康

● 「宜」,原作「官」,據明刻本改。

體 中 行。 于 爚 因 郎 祀 至是,仲貫見上,首乞下 學官與給 雱,而擇本朝名 淳熙四年,趙 于堂上。冀、李二參政 府,尤主之,且欲置范、歐 文忠從祀。 録 學官,●從之。 有 以 而 晦 重 ,上諭以 又 不樂道學者, 其年秋,但去臨 伯又乞以晦 ,故未及行焉。 濂溪及四先生列于從 祀 白 二程先生。 宰 舍 范、 相 李公以爲可。 議 言宜 侍 司 儒 郎 馬二文正 庵《語》、 李 而朝 列 粹中又奏,乞去王 明年 文簡]1] 宰 于從祀。 罷 不以 伯 相 王 廷 或 除學 雱 而 時 陳魏公不可 荆 《孟》集 亦以 祀 趙衛公在 、歐陽、蘇 畫 爲 升司馬、蘇 爲 公父子勿 子 禁之詔 像 可,乃不 韶禮官、 禮 祭 其 會 而 註 酒 事 部 西 己。 立 劉 侍 府 大 西

南軒先生張宣公謚議

議曰:

天光下 其事 紀 負 名浮者 矣。 四 于 公蓋 海 所 臨 朝 易名之典,久未 重 代 可 雷 名 上 即 同 儒宗, 厲 功業 日 風 道 報 爲 未 動、豈容拘常襲故、實 哉 可, 究 或 克請。 中, 世 所以 臣 道 尊道崇化也。 以 起 維 没 千 時 ,于今三 載 帥 絶 臣 學, 列

公之門人 忠孝之傳,講切義 公丞 也 相 魏 或 鍾 美萃 忠獻 理之學。 之嗣 靈,英特 子, 慨念孔孟既没 五 邁 峰 往 先 生 親 胡 承

8 8 0

原作「戂」,據

明刻

本改

[「]帥」,原作「師」,據明刻本改「酒」,原作「西」,據明刻本改

四四

學 其 其 記 公爲 武 顏 謂 職 離 致 尋 續 學 詐 流 IE. 講 心 , 繹 所 録 克 守 於 用 靡 論 爲 開 若 而 學 **>**, 簡 精 以 己 事 然 0 此 日 淪 之 儒 迪 趙 之 俗 鬱。言 復 爲 早 易 其 義 懼 激 功 贊 者 誉 禮 之 學 之久 精 夜 篤 \equiv 功 居 毅 心。 平 顏 宋 以 會 實 微 代 極 道 用 敬 然 安 先 之 自 於 興 佐 德 泯 子 無 窮 趨 以 由 漢 者 爲 警 故 百 也 廣 者 然 所 非 是 斯 向 理 難 或 人 年 凡 大 溺 無 聖 以 爽 文 之 變 作 以 物 遠 謂 見 高 虚 見 爲 闓 賢 爲 河 純 立 之言 慮 仗 理 武 遠 於 無 南 獨 百 明 己 不 本 義 之僅 尤 侯 世 白 任 傳 世 許 尚 , 究 語 履 識 開 拳 傳 之 程 師 董 功 其 正 文 采 務 明 去 者 物 拳 **>** 緒 始 也 利 相 , 實 字 歸 摭 者 古 成 有 焉 諸 又 賴 者 唱 作 求 之 遺 易 愈 以 以 爲 葛 務 則 公 急 明 是 間 微 遠 之 忠 希 知 知 復 道 變 則 以 不

其 主 數 排 身 轍 公務 本,上 要,不 直 臣 仇 贊 無 議 上 不不 歲 經 機 道 樞 0 以 取 碩 大 盡言 乃 略 筦 公 實 乎 義 難 輔 幙 孝 過 以 天 稽 在 自 代 徒 廣 行 廟 除 所 間 而 子 曰 内 天 實 無 慷 之治 假 西 以 已 授 以 初 [宅心 毀言 隱 理 於 外 深 慨 以 0 也 識 其 之 蒙 元 修 思 激 軍 爲 \equiv 名 達 下 非 自 被 所 爲 日 德 如 鋭 其 間 切 事 復 或 從 據 期 以 至 指 殊 萬 意 賢 體 至 實 經 復 隨 公公 事 知 規 切 英 奏 其 及 言 筵 於 俾 欲 發 其 之 恢 詞 爲 論 不 勸 置 立 爲 臨 上 沃 綱 運 其 所 見 郎 得 勁 高 講 政 建 惟 者 藩 苛 E 君 視 至 於 氣 修 矣。 置 久 補 歛 屏 賜 開 援 帝 心 實 身 必 行 留 督 先 報 之 至 者 陳 對 古 於 王 欲 公 事 爲 至 府 内 7 今凜 病 盛 證 備 正 奮 誼 者 天 條 申 以 矣 異 成 民 時 禦 名、 今, 撫 存 世 皆 下 不 舉 公 演 規 存 報 參 越 治 前 力 顧 至 復 願 兀 加

之理」。 害休戚 言之。 其 子 用 徹 行 不但 馬 安 之,不墜聖賢 遠 、讀公遺編,至此 ',曾 静 加 黈 政 聰 空言 爲 公已 小 無留滯 義 公惟 博 本 人,信 其愛君憂國 勇 上亦嘉 見見 屬 采 及 誠 如 之訓 必必 周 疾 義 制 任 於爲 弓弩手, 答, 矣。 則 其忠實, 璽書 置 使封圻之遠, 防 廢卷永嘆。 爲, 京 惟 故 民, ,至公血 病 南 己之偏 不 恐 洊 项 若保 究 也 敢 不 更二鎮 首 手 見 及 顧 誠 赤子 本 疏 勉 間 避 以 好惡 雖 末, 勸 勞,有志 閻 如 凡 諄 凡 ,誠 死 上 之細 鹽 事 立 公天下 諄 民 不忘 莢, 務 親 奏 心 爲 事 實 罷 求 大 君 悉 利 上 如

者爲 然者 質 道 遠 鬼 實德,建於利者爲實利 謂 神 竊 無 之不 謂 而 彊 無 公平生大節 自然。 欺 疑 者 「其學 公能存此 講於己者爲 所 自 以 不 心, 欺 蔽 實 充 始 天 篤 學,復 此 蓋 地 志 理 而 明 理 不 善善 任 之實 於 慚 以 君 重

> 於 知 負 可 爲 之, 人之國 天子,下 之事 鞠 躬 信矣 ·不負 臨 盡 事 力 所 無 以 1 學。」 不 行 夫 可 之。 唐 其斯之謂 成 之功 人有言 夫是 以 而 歟 曰 天 儒 ? : 者 下 有 無 益 不

六

壹 非 沈 信其言, 惠,請 涵 體 士 道 謹 和 按謚 真, 知潭 謚 民孚其惠, 居中」乎? 先是, 曰「宣」。 見 法 州 理 體 衛 嘉 昭 和 涇 徹 定 非 太常博 人宗其 居 奏爲 七 「善聞周 秉 中 年 - , 善聞 德 士 南 孔 八 八學,家 制 軒 煒 月, 達 行 上 先 周 生請 乎 藏 渾 達 資 ? 然 其 政 日 益 天 「宣」 殿 節 得 成 學 君

南軒先生張宣公覆謚議

旨從之。

議曰:

公以堯舜君民之心,振一世沈溺,以

計 之謀 之志 學 屬 於 開 心 何 不 後 僻 性 孔 友 觀 於天 忠獻 學 待 講 茅 每 成 》之奥旨 所 ,猶是心 孟 行之力, 則 其所言 塞 昧 習 議 性 適 想 天 則 地 之純 詞 者 理 以 以 將 理 兹 其 載 今清 之學 :識 也 充 悦 稽 盡 承 昭 參訂 在 所 忠 食 其 惟 悉 晰 乏 古 南 方 朝 趨 恨 息 仁 心 在 公之學,根原 起 策 口 發 考 親 Ш 於濂 特 不 贵 嚮 弗 於 州 一之竹, 槩 賢 揮 績 充 采 識 得 小 莫 郡 違 萬 世 竊 於 見 爲 溪 士 公 執 補 不 物。 膏 者 Ŧi. 請 氣 在 論 故 不 以 鞭 哉 家 肓 得 知 峰 爲 ; 藩 足 藏 其 辨 爲 爲 以 程之微言 之 其 言 知 於《 上 鎮 以 公之 御 其 在 之 易 君 師 指 廟 汝 有 猶 講 明 中 發 公名 書 臣 堂 説 聽 明 其 尅 歸 是心 筵 應 庸 出出 都 警 毫 生 補 有 復 謚 **>**′</br> 潛 俞 在 釐 習 慕 和 漸 外 神 豁 誨 申 晚 也 大 室 臨 戎 州 必 此 漬 尚 所 賁 以 居 與 其 師

> 習 還 實。 遣 不 出 江 在 民 自 塞 静 陵 效 奏 論 則 之罪 對 所 用之令, 論 江 請 史、 則 學 張 則 則 先 嚴 流 行 説 正 請 變 克 盜 出 僉 志 漕 義 息 先 己 賊 書 私 勇 洞 司 務 之 樞 爲 量 酋 抑 實 以 禁, 密 發 之 賣 取 明 以 結 運 之 譁 州 則 修 大 諸 使 法 革 鹽 懼 德 義 將 之法 其 則 綱 正 立 之 考 激 馬 斥 政 人 歡 致 武 其 申 心 要 用 臣 正 弊 諸 病 分歸 賢、 民 淮 其 州 民 在 按 召 無

之大 公 謝 間 矛 與與 盾 有 游 晦 自 原 經 經 宋 楊 周 出 庵 日 生 一天 朱 扶 興 公、 於 文 氏 持 百 天。 士 孔 出 於 年 不 子 性 後。 而 道 愛 濂 以 理 嗣 固 其 溪 至 是 義 天之 道 孟 談 理 0 相 子 貫 程 體 道 董 爲 徹 發 厥 天 用 師 仲 明 後 未 复 友 舒 於前 罕 不 明 於是 出 曰 輕 傳 前 或 以 吕 儒 授 相 道 雖

上。 年 之德 迹 理 謚 世 公力居多 迤 三十六年 宣,尚 古 謹 法 一,得 溥 月 奉 言 以 聖 獨 博 軍 體 其 驗 旨 俱 器 與與 和 學 小 0 依 今,博 少監 立 者 居 朱氏 丕 精 始 今 中 亦 闡 君 行 議 兼 晦 足 於 士 信 成 相 權 善聞 其 庵 議 善 世 侍 參, 民 益 朱 是 左郎 是,請 子,是 周 時 謂 用 氏 身。 得 官 達 已 見 其 則 從。 體 兼權 曰「宣」。 謂 謚 羽 考 大 後 和 翼孔門之意 日 論 考功 者 矣。 善 謹 居 文 淵 足 議 聞 中 郎 益 公之明 源 官 <u>'</u>; 以 周 楊 所 嘉定 之日 公没 達 名 公公 汝 自 當 明 八

東萊先生吕成公謚議

議日:

節 開 皇 衆正之路,發潛德之 上 更 化 之元 年 收 光 召 故 凡 老 有 襃 關 表 於 名

> 公尋 功 後, 焉 大光明有 論 靡 極 公及公俱以 心 載 6 然總 者惜之。 連 亟 風 維 亦 竊 敷 帥 命有 化者 嘗 得 風。 賁 邦侯 彼二公蔚 如 謂儒者之道 謚 人 司定 公者,可 然皆 會 次 猗 文, 3 代 第 有 議 歟 欽 垂 儒 修 以 不 承 乎 偉 萬 宗 至 舉。 朱公易 無 好 德意 哉 相 世 大位, 6 襃典 尚 扶 望 無 先是 貫 既 掖 4 疆 相 矧 乎 名 以 明 弗 道 真 繼 \equiv 詔 爲 並立 侍 統 獲 足 福 聞 條 請 來 時 極 講 盡 以 者 經 奏。 也 世 同 宣 朱公、 表 上 續 興 生 乎? 道 其 絶 心 學 故 起 丕 揭 用 憫 起 碩 視 張 張 民 于

8

謂」,原

作

請

據

明

刻

本改

[「]博」,原作「傳」,據明刻本改。

②「謂」,原作「請」,據明刻本改

[「]侯」,原作「俟」,據《知不足齋叢書》本改

^{△「}猗」,原作「徛」,據明刻本改

^{5 「}揭」,原作「褐」,據明刻本改。

之 其 門 欲 墜 地 觀 會 進 汲 宋 河 凋 終 之 際 其 落 以 理 士 嶽 興 必必 111 獨 矣。 始 運 讀 成 高 間 得宗 學 待 身,化 化 善 書 第 賢 氣 悉 者 程 其 由 成 記 遣 加 旨 作 人。 博 萬 文 不 是 名。」 子 尋 今傳後 有 學 物 獻 見 而 益 公承 祭 繹 微 之 宏 周 前 故 日 則 極 言 陽。 糾 衰 : 詞 家 輩 夙 群 公之所 休 復 紛 科 宵 以 寧 書 典 孔 自 濟 公 闡 靡 上 一,尚 學 世 公自 孟 刑 美,遠 親 正 皇 接 聖 故 自 没 獻 浸 受業 南 論 賢 之 期 人 視 失 公 而 渡 Ŧ 有 聖之緒 人 推 而 修 飲 其 斯 以 于 古 源 移 未 然 踐 真 來 道 固 河 流 9 至, 相 無 莫 南 思 0 凡 儒 人 業 傳 事 天 不 嘗 之 公 窺 欲 擢 先

朋 矯 不 從 爲 曲 簪 荷 時 如 朱公、 盍 同 繩 必必 斯 公翕 設 求 張 至 ; 公 受 指 於 與 樂 迷 有 與 迪 是 志 昏 而 斯 如 咋 事 海 如 , 斗 斯 互 文 斯 納 教 相 揭 宣 劘 操 昭 切 莫 偏

> 聲音笑 鋒 視 不 藏 隨 鍔 世 其 貌 氣 脱 壁 質 所 立 去 能 故 俾 倚 感 習 之成 天 動 者 若 哉 就。 及 未 嘗 見 蓋 公, 有 有 挾 降 自 者 負 心 其 屏 能 氣 此 歛 高

遺 學 猶 非 書 雋 聞 用 而 皆 之 學 舉 真 講 公 高 獨 公以 難 底 疾 儒 論 乾 未 貫 矣, 運 道 成 于 足 深 不 儒 居 萬 以 久 成 輟 淳 沈 加 亡 官 機 言 矣 曾曾 熙 器 痼 篤 何, 召 成 間 累 異 於 不 説 嘗 歲 細 信 以 孝 惟 以 反 因 善 行 道 死 廟 憂 公器可大受,力足 類 覆 輪 之不 生 爲 鋭 去。 孰 注 爲 對 憂 意 興 能 目 帝 患 矜 戚 及 致 勸 言之。 與 累 待公 起 理 帝 小 公 其 此 公 求 者 登 左 心 施 史 實 之 帝 圖 噫 延 館 設 學 超 或 自 右 竦 英

^{■「}浸」,原作「漫」,據明刻本改。

❷ 「亡」,原作「士」,據明刻本改。

記 誦 絶 立言 己,外 示 以 成 詣 孝弟 衆言之折 或或 家 筆之旨。 才, 家箴 而 藏,見者珍重,兹 多取 之成 無 進 又 忠信爲 \ll 非 德 虚 明 毛 本 物 爲 己 其 衷,卓然 民 末 皆 受 成 他 鄭衆 本, 收 至 具 人 纂 德 是學 舉 理 述 氏 博 爲 經經 養 歛 尚 所 之説 也。 世 取 讀《 性 持 多, 世 以 約 師 爲 詩》有 大 養爲要。 暢 攷之遺 表 雖 守 或昭 法 成 者 群 未 性 故 歟 儒 日 倫 記 明 其 之 編 次 ^ 家 其 内 大 降 異 春 而 範 著 其 之 事 才 口 秋 有 書 學 成 爲

古 學 傳 備 道 乎 及見全書, ,使天下蒙 性 ? 全 天 而 其 世 九 未 黄 純 原 喪 如 叔 儒 則 被 斯 度 休澤; 口 公之初 文 則董 之 作 少 流 也 仲 微 次 假 志 而 舒 之盡 公 或 公 言 而 年 其 庶 論 不 言 誰 - 失之迂 幾 上之得 風 明 與 旨 焉。 道 歸 尤 爲 方 使 君 , 之 德 有 後 行

謹

士孔 立 日 言皆 成」。 著 一乎? 煒 月 可 上 明 公學 行 謚 任 非 探 日 重 「成 幾 開 道 先 物 遠 於 濟 道 議 死 務 爲 而 天 乎? 稱 後 下 己 謹 體 充 非 議 立 類 通 用 知 達 具 常 至 强 0

與 雋 賜 爲 益 東 先 萊 是 先 嘉 生 定 請 八 謚 年 奉 六 聖旨 月 知 吕 婺 祖 州 謙 丘 特 壽

東萊先生吕成公覆謚議

議日

蓋 遏 自 賴 吾 斯 吾夫子 文 夫 之 子 脉 文 主之。 既 教 絶 盛 而 至 行 復 孟 之 續 時 軻 氏 儒 異 者 而 端 楊 之 漸 朱、 功 不 也 墨 口

誰 張 功 之 之 氏 適 文 翟 則 理之學,續孔 氏 傳, 、東 學 從。 不 之 吾 日 體 浸 不 徒 斷 道 朝廷 萊 而 然? 天 群邪 晦 其 百 如 吕 大 髪。 氏 浸 喪 既 下 氏 道 醜 遙 矣。 微 嘗 均 復 以 孟之傳, 正 逮 起 賜 所宗 闡 明 衆 我 9 自 益 六 又 非 本 時 矣, 得 僞 人 經 師 孟 朝 心 而 厥 之旨 , 嫉 晦 氏 而 而 以 後 天下學者 真 庵 濂 障 東萊之宜謚 晦 正 續 前 朱 溪 殆 百 庵 氏、 Ш 朱氏 且 濂 濂 然三 千 溪、二 而 溪 南 始 程 載 東 儒 軒 南 知 倡 之, 夫 斯 程 張 程 所 軒 同 義

嚮 天 足 人 成。 用 地 以 而 而 經 而 不 奉 惑。 以 常按溢 綸天下之大經,立天下之大本,建 不悖,質諸鬼 公病矣。 「成」一字,易公之名。公之 惜乎, 法, 公雖 天奪 開 神 物 不能盡 之年。 而 濟 無疑 務, ,百世以 見之行 通 孝宗方 達 强 屬 學 俟 7 聖 意 誠 而 日

> 焉? 泯者,公之力居多也 公之遺書實與六經相爲表裏。 博 士議是,謹 議。 謚 考 之 功 日 員 外 成 斯 郎 T 文 端祖 賴 夫 以 何 上 慊 不 奉

道命録卷第八

聖旨

依

道命録卷第九

魏華父爲濂溪先生請謚奏

舉 照 常 料 平 朝 等 奉 郎 事 潼 兼]1] 權 府 潼 路 111 提 路 點 運 刑 判 獄 魏 公 T 事 翁 狀 兼 奏 提

之柬 没 稱 朝 於 有 教 有 盛 至 道 德 學 , 時 卹 臣 未舉易名之典 先正 隆 章 立 猥 既 師 重 以 服 載 、崇化 晚學 攸 學 在 鉅 司 問 史 公多仕 誤 册 正 善俗,所 兼 大 者 一,臣 被 攝 不 柬 於蜀 漕 爲 偶 注 輓 世 待 不 職 其 當後 擢 贅 師 學 職 陳 表 司 權 生 分 祥 而 所 有 因 且 爵 如 刑 係 顯 先 其 惟 位 于 秩 賢 間 弗 或 其 蜀

故蹟適在所部,敢憚控陳。

其 施 吏 風 書 民 春秋 諸 即 流 不 判 其 風 肯 官 臣 方,見 所 祠 從 竊 奉嘗 州 漸 見 而 事 用幣 ,迄今未 故 蜀 諸 不 虞 有 之 經 行 焉 永 部 賢 事 其 無 郎 之 退 泯 人 手 中 替。 復 君子 吏 周 惟 士 不 爾 念,是 頤 臣 競 ",莫不 敢 始 講 嘗 決 學,民 到 特 爲 荷 官 喜 合 頤 稱 下 嘗 知 所 州 之。 簽 遣 以 嚮

覽 隋 利 歸 口 救 智 詞 唐, 藥 章 醇 蓋 術之尚 質 自 學者無 言 周 斯 者 衰,孔 民 滯 理 也 誣 於 則 所 民 清 佔 宗 堯 孟 惑 虚 畢 舜 主, 氏 世 訓 寂 没, 一,至 支 詁 代 滅 更秦、 離 之 之 於 雋 泮 歸 所 淪 爽 涣, 漢、 以 浹 者 論 治 肌 莫 溺 魏 事 者 髓 適 晉、 則 於 不 也 其 記 功

^{● 「}于蜀之柬」,魏了翁《鶴山先生大全文集》卷一五《寿

端 掞 于 安 拘 百 皆 正 親 知 誦 H 探 多 涉 之又 先 國 代 寧 命 人 蓋 不 得 用 造 秦 世之所謂 其遺言者,始 聖 及 化 嘗 功 心 其 常 秩 而 安國 不以 有 へ 嘗 白 之賾 先 有 大 如 傳, 後, 行之際,示學 用 使 0 不足學者。 用 周 師 請 未 所 孔 此 而 數 宰相 之 于 0 掞 頤 學者, 舉 孟 而 聖學 繫 ! 千 朝 廟 建 之亦 節 絶學獨 其 得 則 百 圖 治 而 請 乞爵 惠。 以 嗣 益 又 非滯 其 著 年 未及以 理 頤 祠 往 程 曉然於 者 以 於 後,乾 • 3 書 獨 所 程 程 盛 聖 顥 是, 大 窮 於 治 故 關 奮 顥 顥 於 闡 兄 理 振 開 爲言 俗 河 紹 誠 日 兄弟 本朝 乎 洙 道 兄 出出 弟 盡 來 常 興 師, 南 百 間 弟 抉 泗之正 親 雖 爲 性 哲 于學, 初, 世 少, 太太 程 秘 則淪 之歸 則 炙 1,發天 三人 不 使 而 之下 顥 尤 學 侍 亂 小 即 而 超 得 傳, 爲 會 從 講 出 於 程 於 日 録 斯 師 理 魏 祀 特 乎 時 闕 事 異 常 胡 頤 不 使 而 人 窮

> 典 也。

甘棠 乞下 矣。 補 周 惟 之 之思,故 臣 臣 頤 陛 禮 竊 愚 特 下 欲 官 欲望聖慈 賜 財 效 美 出 如 幸 使 謚 位 先 臣 取 儳 朝 詳 其 勸 進 言 邵 臣 於 學 止 雍 所 表 之 冒 陳 章 職 昧 徐 風 及 積 如 因 厲 此 等 以 | 遂 故 爲 臣 致 誠 事 口 蜀 知 非 采, 罪 先

將

栻 請 遺 臣 之 其 僚 ,併乞睿照,伏候 先, 學, 寔宗 奏 貼 請 黄 恐於褒崇美 稱 如 周 朱 一臣 頤 熹 及 竊 物旨 張 程 見 意 栻 顥 朝 猶 並立 兄 廷 嘉 有 蒙 弟, 定 近 未 九 賜 歲嘗 今録 年 盡 謚 春 上。 因 是 其 中 敢 後 外 僭 而

⁰ 溪賜謚 數千 百 》作 年」、《 「千數百 鶴 Ш 先生 年 大 文 集 卷 五 乞 周

² 特」, 五《奏乞周 原作 「持」,據 濂溪 明 益 刻 》改 本、《 鶴 Ш 先 生 大全文集》

⁸ 原作「夫」,據明刻本改

學,誠 等並係 益 禦,臨 著,雖 廷 與 下,並 準《 興 使 行 本 指 、賜謚 ·, 申 係 五年十一月 以 下太常寺勘 慶元 揮 是 上,本家 都 有 無官 所 令本路 難 特 施 特 省 屬 功於名教,緣官品未 不 令》:「諸謚, 本寺 降指 行 賜 批 爵 繳 屈 謚 送 聽 奏。 帥 不 照 揮。 體 四 會去後,今據 禮 死 司 得 以 所 例 節 部 日 其 保 今來 葬 屬奏賜 昭 指 勘 藴 伏乞省部備 所 明, 前 光 著,不以 當申省, 揮:「 德 有 奏 後 詣 禄 丘 周 ご并 内 大夫、 實 本寺申,檢 袁 應 録 所 頤 該, 聞 官 守 行 發 本 引 檢 聲 申 其 品品 節 揮 臣 狀 部 邵 準 聞 朝 高 賜 IE 特 守 度 雍 紹 顯 尋

任伯起爲二程先生請謚 奏

四

人、兼· 同 修撰、兼直學士院任 朝 太子右 請 大夫、試尚 諭 德、 兼 書 希夷劄 同 禮 修 部 或 侍 子 史、 郎 兼 兼 實 中 録 書 院 舍

道者謂 闢 參 餘歲 而 士 未遠,然猶異端縱橫 明道設教,繼前聖開 邪 大夫習於 0 河 南 説 獨 故 臣 其 孟子 聞天之生聖賢也不數,苟 詎 孟 程 功不 跛行,則吾道 子去孔 氏 卑 謂 出 陋 在 堯 一禹下。 焉, 故 舜 子 以 發 正 世 之世百 來學,其功用實 來至 明天 無善 孟 塗 亦幾於泯 壅底。 子没,聖學失傳, 孔 治 有餘 地之純全、古人 子 千 ·, 皆 出而 七 歲,若 矣。 自 白 非 五. 與 餘 命世, 故 天 孟 是 百 歲。 之 地 子 有

之大 諸 在 孟 於 子 子 之 體 醇 程 後 疵 使 大道 相 道 其 雜 肇 統 晦 穹 端 有 而 壤 傳 雖 復 出 明 人心 間 於 周 絶 復 氏 而 正 復 而 視 續 大 荀 成 直 楊 實 繼

有

罪

之至

取

進

11-

贵 之 者 筵。 斯 其 追 儒 加 御 口 非 文厚 禄 統 後 史 重 馬 表 張栻、朱 有 紀 道 胡 蓋 光 顯 恭 哲宗 而 甚 安 竊 司 以 惟 增聖 复 日 其 高 當 之 或 神 謂 異諸 所 出 公著諸 皇 世 過 宗 臣 熹 嘗 或 朝 宗 百 歟 共 帝 清請 皇 待 又 朝 之光 儒 師 王 ? 尊 即 皆蒙 罪 錫 帝 以 凡 賢 者 其 位 爵 熙 儀 來 載 而 明 學, 之 陛下 寧 爲 曹 陪 節 莫 先 在 也。 官 初 之際, 祀 惠 程 不 謚 朝 聖 竊 品品 之文 襃崇賜謚 氏 歸 法 心 首 元 皆 伏 近 未 之 敬 老 灼 思 世 寘 嘗 所 有 至 學者 獨 而 如 知 念陛 之 程 擢 聲 以 未 尊 文 其 特 得 頤 聞 程 昭 之講 崇 彦 賢 宜 既 於 大 顥 顯 下 其 加 之。 博 襃 崇 特 著 己 學 惠 原 經 爲

> 德 美,蓋 方 來 音 實 未 賜 非 程 有 顥 小 加 補 於 程 頤 臣 人 以 冒 者 美 犯 也 謚 宸 9 嚴 以 欲 昭 望 無 後 聖 任惶 學, 慈 懼 以 涣 俟 勸 發

+ 月二 + 七 日 **•** 省 同 奉 聖旨依

魏 華 父 爲 周 程 張 四先生請 謚 奏

狀 奏 朝 散 郎 潼 111 府 路 轉 運 判 官 魏 了 翁

卞 之; 惡 簡 稱 濟 於 以 節 鄭 品品 請 世 臣 惠 惠 居 秩 聞 者 託 中 卿 而 之所 益 矣。 尊 而 於 而 者 謚 謚 名 是 行之 不 夏 文 文 也。 嘗 逮 竦、 敏 E 位 迹, 則 爰 高 大 張 鄧 昔 有 及 若 官 洵 商 碩 後 人 訥 者 武 英 德 世 所 而 而 蔡 茂 以 雖 謚 謚 限 翛 惡 旌 行 文 文 以 猶 善 而 而 莊 忠 品品 謚 特 不 而 强 蔡 懲 文 見 飾

二六

簡 淵 表 亦 及 去 也 又 名 聖 何 浮 不 汪 Mi 明 爲 時 下 出 於 至 口 而 伯 少 艾 於 勝 行 之者,❸人亦 謚 開 彦 矣,世之相 倡 數 文 淑 來 而 而 獻 明 高 章 謚 哲 而 正 第 舉 章 忠 林 學 • 如 世 定 在 希 不 周 於 後 視 其 人 而 秦 以 千 頤 有 爲 耳 不 謚 檜 爲 有 爲 當 Ħ 文 功 程 闕 而 餘 近 然 者 節 於 顥 益 也 載 矣, 生 未 温 忠 之後 程 自 民 而 嘗 獻 益 頤 餘 之 卒 以 而 此 未 類 爲 此 謚 張 上 類 訝 皆 載 嗣 有 定

崇 擢 弟 以 及 熹 陳 美 程 爲 所 易 張 攝 名 奏 顥 請 意 臣 杜 承 程 之請 竊 下 猶 皆 申 漕 之有 爲 有 三 命 寄 頤 之不平 未 賜 所 司 今録 遂 又 盡 謚 届 於 因 承 維 久 而 E 其 貼 職 學 矣。 熹、 時 荷 後 黄 分 之 春 皇 所 而 栻 有 士 官 廼 明 遺 之 闘 云 聞 自 亦 學, 其 亟 輙 前 風 專 先 垂 寔 近 爲 歲 以 興 俞 似 宗 歲 誤 唐 起 程 允 於 顥 周 如 頤 被 蓋 兄 襃 頤 朱 冒 遂 柬

> 然稽 周 師 美 重 文、 ∭ 者 孔 承 術 未 之間 日 年 諸 之苗裔, 之 容 如 文、 于 標 謚 以 兹 宣、 亦 準 法 輕 不 猶 故 曰 議 風 嫌 亦 如 宣、 未 思 邪 俗 於 贵 有 以 成 ? 之 同 可 以 加 樞 謚 者 曰 抑 易 以 諸 機 也 既 且 其 如 此 成 邇 所 不 名 此 者 年 者 可 歸 既 而 得 以 甚 贵 4 首 未 來 不 而 借 能 以 事 易 用 謚 大 日 也 也 之 諸 體 則 如

繒 隆 之 名 的 美 臣 臣 謚 愚 出 則 早 欲 位 其 有 望 於 犯 聖 崇化 以 分 慈 風 申 荐 善 厲 飭 瀆 俗 几 有 之 方,示 聖 司 道 聰 速 學 無 伏 加 士 以 考 候 急 大 訂 於 夫 鑕 此 趨 俾

^{■「}艾」,原作「文」,據明刻本改。

②「其」,原作「某」,據明刻本改。

③ 「者」,原作「昔」,據明刻本改。

⁴ 早定 亦 豈 周 程三 以 如 先生謚 此 議 鶴 Ш 作 先 亦 生 大 豈 無 全 可 文 以 集 加 》卷 五

之誅。

討 胥 下,而 及 欲 諸 不合於禮。 中 如 僭 冒 奮 諸 謚 ·, 世 論 崇文院校書 致 越之嫌矣。 爲『明 儒 施 易名之請 貼 易 所 所 行 黄 名之議 勝 以 傳《西銘 無 、伏候 開 誠中子」,司 斯 復 一臣 今若自公朝 警後學,爲 道 遺餘之憾, 既 曩 勑旨。」都 同 之幸。 亦未 因 荷 者本 知 併 聖 正蒙 太常 有 及 慈 爲周 馬 欲乞聖慈 以 功 程 省 則 舉 悉 禮 光以爲弟子誄 爲言。 批 亦 顥 行 院 加 正 頤 送 理 不 學 闕 禮 采 嘗 張 程 部 在 窟 益 納 典,使之徧 載 仕 頤 併 勘 其 程 × 當 闡 本 下 門 顥 然 講 則 申 禮 部 善 有 兄 同 道 省 師 説 弟 有 可 類 嗣 時 故

當 部 潼 郎 111 申 府 中 禮 尚 部 路 周 書 提 太 頤 刑 常 乞 特 寺 權 本 賜 申 運 部 美 判 未 準 謚 魏 準 了 都 都 後 翁 省 省 批 狀 批 批 送 下 送 部 故 之 勘 虞 下

> 揮 特 昨 本 批 乞備申朝 教,官品未該 前 -寺申 施 來 與 下,亦爲 賜 申 行 準 到 謚 御 伏候 事 廷指 事 周 上件 封 理 尋 付 頤 指 揮 其 備 發 事 下 下 揮 施 賜 揮 理 録 太 魏 行。 謚 **本** 正 常 在 T 係 學 前 寺 翁 部 申 是 誠誠 勘 奏,乞將 伏 部 所 特 當 乞朝 據 有功於名 降指揮 去 今再 太 後 廷 常 周 淮 據 頤

依。
一点

旨

濂溪先生周元公謚議

議日:

其 春 初 秋》爲 也 大 哉 始年 元 古道修明,人心 乎 之法 , i 在 天下 易 純 **>** 之 爲 理, 乾 聖賢之 元 蓋 之首 未 功 嘗 在 古 無

二八

V 故 遺 存 T. 重 無 矣。 展 展 寧 以 有 自 有 專 元 而 轉 俾 之義 而 異 見 沈 絶 在 指 於 不 痼 者 人心 焉 哉 漢 幸 自 以 9 而 我 者,了亡 清 參之大《易》、《 迄 涣 自 而 談 五. 散 孟 續 於 季 殫 軻 晉 之 恙 晦 殘 氏 陋 者 也 之 至 没 自 餘 唐 幾 春秋》之説 異 我 則 於 有 端 而 蠧 文 能 滋 明 藝 蝕 復 熾 益 是 不 振

言。 是 啚 夐 濂 末 爲 口 Ŧi. 圖 以 行 所 出 溪 淺 而 學 之 先 之 宋 識 乎 挈 以 大 運 者 興 精 生出焉。 萬 神 提 發 槩 公,鉅 潛 微 物 宗旨 物 是 如 更相 玩 之表, 動 是 理之 公名人舄 而 圖 静 口 先 孰 推 服 有 之 以 幺 而 生 行 主 激 無 别 見 秘 道 之, 其 張 窮 中 奕 不 學 是。 最 槩 之 易 正 後 如 離 淵 深 義 0 通 日 是 先 乎 懿 切 義 可 有 天 書 文 其 者, 廣 之 書 超 淑 以 字 有 聞 大 本 探 然 諸 太 論 不 所 道 高 自 極 盡 議 如 以 亦 氣 達, 是 有 之 闡 有 之 不

> 清 脩 於 矣, 究 有 迁 其 虚 功 ,脩之傳 或謂 之地, 於 歸 誕 斯 而 則 得之先天, 世 無 而 不 也 出 考。 能 外 於 乎日 純 蓋 陳 又 明 嘗 先天 摶, 用 斯 日 深 道 : 飲 老 得之 探其造 2 食之常 抑 子 其 之 有 龍 圖 疑 學 道 紀, 實 也 之 斷 出 其 0 所 斷 於 説 盟 乎 由 端 穆 幾 來 其

覺 言 滯 邪 流 智索,❸神交心 使使 ? 古 泉之紺 窮 要之,先 顔 高 故 私 遠 淵 能 意 寒,愛庭 者 之所 發 小 不 前 生 智 契, 墮 聖 以 所 之所 樂,是 於 何 得 固 草 荒 所 之奥,不 已 之交 未 容 忽 極 果 ,使循 發 其 其 何 翠 巧; 覺 本 味 俟 體 統 守 斯 而 詭 師 者 夫 人 獨 經解 傳, 子 不 不 之 嚅 之 然 淪 匪 所 嚌 之 於 未 無 嗜 由

^{●「}主」,原作「生」,據明刻本改。

❷ 「又」,原作「文」,據明刻本改。

③ 「由」,原作「曰」,據明刻本、(宋)李幼武《宋名臣言行

辨 名 謙 哉 平 天 斷 何 于 尊 地 日 1 港 所 益閎 註 敬 之 之 絶 肆 近 心 潢 釋之詳, 復 其 斯學,或 世 大 固 有 古 誣 光 朱 生 清 明 泉 文公熹、張宣 生 明 如 于 斯 或 列之 而 也 密雲宿 時 湧 嚴 不 ; 矣 於 篇 息 當 當 問 端, 也 六 霧 日 對之確 公杖 陰 或 書楷 有 其 既 紀 日 功 于 剥 吕 用 斯 書後 之後 一之餘 先 成 豊 赫 生 公 不 祖 或 大 如 而 而

郎、行 學 於 先 溪 泗 幾 E 生 始 心。 百 力 條 世 行 謹 善談 太 抽 若 之下 理 昔潘 按謚 關 常 精 夫 會 名 博 啓 密 繪 道 興 法 理 知 鑰 士 下 嗣 畫 有 孟 主 臧 摹 宜 何 元, 得 逮 氏之後 善 格 寫 不 吾 乎 脉 行 免後 道 職 河 似 敢誌其 德 絡 之 當 洛。 学觀 鄰 日 人之消 貫 正 議 於 元 聖道 通 傳 謚 僭 墓, 以元易名 上 兹 0 異 自 彼 者 也 接 $\frac{1}{2}$ 時 復 先 爲 其 必 乎 妄 或 無 自 生 承 爲 論 議 説 洙 與 愧 博 濂 庶

> 兼 潘 權 口 兵 誚 部 郎 則 官 臧 不 格 敢 上 辭 謹 議 0 嘉定十二年, 太常

派

謚 先 博 牒, 厭 省 及 程 士定 集 生 服 或 頤 事 備 公 官 朝 明 賜 太 關 奉聖旨 論 謚 道 議 擬 治 常 名教 議 闡 平 博 考功 教 議 恭 編 士 所 詳 令文善 勑 高 定 爲 覆 近 不 故 文 仍 議 制 可 事 善 代儒宗, 下 臣 議 輕。 厥 · 博 申 下 爲 撰 : 士撰 僚 太 乞 常 周 請謚 常 連 尊 所 典。 頤 文, 寺 準 有 唐 程 先下 本 庶 今三 定 或 寶 顥 寺 都 議 幾 應

謚 博 省 繳 議 尚 申 年 撰 書 尚 五. 此 省 書省。 月 議,至 劄 六 付 日 禮 是 也 部 上 0 太 之,後批 會 常 文 寺 善 罷 吏部 擬 去 定 覆 爲 申

 \equiv

明道先生程純公謚議

議曰:

差 從 成 先 德 殊 生 而 觀 品 在 壽 則 哉 濂 别 同 載 溪 歸 之 然 惟 脉 致, 吾 先 先 生 有 生 道 所 天 司 賴 得 議 分 以 之 節 不 復 妙 齊 惠 傳 之典,未 者 及 又 贵 其 有 容 體 免 程 以 道

若 哲 年 生。 盎 其 潞 元 背 了,資 口 氣 或 易 貌 太 謹 遽 養 夫 稟 考 肅 也 師 道 色 備 特 伯 然 叶 之不 厲 而 至 異 淳 之 望 辭 不 公言 先 融 明,天 天 之崇深, 亡 敢 生 會 意 有 即 窮 貫 古 也 也 實 以 理 通 有 憫 表 嶻 盡 而 所 内 之。 其 截 性 和 見其 屬 外 墓 乎 氣 開 矣 今兹 洞 規 充 接 徹 示 浹 矩 物 後 居 明 篤 準 粹 睟 學 洛 生 道 繩 • 然 見 賢 先 面

> 精 露 落 純 先 新 全 口 以 切 于 勤 不 中 皆先 詣 ; 以 用 中 議 近 亦 立標準, 學之支離 敢 小 無 客 不 力 先 慢 物 渾 間 而 固 之 氣 生者 己, 也 善 斷 生之所 易知 純 2 渾 未 0 地 雖 止 斥記 ; 乎 無 此 非 消 矣 局 鄙 所 涯 天 推 而 扣 度 戡 不 釋 謂 見 之 有 誦 防 明 不 之 清 其 猥 子 氏 自 所 易 之 其 適 心 雜 則 體 越 瑣 之不 不 玩 不 爲 以 有 也 理 世 無 純 若 可 義 物 爲 莫 0 弗 故 窮 盡 則 訓 9 相 以 天 喪 理 抑 之 而 在 日 聯 戒 若 不 出 也 之 嘗 (輝 志 不 是 之則 息 屬 其 事 將 勝 敬 究 知 也 歟 爲 留 凂 非 先 蓋 忌 先 無 極 ? 生, 愈 焉 圭 以 天 牛 間 學 立 謂 先 生 新 言 者 異 至 地 妙 斷 則 角 學 生 道 而 世 之 不 造 時 少 去 之 所 積 灑 克

^{●「}示」,原作「元」,據明刻本改。

❷「勤」,原作「動」,據《知不足齋叢書》本改。

身居 淡 羣 者 明 各 有 朝 一賢 篤 充 足名世 枯 以以 時 非 誠 其 遊 實 槁 悉 御 施 淳 以 其 憔悴 量 起 史,不用文字以懲詆訐之失。 則 調 夫之安恬 八門者 散 先 公掞之端 地 生會道之全備 故得先生之敬者 之功 蹙 先 迫 日 遊 安有紹聖報 生獨 無 静 乎 聊 厚 默 之態。 有憂 寬平樂易之中, 方 則 重 隨 色, 中 ; 如 其 立 得 非 使之協 復之禍 羣飲 之 所 先 顯 簡 得 生 道 於河 之 之誠 元 者 易 哉 而 濟 和 古 平 祐 無 ? 於

既 贊 賓 先 稱 生 其 (),亦 賢 一狀 無 美 實 其 之 其 異 按 日 諸 教 行 論 間 會 當 謚 日 H 固 必 其 先 法 : \neg 有 無 温 純 生 不 純 中 異 全」。 然 既 同 粹 正 辭 純 没, 者。 粹 如 粹 今謚 特 門人學子 精 良 _ 夫 以 金 以 以 張 先 純 親 「純 王 宣 吕 , o 見 道 相 公 本 而 嘗 大 與 庶 中 伊 師 未 推 爲 足 摭 111 之, 易 尊 以 之 諸 先

> 乎 稱 辭 ? 乎 故 ? 0 各 純 謹 用 之説 議 其 所 嘉 雖 定 知 生 + 者 乎 年,太常 百 以 載之上,又安 名 之, 丞 兼 使 權 其 兵 部 有 有 郎 傳 異 中

伊川先生程正公謚謙

臧

格

上。

議日:

亡矣。 學者以 文之責,又將誰 河 南 講 其 道 程之學。 事 門,兄弟 明 道 屬 者 不 ? 事 幸 自 猶 伊 而 爲 幸 明 11 師 焉 道 師 友,天下皆知 先 道 則 尊 生 明 嚴 早 道 世 天 斯 下 不 有

其 造 詣 欽 淵 惟 深 伊 ĴΠ 發微 先 生 指 材 極 資 者 勁 無 正 非 法 明天 度森 地之正 嚴 凡

●「傳」,明刻本作「得」。

强 之謂 邪 急 肆 至 性 而 人道 ? 於 迫 誠 人力之所 固 自 其 則 敬 蓋 莫如敬 足 天 宜 存者 非 間 先 以 下之正 粹 敬 不 生之學, 正 然 能 ,其著察之深 贵 君 不 致 用意 竊 則 出 道 心 歟 窺 二三矣。 敬 ,下足 仞 專 檢 貫 於 則 牆 防, 以 通 正 何 以 融 方 以 也 敬 在 似 正 至 液 且 致 先 若 人心, 爲 涵 知 自 由 生 有 主, 養 敬 是 猶 毫 不 則 日 而 又 用 待 充 未 不 用 贵 其 主 養 能 閑 敢 敬 忘 勉 所 既 邪 少 曰

所 以 先 誨 至 表 起 嚴 生 以 閟 崇 番 被 熏 自 居 直 命 王 儒 有 也 陶 制 以 經 之 時 人 欲 冀 筵 不 主 實 也 備 數召 存 一之德 凡 知 不 欲 人主 所 皇 講 避 輪 性 建 帝 嫌 官 侍 親 者 動 明 名 口 賢 % 以 息 古 日 以 希 士大 不 隨 晉 不 抑 陳 事 嫌 尊 見 説 夫之日 疏。 規 乎 乞坐 君 從 切 詳 之 容 宫 也 過 少, 庭 納

> 哉 上 每 ? 念先 心, 以 是 生 是 贵 而 求 遇 正 精 勸 君 講 於 心 章 則 則 句 宿 君 之末, 齊 心 預 正 戒 頰 舌 期 之 以 嘵 感 嘵 動

詈 則 窘 治 則 患 所 必 未 之微 不 爲 忿 其 我 使 俱 難 屋 亂 得 失 懥 天 不 則 當 漏 下 得 其 憫 也 則 , 若 ,收其蔽,●安其危。 人 . 欲 ⁰皆寇賊之不 知有《大學》之書 其 正 不 其 未過 蔽 得 正 不 則 痼 能 以 其 斥 也 之餘 夫 至 舍 其 正 則 生 溺 燭 思欲 而 戒 文 理 可 蓋 章 警 其 能 不 制 懼 盡 有 則 明 動 故 爣 漲 者矣。 惡 去 於 所 心 稍 末 其 蓋 其 其 暗 忍 好 不 正 流 有 累 樂 室 性 玩 抑 是 而 所 夫一 一之頃 蓋 物 憂 畏 返 心 奚 恐 患 也, 懼 恚 有 患 遇 則

^{●「}收」,原作「牧」,據明刻本改

② 「漏」,明刻本作「廬」。

③ 「失」,原作「夫」,據明刻本改。

心 不 盡 復 其 全 乎 ? 以 是 而 正 人 心 則 人

精 IF. 于 君 微 世 了,莫非 當考《 嚴 心 ,下足以 密之旨 經世 易 傳》等書, 所 E 之大法 以 人 心 扶 關 世 及 誨 立 門人 繋爲 人之要 教 者, 最 録 切 其 惟 説 語 上 也 足 以 行 以 然

兼

權

兵

部

郎

官

臧

格

上。

文公始 畏黨 物 治? 而 秋 而 而 Œ 往 之 戰 非 議 理 謹 或 寥寥 竟 聖 其 無 庶 著 悉 按謚法 莫 賢 諸侯 敢 孰 物 年 歸 千 任 有 會 雖 譜 於 從之」, 狀 數 撥 放 葬 不 末 IĘ, 亂 致 庶 誠 宜 恣 其 百 學 反 物 行 載 ? 視 미 膚受,幾 詞 邪 E 贵 從 於 聖賢 而 痛念 説 以 人極 一之責 之日 邑。 溢 銘 祭 暴 其 之功 美 先 者 復 行 於蠡 正 廼 墓 乎? 則 生 建, 夷 僅 今得 者。 不 天 既 測 兀 舉 狄 歉 下 死 請 益 屬 禽 粤 矣 抑 天 幾 益 先 者 年 洛 自 何 獸 地 何 幸 朱 邁 生 以 萬 春 人 今 逼 而

> 心 歟 功 下 用 ? 何 足以 異 如 時 哉 Ē 太 ? 人心。」 史采 則 將 録 謹 應 或 議 之 問 三 曰 嘉定十二年,太常 之 E 日 足 以正 正 之 君

濂溪先生周元公覆謚道

議曰:

端 宋 乾 元 心 混 講 兀 公,追 坤 於易名哉? 濂 於 ,益昌于今, 明 萬 位 颗 孔 溪先生周 理 物 學之 門 焉。 資 尊 雜 洙 於漢 也 生。 説 泗 大 放諸 隱 哉 之設教 公 唐諸 然 監 凡 乾 頤 然於 日元 而 司 百 0 元 儒 易 有 世 , 之論 推 唐 請 萬 有 者 無 濬 虞 廣 物 太 疑 博 其 議 三代 於 謂 資 極 也 源 士 子 其 始 0 而 ·思、孟. 是 9 之 有 肇 復 ; 先 而 議 生 躬 於 至 流 恢 生 行 兩 此 哉 益 之 於 軻 亦 儀 者 坤 混 我 之 何 盟

不 夫 極 理 夫 極 其 爲元 孔子之 之,亦可 也 父子子,兄兄弟 元 兼 德 子 一, 扶 説 大太 亦 學 乃 與 也 考工 所 太 亦 春 口 競 太 故 持 極 夫子 謂 極 幾 乎 秋 極 廟 起 日 郎官樓觀 以 先 而 動 ? ,宜矣。 合 乎息矣。 ,塗生民 之際,三 合德。」蓋 而 謂 封 生之於 而 元 生 德者,於 歌 植之, 之元 謹 者善之長」,又 生 於 上。 日 弟,夫夫婦 議 陽 晚周 知 乎 理 之耳 綱 六月二十三日 夫子 嘗三 殆 静 夫子 ? 嘉 學, 大哉 剥 淪 定十三 猶 而 果 蝕 目, 及 一復斯 乾 出 九 生陰 晦 與 之餘 何 乎 觀 婦 太 坤 溺 法 年 而 而 日 與 夫子 河 正 奉聖旨 之 言, 君 斁 明 開 極 天 $\overline{ }$ 乎 是 益 月 汾 再 之, 合 下 君 春 天 + 邪 太 又 無 王 造 之 於 之力 臣 三日 德 理 秋 依 乾 通 室 誕 極 極 以 臣 汙 **>** 謂 明 則 哉 坤 嘗 妖 而 以 而 軍 元 濁 也, 闡 之 人 異 之 父 太 游 ? 通 器

明道先生程純公覆謚議

議曰:

也 月二十三日,奉聖旨 之説 流 粹 其 孟 又 嘉定十 生 然則今之議 品 行 一,而 ; 如 别 子, 曰:「仲尼 信 E T 顔 精 乎 嘗 於片言隻字之間,儼 泰 爲 年 ? 子, 觀 斯 金 Щ 和 Ė 言 明 月 先 巖 春 温 風 博 也 先生之謚 道 + 天地 巖 生 慶 生 士 潤 先 依 資 雲者乎 氣象也。」 也 日 如 謚 益 生 ; 稟 良 也 軍 之 日 孟 器監 有 既 玉 ; 以 者 ? 子 純 言 顔 異, 寬 權考 純 先 然 子, 鳥 日 并 公, 及 而 而 生之品藻 : 如 功 觀 口 秋 和 充 有 在 日 郎 贵 泛 伊 殺 風 仲 養 中 宜 制 其 有 然 111 盡 樓 慶雲也; 尼 有 左 和 觀 先 得 而 見 道 謹 右 聖賢 F. 元 贅 之。 生 於 而 議 也 狀 爲 純 春 不 氣 六

伊川先生程正公覆謚議

議曰:

之遺 質 得 贵 春 術 覆 得 亦 無][[曰 明 陽 之 而 於 議 同 以 間 濂 純 之温 道 得 風 充 者 歸 師 乎 溪 伊 IE. 天 於 承 餘 所 於 所 先 111 若夫伊 資,固 稟 先 當 氣 韻 謂 ,其言之入人也, 道 之素,天資得於稟賦 生 賦 生程 者 辨 也 曰 而 秋 者 正 今博 乎 也。 師 可 殺 一公頭 ? ĴΙΙ, 明 之,宜其 雖 以 盡 與 道 士 夫 聖 天資 造道之淵 見」、 考之議 純純 天 奉 益 有天資有學術 賢 資 其 明 不 (勁正 心 道 泰 如 純 兄明道 能 亦 論 同 粹 以 時 Ш 有 以 微 之初。 道 ¨, 其 揆 巖 法 雨 彊 異 (,●然 一,行 純 之 之 先 巖 度 同 乎 接 躬 森 潤 氣 ? 生, 同 學 以 謚 物 而 而 嚴 象 功, 行 故 天 學 術 親 如 終 此 伊

> 月二十三日 嘉定十三 參之立 年 朝 ,奉聖旨依 E 大節 月十 六日 益 之以 軍 器 監 正 兼 考 _, 功 日 郎 宜 中 樓 觀 謹 上。 議

六

魏華父再爲横渠先生請謚狀

崇文院 併 先 判, 踪,允謂 呕 一賜 致 儒 同 及後 易 俞 周 照 朝 竊 名 校 會 請 允。 頤、 榮幸。 聞 來 之請 書、 郎、 T 程 正 己 翁 天 直 同 曾 顥 除 前 光 惟 秘 知 下 運 蓋 程 任 俯 是 閣 太 禮 判 爲 潼 第 燭 頤 官 常 日 知 四 特 111 二次奏狀 禮 勘 潼 正 曾 府 與 當 院]1 學 有 賜 路 兩 横 府 昭 然 功 謚 提 次 渠 魏了 明, 至 正 貼 具 刑、 先 俱 今四 學 黄 奏, 藐 荷 翁 兼 生 狀 爲 聖 乞 事 張 然 權 年 故 慈 將 載 孤 運

❶ 「固」,原作「靣」,據明刻本改。

三六

奮乎褟中,闡明裡學,窮亟首與,扁覽 施行,學士大夫不無觖望。 照得横渠

未

蒙

先 而 獨 生 造 奮 兼 乎 弱 體 中 而 及 闡 用 明 理 其 學 於 窮 理 氣 極 道 性 奥 命之分 徧 覽

守之端 嘗 豪 屈 欲 傑,●三先生之 信 謚 聚 爲 散 之感 不 明 疑 誠 發 所 中 行,不 羽 子。 前 翼 代 也。 不 懼 程純 傳 獨 方 之秘 公以 其 卒 示 蓋 問 也 司 間 後 門 世 學 馬 之 有 文

正

「弟子

謚

師

9

不合於禮

言 僚 田 既 軻 請 命之分, 可或乞 - 、楊 累奏,於三者之間 卒, 陰 謂 元 中 雄 陽 祐 録 外 之 治 變 先 四 用 臣 流 亂 化之端,仁義 生 年 其 僚 或 學 如 子 録 秦 際 家 荀 ,或乞降謚 其平 鳳 之 天 況 凡 路 人 經, 輩 生 提 道 可 以 誠 罔 殆 點 厚 言 德之理 動 不 不 刑 其 于朝,或 金 究 足 獄 今乞檢 終者 石 道 通 張 死 著 舜 舉 會 乞 蓋 自 生 書 民 賜 臣 孟 性 其 萬 有

> 賜 遺 + 程 具 者之公望。 公、吕成 未 謚 憾? 申。 純 講 年 0 公、 行 舜 嘉定 民 庶 内 公先 欲 程 幾 之 奏 乃 + 望 正 其 狀 奏, 四 上 自 朝 公繼 已 年 於 以 比 廷 上 再 賜 可 斯 補 特 歲 謚 謂 下禮 亦 民 先 賜 得 懇 善 傳 朝 爲 敷 官 切 請 俗 者 之 之 奏 闕 倡 遵 尚 如 () 檢 所 而 朱 典 照 者 關 此 歷 會 文 年 近 如 不小 獨 下 T 例 周 公、 浸 闕 以 翁 元 多 張 慰 速 寧 嘉 須 公、 與 學 宣 定 至 無 終

謚 官 明、「 皆 0 不 博 + 誠」、「 六 以 士 陳 年 爲 某 正 然 中二三 擬 月 謚 禮 ___ 日 字 日 部 内 侍 達 有 取 郎 旨, 衛 而 張 字 某 考 某 用之, 議 功 特 於 春 賜

而

足。

庶使襃賢之典,獨

見於

本

朝

三《申尚

書

省乞檢會元奏賜

横

渠先生益

² 0 弟 傑」, 子 申 原 原 尚 作 闕 書省乞檢 據 明 據 刻 明 會 本 刻 元 及《 本、《 奏 鶴 賜 鶴 横 Ш 渠 先 Ш 先 生 先 生 大 生 謚 全 大 狀》改 全 文 文

三七

道命録卷第九

以爲不可用。遷秘書監,去奉常,迄今 考諸謚法,則至誠感神曰「誠」。 華甫時爲太常少卿,擬用「誠」字。 理群書》稱謚曰「獻」,未知孰是。 未定也。按國史本傳稱謚曰 「明」,熊氏去非《性 議者

及

道命録卷第十

録用伊川先生後人詔旨

訪 世 程 求 禄 頤 其 弗 紹 正 及 後,特與 月一日,三省同奉聖旨:「伊 明 道學,爲 未 稱 録 崇獎 用。」嘉定十七年下。 宋 儒 儒宗,雖 先之意。 屢 經襃榮 令尚 川先 書 省 生 而

源 茶鹽 之子 有 暘,●仕爲迪 ,乃先生四世嫡孫,定之尋以其譜系 觀 謙之不仕。 之者居長,七十 、兼池州 先是,紹 功 史定之招 興襃録 郎、江 及是, 詔 一州德 黨 四 兩位 人伊 矣;次謙 下 化 子孫審 提 ĴΙΙ 縣 舉 先生孫 派 江 之子 驗。 東 晹

> 量, 限 詔 於上供錢 上 補 于 登 源年三十九, 源 朝 源 仕 令赴 迪 郎、 功郎 内月支二十千、米二石,俾 四 月 差 吏部銓 充 Ŧi. 日, 池 無 疾病。 州 量 詔 州 中省。 補 學賓,令 觀 六月三日 之不 吏部 本 理 奉 州 選

伊川先生四世孫源授迪功郎制

夫、直龍圖閣、謚正程頤四世孫源· 勑故左通直郎、崇政殿説書、贈朝請大

專 之書,關、洛諸 門, 朕惟 遂 致 道德 邇 來 儒 性 横 講 命之旨 生 明 邪 益 説 備 具 載《魯論 朕 奈 所 何 以 頃 悉 歲 賜 各 孟 先 欲 氏

❶ 「暘」,明刻本同,《宋史》卷二六、《建炎以來系年要

之年 特 崇 儒 無 庶 授 爲 幾 於 之謚 迪 高 孔 邪 感 説之 併 發人 廩 功 氏 郎 及張、吕 而 元 歸 心 奉 嘉 日 定 祀 推 爾 發 + ; 明 七年六月三日 其 一之儔。 制 源 道 懋 方 復 統 哉 强仕,遂 訪 曲 俾 朕 後 阜 務 意 於 來 躬 深 伊 歸 命 行 矣 111 之 以 既 官 實, 觀 尊 可

晦庵先生贈官封爵指揮

學》、《 深用歎 文,有 如 故 朕 補 孟 慕。 每 治 子 觀 道 **>** 朱 可 注 熹 特 解 朕 所 贈 方厲 發 著《 太師, 揮 志 論 聖 講 語 追 賢 × 學, 封 之 ^ 信 藴 緬 中 或 懷 庸 羽 公、益 典 翼 \Rightarrow 刑, 大 斯

晦庵先生贈太師追封信國公制詞

道 學者之易知。 傳,與夫子思、孟軻之作,常誨 成 者 提挈要指以示人。 統,允屬 ,有二程之傑出 所 以 勑: 載 天之未 道 儒 先 歷 沿 古 喪 襲 今而 斯 故 雖 既訛 文,以方 於《 博 罕明 極 論語 ,本真浸 羣 0 册 經 人 惟 》、《大學》之 之具 而 而 我 不倦, 失 窮 宋之化 理, 在 嗣 俾 書 興

熹,極 灼 然衆説之殊,折 六籍悉 見 淵 高 文閣 爲之論述, 源,常三 明 而 待制、 道 中 以聖人之正 復 贈 庸 於 於遺編 多聞 寶謨 四 書尤致於精詳。 閣 見 知 直學士、 而 有 朕 守 補 自 卓 於 親 約 謚 治 學 文 道 問, 朱 紛 凡

●「俾」,原作「但」,據明刻本改。

命 録

或 尚 禮 是 始 原 載 之 贈 終 其 用 惟 之際 不 難 析 益 式 備 忘,歆 圭 節 起 如 究 舉 Ŧi. ; 故。 待 當當 歷 前 等之尊,定位三公之冠。 源 此 遇 事 猷 時 深 寶慶三年 嘉 弗 几 之茂 澤 命 朝 渝 噫 遠 典,未 ! 早 IE. , 可 然 月,王 錫 實 身没言 特 而 郡 同 充 贈 學 暨 符 義 列 太 土 行 存 理 聖之 師 隆 晚 之 名 登 所 追 無 盛 橐 申 恨 博 封 從 信 丘 聞 加

郕 新 傳之緒,若使之從 程 侍 不 \Box 関 顥 **>** 侯 郎 . 損 手, 乃 晦 在 先 以 盍 程 列 庵 卿 人 下 與 恨 頤 之 先 對 九 閔 不 中 從 生 又 人 損 與 庸 言 有 祀 加 並立 、之同 议 乞 張 封 祀 序言 封一 人 封 載 踰 夫子 主 毁 ? 時 字公 月, 之甚 學 得 其 也。 楊 廟 問 先 孔 像 雄 詳 庭 之 生 孟 獨 在 ^ 斯斯 曾 要。 子 以 或 劇 朕 大 來 參 讀 文 家 秦 奏: 幸 封 之 部 不 美 有

甚 上 納

晦

庵

先

生

改

封徽國公制

詞

勑

嘉 贈 肆 静 格 朱 几 唐 正 迫 移 之崇, 諸 名,爵之父母之邦,位以公師之品。 書 子 之 物 某 襚 封 爲 之 之恩。 訪 襃 爲 傳 式 子 本 饗 孔 奥 先 明 客 所 然 尊 關 旨 寧 孟 止 堂 口 未 儒 百 歷 之學 之 允 廟 眷 擬 而 盡 聖 道 萬 用 初, 我 霈 議 憲 爲 而 世 之, 宗 澤 章 抱 昔 不 庶 深 而 於 之善。 工 慙 伊 屢 而 政 具 有 無 伊 傅之才 , 若 舉 之 賴 不 有 弊; 洛 阜 聚揚 論 良 口 彝 時 適 陵 著 思 規 時 章 老尤能 明 逢 知 之 之益 書 之 講 , 典 之, 訓 禋 謂 雖 恨 以 道 歲 已 抑 兹 故 而 以 發 具 贵 非 致 或 載 加 每 邪 有 再 揮 位 專 禮 錫 閱 漢 廉 知 疏 以 與

改 聞 遠 踵 封 明 故 式式 徽 於 有 赫 今 或 表 公 其 日 教 靈 ; 謚 忠。 即 尚 如 桐 故 淑 噫 鄉 爾 ! 而 紹 後 定 祀 指 書 年 口 厥 社 九 依 光 月 而 鍾 前 夐 封 贈 震 異 行 太 於 斯 師 前 道

濂溪明道伊川横渠晦庵五先生從祀指揮

此下續增

今視學 獎 以 精 千 頤 子 語 大 之道 儒 載 思 程顥 **>**,</br> 明 絶 先之意。」淳祐 明 正 有 學 孟 月十 于 辨 自 世。 始 学之 程 日 孟 折 五 有 頤 宜令學宫 書, 軻 衷 朕 指 日 張 後 每 會 歸 本 元 載 不 讀 融 末 年 省 得 真 Ŧi. 中 洞 列 使 同 其 見 臣 興 徹 諸 ^ 奉 力 傳 論 以 中 從祀 御 踐 著, 啓沃 來 庸 孔 筆 至 \approx 以以 子 深 又 : 我 之道 探 得 副 大學》、 朝 朕 良 聖 朱 朕 周 惟 益 多。 熹 域 崇 惇 孔

濂 溪 明 道 伊 川横 渠 晦 庵 五 先 生 封 爵 指 揮

旨 顥 封 合各加 伊 同,周 程 陽 正 頤 惇 伯 封 月 頤 張 + 爵。 張 封 載 五 載 汝 朱 除朱 日 封 南 郿 熹宜 伯 又 熹 伯 奉 已 程 令學宫 御 封 顥 淳 筆 祐 徽 封 • 元 或 河 列 年 公,續 之從 周 南 惇 伯 祀 頤 程 奉 聖 所 程 頤

濂溪先生追封汝南伯制詞

勑:

洙 奉 演 友 造 大夫、 泗 大《易 物 天 故 祐 益 家不 默 任 我 元 契 尚 傳 朝 周 羣 書 之秘 頤 五. 聖 虞 光 緯 部 闡 建 聚 霽 郎 圖 六 奎 灑 中 著 藝 落 篤 分 未 書 明 生 司 發 垂 哲 通 南 之微。 訓 公 京 人 溥 萬 贈 世。 千 尚 宣 續

祀,仍 封 數 汝 白 天 南 年 錫 地 伯 追 立 斯 封 餘如故。 心 道 7,以示 爲 晦 冥,一 生民 二月日 襃崇,以 立 旦 極 如 趙 者 日 汝騰 勸 方 歟 來 行 中 ? 者。 非 爰 躋 所 口 謂 特 從

明道先生追封河南伯制詞

勑

之。 封 足 使 存 顥 子 以 以 得 神 , 德性粹 3 0 開 之妙; 相 明 示 然誦 故 於 道 萬 襃崇,以 任 熙 初 世 甚,天 其 左 之太太 自 寧 元 遺 承 蒼 體 天 書 議 理 勸 平 達 於 生之福 渾 郎 來 如 用,有 也 河 一然,由 者。 有 多宗 南 爰 用 篤 未艾。 綏 正 我 可 躋 明 生 來 寺 特 從 朞 大 而 動 丞 封 祀 月 誠 賢 朕 和 河 而 仍 每 謚 有 是 之 南 可 追 錫 過 純 似 功。 , 伯 追 真 惜 化 程 顔

伊川先生追封伊陽伯制詞

勑

多矣。 之賜 勸 然 則 卑,物格知 夫、 子。 來者。 自 理 直 順 持 故 明 龍 朕 爰 道 任 守之固 圖 萬 涣 躋 左通 可 閣 機 然冰 至, 特 從 年 之暇 大, 益 封 祀, 直 則 釋。 伊 郎、崇 正 發 由 於 仍 陽伯 程 明 垂 體 河 豈 錫 頤 六 意 驗 南 政 獨 餘如 追 藝, 經 之 直 殿 封 挺 天 術 功; 内 説 生 下 9 辭 以示 故 方 儒 書 所 之 嚴 任重 外, 宗, 藉 士 贈 義 襃崇, 受 以 密 朝 智崇禮 是 道 緝 先 請 似 遠, 覺 怡 熙 大 曾

- ■「似」,原作「以」,據明刻本及下文改
- 2 當爲 承」, 承 原 議郎 作 之誤 丞」, 明 據 刻 本 回 按 兩 宋 官 稱 無 丞 議

8

惜

原作

愔

據明刻

本改

餘

如

故

江 南 行臺 請加封二程先生公爵狀

濂

溪先生加

封道國公制詞此下

新

蓋 聞 天 眷 孟 命 軻 皇帝 既 没 (,道失 "聖旨" 其 傳, 孔 子 微

典。 戲 朕 獨 故 人 守 誠 得 汝 自 冀 南伯 成 圖太 已 爲 霽 俾聖 從 説 繼 月 命之斯 體 周 廟 極 光 貴德 教燦然復 諒 惇 庭 而 風, 斯 頤 之祀, 承 妙斡萬 文其 稟元氣之至精 想 尊賢, 清 明 未喪,有真 盍 化,著《 規 了; 其 追 疏 之 念 休 鄉 如 前 通 功 或 在 紹紹 脩, 書》而 尚 儒 之 其不 之間 玄袞 封 久 絶 學於 稽 同 泯 生。 赤 彝 於 歸

芾

寵

可

加

封

道

國公,

一者施

行。

延祐六年十月

1, ●霍

希賢行

晦 道復 仁 貫 狀: 幾 謨 秘,下以造前賢未言之玄。 流,衍伊洛初分之泒。 い,振彝 智 庵、 之理復著; 熄,下逮故宋,二程出焉。 明 兼 江南 源 南 全,體 於世,考覈其功,不 源 軒、 倫 諸 道 而 道行 魯 用俱 統 重 推 · 齊 四 後 而演之,至 扶 御 備。 世。 皇 史 先生異代 臺監察御 極 俾千 粤自 上以 而 正 可言 五 擴 三才之道並明 孔 啓先聖未 續洙 人 同符,實宗其 百 孟 而充之,使一 心 史 既。 年,聖人之 以 泗 脱 , 來, 欲 洋 因 横渠、 發之 斷 道 洋 不 之 學 聖 華

0 共四 惇 至順(一三三〇 延 頤 祐 年, 道國公在延祐六年十二月。 原作「至 六年, 順」,據 據《元史》卷二六《仁宗紀三》, 一三三三)爲元文宗並寧宗年號 《知 不足齊 》本改。 封周 按

隱 禮 朝 軒 切 統 後 祀 道 之 言 所 以 詳 略 體 欽 風 遺先,❶ 殊者 無 程 惟 典 加 化 如 闕 蒙聞 先 聖 封 之司 爵 遺 狀 朝 公爵,不 生 如 則 封 奏,請 稽 一尚 允 忘 魯 實 士 古右文 所言 仍伯 本 齋 關 論 先生 惟 以二 而 文教 或 爵, 公道之有符 崇 斯文之幸。」天曆二年 不 襃崇 程 己 末。 未及 能 先 知 錫 不 上公, 生 而 IE 且 加 扼 并 絾 學 既 封 腕 實爲 默 横 同 舉 列 渠、 者 使 是 行 卑 于 清 南 道 舉 爲 職 從 典

又

上

事

未

報

復

妙 南 尚 功 立言立行, 程 利 竊 子 惟 遡 孔 彝 天 倫 孟 既 人 道 允德允文。 没 統 而 之 致 無 之源 學, 正 邈 傳 功業 得 然 漢 千 不 貫於古今, 唐 載 聞 以 不 來 傳之 至 河 惟

典

援

例

封

公,

其於世

教

不不

爲

無

補

蒙 體 崇 用 德 光 於 報 後 功 世。 錫 以 昔 公爵 膺 伯 其 爵 於 今未 興 儒 襃 重道 榮 如

四

四

小

補

倫 傳 分 爵 進 庵 純 御 加 孟 了,實爲 之 水 道 伯 太 史 封 子 觀 師 或 縣 常 爵 千 程 行 瞻 臺 學 載 公 明 博 盛 未 呈奉 獨 以 周 道 不 看 諭 士 典, 允。 其 示 · 傳 詳 濂 王 議 伊 中 聖 封 之 部 溪 克 如 陽 書 元 爵 統 之學, 議 明 伊 蒙 省 襃崇之盛 正 程 止 宜 亦 111 申 實 伯 準 列 送 嘗 明 張 有 爲 程 所 明 爲 禮 朝 建 先 功 擬 徽 伊 道 伯 部 言 廷, 於 生 或]1] 典 後 照 加 考論 及 先 有 公 擬, 世 移 封 福 生 此 朱 先 河 9 答 公 移 不 晦 生 南 接 建 宜

⁰ 遺。 原 作 遣」,據明刻本、《知不足齋叢書》本改

降。」 公。 議 臣 平 南 等移 定 章 奉聖旨: 乞令翰 程 欽 至 擬 文 子 察 順 明道 翰 昔 台 元 年 林 已 等 林、 那 爲 封 閏 奏 豫 集 或 伯 七 般 賢、太 或 者 史 月二十 集 今宜 公, 院 賢 撰 伊 常 院 加 九日 述 JII 諸 書 以 詞 爲 儒 公 0 命 洛 爵 中 臣 集 書 或 給 河

明道先生加封豫國公制詞

明。 休 盛 式 絶學,元氣之會鍾於獨得,聖人之道賴 典 克 而 心似之。 緊百世之真儒,豈追崇之可 朕 Ш 上 爵 天 惟三千之徒,莫先顔 立 以 眷 上公。 故 聿 命 河 新 皇帝 南伯 禮 嗚 命 聖旨 呼 程顥 敷 1 涣 體 緬 氏 號 想德 備 ; 以 後? 眷言 至 風 容, 和 行 往 儼 爰 躬 以 哲 揚 蒐 復 服 承

> 行 此 寵 至 靈 順 益 年 綿 九 道 月 統 黄 溍 行 可 加 封 豫 或 施

伊川先生加封洛國公制詞

異 黻 時 孰 可 嗚 有 匪 加 數 隨 師 任 呼 封 道 尚 法 其 上天 朕 徒 洛國 在 惟 承 稽 侈 規 謂 眷 ? 孟 於 乎 矩 於 初 公,主者施 命,皇帝 氏 封 觀 準 學 儀 故 以 繩 册 象 人 伊 章 來, 玩 德 陽 庶有存 聖旨 辭。 始乎 **胙之大國** 千 懋 伯 行 有 相 程 遺 人文, 餘 頤 於矜 致 書 歲 知 本 雖 式 格 以 庸 諸 不 見於 物 對 有 示褒崇。 躬 9 休 表章 行 先 龍 謂 命 黼 從 動

● 「書」,明刻本作「言」。

四五

晦 庵先生改封齊國公制詞

上天眷命,皇帝聖旨:

仁廟。 鉅儒 口。 行。至正二十二年二月 想英風,載欽 太公之境土,壤鄰洙泗,尚觀尼父之宫牆。 其經濟之長。 正學久達於中原, 涣號申行於 廻翔於館閣,而直言無隱。 異質,蚤擢科名。試用於郡縣,而善政孔多, 正 風節之厲垂諸世,褒崇豈間於異時。 著書立言,嘉乃簡編之富,愛君憂國,負 ,孰膺寵數? 故太師、徽國公朱熹,挺生 蓋聞聖賢之藴載諸經,義 詢諸僉議,宜易故封。 新 命。 日。 可 追 封 權姦屢抑,志慮 齊國公,主者施 國啓營丘,爰錫 理實明 於先 不 緬 不 有

道命録卷第十

四六

司馬温公薦伊川先生劄子

官 以 遵 止 髙 士 康 禄 檢 不 禮 程 蹈 國 校 _ + 大 充西京國子 次 聖 夫、尚 頤 公韓 義 太 正 7,足以 議 傅 世 力學好古 月二十六日 年 絳 大 之逸民。 書 知 踰 夫、 等劄子 矜 左 河 五十,不 監教授。 守 式 南 丞 門下 ,安貧守道 吕 府 士 奏:「臣等 伏望 公著 類 兼 侍 求 程 元 西 聖 郎 裨 仕 頤 豐 慈特 京 鎮 司 八年 除 益 進 ,言必忠信, 留 江 馬 竊 汝 風 上。 守 軍 光 加 化 真儒者 見 州 銀銀 召 司 節 河 專 命 公 度 南 練 取 青光 事 使 之 擢 推 進 動 處

> 祐 不 中 也 得 爲 皇 之 温 日 知 察御史,議 政,方以 試 「明道先生」, 0 疾 公當任子,先 門 其 后 間 四 申二公皆 卒。 年,舉進 下 賢 文潞公時 同 自 兀 侍 治 聽 也 嘉 富 方 郎 平 0 政 祐 年五 不 或 學 八 四 末, 土 而 合,罷歸 退 彊 士 年 以 年三月 五 生 先 + 而 兵之 居 南 從 太師 九 月二十六 數 生亦 程 伊 有 之者 省 河 月 推 JII 四。 先 術用 合格 南 補 致 哲宗 以 與 申 先 生 外者十有 己 仕居洛, 族 宗 而 ·公以 其 生 倡 天下 及 衆 日 韓 正 即 人,不復受。 其 年 明 廷試 康 位 雜 丞 六 季 司 而 道 公爲 · 宣 召。 學 月 題 也 馬 學 六年 大 王 報罷 士 其 + 温 程 荆 於 未行 府 知 父 墓 五. 公起 聖 爲 公 河 尹 蔡 遂 太 嘉 道 監 H 烈 得 時 洛

0 此 爲《 一百六十四 永 樂大 典》 本《道 「十九庚」 録 程 選 自 永 大 卷

四七

附

録

於是 僕 得 州 射 政 薦 故 温 其 先 未 申 年七 生 即 于 、康公同 行 月 朝 不不 五. 日 得 9 召 此 申公起 奏, 元 而 豐 爲 蔡確 尚 末, 書 温 猶 左 爲左 公既 丞

先 拜 月二十六 生至京 奉旨。 月 八日,先 師 八 令乘 日, 遞 康 生乃 公除 馬 赴 有 闕。 使 西 相 監 元祐二年二月 之 判 命 北 京 先 生 十 再

之之禮 聖人之精 監 擇 察 微 御 所以 行行 史 王 全 處之之方。」 巖 君 叟 子之純 彦 霖 言 粹 願 先 加 生 所 學 以 待 極

之初,若俾真 樂之具, 者又言: 未 之先覺,聖世 必 能 左 過之; 正言朱 聖人之道,至 先 生有 一之真 儒得侍經席,豈不盛哉!」章 若 光庭公掞言:「先 其 經 儒 道 天 此 緯 則 揆 而 地 摶 其 傳。』況 之才, 賢 放 有 陳 生 天 有 不 摶、 子 乃 及 制 進 禮 种 天 學 作 知 民 放

> 以 以 時,布衣被召故事具 再 平治 爲 E 國 先 有旨,授先 生言:「既 之要。公掞 天下之道 生宣 蒙 又乞訪其 命 在 德郎、秘 召,禮合見君。」 彦霖 至言 書 亦乞召 省 校 正 書 論 見,問 祖宗 郎 所

後受。 聖烈 輩 幸 爲 射。 親 望 坐 如 辭 老言 一講 蓋 後 依 通 不 不 直 三月 等 皇 獲 閏 其 可 日 亦 用 郎、 后 所乞, 不 進 退 願 事 + 月,蔡確 面 天下 充 用 少 而 四 諭 聽 崇 且 未 受 授 日,有旨,令先 節 其 彼 日 政 晚 西 將 以 義之士,樂 辭。二十 免。 殿 無 監 以 初 言 不 説 所 之 爲 命 四 報。 書。 若 崇 援 命 之官, 日 政 于 上 口 四 先 行 御 道 遂 殿 生 司 日 使 生 史 上 説 不 人 馬 敢 故 得 亦 中 出 詔 奏 書。 公拜 對 不 不 再 禄 論 丞 如 以 就 聞 辭 劉 先 先 以 程 宣 經 左 職 耳 某 生 養 摰 僕 而 生 筵

朝 以 之 天 土 下 先 以 自 生 文 在 任 章 經 議 名 筵 論 世 容 襃 者 貌 貶 疾 極 無 之 莊 所 如 顧 多 讎 避 所 而 規 先 由 諫 生 是 始 日 既

孔文仲劾伊川先生疏

不

安矣

左諫議大夫孔文仲奏:

籍 獨 鄉 頤 御 必 曲 有 交 再 之行 П 稂 臣 品品 見 有 莠 聞 褒 纖 女 而 + ; 美 升 邪 汚, 犇 尺 日 經 又至 之 走 天 月 筵 謹 有 交 資 當 按 連 結 憸 天 通 必 章 常常 巧。 直 有 必 論 郎、 荆 在公 有 奏 貪 棘 崇 氛 贖 ; 卿 政 祲 請 白 見 之門。 殿 求 步 明 而 説 除 元 聖 書 田 不 朝 無 程 在

説 凡 臣 經 頃 義 任 所 起 在 居 · 全 舍 無 人 發 屢 明 侍 必 講 大 席 藉 觀 事 頤 汎 陳

邪 獨 以 答 聖 語 考 濫 永 王 無 過 以 啓 勿 書》 合蹤 後 伾 所 用 之 正 下 聽,恐有 如 此 , 借 以 援 之 侍 · 王 問 侍 語 開 此 無 又 小 無 跡 引 如 卒 亂 講 聖 如 講 人 有 陳。」當 近 以 叔 以 體 ; 陛 又 酒 借 致甘 所疑 文、 惑 眩 讀 叔 : 註 下 如 贵 色; 每 無 惑 上 文 者 以 李 僣 因 陛 雖 惟 日 至 根 露 聽 0 聦 以 六七 藥 訓 踰 咳 孔 伏乞非 . 講 下三年 勸 之禍 之 明 棊 術 過 嗽 而 子 導 意 罷 語 鄭 臣 人, 用 待 甚 罷 陛 復 未 以 註 不 上 詔 必 以 生 講 下 不言之 所 有 訓 頤 並 時 敢 德 是 曲 亦 摇 信 不 以 官 特 及 爲 子 未 也 無 爲 必 撼 惡 爲 ^ 嚮 最 賜 職 御 陛 細 有 易》 卑 黽 聖 交 際 伾 小 宣 敷 分 邇 嗜 下 實 佞 而 勉 聽 義 踵 問 以 英 奏, 陳 好 乃 附 如 頤 亦 常 爲 ; ^ 説 進 詩 終 唐 學 容 合 越 之 慮 矯 開 無 推 m 兩 兆 之 之 常 次 應 不 士 臣 煩 欺 以 難 H

字 去 曾 司 沂 此 X 臣 是 儔 某 懼 爲 其 人 H 决 賀 諫 有 比 促 也 謁 補 也 類 事 私 跨 則 而 矣。 文 與 除 異 席 竭 恩 貴 디 兀 臣 賈 明 V 字 臣 易 諫 諫 臣 馬 訪 盡 臣 明 H 深 叔 或 公 答 攻 口 官 及 聞 居 死 也 命 當 叔 奔 德 異 以 陶 能 日 有 官 力 京 頤 己 馳 必 頤 排 議 暗 氣 之 坐 有 差 師 不 久 即 擊 權 其 使 知 遂 藉 如 罪 觀 何 除 安 家 聞 門 近 來 此 造 語 耻 朱 重 或 以言之? 明 職 訪 人。 不 臺 者 已 光 及 輕 若 今 徧 以 叔 矣 年 及 臣 數 也 吕 庭 諫 之 盟 合 謁 之 術 0 而 治 日 意 也 陶 貴 復 符 言 頤 去 明 先 杜 動 臺 矣。 事 下 臣 節 既 未 有 乎 脅 出 談 純 諫 叔 頤 今日 嘗 之中 禄 ? 不 者 賈 肩 以 歷 日 何 是 今陶 賈 行 __ 過 蹙 易 : 語 造 不 也 易 當 人 指 臣 之 人 臣 臺 額 及 皆 其 日 之 常 設 明 賈 論 日 賢 門 養 諫 流 爵辛 爲 易 叔 如 陶 有 屏 憚 收 列

> 紛 鼓 如 相 攻 重 將 擾 騰 此 陶 也 遇 如 90 擾 利 助 又 陛 推 易 口 無 未 何 下 頤 也 有 間 ? 嘗 之言 以 定 亂 過 清 臣 頤 日 群 臣 素 明 日 必 臣 如 : 安 與 是 是 使 靜 日 頤 與 此 者 之 爲 14 不 陶 事 彌 相 治 非 相 有 在 年 爭 於 意 識 隙 公 矣 闘 上 相 也 只 於 又 干 欲 在 下 而 公 之 説 頤 經 諷 紛 乃 諭 筵 臣 責

肯 事 在 者 容 萬 推 伏 頤 里 舉 者 之 惟 外 之 穢 太 過 皇太 滓 無 班 遂誤 所 后 列 遁 皇 變 知 逃 人 帝 蜀山 之 况 陛 白 明 於 黑 下 咫 乎 鑒 尺 察 ? 之近 真 蓋 僞 緣 執 而 雖

里 以 伏 示 望 曲 論 刑 正 頤 取 罪 淮 儻 11: 未 誅 戮 且. 當 放 還 \mathbb{H}

京 或 子 1 月 監 0 日 元 祐 二年 奉 聖 八 旨 月 F. 程 頤 差 權 口 管 勾 西

命 聞 先 故 是 事 伊 暑 111 熱 先 罷 生 講 以 即 元 上 年 言 兀 月 主 受 上 經 富 筵 之 於

見當 1 后 狹,乞自今於 1 臣 春 聞 時 太 奏 秋 至 歲 皇 事 日 輔 子 簾 講 太 退 養之道 下 弟 后 官 許 疏 延 講 庶 俾 贵 和 請 讀 輔 陳 講 俟 官 道 侍 説 可 讀, 上 之 初 E 道 踈 殿 秋 間 習 義 後 略 問 業。 楹 於 ? 有 聖 仍 内 垂 當 乞 體 擇 且 簾 殿 奏 遇六 以 臣 或 稟 六月 僚 太 邇 後 參、 皇 家 便 英 苑 得 太 宰 迫 十 又 召

道 判 生 登 德 乞 免 聞 時 出 皷 已 兼 領 命 院 官 訴 先 訟 先 專 生 職 生 非 兼 輔 復 用 修 引 道 人 或 之 前 子 亦 體 説 監 不 太 許 且 再 言 學 辭 條 八 不 月 制 受。 談 差 先

之,命 求 獲 封 而 後 在 户部 受 或問 職 命 累 特 · 今 月 之, 給 Ħ 弗言 焉 日 乃 : 爲 及明 禄 某 妻 吏 起 求 堂 亦 於草 大霈, 封 弗 乎 致 萊 ? 又不 諸 辭 爲 公聞 不 妻

先生之被旨入見也,蘇文忠公軾同日

疑 繼 敢 自 力 不 論 也 合 必必 遷 右 動 便 0 故 謪 於 蘇 然 翰 史除 也 質 極 居 公 先 己 林 詆 於 黄 所 九 生 中 之, 先 相 亦 州 月, 從 在 書 生 多 與 者 而 皆 經 舍 温 排 輔 先 筵 輕 五. 進 人。 之, 公薨 之者 生之門人亦 年 俊之 退 歸 而 人才 其 蘇 温 士 申 温 遂 門 公 公得 公 公 有 9 者 先 以 素 獨 111 甚 以 先 蘇 不 政 重 相 黨 盛 論 平 生之學 疑 先 洛 新 先 凡 起 而 生, 事 生 黨 用 法 蘇 爲 未 之 之 有 有 公 不

当 先 赦 師 不 赦 生 生。 歌 甫 止 鄧 百官 祖 温 之, 畢 初, 不 之忠 伯 未 既 温 聞 日 乃 幾 各 : 稱 公之 歌 往 撰 厚, 子 學 賀 則 弔 題 而 士 薨 喪? 不 於 而 患 而 院 也,上 哭 是 兩 百 蘇 召 也 省 日 坐 官 公 0 試 哭 官 方 客 有 所 蘇 館 欲 則 祀 有 司 問 公遂 職 往 不 明堂, 不 日 有 歌 奠温 : 舉 云 蘇 以 其 禮 公 鄙 聞 贵 職 今 與 語 成 哭 有 先 欲 則 賀 承 戲 肆 或

言 宗 然 寬 繼言 可。 本 以 中 其 1 斓 試 言 不 至 涼 英 院 罪 祖 中 不 世 官 於 詔 肯 宗 之。 講 是 處 派 以 **\$** 左 媮 不 其 殿 獮 於 講 故 傅 且 月 識 説 司 意 1 知 英 諫 戒 欲 不 U 讀 事 申 堯 諫 六 講 大 暑 至 只 人臣 流 殿 口 評 法 公 俞 體 朱 説 日 熱 事 都 自 講 給 名 議 乃 欽之、 神 光 乃 之不 謂 仁 於 乞 義 者 説 設 有 事 考 下言, 庭 説 已 宗 就 刻 理 之處置 職 中 之 旨 公 蓋 諭 侍 忠 時 之 祖 不 崇 顧 厲 展 掞 學 者。」 以 太 御 至 臨 政 精 亦 神 脩 即 心 然官 士 策 皇 年 説 史 殿 以 從 考 須 院 奏: 邇 詔 太 題 王 書官 四 殿 而 祖 不 便 延 有 在 英 司 非 巖 特 恐 后 月, 宗 足 爾 本 和 失 試 閣 學 叟 監 是 講 也 放 點 所 殿 師 殿 檢 先 彦 非 讀 士 議 罪 用 司 嘗 法 説 會 先 後 生 避 或 霖 院 亦 爲 諷 蘇 守 生 殿 又 乞 不 它 劄 無 祖 又 御 考 今

日,遂出臨爲河北都轉運使。

笑, 堂 御 是 修 開 賀 史, \equiv 樂 結 臺 待 先 一學條 置 先 爲 生乞 冤 諫 賓 宴,先 是 之端蓋 上 論 制 吏 改 言 神 蘇 師 賀 生 宗 乞去 公 齋 之 復 自 爲 未 蘇 此 慰 喪 以 己。 利 立 軾 始 爲 未 誘 觀 以 及 不 除 蜀 鄙 光 專 將 口 而 法 語 委 除 吕 白 任 戲 喪 始 皆 厒 官 程 及 爲 不 先 有 以 殿 置 納 牛 冬 口 衆 尊 中 被 又 至 侍 賢 大 於 命 表

易 \equiv 用 愈 後 左 右 先生 心上七 六 舍科條 諫 兩 司 月 易 諫 議 五 月 月 大 門 又 臺 皆 古 夫 + 下 命 端 爲 己 陶 六 中 策 Ŧ. 精 日 日 也 爲 彦 丞 密 題 左 遂 傅 霖 陶 事 宗 宜 司 命 欽 罷 也 諫 諫 愈 之 起 爲 官 切 既 與 居 兵 易 京 朱 受 仍 吏 舍 部 言 西 公掞 命 舊 部 人 員 轉 孔 首 侍 因 外 運 皆 陶 郎 賈 是 論 文 徙 副 力 先 胡 易 仲 不 官 使 詆 帝 爲

卒。 浮 公家 蓋 既 上 納 謂 先 太 太 上 而 \mathbf{H} 口 會 文 薄 文 罷 皇 申 迄 歸 寒 不 生 H 1 官 仲 傳 輩 公 仲 講 御 易 太 心 不 瘡 歸 河 哲宗 爲 不 爲 * 示 + 所 職 當 殿 疹 \mathbb{H} 南 后 蘇 亦 得 不 使 直 之 里 翌 獨 不 舊 其 不 軾 以 宜 命 之也 既 月二 0 H 坐 大 坐 以 月二 録 所 悦 論 文 就 使 \equiv 陷 已 誘 》附《文 仲 事 宰 在 職 Ŧi. 日 + 且 十七七 年 賢 累 脅 以 文 失 年 執 : 朝 明年三月二 人 六 良。 + 日 當 伉 仲 論 正 仲 以 日 主 廷 日 月 0 直 月 因 事 先 0 聖 傳 絀 有 月 晚 先 稱 亦 以 皆 奏 遂 又乞 生 》載 臨 疾 乃 知 六 生 改 命 然 用 先 奏, 大 H 懷 自 父 朝 日 退 申 除 + 惷 軾 蘇 生 致 喪 知 州 詣 公之言 遂 E 先 臣 中 公兼 意 罪 不 始 仕 爲 免 日 書 請 弗 室 生 曉 不 小人 具 先 罷 又《 舍 問 赴 侍 知 御 相 事 章 生 文 先 奏 人, 云 讀 疾 殿 講 所 仲 爲 申 Ŧi. 乞 即 間 口 生

> 紿 憤 戀 嘔 血 而 死 蓋 指 此 也

講 公間 之 惡 時 書 記 旬 未 而 生 起 知 非 不 憑 劉 是 亦 嘗 此 亦 事 而 不 計 非 几 之, 論 假 辟 踈 悦 檻 足 因 其 公之言 先 口 則 所 月 焉 誕 以 後 先 以 折 謂 生 無 進 亦 元 不 知 蘇 生 辭 柳 未 悦 排 故 即 方 年 人 日 暇 先 色 辭 枝 公 春 戕 詆 知 劉 侍 之 有 方 生云 審 卑 今按 E 先 永 發 折 之 公 秋 不 云 再 有 也 居 章 卿 之 生 0 生 語 過 : ? 具 儒 尊 温 之 誤 之 E 學 先 後 辭 有 進 公 記 時 説 擲 此 再 未 生 而 劉 免 時 自 E 書 臣 之 去 0 若 被 右 以 公 講 薨 : 不 乎 久 劉 素 繼 又 門 正 命 以 元 色 罷 妄 矣 行 非 疾 方 且. 言 抑 即 而 爲 年 其 語 未 於 程某之姦 蘇 春 尚 以 劉 先 劉 以 馬 不 退 世 黨 萬 安 公 暑 論 安 年 几 月 平 永 於 世 不 得 春 月 熱 除 物 上 卿 蓋 晦 事 者 罷 説 器 聞 温 忽 庵 所 應 講 發 其 爲

如

後 部 執 報 邵 有 則 仲 井 仲 疑 先 《譜》 先 政 尚 復 謂 全 目 劾 龠虎 其 生 其 章 或 恩 爲 所 不 疏 五. 及 生 疑 怨 鬼者 胡 誤 乃 然 作 <u>Ŧi.</u> 先 有 去 除 申 宗 鬼之魁。」今李 也 生 云 職 禮 無 公 今 年 吕 愈 久 部 乃 此 在 不 譜 謂 居 ^ 詆 矣 尚 指 語 年 騰 受 口 相 > 仁 先 亦 · * 書 歐 譜 位 命 不 П 記 實 生 誤 考張 陽 間 詳 **>** 時 於 乃 劉 又 録 以 棐、 文文 亂 辩 吕 丙 在 諫 八引《舊 今 爲 商 誤 0 罷 議 希 畢 ~ 按 仲 以 據 英 T ^ 也 政 劾 純 仲 未 快 年 紹 未 宗 實 出 先 游 而 譜 應 通 聖 録 恩 録 守 愈 但 生 出 学中 讎 傳 楊 初 還 章 自 於 V 稱 此 機 章 或 朝 中 疏 有 致 載 注 密 寶 疏 禮 之 派 亦 文 市 文 文

范 太 史乞 復 召 伊 ĴΠ 先生還 經筵 劄 子

翰 林 學 士 兼 侍 講、 兼 脩 或 史 范 祖

欺

罔

以

誤

聖

聽

也

+

後

舉

爲

禹 奏

知二 行 謂 事 者 子 得 人 自 去 涉 宗之時,講 才, 前 講 人,開 誼 親 知 得 布 而 曰 置之左右 天 其 舊 天 : 人, 衣 臣 職 臣 纔 言言 餘 肝 除 伏 必 下莫不歸 自 下 舉 達 及 雖 年 通 見 居 不 歲 共 逸民,天下 鬲 天聽。 筵 則 真宗 直 元 廢 講 餘 所 之臣 以 然 知 有 郎 祐 懷,不 職 嫌 待 、崇政 備 即 之 心 陛 然 司 多 种放 竊 以 者 初 顧 下 無 馬 今臣 敢 由 之民 問 謂 人言罷 用 光 何 大 殿 陛 舊 不 亦 天 頤 俾 而言 哉 説 此三人者,必 己 官 下 吐 子 日 不 歸 益 \equiv 召 露 薦 書 實 當 過 之。 公著皆 心 聖 天 奏 程 引 于 懼 爲 焉 於 博 爲 學 乞外 頤 陛 爲 希 善 此 下 故 頤 求 下。 對 煩 之士 之 闊 夫 與 於 也 臣 天 追 便 任 瀆 非 舉 經 之 頤 出出 每 下 觀 殿 美 孔 皆 術 隱 相 將 思 祖 賢 或

朝 不 以 平 役 稱 輕 朝 動 故 官 説 奔 古 人 次 處 之 富 臺 有 不 走 王 相 重 無 語 得 術 貴 1: 知 諫 交 巖 之, 接 頤 將 常 有 而 者 美 爲 叟、 在 故 公 不 謂 其 不 繁 能 不 而 官 指 矯 筵 遇 卿 其 被 言 又 朱 言 爲 多 處 傾 詐 故 爲 , 毁 謂 責 大 謗 士 皆 者 歸 光 切 大 頤 謗 望 夫 毁 其 爲 頤 X 臣 誣 謂 庭 於 防 頤 黨 憎 沽 常 自 也 朝 欲 草 芒 頤 皇 賈 役 未 蓋 嫉 激 以 重 以 茅 大 非 帝 頤 易 習 必 臺 之人 己 處 故 佞 之 實 爲 陛 素 有 諫 朝 至於 不 + 兀 舊 人 大 釣 也 下 多 ? 廷 過 夫 推 能 傾 本 邪 名 進 不 人 伏 事 如 不 也 大 自 是 蓋 之 學 賢者 體 此 頤 貪 日 求 臣 以 古 當 又 有 能 之 黷 人 仕 故 處 故 以 迁 處 處 時 何 請 經 朝 進 士 致 權 士 臺 意 踈 其 士 則 無 行 求 人 多 直 太 能 人 勢 不 諫 則 講 氣 與

陛下慎擇經筵之官,如頤之賢,乃足以

果。 之, 有 頤 輔 補 也 道 媿 聖明 使 聖 也 臣 學 頤 0 受 久 今臣 臣 欲 誣 至 雖 爲 如 罔 已 老在 臣 乞去 之 頤 輩 謗 外 言 職 於 叨 無 公 若 懷 備 所 正 之 講 憾 復 之 累 矣。 職 召 朝 年 頤 實 取 侍 臣 猶 非 進 講 每 豫 敢 止 思 望 必 不

門 所 語 免 以 敦 賈 與 吕 月 ൬ 請 監 喪 輔 侍 明 T. 西 IE. 劉 道 監 郎 愍 也 Ŧi. 察 叔 亥 兀 器 E 月 自 公奏, 也 祐 皆 御 之與 奏云 疏 居 遂 未 丙 七 史 其 再 除 先 年 拜 戌 董 門 先 故 : 辭 欲 三月 生 直 改 敦 人, 以 簾 生 與 新 但 之 秘 疾 管 不 逸 中 命 職 恐 伊伊 推 在 閣 合 尋 以 勾 奏 不 判 經 敬 西 極 爲 權 川 肯 檢 筵 以 每 甚 京 論 先 不 判 靖 院 屢 也 備 爲 嵩 儒 靖 八 生 西 0 攻 有 者 年 111 諫 京 將 宣 蘇 而 之。 怨 九 崇 進 或 几 仁云: 免 官 給 文 望 退 月 月 喪 朱 福 子 定 諫 先 之道 監 公 輕 宣 先 顧 爲 宰 生 掞 從 躁 其 子 只 黃 亦 相

路 本官 辭 遲 知 崩 安 陝 哲 蘇 州 范 撫 知 九 宗 公之去 公先 年 使 汝 親 其 \equiv 州 落 政 グ薦 已 月 兩 數 先 再 T 几 而 職 生 求 伸 西 月 後言之也 一,必 去, 秘 知 壬 蘇 閣 英 子 是 九 文 州 年 日 西 蘇 定 0 \equiv 除 監 自 文 癸 之 龍 几 門 忠 **H**. 命 月 圕 下 自 間 閣 改 侍 先 中 學 事 郎 元 生 Ш 蓋 紹 府 守 再

范 致 明 論 伊 JII 先 生 A Щ 著 乞 察

勑 臣 寮 上 言

于 女女 譎 容。 闊 黨 恠 而 薦 謹 臣 不 專 邪 引 經 按 聞 以 説 通 之 私 詭 朝 誣 直 論 義 異 狂 民 郎 害 聾 遂 有 致 處 或 瞽 命 輕 仕 士 以 愚 視 程 私 横 官 俗 人 頤 智 議 主之意; 非 學 勸 頃 亦 E 講 在 術 聖 經 頗 元 先 人 祐 僻 筵 議 之 Ŧ. 中 法 素 之 所 則 太 進 大 行 不 所

> 之甚 其罪 其 學, 何 爲 H 猶 聖 徒 先 之 中 以 以 則 悪 罪 。當 生 純 ! 更 通 專 不 弟 籍 唱 真 明 出 道 頴 迭 子 致 鄉 在 正 私 德 洛 仕 和 名 鄧 原 見 罪 之 田 指 目 析 之 罰 9 凡 野 以 標 亂 而 少 庶 變 置 而 德 出 議 Œ 節 亂 元 處 之,敗 卯 治 神 符之末 朝 操 自 之下, 考 世之 廷 如 不 成 壞 有 立 女好 未嘗 憲 風 一之徒 敘 此 大 民 爲 俗, 政 復 而 心 也 事 過 不 莫 往 伏 治 此 則 前 往 原 紹

所著 妄 及 朝 書 訪 政 是 聞 欺 本 何 等 人 惑 日 文。 天 近 下 竊 以 後 慮 人 世 Ш 如 不 野 著 口 書 史 不 小 爲 察 説 名, 之類 未委

治 所 得 者之戒。 伏 契 勘 望 本 聖慈特 取 進 在 止 身 降 官 指 職 揮 削 本 奪 元 施 祐 行 女好 黨 以 薦 蜀 引

以 來 文字,除名 几 月 三十日 其 入山 聖 旨 所 著 程 書 頤 **\$** 追 本 毁 路 出 監 身

司常切覺察。崇寧二年上。

焉 公 亥 權 月 + 官 再 生 編 以 以 貶 中 命 以 敘 管。 四 移 判 來文字,放歸 下三十三人,皆 范 依舊 李 其 未 下 峽 西 省 丙 先 邦 忠宣 報 同 而 子 姓 几 州 是 京 元符三 言 致 直 . 惡 先 名, 伊伊 + 編 或 會 勑 仕 相 以 生 范 管。 黨 几 子 榜 更 濟 司]1] 下 復 彜 年 監 事 朝 Z 不 者 田 先 馬 叟 宣 復 正 四 得 作 堂 亥,令三省 里 坐 亦 生 光 德 同 崇 月 月 行 貶 當 與 自 人 等 秉 郎 T 追 寧 紹 在 懲 明 其 竄 尋 並 徽 造 政 任 降 Ε, 聖 元 京 年 年 艾。」於 宗 醫 敘 而 爲 年 $\dot{+}$ 差 復 川 四 便 范 籍 中 而 復 即 先 女好 五. 年 月 遣 先 居 先 公 再 記 位 有 生 月, 謀 月 是 生 等 住 追 御 貶 生 差 爵辛 而 庚 月 通 + 各 先 降 追 西 史 毁 送 日 午 直 癸 又 家 + 月 涪 監 所 九 出 牛 X 而 汲 郎 西 以 人 癸 先 身 之 預 几 復 温 州 公 追

> 衆 譜 則 此 體 H 先 K 必必 生爲 聽 究 尝云 此 Z 奏乃 卯 誤 按 盡 而 除 言 致 也 尹 逐 范 致 殿 虚 學 焞 遂 致 中 明 一今按 此 有 徒 虚 侍 張 所 時 是 言 繹 上 御 復 致 不 命 , , 爲 史, 隸 在 語 虚之兄 黨 之 程 言 八月 晦 録》誤 籍 羽 某 路 庵 翼 以 + 先 熹 0 致 李 邪 以 生 兀 明 大 事 文 説 爲 作 H 簡 下 以 詖 致 庚 語 先 四 河 行 虚 申 長 録 月 南 惑 也 > 編 載 年 府 亂

元祐學術政事不許教授指揮

勑:講議司奏:

聖 無 不 聚 賢 許 從 生 之書 聽 徒 在 知 外 即即 讀 泗 及元 私 州 使 難 聚 姚 邪 以 祐 孳 生 説 施 學 一徒 乞天下 詖 術 行 即 行 外 政 不 無 之士 事 其 係 自 不 邪 置 流 皆 説 學 許 行 不 之 詖 教 得 處 授 行 看 在 條 弟 詳 非 外 先 若 私

Ŧi.

八

條 欲 徧 取 行 進 曉 諭 止 應 七月十三日,奉聖旨 私 下聚學之家 並 仰 依 遵 依 崇 上

年下

議 元 崖 祐 司 京 學 先是,元 自領之。 術 師 乃 政 罷 事 年 之禁。 七 至 月, 是 頒 蔡京 凡 學 + 制 拜 有 右 於 四 天 僕 年 下 射 首 至 剏 有 講

言者論伊川先生聚徒傳授乞禁絶

勑:臣寮上言:

教 奇 不 察 在 盡 化 女好 於 去 異行 私 去 臣 則 邪 義 聞 則 誅 不 害國 道 至 琬 尤 能 德 随 治之功 致 自 之難 之。 私 其 恣 智 詳 於 明 終 非 非 世 命之教 無 樂 上 風 自 於 其 俗 而 昏 之 刑 故 成 然 不 頑 先 後 也 悖 王 戾,不 爲 之盛 謂 其 學, 姦 患 時 而 邪 口

> 嚴 進 里 麗 志 究 非 而 上 如 不 授學生,犯者屏出 始 師 施 可或 矣。 其 爲 邪 書之人,有易名遁 於 此 忻 先 儒 如 親 必 實 姦 法 戴 王 恭 在 西 操 講 閲 禁 惟 然 鼓 而 故 聖人之書,并元 散 原 洛 其 條 誦 考校之際,有 世 舞 行 陛 臣 復 處 野 程 要。 目 之 于上。 未 下 竊 咸 頤 著 或 聲, 以 聖 謂 期 知 之 比 在 聚 學 法 月, 之於 一。此 陛 遍 類 詔 高 Ш 徒 之 可 下 迹 於 成 有 林 傳 妙 恐 施 謂 於 首 之所 書 祐 天 効 可 授 非 言 於 四 妄 學者,必 既 學 神 E 下。 日 爲 止 學 方 示 增 相 以 術 斷 頒 見 士 協 校 風 推 懲 政 廣 不 方 有識之士 者 古 動 于正 惡者 邪 稱 事 學 疑 其 聞 往 説 校 尚 丕承 或 誑 歲 頒 凡 於 不 精 者 詖 未 惑 出 朝 邪 著 得 衆 法 所 聖 聞 後 間 之 必 黨 莫 建 設 明 教 而

自元祐以來,俗學得志,以私義相結,

者 者 繁 非 凡 今 昏 而 先 有 黨 士之未 頑 以 ,猶未能禁絶於學校之外 聖賢之書,并元 悖 徒 與 私 爲所 被 智 戾 飾 人學 謫 自 而 誘,安得 其 之 己 高 前 人, 哉 或 所 非 雖 屏 守 不 祐學術 陰 居 甚 學 惑 包 與 堅 而 外 藏 ? 者 未 郡 禍 確 也 是 政 能 心 不 氣 然 則 事 自 保 邪 類 無 不 拔 敢 其 説詖 變, 相 所 於 以 無 感 不 贵 教 流 行、 焉 至 授 實 特 俗

言 制 IF. 發 省 庶 分 一,俟之 幾 究 旨 則 若 在 下半月, 近 驗 上 委府 學 覩 有 播 以 狀 得 與 告 禮 而 歲 界 以 實 不 未 部 不 具 諸 月, 聞 嚴 在 行 則 發 本 路 學 下曉 孰 則 所 隨 部 監 之士 許 道 隸 罪 有 任 司 諭 臺 德 監 輕 覺 無 其 均 諫 明 司 重 察 聚 + 責 風 並 而 件 ? 學之家 被 必 其 聞 風 坐 教 事 罰 部 臣 俗 失 迹 養 或 欲 無 内 察 察 悉 申 赦 有 乞 全 , 之 所 訪 特 備 歸 尚 如 罪 成 舉 仍 純 書 臣 降 學

> 無 就 者 窮 矣 皆皆 可 取 用 進 之 止 材 而 陛 下 聖 德 美 意 益 昭 於

制 闕 三人。 在 知 刻 几 之南 兹 石 日 可 知 甲 八月辛 時 先是,七 矣。 河 凡九十 其十一 乎 申 南 語 ? 月 范致 不 府 几 亩 四 月 有 實 必 方 月 日 庚 頒 七 及 學 虚 奉 庚 寅 黨 奉 , 吾 自兵部 者 行 而 辰 既 聖旨依。 人姓 門 之。 日 先 言 . 也 生 下元 名, 0 侍 者 先 於 各 尹 郎 遂 下 祐 生 餘 尊 崇 寧二年 除 官 學 於 有 監 張 所 是 顯 術 此 爲 可 見 聞 謨 請 第 屏 長 政 上 逐 行 閣 居 事 吏 或 之 所 伊 待 後 廳

女妓 黨 書 書 黨 刻 碑 而 頒 石 ,凡三百 三年六月丁 之 于 庚 天 戌 文 下。 德 有 劉 殿 九 忠 Ė 五 之東 人 肅 年 詔 以 正 而 壁 下 元 月 先 <u>一</u>百 符 又 Z 牛 姦 E 命 如 有 黨 以 左 其 七 僕 通 舊 星 人敘 射 爲 變, 蔡 Ŀ 元 復 京 親 祐

揮 闕 等 戊 戌 通 有 直 第 寅 詔 更 差 不 郎 有 黨 Mi 月 + 致 施 人 先 旨 王: 仕 行 許 生 出 寅 0 卒于 復 到 籍 時 大 畿 承 詔 先 觀 家 縣 務 元 靖 生之卒二十年 元 郎 祐 康 年 而 年 學 先 依 元 七 九 術 舊 + 生 年 月 及元 於 致 正 Ŧi. 庚 餘 仕 月, 子 祐 官 黨 先 年 金 爲 籍 人 第 生 月 犯 月 指 以 戊

顛

11

其

禍

賊

於

斯

文

甚

矣

書 上 所 不 長 惑」者 不 平. 云 編 載 ? 邪 》謂 按 未 未 説 與尹 當 + 知 口 詖 考 在 知 語 行 其 月 何 也 所 姓 猶 庚 年 記 名 未 辰 月 先 略 禁 而 之章 當 生 同 出 絶 俟 復 之, 贵 土 不知 博 元 是也。 此 一爲 識 官 章 者 所 何 即 問 實 誘 人 但 致 録 所 安 章 虚 上。 諸 得 中 所

紹興襃贈伊川先生制詞

勑故左通直郎、崇政殿説書程**頤**

德 者 妙 不 之 事 違 則 説 章 道 朕 曲 者 惟 以 句 學 趨 周 BILL 孰 不 衰 利 世 從 習 聖人 者 捨 而 訓 又 己 聽 傳 之 從 以 之? 爲 道 而 自 人 不 排 得 間 得 陷 於 其 有 其 正 欲 老 傳 卒 心 聞 師 誠 使 世 大 意 流 義 之 儒 之 離 道 學

疾 之學 外 之末 閣 不 幄 居 示 之, 其 在 所 恬 拂 洛 示 嚴 不 外 彼 默 陽 阚 是 心 以 可 也 E 頤 逆旨 不 足 行 以 中 子 振 潜 表 所 實 不 耀 中 弟 幸 尚 心 已 見 疑 奔 襃 實 焉 務引 從 其 大 爲 於 競 顯 П 之, 明 爾 業 世 而 僻 而 其 孝 知 者 外 逆 浮 無 乃 朕 君 享 所 弟 示 僞 待 遂 錫 竊 以 以 此 未 朴 使 之 忠 而 當 以 其 哉 明 爲 魯 徒 信 天 名 道 圃 賛 E 下 自 者 則 以 中 書, 所 聞 及 口 知 高 也 自 由 曾 與, 寵 進 特 其 其 明 其 女好 售 學 侍 贈 在 以 風 自 内 方 廷 間 此 外 得 帷 退 而

故 閣 用 是 罷 此 官 張 紹 守 制 川 爲 圃 致 一 召 人 朕 詞 元 自 秦檜 其 位 及之。 有 名 留 亥 年 渡 孫 通 意 Ŧi. 德 七 江 將 檜 顯 尤 年 月 後 : 仕 相 著 程 矣, Z 而 郎 朝 某、任 黨籍 宜 亥 亦 晟 其 戊 廷 有妄託 赴 即 門 高宗皇 子 次 至 行 襃 伯 第 今追 遂 在 贈 雨 高 襃 其 贈 0 弟 帝 龔 贈 名 贈 先 八 先 往 諭 夬、 生之没 未 元 以 月 生 往 參 自 畢 祐 戊 張 直 進 知 售 諸 寅 舜 爲 龍 卿 政 者 賢 民 等 時 至 圕 守 事

朱内翰論孔孟之學傳於二程

直 學 + 給 院 事 朱 中 震 兼 侍 講 兼 資 善 堂 翊 善、 兼 權

臣竊謂孔子之道傳曾子,曾子傳子思,

附

録

郡 時 學 朝 癘 於 郎 名 或 子 通 西 夕不 德 致 在 見 者 顯 洛 思 亦 黨籍 安 仕,奏補 負 傳 程 有二 諸 莫 游 子 給 府 笈 孟 顥 能 子 酢 克 子 摳 子 著 盡 世 舉 程 念今存, 衣 于 仕 禄 紀 孟 時 家 頤 子克己入官 石 宦 子 晚 親 被 傳 刻 其 之 酢 遇 害 承 其 終 獨 高 後 仕 靖 流 其 道 弟子 良 至 無 落 康 身不 教 於 佐 監 傳 台 子 千 建 散 後 終 察 H 焉 州 遇 渡 有 炎 之 於 謝 御 克己 閩 貧 之 四 餘 監 良 史 至 雖 間 窶 歲 竹 佐 方 于 逢 死 出 以 之 木務 本 於 或 朝 巨 致 典 日 身 後 朝 位 楊 瘴 賊 州 奉

學 其 爲 禄 , 舉世 者 子克念 不 幸。 陛 竊 見 莫及 下 使 伏 黨籍諸 皆寵之以 望 奉良 义 許 遭 人及上 依 佐 禁 黨 之祀 官 錮 人 書 而 人 良佐 1得罪 以 死, 上 昭 書 諸 之賢 身後 陛 子 下 例 衰 尊 無 親 替 德 特 傳 人 最 官 食 道

道之實。取進止。

曲 功 郎 五. 月 紹 興 + 六年 几 上 日 奉 聖 旨 謝 克 念特 補

右

衆,而 豐間 溪 者 周 幾 先 自 横 而 十年 生論 慶 渠 先 未 曆 張 生 知 反 末 道 先 德 其 年 求 遂 牛 要。 成 亦 諸 行 厭 程 以 尊 六 泛 科 其學 濫 舉 經 先 南 之 於 生 而 北 傳授于 諸 業 侍 後 之士 家 得 官 慨 之。 出出 南 從 然 歸 安 人 游 有 西 逮 於老 者 求 聞 熙 甚 道 濂

許 劉 致 夫、校 公掞、 顯 安 道 景 仕 人 後後 衡 節 楊 監 書 吏部 少 時 先生之門 元 有 郎 察 伊 承 中 秘 尚 御 李 立 殿 給 書 書 中 籲 端 邢 省 游 中 事 河 侍 恕 中 酢 伯 正 中 字 御 劉 定 和 前 侯 監 夫、 史 安 吕 叔 有 仲 西 馬 上 大 故 太 良 今 京 臨 伸 兀 給 學 師 龍 竹 禮 時 與 博 事 聖 啚 木 叔 中 尚 中 撂 務 士 或 朱 伊 劉 書 起 直 謝 子 學 光 111 居 約 右 良 祭 郎 之 質 庭 派 1: 佐

> 聖先、 樗 作 事 胡 授 焞彦明、 侍讀 繹 周 府 酒 思、今著作 子 思 行 李 郎 中 安 周 路 才 乎 朴 張 朱 或 叔 己 提 永 恭 震 點 先之、右 九 先 康 高 孟 嘉 成子 子 叔 侯 伯 刑 閌 郎 鮑 厚 發 學《 忱 獄 柳崇 學 徽 王 若 敦 韶 公 諫 通 士 蘋 猷 春 皆 夫、 雨 事 皆 秘 范 信 閣 議 判 秋 其 商 暢 郭 大 伯 書 冲 待 興 顯 慕 霖 於 大 忠 夫李 新 制 化 郎 元 其學 者 孝 隱 伊 長、 吴 蕭 軍 前 除 也 立 劉 111 潛 給 處 振 秘 ·焉 臨 崇 之、太 道 德 敦 遯 子 ൬ 書 徽 安 政 嘉 起 翬 不 猷 臨 派 府 殿 彦 及 仲 學 閣 正 唐 府 講 汝 河 冲 見 字 學 博 待 京 馮 南 書 喻 給 教 彦 著 制 理 張 士 兆 尹

當 獨 而 盛 邪 或 説 於 自 奏行之。 起矣 關 東 南 河 滔 故 没 自 朱 是 内 而 楊 翰 不 之言 樂 游 者 謝 云 反 \equiv 爾 指 先 以 生 趙 爲 之 忠 詞 簡 學

陳公輔論伊川之學惑亂天下乞屏絶

左司諫陳公輔奏:

夫 以 彰 是 否 私 祐 夫 靡 後,王 天 時 未 同 黨 所 以 己 靡 前 尚 臣 嘗 是 下 故 尚 嘗 安石 互爲 風 風 非 朝 士 蔡京 同 謂 俗 俗 廷 明 大 朝 而 之學 朋 贵 尚 以之,此 、因之, 夫 廷 風 毁 比 有 大 以 所 俗壞 譽公,善惡 著 尚 公之道,不 遂 氣 尚 挾 爲 同 至 不 節 矣 紹述之説 定 之 士 於 可 相 論 弊 大 雷 不 高 自 哉 夫 慎 同 自 容 以 因 苟 也 分, ,於是士 成 私 議 之; 合 自 意 賢 論 或 也 家, 熙、 否 不 相 朝 大 使 豐 自 當 大 口 植 嘉

革 庭 之臣 積 弊 仰 不 變天下 惟 能 陛 下天資 上 體 尚 聖 同 聰 明 之 明, 俗 又 聖學 復 甚 輙 盛 高 以 舉 妙 私 也 意 將 取 然 以 程 在 痛

> 之文, 言 非 高 説 軻 時 頤 鄙 之 視 也 謂 競 孟 闊 喻 説 利 行 堯 軻 步 謂 伊 曰 傳 舜 飾 9 之]1] 日 文 頤 詐 之行, : 武 伊 沽 此 頤 之道]1] 名之徒 此 伊 死 學, 伊]1] 則 無 傳之仲 川之行 相 爲 之文也。」 傳 翕 率 焉 賢士大 而從之。 然 尼,仲尼 也 胥効 狂言 夫, 幅 能 恠 巾 捨 傳 但 師 是 語 大 之孟 此 伊 爲 以 袖 皆 趨 111

説 以 弊, 終 而 之學令學者 已 垂 至 非 如蔡京之紹 訓 惑 臣 有 一謂 亂 萬 離 使 世 天 師 世 頤 下 無 尚 焉 異 後 述, 非 在 俗 世 非 中 矣。 且 之行,在 獨 能 庸 將 誉 了 且. 見 或 私 非 聖 家 淺 黨 有 學 人 俗 事 甚 復有尚 之道 僻 乎? 者 高 陋 允 難 之習 蹈 凡 行 同 取 之 之 所 頤

學, 相 伏 師 望 成 聖 風 慈 鼓 特 扇 加 睿 1 類 斷 者 察 群 皆 臣 屏 絶 中 有 爲 此

四

意 以 僚 俗 遂 以 之 自 星 而 後 孔 月二 成 此 所 急 自 所 明 明 學 者 紹 雷 治 長 於 孟 此 奏 者 興 + 皆 天 天 爲 而 口 六 理 但 深 下 下 伏 六 師 知 折 年 自 能 國家 用 惟 中 復 日 使 庶 以 得。 參 ·焉 陛 憮 祖 天 幾言 聖 考 奉 宗 下 然 下 無 唯 人 衆 故 聖 留 之 知 乎 之 行 不 口 旨 以 説 時 神 朝 道 背 不 相 此 布 此 聽 廷 研 聖 著 士 口 稱 脩 告 之。 所 今 矣。 窮 人 在 身 中 可 大 尚 之 至 日 方 取 濟 外 夫之學 之 者 以 意 理 毋 册 進 時 9 務 如 執 此 使 則 各 止 用 炳 若 此 事 知 0 道 以 如 説 君 當 朕 緩 臣 + 風 術 己 H

郎 用 于 西 外 公 以 范 先 輔 其 而 侍 是 靖 忠 讀 對 趙 康 簡 大 忠 首 中 秉 薦 爲 簡 論 政 公 言 龃 王 于 輔 官 張 安 中 于 忠 石 有 上 獻 學 聲 並 時 召 術 故 相 善 爲 之誤 也 類 丰 忠 部 以 獻 七 員 次 督 後 月 癸 外 收 軍

> 薦 意 僅 張 指 然 呈 大 公 始 人 耿 甲 既 日 臣 一,有旨 禁 皆 命 矣。 引 公 公 + 午 不 兹 而 與 遂 者 張 年 相 批 輔 知 檢 等 可 忠 除 范 又二 八 公 総 榜 會 而 当 相 也 令安 簡 左 冲 + 復 中 押 復 紹 人 補 有 行 求 司 本 有 日 赴 批 所 興 公 伏 外 違 職 下 去 諫 \equiv 非 壬 Ŧi. 旨 謂 紹 言 輔 闕 0 位 毋 年 年 寅 興 懼 相 自 日 上 是 靖 時 公 得 禁 府 崇 : 知 書 靖 康 忠 後 忠 日 見 輔 再 止 聽 寧 公 康 姦 簡 獻 上 乞 冲 大 讀 請 公 伏 後 輔 臣 罷 日 初 猶 求 留 雖 劾 闕 輔 乃 朕 庚 在 伊 去 忠 於 鼓 忠 聽 薦 榜 再 子 兹 罷 所 淮 111 是 讀 簡 簡 倡 臣 因 上 之 之。 親 揭 濡 之 范 諸 平 之名自 擢 之 逐 上 疏 未 臣 學 侍 張 + 生 江 至 此 也 通 歸 實 爲 公 讀 非 進 衢 戸 疏 也 乃 世 無 張 此 進 月 由

侍御史周祕奏:

愎 其 意 也 侍 郎 列 俗 特降 之於早,臣 沮 朋 猶 幾 之人,而 官 郎 盖 董 欲 爲之變。 附 不 臣 格 弅 以 弅 竊 之 遵 聖旨, 詔 素 見 前 獨 故 罪 令, 使 無 昨 日 難 例 9 一恐陰 之同己, 已 無 者 士 之,戒 陛 所 且 遍 極 所 在 行 下 行 使 邪 牒 廷 忌 寬 爲 灼 布 害政 躐 諭 所 之之臣 憚 容 非 告 見 躋 曹 屬 其 大 無 中 侍 而 而 吏 以 弊, 夫 外 而 至 弅 所 從 今 無 靡 中 於 猶 H 乃 家之學誘 不 得 書 命 然從之, 此 至 因 敢 今 命 即 下 舍 臣僚 肆 朝 **\$** 發。 禮 爲 若 其 廷 部 兇 是 其 權 論 略 風 天 不

一、走是,凍公輔之奏录黃下豐郛,而吏經撰、提舉江州太平觀,免謝辭。紹興七年上。

正

月

九

日,

奉聖旨,

董

弅

除

集

英

殿

修

令。 湖 不 求 弅 員 令 可 不 南 日,令升罷 對 外 許, 先是, 提 長 升 郎 初七日 0 刑 9 次 日 可 兼 日 Ш : 與 陳 權 : 聞 少 外 0 祕 公輔 郎 岢 任 俟 張 以 中 即 非 1。」張公意 之。 之 黄 本 派 申 告 奏 相 職 次 御 訐 初 進 尋 録 Ш 史臺, 董 奏 對,遂上 六 欲 黄 弅 甚 日 除 鏤 下 者 **令** 狙 次 禮 謂 板 遂除 乎 Ш 部 弅 升 權 此 ? 起 沮 以 侍 而 居 格 次 此 己 郎 吏 郎 Ш 詔 見 風 部 又 董

吕安老論君子小人之中庸

尚書吏部侍郎、諸路軍事都督府条賛

軍事吕祉奏:

臣伏讀聖旨:「士大夫之學,宜以孔孟

附録

私

慢令者之戒

取

進

止

臣

愚

欲

望

一睿斷

,將針

速

賜

罷

黑出

以

爲

懷

六

六

傳 於 爲 播 所 師 有 白 用 庶 道 幾 識 憮 言 交 術 然 賀 裂 行 布 而 相 告 復 以 稱 中 合 謂 口 外 聖 濟 有 使 肼 謨 知 用 訓 朕 學 意 覽 者 臣 中 不 僚 沭 外 所

傳 接 問 子 易 H 所 武 也 則 中 教 見 作 於 臣 於《 庸 竊 時 下 春 惟 所 與 論 秋 何 孔 學 七 語 嘗 子 篇 **%** 明 不 鴻 删 之 ^ 由 儒 凡 禮 書 ^ 此 碩 詩 \approx 具 學、 孔 道 ^ \approx 存 樂 子 端 序 贵 ×, ^ 亮 自 待 無 與 書 宏 漢 如 程 門 \forall 偉 至 子 頤 弟 繋 之 本 思 子 而 ^ 朝 後 答 孟 周

篇 更 躋 /\ 庸 相 要 人 也 汲 見 近 臣 君 爲 引 靖 切 子 詳 康 德 動 以 而 程 以 之 列 時 來 頤 時 要 于 中 之 其 0 朝 意 學 學 ^ 程 欲 中 , 稍 則 大 頤 慕 庸 傳 日 抵 之 之, . 日 所 宗 其 遂 此 子 徒 得 變 伊 楊 思 忧 君 巾][[時 子 易 中 之學 之 輩 近 庸 服 世 驟 中

> 交 笑。 者 僚 之 者 朝 近 不 也 此 中 結 所 罪 爲 巾 士 類 王 庸 權 其 論 0 此 處 非 氏 皆 有 悪 中 勢 廉 朋 可 有 之 取 李 直 非 庸 子 犯 比 謂 守 學 其 人 處 醜 思 者 程 之士 切 己 學 也 所 廉 E 交 非 理 頤 也 謂 贜 者 然 文 吾 欲 謬 考 小 有 并 稱 徒 擠 知 獄 人 其 君 譽 雜 乃 排 瑞 世 之 素 子 罪 説 學者 安 謂 則 中 之 行, 當 刊 號 縣 又 庸 處 中 棄 板 之 爲 蓋 爲 廉 專 庸 作 市 罪 伊 而 小 之 學 事 帙 也 有 遠 111 無 説 伊 遍 貨 之 之 忌 小 近 日 111 遺 所 學 臣 憚 傳

育 舊 僚 之意 學 所 論 欲 而 不 望 出 不 聖 勝 爲 榜 慈特 幸 於 近 諸 甚 世 降 路 小 睿 州 取 旨 之 學 進 所 學 將 止 習 舍 日 聖 使 以 旨 學 副 指 者 揮 皆 神 知 臣

陳 正 公輔 月二 之奏 + Ŧī. 既 日 行 奉 聖 吏 当 部 依 侍 郎 紹 吕 興 七 祉 年 安 上 老

此 老 者 在 及 知 建 之。 康 温 敢 州 首 出 時 瑞 上 口 安 此 公 難 0 輔 縣 奏。 安 之勢 老, 以 先 臟 張 方 是, 罪 公客 盛 爲 右 朱 監 宣 也 司 内 教 所 乃 翰 郎 按 等 抗 李 章 皆 故 處 論 憚 安 廉

胡 文 定 公 乞 封 爵 邵 張 程 先 生 列 于 從 祀

議

者

以

爲

焉

徽 猷 閣 待 制 提 舉 江 州 太 平 觀 胡 安

或

責 竊 祠 以 宫 臣 子 忝 隆 苟 預 厚之恩 有 從 見 臣 聞 職 自 當 當 次 論 對 奏 雖 庶 嬰 逃 疾 尸 疹 素 之 尚

爲 世 政 「言必 逸 或 伏見元祐之初 急 民 忠 信 於 加 得 動 召 人,首 遵 命 禮 宰 擢 義 薦 臣 實 以 河 司 不 馬 南 儒 次 處 者 光、 之 士 吕 程 高 遂 公著 蹈 頤 自 韋 聖 以 秉

> 儒 道 制 布 禮 德 也 起 0 作 純 居 頤 樂 備 講 之見知 之 學 筵 具。 問 而 淵 於當 寔 臺 博 天 臣 世 民 有 僚 至 之先 經 光 天 庭 覺 緯 等 地 又 聖世之真 之才, 頤

繩 不 雖 去 所 也 崇 獨 口 以 進 及當 遏 寧 自 積 出 退 也 間 頤 其 諸 必 之 典 官 誠 儒 合 司 而 加 意 之表。 乎 勸 禁防 行 義 感 講 舉 通 門 不 學者向之, 動 其 聖 爲 人 修 必 心 高 辦 由 身 9 辭 弟 古 乎 行 不 禮 法 莫 私 解 口 ; 相 獲 釋 得 規 奉 傳 繼 文 矩 身 而 義 淮 而 聞

稍 節 莫 絶 而 矣 能 進 其 舍人許 用 間 其 别 後 志 其 於 頤 於 真 景 是傳 之門 利 僞 衡、 禄 傳 者 殿 者 人 者 浸 院 如 託 廣 既 馬 諫 其 伸 失 議 士 説 之, 楊 大 待 以 時、 夫 制 河 自 爭 吴 洛 右 售 給 相 之 史 淬 學 學 劉 礪 幾 者 稍 安

樗 言 排 借 况 高 古 王 有 却 自 滿 口 伊 人 居 信 皆 輩 樗 弟 是 門 謂 111 識 之大 等 之 矣 謝 IE. 進 又 孤 自 服 伊 有 曷 益 命 用 良 而 立 ĬΙ 憂之。 此 儒 人 爲 體 其 臣 年 佐 稱 甚 之 起 樗 傳 冠 而 者 語 辭 焉 嘆 學 者 真 寫 以 臣 游 夫 之日 也 者 近 其 以 爲 嘗 酢 西 或者 ! . 耳 大 日 伊 盛 至 洛 納 : 楊 故 盛 夫 頃 也 乃 111 行 淵 又言 行 \Box 樗 時 門 行 所 敢 窮 , 伊 乃不 出 源 闕 諸 之 學 · 士 託 何 西 111 改 之學 各 古 洛 妄 人 於 也 而 有 大夫 見 官 非 ? 之 分 尚 É 詞 人 以 教 知 淵 黨 大 難 人 伊 標 不 命 爲 授 贵 將 言 與 館 體 源 111 榜 盛 絶 妄 仲 近 以 轉 之, 門 乎 如 其 雖 舍 并 耳. 加 遂 臣 如 而 ? 綫 襃 其 見 者 相 説 亦 喻 爲 而

用 元 祐 紹 興 人 朱 Ŧi. 震 年 等。 省 試 考試 舉 從 於 經 新 都 學 堂 者 陳 乞 耳 目 不

而

人

矣。

今

欲

使

學

者

蹈

中

庸

師

孔

孟

而

之 學 之 之 不 時 乃 誚 下 或 始 難 傳 至 無 見 書 傳 學, 道 用 謂 發 上 而 論 行 聞 以 河 析 夫 資 所 至 明 及 久 之説 高 也 屈 洛 宜 爲 有 既 矣 此 也 之,然後 於 明 服 之 以 以 爲 已習熟, 0 自 耳 亦 所 然 學者, 伊 士 途 孔 垂 伊洛 離 不 以 不 中 ĴΠ 人之心。 取 頤 前 訓 孟 世 可 處 然 庸 兄 其 111 又多 異 之學者 爲 萬 易 己 其 之 臣 資 義 安於其 弟 則 俗 世 師 之 義 義 竊 始 以 中 口 或 之 失 至 故 庶 不 無 以 干 愈 發 庸 思 以 行 皆 其 論 衆 明 幾 説 非 不 爲 利 明之, 所 mi 六 本 也 言 明 論 久 中 调 欲 禄 以 得 經 真 此 不 矣 行 矣。 庸 矣 接 屏 洶 也 **`** 誠 然 肯 愈 而 妄 相 物 絶 洶 語 自 非 後 不 孔 不 遽 稱 其 自 本 不 土 深 有 夫 得 孟 其 頤 可 變; 徒 尊 然 ^ 大 末 易 聖 其 甚 道 之 口 兄 加 孟 門 夫 之 詆 道 高 濟 弟 口 則 人 而 而

禁使不得從頤之學,是入室而不由户也,不

亦誤乎?

言 道 從 微 行 知 必 知 幅 有 義 兄 旨 聖 體 其 恠 巾 不 語 用 人之大 夫 行 則 則 而 顧 之 頤 袖 孝 己 知 淫 之 也 介 弟 接 求仁 説 高 用 文 源 物 顯 不 鄙 視 ; 其 於《易 之方, 於 以 於諸 闊 喻 則 於《 餘 家 取 _, 步 忠 則 春 庭 與 經 **>** 贵 誠 人 亦 ; 則 諸 秋 贵 其 德 動 ^ 其 大 與 人, 雖 > 其 語 於 文 之 則 辭 其 人 行 州 序 也 見 受 理 同 也 ^ 里 禄 取 哉 孟 諸 以 哉 耳 之 然 捨 行 明 0 其 則 千 則 象 事 然 非 頤 發 事 鍾 則 其 其 其 親 狂 베 m

此 大 來 Ш 夫 四 西 之 餓 昔 都有 所 者 者 夫、 欽 邵 伯 皆 東 慕 雍 夷 或 以 而 之 道 程 柳 師 學 出 下 顥 尊 臣 惠 及 德 者 其 耳 之 彻 行 0) 賢 弟 名 本 頤 於 微 如 朝 當 司 嗣 仲 自 馬 世 尼 中 嘉 光 張 祐 則 載 吕 卿 以 西

> 於 顥 書》 雍 Ш 而 石 傳 雖 所 當 世 東 著 者 者 未 路, 韓 十七 或 及著 多 甚 有《 之 絳 重 失 多 篇 皇 賢 以 述,而 日 其 極 又 蔡 真 大 頤 而 經 有 京 防 有《易 其 門 世 書 得 等莫 道 弟 書 政 疏 不 子 ×, 六 不 行 曲 質 銘 + 論 春 疑 加 深 卷 薦 秋 詩 答 排 口 並 問 傳 載 抑 惜 之 行 有《正 故 也 會 + 於 語 有 王. 世 卷, 存 安 今 西

尼、 仍 荀 伐 故 施 下 行 詔 罪 事 楊 孟 之道術 之時 貼 館 臣 之列 便 以 子之道, 黄 閣 愚 於 此 裒 欲 學 猶 四 定 臣 集 望 以 者 有 贵 昨 使 四 陛 見聖朝 傳 崇 加 見 人 下 邪 日 習 之 儒 之 特 知 説 小 封 遺 重 成 降 者 羽 雖 補 號 道 書 當當 都 翼 指 之 不 哉 載 府 尊 禁 得 六 委 揮 ·, 席 經 暴 乘 官 德 在 益 誅 樂 間 校 祀 取 以 禮 奏 典 亂 義 而 IF. 淮 推 官 作 之 止 有 尊 取 奉 討 比 意 吕 論 仲 辭 於 베

字 蜀 勘 錫 附 之 本 Ш 間 居 者 鳳 者 師 气 事 竊 蝎 恐 詔 中 其 席 大 門 益 儒 尋 張 子 訪 載 弟 取 必 乞 索 有 與 其 差 流 所 落 遣 著 在 文 111 契

遞

聞

奏

從學 煌 校 乃 之士 正 程 X 庶 貼 頤 也 之 黄 無 門 乞 差 臣 以 竊 頤 而 見 及 館 朝 其 職 廷 兄顥 王 累 蘋 召 之文字 亦 尹 崇 焞 盛 赴 付 初 闕 焞 年

空。

闥 叛 席 欲 爲 領 攘 相 之。 去 給 當當 益 盡 夷 去 語 事 狄 秦 先 乃 先 秦 是, 中 欲 多 之 之 去之。」 引 引 所引 傾 名 日 兼 疾 紹 望 吕 侍 不 興 俾 而 進 吕 講 改元 而 H 吕 奪 復 大喜 未 聚 爲 督 之柄 得 其 之秋, 于 還 黨 軍 其 所 朝 干 行 口 至 方 乃 深 外 在 廷 也 日 常 託 敬 置 頤 州 過 也 内 然 首 召 修 浩 平 修 黨 召 朱 會 吕 政 江 政 胡 秦 魁 派 其 太 覺之, 局 事 文 相 檜 後 在 常 定 於 軍 瑣 外 自 並

> 禹、 公 觀 秦 紹 以 相 興 張 兼 失 以 侍 子 上 職 讀 爲 公 疏 求 口 命 留 之徒二 去, 都 之, 檢 督 乃 IE 不 落 黄 + 報 胡 職 龜 公 旋 餘 奉 年 駮 人 祠 書 被 之, 皆 斥 侍 其 罷 讀 改 年 於是 提 去 行 舉 下 月 臺 程 萬 也 伯 胡

張 僞 趙 士 夏 知 才 自 派 兀 祐 大 吏 稱 是 忠 相 公本黃 樞 四 一,趙 之人 夫 月 簡 河 密 免 九 翕 一公始 月 院 南 相 公亦 張 英 與 朱 然鄉之, 門 几 拒 公 州 紹 張 人者 年 丞 有 不 賊 出 所薦 聖 忠 秋 樂 違 相 兵, 行 獻 崇、 然趙 之。 言。 復 僞 亦 邊。 習聞 自 却 拜 蒙 齊 觀之黨決 之。 責 趙 公實不 趙 右 進 Ŧi. 籍 公每 紹 公 僕 寇 用 月 五. 中 素 述之論 射 年 建 朱 言 識 尊 以 張 不 春 於 或 趙 \equiv 伊 丞 伊 公之門 口 張 上 111]1] 公 公 年 相 數 合 前 之 薦 制 公 亦 秋 以 故 學 相 下 多 除 謂 而 有

文定 奏 諫 力 寇 弟 上 修 戰 之罪 神 之説 疏 趙 然非 却之。 赴 乞禁 哲 胡 公 公 陳 達 以 張 兩 在 于 時 公 也 懼 + 朝 伊 奉 又不 川 前 議 實 祠 七 學。 月, 録 棄 居 然 年 ₩, 淮 之。 衡 \equiv 趙 朱 公 守 明 月 公 所 聞 内 著 江 六 + 免 操 而 翰 年 王 相 几 浸 冬 非 在 張 氏 日 異 之, 公爲 經 及 陳公輔 僞 筵 章 有 遂 趙 齊 旨, 不 上 不 蔡 公 再 口 此 諸 召 敢 遂 改

太

平

觀

定 觀 遞 師 公 密 春 行 既 使。 之奏至 秋 兼 五. 批 初 傳》 侍 張 旨 月 秦 ,趙公既 讀, ,公輔 公 + 矣 成 陽 既 四四 朱 爲 委 \equiv 柔 以 潭 日 乃 去 月 内 事 州 佞 位 龃 <u>一</u> 十 翰 有旨, 守 不 中 乞 張 己 臣 派 嘉 切 公復 周 出 以 日 胡 獎 無 禮 祕 公 形 张 乃 引 所 津 除 於 侍 公 異 秦 命 遣 提 言 御 徃 召 丞 史石 舉 用 會 淮 之。 相 文 萬 而 金 西 爲 字 壽 張 定 文 視 樞

> 揆 疾 上 可, 共 六 劾 與 月 胡 便 公 郡 學 知 日 術 永 9 有 頗 州 旨 僻 胡 胡 行 公 安 義 力 或 不 辭 累 修 復 上 章 提 疏 引 文

學 之狀 并之 爲 對 名 行 所 踰 也 者 進 於 謂 而 抵 特 取 世 仲 所 責 用 · 読 并 辟 改京 罪 計者 嘗 以 并 之。 人 0 譊 固 纑 貴 如 遺 者, 然言 秩 王 可 織 於 此 胡 書 徃 明 喜 屨 江 力行 公書 爲 而 清 其 徃 必 矣。 都 早 剽 後 其 石 稱 也 玉 諧 云 所 公 伊 竊 然 通 照 夫 : 自 揆 仁 判 胡 川 天下 志 夫 爲 義之説 湖 公 所 近 使 婦 載 者 州 弟 得 之士 者 在 婦 乃 其 子 伊 位 坐 繳 之 有 禱 乃][者 故 也 與 儀 上 甚 天 之 有 倡 知 示 之詞 馬 于 學 者 飾 以 其 椎 女 朝 違 此 稍 是 薦 虚 魯 此

尹和靖以師程學之久辭經筵

和靖處士尹焞狀:

之增 聰。 專,自 濫 之公義 於 下 有 師 列 爲 清精神 焞 經 子 焞 此 竊 信信 捨 雖 筵 實 , 學 見 益 不 其 師 臣 衰 其 其 鼓 篤 惟 愚 僚 程 耗 所 所 扇 無 自 上 頤 敢 學 敷 决 士 以 言 壯 之 偷 繹 類 不 發 學 上 至 者 能支持 明 欺 僻 老, 程 時 垂 經 陋 君 皆 之 頤 居之 当, 父? 之言 屏 顯 之 前 + 學 榮 絶 進 又 甚 年 之, 惑 不 且 加 亦 安。 亂 不 學 明 以 仰 廂 天 詔 惑 疾 過 使 之 几 下 聞 既 方 聖 焞 病 天

醫 指 揮 免 伏 使 紹 望 道 興 朝 七 塗 廷 年 川 填 特 月 委 賜 上 溝 敷 奏 壑 不 許 令自 勝 幸 甚 便, ! 訪 伏 藥 候 尋

先是,靖康元年秋,种彝叔同知樞密院

壻 迯 劉 處 康 舜 於 韋 也 先 事 去,夜 徒 以 置 豫 賊 城 侯 生 薦 居 使, 僣 户户 不 以 户 不 先 先 爲 部 立 欲 部 涉 果 招 生 尚 未 生 留 渭 召 侍 與 命 學 副 書 死 郎 111 相 爲 賜 行 孫 求 而 見 虜 邵 帥 間 號 傅 賢 口 復 陷 溥 趙 道 之 伯 備 已 蘇 澤 河 和 彬 奔蜀 意, 野 南 民 勸 而 靖 以 竄 自 講 處 御 厚 奏 0 先 中 于 閬 士 禮 乞 史 張 生 書 朝 之涪 遂 中 忠獻 聘之。 特 之妻子 舍 安 召 其 加 派 人 Ш 至 依 爲 擢 年 胡 吕 谷 京 宣 先 皆 其 + 安 好 中 師 撫 生 問 月 死 會 或

舉 明 行 在 長 之學 一六月 旅 除 以 代 徽 艱 紹 難 猷 臣 興 + 實 閣 四 自 允 有 五. 待 年 非 恢 淵 日 制 春 州 公 也 源 郡 兼 張 議 0 ; 委 公 侍 直 兀 曲 講 並 方之行 長 有 津 相 奏: 旨 遣 元 長 其 召 無 動 蜀 奏 五 先 由 合 道 先 月 生 起 雖 規 生 范 發。 赴 矩 通 行 誠 兀

禮 州 在 充 辭 先 遣 口 金 有 雖 有 敦 崇 敦 五. 0 津 寓 前 日 司 牛 遣 范 遣 + 遣 白 政 文 本 爵辛 來][[侍 移 兩 殿 州 知 陜 皆 仍 講 月 權 宣 爲 説 可 州 獨 宣 從 差 六 又奏,乞令夔路 致。 行 宣 撫 書 事 撫 處 撥 費 日 撫 司 李 司 令宣 舟船 乞自 副 劄 贍 俟 有旨 室 差 使 下 申 撥 至 撫 及 使 邦 邵 涪 宣 荆 人 兵士二 司 授 司 人 溥 撫 州 南 船 專差 莫 加 先 漕 從 司 其 禮 令本 生 見 優 臣 云 之。 + 官官 敦 右 其 年 給 路 人,給 員 遣 + 路 一 員, 一尹 宣 面 先 帥 月 費 教 赴 生 徃 恐 處 郎 漕 涪 再 以 津 行 非 中 +

引 相 病 少留 程學爲言,乞自便。 張公從之。 元 年 長 先已七上 九 亦 月 繼 、 先 罷 七年二 生 章 諫 離 辭 張公耻之,乃顯薦 官 月, 涪 説 陳 書之命 先 公 + 生 $\stackrel{\cdot}{=}$ 輔 至 月 乞 至 江 禁 趙 是 州 伊 公 以 免 復 111

> 職 以 狀 先 説 乞令 問 則 日 至 生 日 或 一避 時 : 講學,不 ,不允,乃 慰 生 負 上 有旨 所 門 素 側 勞, 猶 江 僞 年 志 以 0 州 之 渴 六 復力 湏 守 守 疾 依 節 卿 十有七 敢 病 詔 其 臣 受 丐 久 辭 以 且 愈 不 師 疾 命 免 矣, 新 言 有 允。 X 法 速 先 矣 命 其 他 知 見。 以 既 上 生 則 所 卿 會 禮 有 賜之 對 又 亂 之 學 先 張 先 敦 云 聖 古 所養 公罷 從 又 遣 生 生 金 聦 辭 辭 伊 不 又 帛 ; 0 列 于 Ш 五 得 辭 有 趙 之 九 趨 上 命 月二十 也 辭 公復 月 大 經 時 凡 0 趙 前 過 筵 苟 公 先 俟 遂 相 合 $\dot{+}$ 存 就 九 卿 陳 牛

職 生 禮 部 九 年 侍 年 ·二 月 郎 + 始得 先 月, 生 趙 力 在 公 辭 外 罷 宫 章 秦 觀 + 檜 云 餘 獨 上 相 迄 除 不 就 先

汪勃乞戒科塲主司去專門曲説

殿中侍御史汪勃奏:

學 春 愛 萬 人 頒 息 賜 校 南 幸 幾 洗 馬 泮 賢 心 餘 北 臣 周 孳 闘 之民, 滌 宫 暇 伏 徧 孳 慮 覩 不 秋 焉 海 明明 陛 蓋 邇 幸 宇 力 以 下 將 知 聲 秘 定 講 臨 猶 以 上 色, 省 和 藝 御 斯 之 以 議 論 崇 親 以 文 爲 好 道 寫 儒 來 陶 惡 未 與 爲 群 重 冶 天 也 興 先 書 道 多 下 衰 務 士 涓 更 撥 刻 百 是 革 符 日 石 亂 比 祖 之 E 宜 聿 者 投 宗 良 庠 人 修 兼 戈

然 多 去 不 取 重 士 尤 歟 臣 將 出 拭 愚 於 在 目 以 正 今 所 爲 以 者 鎖 謹 觀 今 院 取 在 年 苟 有 所 捨 科 專 日 必 爲 場 師 取 欲 之 當 孔 ; 望 趨 或 或 孟 戒 學 嚮 採 飭 初 摭 而 則 攸 建 專 議 所 可 論 門 萬 繋 曲 粹 方 顧

大全,下

視

專

門

之

陋

溺

於

所

聞

真

泰

山

之

月二 裹 俾 説 以以 皆 流 + 知 丕 四 正 迁 應 日 習 聖化 恠 奉 將 者 聖 見 豊 在 旨 文 所 不 依 有 韙 必 典 紹 歟 去。 興 則 ? + 與 以 兀 取 六 年 曉 進 上 經 諭 止 相 諸 生 表

之 特 善 所 古 元 檜 及 秦 趙 學 多 日 長 爲 鎮 決 檜 忠 竊 大 愈 是 其 怒 屈 簡 先 獨 學 檜 但 檜 遂 是 名 己 相 再 者當 進 以 少 和 以 上 盡 陳 若 適 呈 以 戎 : 傾 日 公輔 斥 用 講 是 取 趙 公 之議 : 吕 陛 之。 其 筵 輔 其 公之門 或託 元 下 請 王 所 闕 紛 旋 直 聖 蓋 禁 安 而 長 官 紛 亦 以 學 檜 伊 石 終 多 罷 也 不 爲 淵 大 時 初 111 則 善 程 言 姦 執 奥 之 非 + 没 士 八 於 頤 賢 學。 知 則 獨 其 年 几 之 己 爭 道 不 士: 實 年 見 偏 學 學者 之尤 趙 深 事 若 人 以 天 \equiv 公 雖 各 讀 月 害 地 乃 不 力。 免 行 之 讀 有 書 + 捎 始

於 檜 元 鎮 丘 非 去 垤 但 不 後 也 知 檜 檜 伊 更 111 所 主 亦 謂 荊 初 公之學 專 不 門, 知 荆公也 故故 指 伊 上 111 訓 也 及 之。 自 然 趙

傳 之 學 臣 本 氏 禄 不 避 史,首 而 人 尹 文, 故 繼 當 和 心 臆 既 稱 》,乞不 則 而 有 肉 靖 説 死 氏 術 汪 避 而 檜言及之。 上此 有 者 曾 勃 厚 自 誠 其 檜 君 所 此 避 薄 時 正 害 師 蓋 不 遂 引 不 奏。 名諱 禮 爲 矣。 經 思 之名甚嚴 言 忍 與 伊 0 監 兼已受官 旨 孟 左 稱]1] : 檜 先 察 可 然文定 而 子 其 氏 之 當 進 御 是, 程 如 處 所 公、公、 説 名 抑 呈, 史, 氏 所 賓 引 胡 之, 事 之徒 故季 奏。」 乃欲 初 所 上 伊 師 未 穀 文定 君 已 使 ĴΠ 之 幾 不 日 不 文子之告君 之説 避 位 他 稱 廩 事 : 體 祖 遷殿 脩 者 其 得 人 師 日 宗 甚 耳 仕 進 名 繼 之道 作 乃 皆 之諱 中 善 而 ^ 粟 古 春 正 · 侍 稱 不 大 則 者 經 秋 受 繼 程 庖 恐 及 曲 不 御

> 伊 爲 有 云 111 先 云 在 大 元 夫 祐 然 臧 間 自 文 是 實 仲 又 未 之 設 嘗 專 言 語 門 禄 是 之 檜 稱 禁 既 字 者 不 稱 + 考 益 有 而 也 餘 妄

何若乞申戒師儒黜伊川之與

年,

逮

檜

死

乃

己

右正言何若奏:

者 豐 章 文 既 時 翰 將 館 舍法 聖 疏 命 並 親 有 進 前 臣 使 增 得 刊 造 仰 期 + 司 聖王爲 以 石 附 惟 群 申 士 人 緝 經 太學、 陛 焉 勑 知 鑾 熙 所 下 有 所 師 使 輿 光 紹 司 或 多 趨 以 臨 明 開 何 嚮 子 幸 網 士 精 其 中 諸 乃崇 羅 知 德 幸 興 加 用 生 四 所 考 哉 至 彰 方之 而 恢 建 取 校 寵 ! 渥 試 宏 上 法。 也 賁 之, 庠 治道 士 今秋 又 下 殆 又 士 復 有 親 科 俾 生 臣 天 無 灑 以 口 縱 仰 僚 斯 遺 口 宸 元

選 爲 體 中 陛 聖 意 下 陳 惟 謹 之。 是 於 專 去 門 取 典 學 故 未 時 能 俊 遽 秀 以 之 盡 士 革 臣 多 在

上。

於 彼 論 曲 頃 域 從 將 得 . 學 緣 而 虚 之 者 盛 高 大率 和 蓋 幻 所 開 始 行 之, 也 空 勸 爲 務 緣 寂 乃 懲 或 趙 雖 誠 爲 之 然,凡 矣 子 有 使 鼎 好 地 横 司 奇 有 唱 業, 渠 爲 司 其 立 試 伊 異 ^ 去 去 學 於 正]1] 取 有 聖 者 流 蒙 之 之 人 爭 司 而 書 學, 之 際 者 投 入於 × 明 道 所 高 未 ^ 示 益 好 聖 乖 有 咒 好 遠 僻 不 於 傳 之 惡 矣。 志 是 之 徒 +

之 醇 以 論 曲 才之盛 正 既 學 者 道 臣 不 不 訓 ,考選之際 愚 陷 攻 飭 伏 風 溺 諸 而 望 俗之厚 其 生, 自 聖 良 破 有 慈 心 悉 爲 申 亦 學 皆 又 亚 戒 必 術 不 黑出 僻 内 由 論 既 落 之 外 此 胥 正 説 師 而 於 如 儒 則文 致 虚 是 之官 異 空 習 體 則 幻 取 專 寂 則 自 專

> 進 止 0 + 月 + 七 日 9 奉 聖 日 依 0 紹 興 + 四 年

皇 之 若 自 如 愈 檜 + 軍 記 一》者 后 初 進 巡 以 論 不 時 任 呈, 樞 廢 聞 得 者 判 爲 時 政 學 之, 横 密 官 臺 未 記 上 明 經 措 院 官 則 渠 蘇 快 大 筵 日 H 汪 先 右 昞 大 : 兼 怒 可 又 勃 生 奏 承 季 家 權 對 併 若 既 議 所 日 明 不 条 : 臣 伊 所 請 著 : 郎 釐 識 知 説]]] 論 皇 禁 劉 爲 事 其高 陛 政 過 甚 横 帝 + 子 專 體 0 事 下 當 雖 翬 門 渠 七 如 李 記 是 弟 篇 之 年 彦 攻之。 此 文 弟 時 得 程 少 冲 學, 會 宣 子 臣 頤 所 而 退 然 仁 説 當 河 諫 **^** 於是 作 聖 而 宫 哲 聖 南 否 正 官 也 書 ? 中 烈 廟 傳 府 何

彈

劾

門 監 得 有 試 之學,至有 貞 遺才之歎。 賢 御 殿 史 實 中 出 能 侍 院院 御 而 欲 日 史 州 近 彈 望 一曹筠 而 來考試 特 劾,庶合士 數十人者。 垂 奏: 戒 官多以 飭 學校、 其 紹興二十 心 有 士子 科 私 取 不公,令 意 舉 進 怨忿 必 取 止 欲 專

九

月十二日

奉

聖旨依。

年

上

罪 得 當 項云: 來 夜 知 了, 彗出 未 崇雅 之。 官 檜 有 先是,秦檜 與 十五 此 朏 勘 東 之 台 浮 比 會 方 有 州 年 抑 數 蓋 舊 録 四 既 + 其 + 欲 事 引 月三日, 禁伊 專門。」議 年 天 条 爲 日 來 下 軍 勑 赦 川學,猶慮 户 學者黨 令所删定官 守 檜 知之也 天 者以爲 臣 人 下 張 居 同 稱 賜 士 赦 祖宗 伐 筠 人未 欲 第 書 異, 旋 積 按 内 除 其 舉 以 盡 今 是

鄭 仲 熊 論 趙 鼎 1/ 專 門 之 學 可 爲 或 家 慮

右 正 言鄭 仲 熊奏:

定,襄乃 略 不 計 + 與 立 凡 寅 襄, 有 不 爲 周 年于兹。 專門之後 有 知 趙 無 心總 之魁。 才, 從 或 密 鼎 臣 顧 避 家 妄 伏見工 東 有 中 朝 胡寅 何 立 南 事 是 夜自易之,意 有,有 今襄又爲之唱,欲 又今事已 襄 專 負 來 之門, 説 部員 比當 者 此 門, 切 司 必 调 輩 附會 不 真之高 互. 有 外 秋 恤 相 必 敗 而 識 郎 囂 首 標 训 , 專 之士 監 私 楊 而 等。 詣 與 榜 務 其 試 迥 人 時 之,訪 襄 徇 爲 黨。 猶 大 群 使 題 甘 監 之 士 私 開 爲 小 人 子 目 切 察 心從之? 其 初, 寅 所 交 人 扼 衆 不 御 出始 蹤 結 是 聚 盡 趙 腕 論 己 史 前 跡, 議 歸 才 鼎 胡 詭 蓋

七七

附

録

位 慮 於 者 趙 世 知 鼎 所 欲 胡 戒 望 寅 懼 项 之 賜 門 取 罷 進 而 黑出 後 止 庶 已 使 邪 臣 正 所 以 分 爲 而 或 在 家

0

權 月 論 季 兼 簡 明 先 語。 定, 包 兀 泉 一种先 条 仲 禁 藏 生 權 調 日 有「 知 詭 其 之 先 中 右 + 熊 仲鼇 新 仲 姦 書 僻 以 仲 祖 政 正 除 州 熊 徽 月九 之書 舍 日,秦檜 言 事 宗 子。 安置 字道 詭 僉 復 猷 鄭 人 之 書 計 論 孫 日 仲 閣 諱 再 寅 樞 Ш 口 以 司 熊聞 奉 仲 故 直 閲 字 不 奏 密 附 測 勲 鼇 仲 皆 學 月 明 聖旨依 避 事 院 檜 員 熊 之, 力 士致 永嘉 , 仲, 罷 仲 事 意 主 外 因 奏及之。 而 0 上此 者 鼇 專 郎、 詆 公仕,坐 避 文定公長 又 亦 也 門 伊 其 紹 權 Ŧī. 奏。 數 而 興二 坐]1 師 年 以 或 一傅 月 其 仲 免 明 而 之 十三 四 子 迥 私 鼇 年 年 會 及 名 子 檜 月 黨 司 + 則 襄 趙 龜 胡 年 死 也 與 月 首 字 兼 忠 等 文 Ш

> 仲 熊 亦 廢 終 身 不 能 復 也

張 震 乞 申 勑 天下 學校 (禁顓 門 之學

祕 書 省 正字 張震 奏:

之意 樂, 漸 也 0 不 厚 口 士 臣 風 生 長 然 仰 俗 尚 斯 惟 美 時 有 陛 教 溺 下 宜 化 於 臨 通 虚 御 經 天 無 學 下 以 不 古 靡 來 根 仰 然 之説 興 鄉 稱 學 風 陛 者, 校 其 下 其 樂 制 盛 源 德 禮

端 科 才 ,天下幸 者 舉 皆 取 願 陛 士 勿 下 專 甚 取 申 以 勑 經 庶 取 天 術 幾 進 下 淵 士 ·學校 止 源 風 之文, 近 古 禁 顓 其 悉 門 爲 涉 之學, 虚 可 用 無 異 使

月 日日 奉聖旨依 紹興二十 Ŧi. 年上。 夫 漸 間 惑 數 明 學 也 趙 非 監 幾 三月二十 夫 之文 令 登 異 道 不 僻 以 民 示 生 爭 端 可 根 聞 文籍 至 聽 之 印 條 附 孫 先 長 是, 奉 程學者自是少息矣。 皷 ? 仲 是 書 書 可 制 之。 行。 院 去, 五. 鼇 爲 刊 Ш 震 更或 秦檜 望 從之。 積 日 首 曹紱又論: 業 印 紹 邪 又明 申 所 論 望 興 違 説 其 新 嚴 既 委 謂 + 間 指 戾 指 知 令止 不作。」其 法 後二 下 五. 書 贵 漢 必必 伊 禁 詭 本 顓 坊 年 無 州 111 了建 門 僻 + 絶 州 置之法。」二十 不 刊 + 蔡 爲 詭 0 異 餘 不 縣 得 陽 年 行 世 專 宙 端 經 詔 日 檢 邵 月 擅 七月十二 門 不 又 詭 委 。 皆 虚 察 檜死 經之 (論: 輙 + 之 僻 本 武 無 鏤 學 之 七 言 路 其 兩 之學, 書 「全蜀 板 辭 日 程 提 縣 或 五. 日 學 年 民 以 庶 以 刑 望 大 太

葉伯益論程學不當一切擯棄

秘書省正字、兼實録院檢討官葉謙

亨

進 者 異者 之間 願 所 然 不合於孔、 而 止 詔 在 臣 取 無 偏 有 惟 皆 其 0 猶 臣 説 司 伏 曲 有 不 向 其 精 之 者 見 在 慮 是 孟 稍 擇 敝 陛 選 朝 者 者 而 涉 下 而 論 則 程 博 留留 可 學 專 前 學 學 取 取 意 以 尚 術 \exists 術 者 不 其 場 爲 大 程 粹 Ì 合於孔、孟 屋 駁 學矣,又何 臣 頤 拘一 而 切 之制 之 則 繋於 擯 人才出矣。 家之説,使 陰 學,有立 棄。 佑 規 主 者,去: 王 矩 一 荷 夫 司 安石 乎? 理之 説 去 新 學 其 稍 取 取

秦 六 檜 月 既 + 死 五. 日 M 奉 黨 聖旨依 盡 逐 館 紹 職 興二十 葉 謙 六 亨 年 上。 因

當 爲 程 對 世 頭 論 大 於 秦 程 八禁者 是 學 檜 降 尚 凡 旨 切 安 行 擯 石 有 下 棄 誠 非 年 自 是 爲 至 檜 偏 是 專 上 曲 始 或 日 解 柄 . 卿 程 所 趙 言 鼎 頤 學 尚 極

陳賈論道學欺世盜名乞擯斥

監察御史陳賈奏

信 卯 違 與 是 也 而 未 者 必 僞 始 示 行 是 以 假 行 而 不 臣 之似 誅 之 辟 好 其 竊 E 同 其爲 謂 惡 而 謂 名 既 廉 僞 堅, 者 以 天 表 潔 也 同 下 裹 濟 言 聖 不 矣, 之 相 其 以 孔 僞 得 人 士 僞 副 而 夫人之 子 於 而 不 所 者 謂 之惡 辩 然 此 是 學, 己 也 之 所 一之學 0 飾 鄉 於聖 孔 是 謂 邪 以 爲若 原 子 故 誠 謹 正 獨 者 之 居 人 此,不 之 異 其 言行 誅 之道 惡 之 辯 於 疑 少 似 其 似 有 誠 者 正 忠 僞 相

以抑之,則將欺世盜名,無所不至矣。

勢 學 辭 稱 與 者 憲 者 千 甚 如 所 以 大 人 旁若 一愛者 説 譽 造 得 郭 爲 者 市 則 率 以 金 正 作語 人; ? 以 所 爲 而 日 類 臣 心 以 以 則 護 弗 當 伏 誠 此 梯 爲 爲 無 又大 貨 是 受。」 言 竊 意 見 其 然 媒 以 他 人。 吾 其 賄 其説 處 近 短 克 不 常 己 耳. 人 中 而 芷 也 又其 世 士 然,不 所 爲 故 泥 之 己 下 爲 其 之者 搢 以 名 其 標 上 難 復 滓 焉 所 不 徒 甚 謹 紳 9 語 焉 榜 辦 禮 冠 然 者 甚 . 常 者 幾 乃 而 獨 士 者 人 爲 冕 得 欲 謂 於 規 獲其 爲 夫 得 道 則 事 有 有 者 故 以 而 假 己 有 能 取 以 先 调 善 日 附 掩 不 獨 其 助 顯 爵 王 遂 雖 雖 若 以 所 之者 顧 其 名 能 以 位 之語 位 大 其 謂 小 此 踐 吾 不 以 之。 爲 也 女妓 之 履 道 常 輕 己 能 濟 必 能 必 肘 爲 學 類 假 之 次 其 曲 視 其 夷 交 而 糞 腋 者 高 其 皆 典. 所 語 \Box 相 行 土 僞 考

植黨分朋,漸不可長。

身 相 而 一,而 己 勝 夫 在 欺 萬 朋 鮮 天 黨 君 不 下 之 有 罔 爲 彻 始 是 上 大 姦 不 蘇 其 而 慝 過 洵 術 得 相 有 遂 用 言 與 行 忧 爲 媒 利 事 則 害 之 必 彼 求 不 此 在 近 有 矛 其 於 以 盾

惡 納 無 之 疆 出 除 之 所 於 授 故 福 正 之 臣 在 間 願 無 陛 取 庶 或 考 下 進 幾 肆 察 11: 明 多 爲 其 詔 1: 詭 人, 中 靡 異 外 然 擯 以 繒 斥 干 痛 風 治 勿 革 體 用 此 言 習 實 以 行 宗 示 表 於 社 裹 聽 好

六月五日,奉聖旨依。 淳熙十年上。

戡 論 始 所 累 忌 出 知 其 未 此 自 謫 心 學 秦 正 居 者 檜 者 口 連 死 也 用 乃 永 0 學 克 間 惟 然 禁 好 者 Ш 檜 稍 + 林 之 開 有 之 餘 先 餘 而 士 黨 是 張 年 相 不 胡 忠 精 繼 以 文 獻 在 思 定 榮 公爲 力 位 既 辱 貴 檜 居 或

> 公之 人 師 中 仲 郁 仲 龜 敬 生 衡 0 光 素 者 也 Ш 夫 Ш 皆 秘 所 故 先 即 祖 也 少 書 聞 湖 子 爲 忠 謂 生之門,受 右 河 省 南 之 獻 Ŧi. 屏 洛 正言 右 學 正 稱 公之 峰 Ш 之 者 字 承 首 傳 陳 緒 間 胡 務 嗣 籍 故 **企業者** 淵 郎 往 子 溪 憲 又 \equiv 右 幾 宏 受 有 人 原 文 仲 尤 所 白 業 仲 右 自 字 殿 衆 謂 水三 勑 承 相 修 而 南 建 務 令 而 講 撰 仲 得 軒 陽 郎 先 所 劔 習 張 其 先 劉 謂 劉 删 浦 生 拭 傳 生 勉 不 定 子 羅 Ŧi. 者 敬 者 即 之 名 峰 暈 官 從 夫 也 其 致 彦 李 彦 先 則

之賢 焉 歸 從 延 平 \equiv 遂 年 先 傳 仲 召 不 + 素 生 晦 赴 復 九 傳 受 庵 行 仕 郡 先 業 在 中 人 生 進 檜 後 紹 李 朱 士 死 興 見 侗 熹 第 延 愿 陳 元 + 仲 平 魯 晦 調 九 公 崇 是 盡 年 執 安 晦 爲 棄 八 政 尉 庵 延 其 月 早 平. 學 言 + 秩 孤 先 \equiv 先 而 滿 生 學 日 代 初

一八

辭 也 不 出 會 言 路 有 請 抑 奔 競 者 意 侵 先 生 先 牛

月 罷 掞 月二 制 Ŧ. 不 母: 忠 論 就 月 既 年 之元 - 憂。 及 未 民 肅 + \equiv 職 見 不 張 + 養 月 終 贍 公 合 孝宗 首 説 日 + 六 履 初 辭 Ŧi. 同 Ŧi. 猶 論 復 辭 日 秉 以 月 年 即 H 召 除 在 引 講 者 論 既 也 政 至 日 位 + 有 武 樞 其 學、 歸 曾 行 免 _ 旨 差 學 府 再 改 月二 覿 Ŧi. 喪 月 在 復 時 安貧 博 充 召 \equiv 元 先 賜 年 9 讎 虞 樞 士 先 隆 年 復 + 又 生 罷 胡 促 密 待 雍 生 興 + 以 樂 申 六 V 邦 事 院 遂 次 就 公 道 前 執 資辛 H 衡 力 職 編 先 陳 月 獨 者 政 不 命 也 恬 以 乾 辭 修 魯 生 錢 合 相 會 詩 官 退 陳 道 公 端 意 也 先 先 太 元 待 九 可 人 正 爵辛 獨 生 生 學 禮 九 薦 月 嘉 年, + 次 獻 即 相 虞 録 等 年 以 以 至 議 促 特 公 喪 劉 Fi. 禄 與 魏 其 其 T

> 定 以 先 四 爭 批 也 改 外 爲 生 不 辭 合 諭 郡 相 淳 人 龔 于 不 能 官 許 處 必必 公, 上 熙 得 之。 \equiv 欲 乃 以 主 年 六月二 一管 就 虚 起 + 八月 名之士 先 台 職 龔 月 生。 莊 州 Ŧi. + 復 崇 敏 日 許 趙 以 道 恐 奉 日 首 觀 差 衛 誤 祠 公 知 条 除 時 朝 方 南 行 祕 梁 廷 五 康 執 丞 書 鄭 軍 政 年 相 龔 郎 公爲 言 事 史 公 先 力 宜 忠 薦 生 上 相

先 先 怒 之 H 提 大 舉 生 憂, 生 極 以 命 復 言 亦 江 七 先 近 南 再 請 年 西 近 康 生 在 習 爵辛 常 奉 春 修 分 朝 乃 祠 平 用 舉 早 夕 析 受 茶 事 荒 章 詔 之 而 鹽 政 Ħ. 趙 監 害 陛 上 待 派 民 司 下 有 相 几 無 郡 不 詭 年 流 莫 守 悟 年 闕 辭 殍 條 大之禍 之語 救 利 除 月 解 七 病 直 几 月 乃 秘 日 + 必 先 除 至 生

浙東大饑,改除提舉浙東常平茶鹽,許

察其 月 濟 日 仲 得 心 调 H 道 解 台 詔 之 引 有 友 闕 誠 ,最後乞 十三月 觀 守 害 道 罷 除 + 乃 言 唐 進 仲 江 年八月二 仲 既 年正 詔 友 直 西 極 對 友 退 詔 朱 前 提 徽 切 不 月二 閑 易 刑 某累乞宫祠 又 猷 至 以 法 論 + 江 閣 以 先 事 十三日 東, 先 近 九 免宰 生代之。 生章 習 日 先 奏 年 免 蔽 也 生 之。 避 相 也 先 遮 可 引 中 H 生 先 天 又 王 差 傷 義 産 行 生 理 以 主 丞 力 之 八 聞 部 濁 先 管 禍 月 先 辭 相 至 命 台 生 素 生 + 亂 台 又 善 賑 聖 州 上 九 即

學不 奏。 賈 周 焉 爲 公殁, 監 時 祠 夫 鄭 命 察 者 道 之未 聖 丙 御 爲 學云者 人 謂 史。 吏 下 之 道 部 也 道 至 衰 尚 謂謂 不 是, 學 時 書 行 廢 以 相 輪 相 也 道 先 當 孟 與, 爲 擢 面 軻 故 學 太 遂 對 死 伊 也 有 府]1] 聖 遂 道 寺 先 其 學 人 1 派 之 之 此 生 陳

> 意 先 語 之,可不歎哉 爲 得 于 其 時 祭 道 蓋 朝 道 生 以 道學不 李端伯 學,足 道 則 墓 學之目 如 而 德 此 貽 銘 上宣仁聖烈皇 輔 書 及 以 文》有「自 韓 近 傳 亦 彰 以 主 世 持 之。二 云 其 攻 學 或 蓋 德 善 者 非 孫 家 書》 類 子 不 常 后 皆 曼 兄 兄 知 之 遂 書 又云: 是 叔 功 弟 其 遇 併 中 也 業 倡 實 求 亦 其 明 書 所 云 不 名 因 其 智 道 謂 譔 後 得 而 小 足 道 自 儒 進 以 施 明 立 之 諱 位 道 知 於

劉後溪論道學非程氏之私言

殿中侍御史劉光祖奏:

立 泰 則 而 臣 實 私 聞 情 爲 是 或 交 非 家之 起 不 明 禍 此 福 則 固 邪 道 社 正 之 稷 互. 消 之 攻; 長 存 公 時 論 甚 之 不 口

晦 深 劾 畏 論 乖 親 而 慮 違 擢 也 M 憂,孰 抑 私 不 孤 事 民 若 私 得 遠 病 口 情 夫 以 大 奏 未 使 忽 勝 是 於 方 陳 瘳 待 非 彻 公, 此 今之事 方 罪 官 則 ! 既 殺 言 臣 箴 往 明 顯 責 而 本 孰 鑒 不 然 是 邪 踈 昭 戒 凡 急 非 得 而 庸 然, 賞 於 LI 易 以 皆 刑 蒙 此 危 害 别 知 口 陛 僣 曾 邪 機 IE. 大 濫 下 IE. 所 未 清 人 · 立 伏 调 議 足 號 而 聽 公 以 方 方 舉 今

之 時 朋 泰 道 愧 知)奥爲 其 漢 而 退 初 則 有 實 唐 臣 之不 以 正 非 勲 命 觀 非 責 追 有 心 名 本 朋 見 進 難 \equiv 誠 強 朝 代 其 爲 退 意 樂 或 以 士 尊 戚 知 之 爲 IF. 同 大 主 其 其 學 道 術 道 夫 端 窮 有 ; 爲 忠 學 而 其 義 本 而 黨 味 諫 或 術 交 在 也 是 爲 而 爲 勢 最 下 際 實 愛 鍾 以 以 尊 爲 也 則 進 非 居 君 鼎 安 近 以 黨 以 古 達 根 窮 不 共 本 由 足 朝 學 本 性 見 而 窮 義 深 盛 在 命 其 爲 達 爲 以

> 長 得 招 矣 存 夫 流 皇 景 厚 志 德 來 ! 太 極 時 蓋 分 之 小 不 而 非 之 崇、 絕 其 治 間 幸 虚 滅 否 學 事 觀 保 而 語 綱 泰 故 術 渾 而 幸 太 壞 常 也 反 然 議 下 於 和 而 而 覆 論 不 豐 實 元 尚 其 見 至 祐 爲 率 復 論 紹 熙 其 於 君 或 言 由 既 聖 之 慶 家 子 於 勝 平 邪 曆 元 之 ! 起 當 此 説 其 符 禍 而 嘉 此 故 勢 臣 之 福 救 踈 時 祐 力 既 所 際 之, 棄 也 謂 兹 社 成 正 咸 稷 之 而 謂 道 平 之 消 盛 嗟 末 臻 X

惡 恐 嗟 中 亦 紀 0 平 道 更 有 _ 學 外 1 日 臣 見 譏 聞 從 之 艱 貶 至 乃 交攻 遠 所 道 於 去 生 慮 方 學 忠諫 或 朋 誤 之 悉 六載 黨 玷 逮 爲 説 口 臣 班 罪 指 大 列 而 復 E 陳 惡 间 實 憂 來 去 朋 其 未 兩 臣 來 黨 其 去 議 覩 始 之 事 紹 乃 之 朋 至 間 果 興 罪 各 黨 時 見 今 幾 甚 之 忠 何 雖 已 諫 大 每 間

明 無 其 臣 黨 惑 竊 初 謂 Щ 無 併 人 彼 言 棄 此 其 贵 言 口 而 衆 大 得 議 疾 無 既 人 甚 已 而 世 交 併 ? 興 攻 陛 其 賢 下 黨 愚 至 贵 聖 大 得 至 攻

者 非 之,使之益 淺 言 德 與 在 目 而 以 深 美之 於 歟 爲 人 别 居 出 日 其 切 白 先。 亦 臣 明 將 於《 如 選之、 無 本 行之 德 行 見 由 切 大 蜀 方 親 其 矣, 之 義 其 深 如 今 間 學》之記 踈 人, 誠 有 琢 爲 肺 瑳 道 得之淺 舉 而 者 誠 磨 道 但 爲 肝 學 者, 詩 遽 之。 爲。 以 學 然 以 足 自 人之言 道 載 伊 終 自 以 正 者又可 矜 洛 得之深 今之道 學 歲 是 有 爲 一心誠 以 ^ 之私 也 爲 故 原 君 大學》之教 召 宗, 於是 其 本 不 意 子 禍 者 學 憂,首 然 師 矣 爲 切 非 ', 其 古 介 則 友 有 則 學 瑳 程 己 在 之 得之 行 臣 道 無 氏 爲 而 者 合《 民 朝 所 之 學 之 乃 所 琢 明 序 僞 大 有 又 謂 之 私 主 亦 磨 明

> 以 歲 人言 陛 救 擯 安 大 善 子 有 臣 人 之 下 斥 敢 至 1 也 竊 内 臣 無 履 善 平 歎而 安得 初 而 之 人, 所 槩 之 位之初 斥逐 無 又 私 異 説 輕 己。 所 好 更 何 同 意 悪 有 譏 至 紛 往 爲 端端 委寄 給 之私 微 而 好 人 紛 往 乎 舍 累 人 痛 必 拱 爲 ? 謂 中 無 天 喜 疾 者色愧 贵 而 必 臣 間 之也 何 所 日 稱 治 取 以 所 好 每 之 封 黨 凡 凡 因 ? 人 駮 清 又 以 偏 才 論 古 所 踐 以 明 斯 侍 何 爲 學之 者 亦 進 充 爲 從 況 主 退 不 塞 黨 心 方 其 無 間 是 服 小 朝 , 若 所 率 率 而 , 時 論 反 用 俱 多 又 必

若 交 也 則 太 带 沁 衆 品 忿 别 朝 令之君子 古今然也 廷之上 自是 而 且 怨。 封 域之。 太 一,賢才 雖 不 高 0 明大 然 則 而 夫 或 並 以 實 道 薦 者 用 此 將 士 乃 自 窮 - .; 不 非 名 倡 居 是 副 不 利 爲 議 太 ; 善 之 薦 責 高 道 途 猶 也 士 而 之舉 太 之可 智愚 責 苛 而

八

Ŧi.

凡 有 品品 所 題 取 既 贵 衆 無 則 所 疑 遺 怨 , 叢 凡 興 有 所 心 揚 雖 贵 主 於 無 至 所

必 抑 於一 迹 E 言。 涉 於 是 朋 以 黨 時 謗 之虚 先 喧 名 於 而 群 賈 П 今 日 進 之 退 實 贵

禍 彼 既 得 志 决 不 我 容。 我 於 窮 達 進 退 之

怨 間 必必 亦 至 未 過 有 甚 充 實 而 涵 快 私 養之素,彼 情 往 往 如 忠 譏 諫 誚 之言 以 脩 指 往

謂 沽 名 之 舉, 至 於 潔 身 以 退 亦 日 怨 懟 而

然。 至 此 欲 循 激 呼 怒 成 於 風 至 或 尊 家安 必 賴 加 之 以 訐 訕 事 勢

相 理 此 伏 由 而 生 激 此 定 乞 而 聖心 相 泯 臣 而 靈 邪 勝 欲 熄 之幸 和 正 廓 熄 道學 展 平 由 然 將 轉報 此 之 社 來 之譏 永 而 福 稷 之 復, 爲 别 由 之)禍,故 皇 由 爲 此 福 公論 一極之主 此 禍 而 也 而 不 無 集 消 由 窮。 憚 如 此 或 使 朋 反 其 而 事 黨 是 臣實未 復 不 明 之 由 非 以 此 迹 私 由 陳 知 情 使 由 此 m

學博

士沈

有

開

應

先

爲

留

丞

相

所

厚

力

勸

以

税駕之所。

爲言 章 或 留 非 神 風 采覽 ,甘受誅 臣蒙恩 以 曉 在 免 位 異 必 擢 責 能 時 任 上 無 洗 取 請 當 所 往 進 對 於 税 漏 之初 11: 駕 天 之 共 心 禍 趨 首 然 至 以 伏 后 是 下 乞 非 聖 公 臣 臣 此 慈 論

一月二十七日,奉聖旨依。詔興元年上。

之。 學 輔 以 益 陳 五. 益 變 博 公 月 公 傅 與 益 雖 既 良 先是, 通 士 益 王 公之 之 相 君 不 率 派 公不合, 舉 理 能 相 王 同 拱 門 而 用 罷 派 嘿 志 多 下 因 相 然 者 無 三十三人,淳 佳 擢 疏 + 其後 秉 請 所 納 士 何 六 政 於 預 知 澹 年 H 相 亦 益 名 爲 正 久 多 姜 繼 公, 之 諫 月 所 體 去 士 士 反 長 熙 收 或 留 多 廢 復 + 攻 者 擢 派 元 失 極 不 川 衆 益 善 相 職 論 用 年 公 爲 明 爲 也。 罷 太 次 年 太 周

+ 監 在 類 拔 下 口 多 用 知 首 几 館 聚 H 貢 知 而 以 韙 舉 名 也 時 于 保 之士 之。 朝 全 而 龃 後 劉 善 何 而 + 公 留 士 諫 不 餘 遂 勸 議 派 得 日 有 之, 相 善 志 從之。 副 者 何 及 端之命 對 始 不 是, 納 側 首 自 還 目 上 元 是,一 矣 爲 會 此 年 軍 何 疏 器 劉 時 被 天 月 命 公 善 少

非 見 自言 夫 知 席 光 皆 公 陳 也 逋 祖 <u>一</u>十 攻 疏 之耳。」及退 賈、今右 台f \equiv 非 う道 一十三 月 爲 立 學 四 何 几 恍惚 異 者 日 日 H 也, 正 日 力 劉 者數 言 批 但 劉 近 公 同 出 黄 平. 公人 H 被 院 日 掄 賈 日 風 命 語 9 憸 與 采 與 對 至 拆 劉 點 大諫 祠 餌 號 公日 復 新 佞 定 南 掄 論 柔 言 志 宫 : 補 前 劉 者 「何 丸 清 郡 諫 與 公 議 議 今 他 自 何 日 所 大 然 則 坐 口 :

先 是 劉 公 以 拆 號 差 誤 自 劾 四 月

> 分矣。 以 臺 詔 指 也 劉 轉 器 H 公 論 劄 0 爲 + 趣 行 揮 械 既 + 拆 指 子 **\$** 直 觀 放 何 月 號 劉 日 併 書 察 又 秘 罪 諫 差誤 論之。 有 讀 使。 閣 矣。會 公即 上 何 議 孫 諭 諫 論 潼 璫 給 何 徙 H 劉 議 之, 111 不 者 E 事 太 \equiv 派 胡 除 報 之舊 府 中 疏 自言 府 相 上 既 御 轉 胡 章 少 遣 <u>二</u> 十 承 給 史 運 晉 上 卿 論 都 壽 命 使 中 判 臣 0 皇 司 吴 御 日 派 官 + 遠 潜 劉 沈 上 端 筆 訦 封 八 公 不 邸 議 其 **\$** 者 求 樂 還 日 舊 再言之。 論 年 楊 依 除 去, 録 乃 自 經 劉 帶 Ŧi. 己 月 此 即 亦 御 至 业

聞

之。 之, 以 後 始 絶 五 劉 禍 年 公 本 遂 之 有 而 人 道 劉 臺 學之禁矣 公不 也 識 忍 者 但 望 擊 其 陳 擊 黄 何 罷 去

考亭淵源録

彭 榮 校點 華縣 撰

陳傅良 六三	考亭淵源録卷之二 二
備遺 五九	白水先生劉勉之
陳亮 五八	備遺 八
考亭淵源録卷之五 五八	屏山先生劉子翬 ········· 七
備遺 五一	備遺 七
象山先生陸九淵 四八	籍溪先生胡憲 五
備遺 四七	備遺 四
梭山先生陸九韶 四六	延平先生李侗
備遺 四五	考亭淵源録卷之一
復齋先生陸九龄 四四	書考亭淵源目録後(薛應旂) 六
考亭淵源録卷之四 四四	重編考亭淵源録序(薛應旂) 四
備遺 四一	考亭淵源録序(徐 階)
東萊先生吕祖謙 三九	初稿序(宋端儀) 一
備遺三七	校點説明
南軒先生張栻 三三	
考亭淵源録卷之三 三三	国
備遺 二八	
考亭先生朱熹 一二	

蔡沉 九二	備遺	蔡元定 八六	備遺	黄灝	考亭淵源録卷之七 八五	備遺八三	李方子 八三	備遺	陳淳 七九	備遺 七八	張洽七六	備遺 七五	李燔 七三	備遺 七一	黄榦 六七	考亭淵源録卷之六此卷以後俱考亭門人 六七	備遺 六五
備遺 一二四	度正	備遺 一二二	王阮 一二〇	備遺 一二〇	王介 一一七	備遺 一一七	任希夷 一一六	備遺 一一五	詹體仁 一一三	備遺 一一二	彭龜年 一〇九	考亭淵源録卷之八 一〇九	備遺	廖德明	備遺	葉味道 九三	備遺

	日 録
何鎬 一六六	蔡抗 一四六
備遺 一六六	鄭性之 一四五
楊復 一六五	傅伯成 一四三
備遺 一六四	考亭淵源録卷之十 一四三
潘柄 一六四	備遺 一四一
備遺 一六三	劉爚弟炳附 一三八
胡泳 一六三	陳宓 一三五
備遺 一六○	備遺 一三五
潘時舉 一六〇	陳定 一三三
考亭淵源録卷之十一 一六〇	備遺 ······ 一三二 -
備遺 一五六	陳守
輔廣 一五六	備遺 三二
備遺 一五四	徐僑 一三〇
陳文蔚 一五三	備遺 一二九
備遺 一五二	黄醬 一二九
董銖 一五〇	備遺 一二八
項安世 一四九	曹彦約 一二五
吴獵 一四七	考亭淵源録卷之九 一二五

襲蓋卿 一七九	備遺 一七八	暑淵 一七八	考亭淵源録卷之十二 一七八	備遺 一七五	黄義剛 一七五	黄義勇 一七五	備遺 一七五	蔡念成 一七五	備遺 一七四	甘節 一七三	備遺 一七三	范念德 一七二	備遺 一七一	李閎祖弟相祖、壯祖 一七一	備遺 一六八	吴必大 一六八	備遺 一六七	
備遺 一九三	林夔孫 一九三	備遺 一九一	黄士毅 一九一	備遺 一八八	鄭可學 一八七	備遺 一八七	潘履孫 一八七	備遺 一八五	潘友端弟友恭 一八五	虞知方 一八四	備遺 一八四	蔡淵 一八四	備遺 一八一	陳埴 一八一	備遺 一八○	劉砥弟礪 一七九	備遺 一七九	

目録	余宋傑二〇六	備遺 二○五	萬人傑 二〇五	備遺 □○四	竇從周 二〇三	備遺 二〇二	程端蒙 二〇一	備遺 二〇一	楊黻 二〇一	備遺 一九七	楊道夫一九七	考亭淵源録卷之十三 一九七	備遺 一九六	林師魯 一九六	備遺 一九五	林大春弟充之 一九四	備遺 一九四	林用中弟允中 一九三
五.	備遺 二一四	王力行 二一四	備遺 二一四	陳易 二一四	考亭淵源録卷之十四 二一四	備遺 二一二	楊至 二一二	備遺 二一一	林學蒙弟學履 二一〇	備遺 二一○	余範 二一〇	備遺 二一○	余隅 二〇九	備遺 二〇九	余正父 二〇九	備遺 二〇八	周介 二〇八	備遺 二〇六

備遺 二二四	馮椅 ······ 二二四	備遺 二二三	余大雅弟大猷 二二二二	備遺 二二二	童伯羽 二二一	備遺 1110	包君定 二二〇	備遺 二二〇	黄顯子 二一九	備遺 二一九	徐寓弟容 二一八	備遺 二一八	楊履正 二一八	備遺 二一七	許景陽 二一七	備遺 二一五	許升 二一五
備遺 二三六	滕璘弟珙 二三五	周端朝 二三四	備遺 ······ 二三三	楊楫 二三三	考亭淵源録卷之十五 二三三	備遺 二三〇	陳孔碩 二二九	備遺 二二八	楊方 二二八	備遺 二二八	徐子顔 二二八	備遺 二二六	徐昭然 二二六	備遺 二二六	鄭南升 二二六	備遺 二二五	李如圭二二五

目録	楊士訓二五〇	高禾 二四九	備遺 二四九	葉武子 二四九	考亭淵源録卷之十六 二四九	備遺 二四八	林湜 二四六	趙崇度 二四六	備遺 二四五	趙崇憲 二四四	備遺 二四四	鄭昭先 二四三	備遺 ······ 二四三	楊長孺 二四二	備遺 二四二	王遇 二四一	備遺 二四○	石憝二三八	
七	備遺 二六二	李孝述 二六二	備遺 二六一	李煇 二六一	備遺 二六○	錢木之 二六〇	備遺 二五九	石洪慶 二五九	備遺 二五八	周謨 二五七	備遺 二五六	程洵 二五六	朱在 二五五	備遺 二五三	朱埜 二五三	朱塾 二五二	郭磊卿 二五一	傅誠 二五〇	

江默二六九	張彦清 二六八	備遺 二六七	方士繇 二六七	考亭淵源録卷之十七 二六七	備遺 二六六	吕燾弟焕 二六六	備遺 二六五	馮允中 二六五	備遺 二六四	連嵩卿 二六四	備遺 二六四	梁瑑 二六四	備遺 二六三	黄寅 二六三	備遺 二六三	饒幹 二六二	劉剛中 二六二	
杜知仁 二八二	備遺 二八一	杜燁 二八一	備遺 二八○	趙師邦 二八〇	備遺 二七九	趙師淵 二七八	備遺 二七六	趙師夏 二七六	備遺 二七五	趙師晢 二七五	備遺 二七五	趙師恕 二七五	備遺 二七二	李宗恩 二七二	備遺二七一	吴壽昌····································	備遺 二六九	

目録	林得遇 二八九	備遺 二八九	林揆 二八八	備遺 二八八	俞壽翁 二八八	備遺 二八七	丁仲澄 二八七	備遺 二八七	曾三異 二八七	備遺 二八六	沈僴二八六	蔡模 二八五	備遺 二八五	劉季文 二八五	備遺 二八四	胡安之 二八四	考亭淵源録卷之十八 ············· 二八四 /	1
九	鄭文遹 二九五	林憲卿 二九五	林謩 二九五	備遺 二九四	曾興宗 二九三	備遺 二九三	王瀚弟治、漢 二九二	鄭師孟 二九二	備遺 二九二	襲郯 二九二	備遺 二九二	游開 二九一	備遺 二九○	郭友仁 二九〇	備遺 二九○	陳齊仲 二九〇	備遺 二八九	5337

考亭淵源録卷之十九 三〇三	備遺 三〇一	朱飛卿 三〇一	備遺 三〇一	陳公直三〇一	備遺三〇〇	周良 三〇〇	備遺 二九九	馮彦忠 二九九	備遺 二九九	邵浩 二九九	陳範 二九九	戴蒙 二九八	林武 二九八	備遺 二九八	葉湜 二九七	備遺 二九七	潘植弟柄 二九六
備遺 三一○	徐彦章 三一〇	備遺 三一○	徐文卿 三一〇	備遺 三〇九	方任 三〇九	備遺 三〇八	方誼 三〇八	備遺 三〇七	李唐咨 三〇七	備遺 三〇六	林補 三〇六	備遺 三〇六	曾祖道 三〇五	備遺 三〇四	劉季章	備遺 三〇三	劉孟容三〇三

	目 録
備遣 ······ 三二五	我應眠
A	Ξ Ξ
備遺 三二四	傅脩 三一九
包約弟揚、遜 三二四	葉文炳 三一九
李亢宗 三二三	考亭淵源録卷之二十 三一九
備遺 三二三	備遺 三一六
周元卿 三二三	宋之源弟之潤、之汪 三一六
丁堯 三二三	備遺 三一三
備遺 三二三	胡大時 三一三
劉學古	備遺 三一三
劉學雅弟學裘 三二二	趙蕃
備遺 三二一	黄謙 三一二
姜大中 三二一	備遺 三一二
備遺 三二一	廖晉卿 三一二
汪德輔 三二一	備遺 三一二
備遺 三二〇	趙希漢 三一一
陳枅 三二〇	備遺 三一一
備遺 三二〇	廖謙 三一一

備遺 □□□○	黄達子 三三〇	備遺 三三〇	黄立之 三三〇	備遺三二八	元昭 三二八	備遺 三二八	間丘次孟 三二八	備遺 三二七	鍾唐傑 三二七	備遺 三二七	任忠厚 三二七	備遺 三二七	鄭光弼 三二六	備遺 三二六	陳希周 三二六	備遺 三二六	蘇宜久 三二六	
備遺 三三四	劉淮 三三四	備遺 三三三	林仲參 三三三	備遺 三三三	馮德英 三三三	備遺 三三二	郭叔雲 三三二	備遺 三三二	鄭仲履 三三二	備遺 三三一	林叔和 三三一	備遺 三三一	江元益 三三一	備遺 三三一	丘珏 三三〇	備遺 三三〇	李伯誠 三三〇	

目録	備遺三三八	徐子顔三三八	備遺三三八	魯可幾 三三八	備遺 三三七	杜斿弟譮 三三七	備遺 三三七	孫吉甫 三三七	備遺 三三六	徐琳 三三六	備遺三三六	戴明伯 三三六	備遺三三五	陳寅仲 三三五	備遺 三三四	劉淳叟 三三四	備遺 三三四	許敬之 三三四
	備遺 三四三	林恭甫 三四三	備遺 三四二	林士謙 三四二	備遺 三四一	吴楶 三四一	備遺 三四一	李周翰 三四一	備遺 三四〇	江文卿 三四〇	備遺 三三九	吴伯英 三三九	備遺 三三九	程次卿 三三九	陳址 三三九	考亭淵源録卷之二十一 三三九	備遺三三八	郭植 三三八

備遺 三四七	戴邁 三四七	備遺 三四六	林巒 三四六	備遺三四六	曹晉叔 三四六	備遺 三四五	黄孝恭 三四五	備遺 三四五	葉永卿 三四五	備遺 三四四	吴英 三四四	備遺 三四四	符國瑞 三四四	備遺 三四四	符初 三四三	備遺三四三	符叙 三四三	
備遺 三五三	應仁仲 三五三	備遺 三五三	孫應時 三五三	備遺 三五二	諸葛誠之 三五二	備遺 三五一	曹立之 三五一	備遺 三五○	吕祖儉 三四九	備遺 三四九	黄東弟杲 三四九	備遺 三四八	劉玶 三四八	備遺 三四八	柯翰 三四八	備遺 三四七	吕侁 三四七	

目録	歐陽謙之 三六〇	備遺 ······ 三六○	游倪 三六〇	備遺 三五九	蔡惥 三五九	備遺 三五八	周明作 三五八	備遺 三五八	王過 三五八	考亭淵源録卷之二十二 三五八	備遺 三五五	吴玭弟琮 三五五	備遺 三五五	時子雲 三五五	備遺 三五四	康炳道 三五四	備遺 三五四	周叔謹 三五四
一五		備遺 三六六	吴振 三六六	備遺 三六五	黄卓 三六五	備遺 三六五	鍾震 三六五	備遺 三六四	魏椿 三六四	備遺 三六三	嚴世文 三六三	備遺 三六三	張顯父 三六三	備遺 三六二	黎季成 三六二	備遺 三六一	陳芝 三六一	備遺 三六〇

潘友文 三七一	詹淵三七○	吕喬年 三七〇	宋斌三七〇	熊節三七〇	余元一 三六九	備遺 三六九	彭蠡 三六九	李東 三六九	祝穆弟癸 三六九	備遺 三六八	李文子 三六八	備遺 三六八	鄧絅 三六七	吕勝己 三六七	備遺 三六七	李杞 三六七	備遺 三六六
	藏本 三八二	源録二十四卷浙江吴玉墀家	附四庫全書總目考亭淵源録 三八二		胡紘 三七九	備遺 三七八	傅伯壽 三七八	備遺三七七	趙師雍 三七七	考亭淵源録卷之二十四 三七七	考亭門人無記述文字者 三七三	 考亭淵源録卷之二十三 三七三	備遺三七二	李儒用 三七二	陳宇 三七一	彭方 三七一	備遺 三七一

校點説明

事 子 傳 著 除 士 以 陞 祠 曾 立 重 × 事 有《考 録 廣 祭 任 齋 輯 鄉 端 遂 ^ 類 東 禮 試 司 染 莆 儀 福 按 届 部 遷 亭 亭 建 「慨 疾 建 陽 精 期 端 主客 莆 卒 淵 文 淵 舊 莆 建文 司 膳 忠 衝 源 田 源 於 事 僉 田 司 冒 司 録 録 臣 官 偶 朝 人 事 主 炎 員 之 四 初 物 忠臣 事, 録 年 瘴 外 成 奉 四 稿 有 + × 志 化 甫 勑 郎。 洲 尋 六 ×, 録 四 ^ × 湮 + 提 T 五 歷 立 卷 ^ 没, 道 自 南 弘 七 督 + 内 齋 鄉 南 端 年(一 學 治 五 明 外 韶 有 乃 閒 賢 \equiv 儀 政。 艱。 宋 0 諸 九 六。 搜 録 考 先 始 年(一 邑 端 輯 × 四 證 生 也 + 服 儀 據 遺 八一 ^ × 預 遺 四 字 翼 撰 西 事, 四 選 明 書 薛 年之夏, 孔 湖 莆 端 九 改 應 × 史》 進 爲 時 本 塵 陽 試 六), 儀 ^ 應 ^ 本 之 革 談 遺 朱 另 部 號 旂

> 不傳。 绿》、《祠部典故》、《高科考》、《宋氏族譜》等,《

考》等 録 應 授。 去 進 謪 南 高 》載 建 旂 南 京 武 士 吏部 昌 京吏科 華 第二,授 薛 書。 其 囑 傳 進(今屬 亭 應 通 著 × 以 主 徐階 族 判 有《 ^ 黜 給 事 浙 燁, 慈 憲 歷 事 督 江 江 轉 五 溪 章 浙 應 中 蘇) 通 學 考 0 知 録 江 旂 王 志》、 江 功郎 縣 0 **>**′< 提 反 燁, 西 學 黜 宋 中,主 與 令尚 嘉 薛 檄 傑 副 郡 元 五 掌 靖 子 使 守不 通 七 寶 + 白 嵩 察 庸 罷 鑑 五 四 司 典。 鹿 怒 語 歸 合, × 年(一 司 書 × <u>~</u> 字 嗾 丞 後 甲 輔 院 ^ 仲 御 四 子 雒 諸 改 臣 事 五 常 史 書 聞 傑 九 會 嚴 Ξ 劾 人 源 江 紀 嵩 尋 號 貽 之, 五 物 教 流 書 欲 擢 方

淵 朱子 創 理 學 源 以 門 録 宋 俟 端 以 人 知 亦 程 儀 者」 四 多 氏 在 哲 師 任 自 士 友 職 題 因 淵 禮 爲《 所 尚 源 部 未 初 可 時 朱 有 考 稿 子 署 見, 表 **%**0 已 清 著 裒 隆 有 務 之者 録 慶 録 簡 元 以 尤 遂 年(一五 示 留 輯 後 聊 意 考 備 程 六 草 亭 朱 而

單 近 七 體 翻 内 未 以 七), 並 加 所 平 年 世 於 都 刻 魚 備 以 林 漢 隆 删 盡 此 尾 見 H 出 而 唯 慶 所 潤 籍 可 本 潤 有 田 叢 \equiv 聞 能 以 薛 武 得 並 刻 刻 FI 年 右 保 反復思 彦、 之 氏 有 工 本。 刻 持 僉 乃「以 0 菰 愚, 思 荒 都 板 隆 H 口 想 隆 御 木 印 慶 亦 惟 本 治 編 慶 宋 史 行(以 見 本 不 參 曾 解 本 公 洲定 悟 原 敢 影 於 題。 + 互 初 撫 共 貌 不 印 天 下 行 考 稿 蘇 盡」, 百 出 偶 天 保 簡 二十 訂 版 主 稽 淞 稱 保 九 有 T 編 録 删 諸 諸 刻 誤 年(一八 字 隆 天 的 成 其 往 府 本 白 慶 刻 保 ^ 繁 籍 格式 本), 和 命 + 口 冗 所 刻 薛 三八 四 載 與 是 增 影 九 單 應 卷 字 印 七 邊 或 其 質 旂

陸 庵 置 E 初 九 吕 録 文公朱先生上、下」, 稿 淵 成 宋 從 宋 公一, 兄 基 端 目 端 弟、 礎 儀 録 儀 上 後 陳 看 初 自 + 亮、 增 ~ 稿》 序、 初 加 陳 卷 現 卷 稿 T 傅 存 Ξ 卷 皆 》的 對 良 清 至 \equiv 爲 朱 卷 等 爲 抄 卷 朱 子 人 本, 「南 十 子 師 的 卷 四 門 損 承 軒 介 人。 及 張 卷 今 紹 分 百 宣 藏 别 從 畫 隆 公 卷二, 臺 題 ^ 學 慶 初 及 北 爲 本 者 稿》 在 東 晦 存 如 或

> 要反 之,隆 以 非 採 去 紹。 的 摒 統 做 論 者 批 單 棄 T 取 門 對 律 取 映了 了《初 的 評 篇 張 以《宋 時 較 人 慶本在《 並 便 初 極 杜 另 的 學 大 人 於 增 稿 薛 行。 墓誌 與 調 後 術 史》等 》與 少 加 閱 稿 應 整 吕 + 肯 成 T 讀 初 旂 的 所 降 祖 而 定 就 許 在 對 稿 材 卷 且 慶 謙 採 也 例 多 最 料 朱 百 而 本 的 用 的 將 如 書 隆 擴 後 子 爲 時 隆 評 互 的 基 墓 在 展 信 慶 的 準, 指 慶 價 有 行 礎 誌 介 成 本 内 卷 理 本 出 爲 詳 狀 上 等 + 即 紹 容 在 還 的 缺 例 略 便《宋 進 材 人 九 碑 增 載 備 點 · 較 行 料 物 卷 文、祭文 但 録 加 之《 遺 初 3 參 生 顯 史》 後 T 則 並 稿 平 較 X 得 部 初 者 側 對 對 大 無 介 時 多 體 稿 分 公 重 胡 門 等 加 傳 紹 允 於 載 也 隆 例 紘 人 中, 形 工 淮 肯 朱 有 更 的 次 主 式 確 總 定 子 所 要 本 爲 而 介 序

自 附 記 序 四 類 》所收 庫 本 有文獻 次校 館 臣 録 點 價 的 提 以《 值 隆 要》, 此 慶 四 今 本《 次 庫 予 整 考 全 保 亭 理 書 時 留 淵 存 收 源 E 叢 録 入。 初 稿 爲 底 於《 有 史 本 宋 初 端 底 稿 本 傳 儀

淵 《宋史》(清乾隆武英殿刻本)、《晦 本)等相關書籍加以校訂。 元學案》(清道光刻本)、《閩 明抄本)、《萬姓統譜》(清文淵閣四庫全書本)、《宋 臣言行録續集別集外集》《清文淵閣 庫全書本)、《東萊集》(民國續金華叢書本)、《宋名 圖陳公文集》(清抄本)、《二程遺書》(清文淵 對,另參考《擊壤集》(四部叢刊景明成化本)、《 景明嘉靖本)、《朱子語類》(明成化 與隆慶本出入太多,無法作爲校本,故主要依 勉齋集》(元刻延祐二年重修本)、《東嘉録》(清景 閣 四四 庫 全書本)、《經義考》(清文淵 中理 學 庵集》(四 淵 四 九年刻本) 閣 源 庫 四 考》(清 全書本)、 庫 部 全 閣 文 龍 據 校 四 刊

校點者 彭 榮

 \equiv

初稿序1

皆 集《語 猶 則 百 計 元 録 遂 故 遺語 謂 而 先生 餘 爲 又 定、李敬子 以 或 四十 次之。 遺 年 升堂入室四 按 元楊 録 室 平 昔 見稱,其 中 ×, 晦 仲弘 間 而 若 則只三十二 相 庵 其 外 諸 再 次 得 與 及 據 此不復有 更變故 賢 間 安敢 焉 伊洛之淵源 講 十四四 門 後學葉 多 固 者, 學, 士 不 謂便 多賢者 人,不 林 則 人。 亦若横渠之於二 與。 雖 士 人 又 梅 彼 其 耶? 並 龍 一,而 知若 塢 李 兼 , 四 顯 而 所 其名氏 性 之 羽 + 著者, 黄直卿、 編 南 ?李道 傳《續 謂 人 然去之三 四 蓋 動 語 傳 者 亦 簡 因 以 録 録 册 果 千 所 蔡 記

> 潤 不 博,決 云爾 故今僅 擇 蒲 未 陽 因 精 宋端 所 可 聊 儀 備 考 識 見,裒 草 創 以 録 俟 能 者 之 聞 删 見

本序原無,據清抄本《初稿》補

0

考亭淵源録序

源 瀆 言 按 以 者 之。 公所 禮 然定 心 者然 1,爲加 未 水 字 復於公。 播 之 書,源 緝 薛 格 居 矣 中 而 《考亭 也 年, 丞 所 君 也 潤 爲 念 於是 \Box 止 色,增 也 公將 百 儒 堂 : 思 也 屏僞 者 淵]1] 其 者之於學,其得諸師 林 進 倣 源 其 俗 公 鋟 合 言 朱子 而 夫 去奢, 翕然 録 所 奉 未 梓 水 教之以 而 水 初 未備, 易 命 之 以 淮 所 9 藁 也 撫 出 傳 於 所 爲 \approx 吴, 於 學, 四 出 凡 《伊 俾階 屬 乃 同 Ш 海 爲卷二 飭 也 提 出 進 矣。 洛 ; 吏 分 此 爲 學 故 而 淵 淵 傳, 軌 其 而 序。 薛 提 教 日 + 源 也 民 爲 流 爲 君 學 之 録 四 衍 階 其 几 宋 以 成 帖

子。 紀 説 孔 中 昔 其以 後 諸 洋溢 也 者之於師 朱子「伊 子 베 伊 鄉 詳 之轉 辭 世 身 子 虞夏史臣 洛 故 數 既 於其 者 黨之例歟 ,措諸 傳 而 也 淵 有 而 日 示 語 諸 相 上, 洛 「予欲 故 其 源 夫然後 源 之詩 外, 授受, 行 非 淵 於《 之義 高第弟子,亦知 事 録 其 紀載 與 皆 業,卓 徒習 源」所 所 ? 書 政 鄉黨》, 無言 亦 也 其 焉 涵 謂 無 禮 非 堯、舜、禹 自 殆 其 浸 行 略 淵 所 樂 然 徒 由 • 説 虞 朱子殁,學者溺 漸 其 與 於 源 愧 述 矣, 説 口 名 夏 之難 被 朋 政 吾 者 周 其 於 以 之 也。 史臣 友 慮 也 無 之事, 如 身 孔 貴 紹 有 淵 程 之 也 其 此 教 行 子 淵 前 然 也 一之指 諸 源 相 孔 之 者 徒 而 哲 之義 階 自「精 大儒 其 發 朱子 騖 子 之 詳 教 不 聞之: 固 而 以 明 於訓 之 於 焉 與 而 稱 澤 不 必 之言 會 之爲 教 專 天 孔 有 門 友 儒 執 耳 門 體 下 此 在 弟

於其 之心 行 階 天 與 象 談 是 讀 林 時 緝 朋 在 詞 而 下 政 公 《考亭淵源 少 Щ 兹 猶 士 夫 矣 傳 友 而 章 從 之 大夫 行 之其 之 後 師 録 不 如 也 不 南 世 者 欲 貿貿 足信於人,政 是 會 友, 編及 與 事 務 弟 固 軒 考見 敢 格 政 徒, 於 聚 子 求 則 諸 宜 焉 學, 惕 爲 諸 之 民 於公嘉 録 先 又以 自 以 而 不 然 高 心 於 其 實 夫 ×, 然以 生, 辩 爲 非 知 反 (門人, 也, 論 踐 師 朱子之行與 抑 其 爲 徒 能 堯 諸 勉 猶不足及 而 惠之意 亦 愚 能 所 固 説 講 其 以 身, 齋 或 舜、 朱子之爲 Ħ. 謂 宜 辭 而 不 明 爲 弊 外 惰 求 淵 失 西 自 之 禹、 其 見 蓋 能 於 迄 以 謂 其 Ш 夫 源 士 庶 師 有 習 於物,中 政 彝 孔子之學 紹 諸 始 始 所 無 延 也。 説 今既 甚 其 倫 如 心 君 聞 平、籍溪 前 足 負 於前 喜爲、 説 是 歟? 子之行 今 欲 宋公之 矣 於 哲 矣 老, 足 夜 乎 又 格 師 而 而 者 矣 觀 空 澤 後 者 而 1 士 近 乃 轉

階

制

兼

月 薛 念 戒 及 + 君 勉 所 未 日 名 焉 自 嘗 應族 成 愧 不 悔 宋公名端 於 赧 者 武 四 且 書諸 月 進 汗 + 也 儀 首 日 林林 簡 録 輒 梓 公 論 使 於 名 後 叙 隆 潤 學 學之彦 俱 慶己巳 之 淵 、莆人。 有 源 IE. 所 以

誥 序 太 子 賜 知 進 太 經 士 師 筵 及第 吏 事 部 特 9 或 尚 進 書、 史 光 總 建 禄 裁 極 大 致 殿 夫、 仕 大 柱 學 華 或 亭 少 徐 知 師

 \equiv

重編考亭淵源録序

謂 即 與 公, 旂 復 序 創 藁 顯 考 學 諸 尚 其 先 如 晦 不 與 亭 集 者 考 類 簡 儒 絶 前 公 未 淵 無 諸 共 端 亭 續 廣 林 竟 同 竊 何 源 哉 儒 之 東 先 邑, 公表 公之志 有 之大 旂 録 提 生 幾 而 志 三復 公卒矣。 謂 學 夫道 學 章 焉 則 成 是 愈 以 宗 繫 久 墜 哉 之。 編 乃 事 之在 未 乎 矣, 緒 濂 出 關 莆 及 洛 其 今御 作 敢 無 繫 陽 天 以 然 詳 時 而 遠 下 不 匪 宋 非 示 而 定, 史 嘆 贊 紹 未 爲 異 亦 旂 輕 中 日 自 端 言 成 洙 存 嘗 斯 删 派 而 題 諠 泗 平 息 斯 道 潤 儀 宋 念 孰 其 美 計 豗 日 時 堂 嘗 而 公 H. 忧 其 佩 則 不 草 屬 林 初 編

傳 公 金 乃 其 淵 覆 容 來 山 則 依 輯 復 猶 攻 若 華 之豫 得之 思 同 但 詭 傍 朱 有 君 源 初 未 白 蓋 惟 稿 Ξ 子 龜 時 異 門 訓 子 免 水 金 又 章 愚,亦 也 參 Ш 首 稽 固 焉 之友、及 户 詁 以 之定論 谿 難 而 載 徼 支 講 E 互. 諸 言 不 未 永 考亭 旂 方 濂 近 離 之武 一蔡、廣 不 考 足 之矣。 往 窺 受兹 康 其 之議 名, 溪 訂 論 門 敢 堂 籍 以 寔皆 在 夷 東 不 之 以 附 奥 發 平 所 重 删 淳 嘉 迨 盡 士 此 載, 者 追 明 以 委 和 其 熙 師 正 則皆 今 念 其 伊 不不 繁冗 以 及 皆 質 以 之。 輒 德 嘗觀 理 慶 堂公 于 造 希 洛之所 以 見 以 間 程 敢 又二三 學 元 詣 增增 延 谏 學 淵 門 平 考 遜 大 間 於兹 平 化 之 陽 名 時 高 源 亭 其 日 避 明 自 精 明 以 若 之 其 世 籍 第 之後 編 未 所 謹 編 王 邇 小 所 聞 説 溪 弟 備 廣 次 而 伊 有 數 以 人 漢 漸 子 考 屏 洛 嘗 及 宋 反 不 年 甚 乃 而 而 而

踐,有 滯。 以 嚴 免 而 蓋 以 爲 依據,當不爲衆言之所淆惑、偏 而 之端,王伯義 亭與之往復切磋,反覆論難 真儒 究宋 也 次 必 增 密 初 如是, 合異以反 書之,上續伊洛之傳,下闡淵源之派 入,仍做 稿自廣 之指,咸究 所措手。 因 公未竟之志。 輩出矣。 書以爲序。 則知考亭以集大成 漢 濂溪之例,發端于延平,其諸 利之辨,體 同, 、金華之外、咸未之録。 道待時而 編成,敬復於念堂公就正 其極: 會 博 而 而 此 僭 統 行, 歸 踰 正 散 約, 淵 人 之罪,知不 殊 前 凡德性 感時 源 之歸 庶 見 學者有 之 之所 致 而 所 余悉 知 問問 發, 在 實 拘 學 所

進薛應旂謹序。 皇明隆慶戊辰冬十二月,朔旦,後學武

Ŧī.

書考亭淵源目録後

講學者 於考亭 造 之 無 意 陸 議 覽 베 人,人人有之,人人能言之, 亦 自 乎? 羽 論 者 彌 氏之學,聖門之的傳 縫 翼 元起 得 見 種 考亭 者,是 之。 將 朱、 師 種 也。 日 而 友 蓋 以 淵 陸皆 問 其本來 之列,豈 子是之編乃 明 非 難 云衆 源 日 斯 然 賢 與 録 : 道 矣。 也。 \Box 今之講 面目,真 成 而 舌 亦 而 立 争 其 夫道 也 近 余 措諸 論 比 也 號 學者 世《 既 朱氏 切 不 而 而 爲 原 序 行 **^** 血 同 道 同 知之者蓋 知 于 之矣。 道 也 故故 之,次 脉,恐亦未 學者 所 之學,聖 一編》之 天 在 而 合 苟 編 有 畀於 非 象 則 之, 氏 深 遺 門 有 山 謂

不過 之傳 者 言,孔子教人之法也, 陸子之言,孟 猶 潛 無 悠 之法也。 是 喜 取 者,率少究竟。 正 句 未能 遇 一,「克己復 玩 所 者 躍 如 象 析 詩書執禮,文行忠信,入孝 得 又三 山 漫 究 不 解 事 自參、賜之外 賴 不惑。 勝 也 之書 纏 未見得 無 今觀《論 而 時 年 天之靈,恍 + 縛 歸 虚 旂 前 年 讀之,直 發 而 着 負 禮」, 及罷 雖 力。 乃復 舒 狂 此 從 然 寡 語 叫 手 生, 事 無 每 陃 唯 官 足, 及 》一書,言心 展轉 旦 闖 舉 然 遂 以 日 歸 聞 徧 聞 自 業, 本 而 反 以 披 告 以 焉 陽 視 于 童 則 原 爲 悟 雲霧 觀 顔 孔 朋 明 出 子 衷,年 既老矣。 道 子, 孟 其 儕,凡 而 王 始 人 時 居 在 出 之書, 者二,言 而 訓 所 Ι. 公之論 而 知朱 常 是 即 弟 . 踰 覩 夫 詁 雅 子 則 講 矣 有 青 言者, 五. 易 事 子之 反 教 恐 覺 章 斯 貫 志 簡 覆 終 悠 如 於

梁 墨 子 縱 底 輕 貼 蹴 陶 謂 雖 在 居 友 而 之微 其 壁、 之 裹 寒 之, 當 惠 則 處 視 各 至 不 以 路 若 恭 祖 道 類 浪 時 亦 用 具 遂言 照 語 意 費 汎 吾 父遺之子 以 於 其 其 戒三 開 執 乘 而 之,夫 豊 也 以 中 無 カ 人 道 事 之珠, 成 顧 萬 語 非 忧 心 畏, 能 晦 敬 己 若 世 迨 以 之, 欲 誰 慎 成 蝕 一之太 珍 孫 至 下 與 而 學 漫 故 守 與 物之心 則 祕 齊 若 言 幾 孟 非 人 不 者 門 我 以 而 平。 人 之 宣 子 於 忠 口 六 實 隨 人 非 投 永 將 者 盡 之 蔽 易 語 自 疑 事 出 保 克 人,不 非 褻 此 矣。 時 蓋 五 五 牛 致 上 之 家 其 隨 門 何 玩 不 孟 將 9 力 繩 有 物 儀 哉 也 行 指 如 欲 若 舉 子 夫 駭 者 衍 ? ? 武 賓 九 其 猶 吾 以 所 無 不 横行 則 者 思 是 之 以 此 世 使 不 寔 盡 人 夫 時 而 疑 心 夜 之 能 子 出 古 亦 以 其 無 民 而 與 矣。 足 見 其 楊 必 光 體 之 自 夫 道 甄 處 如 夫

易 子 耳 聞 徒 孔 故 悲 矣 義 功 E 子 殊 孟 旂 王 2,直衆 不當 之微 道 也 門 出 人 嘗 0 絶 日 而 而 而 之所 口 世 道 窮 此 以 而 隨 身 不 與孔 若 難 物 贵 性 爲 子 漫 心 其 少 人 汲 而 造就 孟 以 善堯舜之語 贵 隱 不 故 分 教 性 耳 而 皆 汲 夫 門 氏 君 多 好 經 量 人 焉 0 命 宰、仲、言、 得 以 子 之門,樂克、告子 下 者 子 之法 意 務 辨 各 之 此 拯 而 韞 士 之 其諸 爲 不 哉 其 教, 聞 天 以 有 並 櫝 道 ? 近 特 不 故 下 之, 故 論 所 寶 率 誣 裹 顔 盡 直 同 之 口 子 鮮 得 皆 藏 1 曾、 不 着 以 而 心 也 知 溺 不 有 之徒 視 哉 公孫 必 告之曹交、 盡 矣 所 孟 得 知 爲 不 及門 関 然 爲 得 門 精 性 已也。」 常 得 丑. 號 自 皆 孟 蓋 憂 之 冉 思 談 不 之 稱 今觀之, 養 萬 彬 此 聞 實 孔 卓 世 子 然 高 士 氣 此 門 章 其 踐 彬 然 變 掀 滕 而 道 也 也 之 之 孔 世 爲 翻 世 而

門 不當 史册 之當 之門, 自 篤 相 也 窮 象 王 此 碩 群 與 叔 一公輯《 得之。 究 成 行 土 沈沈 之邢恕也,何 Ш 口 然 勢 道 時 趨 驗 有 蓋 歷 叔 而 日 項 則 本 計 前 凡脩 今觀 之。 有 朱子 非 而 歷 進 項 自 晦、 其諸 功 必 所以 吾 可考見也。 分明 無 垂之後世。 黄 象 致, (責效之心, 己治 舒 至 而 人當 (直卿、 晚 己 Ш 元質 者 足論 其 相 學不 年 ; 晚 其 人之道,化 所 耳 博學、 知 反 定 年,教 叛 0 (之外, 有得 蔡季 哉。 成 也 所 容 論 徒 象 凡 趨 夫 就 而 \forall 0 於 審 通 Щ 仍 固 具 學 先 人 列 向 ,罕有 似 自 問、慎 考亭者, 之 存 問問 以 讀 孔 在 矣。 難 於 民 兩 若 楊 門, 門 之真 下, 初 書, 後 兹 成 録 先 考亭 聞 藁,亦 敬 之 中 獲,學者 先 俗 録 生 思 須 焉 東南 率多名 伯寮, 仲、 之功, 是 的 者 學者 寔 蓋 有 是 明 可 所 寔 反 得 袁 陽 考 之 則 具 辨 多 程 以 覆 於 自 亭 在 行 儒 士 明 古 和

永鑒云。

隆慶己巳春正月,既望,後學薛應旂

謹

書

八

考亭淵源録卷之一

後 後 學前 學武 後 學 莆 陽 進 陽 薛 宋 林 應 端 潤 旂 儀 校 參 初 修 正 藁

延平先生李侗

四, 淺深,求益之先後,若存若亡,其詳不 而 古之聖賢莫不有 生之、師教之、君治之。 考。 聞 其略 李侗,字愿中,南 郡 惟洙泗之間 人羅 曰 從 侗 彦 師,其肄業之勤惰,涉道之 聞 、七十二弟子之徒,議 得 之, 河 劍州劍浦人。年二十 天下有三本焉。 闕其 洛之學,遂 一,則本不立。 以 可 書 得 父 謁

明矣。 之愚 疑。 粗 其至。 擴 道 問答, 禄 群 飽 物、蓋亦莫知其所以然也。 飲人以和,與人並 席有年矣,況嘗及伊 立 而今日拳拳欲求教者,以謂所求 熄焉,可 有識 之以 所以 一門户 也。 ,衣之禦寒也。 於千五 鄙 至 具在方册,有足稽焉,是得夫子 ,天下真儒 抑 ,徒以習舉子業,不得 於異論之人, 孟氏之後,道失其傳,支分派 漢 廣 見者,孰不 也。 相傳授者,句 唐諸 侗 大,體之以 百年之後。 聞之: 侗 儒 惟 無 人有追於饑寒之患者,皇 先 不 願 立 道可以治 川先生之門,得不傳之 生服 固 近 復 得授 性 讀 而使人化,如 當置 似者。 一恕,精 見 明 文 膺 於世。 經門 義 而修,行完 凡讀聖賢之書 龜 而 而 心,猶 服 深 至於不 Ш 勿論 已 下, 微妙, 役於門下。 先生 有大於利 其 爾 以質 春 聚 食之充 也 别 而 一之講 風 言 各 徒 而 謂 潔 所 侗 發 極 之 益 自 而 成

身 求 焉 間 體 多 未 起 矻 衵 於 心 哉 心 焉 爲 充 而 不 有 父 爲 固 先 以 精 廣 饑 不 所 之不治 爲 擊 利 不 禦 生 敷 神 儒 衣 止 弗 而 而 若 禄 之 寒 不 學 食 喜 思 意 先 之 累 充 起 之 燭 之謀 朝 怒 有 全 甚 學 生 家, 具 夕 理 而 易 也 矣 没 親 恐 未 也 智 不 世 以 造 炙 雖 懼 明 巧 今生二十 忍 侗 摇 不 次 之, 知 不 不 襲 墜 不 知 而 顛 真 然 操 箕 量 慮 得 啻 是 沛 儒 揀 履 裘 資 贵 於 安 如 非 未 有 質之 之 焉 有 不 敢 動 熊 無 愛 始 作 業 完 而 几 静 寒 以 以 忘 11 歲 陋 不 語 聞 切 不 孜 辨 而 不 巾 淨 肖 身 茫 默 若 徒 悔 風 孜 者 之 守 吝 宅 平 之 矻 而 以 至 П

坐 而 孟 求 Ž 從 所 從 説 彦 之 謂 **\$** 累 中 從 静 者 年 彦 中 , 久之, 授 看 好 喜 静 春 而 怒 坐 秋 於天下 哀 × 侗 樂 ^ 退 中 未 庸 發 之 室 理 × 前 中 ^ 該 氣 語 亦 攝 静

言 吾 然 非 感 澄 故 倦 食 焉 相 亦 能 肅 剛 飲 洞 吾 其 言 所 説 切 冰 退 香 穆 而 心 多 或 貫 雖 未 笑終 事 化 磨 聽 言 嫁 若 忤 所 解 不 既 體 隨 以 者 矣 至 及 者 凍 充 而 日 而 認 無 侗 又 次 0 者 也 多 釋 退 : 日 即 則 事 得 天 淺 人 而 處 又 融 居 矣。 油 吾 聲 之 皆 學 爲 怡 理 深 夫 日 又 釋 Ш 油 身 得 經 問 然 口 子 施 日 : 恐 如 田 而 如 以 各 理 其 自 勉 若 之 爲 教 孔 衆 於 學者之 也 求 賑 懽 謝 有 道 適 是 之 而 9 門 事 融 讀 而 之, 助 條 絶 心 進 依 9 諸 自 釋 雖 書 不 其 之。 必 事 世 序 矣。 歸 子 則 理 病 接 者 而 在 自 閨 親 故 凡 毫 多 後 不 日 群 反 門 與 孝 餘 若 從 聖 在 知 親 言 學 脱 用 居 私 身 鄉 謹 内 几 直 彦 賢 於 其 戚 答 落 之 欲 終 自 + 求 未 但 所 仲 哌 所 有 間 之 處 得 處 日 年 之 言 默 問問 有 至 稱 貧 夷 兄 發 始 文 莫 非 灑 愉 而 觀 交 业 不 許 飲 性 食 不

以言 間 奚 者 遺 落 字 顔 不 遇 諷 也 此 蹊 曰 以 事 _0 策 學 徑 . 事 誦 . 然 以 如 之歎 爲 嘗 矣。 之, 者 不 廓 聖 中 後 光 講 資 是 哉 以 所 差 然 篇之 門 學 미 誦 庸 而 風 擴 發 黄 然 以 拘 卓 之 霽 説 切 **>** 充 顧 而 明 若 矣。」 所 庭 流 以 然 指 傳 月 其 必 在 謂 而 義 堅 概 謂 於 若 要 是 也 深 學 往 例 爲 不 其 以 理 之 『喜 法 也 疑 有 體 書 者 潛 爲 善 理 少 語 稱 無 所 似 如 之於身, : 縝 怒 形 玩 其 進 濂 所 見 若 然 觀 亂 春 密 9 哀 容 物 存 所 矣。」 不 溪 徒 所 Ш 真 而 秋 而 喪 樂 有 通 此 周 以 然 記 以 水 不 之 **>** 志 不 道 未 實 於 茂 開 後 難言 其 誦 察 曰 説 則 徙 違 者 者 見 發 悟 胸 叔 其 氣 而 語 而 庶 步 乎 幾 氣 $\overline{ }$ 謂 者 是 後 中 分之 己 味 ^ 乎 胸 不 希 而 心 象 中 之 春 理 , 學 深 其 蓋 形 目 中 自 則 庶 庸 秋 中 殊 長 之 若 又 勢 嘗 以 亦 無 幾 灑 知 口 **>**

端 學 怕 於 邁 以 中 勢 心 衰 常 郎 或 堪 振 無 雖 詳 謂 熹 日 至今不 面 如 朱 任 失 人 論 而 有 義 之 孤 知 冰 耶 閑 目 義 松 用 事若 卒 粟 充 利 事 言 壺 心 泰 利 ? 與 得 養 是 不 感 人主 秋 推 色 吾 不 侗 自知 無 其 完 分 侗 致 激 温 月 測 自 分 而 得 爲 甚 傳 粹, 既 上 言 熹 當 動 聖 然 而 瑩 可 百 覺 0 閑 故 下 人。 人, 厲 亦 於 之 無 食 否 澈 門 沙 居 綱 自 之 此 中 稱 諸 復 神 人 未 縣 無 友 留 不 嘗 王 氣 侗 圭 趨 無 瑕 及 定 鄧 到 若 也 振 意 「資 安 雅 間 日 意 其 角 利 聖 氣 迪 有 0 非 石 重 隔 故 當 怬 禀 不 而 嘗 人 和 是 成 吾 精 侗 用 世 今 然 灑 勁 酢 謂 不 時 而 法 曹 事 語 純 特 心 知 事 然 松 遣 中 日 所 吏 則 而 之 邪 義 處 默 日 平 及。 子 陷 <u>=</u> 或 部 傷 氣 是 氣 動 : 熹 綱 日 節 員 日 贵 斷 所 則 溺 時 達 松 恂 愿 謂 從 外 主 以 不 憂 能 不

州 學 年 書 郡 如 義 幣 此 理 擢廣 辭 更 來 請 則 去 有 侗 迎 東 復 训 有 子 養 來 截 侗 · 友直 江 0 然 往 東憲 歸 信 則 不 見 道 一、信 所 甫 口 之, 以 武 聞 仕 犯 甫 益 夷 至 至 特 者 超 皆 監 之 立 會 絶 日 不 察 舉 又 閩 容 進 御 謂 其 疾 帥 於朝 史, 士 作 上 汪 出 試 應 自 達 云 遂 知 從 吏 辰 不 卒 旁 衢 以 己 侗

備 遺

者於 退 明 而 而 依 未 學 亦 乎 求之當 及 畎 者 未 晦 中 畝 傳 嘗 庵 亦 庸,遯 之於 之中 莫 輕 日 世 之 以 世不 ·, 悠 後。 識 語 殆 先 絶 人 然 見知 生之道 而 是 倫 不 先 故 以 比 知 生方 而 進 上 老之將 不悔』 德 然 之 不 且 純 獲 人 不 玩 備 者 求 既 至 施 其 之 莫 知 學 先 蓋 所 之 於 於 術 安 生 所 時 知 世 庶 謂 樂 通

> 幾 焉

曾 得 自 涵 著 然 琢 養 磨之 將 書 問 不 去 延 口 充 力。 平 及。 養 初 先 得 無 初 生言行 異 極 亦 義 好 是 豪 只 凡 邁 晦 是 爲 底 學 庵 先 生 不 : 晬 到 過 面 後 是 他 盎 來 恁 却 也 地 不

勝 他 事 真 物 問 個 所 日 是 勝 : 者 延 如 先 平 此 古 謂 生 涵 常 云 養 存 自 終 此 是 日 心 别 無 勿 真 疾 爲 言 所 事 遽 謂 色 物 不 爲 所

存 養 處 先 生 意 只 是 要得 學 者静 中 有 個 主 室

其下 是 中 夫 舊 者 喜 工 怒 問 日 夫 哀 : 下 與 \sim 得 樂 處 伊 延 亦 語 之 111 平 是 太 之 前 行 有 重 説 氣 狀 些子 若 象 * 今 云 爲 以 不 偏。 : 伊 如 相 終 何 111 似 只 之 日 是被李先 而 語 危 曰 求 格 坐 其 這 所 以 生 則 處 謂 驗

静 得 極 1 ',便 自 見 得 是有 個 覺 處

楊氏 續 最 又 便是已發。 這 是 曰:「延平 不 個 . 斷 那 問 體 亦 不大段計 難 有 驗 延平欲於未發之前 爲 些病。 於未發之前」者異 若 説 祛 觀 除 人心 時 利 那 恁著 害, 今看 體 中 乍 大段 意 驗字是 得 往乍 看 來 惡念却 觀 同 便也 是 來 有 其 加 如 底念 個 氣 何 此 是已 易制 象 思 ? 慮 一發。」 思 此 曰 相 伏, T 與

忽

也

如

此 未 乃 發 龜 李 時 先 Ш 氣 門 生 象 取 下 分 相 人, 明 傳 指 即 大 訣 處 抵 **\$** 事 於 應 静 物 中 自 體認 然 中 大本 節

看 切 説 掃 便自 來,今日 去, 大 抵 覺 放 思 得 教 索 方真 有 胸 義 下 中 理 實驗 落 空 到 處 蕩 紛 得 蕩 亂 如 此 地 此 窒 説 T 寒 白 處 却 見 李 舉 須 先 是 起 生

學之人何異 若著些利 害 便 不 免 開 П 告 人,却 與 不

> 古 亦 此 可 人 以 所 向 少 遭 見 後 李先 患 安 來 難 矣。 臨 生説 有 事 大 始 9 不 ,若大段 者 却 可 甚 覺 堪 卑 有 者, 其 排 得 説 持 遣 力 以 不 以 處 去 自 爲 不 只 何 至 口 則 思

見 此 中 其 個 間 持 道 舊 無 見 守之功矣。 理 講 李先 , 時 習之 常在 生説 助 幾 心 目 成 少 間 從 廢 墜,然 師 未 友, 嘗敢 賴 幸 忘。 天 有 之靈 所 此 聞 口

籍 溪 先 生胡 憲

陽 不 安國 妄言笑。 胡 憲 從父兄之子 字 稍 原 長,從安國 仲 9 建 也 州 崇 憲 學 安 生 始聞 人, 而 沈 故 河 静 侍 南 端 程 讀 氏 南

0 取 晦 庵 集》卷 四 + 作

六

其 之 學 詔 猶 既 質 其 辭 憲 子 非 謂 見 乃 E 易》 名 其 不 學 不 益 而 行 親 獨 説 范 慕 唯 且. 者 道 者, 彦 於 起 古 義 與 從 爲 冲 求 學 是 質 安 涪 聞 鄉 尋 之 乃 亦 手 人 非 古 國 乃 朱 郡 人 陵 人 於 以 遊 皆 口 當 書 知 克 震 授 西 守 劉 鄉 朝 稱 處 毫 明 注 己 然 陳 府 左 日 貢 魏 致 其 士 劉 不 耳 心 功 大 以 迪 中 詔 有 譙 石 又言 子 取 日 高 蓋 夫 陰 義 功 益 爲 特 隱 天 羽 於 憲 太 揖 仰 郎 衆 心 也 誦 遣 徵 君 授 於 於 學 開 人。 諸 之。 日 爲 耶 之。 子 베 行 上 添 是 譬 生, 祉 ? 久 物 之操 竊 義 力 差 喟 甚 會 於 未 時 講 漬 諸 憲 促 吕 歸 建 田 然 力 是 自 兀 賢 有 以 隱 生 州 召 本 賣 祐 歎 是 故 從 而 得 + 母 中 學 于 愈 藥 日 憲 臣 不 大 鄉 既 急 老 教 故 有 意 不 里 以 能 共 折 夫 人 天 V 辭 授 禁 Ш 得 憲 授 學 致 以 彦 聞 士 奉 下 所 有

門 霧鬲 嘗 書 群 塞 之, 樂 無 請 復 參 以 而 兀 賢 學 寬 居 不 人 省 鹽 留 以 觀 古 復 乃 言, 弟 稍 + 之, 爲 官 IE 私 者 政 馴 如 其 人 請 出 子, 年 字 復 福 舍 爲 再 行 所 販 所 奉 而 拜 進 於是 蓋 言 建 己 者 稱 以 益 莫 求 已 祠 帥 命 用 之 路 修 泊 以 得 不 以 守 七 雖 龔 於 謂 學。 教 安 身 爲 疑 白 監 然 顧 年 歸 銖 是 既 何 必 H 撫 之。 怪 爲 無 不 南 不 就 兩 以 翕 所 不 益 聞 司 是 悦 徙 大 復 嶽 必 廉 然 以 職 復 者 乎 準 會 到 理 當 時 官 廟 尊 起 憲 節 事 重 始 備 秦 H 次 館 世 以 口 士 著 信 坐 親 於 而 當 差 進 乃 之 下 直 檜 歸 而 日 是 悦 笑 皆 所 諸 累 憲 念 遣 奏 用 母 益 服 有 居 事 爲 未 事 年 迎 以 月 辭 生 化 中 帥 累 去 行 及 陳 致 殿 即 益 接 而 郡 守 意 又 天 年 而 受 檜 之, 法 中 高 秩 疑 默 改 大 告 地 滿 默 秘 閉 禁 俾 間 而 雖 不 之 程 無

者 故 主 臣 憲 論 時 能 在 室 病 管 浚 乃 獨 一,而 十二年四 留 當 者 浚 不 錡 崇 之不 始 雖 極 能 中 必 錡 惟 愧 道 意 或 朝 卒 外 敗 皆 歎 觀 顯言 頗 陛 得, 召 有 爲 盟 即 月十二 以 下 心 用 識 使 上 積 草 爲 服 亟 皆 無 亦 今元 歸 毁 説 疏 而 起 謂 所 感 日 而 所 言 而 憲 而 然 虜 顧 其 臣 傷 繼 食 卒,年七十 則 : 用 未 果 避 言,以 其 宿 其 以 之,臣 上 敢 南 虜 將 説 禄 病 疏 意 斥 牧 人 者 不 人即 爲左 惟 有 然 大 於是 死 起 亦 非 有七。 未 張 正 治 不 矣。 益 求 此 一宣教 言 釋 浚、 向 . 恨 衆 汴 去。 兩 之 然 之 京 紹 矣。」 劉 人 也 郎 者 諸 疑 莫 宫 興 以 錡

説 即 植 人 或 之 立 獨 犯之,未 温 憲質 嘗纂《 時然 然 本 後 雖 論 恬 言 嘗 當 澹 語 較 倉 説 望 也。 卒, 而 **>** 一之枵 數十 培 不 其 養 見 讀 然 家 深固 其 書 如 復 不不 有 槁 。平居 沙取 疾 木 務多 之枝 言 其 遽 危 爲 要 色 訓 而 坐

> 焉 屬 時 致 附 更 致 其 熹 中、 相 以 中 松 己 切 日 子 使 子 既 志 説 磨 狀 親 翬 病 其行 與 之 以 既 Ħ. 尚 他 門, 就 没 與 幼 文 其 俱 而 遂 草 學 隱 不 熹 因 槀 ٠, 克 而 又 事 以 藏 銘 朱 得 憲 屬 于 劉 松 其 爲 淳 子 亦 最 子 熙 翬 晩 熹 平. 久。 五. 與 於 而 生 、之遊 年 憲 定 與 憲 劉 交 葬 及 乃

備遺

片 粘 紙 書 兀 置 古 晦 一壁間 人懿 日 俾往 行 先 或 生 來誦之,咸令精熟。」 詩 教 文 諸 銘 生 一,於 贊 之有 I 課 補 暇 於 以

屏山先生劉子翬

劉子翬,字彦冲,贈太師韐之仲子,以

子 其 置 復 惟 教 與 勉 羽 或 七 翁 事 當 除 父 説 翬 之交, 之不 1 遊 累 難 年。 聞 通 任 新 盡 世 以 喜 安 孝 以 H 畫 言 皆 詔 授 不 半川 子 爲 佛 朱 懈 間 友 及 計 而 相 海 堪 大 圃 翬 承 學《易》當 熹 熹 氏 俾 走 返 備 珙 得 化 任 内 吏 痛 務 子 其 説 佩 而 請 禦, 卒 子 軍 事 憤 郎 知 己。 父 之 羽 妻 益 有 每 暈 幾 歸 名 辭 如 之子 終 墓 辟 死 寇 見, 立 無 士 素 而 子 身 先《復》,故 初, F 真 不 歸 始 人 以 讀 翬 服 講 珙 定 瞻 再 熹 而 武 閩 與 執 爲 ^ 告 戎 熹 學 幼 望 府 易 娶 期 境,子 父 夷 籍 喪 生 事 以 外 後 徘 幕 ×, 以 松 Ш 溪 英 致 事 者 ^ 卒 無 徊 屬 即 任 以 易》 廬 且 胡 敏 羸 繼 鳥 不 翬 雜言 是 涣 賊 重 憲 嗜 涕 死 墓 疾 出 母 儒宗。 與 之「不 韐 告 白 然 致 學, 泗 不 以 及 者 郡 自 死 遠 熹 有 年 敢 嗚 熹 兄 將 他 水 子 凡 號 靖 焉 者 得 犯 叫 遠 託 翬 子 所 劉 子 張 + 病 服 康

> 學 詩 者 付 者 已 珙 日 澹 稱 感 家 然 乃 爲 微 事 如 訓 屏 疾 指 平 學 Ш 即 日 者 示 先 謁 葬 修 生 家 居 處 身 廟 求 日 處 泣 道 而 親 别 數 卒 戚 13: 白 孤 9 言 年 與 弱 川 親 彈 之 朋 瑟 無 訣 業 賦

八

備 遺

子 暝 如 隋 漢 而 復」名,西以 之士 、唐之士 波 既 下,易學廢 滚 知 初 公學尤深 一爲章句 之 不 沙 矣 知 9 爲 反 其 可 矣。 「蒙」名。 辭 所蒙,晉、魏之士 豁 以 於《 不 藻 然 自 易 競 所蒙 者 渾 競 \forall 國之士 常 蒙齋之記 家 肅 存 如 皆 有 肅 也 谷 東、 處 一爲 以 騰 養 偏 談 爲 西 有 霧 其 滯 説 虚 吾 H 聖 而 所 齋 無 反 與 耶 蒙, 所 不 以 東 蒙 反 自 兩

兀

晦

跋

先生文

集

曰

:

先

生文

辭

之

偉

之萌 退 古 之 足 者 風 以 形 驚 所 宜 於 世 盡 文 之 墨 心 耳 世 有 目 ___ 足 以 然 發 其 蒙 精 蔽 微 而 之 銷 學 鄙 吝 静

問 敢 屬 乃 生 也 朝 請 竊 子 利 味 . [0] . 之懿。 其 熹 問 失 焉 窺 獲 夕 人 道 墜,以 末 手 學 自是教詔 誨 見 待 所 甚 跋 喜 書 次 先 先 其 左 競 誘 室 有 生 生 第 自 右 逐 勉 蕭 示 日 遺 殁 欣 爲 先 者, 其 子 力 然, : 傾 益 然 後 與 帖 後 孫 大 生始 漠 倒 詳 無 嘉 病 教 發 曰 屬 業 及同 然 無 異 其 : 其 中 人 期許 之 疾 若 餘 亦 志, 禪 者 無 所 先 志 語 但 無 衲 熹 若 封 可 生 益 乃 以 使知 見 適 遺 與 開 不 熹 重 壯 日 舉 也 視 在 書 語 泣 示 相 歲 子 跂 至 0 世 一受實 授 外 似 爲 棄 復 幸 慕 一爲其 熹 見 之 詩 學 官 子 前 有 项 暇 聲 蚤 期 藏 門 修 片 道 之 歸 端 日 以 色 篇 不 户 平. 歸 僭 紙 省 熹 童 權 居

白水先生劉勉之

傳, 言 楊 道 探 踰 厭 京 陵 至 毋 \Box 而 科 篋 得 譙 流 冠 0 文靖公。 南 師 成 得 勉之心 都 舉 解 挾元 徙。 天授當從 耳 劉 即 滂 其書藏 袠 之業。 目 勉之,字 見元 往 鄉 沛 祐 ,下帷然膏 所 名 舉 閎 扣 皆 接 爲 書 獨 城 焉 去。 詣 闊 程 請 知 劉 制 太 致 盡 子 凌 業 其 道 忠定 日 深 學。 過 中 師 得 遊 厲 焉 德 非 0 棄 夜 生 不 其學之 潛抄而 頓 是 者 公。 兼 同 時 收 自 録 復 挫 而 邃 舍 蔡 牒, 忘 司 幼 陰 而 忠 過 易 生皆 京 連 儕 强 訪 寔 本 默 揖 定 學, 毘 坐 學 用 輩 其 伊 以 末 誦 尤 諸 陵 熟 法 事 少 爲 之。 洛 鉗 適 日 奇 生 方 寐 能 文 見 既 程 犯 以 天 誦 其 及之。 而 龜 事 聞 下 者 禁 肆 乃 氏 而 數 Ш 遂 涪 始 之 之 罪 筆

計 之 皆 將 + 深 不 以 郊 子 方 口口 有 有 勉 留 務 列 年 自 蕭 條 暈 之 外 注 得 行 爲 語 一之句 嘗 方 給 若 焉 受 之 列 屯 理 友 己 數 心 劉 謀 以 其言 别 其 且. 善 用 學 + 高 不 子 澹 世 復 小 寤 墅 亂 行 屑 則 H 仰 翬 若 而 日 中 詩 傳 結結 後 疇 誼 寐 焉 他 爲 之。 告 無 其 精 原 以 問 志業 昔 以 俊 作《招 故 人 求 草 踐 以 講 思 而 訊 爲 所 傑 以 所 中 爲 於 Ш 平 履 力 論 論 聞 實 攄 以 有 書 堂 室 世 日 不 生 與 行 説 切 劍》之文以 録 宿 聞 舍 廬 以 行 及 啚 磋 品 言之善 讀 老 而 憤 朝 荒 於 人 莊 己 聞 事 處 是 爲 大 書 夕不 頓 朝 吕 篤 V 者 功 時 事 時 而 多 其 鉅 0 朝 本 未 國家 賢 乃 中 材 祝 怠 特 細 與 融 無 大 中 其 本 有 + 即 之, 詔 顯 不 胡 會 節 + 中 南 知 於 大 力 建 微 詣 貫 傾 憲 之 其 當 乃 定 耕 渡 年 以 夫 陽 而 闕 通 盡 卒 莫 若 與 幾 尤 堅 皆 世 劉 稼 近 至

> 紹 出 荒 志 不 讒 謁 名 行 策 觸 天 之 如 之士 復用 試 忌 亂 興 聞 下 不 語 此 即 竄 7 Ē 益 後 諱 移 0 時 -能 海 日 莫不 論 尊 既 九 乎 : 省 日 平。 外 謝 年 於 尤 至 時 以 寶 病 彌 給 是 故 不 意 哀 没 時 會 毋 歸 劍 札 加 相 欲 月 竟 Ш 之。 又 秦 深 徠 歎 林 趙 使見天子 + 不 俾 方 百 檜 杜 藏 鼎 之士 重 奉 及 日 決 時 上 已 0 門 0 出 也 君 知 + 其 屈 顓 其 然 鎮 試 勉 不 王 己 或 對 年 餘 所 南 其 之 談 而 顧 和 柄 望 Ŧi. 年 州 去 卒。 者 撫 當 戎 利 + 勉 於 爲 未 造 之 道 世 害 兀 之 勉 有 亦 其 幾 卒 養 策 夷 經 事 知 之 皆 敢 事 益 其 道 即 者 廢 第 定 盡 惡 非 日 熟 里, 遭 錮 蓋 有 不 **令** 聞 己

而 處 接 不 物之際 勉之學本 動 聲 色。 恂 爲 恂 平 己 和 居 悦 嚴 而 敬 才 色笑 自 唐 可 持 世 親 用 若 不 其 臨 口 臨 事 犯 裁 財

考亭

淵

源

録卷之一

學門户,以及前言往行之懿,終日亹 盡 後 議 獨 賢者,舉而畀之,使奉其先祀。其與人交, 以 廉 以 慨 府,勉之墓在草堂涉溪 知 誠 三桂里之學士原。 色,自壯至老,如一 恩 信 貲 其 然 事 因 爲 其 一介不妄取。少 女歸之。 爲 爲 移 以息。朱松蚤與勉之遊,松將没,深 本 懇 産歸女氏。 經 、寄,且戒其子熹往學焉。 松殁,勉之 書,具陳本末。寅感其言,爲數 ·親、鄉人多竊議之,而莫以告。勉之 側。同 學者造門,隨 理其 親 家事,而教 里胡寅,蚤 舊 既 慶元戊午,熹爲表其 日 覊貧, 收 謝 時 也。 不 其 西 婦家富 出 納,又擇其宗屬之 北 材品,爲説 誨 建州 恤 熹 爲季父後,不自 七里所,群 扶 而 如 於今爲 助,亦皆 子 無子,謀 姪,既 聖賢 亹 深歸省, 建 無 玉 鄉 倦 曲 又 以 寧

考亭淵 源 録卷之二

考亭先 生朱熹

著 之,除 卒 策 也 外 風 軍 父 馬 議 作 松,字喬 御 郎 史 郎 熹 喜 史 和 朱熹,字 秘書 招 幼 論 松 館 松爲 以 穎 松 與與 省 年 校 悟 御 + 懷 日 屬 元 正 勘 史 天之上 異 字。 甫 列 晦 進 辭 中 歷 自 Ŀ 能 士第 派 司 趙 章 言 賢 字 鼎 何 常 勳 極 鼎 仲 父指 再 物? 百 言 都 胡 出 吏 晦 相, 疏 其 督 世 知 部 天示 薦 除][將 徽 不 饒 松異之。 郎 可 校 州 州 除 陝、荆 謝 之 書 婺 秦 度 曰 克家 未 檜 源 郎 檜 支 人。 天 決 遷 員 襄 薦

問

日

就

禁 是 元吉 嶽 民 興 畫 傅 女婦 充 + · 非 廟 沙, 授 弟 八 口 视之, 以 人也。」嘗從 之爲 子 年 召 明 / 孝 年 以以 員 進 僧 八 士 經 日 疾 以 卦 第。 **%** 道 辭 輔 與 也。 者 講 臣 群 主 説聖賢 薦 兒 閲 年 泉 罷 戲 與 十八,貢 歸 州 題 沙 徐 修 同 其 E 請 度 己治 安 獨 上 祠 簿 吕 日 于 監 端 廣問 鄉 人之道 選 潭 坐 州 邑 中 不 以 南 秀 韓 若 紹

大 不 不 講 而 子、釋氏 不 聖 可 中。 卓 過 出 躬 定 治 以 朝 孝宗 風 雖 帝 不 政 道 誦 之書。 未 王之學,必 加 利 即 ; 雖 文辭 有 意 虚 害 未 位 過 無 休 詔 有 夫記 失 吟 陛 寂 戚 闕 前 求 咏 下 滅 遺 先 雖 誦 直 情 毓 帝 前 非 非 不 格 詞 德 言 王 性 徧 物 藻 所 脩 一之學 之 舉 致 又 熹 以 攘 非 初 知 頗 之 上 貫 木 所 而 親 留 計 本 以 本 以 封 口 御 意 原 末 極 探 不 以 事 簡 夫 淵 於 之 言 可 而 不 老 地 事 立 源 熟

尚 其 肆 之 廷 戚 言 紀 力 願 於 物 誠 地 耳 E 者 計 虐 之 在 緇 我 之 鰦 心 係 失 强 以 勢 變, 以 有 正 不 監 亦 守 四 厲 、勢者 病 弱 者 義 時 不 在 司 令之賢 海 風 而 使 民 定 理 共 之本 朝 觀 俗 贵 口 利 義 者 之公 者 戴 既 廷 彼 以 病 理 無 莫 景之 按 否 天 也 而 數 講 應 所 其 係 見 非 已 之 年 閉 天 存 和 人? 其 0 宰 監 斯 淺 欲 售 之 下 闘 之 纖 交 今 執 斯 深 司 之 民 後 説 絶 則 之 悉 私 臺 者 務 民 之休 顧 誤 約 徐 不 或 畢 監 之 諫 之 守 0 陛 之 起 可 富 得 狀 之 任 次 照 司 下 戚 令之 也 而 賢 和 兵 姦 其 言 親 而 無 圕 則 强 舊 所 也 斥 贓 使 斯 自 綱 之。 夫 自 去之。 賓 能 明 狼 民 而 本 視 0 金 修 然 矣 休 原 吾 立 攘 知 朝 次 意

之道 隆 在 興元 平 格 年 物 復 以 召 致 其 對 知 其 陛 下 言 雖 有 生 大 學 知

進 改 稱 辭 復 次 二言 之 禄 召 年 爲 時 古 之 爲 以 於義 之。 0 際, 不 主 者 性 樞 應 合人官 相 先 以 \perp 克 及 和 乾 高高 密 : 聖 事 湯 未 未 部 非 家 養 院 上 道 思 王 論 君 終喪 未 免 戰 世 侍 奏熹 是 日 辭 編 元 退 所 不合 父 蔽 安, 主 無 郎 修 年 以 方 以 之 欺 以 管 行 官 屢 胡 九 舉 辭 再 熹 促 復 台 倡 强 訾 召 銓 歸 年 待 0 措 辭 就 而 售 平 安 和 本 不 州 不 以 七 之 未 次。 治 議 貧 職 崇 梁 折 與 起 詩 非 年 間 嘗 之效 淳 克 守 衝 共 道 年 守 除 9 隨 既 宜 熙 五. 道 觀 家 既 戴 動 薦 無 威 熹 事 年 陳 至 元 免 相 天 涉 所 以 廉 武 制 褒 以 俊 而 年 熹 喪, 與 Ţ 疑 以 制 學 退 申 遠 觀 録 洪 卿 E 以 今 内 貳 勝 未 始 前 復 博 可 人 适 理 求 庭 劉 執 著 日 艱 拜 嘉 命 之 召 爲 士 退 所 政 珪 0 珙 且 聽 即 命 道 相 待 特 俱 以 薦 其 又 百 六 陳 納 理

書 派 大 熹 遺 相 年 茂 再 0 辭 良 以 欲 言 熹名 即 獎 用 從 進。 其 廉 時 請 退 權 除 主 倖 以 秘 管 群 勵 書 武 小 風 郎 乘 夷 俗 力 Ш 間 辭 冲 讒 龔 佑 茂 毁 且. 觀 以 良 手 乃 行

郡 乞依 路 賢 爲 然 必 術 務 與 值 道 二二講 之官, 守條 臣 後 人 以 《學規》,俾守之。 歲 ,莫大於恤 然後 主 格 立 有 不 Ŧī. 遠 之 具 紀 論 所 推 年 雨 乃 小 熹 心 繫 賞 綱 民 可 史浩 講 再 術 訪 納 而 間 得 民 求 辭 講 公平 白 粟 蓋 立 利 而 再 荒 , 鹿 人 天 明 病 不 正 而 相 政 正 下 洞 君 義 明 恤 許 除 大,無 間 書 之 多 心 理 遂 民 年 今宰相 院 詣 知 所 之 紀 之本 不 上 夏,大旱, 至 遺 南 郡 能 疏 綱 全活 歸 偏 郡 學 址 康 言 在 不 以 黨 閉 臺 軍 自 興 能 奏 引 反 省 塞 一天 人君 訖 利 以 詔 正 側 復 進 私 降 自 師 事 之 監 其 除 士 下之 必 邪 Œ 旨 私 立 傅 舊 子, 害。 司 之 親 心 便

> 者 暬 引 卿 下 賓 自 承 相 擠 耻 功 謀 乃 守, 望 置 援 之鄙 議 友、諫 排 之心志,使陛 者,文武 利 2 其 濯 之 者 將 師 能 而 交通 態 卑説 一,不 風 傅、賓 略警 未 真 諍 所 山口。 之臣 嘗 清 竊 彙 過 貨 下 ; 逐 敢 者 顯。 友、 分,各人其 其 賂 則 不 _ 其徒黨之一二,既 下 皆 皆 招 幸 諫 樂 言 不 失 所惡 所 近習之臣 陛 諍 集 能 莊 其 信先王之大 盜 以 下 之臣 天 自 士之讜言 職 斥之。 者 之 下 <u>7</u> 則 門。 皆 柄 土 或或 而 者 密 陛 大 陛 行 所 反 亦 陛 其 下 夫之 上 下 喜, 訾毁,公 道 出 之財 不 甚 而 不 下 以 所 其 皆 畏 過 能 則 嗜 安 蠱 與 而 門 公 龊 謂 深 陰 於 惑 利 説 親 牆 有 論 肆 命 龊 室 爲 無 私 於 陛 密

0

[「]行丞相」、《宋史·道學三》作「行丞相事」。

² 史 陛 道學三》作「 皆 謂 晦 陛下所謂 庵 集 》卷 作 「雖 陛 所 謂

門。 其 所 朝 號 所 是 **令** 柄 夕 在 傷 以 朏 名 我 而 而 且 爲 勢 陟 爲 陛 終 成 陛 云 不 亡 下 亦 威 : 下 復 也 獨 不 立 獨 出 莫 未 敢 斷 於 大 中 之 熹 IE. 朝 之 外 知 言 而 以 廷 0 靡 禍 實 以 疾 上 然 請 此 擣 而 必 讀之大怒 向 祠 出 其 至之憂, 之, 於 囊 不 槖 使 報 者 陛 窟 人 近 陰 穴 下 日 之 在 之 執

納 平 日 相 前 否 高 下 其 之。 粟 單 茶 自 疾 力 所 Ŧ 之 賞 車 淮 奏 鹽 見 陳 公 愈 宰 俊 就 奏 納 矣 不 若 消 粟 事 甚 相 卿 改 遂 人 熹 大 趙 以 上 受 則 復 未 其 旋 雄 舊 提 以 職 人之譽之愈 以 長 言 推 録 相 舉 爲 名 納 賞 救 於 守 而 浙 然 荒 粟 用 上 金 東 辭 乃 之, 之 陵 日 常 對 除 未 勞 : 平 會 彼 衆, 過 首 熹 推 茶 士之 除 浙 漸 闕 提 無 賞 陳 鹽 東 直 當 舉 災 乃 好 公 見 辭 大 秘 事 異之由 江 適 事 饑 任 名 職 閣 西 薦 所 名 即 宰 以 常 能 陛 以 熹

之 習 體 與 賤 畫 獪 進 廷 切 時 大 士 輕 制 得 蓋 之大 權 夫 之 貌 之。 便 見 大 聽 0 脩 其 嘗 始 而 之 夫 術 嬖 人 既 有 外 又 選 德 此 得 勢 之言 慮 側 體 陛 輕 建 時 廷 莊 任 又 畫 是 以 以 者 之 英 其 媚 F 人 日 足 而 之勢 以 奉 充 則 而 既 勢 豪 之 又 之 論 輕 難 以 不 以 其 燕 近 古 有 借 未 任 説 親 態 眩 H 復 習 爲 位 將 閑 已 能 所 既 力 重 聰 重 廣 以 其 之 駕 失 0 以 偏 循 者 次 於 足 備 0 明 求 政 於 議 從 馭 其 陰 言 天 以 所 既 驅 雖 賢 而 事 是 之 論 容 本 察 理 蠱 重 挾 使 欲 哲 是 大 左 此 術 矣。 又 無 不 其 兼 心 陛 以 重 以 苦 輩 間 右 而 幸 而 志 聖 重 采 以 下 雖 之 私 爲 宰 則 而 而 姑 其 公 心 壅 即 以 欲 負 其 竊 難 士 又 相 褻 士 間 取 論 己 政 微 大 欲 之 位 竊 胥 犯 大 使 以 軟 不 之 也 0 夫 夫 權 陛 抑 中 兼 **\$** 古 TF. 而 熟 能 而 初 之 之 狡 之 寵 此 朝 下 1: 聽 操 則 易 近 盡 日

之計 奏 無 群 愁 日 凡 隳 民 所 小 怨 七 得 相 綱 事 挻 日 盜 紀 而 往 其 顧 人 賊 H 月 人 乃 壞 間 來 皆 獨 作 事 得 浸 受 邪 手 災 滿 淫 其 佞 其 異 耗 弊 充 書 所 數 蝕 _____ 塞 以 欲 見, 一,貨 上 防 使 宣 爲 惟 陛 饑 賂 洩 動 下 有 饉 公行 之德 容 陛 荐 下 T 兵 業 所

今之計 政。 後 於 然 熹 書 知 征 民 時 民 以 隱 0 必 前 者,悉釐 及至 郡 上 凡 熹 爲 按 謂 蝗 1 縣 始 後 經 獨 行 早 奏 錢 官 拜 王 久之 有 則 境 請 吏憚 相 淮 命, 客 和 而 斷 内 多 仍 日 計 革之。 買 舟 自 即 所 其 : 單 0 之 聖 不 移 役 見 風 車 有 朱 米 心 勝 抑 書 法、 采, 屏 於 短 熹 憂 己 他 沛 救 徒 幸 権 熹 至 憤 政 輻 郡 然 從 荒 者 自 而 酤 事 輳 募 發 之餘 所 復 之 從 引 却 謂 號,省 米 奏 政 者 去 熹 其 至 有 商 言 率 隨 有 日 疏 所 人 口 躬 稽 觀 於 事 蠲 部 不 鈎 不 爲 0 求 緩 爲 及 訪 處 便 其 肅

> 言 止 不 心 者 宰 詔 出 臣 於 止 户 内 消 然 官 於 遴 部 沙 庫 其 後 選 吏,而 饑 汰 免 之錢 乘 君 賢 被 徴 殍 時 臣 能 災 舊 以以 作 上 相 而 路 責 負 及 亂 戒 將 供 分 於 之意 詔 以 在 大 州 痛 或 荒 漕 於 禮 軍 自 家 政 臣 盜 之費, 省 也 監 不 依 賊 庶 改 然 條 司 幾 爲 檢 蒙 猶 守 臣 其 收 放 其 恐 足 臣 次 糴 租 害 所 下 之 惟 之 税 者 結 憂 無 有 本 者 不 狀 詔 盡

宰 時 然 上 强 愈 西 吏 官 留 屬 力 部 提 淮 按 究 台 看 刑 尚 知 仲 得 不 實 詳 書 台 未 得已, 友 其 鄭 州 行 未 亦 實 仍 都 行 丙 唐 自 \$ 既 奪 司 章 仲 侍 辩 熹 熹 奉 陳 仲 主上 友, 御 速 行 詔 淮 庸 友江 史張 與 往 等 乃 部 , 益 早 淮 王 乞令 以 至 西 大經 E 淮 傷 若 熹 台 新 章 州 同 不 浙 章 命 交薦 訟 論 里 郡 以 谁 西 以 仲 聞 相 提 呈 授熹, 之, 爲 友 前 視 刑 0 姻 後 者 遷 熹 上 委 家 清 紛 辭 **\$** 論 熹 江

鴻 祠 棄 道 爲 氏 不 學 監 之 慶 拜 勿 口 之 學 用 察 差 祠 御 遂 大 且 主 者 蓋 4 歸 率 管 以 指 五. 賈 且. 台 假 泪 年 熹 乞 面 名 熹 州 也 對 奉 崇 以 0 祠 淮 道 濟 首 + 觀 又 僞 論 年 時 擢 近 既 願 鄭 詔 太 H 考 而 丙 以 搢 府 察 連 E 熹累 寺 紳 其 奉 疏 派 有 雲 乞 所 陳 詆 臺 9 奉 擯 謂 賈 程

之 之 爲 嘗 年 科 其 相 公 頃 善 | 罰 地 人 反 事 大 、公私 覆 不 之 0 遂 以疾 循 思之, 能 弊 次 入奏,首言 川 理 荏 言 充 年 有 苒 辭 邪 經 其 而 周 所 無 正 無 其 總 量 必 未 14 不 制 尺 末 大 近 燕 是 純 許 除 4 言 錢 年 閒 相 非 惡 之 之 遂 蠖 刑 不 欲 除 得 效 病 行 濩 獄 陛 能 有 熹 失 民 之 可 失 下 去 提 所 之 中 以 當 即 及 其 點 未 機 仰 五. 位 江 獄 根 虚 盡 江 年 幡 交 官 明 西 西 聖 戰 + 諸 當 是 應 淮 刑 以 於 念 物 擇 罷 七 州 獄

路 爲 之 下 以 欲 察 其 也 愁 怯 免 邪 以 口 JE. 加 言 私 是 之 誤 隱 苟 論 所 至 怨 庸 也 深 中 以 則 欲 默 裁 於言 聽 欲 安 繆 被 敬 爲 則 而 爲 得 之。 熹 得 以 此 願 故 腹 敬 以 正 有 語 以 陛 欺 日 非 以 體 非 心 爲 充 無 以 時 心 介 則 吾 動 下 不 不 久 之 貌 之, 克 天 不 不 誠 聖 乎 作 自 竊 愛 欲 君 寄 大 之, 容。 如 理 吾 意 其 今 之 而 廊 心 養 乎 報 0 臣 志 耶 平 之 間 間 而 以 洞 不 廟 牛 復 非 矣。」 寤 非 ? 生 論 然 之 使 往 不 靈 陵 寐 不 用 不 而 所 及 使 其 權 人 英 厚 財 廟 上 是 天 堲 中 人 學, 奏 其 少 欲 讐 所 行 念 力 豪 下 外 處 讓 有 非 少 베 惟 耶 非 F 之 之 耻 厭 説 也 融 事 而 有 便 壅 不 ? 此 聞 事 之 頃 殄行 不 H 徹 有 未 樂 嬖 凝 閼 而 0 四 際 切 果 戒 未 要 將 免 無 必 聞 側 字 之 果 勿 天 惟 無 謹 歎 免 公 媚 而 而 不 於 贵 毫 陛 畏 議 推 理 息 未 柔 得 不 m

見 卿 0 浙 東 之 事 朕 自 知 之。 今 當 處 卿 清

要,不復以州縣爲煩也。」

之道 語 乃 熹 與 掩 歷 侍 主 爲 在 朕 栗 \$ 殿 聘 ____ 郎 其 蓋 亦 無 依 辨 之 上 之 翌 熹 林 有 時 本 實 見 用 舊 風 栗 曾 日 日 力 日 才 無 其 此 尤 謂 職 所 以 嘗 除 耳 覿 學 甚 術 跛 邀 其 足 江 至 爲 已 與 兵 術 曳。」 林 言 索 疾 熹 言 死 西 熹 部 輒 栗言 往 詔 高 未 無 徒 提 携 論 日 郎 左 H 王 價 瘳 刑 竊 門 上 ^ 官 補 抃 王 似 易 實 張 熹 日 不 生 淮 闕 小 過 勉 亦 \approx 以 者 載 太 昨 : 肯 數 0 表 薛 人 逐 强 ^ 常 足 人 供 + 裹 周 程 西 叔 無 昇 登 疾 博 獨 謂 對 臺 銘 職 人 才 似 必 頤 乃 對 丐 内 士 之 *, 不 諫 之緒 亦 大言 德 所 妄 其 葉 安 侍 祠 道 奏 壽 論 上 陰 僞 希 能 適 甘 學 援 合 餘 : 所 皆 廢 孔 不 本 昇 日 動 薦 疏 熹 新 正 孟 謂 劾 部 尚 口 人

> 喜同 嵩 泉 任 任 0 州 Ш 職 崇 惡 會 事 熹 異 福 胡 9 朕 宫 晉 再 亦 無 辭 臣 諒 事 未 除 免 其 而 踰 侍 指 誠 月 御 除 學者 史, 直 復 再 召 寶 從 首 爲 文 所 熹 論 黨 閣 請 栗 又 執 辭 主 乃 口 拗 管 黜 疾 不 栗 西 速 通 知

1

不 之官 先 化 急 不 日 大 封 制以 器 領 聖 風 之急 務 勢 毛 事 於 俗、 以 王 始 用 則 列 如 有 冢 務 髮 熹 聞 愛養 人有 輔 諫 競 司 不受 宰 財 爲 嘗 0 諍 翼 競 之法 陛 以 賄 至 之 太 民 重 業 使 下 病 是 爲 子、 職 病 力、 與 業 一言之。 其 者 口 投 而 夫 左 選 修 陳 内 持 軌 無纖芥之隙、瞬 凡 宦 右 明 任 之説 且 自 守 進 飲 官 前 軍 大 大 以 心 此 封 食 後 政 天 腹 臣 本 宫 心 事 有 酒 六 者,陛 下之大本 妾 外 振 曰 所 是 漿 者 之 動 達 舉 : 未 以 是 政 綱 四 衣 下 盡 今天 息之頃 建 也 静 之 支, 服 紀 無 ·與 師 0 乞 心 下 次 保 古 戀 無 今 具 無

之手 使 糧 嘗 聖 淵 賂 長 已 宫 身 得 V. 也 下 而 得 門 之 慈 之 省 無 所 持 以 肆 自 使 齊 覿 守 流 庭 委 事 可 以 隱 至 守 家 得 行 王 陛 曲 言 説 禁 門 於 修 其 温 其 貨 招 間 抃 逞 而 下 之家 開 傳 矣。 毫 左 飽 抃 心 賂 巷 權 臣 既 邪 正 譬 竭 髪 命 右 於 勢 竊 古 逐 是 媚 其 果 生 獨 者 之 便 於 徒 言 然 近 之 不 供 皆 左 有 有 靈 嬖 私 作 外 臣 得 後 掃 恐 將 勢 右 膏 前 如 0 之 之 淫 而 其 除 以 焰 已 以 帥 諸 此 m. H 陛 愚 巧 私 果 知 之 未 累 不 啚 熏 巧 之 將 以 臣 下 於 有 役 有 聖 竊 勝 進 灼 爲 恩 奉 差 所 功 所 然 内 如 以 其 政 以 用 遇 除 名 軍 面 平 以 傾 爵 不 此 及 爲 籍 以 過 色, 旅 陳 賞 精 動 古 多 當 之 籍 出 臣 此 蕩 當 者 之 出 聞 假 輩 之 效 奪 顧 所 上 時 濫 借 取 此 之 雖 往 聖 禁 乃 旧 則 平 以 克 心 道 當 達 其 未 崇 蒙 者 陛 貨 今 王 修 復

之官 間 者 坊 子 其 奇 友、 不 又 有 使 爲 論 腹 至 而 衺 職 復 箴 邪 得 未 使 不 其 陛 心 尊 遂 則 雜 置 之臣 過 規 所 佞 人, 除 宰 下 德 直 自 能 罷 進 之 謂 儇 至 使 相 授 不 樂 及 去 以 王 而 而 之害 於 効 薄 臣 講 之 悟 不 古之 外 詹 十 春 義 使 能 選 讀 宦 得 是 事 闒 朋 之 臣 反 交 稱 坊 任 至 者 議 亦 非 將 使 掌 冗 聖 寵 心 其 大 宜 庶 於 陳 數 其 姑 庸 帥 之。 臣 職 暱 臣 從 王 討 子 良 輩 制 又 妄 則 以 者 又 之, 有 容 翰 論 共 無 置 (之輩 而 應文 而 則 陛 既 明 蓋 之 名 朝 爲 前 之 使 已 以 以 以 夕 下 後 矣。 無 已 典 無 欺 詹 防 0 備 得 是 陛 所 以 鮮 或 實 蔽 失 事 其 數 爲 師 陪 下 置 宫 以 發 矣。 至 得 傅 之 僚 師 戲 侍 我 以 庶 於 其 正 給 參 其 而 聰 傅 之 慢 遊 之 至 賓 子 錯 輔 其 諫 隆 左 未 而 選 明 媟 燕 私 於 各 賓 右 客 翼 左 師 聞 於 又 不 狎 此 復 贵 客 既 其 親 其 時 太 得 號

以 不 任 知 哉 ? 其所 以 常 不 得 如 此 之人 而 反 後 容 口

鄙 夫 之 竊 位 者 直 以 念之間 未 能 徹 其 私

邪 之 蔽 而 燕 私 之好 便 嬖之流 不 能 盡 由

於 法 度。 若 用 剛 明 公正之人以 爲 輔 相 則

恐 其 有 以 妨 吾 之 事 害吾之人, 而 不 得 肆

是 以 選擇 之 際 常常 排 擯 此等, 而 後 取 凡 疲 懦

軟 熟 平 日 不 敢 直 言 正 色之人 而 揣 摩 之。

又 於 其 中 得 其 至 庸 極 陋 決 可 保 其 不 至 於

未 有 出 所 妨 而 者 物 色先定。 然後 舉 而 姓 加 名 之於位 未 顯 前 是 中 以 外 除 己 逆 書

知 其 決 非 天 下 第 流 矣。 至 於 振 肅 紀 綱

天 變 下 化 不 風 公之道 俗 則 今日 不 正之人,顧 宮省之 間 乃 禁 得 密 以 之 窟 地 穴 盤 而

據 於 其 間 而 陛 下 目 見 耳 聞 無 非 不 公

心 IF. 之 不 · 著 事 疾 則 惡之意 其 所 以 不 薰 深 蒸 其 銷 鑠 害 已 使 有 陛 所 下 不 好 善 可 勝 之 不

> 言 是 割 私 者 以 矣。 紀 愛 綱 而 不 及 付 正 其 諸 於 作 外 上 姦 廷之議 犯 風 法 俗頹 則 弊 論 陛 以 下 下 有 又 其 司 未 之法 能 爲 患 深

之 之 日 態、 久 依阿 矣。 之言,以 而 浙 中 爲 不 尤 分 甚 是 非, 大率習 於 不 辨 曲 爲 直 軟 爲 美

得 計 甚 者 以金 珠 爲 脯 醢 以 契 券 爲 詩 文

惟 宰 得 相 之 口 求 啗 則 無 啗 復 宰 廉 相 耻 近 習 有 口 剛 通 毅 則 正 通 直 近 守 習 道

循 理 之 士 出 乎 其 間 則 群 議 衆 排 指 爲 道

學 字 禁 錮 而 天 加 下 以 之賢 矯 激 之 人 君子 罪 十 復 數 如 年 昔 來 時 以 所 此 謂 元

祐 學 術 者 排擯 詆 辱 必 使 無 所 容 其 身 而 後

己 軍 0 政 此 贵 則自虞允文之爲 治 世之事 哉 相 至 也 於 愛養民 盡 取 版 力 曹 歲 修

明

人

窠 名 之 必 可 指 擬 者 號 爲 歲 終 羨 餘 之 數

空 而 載 輸 之 簿 籍 内 帑 不 可 顧 催 以 理 其 者 有 名 撥還 無 實 版 曹 積 累 以 掛 爲 内

下 即 以 稱 殖 於 造 法 首 重 幾 貢 何 然 帑 日 之 是 何 以 姓 私 一, 而 甚 其 爲 均 困 自 之 如 日 前 中 矣 付 名 材 利 比 節 也 是 積 ൬ 督 太 必 銷 武 之 達 外 較 其 認 以 然 以 促 祖 而 月 將 陛 於 諸 堪 軍 出 監 爲 承 來 後 + 之言 日 曷 耗 以 下 任 中 陛 將 私 風 司 人 以 分 峻 嘗 備 但 貯 將 使 之求 下 以 登 此 聞 版 競 郡 哉 + 見 以 他 之貴 帥 奉 自 足 自 典 其 曹 爲 守 ? 等 餘 至 日 進 燕 結 爲 以 然 什 苛 殿 能 級 不 年 廢 用 將 也 徒 私 限 於 私 最 後 得 急 伍 用 推 去 9 使 陛 兵 之費者 内 之法 人 具 必 以 此 以 先 祖 貴 版 進 帑 以 下 先 錢 上 奏 宗 簿 此 宰 將 案 曹 取 之 歲 爲 牘 掊 民 以 書 以 相 節 以 牘 得 私 未 經 不 人 尅 力之 易 蓋 而 來 勾 不 具備 次 其 誘脅之。 足, 費 時 言 敵 士 破 考 不 得 不 保 姓 之)所 卒 則 分 闕 其 而 人 知 以 知 明 須 陛 以 之 則 蘄 以 又 其 良 乏 在 式 幾

> 之 主 門 秘 力 在 勢 卒 上 材 輸 誠 口 管 事 閣 已 以 有 贵 9 於 ? 略 錢 以 命 而 陛 修 太 就 愈 求 人 爲 之人, É 不 猶 而 而 撰 至 正 心 公薦 寢 下 誤 若 望 陛 其 奉 於不 夫六事 宫 之 私 哉 下 選 晚 亟 其 孰 欲 而 外 之所 置 兼 唐 起 修 ! 心 肯 可 以 可 之方 祠 之 崇 明 秉 爲 抑 者,亦 凡 介 以 得 債 燭 政 軍 矣。」 此 心 乎 得 以 乖 帥 殿 政 心 六 下 讀 其 將 爲 哉 説 疏 事 正 首 刺 之終 間 矣, 激 徒 將 書。 如 於 勸 皆 爲 則 帥 則 而 此 夫 宦 篇 夜 文 士 者 六 不 熹 贵 雖 將 卒 官 漏 具, 事 皆 可 力 欲 知 者 則 下 明 無 緩 辭 憊 以 宫 其 而 庸 彼 = 日 七 不 天 精 妾 論 强 軍 智 而 夫 刻 正 下 除 除 勞 走 之 價 本 或 勇

降 辭 詔 改 獎 光 知 宗 諭 漳 即 州 居 位 數 奏 再 月 除 辭 除 屬 職 縣 江 名 無 東 仍 名 轉 舊 之 運 直 賦 副 寶 七 使 文 百 萬 閣 疾

沮之。 宫。 需 經 教 路 閣 祠。 州 翊 用 不 病 喪 減 論 自 修 後 經 善 轉 可 經 會 子 葬 經 撰 操 行 運 弟。 時 界, 熹乃 界不行之害 未 劾 嫁 總 而 之 自 女不嫁者爲 有旨先行 了, 主管· 幾 史浩 0 宰 副 土 娶 制 職 以 差 使 相 居 之 土 除 布 錢 學不 以 入見 解 留 豪 俗 衣 儀 四 知 訪 知 南 寵 崇信 吴 正 右 静 百 漳 潭 事 及熹,乞召 揭 京 清請 泉 名 禹 萬 州 江 漳 州 宜 庵 侵 以 會 鴻 儒 圭 釋 州 府 收 經 人 舍 漁貧 朝 慶 0 擇 示之,命 力 氏 以 天下 上 經 也 界 以 論 宫。 乃 辭 辭 X 書 習 界 0 ,其 居 男 弱 物 欲 爲宫僚 拜 訟 俗 竟 明 主 女 者 黄 熹再 行 及 熹 命 里 望, 其 父 未 報 年 管 以以 聚 裳 黨 泉、汀、 方量之法 悉 擾 老 知 罷 南 僧 以 禁之。 爲 乃 除 辭 亦多以 爲不 禮 解 嘉 除 子 廬 京 以 荆 0 王 , 采 説 詔 言 漳 府 鴻 爲 Ŧ. 熹 喪 湖 詔 · 便 直 府 請 常 以 慶 秘 且 傳 不 南 古 .

> 降之。 熹方 不 講 至 拜 一興學 命 知 彭 再 熹 龜 校 辭 申 會 年 但 明 敕 洞 亦 有旨 其 令, 獠 爲 教 性 擾 嚴 化。 大 剛 屬 長 武 臣言之。 恐到 郡 几 備 沙 方 熹 巨 戢 此 學者 遣 姦 屏,得賢爲 不合,反 留 人諭 吏, 畢 正 至 抑 以 日 爲 豪 禍 . 民 重。」 累 福 耳 正 0 皆 遂 非 所

懷 陛下 之 待 矣, 太皇 前 有 以 旨 日 制、 或反不 此 未 憂之, 權 寧宗 太后躬 侍 則 赴行 嘗 講 而 所 有 即 能 庶 以 定 在 求 位 猶 辭,不 無 幾 奏 行 大 位 有 疑 不 趙 策,陛 事 權 之 可 失 於 0 汝 許 計, 而 諉 逆 其 熹 愚 不 下 今 順 正 行 首 失 寅 日 亦 名 對 且. 薦 其 紹 未 自 實 日 首 辭 熹 Œ 丕 ,陛下之心 之 嘗忘思親之 頃 之根 及 圖 言 至 除 陳 今 可 焕 本 傅 $\dot{\equiv}$ 謂 乃 章 竊 也。 良。 月 者 閣 爲 處

❶「爲」,原作「謂」,據《晦庵集》、《宋史‧道學三》改。

臺 使 以 壽 集 有 會 勿 劄 IE. 未 充 皇聖 議 且 爲 復 史,委之水泉 趙 嘗 水 未 彦 勞 忘 來, · 嘗 上未還大 石 卿 本 德 親 臺 逾 辭 求 或 經 立 之心 衣 史憚之,議 孫 按 位 有 以 術 矣。」 逢 視 之 窺 冠之 副 淵 内 孝宗 吉 心, 以 伺 沙 朕 源 復 覆 藏 崇 致 則 礫 以 面 Ш 正 按, 名 當 儒 温 中 之中 盡 陵 辭 資 體 博 輟 凊 重 乞 負 待 勸 定省 訪 以 道 不 0 别 罪 制 之 講 爲 正 名 熹 求 引慝 不 之禮 意 竟 土 而 Ш 侍 報 吉 次 0 疑 肉 不 E 講 之 兆 議 對 議 淺 遂 時 宜 誠 而 之 狀 薄 生 拜 論 有 偏 上 大 9 ٠<u>,</u> 職 命。 言 手 者 信 倫 充 金

時 不 此 徙 不 説 居 惟 之。 上帝 有旨 ·當興 誤 熹 震 此 陛下 修 奏 怒,災異 大 革 疏 役 , 舊 言 而 東 欲 以 數 一此 宫, 因 咈 出 以 譴 爲 必 正 遂 告 左 屋 當 其 警 右 \equiv 女好 恐 動 數 近 懼 心 之 習 百 意 修 間 省 臣 倡 , 之 恐 亦 爲 欲

之 役 懼 將 便, 聞 然 中,晨昏之養, 太 殯, 皇帝 怨 恐 而 又 有 見 過 聞 己。 有 太 陛 后、 畿 望 也 扼 委 因 則 而 借 者 之心 上 太 下 忿 甸 腕 而 皇太 父子之間 Ш 以 之 其 父子大 上 百 切 亟 願 去 不 其 未 名 稱 之,以 姓 陛 殊 皇 欲 平 后 以 以 工 1 饑 不 下 以 后 大 者 皆 又不 致 , 料 生 倫 造 知 懼 餓 明 治 尤 几 矣。 以 未 就 口 他 流 詔 謗 若 上 忤 宫 不 筵 欲 尊 有 就 安 變。 離 大 生 怨 室 之 但 太 可 其 前 老之年,榮 進 綱 便 慈 臣 事 怒 上 闕 奉 如 聞 見 阽 鑑 六 不 所 福 速 者 皇帝 此 之 而 内 於 未 不 首 繫, 惟 得 重 下 軍 禅 而 遠 期 死亡之際, 罷 此 容 無 而 成 華 聖 久 憂 萬 之説 四 修 又 不 就 以 然 少 亦 恐 之間 方之人, 甚 而 意 民 臣 爲 葺 感 在 弛 恐 之 不 可 之 將 不 一憂苦 格 東 宛 此 壽 圖 懼 心 宫 所 草 轉 欲 或 日 何 又 太 皇 太 也 創 大 慮 能 其 翩 但 亦 時 方 在

體 於 者 惟 令典 賞 勿 進 洽 而 詔 帝 控 則 寢 得 得 後 近 循 未 左右 陛 退 矣。 雖 馬 臣 殿 説 習 安 失 三見, 下 有 前 又 駮 厚 暫 則 愜 於 之 不 至若 忿 别 亦 者 願 變 論 報 衆 勿 得 内 算 怒之情 + 得 陛 求 預 服 其 難 委之二三大臣 論 以 酌 干 矣。 間 以 朝 下 草 勞。 而 色。 朝 者 伸 取 預 擇 廷 益 下 澤 宗 政 使 負 公論 朝 若 之 其 明 亦 詔 亦 而 如 粗 社 罪 以 權 習 夫 紀 善 詔 自 凡 其 且. 唐 可 生 引 誉 Ш 天 者 綱 大 號 大 奏 實 霍 責 居 肅 靈 慝 新 陵 下 臣 臣 令之弛 有 然 宗之改 皆 而 稱 ,使之反 則 之 減 宫 之ト 之 公 不 若 消 勳 蒙 行 誠 制 臣 省 議 事 得 散 庸 夫 福 之。 又 臨 使 連 專 張 其 過宫 服 於 則 則 壽 決 而 願 衞 而 而 覆 事 任 紫 有 外 無 皇 願 陛 歡 太 所 較 之計 己 袍 、才之 矣。」 不 人宫 之 則 稽 朏 所 得 下 意 上 私 量 遺 當 臺 疑 浹 皇 不 考 褒 深 執

> 講 疏 編 次 不 報 成 帙 然 以 上 進 亦 上 未 亦 有 開 怒 懷 熹 容 意 納 也 每 以 所

之外 太 代 宜 餘 嫡 則 禮 衰 得 間 正 臣 儒 L 著 \equiv 年 嫡 孫 因 經 短 失 學 進 以 皇 猶 莫 之, 年。 對 益 在 承 敕 孫 長 熹 民 求 帝 方 重 又 繼 令,子爲父,嫡 能 天子 執 庶 情 亦 用 放 嫡子 偶 奏 册 口 統 釐 通 於天 之 賜 力 心 違 知 勉 而 爲 正 遂 喪 休 焉 温 爲 當爲 康 代 上 無 萬 下 戚 顔 之本 豫 之 進 壽 數 世 朝 ·之事 不 紀 其 而 執 德 年 皇 召 法 衣 反 廢 父後 又 喪。 之喪 孫 云 聖 能 覆 程 朝 而 大 壞 因 各 承 躬 帝 於 : 冠 詢 臣 不不 以 得 重 就 間 自 玩 至 訪 皆 願 察 切 其 喪 者 性 爲 漢 能 爲 經 綱 用 其 陛 以 劘 理 次 遺 自 文 祖 觀 襲 父 不 大 下 求 人 治 詔 天 位 父, 史, 明 且 短 陛 布 日 才 熹 政 道 喪 然 執 初 千 皆 之 事 下 親 用 奏 頒 喪, 以 所 月 之 有 則 歷 邪 斬 之 沂

之失 復 皇 澊 卅 用 已 漆 壽 嫡 皇 不 紗 行 承 及 喪 之 淺 已 大 之服 禮 行 追 黄 統 之法 舉 改 之 則 服 而 唯 承 遂 有 重 不 廢 將 之 時 惟 來 服 臣 倉 1 啓 卒 竊 著 違 殯 痛 禮 在 不 發 之。 律 禮 及 引 律 詳 然 且 0 9 議 禮 所 使 既 當 往 壽 遂 宜

用

初

之 遠 僖 第 古、 吏 愚 皇 有 部 帝 藏之夾 夾 雅 廟 請 曾三 順 室, 首 尚 不 遷 與 孝宗 尊 翼 書 以 僖 稷 神 復 祫 鄭 几 復 室 宣 祖 宗 首 祭 祖 僑 袝 契 祀 於 兀 請 則 復 之廟 則 欲 無 廟 僖 夾 祖 併 奉 是 且 正 異 室 祧 祖 議 祧 治 以 以 祧 東 主 爲 宗 請 僖 爲 祖 官 向 後 平 9 然 宗 復 廟 祖 宜 始 之 宣 間 王 其 之 迭 有 而 侍 位 祖 安 毁 主 舊 議 袝 所 從 祖 石 已 之 者 下 孝宗 歸 多 有 等 爲 時 奉 藏 0 制 以 從 旨 奏, 得 自 太 於 相 世 其 集 禮 熹 僖 孫 趙 祖 子 數 太 説 議 之 孫 以 寖 祖 汝 祖 居 逢

> 乎。 更 正 베 創 生 而 别 者 又 合於人心 擬 廟 爲 以 廟 奉 ^ 堂 廟 几 不 制 所 祖 以 > 謂 聞 以 有 辨 即 其 毁 以 舉 撤 爲 之 僖 物 而 贵 莫 宣 有 敢 廟 無 廢 室 者 本

言 乞 制 祖 内 熹 部 居 可 除 之。 追 侍 乃 與 0 卿 侍 中 鄧 還 州 樓 宫 H 始 郎 用 Ŧ. 馹 郡 鑰 御 事 彭 新 觀 疏 德 寧宗之立 封 0 差 0 批 舊 斥 龜 謙 陳 章 遣 熹憂其 言 職 年 汝 云 徑 交 傅 共 名。 左 愚 上 辭 以 良 論 右 旋 袖 御 憫 害政 韓 詔 之。 竊 熹 封 尋 筆 御 卿 侂 依 柄 還 除 付 行 筀 耆 胄 之 會 舊 數 知 録 還 熹 艾 被 失 自 焕 龜 黄 以 江 命 臺 恐 謂 章 年 爲 陵 在 除 脩 諫 且 難 言 閣 出 有 府 講 寶 注 争 諫 定 待 立 護 筵 辭 文 官 且 講 策 留 制 H. 使 約 復 閣 劉 拜 功 吏 待 不 光 申 仍 己

0 唯 原 闕 據 晦 庵 集 宋 史 道 學 = | 補

舉 南 京 鴻 慶 官

乞致 黄 以 權 當 定 御 事 IF 不 杜 名 榦 意 之 亦 史 坐 疾 悉 以 漸 用 爲 士 整 送 疾 仕 厚 慮 依 爲 謹 慶 再 歸 拳 誣 中 道 賞 衣 意 月 乞 元 侂 拳以 熹 舊 不 革 冠 州 怬 既 休 Ŧi. 胄 元 外 秘 + 可 手 編 年 及是,汝 其 屢 年 致 矣。 就 閣 勉 引 罪 忽 管 勞 初 , 爲 枕 學 書 修 領 0 依 詔 之 上言 熹 撰 趙 及 屬 望 而 勿 詔 . 所 几 語 其子 始 愚 治 逝 修 使 汝 落 年 請 辭 Ī 亦 以 愚 又 得 職 9 熹 汝 職 年 熹 以 遺 在 既 廟 罷 預 數 明 獨 謝 愚 書 及 以 誣 相 議 朝 以 祠 惕 沈 年 門 方 事 年 爲 逐 自 政 繼 手 然 收 卒, 9 謂 言 近 人 門 書 相 非 劾 以 召 而 范 有 其 七 年 朕 啓 爲 朝 侂 兀 念 易 쪼 監 防 蔡 優 廷 汝 胄 方 日 德 制 + 大 微 察 賢 申 元 愚 用 知

熹 登 第 Ħ. + 年 仕 於 外 者 僅 九 考 立 朝

> 共 之 纔 也 崇 介 川 不 諸 安 往 + 後 取 生 往 日 之自 稱 也 徙 貸 家 建 於 遠 故 陽 人 而 貧 之考亭。 以 至 少 者 給 依 用 豆 父 簞 而 飯 友 非 藜 瓢 劉 羹 其 屢 子 率 空, 道 羽 與 晏 寓 之 則 如 建

除 徒 爲 始 首 高 權 傑 爲 首 秀 兵 論 仕 論 前 文 臣 以 不 虎草 結 傑 部 軌 太 自 前 留 專 長 日 常 門 熹 右 侍 沙 御 正 一之僞 爲 望 之學 去 詔 正 郎 少 引 史, 死 宣 不 卿 國 言 諭 僞 黨 黨, 諭 爲 論 胡 未 學 天 文 大 侂 張 総言: 烹、 至 窺 右 幾 之 下 臣 詐 胄 栻 伺 此 罪。 諫 汝 沽 勢 熹 於 之 權 又 神 議 愚 名 益 徒 是 有 變 比 住 僞 大 張 攻 奪 所 乞 進 而 劉 夫 學 年 禮 僞 職 乃 辨 爲 擬 光 之 姚 僞 何 學 之 命 真 逆 祖 稱 及 愈 學 澹 黨 命 直 H 遂 僞 猖 爲 爲 蓋 徐 論 學 召 諫 獗 中 誼 劉 自 劉 士 道 即 陳 口口 之 選 學 賈 此 德 H 圖

贈 追 賜 華 繆 泰 僞 熹 籍 有 不 市 更 + 尺 人 議 休 寶 熹 既 封 師 步, 初 名 , 特 文 姻 田 肆 · 信 謨 閣 0 嘉 遺 時 之 没 連 他 學 立 以 稍 閣 政 葬。 陳 或 表 待 或 至 師 將 禁 勸 自 不 以 景思 得 公, 直 勸 恩 制 葬 侂 稍 别 顧 過 儒 學 澤 失。 會 其 書 改 言 胄 與 其 門 者 弛 聚 名 者 謝 徽 謚 勿 致 , 屏 非 不 望 之 者 者 遣 斬 故 或 爲 仕 黨 令守 間 理 謂 生 伏 熹。 文。 相 已 無 恩 年, 宗 徒 甚 非 丘 澤 甚 康 所 寶 而 臣 詔 者 至 方 壑 妄 伯 四 容 熹 慶 約 是 變 談 尋 方 侂 之 後 其 笑 日 束。」 熹 易 依 時 贈 孫 胄 時 僞 侂 身 而 年 與 己 中 衣 徒 四 也 胄 人 意 一從之。 諸 不 致 贈 短 冠 巽 大 死 亦 從 之 期 答 與 生 仕 長 懦 夫 太 漸 游 侂 講 會 狎 繩 詔 師 悔 特 除 胄 學 之 則 送 游 趨 有

始熹少時,慨然有求道之志。 父松病

老 之 即 百 憲 屏 哌 經經 矣 嘗 里 死 Ш 劉 徒 嘗 傳, 劉 屬 勉 汝 彦 步 學 之、 復 往事之, 冲 曰 往 於 徧 劉子 三人, 一從之。 羅 交 從 當 籍 而 暈 彦。 學 世 溪 惟 也 有 胡 有 其言之 熹 淵 識 原 故 歸 源 之士 仲 熹之 自 聽 吾 白 同 所 學, 水 安 延 敬 劉 平 人 既 不 畏 致 博 謂 遠 李 吾 數 求 侗 胡

問 誤 考 書 訓 傳 始 踐 異 , , \approx \approx 0 其 晦 散 \sim ^ 論 \sim 實 其 所 中 詩 0 西 在 著 語 爲 於 庸 銘 方 所 而 集 書 學, \approx 是 編 册 輯 以 傳 有《 ^ 解 竭 略 居 次 大 **≫**, 孟 聖 易 其 有 敬 ^ 抵 子 經之旨 楚 ^ 大 精 本 爲 窮 **>** 孝 辭 \wedge 集 學 義 力 主 理 經 論 \Rightarrow \approx \approx 註 集 以 刊 孟 以 不 <u></u> 嘗 ^ 註 誤 集 致 啓 明 研 \sim 中 謂 , 太 \approx 議 蒙 其 窮 庸 辨 聖 而 極 \approx × 知 聖 證 小 道 賢 \sim 圖 章 **^** , , 賢 學 孟 蓍 統 道 反 \approx 句 之 韓 子 卦 之 統 躬 傳 通 或 考 經 之 以

生爲 録 録 語 儀 近 通 》,皆 + 禮 **>**′< 思 鑑 卷 文 經 綱 録 凡 孟 行 傳 \approx 目 **>**′< 於 ^ × 通 百 世。 中 河 ^ 解 卷 宋 南 庸 **>**, 熹 程 名 生 未 訓 没 氏 臣 徒 脱 説 言 遺 問 朝 藁 答凡 行 立 亦亦 廷 書 於 以 録 在 學官 ^ × 八 其 學官 伊 + ^ 大 洛 家 卷 學 淵 禮 又 别 平 有 源 ×

識 曾 章 黄 學 來 ൬ 光 、任傳 後 章 (幹日 手,手 列 一、周 者 子、子思 0 較著者,一二 于 以 理宗紹 詔 敦 「道之正 周 從 爲 道之責 頤 以 祀 程、張 繼 知 周、張、二 邵 定 言。 其 不 雍 末 微 者 報 統, 子 人而 至 不不 張 熹 秘 繼 載 子 書 孟 . 過 待 程 淳 其 止 在 郎 子 數 人 及 程 祐 絶 耳 李 而 而 人 熹 顥 元 紹 至 心 始著。 0 後 從 年 定 程 由 熹 傳 傳 而 祀 正 孔 中 頤 乞 能 而 孔 月 子 爲 始 以 自 朱 由 使 子 而 吏 著。」 孟 斯 熹 周 上 司 後 廟 部 子 道 視 以 七 馬

> 侍 郎 0

備 遺

言 從 自 事 先 釋老之説 生 見 年 李 先 生 + 皆 四 非 爲 學 始 始 學 就 于 平 李 實 延 乃 平 知 向 嘗

H

於 求,有 室。 力行可 進 八,商量 羅 學 須 先 甚 延 所 從 畏。 生 平 力, 所 省 原 與 得 疑, 發 樂 講 其 頭 人 學 善 體 甚 處 友 渠 論 畏 慰。 後 羅 認 所 辨 義 來 博 無 極 論 又云:「 文 吾 所 朋 難 宗 造 黨 友 以 處 禮 其 好 鮮 幾 此 微 書 皆 有 説 放 日 是 話 侗 倒 極 操 因 晚 T 穎 戈 此 侗 得 元 昔 得 追 晦 此

⁰ 曾子 子 思」 至 「孟 子 而 後」,《 勉 齋 集》卷 三十 此 十

體 釋 此 者 指 就 渠 有 於 其 裹 加 THI 用 差 合 此 動 日 又 面 初 誤 講 體 用 云 處 矣 極 處 學 之 認 無 : 有 處 時 此 即 益 此 今 道 意 非 自 頗 子 既 理 渠 見 矣。 下 爲 别 論 全 工 羅 初 道 無 難 在 從 夫 先 理 他 日 見 謙 牛 所 事 用 若 來 儒 處 縛 處 於 者 下 0 未 熟 Ι. 路 此 今 味 見 夫 漸 脉 若 漸 潛 有 熟 静 能 故 心 如 極 於 處 則 融 此 能

從 易 至 而 各 乾 程子 一是序 道 有 兀 所 之道 次 年 録 有 編 復 倫 雜 明 程 出 去 於 氏 並 取 世 遺 行 精 書 || 成 審 間 頗 學 0 爲 者 初, 後 始 人 有 竄 定 程

階 彙 日 旬 梯 次 日 成十 淳熙二年, 四子 相 以言爲學者 與 ·四篇, (掇周 經之 號《 東萊自 程 階 近 張 當 梯 思 書 東 因 ; 録 關 陽 此 ^ 來, 大 近 而 體 思 先 留 而 生 録 也 11-切 嘗 **>**, 寒泉 日 謂 几 用 子 學 精 者 者 舍

> 之 取 精 謂 雖 無 其 無 爻 本 ∭ 或 端 之義 後 與 爲 微 以 遽 約 粹 問》 僅 \sim 1 經 妙 通 執 不 几 爲 舉 以 而 詩》自 之書 筮 爲 文舛戾, 顯 得 年 天 傳 子 所 見 真 本旨 而 下 之 先生 事 包 或 便 凡 作 之故 毛 甚 未 讀 問 例 文 者 而《 端 既 皆 嘗 則妄穿 廣 書 **%** 鄭 取 而 爲 心。」故 編 易》之爲 大 出 之 以 義 已 以 然 夫 吉 次 以 爲 龜 集 來, 恐 往 鑿 子 X 作 定 鑑 示 然 註 語 學 皆 往 作《 爲 ^ 以 説 彻 自 \approx 用 孟 周 者 以 未 説 示 0 諸 傳 又 集 ^ 易 轉 及 反 訓 然 又 於 小序 儒 ×, 疏 義 本 玩 有 而 前 辨 戒 謂 是 分 亦 其 \forall 後 義 趨 心 析 所 經 故 略 > 所 又 薄 諸 爲 毫 全 局 掛 其 合 舉 約 以 易 儒 經 釐 故 又 其 其 傳 而

⁰ 乾 改 道 原 作 隆 興」, 據 宋 名 臣 言 行 録 外 集

能 非 釐 復 正 爲 先 生 編 獨 附 以 其 經 經 文 後 爲 以 主 還 而 其 討 舊 其 云 序

未

李公擇 以二 之大端,條 老 老 煩 推擇子弟之志 税 程 重, 六 陳 戒 年, 配 了齊。 子 求 列 弟 知 所 别 使 以 南 復 以 立 示學 白 康 寬 修 五. 學者 軍 鹿 孝弟忠信 賢 恤 者 書院 首 之 堂 詣 方 下 學 教 約 陶 0 之行。 靖 聖賢 又立 節 條 俾 劉 教 士 濂 西 三俾 人 澗 溪 以 爲 父子 祠 學 父 鄉 役

功。 於外 利 力 心 放 孟 修 雙行 爲 **>** 吕 身 而 而 每語 兩 王 王 尊 深 祖 而 章 年,先 史遷 斥 喜 儉 伯 學者 其 事 務 輩 並 · 舍 言 所 收 功,大 生還 用 之。 學之誤 斂 且 之説。 窮 觀 凝 自 理 爲 又 定, 孟 盡 浙 學 答 子 東, 先 性 者 以 以 陳 生 加 爲 道 心 致 見 亮 嘗 窮 舍 性 術之害 克 其 書 世 日 六 己 善及「 士 變, 經 箴 習 求 舍治 其 海 馳 語 義 之 求 内 極 鶩

> 學術 功 若 之 不 弊 極 9 不 力 過 争 辨 兩 説 此 道 江 無 西 由 頓 得 悟 明 9 永 康 事

穿鑿 明 著。 破 以 本 爲言 · 義 古今諸 蓍策、考變占爲 附 其 ×, 懼 易 $\dot{\equiv}$ 本 會。 象 不 學 年 儒之失 數者 故 本 者 , 易 其 象 未 文 數 學 篇 明 次 厥旨 啓蒙 目 不 既 知 凡 支 以 挂 離 成 乃 法象之自 本 揲 作《 散 圖 及變爻,皆 漫 先 書、 啓 生 蒙 而 原 然 初 無 卦 未 作 几 所 篇 易 免 根

銘 者, 小 學書》以 又懼 淳 + 書《 熙 四 其 解 + 年 失 義 訓 五. 先 序 年 蒙 生 無 冬,0 士 既 本 授學者 使 發 始 培 而 揮 出 其 不 ^ 大 太 足 根 學 以 極 **>** 有 通 達 以 進 其 開 悟 乃 輯 學 西

^{■ 「}淳熙」,原作「乾道」,據《宋名臣言行録》外集卷十

近 之 之 奉 踵 經 孟 之序 書 用 篇 \equiv 後 以 子》, 告 然 力 經 紹 ^ 固 乎《 後 諸 熙 詩 後 春 而 如 先 元 大 秋 × 及 遽 此 几 聖 年 學 ^ 乎 及 子 則 書 而 × 六 ^ 在 出 不 則 > 中 <u>~</u> 易 皆 漳 經 口 左 論 謂 庸 取 > 州 亂 氏 語 程 取 \approx 蓋 序 刊 經 也 子 × 古 則 其 几 文, 之 合 文, 非 中 難 經 然 教 爲 别 所 分 易 庸 讀 爲 几 以 × 經 者 篇 子 **^** 必 爲 不 傳 大、 孟 書 書 先 先 寘 爲 人 子 成 於 遠 使 道 +

輿 化 屬 程 行 若 元 舍 益 邵 菜 時 聖 Ŧi. 恭 以 子、 年 雨 之 惟 光 述古 冬, 禮 道 司 大 惟 竹 于 馬 統 顔 垂 自 先 林 訓 遠 延 曾 聖 時 精 自 平 萬 厥 氏 先 舍 羲 七 後 世 成 師 傳 軒 先 作 後 得 口 以 程 生 改 耳 其 集 告 從 滄 宗 失 厥 \equiv 成 洲 祀 真 大 千 事 逮 率 成 其 祝 千 思 諸 徒 周 及 允 文 生

漸

止 好 有 方 俾 邵 餘 敢 鼎 聞 我 昧 日 年 惠 後 厥 來 中 張 我 乃 賴 初 靡 光 爰 日 落 常 天 明 如 有 及 之靈 此 奠 師 繼 夜 司 以 傳 晚 馬 復 丘 · 幸 告 之 唐 逢 日 虔 方 群 無 有 程 0 學 來 失 道 授 居 尚 不 雖 墜 受, 伊 永 其 以 殊 始 載 凡 永 昭 轍 萬 迨 鑽 無 陋 格 理 道 載 探 兹 斁 0 原 仰 則 退 陟 少 原 老 口 推 蒙 降 雖 本 歸 未 義 百 庭 日

道 褫 理 理 初 辭 9 職 亦 會 也 無 先 罷 得 慶元二年 色依 曾 生 他 祠 許 去 玄妙 自 者。 多 然 學 言 和 道 禪 只只 冬, 先 : 平。 理 生 先 在 李 初 而 翌 略 生 先 日 見 日 面 起 方 用 生 延 前 視之, 間 云 諸 與 平 事 著 諸 生 却 公公 始 實 生 説 復 理 知 講 做 得 坐 恁 有指 會 論 無 講 地 夫 不 有 懸 限 論 揰 處 下。 空 消 報 如

●「不」、《晦庵集》卷六十八作「熹」。

便 自 見 得 熹 後 來 方 曉 得 他 説 故 今 日 不

至於無理會耳。」

舊嘗以論心論性處皆類聚看,看熟,久

則自見。

論 出 月 且 ? 把 熹所 尋 句 己 内 以 私 意 讀 意 隨 書自覺得力者, 去 文解 看聖賢之書 義 只 是 如 何 先 看 立 得

言 毫杜 字 曲 多 見 地 不 云 得才是。 折 濟 是 ,若或去 『吾與 字不 撰, 恁 箇字,恰恰 事 一字,自家 大 地 只順 抵 去。」 吾 如 之虚 年死 讀 聖人 欺。 今方見 他 書 又曰 · 只 平 而 去。 地 也,則 須 説 只今六十一 委 好, 是 話,也不 得 熹 蛇 著 虚 都 熹覺今年 分 0 枉 向 心 心 不 了。 明 既 時 去 方 用 少 虚 也 秤停 方 得 歲 此 自 一箇字, 杜 了 三穿鑿。 見 方 方 一今夏 撰 理 得 都 聖 無 又 説 聖 要 會 不 人 疑 來, 得 隨 莊 也 人 使 説 他 子 恁 終

> 嘗言 真 坐 都 箇 地 不 是 思 濟 看 不 量 道 事 道 同 方方 理 理 須 始 須 若 是 是 有 只 常 得 日 恁 常 中 地 把 理 熹 説 來 依 會 過 思 此 夜 量 説 裹 始 去做 遍 却 得 便 去 T 静 延 處 平 則

然 潛 與 也 乎仁 而 自 日 修 佩 義 書 之府 先師 畫 或 像 庶 是予 之格言 幾 日 乎 : 斯 蓋 從 語 奉 將 容 前 有 乎 烈 意 之 禮 焉 法之 餘 而 矩 力 場 莫 惟 能 罶 沉

考亭淵源録卷之二

考亭淵源録卷之三

南軒先生張栻

實。 自 成, 切之旨告之,栻 曰 期 浚愛之。 作《 長,師胡 張 杖, 希 字 顔 自 宏。 敬 録 退 幼 夫, 學 一而思 宏一見即 丞 所教 ,若有 相 浚 莫 以 子 得馬 非 孔 也。 門 . 義 古 宏稱 論 穎 忠 聖 孝 悟 賢 之 之 親 夙

籍 文字, 少 年 開 以 内 府 除 廕 治 贊 直 補 密 戎 祕 官 多佐 閣 外外 辟 宣 参庶 時 皆 撫 孝 極 司 務 宗 都 ,其所綜 時之選。 新 督 即 府書 位 畫 栻 浚 寫 幕 時 起 機 府 宜 以 謪

> 之功 之塗 進言 稽 諸 心 古 之 其言,於是)發,即 炭 皆自 可 親 日 以 賢 惕 以 必 以 陛 天 然 成,而 自 爲不及也。 下上念宗社之讐 理 於 遂定君 輔 之所 中, 無 因 而 存 臣之契。 ...循 使 思有 也。 之弊 其 間 或 以 以 願 可 少 振之。 軍 耻 益 息。 革矣。」孝宗 事入奏, 下 加 省察 則 閔 臣 今 中 謂 日 原 此 大 而

以 誠 帛 葬 議 人乘間 心 事 蹙 至敕 哉 屢 之 惻 甫畢,即 或 使。 敗 怛 浚 異 之心 縱 去位,湯思 而 而 諸將 謂 時 召 是 兵 功 朝 宜 拜 入淮 無 寇,然亦 不 以 一深察此 廷 疏 無 以 成 講 得 雖 言 感格 甸, 也。 和之念未 嘗 退 輒 理,使 興 「吾與金人有不共 中 稱 用 安 于天人之際。 今雖 縞素之師 兵。 外大震 事 知 ,遂罷 非 吾 忘 重 時 天 胸 一爲群 於胸 廟 浚已没, 欲 中 兵 然旋 以 了 堂 講 邪所 中, 是 然 此 猶 和 開 栻 無 戴 所 而 遣 主 聖 纖 和 金

之 勤 之, 心 見 有 功 天 V. 非 時 歲 雖 繼 民 Щ 人 得 義 功 村 宰 月 今 之 之 其 折 則 劉 之 欲 矣。 立 必 無 相 憤 道 以 惑 不 克 不 珙 亦 亦 得 精 陛 虞 撓 心 不 往 · 答 薦 則 而 何 然 有 意 中原之心 允文 夫 而 如 守義 去之, 下 益 於 人 欲 栻 功 後 私 與 使 志 誠 堅 心 入奏,首 上 之 復 素 明 意 之 此 以 者 必 深 此 悦 中 不 詔 使吾 論 心 之 無 恢 除 固 察之 志 先有 原之 以 濟 中 間 當 純 士 發 復 知 其 而 哉 外 中 誓 也 與 氣 言 自 以 撫 日 地 天 胸 ? 扃 己 不 充 以 任 公 州 害 貫 用 先 人 洞 中 今 言 得 合, 行 之間 疏 徹 之 吾 而 之 先 然 然 未 規 吾民 和 有 應 賞 之 E 敵 無 數 誠 王 所 書 以 罰 下 專 不 所 誠 遣 念 所 將 以 不 之心 雖 有 得 改 務 難 間 者 求 慮 以 以 人 報 勞 則 以 中 不 嚴 却 自 雜 致 乎 感 建 者 待 遲 快 原 而 云 州 强 求 ? 爲 事 殷 以 求 格 類 軍 則 事

> 急 義 不 所 口 傷 以 以 不 正 得 不 可 其 人心 吾 審 以 財 民 不 而 爲本 之 此 已矣。 詳 心者 又 ; 0 明 所 然 主 務 今 豊 其 所宜 有 日 有 所 之 名 他 施 深 實 事 哉 有 察 先 則 古 州 後 不 其 當 盡 取 以 則 其 舍 其 明 力, 大 不 緩

彼 貧 也 者 官 倚 雖 饉 事 日 往 ? 乎 責 也 賴 日 連 不 輒 ? 年 陵 甚 知 時 明 臣 杜 正 斥 寢 上 宰 年 竊 栻 使 境 盜 去 曰 而 之故 爲 方 謂 之。 對 召 彼 中 賊 或 默 謂 陵 爲 曰 實 之 四 家 然 臣 敵 寢 吏部 栻 事 起 口 兵 久之。 勢 切 士 隔 見 圖 弱 不 大 衰 見 則 絶 侍 栻 財 知 上 夫 弱 比 知 郎 臣 也 誠 責 \Box 栻 有 可 年 之 上 懼 臣 大 憂 兼 圖 諸 矣。」 官 日 上 我 子 其 出 權 道 金 吏 建 之 日 不 所 起 無 多 上 誕 人 議 : 忍言 未 卿 奏 備 居 謾 水 之 日 遣 足 疏 知 郎 金 而 早 事 泛 之 不 讀 以 召 侍 或 敵 使 至 之 啚 足 民 何 臣 饑 或 立 兵

盡 養 晤 上 前 亦 必 退 顯 蓋 以 怯 爲 曰 於 絶 痛 民 勝 守 語 益 始 且 絶 見 固 未 奪 必 兩 今 之 選 勝 以爲 金 州 奮 陣 益 盡 然 未 我 也 嘉 聞 形 人,不 今未 躍 決 之 甚 縣 歎 未 白 將 欲卑辭 形 會 機之日。」上 此 有 矣。 而 財 而 隱 但當 帥 事 面 史 論 賦 争先 當當 異 能 必 然 與 正 諭 論 也 練 勝 然 奉 通 可 且 下 在於早正素定之時 厚 遠 : 志 矣。」 之 臣 者 辭 甲兵。 見 禮 必 使 哀痛 近 爲 其 當 形 竊 猶 以 治 以 騒 一爲竦 發 後 上 以 揆 以 討 然 求 雖 其 之詔 然 而 運 因 卿 爲 其 爲 之, 通 後 有 實 於 使,名 不 聽改容。 賜 爲 憂, 歎 心 内 修 彼 淺 而 又 能 士大夫争言 對 明 意 講 息 修 德 陋 不 不 則 不 則 官 褒 外 復讐之義 爲 畏 爲 立 反 憂 或 能 其 於 均 諭 怯 攘 政 覆 虚 冀 者 淺 栻 也 大 正 而 之人, 輸 前 文 進 時 以 用 復 亦 名 不 歟 陃 義 説 其 實 得 爲 則 賢 戰 讀 有 在 畏 己 以

> 賦 郡 害 也 不 如 0 過巧爲名 卿 杜 大 非 旋 之言, 抵 亦 取 閲 以 無 之 其 爲言。 餘 於民 色以 實 是 果 朕 若 取之於民 也 假 如 上 取之不已, 0 栻 手 日 栻 言 於 : 日 發 即 IE 耳 : 運 詔 志 。 上 而 今 使 罷 謂 經 之。 以 日 矍 但 用 病 州 然 取 有 吾 之 郡 財 民 :

之事 爲 覃 責 事 爲 刑 E 村 國 ×, 誤 或 宰 者每 進 之懿,下 兼 相 或 此 夜草疏 則 説 侍 虞 也 王 心 治治 講 念稼穡之勞, 允 安 不 文 知 石 斥 存 除 , 日 生於敬 極 閤 所 者寡 左司 今 諫 門 謂 日 其 《人言》 事 宦官 矣 興 員 不 畏, 張 而 利 外 可 説 執 因 其 擾 亂 郎 不 0 除 政 民 上 后 起 足 日 簽 自 陳 之 妃 於 講 詣 恤 王 書 害 祖 不 驕 ^ 朝堂, 詩 黼 者 宗 樞 忘 淫 始, 密 織 所 自 上 • 質 院 歎 家 以 絍 使 葛

● 「王」、《宋史·道學三》作「京」。

奏: 得 吏 柄 近 之心 中 習 而 執 文 所 政 武 正 用 然 自 恐 乃 誠 宰 相 得 反 不 公 相 激 如 口 始 實 此 武 偏 陰 之 臣 允 附 之 人 然 文 説 怒。」 今 非 慚 欲 惟 憤 明 孝 右 不 不 年 宗 武 足 堪 感 出 以 以 悟 栻 服 均 栻 知 命 文 復

袁

州

申

説

前

命

中

外

諠

譁

説

竟

以

謫

死

感 時 廷 略 彌 用 州 於 居 抵 悦 是 買 累 皆 至 怨 安 兵 撫 年 宰 脩 馬 睦 日 栻 争以 汰 栻 習 了粦 身 横 廣 ,孝宗念之, 在 相 冗 南 究 月 朝 益 務 111 善 毋 補 學 按 西 未 其 憚 馬 歲 相 闕 路 期 利 之, 畏 至 申 殺 久 歲 病 籍 天 嚴 弊 掠 而 詔 所 六 孝宗 諸 恤 而 保 滋 部 除 近 + 民 召 州 於 習 伍 荒 舊 聞 餘 邊 對 是 黥 法 尤 職 殘 抑 杜 條 氓 至六七 群 卒 多 不 僥 告 治 奏 知 伉 蠻 盗 悦 諭 倖 革 病 行 静 健 溪 帖 之, 杜 屏 江 者 詔 退 所言 峒 而 服 讒 至 府 特 諸 爲 而 馬 酋 諛 豪 家 進 曫 朝 效 簡 不 經 大

其 境 流 奪 下 盜 不 人 無 奴 並 伍 兹 以 路 秩 去 職 報 見 0 亦 淮 皆 民 使 民 病 貪 直 轉 栻 勉 而 信 不 户 奸 遁 之 寶 在 其 疆 吏 運 求 縛 以 以 章 舍賊 陽 盜 去。 滿 熟 + 文 民 良 副 場 去。 其 忠 禮 累 守 中。 出 閣 几 使 百 民 \mathbb{H} 之 義 广 遇 塞 者 上 劉 郡 以 事 詔 改 大 奴 而 諸 栻 爲 令其 大 隊 瀕 與 栻 其 以 任 知 虚 歸 大 盜 長 將 湖 辨 日 之。 首 邊 右 曲 江 辨 增 之。 : 者 怙 有 北 劾 屯 文 黨 得 在 陵 尋 易 其 多 功 栻 勢 大 殿 朝 捕 得 除 我 府 其 主 他 數 北 盜 輒 希 吏 劾 脩 廷 得 相 秘 驩 將 郡 + 補 安 大 賞 撰 之 未 府 數 閣 命 捕 倍 心 與 歎 官 撫 辨 縱 能 告 縣 脩 斬 帥 杠 提 廣 日 本 請 詐 賊 撰 以 正 往 之 士 招 守 自 又 舉 有 : 路 諼 論 名 咸 者 除 往 以 武 以 北 每 流 南 加 荆 討 其 感 罪 縱 所 捕 夷 不 狗 方 不 民 朝 恤 湖 奮 敵 亡 111 招 有 於 相 群 H 而 斬 北

冲 佑 觀

傳 信 誦 任 之。 病 防 且 栻 死 己 卒 之 猶 時 偏 手 年 疏 好 四 勸 惡 + 上 公天 有 親 下 君 子,遠 之 理。 小人,

備 遺

直 難 者 恃 所發 先 生 工 答 於 多 論 鄭 弊 自 人 病 者 明 書 察己 日 : 常踈 天 理 闊 難 ; 窮 狃 於 資 質

人

只 持 意 靠 敬 思 言語 7,若專 稍過當 讀 經 上 一工夫,積 書,須平 苦思 亦自 、未是一 礙 心易 却 、累多 也。」 正 氣 理 自 涵 然 要 泳 體 切 其 察有 處 間 乃 力。 在 若

蒼 念 纔 蒼 者 是 (便是 便爲天,當 日 奏 事 上 帝 上 鑒 求 問 觀 諸 天, 『上帝 視聽 進 對 臨汝」。『簡在 曰 動 : 之 間 不 可 以

> 帝 心。 念纔 不是,便是 上 帝 震 怒

説 公論之久長,蓋 死 則 精,信道又篤。 以 行 加 也 又奮 其好惡之私,或 公爲 事之間者,上下信 口 厲 故 不絶吟於天 其 明決 人坦 德日新, 蕩 亦 無 其樂 明白 莫 毫髮 業 得 理 能 於 壅 滯 而 之,至於 日 人 聞 表 欲之間 揜 吝 塞 廣 過 裹 之 於一 意 洞 而 也 而 以 然 如 所 時 勇 此 以 則 至 於 然 詣 平 疾 見 徙 於 至 雖 病 日 理 論 於 小 既 垂 口

知

孝悌 其 倦 間 古 鬼 傾 先 神 0 學,於静 倒 9 而後明理 切至, 聖賢之奉,爲之競競, 佛 忠 民 公之教 信 老之説 以 事 睦 必 江 至 人,必 婣 竭 居 又 必必 庭 任 特 敬 兩 中 恤 屏絶之。 盛 端 以 使 者, 之意? 造 而 之 亦 暇 後 其 先有 己。 必 日 極 尤 雖 獨 隨 召 以察 孜 法 於 諸 所 其 事 孜 **\$** 社 爲 教 生 剖 乎 焉 所 戒 告 稷 郡 析 義 無 山 精 世 必 語 利 而 川 明 俗 葺 之 於 亦 不

以義起。其水旱禱祠,無不應也。

之所 者 當 前 世 於 也 他 學莫 洙 聖之 有 戸爲 所 歟 如《 泗 存 向 平 所 而 先於 書 言 所 矣。」 其 爲 生 不 年 其 提 未 而 所 能 一》之屬 義 功 嗚 爲之, 詩 發 綱 著 自 利之辨。 則 挈 呼 ×, 諸 書 已 而 已 領 葛 同 則 則 孟 多 唯 非 忠 皆 於 所 至 猶 矣。 子 ^ 有 哉言 武 人欲 而 以 欲 論 × 性善」、「養氣」 所 侯 義 開 稍 **^** 語 蓋 爲 太 之 傳 也 也 悟 更 説 其 而 其 私 極 者,本心之所 定 後 常常 爲 爲 最 學 焉 圖 言 亦 而 成 之者 説 後 使 非 口 有 書 而 × 出 之 謂 未 不 天 日 ^ 也 功 理 及 經 迷 擴 其 : 而

家 奮 未 有 不 如 顧 靖 公者。 許 身 康 之 以 或 變, 任 之忠 雖降 其 或 責 家 命 判 者 之禍 不 決 蓋 長,不克卒 之 極 無 明 矣。 幾 計 慮 小 就 之 大 而 其 審 之 其 又 臣 承

> 然 口 其 誣 志 巾 義 偉 然, 死 而 後 E 則 質 諸 鬼 神 而

> > 不

凡 默 既 吕 之者 前 於 自 拳 仡 而 口 以 世 宏 哲 論 契 傳 乎 拳 幼 又 彌 無 而 於 之 綱 之 説 講 壯 失 者 識 其 乎 考 六 亭贊 其 毫 所 蕭 任 死 豪 大 心 於 其 不 則 功 者 道 欲 致 矣, 春 用 Ŧi. 義 曹 出 謹 利 主 之勇,卓卓乎 畫 言 峰 彼 風 利 家 巨 觀 也 之雜 人 之 之門 義 其 像 沂 而 之 有 庭 耶 於 細 切 利 揚 日 未 水 間 此 所 顯 之 休 之 及 : 而 汲 不 以 者 微 是 判 究 毫 考 樂 山 古 汲 擴 得 以論 會 至 亭 莫 者 釐 尚 不 立 已 其 乎 仁 其 而 不 之 序 之 於 得 有 其 立 知者 義 知 歸 道之家 姿 辨 措 可 洞 其 夫 以 幹 心之高 之端 也 諸 忠孝 以 然 文 1 父之勞, 仡 蓋 以 既 而 日 其 析 事 於 與 爲 有 獨 其 與 至 之 公公 業 見 胸 秋 其 出 其 所 湖 於 四 伊 方 則 於 以 不 知 海 口

學 足 蓋 Ħ. 其 敬 天 學 子 窮 未 也 夫 嘗 經 之 不 亦 争 幸 所 味 會 向 就 死 其 日 友 往之。 矣。 言 既 以 日 是 足 嘉 反 敬 而 人 以 其 諸 夫 自 侍 名 績 天 心 足 經 於 資 也 且 而 帷 甚 將 不 世 高 比 倚 出 知 年 然 以 臨 聞 年 以 察 藩 大 道 數之不 來 其 用 屏 其 心 蚤 方 則 베

東萊先生吕祖謙

庭 也 辰 胡 有 自 吕 憲 中 其 祖 游 原 祖 謙 既 文 , 始 字 獻 又 居 伯 友 之 婺 張 恭, 傳 州 杜 0 尚 朱 長 祖 書 從 熹 謙 右 林 講 之 丞 之奇、 學, 好 索 益 問 本 精 之 之 汪 家 應 孫

方之士 詞 科 初 調 争 蔭 南 趨 補 外 之。 宗 人 官, 教。 除 太 後舉 丁 學 博 内 進 艱 士 士, 居 復 時 明 中 中 招 · 博 都 Ш 學 官 待 宏 兀

> 於前 畫 傑 對 則 也 博 次 一之實, 勉 大 者 士 共 規 義 然 兼 模 孝 例 集 可 後 孰 補 事 當 宗 或 伸 與 爲 史 外。 功 定 留 大業 院 先 意 臣 二大臣定 後 方 編 添 聖 願 可 略 脩 差 使嘗試 學。 精 復 當 官 教 矣。」 加 審 授 實 且 考 成 嚴 僥倖之説 録 言 察, 算 陛 州 院 : 而 使 下 檢 次第 方 恢 之 討 尋 復 不 確 廣 復 官 行之, 敢 指 攬 大 召 陳 豪 爲 經 事 輪

脩官 部 嘗 台 揭 士 夫治 徽 州 示 得 讀 院 宗 崇 果 陸 求 召 道 實録院 實 道 九 試 九 問問 體 卷, 録 觀 淵 淵 館 目 統 文,喜 日 職 人服 檢 獨 越三 : 上下 討 書 祖 先 之,而 成 官 其 此 謙 年 内 是,召試 精 必 不 進 外 以 除 鑑 江 然 未 秩 不 脩 秘 西 識 相 撰 父 而 書 者率 小 其 侵 其 面 憂 李 郎 陸 人。 奪 對 免喪、 文 燾 或 之文 前 言 薦, 特 而 考 史 期 後 典 主 試 重 院 也 從 日 安 美。 脩 禮 學 編 :

謂 尊 圖 積 滯 不 諫 懼 指 豪 11 順 玩 亦 向 智 懼 猾 以 其 任 倚 皆 者 以 以 輕 職 而 麾 足 求 之 或 代 救 爲 内 弗 任 親 陛 不 柄 玩 而 則 人 誤 徧 天 公 則 其 能 慮 īF. 伸 臣 官 下 細 生 率 察 懼 分 府 下 議 焉 以 而 無 勞 縮 務 爲 疾 則 之 處 平 郡 謂 爲 所 私 之 大 哉 勿 而 其 聲 有 士 之, 居 陛 邪 疾 詳 ? 臣 行 陛 縣 勢浸 上 侍 未 多 下 則 ? 不 於 執 下 有 自 忽 所 從 而 見 所 可 有 勝 小 於左 要 侵 可 無 省 長 益 以 之 如 其 遣 疑 給 而 之 以 任 專 部 肆 詢 日 闘 患 而 趨 忘遠 舍 右 事 總 恣 而 勿 詆 訪 而 鬲 不 附 以 臣 之 兼 萬 雖 椽 以 益 焉 排 能 脉 浸 大之計 慮 屬 外 事 出 下 不 日 行 聰 思 令其 絡 多 之 勞 至 納 權 有 凌 其 明 儻 願 雍 何 監 機 操 焉 任 急 長 事 獨 過 少 陛 得 下 蔽 必 吏, 制 太 司 咎 高 有 端 誰 下 有 勿 勿 屈 大 ; 重 忽 虚 外 以 浸 苟 賤 雍 至 方 臺 與 故 守 臣 而

於近而忘壅蔽之萌。

體 優。 過 殄 治 以 年 也 前 兀 昊之 前 禮 代 0 口 視 則 無 代 故 觀 故 孫 爲 又 前 事 纖 者 言 雖 難 於 節 未 代 功 毫之虞 而 尤 昌 俶 義 備 之不 爲 范 武 熾 擾 成 者 當 或 未 績 盛 韓 艱 就 競 愛 備 未 朝 則 大 皆 危 夫 風 護 者 治 振 從 根 之 之 俗 以 極 體 而 本 古 可 時 後 寬 扶 名 有 此 之 當 知 時 大 持 勝 遠 此 駐 所 深 矣。 激 之 忠 调 相 病 謂 蹕 厲 口 選 厚 前 望 已 東 遠 臣 知 而 建 代 見 過 謂 而 南 而 矣 振 立 者 前 莫 幹 踰 今 起 規 能 是 日 代 然 略 五. ; 有 模 遠 治 者 平 以 未 文 + 視

孝 難 行 有 宗 傳 書 學 以 後 日 遷 著 ^ 命 士 聖 周 作 盍 祖 宋 郎 必 謙 委 文 大言 館 以 海 遂 職 末 ×, 斷 鈴 疾 孝 自 擇 ^ 請 宗 文 中 祠 命 以 海 興 歸 臨 成 以 去 0 安 前 取 先 代 府 差 是 崇 之 校 謬 雅 書 書 IF. 朏 恐 刊 肆

史 制 治 職 詔 浮 中 一院 道 書 除 類 編 尋 舍 直 史 故 爲 主 脩 人 祕 爲 以 百 管 陳 官 閣 先 寵 Ŧi. 冲 騤 + 之, 卒 祐 駁 時 祖 卷 之, 觀 年 可 方 謙 上 孝 四 即 重 之, 所 明 + 宗 命 職 准 年 賜 五. 批 詞 名 採 名 除 旨 非 謚 ^ 著 取 云 騤 皇 有 精 日 作 不 朝 詳 功 郎 得 成 館 文 不 己 兼 有 鑑 閣 除 草 或 益 之

書 筬 後 冰 氣 見 mi 躬自 之士 釋 世 質 涯 任 ^ 法 重 涘 祖 辨 厚 定 其 朱 道 謙 皆 志 而 熹 心 遠 所 學 脩 歸 古 録 薄 嘗 講 平 之 ~ 以 心 責 周 讀 言 意 畫 氣 弱 焉 ^ 於 易 詩 歐 和 不 將 洛 × 記 衰 陽 學 不 少 以 爲 ^ × 公 褊 如 立 書 開 宗, 忽 ^ 本 居 急 崖 説 大 伯 物 覺 末 家之政 恭 異 而 成 事 × 平 *****, 旁 9 ^ 務 記 方 時 日 皆 閩 稽 是 誦 時 忿 当皆 範 行 既 載 皆 能 懥 孔 英 于 籍 卧 未 口 變 涣 子 偉 ^ 世 病 官 爲 化 言 成 然 卓 不

> 既 晚 年 殁 會 郡 友 之 即 地 而 日 祠 麗 澤 書 在 金 華 城 中

備遺

體 之 既 寬 考。 看 須 如 史 寬 紀 自 看 前 有 嚴之類 大 風 在 雖 或 皆 機 嚴 復 例 天 以 俗 先 有 之 下 須 括 意 生 消 其 雖 統 之 識 大 0 嘗 會之 長 統 兩 有 統 或 體 要 統 曰 治 體 君 之所 君之 體 先 體 : 可 亂 稍 也 兩 復 識 蓋 也 者 觀 嚴 讀 事 以 統 0 爲 之。 常 有 其 史 稍 盛 體 不 代 大 至 先 偏 相 寬 衰 害 於 統 或 綱 如 看 銅 勝 如 其 體 戰 不 秦 之 事 文 及 統 也 如 爲 或 害 之 之 統 帝 流 體 然 寬 其 所 體 之 暴 代 既 弊 後 合 ; 寬 分之時 爲 虐 以 處 識 就 統 觀 嚴 成 統 之 君 體 宣 皆 漢 代 其 體 敗 亦 讀 中 帝 綱 統 在

人之所以邪正,於幾微萌芽,察其所以然,

是謂機括。」

練 理 非 又不可 然 體之以 又 後 日 時 輕 勢 身,平心 事 讀 立 情 意 史 見 既 漸 熟 不 易 看 口 可 1,參會 識 出 隨 别 議 其 論 積 成 敗 須 揆 以 經 之 爲 歷 以 諳 是

太 故 慾 却 遽 粗 欠 薄 與 張 故 涵 操 敬 泳 存 却 夫 不 澄 欠克 足 書 定 略 之 治 而 日 力。 談 經 : 説 歷 積 從 有 之 蓄 功 前 餘 未 病 厚, 痛 思 慮 而 良 稍 發 以 少, 用 嗜

利 源 與 考亭 凝 聚 書 停蓄 日 : 方始 學 者 收 須 拾 是 得 專 1 心 致 志 絶

德 之 收 著 斂 盛 通 力 患 ; 處 後 考 從 亭 自 着 容 致 然 然 力 游 書 左 程 但 右 泳 子 日 不 逢 : 嘗 又 其 可 日 承 墮 用 原 : 喻 於 意 亦 整 悠 今 安 須 頓 悠。 亦 排 且 收 當 等 自 斂 此 且 候 此 正 則 就 去 學 即 整 成 者 於 頓 到

病耳。」

之 却 不 無 於 渾 不 口 所 略 ·然也。」 知 以 不 知 又 毫髮 文 日 道 具 理 之 體 : 先 差者 密 中 之 承 生 察 渾 喻 答 精 然 縷 所 曰 是 粗 無 疑 析 : 以 本 所 毫分,而 别 所 其言常喜合 末 不 紙 喻 賓 具 求 誠 主 教 爲至 不 而 内 害 乎 不 然 外 論 而 知 其 惡 本 蓋 渾 病 離 體 然 有 在

之。 學 寡 前 生 學者於此 不 繼 到 之以 之蔽 答 下, 正 此 檢 無 皆 點 多 日 又 得恰 偏 未 矣。 日 見 篤 故 倚 嘗 須 友 : 行 發泉 之患 好 所 且《 朋 以 是 0 所 喻 此 每 多益 程 無 中 0 然 喻 致 校 包 所 子 若 庸 此 講 知 彼 量 不 寡 於 》言學、 如 學 義 之論 用 克 來 涵 事, 耐 克 理 其 喻 養、 己 有 己 各 問 極 不 所 而 便 之 進 是 然要 然 口 偏 於 思 有 學 功, 偏 踐 後 廢 辨 好 件 如 裒 亦 履 足 也 Ï 甚 來 多 目 處 兩 不 而 喻 夫 多 先 益 後 好 俱

乃完粹耳。」

根 凝聚收 本。」 又 日 斂 是大題 杜 門 目, 進 學,所造 此 不易之論,乃 想 日 深。 工 所 夫 謂

要不得有自足心。此至論也。」 又曰:「伯恭嘗言,道理無窮,學者先

功,却 之作,旨意 於要 博 雜 極 約 極 住。」 害事 處 不 伯 曾仔 恭 細 日 研 前 究。 只 向 如 雜 ^ 博 閫 處 範 用

讀 字不得。 執要作「洽」字。 和 程易》, 書 而 須是 伯恭聰 且 到《 洽 先 緣他 經 噬 字。 明, 爲本、 嗑》卦 先讀 看義 「和」已有洽 據「治」字 史多 而 理 和 後 不子 而 2,所以 讀 且. 於理 史 細。 治 意 看 更下「 爲 處 向 廳了 是, 嘗 他 本 與 洽 硬 校

有 所 長 理 會 制 同 父 度 ,偏攷 則 談 論 究 古 其 今,説 小 小者, 王 説 惟 霸 君 舉 爲 伯

恭則兼君舉、同父之所長。

如 終身無暴怒。 語》早晚 意 便 向 開 打 見 伯 破 看 家事 恭 忽然覺得意 此可爲變化氣質法。」 説 後因 少 時 性 久 氣 病,只 思 粗 暴 時 將 嫌 平 飲 İ 册 食 論 遂 不

考亭淵源録卷之三

四三

考亭淵源録卷之四

復齋先生陸九齡

宗, 是 吾 博 道 父賀 子 昏、喪、 程 時 也 所 士 孫 吏部 稍 0 氏 陸 學黄、老,不 願 德 以 之 長 祭儀 幼 九 學 學行 遷 (補郡 員 龄 學者,九 穎 也 字字子 外郎許忻有 行 悟 Ŧī. 爲 於 遂 端 代 學 里人 事 家。 歸 龄 弟 重 末, 禮 家, 獨 子 0 所宗, + 避 法 生六 真。 尊 八世 名 從 歲 亂 慨 其 中 父 喪 居 子 嘗 時 説 然 祖 朝 兄 母 撫 秦 采 嘆 希聲 九 講 州 退 久之, 檜 司 日 哀 龄 學 之 居 當 馬 : 毁 其 相 金 臨 益 或 氏 此 聞 如 第 唐 力 川 冠 溪 非 五. 新 成 無 昭

> 筮 百 文獻 少 一之説 家 所 告之。 書 賓 接 夜 不 自是 倦 見 九 九 悉 龄令 龄令 通 與 陰 益 語 陽 大 肆 大 星 力 悦 曆、 於 盡 五 學 以 行、 繙 當 閱 1 代

中 長, 之。 懾。 有 子 寇 者專之矣。」遂 也。 上 汪 桂 剽 弟習 陽 應 雖 則五 無 會 門人 古 舊 刼 不 軍 性 辰 自 湖 者 者 至 有 射 周 教 舉 取 兩 南茶 過 有 多 義 謹 授 爲 之帥 死。」及 日 而 其 征 社 不 不 學 郡 寇剽 : 門 以 討 悦 以 録 領 肯 也 縣 備 是 親 其 必 0 至 苟 公 倚 九 廬 寇 古 老 登 事, 相 士 簡 興 卿 龄 陵, 以 男 道 乾 郡 或 戒 而 涉 爲 即 日 調 子 聲 遠 道 從 耻 獵 日 爲 : 重 度 之 地 摇旁郡 衆 改 此 Ŧī. 將 屯 濱 事 文 年 請 人 暇 是家 則 帥 興 禦皆 大江 事 也 以以 進 太 則 豪 或 武 學 士 射 與 比 九 人心 俠 軍 · 俗 歲 有 備 第 龄 多 鄉 間 司 武 恶, 法。 之 命 震 儉 之 斷 主 調 未 業

郎 卧 語 授 起 番 矩 m 而 直 猶 肅 未 卒 不 鮮 秘 以 衣 上 滿 知 閣 天下學術 冠 年 歲 學 得 四 賜 如 以 疾 + 謚 臨 九 総 九 龄 文 大 13: 達 不 衆 才 憂 寶 日 以 爲念。 去 慶 晨 勸 職 興 綏 閒 服 年 自 至 引 除 华 佚 翼 夕, 特 牀 調 贈 整 益 上 + 全 與 朝 襟 州 嚴 類 奉 正 客 教 興 規

吕 意 不 者 遜 法 人之惑 相 弟 内 號 祖 少需 自 謙 識 嚴 闔 焉 九 常 門 龄 得。 陸 若 有 未 晚 與 百 嘗 稱 朝 難 歲 必 弟 之 或 繼 廷 以 不 九 有 未 日 其 以 男 自 口 淵 來 而 口 父 書 女以 舌 悟 問 忠 相 與 志 講 所 争 也 敬 學 爲 語 班 學, 志 者,言之激 者 益 樂 師 者 廣 則 易 各 友 脩 期 九 大, 漢 供 以 禮 龄 鄉 和 張 其 學, 所 世 從 而 人 栻 職 據 道 化 容 不 治 適 嘗 與 者 之 啓 之, 口 閨 家 九 古 實 重 告 學 皆 龄 其 門 有 :

> 兄 却 釐 有 九 之 肯 V. 韶 偏 綮 几 顧 之 弟 雖 阻 弗 九 V. 造 萬 雖 於 夫 積 至 之 九 平 表 仞 至 不 之 粹 敢 功 之地 安 不 敢 公 弗 遂 聽 措 並 有 也 0 毫

備 遺

崇 斯 了 考 沉 忽 相 論 亭 浮 成 成 也 傳 人 0 0 沉 泰 千 聞 岑。 只 考亭 珍 先 既 之 古 華 重 此 生 作 岑。 餞 欲 最 而 友 留 11 謂 象 知 詩 東 靈 朋 情 東 萊 自 易 Ш 大 心 勤 傳 云 萊 : 和 簡 F 抵 註 琢 至 日 升 工 涓 K 切 翻 有 : 孩 鵝 高 夫 流 榛 基 湖 提 子 須 處 終 方 積 塞 墟 知 壽 知 先 築 至 久 愛 墓 真 著 早 至 生 大 室 滄 長 興 僞 已 意 兄 樂 哀 溟 知 支 須 未 精 弟 在 宗 水 欽 先 離 子 聞 微 于 來 廟 辨 拳 古 事 静 今。 轉 無 會 欽 只 石 船 陸 址 講

籃 轉 别 離 深 輿 度 最 沉 遠 載 後 0 岑。 考 却 更 關 亭 愁 舊 和 心 説 學 云 到 商 偶 . 無 扶 量 德 言 加 築 業 處,不 邃 杖 風 密 出 流 寒 信 新 夙 谷 人 所 知 間 培 欽 又 , 有 養 枉

古今。」

亭答 氣 雖 看 一十 Ė 書 勢,今何 一 三 二 講 轉 餘 東 萊 步 論 日 幡 東考 子静似猶 止 而 心 十去七 然以 未 亭 曰 平 ·曾移 氣 鵝 . 下,相 有舊 八 湖 身。 子 耶 前 ? 來 壽 見 識 口 意 爲 前 思 中 思,子 非 日 甚 鵝 經 湖 難 甚 過 壽 講 欲 得 論 言 着 留 其 時 考 實 此

嘆 念 使 滚 中 慮 説 美其説之善,前 人 庸 余大雅 有 了, 》『莫顯 古 點 能 更不見 檢 常常警策,不 問 處 乎微」,云: 晦 切 九 庵 後説者 實 龄 日 處 : 自 · 今 「幾 · 使 覺 連『莫 陸 萌 如 力 子 微 於心,此 弱 此 壽 細 分 見 尋 看 事 乎 别 常 先 也 隱 殆 非 却 生 是 因 禮 所 解

謂幾微處也。」先生曰然。

梭山先生陸九韶

弟 著,有《梭 不 韻 弟,分任家 最 書之言行,夜必 誦 賓客之事,各有 責 其 可容,則言之官府,屏之遠方 語,晨興,家長率衆 長者爲家長,一家之事 辭, 九韶, 而 使 訓 山文集》、《家制》、《州 列聽 事。 之。 字子美。 之。 書之。 主者 不 凡 改 田 子弟 疇、 其 則 子 其家累 九 學 弟 撻 有 租 韶 聽 淵 之。 謁 税、 過 以 粹 命 先 世 郡 訓 焉 家長 出 焉 終不 祠畢 隱 義 圖 戒之辭 納 居 居 九 會衆 歲 -改,度 庖爨 Ш 遷子 擊 韶 中 子 鼓 爲 所

論 於 排 以 細 地 有 處 却 從 而 IF. 極 外所 空 不 論 位 自 恐 是 \forall 扶 前 却 未 ^ 寂 足 然 只 家 掖 反 不 晦 恐 以 西 而 殊 所 能 覆 爲 敢 之 庵 銘 如《 信 長 而 便 見道 盡 不 看 輕 答 萬 功 **>** 不 以 者 之不 之失 太 發其 知 來 議 陸 化 哉? 能 從 己 極 不 道 理 之 子 爲 見 疑 初 言 奥 非 爲 根 美 備 萬 理 輕 便 今詳 是 無 是, ; 而 化 實 書 首 而 悉 肆 忽 極 從 不 妄 之 是 指 反 不 其 詆 來 人 言 以 根 句 以 則 意 如 : 言 知 排 脚 教 太 己 太 累之,豈 此 却 最 也 根 伏 見 極 不 然 只 極 及 元 是 别 曾 承 輒 依 此 司 省 间 來 長 今 未 示 致 爲 書 於 他 從 者 未 無 敢 亦 有 諭 句 之 思 門 之 前 極 所 不 到 自 開 物 户 説 説 太 深 暇 謂 淪 他 只 所 便

者 意 哉 塞 若 與 以 所 父 坤 所 未 前 多 見 今 而 ? 乾 之 ? 母 以 曾 道 其 至 而 以 生 亦 不 但 而 於 言 下 也 親 父 在 如 理 坤 且 取 古之 吾 然 日 則 能 母: 親 彼 都 此 語 以 古 其 性 則 條 吾 父 分 今 以 而 也 而 首 精 無 君 姑 母 亘 之 體 萬 貫 若 明 天 言 密 句 干 爲 子 今, 之 所 物 脉 之 民 下 直 至於《 論之: 必 浩 宏 所 微 同 則 絡 以 爲 所 截 攧 謂 惟 闊 以 妙 爲 以 撲 其 人 井 其 民 西 則 廣 物 爲 家 父 無 性 爲 不 人之一 見 物 銘 井 所 其 而 大 母 各 父 窮 破 者 體 只 得 》之説 不 中 愛 所 之言 以 矣。 母 者, 是 道 亂 或 物 贵 有 可 父 者 只恐 而 身, 父 理 疑 爲 取 贵 非 以 萬 母 向 只 母 真 即 猶 推 者 於 形 天 非 物 古 今 自 下 所 人 其 是 實 更分 容 天 若 是 地 乃 既 所 家 便 乾 西 生 所 如 地 父 説 以 口口 而 在 見 在 銘 明 此 坤 爲 體 非 之 母 更 帥 許 乾 此 得 目

教 之梏 到 致 通 姑 務 害 \exists 而 萬 破 有 虚 而 膠 耳 語 爲 立 壞 絶 所 分 名 破 曾 續 固 而 理 但 論 只 於 其 别 此 行 難 有 經 以 妄 初 到 以 如 所 言 我 無 得 此 是 **>** 而 以 無 己 聖賢 之言,不 之 字 之 來 有 有 非 江 以 話 要 所 己意 實 之私 贵 私 未 書 説 也 救 義 言 人 西 仔 體 於 半 足 而 理 便 明 時 細 無 似 造 哉 若 此 年 己 之 以 得 而 俗 得 商 非 亦 作 切 草 果 方 盡 實 不 之 却 義 此 量 川 言 未 幸 草 如 達 之, 服 己 理 弊 大 初 是 否 理 免 語 此 痛 布 推 之 ? 無 也 之言 抵 者 不 所 而 此 與 之, 此 以 有 此 古 私 則 見 謂 又 病 近 指 初 之聖 增 却 理 義 其 ; 1 却 未 不 何 忧 見 摘 無 既 立言 是 不 飾 體 理 託 知 知 足 其 賢 務 此 明 其 實 者 子 剖 此 以 何 子 所 只 之 理 理 正 所 千 析 時 静 間 静 論 則 破 全 失 行 無 不 見 轉 近 是 王 相 人 利 合 口 而

> 未 梭 X 發 嗟 局 不 云 艾 者 復 Ш 求 時 : 明 累 也 主 之, 掛 元 梭 社 因 其 晦 日 Ш 倉 編 此 社 牆 欲 事 自 寬 梭 遂 倉 立 壁 卹 元 編 Ш 規 至 社 詔 晦 遠 兄 人 制 今 倉 建 令, 方 廣 所 逾 于 請 相 至 以 賑 得 青 與 樂 無 卹 見 幾 甲 \mathbb{H} 棋 門 就 知 年 此 子 酌 者 下 象 文 于 損 鄉 今 風 兹 山 益 民 與 乃 九 矣 也 與 而 賴 淵 得 口口 捎 行 其 是 監 執 官 在 有 利 時 事 咨 敕 司

象山先生陸九淵

食 地 \Box \Box : 何 及 陸 所 伊 聞 總 九 窮]1] 淵 角 際 之言, 誦 舉 字 父笑 伊 子 止 奚 111 静 異 語 而 爲 凡 不 與 兒, 生 自 答 孔 覺 見 子 四 若 遂 者 歲 孟 深 傷 敬 子 思 我 之。 問 之言 者 至 其 忘 謂 父 寢 不 又 天

至 世 不 海 海 事 即 類 字 於 之上 0 口 有 宙 疑 0 南 千 聖 己 0 巾 有 沂 海 解 百 分 見 有 人 忽 子 者 之言 世 出 其 聖 内 大 北 日 之 焉 間 事 人 海 省 : 支 下 出 有 多 \neg 日 此 乃 離 有 有 四 焉 聖 : 宇 心 聖 方 不 人 口 宙 此 宇 他 Ŀ 人 是 出 也 内 心 宙 日 出 下 處 事 同 亦 此 讀 内 日 此 也 莫 理 古 事 宇 初 又 心 不 百 書 讀 此 嘗 乃 往 此 然。 至 也 理 日 己 古 論 理 宇 司 千 分 亦 至 來 語 也 宙 無 白 西 東 内 今 0

之 之 爲 如 有 不 游 其 懷 用 即 學 心 於 後 口 嘗 言 登 中 規 以 論 乾 亦 而 正 有 有 感 道 不 : 小 能 發 八 相 念 念 過 年 去 自 慮 慮 聞 千 進 曉 之 言 而 之 里 者 士 正 中 不 興 第 聞 爲 其 者 起 正 之 其 至 情 者 者 頃 條 行 大 甚 或 刻 概 析 在 頃 衆 至 而 其 刻 而 士 失 流 故 教 争 而 得 之 汗 知 其 悉 從

聽 謂 事 復 删 者 王 事 天 大 靖 必 願 除 以 即 洂 學 信 當 讐 致 下 定 安 以 輻 輪 觀 或 少 爲 者 尊 之 官 子 自 凑 帝 之 所 對 師 縣 馴 形 者 不 駁 德 義 號 俊 遂 Œ 稱 主 日 致 正 史 洂 善 樂 傑 九 浩 簿 每 繩 必 而 陳 教 象 至 道 開 詔 淵 丁 薦 有 不 以 汝 是 諸 五. 相 Ш 之 講 未 主 小 口 可 形 論 母 耳 訪 則 翁 與 生 召 幾 誠 席 管 聞 以 驟 憂 迹 : 自 舉 審 不 知 無 台 靖 形 户 除 觀 聰 學 論 足 異 勇 察 服 康 論 迹 外 州 將 五 者 論 士 道 以 在 翼 目 間 崇 不 觀 讐 作 屨 論 稱 家 經 教 知 則 自 者 事 道 赴 滿 監 與 耻 改 象 邦 時 人。 人 明 議 不 觀 建 未 派 主 慨 有 之 之 耆 Ш 足 復 恢 侍 寧 事 爲 不 職 然 除 初 不 老 難 先 還 以 復 從 崇 當 父 扶 給 可 有 敕 調 生 願 鄉 大 復 安 知 自 親 隆 **\$** 杖 博 感 以 事 四 薦 能 觀 學 論 論 於 所 細 求 圃 形 中

淵 言 孝 自 著 猶 立 事 書 易 而 兄 已 自 與 日 能 溺 又 弟 於 六 曰 意 經 本 : 註 見 無 此 之 我 欠 道 人 闕 我 言 與 註 不 溺 却 六 必 於 難 經 他 利 求 欲 或 又 之 勸 在 \Box 九 人 乎

學

荷

知

道

六

經

皆

我

註

脚

某 之 乃 還 子 俗 釋。 期 早 訴 人 殺 貪 暮 加 人 果 皆 其 皆 者 姓 廉 其 追 爲 唯 光 無 如 治 子 得 暴 名 不 有 民 恙 且 約 者 造 即 口 涉 俗 釋 翌 使 而 吏 訓 于 位 人 之習 有 九 至 H 竊 捕 大 庭 者 倫 淵 差 訴 有 罪 至 驚 即 復 者 尚 竊 知 始 使 訴 訊 爲 善 \$ 取 荆 : 郡 寘 自 遇 使 之 酌 不 惡 其 門 而 以 之 奪 新 自 伏 情 自 不 軍 爲 法 掠 至 皆 毁 辜 決 知 持 0 神 者 大 是。」 素 其 之, 其 狀 民 其 盡 語 知 狀 即 以 有 申 境 得 及 吏 之。 而 其 追 訴 嚴 以 所 追 内 以 名 九 人 者 保 某 爲 淵 究 官 竊 有 厚 所 也 伍 所 物 出 其 訴 勸 立 吏 風 無

邪 察 於 易 令 銅 徼 虞 之 之 不 Ш 在 荆 口口 東 貼 於 錢 敵 能 間 朝 之 荆 護 門 法 馳 古 而 備 納 門 兵 以 處 隨 爲 爲 而 由 盡 以 漢 減 盜 則 之 禦 濡 次 己 之 城 唐 其 蠲 民 津 賊 郢 几 几 腹 之 邊 之, 軌 脅 九 在 近 税 之 之 或 集 而 鄰 脇 者 湖 淵 荆 邊 發 自 脅 之 而 城 口 者 有 門 陽 商 由 日 所 故 涉 無 是 路 池 以 擒 所 賈 之 鄧 以 西 事 亦 在 城 民 闕 鐵 之 恃 畢 之 當 趨 坡 腹 尚 IE 無 然 南 既 錢 不 平 集 陀 鄧 光 Ш 多 在 否 九 捍 禁 易 邊 逸 時 自 將 不 城 淵 此 0 化 則 税 憂 則 之, 江 之 教 誰 能 此 以 自 以 有 其 夷 陵 人 人 矣, 軍 之 涉 以 與 爲 而 雖 我 罷 背 H 涉 陵 伍 外 漢 守 北 限 郡 銅 出 群 又 几 漢 增 弱 脅 之 射 馬 有 Ш 奇 援 使 居 盜 間 市 之 腹 則 衝 環 制 襄 江 屏 之 郡 乃 灘 舊 丰 道 其 處 心 勝 合 陽 息 之 民 輸 復 譏 請 荆 漢 用 瀬 趨 E

爲 禱 後 得 \Box 變, 即 世 與 有 雨 古 諸 中 流品之分, 者 郡 司 者 無 交 人異之。 均 流 薦 賞, 品品 而 之 丞 薦 賢 **令**, 相 逾 其 不肖之 周 年, 屬 而 必大嘗 政行 賢 不 辨 不 限 令脩 肖 略 稱荆 流 之 品品 每 辨 門 民 嚴 俗 之 嘗

矣。」 卒。 日 竟 不 又告 得 葬者以 日 施 迺 僚 語 以 沐 屬 所 没。」 浴 千 親 日 數 更 : 日 又 衣 「吾將告終。」 益 : 謂 端 先 「文安」。 家 坐, 教 人曰 授 後 兄 : 會禱 有 日 吾 志 H 天下 將 中 明 死 而

白 論 病 者 多 不合。 鹿 難 至 有 洞 至 初 不 于 置 泣 九 九 及熹、 下, 淵 無 淵 爲 嘗 熹 極 門 守 講 而 以 與 南 太 君 朱 爲 楊 康, 極 子 熹 切 簡 小 中 九 會 之辨 人 袁 學 淵 鵝 喻 者 爕、 訪 湖 則 義 隱 之。 舒 論 貽 利 微 璘 辨 書 熹 深 章 所 往 沈 與 痼 學 來 之 涣 聽 至

能傳其學

備遺

陸子 之傳 人之中 静 聞 登 第 也 ____ 他 時 見 日 考 高 相 官 文, 謂 吕 日 心 祖 : 開 謙 未 Ħ 能 嘗 明 識 承 其 知 款教 文 其 爲 於 僅 江 數 得 西

政

以

爲

躬

行

之效

此 以 意 意 江 欲 欲 浙 頗 陸之教人爲太簡,陸 不合 諸 鵝 先發 令人 湖之會 友, 泛觀 明人之本 皆 止 吕 博 旬 "覽,而 伯 日 恭 心 0 以 後 陸 而 論 朱之教人爲支離 後 歸 子 及 壽 使之博 之 教 約 劉 子 覽。 晦 澄 陸 翁 之 及

日 笑 • 曰 曾 象 祖 山 這 道 之 好 曰 學, 商 : 量 祖 頃 公 道 年 且 曉 亦 道 嘗 不 象 見 得 Ш 象 , 更 如 Ш 是 何 不 晦 敢 庵 雜 有 翁 今 本 位 料 做 道 學 正 日 誠 知 欲 _____ 要 言 平 不 甚 持 味 H 他 口 得 敬 其 身 祖 象 ? 日 纏 惜 心 率 間 : 不 子 道 Ш : 繞 目 詠 能 學 任 便 静 是 舊 能 祖 如 歸 硬 思 : 者 其 如 若 習 則 何 舞 要 視 道 責 手 此 吾 得 零 是 將 不 日 耳 於 者 如 足 有 敢 子 却 : 落 自 能 ____ 天 學 能 點 有 物 此 恐 陷 是 聽 子 此 理 ? 化 之, 運 理 去 成 吾 穽 静 恐 治 動 鼻 猖 對 而 是 恐 而 夫 只 平 卒除 能 狂 不 多 非 E 子 如 必 是 日 物 知 妄 : 以 少 何 家 欲 初 所 先 不 香 行 明 學 更 外 風 須 象 得 生 以 臭 毫 要 快 鑠 所 要 Ш 自 見 象 以 到 祖 其 如 口 與 任 處 欲 蓋 晦 Ш 爲 道 此 存 能 地 祖

喻 鹿 於 洞 利 書 先 生 院 訪 講 章 席 晦 畢 翁 先 于 乃 生 南 離 講 康 席 言 君 晦 子 日 翁 喻 請 於 熹 先 義 當 牛 與 小 登 諸 白

而

上

之,

則

又

惟

官

資

崇

卑

廪

禄

厚

薄

是

其 科 斯 矣。 也 此 士 義 利 自 口 人 切 生 在 生 志 之所 者 共 拔 舉 喻 好 己 判 書 此 則 不 之 志 觀 守 古 取 惡 君 而 於 其 不 所 無 乎 所 則 今 喻 省 説 不 士 利 子 曾 如 習 所 以 世 終 利 免 久 向 矣 何 説 必 感 由 小 無 亦 矣 日 以 此 先 耳 到 則 在 其 忘 恐 則 從 此 竊 生 這 故 名 然 所 乎 所 陸 未 與 事 相 非 謂 辭 書 場 儒 學 習 裹 習 義 先 聖 能 者 尚 所 學 旨 屋 者 鉅 必 生 賢 講 負 者 有 所 明 以 之 雖 使 公,皆 之志 所 在 之 背 習 益 愧 義 於 白 爲 得 習 汩 訓 日 平 而 **>** 何 也 此 君 由 聖 没 失 利 在 日 言 馳 當 然 由 不 其 子 賢 於 義 : 再 者 0 顧 九 讀 此 辨 所 口 之 此 所 三云 小 其 斯 多 乃 淵 之 此 出 志 其 書 不 習 人 技 平 者 復 志 章 而 喻 辨 在 之 請 與 於 志 而 不 H 荷 以 利 也 爲 推 辨 有 義 讀 平. 凡 先 義 不

之藴 願 斯 其 職 焉 是 贵 不 哉 而 堂 得 與 進 身 有 能 勤 博 怛 諸 於場 不 而 所 悉 其 其 學、 從 然 不 謂 君 喻 不 心 意 事 事 爲 可 勉之。 之 屋 審 ? 詭 力 篤 其 之 使 君 其 問 於聖 心 於 間 矣。 顧 之 痛 子 乎 文 慎 恐 或 爲 乎 心 更 或 人; 必 凡 思 事 不 小 歷 1 疾 皆 至 在 民 心 之 首 人 明 由 道 秘 斯 於義 乎 多 隱 之歸 是 辨 其 書 專 堂 民 而 平 而 先 習 以 志 者 耳。 而 仕 篤 日 生 講 無 其 乎 必 之學、 不 行 之 必皆 負 義 於 誠 起 不 爲 之, 熟 於 利 能 廢 而 殊 身 供 以 胸 由 H 欲 深 安 任 計 志 新 其 之 思 能 中 是 勉 使

不 白 鑑 自 腦 鹿 路 金 谿 而 洞 晦 謙 翁 惠 許 其 跋 院 胥 先 徒 請 訓 生 朱 至 得 實 克 其 講 從 家 所 義 言 以 * 以 陸 熹 發 警 麟 率 : 明 之、 學 僚 陸 敷 友 暢 周 兄 諸 清 子 則 子 生 叟 静 静 又 俱 懇 既 熊 至 來

> 忘之也 到 於 我 蓋 同 聽 人 明 者 白 德之方矣。」 志 1,復請 於此 而 不 皆 竦 反 有 子 然 静筆 身 以 尋 動 切 而 以 心 中 深 之於簡 焉 講 察之, 學 義 者 熹 隱 刻 則 受 又 微 줆 于 庶 恐 深 石 乎 其 藏 痼 其 久 之 而 不 病 或 迷 凡

然 言 撥 所 測 其 貽 著 養 於 規 書 差 ? 之 我 模 異 先 云 然 公宏大, 者 何 生 深 品 晦 在 病 , 奏 品 所 耶 敕 篇 源 翁 私 蓄 0 局 索之, 垂 流 憂, 之 語 時 示 深 厚 圓 未 遠 得 上 0 意 先 免 殿 聞 生 活 贵 但 有 輪 至 納 腐 向 混 萬 論 對 儒 去 上 浩 牛 Ŧi. 鄙 口 慰沃 流 本。 劄 生 路 首 轉 所 之 良 未 益 晦 時 可 歎 曾 窺 見 有 翁

拂 П 路 ,醬譽之厚 互 未 藏 先 曾 匿 生 答 撥 肺 著』之疑 肝 晦 俱 翁 悉 無 書 以 以 云 書 當 豈待 : 寫 之, 奏 之太 深 而 劄 慚 兄 獨 重 尚 踈 蒙 有 愚 望 長 之太 向 者 不 能 褒

過,未免金注之昏耶。」

否 未 用 耳 得 工 夫 晦 從 頗 翁 容 覺 書 面 省 云 論 力 熹 無 未 衰 復 知 向 病 異 來 日 時 侵, 支 離 尚 所 之 復 幸 病 有 彌 異 甚 來 恨 口 日

明 尚 有 辨 先 抵 H 0 白 訓 學 遲 ? 書 日 文致 者之病 續 九 先 贵 前 勢 淵 併 生 布 爲 月又 力 答 本 所 其 無 不 欲 痛 晦 與 罪 得 益 條 相 居 翁 須 Ħ. 析 斯 士 當 亦 書 得 月 以 兄 云 以 其 强 必 求 害之, 書 : 日 實 勉 教 不 書 頗 初 誣 心 適 徒 冬始 覺 則 開 服 服 此 以 辭 有 慰 便 臆 亦 費 之 得 縱 之 函 想 矣 何 劇 而 Ŧi. 其 未 益 理 稱 月 不 暇 之 能 大 不 五. 1 引

實 費 有 而 此 理 晦 病 翁 不 答 明 先 承 許 生 今 條 書 亦 析 云 不 見 : 記 教 當 所 諭 時 何 幸 作 與 **\$** 如 何 之, 兄 語 書 恐 虚 心 或 辭

> 論 以 俟 未 口 幸 便 因 似 早 居 便 士 見 兄 示 遽 斷 如 來 有 童 未 也 安 却 得 細

導 觀 校 之 類 云 色。 能 人 甚 子 也 又與 卓 晦 善。 0 然 翁 自 静 詹侍 自 云 家 渠 之 立 從 門, 郎 輩 子 今 相 書 如 浙 静 見 朋 云 之次 學 楊 東 友 : 學 簡 有 却 高 者 輩 便 意 又 教 毅 多 爲 躬 覺 授 然 子 己 行 不 能 有 静 皆 振 必 留 不 門 意 能 有 口 學 犯 開 口 又

此 抛 暮 却 雨 是 去 朝 晦 口 尋 晴 翁 喜 春 貽 更 也 ___ 先 口 先 生 一詩 生 0 聞 書 云 之 : 册 色 埋]1] 喜 頭 源 何 紅 日 日 緑 T 元 時 不 晦 新 如 至

深 忠 承 矣。 ,未蒙 改 歲 先 不 生 動 省 勝 息 與 察, 惶 晦 慰 反 翁 恐。 浣 書 成 之 云 向 唐 劇 蒙 : 突 尊 首 惟 兄 謙 其 春 促 抑 伏 不 其 非 度 領 條 情 賜 稍 析 教 督 獻 调 且. 愚 備

皆 諒 餘 也 不 聞 别 有 今尊 仰 教。」 ,如日月之食焉 各行 紙 無 之。」 尊兄遽作 所 若 兄 謂 所 **\$** 通 必 : 知 兄 涣 人之過 我 遽 此 亦 然 語 日 斷 可 於 矣。 斯 來 此 過 甚 雖 章 邁 矣。 也 非 微 上之戒 無 而 人皆見之,更 所 箴 復 月 願 望 藥, 望 斯 依 其 征 深 末 久 君 必 光 當 以 各 子 同 自 爲 以 也 之 尊 也 悟 幸 過) 0 卒 所

議

之也

今日 詞 其 聞 以 口 恨 象 以 是 氣 粗 不 Ш 爲 之計 預 晦 得 懇 率 翁 厭 料 闢 答書云 既 惟 至 架鑿之功 \equiv 流 發 其 僻 年 行 即 間 且 坎 有 : 知 觀 遠 止 半 悔 荆門 蓋 奇 一,亦非 之間, 之, 猶 有緒 覽 或 然已 之命, 勝 消 可 0 人 力 以 不 長 熹春首之 來 少 及 所 之 行 學 矣。」 慰 勢 志 者 能 人意 爲 亦 又未 想 益 也 不

詆 先 包 生 顯 道 侍 晦 晦 翁 庵 有 復 其 學 書云 者 因 無 南 極 之 渡 辨 以

> 字 人 着 而 脚 已 理 熹 會 實 着 敬 實 其 工 爲 夫 人, 者 諸 惟 君 熹 未 與 陸 口 以 子 静 輕

發 然 生 有 明 會 感 人 吏民 荆門 於 心 之善, 講《 郡 中,或爲之泣 故 洪 事,上 所以 範 * 元設醮,爲 自 Ŧi. 求 皇 多 極 福 民 章 祈 代 醮 事 曉 先

曉 冰 釋 處 矣 傅 或 沉 問 涵 子 若 雲 熟 讀 先 復 録 六 切己 看 先生云: 經 難 當 曉 致 先 處, 思 看 終不 學者讀 何 則 人 他 能 難 解 達 書 曉 註 者 先 先 涣 於 生 然 易

則 註 云 讀 不 「須 之 可 其 不 先 理 精 精 自 看 看 明 古 白 大 註 概 先 如 讀 須 理 ^ 左傳》 會 文 義 則 分 杜 明 預

⁰ 親 闢 山 陸先 ,嘉 生年 靖 本《 譜 象 作「益 Ш 陸 先 生 年 譜 作 闢 蓋

擇 交,一 有 隨 後 身 生 規 欲 矩 處 郡 讀 庠 古 書 先 生 論 訓 語 之 》之屬 日

證 議 看 X 自 諸 注 論 是 反 庶民 疏 周 之域 清 及 之吾、 先 而 叟 绿 不 儒 心, 便 謬 解 先 輕 底 釋。 生 有 視 道 云 甚 古 理 不 : 悖 小,然 然, 人。 道 後 後 處 執 生 至 别 看 己 漢 亦 白言之。 見 經 須 唐 議 書 間 自 論 家 名 須 著 臣 恐 有

之 味 自 不 讀 可 然 書 草 之法 有 涣 草 然 須 冰 所 是 釋 謂 平 平淡 怡 優 然 而 理 淡 柔 順 去看 之, 底 道 仔 厭 理 細 而 飫 玩

物 項 窮 語 分 究 所 自 學者不 明 去, 有 以 不 不 觸 他 能 長 得 自 日 進 底 又 着 或 道 换 實 問 且 理 思 理 如 人, 量 會 做 皆 或 只管 聽 要 文字 人 窮 看 言 ,須是 到 人 窮 或 口 處 觀 反 頭 言 覆 項

功 磨 確 伯 鍛 敏 鍊 録 方 先 得 生 云 此 理 : 學 明 問 如 當 111 有 之 日 增 新 之 如

> 焉 篤 木 何 之茂 會 知 行 博學 所 爲 行 所 自 者是當 當 在先, 然 爲? 日 進 爲,是 力 博 無 行 己。 學 不 在 審 當 後 今 問 爲 吾 吾 友 謹 友學 死 思 守 未 定 明 博 如

來 甲 問 ,只是比 ×, 九 淵 人 告子》「牛 謂 下 九 手 他 淵不 人讀 處 Ш 九 教 得 之木」 淵 人 别 讀 教 此 以 書 子 他 下 讀 如 敏 何 旅 嘗 求 獒 不 前 × 讀 日 ^ 太 來

與 讀 人 書 商 不 包 揚 曉 量 其 便 録 問 先 他 生云 有 遇 甚 事 事 物 後 理 會 生 有 不 得 甚 時 事 ? 便 問 但 并 遇

室 學,然後 全 日 無 不 同 後 求 但 其 懲 説 也 常 放心 忿 得 未 人 室 懲 是 懲 學。 慾 然 室 室 能 未 只只 學 知 暫 是 是 學 者 而 學 就 後 須 不 問 事 懲 能 是 事 就 室 明 久 末 理 與 請 便 常 懲 須 教。 室 是 人 懲 得 答 知

學者須是打疊田地淨潔,然後令他奮

發 兵,資盜 淨潔, 植 爲 7 亦 若田 讀 即 讀 書 地 書 不 不 淨潔 · 得 然後 爲 若 ,則奮發植 學 讀 可 書 見。 則 立 是 然 不 假 田 寇 地

懶 諭 時,只見九淵 ,不曾去 子姪,以 九淵從 理 爲 來勤 會, 勤 在 ,他人莫及。今人却 看 好笑。 理 書, 會。 或檢 長兄 書 每 或 四 默 更 言 坐 點 九 淵 常 起

生 精讀. 古 書 文。

乎?」曰:「因 詹阜 民 當問 讀《孟子》而 一、一、先 生之學,亦 自得之。」 有 所

去。」曰 者 性 話 ,只是這心。其説雖詳多,只恁滚 人爲貴,人 ? 曰:「信 有自 曰 「所説 象山 如 斯言 恰 爲萬 來 者何?」 如 者,晦 時 物 雖 之靈。 文 聖賢復生,與人説, 翁問 日 相 : 似 他 只連 所 只説 以 片 貴 去。 天 説 滚 與 地 晦 之 靈 將 甚

> 只得 得 便是聖賢之言也 恁地。 他 箇 是 自 時 是諸公以時文之心觀之, 文 也 90 0 便 若 時 文 个中説 得 恁 故

晦 翁 聞先 生計,帥 門人往 寺中 ·爲 位

地

見

考亭 淵 源 録 卷 之 四四

考亭淵源録卷之五

陳亮

舉, 平 箴 賦 大計 爲 欲 垂 ? 拱 爲 或 繼 大 殿 又 社 陳 亟 皆 人太學。 不 又伏 亮,字同 耻 稷 成 渡 不 報 開 江 報 進 孝宗 闕 數 而 既 賦 論 爲 父,婺州 歸 百 朝 光 宰 而 以 人 年 六六達 宗 相 帝 頌 八才氣 之 非 欲 即 德 基 才 永 官 位 帝 超 又 康 之, 寧 無 邁 庭 伏 進 人 用 亮 以 上 闕 ^ 0 以 係 書 笑 郊 以 虜 壯 天 博 日 祀 論 仇 歲 ^ 下 鑒 慶 恢 未 應 望 官 成 成 吾 復 雪 鄉

H

落

魄

醉

酒

與

邑之狂

士飲

醉

中

戲

爲

之旗 微 分 子 獄 之 官 僮 孝宗 語 部 則 知 有 大 於 4 後, 尤 帝 殺 理 數 取 辨 歸 諸 力 臺 劃 侵 侍 欲 旨 知 ,答掠亮 X 風 以 家 惟 析 官 澹 其 爲 郎 儒 于 生 積 益 雨 古 浩 推 復 帝 牘 論 亮 誠 亮 何 境, 雲雷 累 厲 澹 犯 今 得 王 于 亮 日 有 澹 爲 志 聞 之同 嘗 無 不 而 適 通 情 地 : 嘗 愧 交發 工 讀 0 而 完 辛 陰 死 被 重 焉 爲 書 嗛 秀 異 棄 膚 嘗 遣 殺 以 考試 之, 遂 士 而 下 原原 才 疾 左 者家 所 亮 涵 日 至 誣 並 得 欲 大 右 醉 學 養 自 即 . 於 至,龍 羅 心 服 官 免 中 理 益 後 廉 爲 繳 党堂堂 疑 以 於 點 爲 研 亮 朏 正 博 知 狀 妄 豪 事 素 杪 居 不 窮 時 蛇 亮 其 言 以 以 之 俠 由 高 忽 無 晬 軌 義 虎豹 丞 其 事 聞 其 陳 亮, 亮 何 面 理 屢 學 何 較 相 事 盎 才 事 不 之 變 正 禮 自 遭 聞 罪 及 王 亮 首 聞 現 正 精 淮 家 之 奏 下 於 大 援 于 刑

胸 祖 而 謙 自 出 没 謂 差 推 有 倒 日之長 世 智 勇 亮 意 開 蓋 拓 指 萬 朱熹、 之 吕 心

云

具《 康 軍 節 紹 史 度 興 判 兀 儒 年 官 林 舉 傳 進 次 学 年 卒 E 親 年 擢 Ŧi. 之第一 4 有 Ŧi. 授 詳 建

備 遺

平 也 牽 五 以 道 治 補 百 天 不 年 理 能 天 公 度 諸 斷 之間 下 與 行 使 日 漢 儒 漢、 人心 晦 漢、 萬 唐 天 翁 論 物 服 唐 唐 書 地 贵 何 前 以 只 不 不 智 以 曹 : 是 過 冤 近 阜 力 孟 哉? 人 架 伊 世 把 蕃 德 欲 漏 諸 洛 持 以 儒 諸 過 而 天下 又 信 下 遂謂 公, 時 道 日 諸 斯 何 0 謂 心 以 其 高 設 也 常 代 亦 説 代 祖 是 千 口 存 專 古 以

果 漢、 墜。 天 處 領 嘗 射 太宗 事 也 此 止 而 而 ,其皎 何 變萬 不 地 宏 如 儒 定 有 不 非 唐之君 物 賴 亮之不 大 言 者 天 而 見 口 出 本 專爲 · 是本 乏 下 耶 謂 狀, 赤 開 以 君 掩 三三章 然 ? 子 所 道 常 廣 子 者 人 之亂,又豈 者 而 果 領 漢、 肖 之存 時 之 故 謂 運 使二 真 宏大, 終 無 其 而 其 微 射 而 唐 其 見 心 不 之 卒 本 眇 亡,非 彻 不 分 易 程 不 毫 發 赤 可 領 歸 約 不 息, 如 足 若 處 疏 以 子 惟 氣 誣 劉 宏 於 易 何 論 便 在 入井』之心 非 也 汩 御 文靖 力 人 大 禁 人 耳 推 擔 甚 没 可 者 之 蕭 紀 0 開 暴 猶 廣 則 當 矣 以 不 正 所 之所 賴 高 戢 當 到 廣 耳 曹 所謂 得 震 純 欲 然 預 以 祖 得 亂 故 IE 之 去? 動 乎 明 天 接 失 能 也。 愛 亦 色 也 卓 太宗, 所 則 正 天 續 枝 下 要 人 發 而 然 世 能 過 大 惟 地 其 哉 做 辨 落 故 利 而 故 笛 不 物 明 其 其 節 本 物

使 運 而 下之横 H 耳 千 天 而 五. 地 竪 百 願 有 爲 年之君 秘 高 棄 常 書 下 物 不 平心 息, 清 几 子 濁 時 皆 以 要不 黑 有 聽 口 白 蓋 剩 口 惟 運 也 以 理 歸 架 人 之從, 之正 漏 心 牽 或 盡 道 補 口 洗 度 欺 無 天 時

端 體 大 金 君 之 君 不 以 也 空 生 潔 宛 中 孝 子 子 行 漢 而 缺 辛 之 白 之,切 有 有 又 不 而 轉 勤 道 唐 不 日 以 免 孟 於 人 而 於 做 所 厭 得 以 道 氏 恐 其 曰 堯 以 不 于 其 銀 獨 泯 亮 真 待 中 到 舜 爲 心 心 禮 爲 息, 漢 大 心 盡 相 者 口 鐵 而 貌 在 概 故 者 而 唐之 傳之心 貴 能 矣。 之。 焉 使 以 當 也 不害乎天地之常 察 耳 者 千 爲 波 其 君 眼 王 五. 若 , 法 若 流 此 章 真 太 目 \equiv 百 謂 奔 始 萬 淺 心 既 代 不 年 通 其 學 迸 之 慮 高 狹 做 能 之 或 假 之 所 不 點 利 得 間 於 皆 而 事 作 在 欲 鐵 成 詐 盡 駁 稱 世 運 耳。 成 全 此 之 者 百 雜 其 義

> 亮之不 而 我 獨 卓 心 服 然 也 而 _0 有 見 , 無 乃 甚 高 而 孤 平 ? 宜

遠 出 是 以 私 過 又 不 故 可 殆 書 間 日 便 非 於 謂 成 不 出 是 平日 : 榮 而 顛 似 正 於人欲 其 知 之 悴 晦 若 謂 當 但 沛 未 以 也 有 無 翁 功 才 得 高 取 其 免 至 木 時 ; 耳 答 太 失, 帝 有 其 此 於 得 與 千五百年之間 義 也。 太宗之心 書 高 獲禽 所 不 天 之争者 本 則 之可 若 而 略 長, 平 理之正 氣 無 直 私 猶 以 之多 H 之氣 太 足 借 以 意 忽 未 其 : 鋭 爲 其 分 知 於 能 才 是 以 則 數 動 能 而 所 所 建 能 論 以 品 兄 此 吾 . 正 假 不 心 以 短 立 智 未 之高 彼 太 品 恐 羞 正 者 反 或 坐 善 術 險 甚 竊 其 是 一件義 其 求 雖 家 如 既 熾 於 明 獨 詭 以 無 之端 迹 復 而 此 然, 妄意 出 此 俊 傳 成 遇 以 太 更 細 其下 傑 所 世 念 露 敗 行 已 而 歷 讀 也 論 其 得 不 變 之 此 來 世

常 康 氣 滅 只 X H 他 得 力 初 前 是架漏 在 扶 非 行 不 不 堯 助 得 滅 於 人 所 得 舜 之 耳 牽 天 他 物 能 補 、三王、周 地 耶 漢、 過了 預 之 雖 間 唐 只 千 時 也。 所 是 Ŧi. 日 孔 謂 此 百 若 賢 所 箇 年 其 論 君 被 傳之道 間 自是 道之常存 雖 何 所 嘗 或 亘古宣 壞, 未 有 不 終 ·嘗 無 分 殄 今 却 小

將 分説 分 見 疏 來 不 即即 向 兄 作三代以 來 旧 更 人 得 鄙 脱 物 失 意 灑 奇 短 更 磊 偉 下 長 欲 落 英 人物,省 賢者 正 耳 特 自 百 恐 不 尺 得 須 不 竿 氣 挂 但 力 頭 丛 今 爲 進 牙 日 漢 所 向 步 唐 未

時 於 有 而 天下,故漢、 堯、舜、禹、湯、文、武 三代、漢、唐之别? 而 其 夫 人 全體 只 却 是 唐之 只 這 在 箇 君 利 人, 但 欲 雖 轉 道 以 上。 相 或 只 儒 授 不 是 此 者之學不 能 受之心 其 這 無 箇 所以堯 暗 道 合之 不 傳 明 贵

> 身,却 從 限 唐宗 得之於我 其 心 起 偶 法, 隔 合 ◎湯、 代 庶 就 終 無 而 幾 古 自 漢 不 察 堯、 天 武 無 能 祖 其 反之之功夫,以 今,則莫 合 地之常經,古今之通 舜、三代, 所 唐 而 自 宗心 爲 來 能深 術 朏 也。 漢 微 其 祖 考堯、 處 今若 悖 、唐宗自 爲 痛 戾 準 加 舜 必 而 則 誼 繩 究 欲 相 而 , 有 漢 削 其 傳 撤 求 祖 之 諸 以 所 取 去

義 始 他 志 夫 \equiv 族 理 亂 古 而 自 之令。 者常大而 言 且 倫 善矣,而 有 逆 如 欠 其 理 関 合於 約 之事 法三 不 時 故 多 免 義 0 , 不 功 章 往 竊 理 知 後 臣 往 取 者 之 固 其 皆 宫 無 常 非 善 觀 身 人 不 小 者 矣 9 犯 夷 而 私 而 於 之。 侍 以 滅 而 少 爲 其 卒 此 , 不 無 舉 父 根 除 不 害 合 其 能 本 亂 於 於 終 其 之 免

●「能」、《晦庵集》卷三十六作「若」。

理 抑 或 以 爲 雖 害 於 理 9 而 不 害 其 獲 禽 之

名

世

於 鐵 舌 迹 類 既 以 議 則 遷 往 論 若 成 其 善 · 正 所 道 夫 爲 改 能 恐 義 金 過 點 改 礙 之金 爲 之 鐵 却 易 鐵 事 成 矣。 IE 不不 則 固 知 金 可 惟 有 見 今 之譬, 費 定 乃 至 有 却 形 欲 於 害 閒 追 於 古 施 而 心 方 之 點 人 非 力 來 功 有 後 己 利 往 也 教 無 X 之 之 補 口 無

外 合 者 邊 欲 鐵 棄 鑠 杳 理 而 金 者 礦 舍 己 中 聖 矣。 鐵 中 自 淘 猶 人 擇 家 撥 者 中 有 取 光 金 不 鐵 之 中 零 金 明 淨 也 金 一之金, 中 金 寶 猶 也 不 藏 之 漢 有 金 亦 乃 祖 而 曹 可 也 誤 天命 奔 憾 操 唐 0 平 走 宗 學 劉 之 道 今 聖 用 裕 路 古 乃 心 人 之 然, 無 行 向 而 徒 故 非 鐵 事 不 爐 則 之 必 由 至

言 思 之, 兄 高 黑出 去義 明 剛 決 利 雙行、王 非 吝 於 改 伯 過 並 者 用 之説 願 以 而 愚

> 之 儒 所 從 以 之 地 事 培 道 者 於 · 益 壅 懲 自 本 忿 律 光 根 室 大 慾 則 澄 而 贵 高 遷 源 獨 善 明 正 免 矣 本 改 於 過 爲 之 異 道 事 時 之 發 粹 禍 揮 然 事 而 以 業 其 醇

説 反 口 被 父縱横 他 玩 之才 伯 恭 不 直 治 之, 多 爲 諷

見 模 專 効 索 是 功 江 自 此 利 西之學,只 意 會 甚 轉 禪 去。 口 學 憂 若 恐 後 流 功 來 利 學 於 者 禪。 則 學 模 者 索 永 習之, 康 上 之 學, 便 無 却 口 口

之可 盆 下 思 若 易 中 何 何 **>** 如 少 : 思 慮 陳 此 , 同 何 ? 天 而 父 慮 則 下 日 祭東 ? 鷄 心 歸 之 鳴 有 又 動 而 萊 狗 萬 云 殊 文云 貞 盜 變之 途 夫 皆 : 同 不 難 父 者 在 致 口 明 在 而 也 無 天 利 百 下 晦 欲 天 慮 大 無 翁 膠 下 與 H 漆 天 言 何 事

陳傅良

皆 當 與 杠 本 家 科 而 是 爲 朝 廣 師 伯 舉 多 熊 文 漢 事 時 程 陳 争 獻 之, 張 於 傅 文 傳 永 自 古 相 栻 良, 之 而 誦 嘉 是 承 弊 得 從 東 字 鄭 條 几 經 季 萊 伯 君 思 者 方受業 序 制 宣 吕 舉, 熊、 雲 出 治 之 而 祖 合 其 薛 法 温 學 主 者 謙 説 季 敬 爲 由 州 討 愈衆 友 爲 宣 瑞 多。 集義 是 善 論 皆 文 安 其 尤 之功, 以 章 及人太學 人。 文 祖 精 學 擅 謙 自 行 當 初 傅 成 得 爲 聞 世 於 良 患

囇 茂 派 言 府 相 良 官 梁 登 曲 才之,薦于 論 進 克 直 罷 士 家 壹 之。 領 甲 以 科 帥 朝 義 後 事 教 五 改 强 授 委 太 年 禦 泰 成 學 者 起 于 録 州 知 不 傅 桂 得 出 參 良 陽 售 通 知 軍 其 判 傅 政 私 福 良 事 州 平 陰 龔

倍

其

他

雜

斂

則

熙

寧

以

常

平

寬

剩

禁

軍

闕

額

之

類

别

項

封

椿

而

無

額

F.

供

起

於

元

豐

崇

寧

重

脩

H

供

格

頒

之天

下

率

增

至

+

數

紛 究 貲 本 祖 鬢 也 官。 吏 曰 0 0 部 . 開 更 無 轍 之。 熙 傅 黑 復 創 員 湖 光 太祖 没 寧 之 宗 事 者 良 外 本 湘 人之。 幾二 以 郎 諸 爲 立 原 民 皇 學 物 都 來 路 無 帝 稍 自 尤 人 千 去 後 上 必 用 垂 遷 爲 聚 傅 朝 家 供 三代、 事 稽 裕 潛 以 提 觀 + 良 歲 者 於 後 嗟 異 舉 心 DLI 轉 \Box 額 始 極 人 秦、 0 嘆 常 姓 年 浙 . 取 耐 增 及 , 平 爲 漢 號 西 以 後 太 是 於 絶 茶 提 嗣 老 至 以 愛 祖 已 祥 人 者 鹽 下 是 點 惜 因 陳 約 符 嗣 刑 而 輪 郎 官 民 轉 束 而 靡 歸 獄 中 力 對 非 於 利 運 不 倍。 切 爲 鬚 太 除 研 政 其 判

● 「十四」,原作「四十」,據《宋史·儒林四》改

四

之 曹 之 朝 甚 爲 斛 施 不 科 以 盡 今 口 何 經 財 之 休 於 廷 己 爲 行 寬 旧 供 不 敷 + 歸 制 兵 任 得 内 江. 不 不 耳 於 額 几 起 與 抑 則 專 且言 外 與 推 贵 夷 都 得 上 九 於 向 豪 跙 西己 於 茶 之 歸 知 折 宣 者 雖 行 不 向 奪 體 贓 場 帛 軍 ; 於 和 蓋 欲 在 太 甚 於 者 罰 總 今 綱 寬 轉 祖 鹽 天 則 口 和 民 在 總 中 領 都 運 夫 民 命 運 未 畏 買 鈔 寬 而 制 制 外 所 統 下 泯 哉 之 之 盡 司 民 民 於 皆 置 之 其 謂 司 之力 永 月 之 時 木 歸 類 力 是 勢 不 司 道 之 謂 澤 椿 無 於 不 極 可 取 在 陛 時 分 無 又 大 之 竭 異 永, 起 搉 矣。 得 以 下 之 州 無 繇 不 軍 御 於 於 而 貨 縣 爲 而 則 異 宜 係 斛 與 錢 前 養 務 事 紹 方今之 議 民 0 焉 内 ; 誠 面 萬 以 兵 權 糧 軍 興 總 救 力之 矣 外 使 州 世 秋 馬 折 不 爲 領 都 雖 茶 皆 民 縣 苗 無 而 變 患 寬 帝 雖 莫 所 統 版 疆 窮 無 斗 引 迄

> 官 明 見 從 + 年 久 容 嘉 篇 矣 嘉 兼 王 上 納 府 權 其以 之。 中 贊 且 書 讀 勞 所 遷 舍 之 著 秘 人 紹 E 書 書 熙 示 少 朕 監 卿 年 昔 兼 退 除 安 實 以 起 在 録 居 周 院 禮 檢 朕 説 討 不

懼 過 押 節 悟 遷 之。 生 至 利 日 宫 於 : 得 班 延 皆 復 會 天 光宗 者 則 某 初 心 疾 力 以 傅 變 内 事 疾 或 光宗之 特 諫 亦 疾 既 良 不 外 之 明 自 誤 不 稍 告 之 聞 不 不 勢 日 是 往 平 有 情 邊 之, 草 聽 妃 猶 阻 視 9 詞 所 不 過 警 身 黄 節 而 章 而 派 接, 疑 某 也 復 且 不 氏 重 疏 召 相 威 聞 有 華 人 大 上 베 内 壅 不 以 福 郊 積 宫 寵 疏 侍 時 禍 下 即 底 之 祀 憂 日 陳 李 有 且. 則 柄 大 成 至 而 於 源 皇 不 女 致 下 風 疾 於 明 是 爲 陛 測 疾 險 后 移 雨 以 太 年 傅 下 内 矣 乘 妬 學 其 至 侍 重 今 時 良 遂 而 諸 此 省 明 帝 極 爲 奏 震 殺 日

庭 百 疾 實 爾 П 切 官 后 陛 而 傅 是 班 臣 益 開 嘗 良 陛 立 怒 無 亦 遂 即 下 端 以 既 趨 陛 自 之 傅 俟 許 上 下 貽 釁 良 之 帝 之 引 禍 下 矣。 裾 出 心 以 彻 殿 反 疑 徑 后 未 至 覆 爲 書 行 叱 御 幾 論 真 奏 之。 屏 中 詔 而 帝 變, 皇 傅 竊 改 成 將 后 良 秘 以 自 不 從 挽 誤 閣 哭 療 謂 帝 之 脩 于 爲 深

撰

仍

兼

贊

讀

不受

英 行 宫 罷 朝 制 殿 驚 觀 士 益 出 與 脩 嘉 愕, 院 寧宗 ,傅 提 郡 文 撰 泰 舉 良 臣 同 節 即 進 言 實 興 御 不 年 位 寶 或 史 録 敢 傅 謨 復 宫 中 院 召 書 熹 閣 良 官 爲 丞 行 脩 難 著 待 謝 明 撰 中 淮 起 述 制 年 書 熹 深 易 知 甫 於 會 舍 有 詪 泉 終 詔 論 是 官 詩 州 于 内 進 朱 傅 交疏 兼 批 解 家 熹 良 寶 詁 之下 侍 言 文 與 年 讀 閣 在 授 削 不 ^ 周 集 直 + 外 秩 顧 待 舉

禮説》、《春秋後傳》、《左氏章指》行于世

備遺

之。 $\overline{ }$ 爲 經 左 福 政 還 過 行 傳 對 春 六六 五五 * 他 讀 異 於 以 丘 川 秋 明 皇 題 曰 永 晦 極 事 洪 則 日 此 好 **>** 極 翁 : 嘉 目 乃 如 範 五. 則 惡 則 問 : 説 何 > 則 \sim 紀 有 方 權 各言 滕 不 問 洪 説 甚 方 説 知 與 衡 德 Ŧī. : 則 範 ? 語 辨 孟 粹 聖 聖 則 其 五. ? 其 > 曾 ,: 且 滕 道 子 如 人 皇 德 行 失 見 之 如 何 日 同 云 而 性 極 去 9 君 晉 著 説 道 : 年 日 謂 舉 而 先 性 其 則 至 説 君 何 其 未 否 善 蔑 驗 舉云 五. 其 ^ 處 日 言 洪 所 耳 不 奔 事 後 作 範 載 然。 其 如 考 日 失 **>** 事 庶 君 世 前 V 及 官 則 言 但 多 舉 問 且 ^ 與 疑 各 及 見 Ŧi. Ŧi. :

奔秦, 後 謂 吾 不 先 學。」 書 此 友 蔑 以 |奔則 耳 如 奔秦』 示貶。」 謂 何不 此 是 『專於博 事自 乃 耳 書奔 曰 於 9 此 不 : 穿 ? 見, 乃 上 是 鑿上 先 求之,不反於約 且 何言 何 蔑 書 以 益 立嗣 奔 爲 語 加 秦謂 褒? 穿鑿 不 先蔑 定, 之示 昨 , 疑 故 説 實 貶 誤 是 乃 書 與

道 亦多宗 甚 世 是 人 自 隨 欽 理 衆 襲 孰 之説 立 亦 夫言自 先 且 做 非 從 君 大拍 此 久, 之。 便 其 之 舉 大。 動 胸 問 到 正 有 何 下。 萬 凡 中 學 湘 猶 弊 故 自 季 中 0 有 正 張 都 隨 然 諸 議 淳 空 熹 天 在 無 空 欽 公 日 論 向 收 師 湖 夫 無 只 : 見 收盡 不 季 南 箇 後 主 去 季 問 湖 隨 學 得 面 人, 隨 頗 長 南 南 便 却 他 其 少 軒 自尊大, 之從 爲 所 固 學? 賢 自 説 門 之判 以 知 否, 有 話 南 纔 其 説 軒 只 諸 凡 日 斷 聞 不 胡 諸 説 是 能 孰 他 人 季

公却只是學得那大拍頭。」

考亭淵源録卷之五

考亭淵源録卷之六此卷以後俱考亭門人

黄榦

設 益 熹 熹。 没 不 乃 高 語 宗 ,幹往見清 榻,不解帶 解衣者二月,而熹始歸。 遠器,時 既至而 嘗 榦家 時 人 黄 詣 爲 榦, 曰 法嚴重 東 : 熹他 字直 學 「直 萊吕 察御 少少 江 非 出 劉 卿, 所 卿 倦 史,以 祖 乃 ,幹因留 清之,清之奇之,曰: 以 志 則 謙 福 以白 處 堅 微 州 篤 子 以 思 坐 閩 母 也 所 客邸 行 苦 幹自 縣 0 椅, 聞 正 即 人。 與 因 於 道 日 或至 見熹、 卧 之 熹 著聞 命受業 行 父 起 處 者 瑀 達 相 甚 夜不 時 榻, 質 大 子 有 朱 在 瑀

聞

榦

持

心

喪三年,畢

調

監

嘉

興

府

石

門

酒

庫

時韓

侂

胄

方謀

用

兵。

吴

獵

帥

湖

北

將

0

見 之講 與 他 及 榦 更定之。」病 中 孤 IE. 訣 編 書 授 矣 日 而 當 禮 有 學 喜 迪 及廣 日 寧宗 所望於賢者 于墓 取 書 功 日 他 「吾道之託 郎 即 漢 所 獨 時 革 監 位 張栻亡, 編 廬 所 便 以 ,以深衣及所著書授 熹 甚衆。 家 台 立 喪、 可 鄉、 不 州 命 規 請 祭二 輕 酒 熹 榦 邦 模 直 在 熹作 務 與與 奉 次 國、 卿 此, 編 後 榦 第 喪 代 竹林 王 屬 遂 T 吾 書 補 即 縝 朝 榦 以 母 日 將 無 講 其 禮 密 精 憂,學者從 : 仕 憾矣。」 席」之語。 子妻 **徐**,手 舍成, 稿 吾 有 悉 郎 條 成 倣 道 0 理 計 遺 書 此 熹 益 銓

● 「奉喪」、《宋史·道學四》作「奉表」

欲

爲

大舉深

入之謀,果爾

必敗。

此

何時

赴

鎮

訪

兵事

榦

日

聞

議

者

謂今天下

0

殺 皆 於 罷 欲 歲 遂 榦 淮 擢 路 撫 極 必 而 0 移 饑 驚 人 釋 監 喜 安 制 夜 輸 西 其 州 可 然 春 投 本 夢 不 可 服 尚 進 人 帥 力 忠 撫 高 糴 後 之 暖 軍 書 款 取 井 商 桎 司 令而 口 荒 客 施 於於 願 果 六 改 激 之 哉 中 梏 檄 老 力 行 米 政 歸 於 井 部 賞 知 ? 粟 有 榦 辟 争 具 政 飲 者 門。 新 廢 酒 發 鞫 爲 而 行 舉 我 獵 給 食 井 淦 及 庫 常 禁 和 臨 江 悉 雅 明 之糧 之, 得 縣 未 援 兼 平 西 州 旁 其 111 知 以 敬 日 尸 上 準 鄂 提 以 獄 令。 之 郡 提 糴 委 榦 吏 不 備 州 賑 呼 舉 矣 民 熊 名 改 舉 曲 尋 榦 差 獄 常 例 人 歲 德 常 習 願 民 差 審 胡 遣 知 報 詰 早 平 故 者 制 輻 平 知 通 + 問 得 辟 漢 以 置 之 結 以 郡 臨 趙 事 湊 判 之一告 勸 陽 欺 爲 日 無 廬 司 疑 安 希 有 太 111 乞 糶 我 荆 惠 軍 下 居 懌 : 豐 所 未 守 之 未 候 0 捕 湖 撫 之, **令**, 得 薦 決 政 當 軍 汝 囚 均 糴 榦 值 蝗 知 北

訟 合 應 若 半。 番 費 恐 役 起 H 夷 周 漢 民 Ш 乃請 民 若 散 副 干 日 興 冲 大 陽 接 暑月 程 而 榦 某 夫, 兵 成 工 幾 干 祐 感 賓 沿 即 算 分 日 游 悦 料 H 五千人, 觀 月休六 客 通 邊 于 然後委 郡 授 布 以 城 錢 使 役二 多警。 朝 朱 治 閱 之 分 用 於 五. 尋 米 所 兀 後 士 某 鼓 + 城 起 至 日 萬 人 官 先 役某 卒,會 鳳 俱 某 安 X 坐 知 以 安慶 夫,人 吏、寓 役 生 日 慶 栖 受 料 料 于 安 料 重 九十 祠 鄉 午 慶 命 堂, 以 Ш 僚 民 分 庠 先 去 休 民 + 爲 備 佐 畢 兵 公、 府 序 或 濠 自 光 日 以 兵 屋 人夫, 日 戰 搬 乃 砦 士 築 講 若 時 Ш 病 守 先 至 而 而 官 館 運 究 治 人 不 乞 干 計 則 罷 教 至 遠 料 不 合 邊 某 分 祠 四 府 人 養 某 金 秋 人 當 處 料 方 防 俟 事 聽 計 役 户 主 漸 民 鄉 人 報 更代 土 士 主 利 命 理 其 其 者 産 情 管 殺 破 病 夫 民 其 錢 即 震 光 武 文 在 申

震,獨 暴至, 來,爲 後 未 也。」不受而 嫗 杵 次 兀 不 至,是 則 白 日 命具 殘于寇,不蹈 用錢 年, 歲 巡 張 安 城 城視 燈 酒 監 慶按 金 郡 屹 興 子 炙, 未 士 人 登 然 生 役, 去。 輿 鑄 堵 破 民 郡 靈 且 無 之, 晚 之 如 黄 扶 勞 虞。 閣 謝 于水,生汝者黄父也 是 鐵 入書院講 故 州 老 諸 以 歲 耳。 事 望 携 金 沙窩 孫 舒 大旱,榦 繼 灊 幼, 華 帛。 從 太 人 而 還之。 Ш 至 諸 守之 往 德 論 霖 再 嫗 來 歸 之, 府 經 潦 拜 祈 賜 不 史。 致 城 餘 淮 : 相 輒 絶 謝 9 雨 月 東 成 非 謂 老 築 丽 即 所 婦 巨 西 榦 有 城 會 \Box 至。 皆 浸 冀 禮 老 或 上

朝 直 榦 是嘗檄 即 命 屈 與 H 制 徐 置 乎。」先是,幹移 解 至 李 僑 印 吾 珏 兩 趨 郡 辟 易 制 鞫 爲 府 和 死 參議官 州 囚 書珏 ,且令先赴 和 感 州 夢 日 人日 再 於井中者, 辭 「丞相誅 望 不受。 制 其 府 來 禀 韓之 既 庶 日 議 能 : 而

> 信者 之厄,今聞 用。 既 粟,守兩淮之地。 相。 罪 後 伺 田 改 備 過 日 明, : 圖 州 ,懲意外之變,專 廬 變 於天下公議。 廢 「今日之計,莫若用 「大事 竊 縣 弛 丞相 不過累 其用 挈 則爲之立 之間 皆 發。 妻 不 去矣。 愈 子 此 金 堪其咎 月 向 專矣。 渡 曹 百 人 H 堡砦, 江 爲 姓 遷 軍 世 胡 然其策當先明保伍 之意。 今日 之。 受 汴 之君 政 用 斷 海、 平 禍 左 可 蓄 莫 居 若今大敵 然 之急,莫大於此 張 成。 兩 子 右 馬, 不 無 其 ,遂從 逐去之, 至 淮之人,食 軍 親信之人, 事, 狼 制 間 於 之變, 且. 軍器 顧 勇 軍 紀 淮 而 悍 脅 在 政 綱 民 而 歸 息 境 者 紊 不 爲 遭 以 往 兩 左 咎 修 亂 資 害 保 右 且 有 丙 淮 更 於 往 甚 又 邊 將 其 棄 寅 伍 親 派 得

^{□ 「}胡」,原作「湖」,據《勉齋集》卷十六及《宋史·儒林

於 有 金 急 若 攘 不 臂 早 而 爲 起 之 矣。 圖 环 川 皆 兩 不 淮 能 日 用 見 荒 墟 卒

言 客 弛 所 自 裨 兩 吏 官 者 真 揚 司 可 宴 措 士 吏三 ...當 能 月 維 長 也 能 又 安安 0 置 吏 民 薦 措 於 揚 及 樂 敵 甚 心 張 之。 置 清 有 至 其 既 豐 於 不 再 何 捍 平 獻 制 宴 時 已 退 與 携 前 附 辭 禦 事 謀 泗 Ш 府 幕 無 家 和 當 豫 所 畫 上 虚 府 月 不 乃 奔 珏 日 州 立 思 之敗 書 向 日 使 竄 所 復 往 復 多 盱 之 義 所 0 館 無 告 軍 維 施 爲 学 胎 命 以 皆 榦 功 行 珏 揚 追 民 劉 日 毁 賞 亦 輕 知 斷 者 視 而 倉 日 仍 倬 抹 將 功 恬 不 流 儇 何 治 皇 金 乞 師 口 罰 疏 兩 足 移 浮 不 之, 策 奔 人 祠 斬 浮 駁 罪 旬 與 靡 知 與 滿 右 軼 光 然 也 者 偕 之士 懼 此 共 臂 道 閉 將 邊 後 敵 不 行 事 恐 備 閣 具 某 帥 方 崔 退 知 而 吾 儀 其 己 謝 歸 諸 僚 奏 州 人 偏 維 榦

光之事 贵 之 所 弘 絃 視 僚 妓 矣, 主 方 戰 也 禍 麗 之 樂。 賢 責, 不 役 出 上 牡 屬 而 又 有 但 贵 哪 士 食 思 丹 淪 不 亦 能 胎 喪 出 聞 大大 尚 流 討 之 又 不 啾 然 於 止 不 箴 請 宿 東 師 聞 泗 書 甘 民 論 今 紅 率 思士卒之暴露 贵 吾 萬 總 干 西 之 邦 總 水 贵 味 艷 春 條 失 不 類 外 數 領 人。 凍 領 得 人 畫 矣。 聽 者 此 思 贵 百 諸 餒 黄 不 運 大 運 朝 老 以 不 里 疾 良 專 軍 朝 使 戒 白 使請 切 不 幼 思 爲 將 敵 老 聞 夕 者 莽 至 于 意 怡 之 邊 後 勁 之,豈 或 諫 幼 憂 爲 輕 宴 玉 或 千 哀 庭 卒 圖 俘 深 懼 信 視 賞 麟 丘 乘 大 日 號 之 侵 虜 日 堂 言 精 飲 墟 臣 不 人 亦 而 流 今 殺 與 言 賞 宇 憂 饌 然 旋, 兵 痛 乃 歸 視 此 戮 僚 血 懼 之豐 牡 安 内 利 憤 楝 如 吾 爲 又 必 Ŧi. 屬 豊、 丹, 騷 聞 宇 是 不 之 痛 六 視 五. 及 泗 美 動 知 千 Ħ. 宴 用 罪 浮 不 自 上 H 川

除 南 師 李 E 黄 激 數 保 不 调 縣 于 X 燔 大 北 舊 切 H 0 口 [IX Ŧi. 緩 Ŧi. 蘄 之 理 俄 蘄 六 吾 縣 跡 守 千 暇 陳 繼 乃 同 之 士 派 再 麥 人 決 白 逸 宓 失 黄 幕 不 皆 衆 講《 命 爲 耶 矣。 不 不 聞 忌 以 來 率 相 果 ? 知 拜 保 贵 川 之 有 五 集 與 安 如 × 五 能 則 今 月 尤 所 萬 爲 盤 則 慶,不 其 ^ 關 當 當 攻 浮 甚 施 人 御 未 坤 旋 江 言 失 萬 浮 光 有 攻 行 幾 中 * --玉 南 共 守 之 光 八 李 就 吾 淵 危 遂 詆 召 桂 何 之衆 報 萬 , 侵 楠 弱 則 \equiv 力 耶 於 排 赴 又 X 所 尚 五 蘄 ? 爵辛 白 之。 攻浮 至矣 峽 哉 行 廬 吾之 劾 關 書 去 間 在 鹿 ! 黄 其 Ш 聞 厥 書 光 所 守 訪 請 他 俛 決 此 則 且 金 院 後 奏 言 仰 其 歸 闘 祠 不 以 亦 以 欲 事 光 皆 之 Ш 其 友 不 己 口 萬 以 不

豪 傑 游 初 榦 而 豪 人 傑 荆 往 湖 往 幕 願 府 依 奔 榦 走 諸 及 倅 關 安豐 與 江 武 淮

> 解 倦 著 言 慶 朝 議 州 定, 如 里 此 聞 0 ,弟子 奉 熹 書, 邊 聲 益 郎 明 文 且 諸 郎 道 借 事 既 著 時 集 兼 日 將 宫 既 鄰 出 行 皆 與 不 日 以 制 俄 殁 寺 諸 踰 于 暇 盛 悟 歸 在 幕 命 豪 以 子 世。 給 月 位 後 上 心 É 處 知 又 長 下 意 遂 者 數 焉 蜀、 之, 深 潮 乞 夜 淮 州 益 年 至 州 知 文 致 與 江 忌 軍 朝 後 是 學 以 榦 之 仕 民 倅 辭 夕 湖 群 門 益 講 倜 之 且 往 建 不 之 起 人 儻 詔 論 慮 心 行 康 來 士 擠 請 文 許 有 經 榦 皆 之。 翕 謚 質 謀 守 肅 之, 理 差 來 疑 然 見 漢 0 主 特 及 又 亹 榦 請 陽 相 特 管 求 有 授 編 遂 必 亹 益 向 經 贈 直 承 亳 禮 歸 安 聲 不

備遺

晦翁與直卿書曰:「南軒云亡,吾道益

孤 不 輕 朋 千 友 萬 難 勉 得 旃 + 分 可 指 擬 者 所 望 於 賢 者

公退 考 書 聖 IF 訂 门,以 使 賢 之功 居 遺 不 潘 惠後 謙 Ш 得 教 居 谷 之 行 學。 安 者 日 名 於 可 當 從 不 年 遊 世 推 年 者 道 所 亦 獨 專 如 聞 須 公 此 討 有 以 日 論 補 吾 侍 拯 經 於 斯 左 典 後 幸 右 人之 訓 得 也 纂 釋 竊 溺 集 諸 文 聞

師 門 陳 傳 安 卿 本 末 與 之 陳 備者 宓 書 惟 曰 兹 . 人。」 勉 齋 終 始 親 密

之言 直 外 泰 進 慕 截 子 111 道 此 此 先 見 之 生 言 心 堯 得 . 要 舜 涵 泰 榮 古 無 非 養 事 111 辱 愧 多 知 日 業 爲 端 無 道 得 高 懼, 者 失 亦 矣, 自 且 只 方 孰 利 肝 得 然 是 見 害 能 落 益 Ш 得 皆 識 世 深。 頂 點 動 之? 不 間 上 静 浮 足 許 每 已 雲 語 道 多 又 不 誦 默 渦 物 只 屬 程 日 目 皆 之 欲 有 子 :

> 之 失、 是)明,故 道 利 理 害、 0 能 禍 故 守道之篤 福 先 不 生 足 平 以 日 巾 動 居 其 正 心 位 由 行 先 大 生見 道 9 得 道

明 後 羲 者 先 潘 東 道 李 由 東 久 惡 生,强 聲、 公晦 謙之、 萊 爲道心 則 文王 不 亦 尤爲 語 潘 李 稱 慈 色、 少 先 不 子 溪 敬子 特 楊 口 善、 集 恕 毅 江 臭、味 黄 先 近 借 不 大 志 西 自 黄 如 生 震 思 謂 則 成 之 胡 甚 7 林 子 日 0 以 者 性 甘吉父、 至 伯 而 īF. 洪 林 獨 . 足 晦 1 爲 量 晦 後 卿 皆 乾 正 晦 任 如 庵 統 人 疑 庵 川 蔡 淳 卿 庵 李 既 負 心 號 黄 書 謂 之 元 得 大 公 没 荷 林 如 高 去 \sim 思 盛 年 晦 易 由 真 子 先 弟 私 門 春 最 仁、 本 疑 公 武 如 生 晦 浙 秋 爲 張 高 刊 輔 皆 喜 義 中 又 如 庵 \Rightarrow 季 垂 元 止 一怒哀 漢 獨 講 則 閩 近 禮 守 德 教 南 是 學 卿 葉 勉 中 約 軒 辨 智 樂 最 江 而 疑 齋 味 則

授 庵 卓 見 推 己 講 特 所 子 者 解 而 人不 名《近 章 之屋 · 在 哉 學 然 而 行 以言易肆,故當 有 敏 不 實 精 晦 然 餘 愠 人 ! 後 勉 皆 於 知 晦 政 庵 ,妻之女,奏之官 耳 思》,反 審 惟 哉 能 齋 若其 事 足 庵 理 不 目 勉 不 則 不 守安慶、 成 而 謂 義 發 爲 苟 齋 謂 勉 愠 見之 慎 德 明 提: 〈若遠 如 齋之文, 非 者能 則 講 於言」, 其 近 斯 則 此 行 謹 無 義 不 間 漢 思 道 思 晦 慎字 爾 事 以 之」,勉 贵 愠 0 亦 陽 者 **>** 0 庵 以 自 先 惟 而 然 有 宏 親 則 其 於 慷 凡 本 慎 别 太 勉 確 後 肆 曉 誨 如 門 其 倚 慨 無 齋 晦 於 齋《 極 守 宰 爲 然 學 暢 獨 人 爲 事 於 提 庵 不 物 其 君 若 臨 者 達 弟 講 切 功 敢 晦 不 解 云: 師 子 勉 出 111 子 義 人 庵 盡 0 嘗 髣 之説 周 夫 又皆 齋 敢 於 中 **>** 之意 新 没 旋 髴 豊 是 日 盡 晦 則 微 不 後 淦 + 卓 獨 百 無 晦 而 其 君 謂 庵 知 意

> 此 綱 出 淪 其 自 爲天下 九 少 至 法 斁 老 後 不 亦 世 將 调 慮 情 何 也 所 欲 亦遠 不 利 至 害 之 其 間 言 哀 甚 痛 至 至

李燔

生文 熹 廪 州 語 解 也 未 舅 「古之人皆通材 嘉之。 0 老 氏 官 上 教 且. 燔 承 將 振 士以 往 曰 之 退 重 燔 中 而 建 : 凡 長 而 字 識 紹 陽 以 古文六 諸 歸 於 高 熙 致 從 敬 生未 藝者 弘 者 改 朱 遠 元 子, 用 拔 襄 年 熹 名 古 達 藝 則文武 之, 南 陽 以 進 學,熹告 者,先 以 其 , 康 府 率 不 士 闢 毅 齋 建 教 第 偷 因 射 兼 而 令訪 昌 而 授 惰 自 圃 時 焉 以 授 人。 任 曾子 儆 好 岳 燔 **\$** 復 以 重 即 焉 其 州 俟 往 少 祖 貴 武 弘 且 習 見 教 母 孤 學諸 有 乎 毅 至 日 熹 射 卒, 弘 之 所 岳 依

學 察 發 長 及 處 燔 詔 禁 辭 事 學者 乃 交 嚴 訪 不 友 從 燔 苟 遺 雲 再 有 熹 逸 召 集。 率 益 折 他 同 九 衷 再 H 而 講 門 江 任 爵辛 學 推 往 諸 守 斯 學 之盛 會 以 生 郡 道 口 葬 畏 燔 守 者 畏 薦 他 請 服 視 必必 . 0 郡 爲 封 燔 Ħ. 室, 無 召 熹 白 直 也 赴 與 謂 鹿 諒 不 _0 都 比 書 人 熹 少 樸 堂 院 日 怵 没 實 堂 審

保 矣 激 其 諭 請 燔 辦 會 之 賊 自 如 公 功 徐 洞 尤 逆 是 往 帥 事 除 者 寇 \Box 順 大 無 作 . 逼 漕 誠 14 江 理 禍 良 亂 駐 成 以 寇 日 西 者 福 司 之 吾 兵 . 非 帥 帥 直 寇 易 萬 有 耳 吾 李 幹 漕 皆 置 安 司 辭 珏 民 辦 之。 帖 貪 議 反 耶 議 會 漕 服 刻 平 尋 是 ? 是 近 分 使 者 之, 添 洞 而 豊 兵 激 王 誰 洪 差 諸 行 守 之,及 而 州 必 補 口 江. 之, 巡 各 皆 之 行 地 險 尉 西 持 交 下 惡 者 則 終 運 馳 ? 其 ? 薦 皆 校 察 異 司 辯 説 之 時 隅 燔 民 然 幹 士

當 旨 所 沙 沾 社 穀 燔 售 干 之 用 不 相 行 贛 口 矣。」 是 惠 倉 粟 增 歸 帥 行 權 又 0 江 改 官 價 自 之置 之 時 人 燔 漲 而 自 官 遂 是 慢 爲 H 劄 實 劄 不 與 抑 而 是 史 府 通 封 損 倡 田 **\$** 僅 争 務 能 人 民 或 隄 不 彌 皆 判 識 之 議 者 之 藏 行 子 乃 壞 復出 貸 漕 遠 而 潭 事 裒 沃 黥 之, 楮 日 不 學 視 當 有 不 可 州 壤 穀 久 . 籍 者 時 民 矣 咸 録 或 是 田 即 取 雨 創 辭 之家 點 錢 税 諮 李 弛 必 棄 由 而 漕 輒 廢 社 荒 閱 産 禁, 於 燔 物 誠 民 錢 不 澇 司 皇 倉 物 楮 楮 也 之 譸 許 不 子 詣 以 而 燔 幣 力 涌 人 力 張 不 以 能 + 竑 力 燔 愛 白 誠 真 持 數 争 貸 子 權 各 几 \mathbf{H} 則 謝 重 于 能 月 空 藏 德 之 之 界 佃 楮 燔 母 不 之, 漕 節 券 農 會 秀 以 幣 也 不 會 人 燔 辭 能 用 爲 不 足 益 爲 又 則 子 子 帥 歸 止 長 得 念 緇 實 先 楮 以 價 若 新 有 不 修

定 月」。 終 寘 召 當 心 當 宓 且 僑 隆 無 乃 不 講 傳 今 時 以 日 以 興 劉 鄭 : 筵 補 召 對 高 海 報 直 府 真 起, 燔 宰、 寅 其 也。 其 或 德 士 秘 内 日 燔 卒,年 江 子 累 閣 秀 比 洪 : 楊 乃 乃 裨聖學, 西 舉下州文學。 主管 召 九 乞 及 答 長 朱 薦 燔 人 帥 江 不 致 右 夔 七十, 孺 崔 熹 南 而 魏 蔡 起 慶 仕 于 史 與之、 高 己。 康 者,史 1 大 念 贵 魏 朝 元 弟, 有 黼 至 贈 成 陛 淺 1 帝 魏了 辟 道 下 經 直 稱 淺 紹 翁 先帝 葉宰、 臣 問 宫 充 定 薦 燔 哉 誠 術 文 李 參 : 翁 能 華 行 五. 以 心 心 議 燔 龔 帝 今安 强 義 傳 年 真 閣 大 事 差 官 自 維 然 起 亞 德 益 以 理 有 帝 權 謂 皆 其 之, 藩 黄 在 燔 秀 司 論 如 居 通 言 榦 對 辭 直 文 秋 及 徐 陳 閒 判

事 方 燔 爲 嘗 功 日 業 但 凡 隨 人不 力 到 必 處 待 有 仕 以 宦 及 有 物 位 即 爲 功 職

> 七 雖 燔 在 業矣。」 至 考。 貴 處 居 黄 移氣 不 貧 夫子 毫 李」。 又嘗 居家 賤 易。 躋 患 無 養 攀 講 人 難 日 不 孫 移 若 不 : 道 仕 體 鑣 上 自 平 凡 仕 登 學 素,不 得 四 宦 善 因 者宗之。 進 + 至 處 誦 士 卿 爲 者 正 古 年 動。 退 相 以 語 , 磨 與 日 而 不 挫 被 黄 歷 步 可 服 驕 榦 官 耳 失 分之所 奢,不 布 寒素 並 不 故 過 稱

備 遺

甚 卓 立 晦 然 翁 日 未 : 細 敬 密 子 堅 有 志 又 日 : 敬

序 亦 平 無 答周 答劉 他 心 看 只 舜 季 文字,不 是渠 弼 章 日 肯 : 聽 敢 敬 敬 人 如 子 子 説 此 志 諸 話 走 甚 作 依 勇 却 閒 本 説 甚 而 分, 耳 進 功 循 夫 未 此 次

密 更 宜 相 與 切 瑳 \$ 精 細 平 穩 乃 佳 耳

觀 其 病 痛 與 長 孺 頗 相 似

未 斷 康 見 絶 得 得 敬 又 將 久 答 子 來 説 劉 遠 有 季 何 口 誘 章 如 望 得 日 者 後 然 : 生多 便 近 覺 來 得 有 福 此 知 州 箇 趣 得 氣 向 直 脉 者 卿 未 至 雖 南

端 口 承 黄 衣 勉 鉢 齋 之 書 傳 : 向 來 及門之士, 惟 敬 子

之選 敬 。 當 子 欲 士 嘗 風 云 其 之美, 二、「欲 任 君 當 欲 德 正 之 教 美, 取 之 當 法。 重 保、 欲 樂。 傅 吏

欲 强 甲 -兵,當: 倣 寓 兵之意。 欲足 財 用 當 急

道

之良

久

民

俗

厚

當

興

禮

農 桑之務。」

張

洽

張 洽 字元 德,臨 江之清江人。 父緩

> 數人 語 所 第 日 志、老子 베 八利之。 白 : 以 謂「思之思之,思之不 下 進 石 皆 也。」時 士 所 爲 了,建倉 望 浮屠之説, 究 窮 洽 以 其 理 行 少 永 指 之要。 里 穎 社 斯道 歸 中, 異 倉 無 六 法, 至 從 之 熹 所 年而 於 朱 傳, 洽 嘉 不 通,鬼神將通之」之 諸 熹 請 讀。 其 歸 如二三 學 子 於縣貸 篤 其 百 嘗 自 志, 本 家、 取 六 於官 君 謂 常平 《管子》 Ш 經 者 黄 經 傳 米 不 鄉 榦 註 地

以 能 參 + 於 洽 不 白 匱 Ė 軍 於 動 餘 年 乃籌 是令民自 提 摇 弊 嘉定 點 有 官 訟 日 元 吏 大 刑 者 覈 甚, 囚 年 獄 累 而 猶 中 實 ,殺之。 洽 年 次第之, 訊 援 第 其 請 不決 之 以 土 行 授 則 爲 地 推 證 服 吏姦 松 有 而 疆 排 滋 云 盜 逮 尋 界産 法 尉 無 黠 繫 復 改 者 所 甚 變 業 袁 湖 甚 若 異 之 以 辭 衆 州 石 數, 委 不 且 其 司 經 能 後 投 力 理

今校數 之, 罪 胥 嘗 之。 爲 白 鋭 倉 痕 白 悟 守 官 折 H 罷 之 吏妄 守 干 廪 郡 分以 認 在 未 秖 家 虚 盜 都 日 於 脇 居 委 爲 可 爲 歲之中 籍 官 數 聞 矣。 吏 也 全手足之愛乎 獄 倉 都 嬰 胥 聞 翌 年 之, 有 體 吏 , 姑繫之, 倉 君之籍二 獄 吏之 不 而 若 日, 兄 君 訪 所 吏二 事 自伏。 中 免 獲 所入, 弟 以 必 賣 委官 敗, 榜 所 地 罪 俄 争 不 + 故 笞 籍 胥 洽 忍 財 夢 且 十 餘 上 已豐於昔 而 都 以 ? 之 民 吏,過 治 者 受胥吏之妄 有 冒 密 家 其 餘 此 吏 有 其 蓋 命 人 辭 法 令計 事 洽 者 家者 中 獄 殺 拜 獄 乃 以 氣 諭 之。 知 洽 果 無 人, 賄 州 吏受 于 可 倉 懇 求 之 永 然。 鞫 狀, 之巨 庭 免。」 由 以 庾 切 勝 日 洽 新 之。 財 示示 憂之, 胥 是 所 . 度 其 而 郡 訟 孰 守 觀 嘉 吏 守 子 乘 治 以 守 者 訟 籍 與 之, 也。 悟 也 意 間 以 傷 焚 感 各 無 廉 Ħ. 于

> 寬 白 乎 晉 心 弗 壤 册 訊 至 疑 脩 以 以 而 ? 一,時 之, 税 郡 民 者 犒 聽 以 江 口 上 人 未 致 來 東 于 誤 甫 方 請 大恐。 請 使 幾 至則 提 郡 也 日 大 蹴 蠲 爲 濫 大 再 誣 舉 閱 南 早, 征 行 鞫 服 刑 黥 寇 常 今 以 安舒 大 洽 疑 税 安 而 也 之。 未 禱 平 守 狀 死 丽 天 單 福 致 嘗 寬 不 薦 不 獄 寇 於 車 大 早 境 洽 湖 民 至 催 應, 獄 聽 將 以 早 , E 大 甚悦 通 吏 南 科 伸 犯 乃 往 治言 怒 判 德 誣 酃 焉 冤 結 境 延 會 以 池 邑 脩 以 寇 約 项 見 而 知 提 于 召 佐 遂 故 州 聞 作 隅 執 得 非 點 和 甫 從 有 殺 亂 寓 付 官 雨 常 由 獄 備 氣 徒 曰 獄 士 德 平 與 得 訪 載 洽 罪 有 交 乃 守 脩 袁 於 利 縣 訊 張 其 明 漢 甫 害 接 方 復 德 H 而

● 「之」、《宋史·道學四》作「知」。

七八

洽數以病請祠,至是主管建昌仙都觀

作 堂 選 致 秘 即 凡 何 日 刑 以 閣 好 : 仕 佐 審 時 謝 養 獄 慶 主 察 學 壽 郎 病 士 口 嘻 甫 之士 + 到 之田 去 音 治 恩 以 是 度 月 建 將 賜 以 白 卒 正 先 端 康 以 緋 疾 乾 日 鹿 師 平 崇 葉 説 年 衣 没 不 與 之 書 初 七十 禧 味 書 赴 於 講 職 銀 院 觀 待 道 大 豪 説 魚 廢 也 乃 在 洽 臣 右 , 弛 除 嘉 經 而 多 者 時 其 秘 汰 熙 洽 幄 薦 招 袁 書 其 復 帝 可 古 元 洽 治 甫 郎 年 之。 不 辭 辭 爲 數 提 率 _! 以 遂 問 尋 長 召 點 教 學 至 遷 赴 疾 除 張 江. 興 者 乞 著 直 洽 都 則 洽 東

得 居 平 不 失 樂 居 閒 洽 不 不 則 及 言 自 異 喜 聞 常 少 朝 見 用 廷 人 顔 君 事 力 至 色。 子 於 義 進 或 敬, 所 所 用 大 當 故 交皆 災 士 爲 以 異 大 名 變 則 主 夫 士 故 勇 直 不 __ 言 如 轍 名 可 吕 朝 顰 奪 祖 廷 蹙

> 檘 略 孝 真 傳 有旨除直 儉 春 嚴 德 檉 李燔 黄 秋 ^ 度 秀、 歷 集 榦 賜 代 正 魏 傳 葉 口 寶 趙 郡 了 進 張 味 崇 章 ~ 翁、 縣 道 士 嗣 憲 閣 左 地 出 古 李 氏 李 蔡 理 身 惪 蒙 所 皆 閎 淵 沿 著 求 敬 祖 革 趙 吴 書 × 慕之。 表 汝 李 必 ^ 有 讜 \approx 續 方 大、 ^ ~ 春 通 子、 卒 陳 文 輔 秋 鑑 集 貴 後 柴 廣 集 長 **%** 誼 中 李 編 註 日 杜 子 事 × 道

備遺

若 徑 德 得 不 説 差。」 伯 晦 得 豐 翁 頗 答 且 勝 在 黄 子 直 與 約 卿 之切 9 而 日 其 磨 \sim 兄 可 中 元 使 庸 瞻 江 看 首 西 得 章 尤 帶 張 路 元

否 治 晦 問 翁 ~ 太 然 極 圖 此 所 即 謂 理 太 也 極 莫 便 是 性

曾 理 此 君 高 自 一行 有 臣 之弊。 沂 然 處 此 高 、父子、 處 洽 便是道 君 是 遠之 着 大 臣、父子、 昔 功 晦 夫 説 兄 翁 又 有 問 言 弟 問 因 晦 明 伊 1 兄 近 言 道]1[求 弟 翁 來 之間 之。 如 如 日 學 何 何 近 者 是 兩 是 來 明 各 先 多 道 道 學 道 有 務 者 生之言, 箇 之 明 伊 高 説 當 道 誠 111 遠 然 古 **\$** 有 \Box 之 如 不 於 好 不 :

陳淳

盡 業 業 棄 也 林 其 陳 宗 業 因 淳 臣 焉 字字 授 見 以 安 而 及 ^ 卿 近 奇 之, 思 熹 漳 録 來 州 且. **%** 守 龍 曰 其 溪 淳 : 鄉 人。 退 此 淳 而 非 少 讀 請 聖 習 受教 之, 賢 舉 遂 事 子

> 至 熹 何 口 人 類 故 \Box 有 熹 11 推 疑 數 於 也 凡 問 0 慈 語 閱 不合者 淳 義 爲 以 聞 理 人 而 則 南 子 爲 必 來, 學 窮 稱 何 益 淳 其 吾 故 善問 力, 原 道 止 喜 日 於 如 得 求 孝 爲 陳 其 淳 其 所 他

始 其 出 本 本 條 不 \equiv 闕 而 已 此 至。 月 者 天 員 緒 讀 寢 又 地 而 ,下學之功 疾 後 渾 復 故 本 無物不 熹卒。 萬 自 故 + 淪 太 語 而 冲 其 年 萬 物 太 極 之 漠 末, 言 皆 古之 之 格 極 日 淳 無 淳 太 由 之全 體 爾 : 復 朕 追 日 前 聚 是 極 往 渾 如 積 思 出 此 體 日 自 見 淪 今所 與 月 師 散 渾 : 是 熹 0 也 及 萬 累 訓 淪 所 以 天 太 而 學 陳 古 無 自 聞 理 義 痛 太 極 地 其 之 極 言 其 已 皆 理 自 極 萬 只 後 所 之 冲 貫 裁 要 見 是 物 無 則 得 妙 漠 抑 切 本 通 無 既 所 自 理 用 語 無 原 端 由 不 洞 無 末 時 也 是 無 熹 極 而 理 見 書 凡 所

聖

無

名 其 言 學者 體 本 物 非 人 須 動 但 則 若 得 中 中 太 下 私 静 循 日 日 散 渾 貫 心 極 學 序 意 而 處 . 隱 : 淪 過 流 行 爲 用 絶 工 渾 有 顯 至 仁 道 行 功 萬 夫 而 無 湊 淪 病 之 極 只 理 生 事 到 精 太 成 便 痛 者 用 毫 是 初 萬 理 極 粗 自 乃 在 無 息 天 物 之 渾 有 學 可 玄 事 理 我 欲 全 間 見 淪 即 使 從 問 妙 之 有 生 體 頑 而 無 大 事 , I. 私 生 欠 0 惟 本 所 只 大 痺 小 之全 夫 上 闕 而 0 乃 此 用 室 謂 在 不 達 個 心 又 須 仁 不 下 日 口 礙 體 酢 然 學 念 於 差 用 矣 以 純 從 萬 有 當 不 上 人 是 矣 然 渾 萬 無 變 達 事 其 間 口 其 天 表 後 淪 事 弟 之 者 非 爲 囊 夫 原 法 베 베

膏 然 疑 天 驗 中 9 度 例 可 如 而 肓 理 後 賓 而 以 看 則 辨 真 通 爲 主 語 不 爲 而 黑 人 之 雖 然 匱 進 王 知 己 示 欲 白 於 艱 後 之 佐 退 然 物 以 强 當 難 口 之幾 至 如 事 摽 矣。 後 弱 險 今 以 遇 業 爲 的 之 而 阻 而 語 鏌 至 資 也 證 如 之 行 無 孔 鎁 須 之深 於 之 中 好 孟 不 運 以 盡 不 必 宜 之 好 無 用 天 0 容 使 色, 取 樂。 不 柵 然 理 此 之 之左 有 惡 從 酢 後 語 騎 於 人 須 容 惡 爲 牆 是 欲 右 X 如 明 自 臭 全 中 是 逢 不 分 探 適 儒 學 代 決 非 數 其 m

事 聞 廬 無 感感 焉 而 歸 妹 請 者 淳 未 慨 然 性 有 動 名 孝 居 室 播 鄉 家 13: 天 不 者 郡 疾 下 沽 皆 守 亟 名 以 昏 世 狥 號 下 嫁 俗 泣 雖 皆 之。 于 不 禮 恬 天 用 重 然 葬 之, 乞 退 宗 而 守 以 族 憂 時 身 造 若 之 時 代 其 論 喪 無

址

須

萬

理

明

徹

於

胸

中

將

此

心

放

在

天

地

間

9

緒

是

多

少

X

事

聖

人

大

成

之

地

T.

節

萬

以

此

而

安

於

小

成

也

夫

盈

天

地

間

千

條

萬

者

H

是

多

少

夫

惟

當

開

拓

心

胸

大

作

基

間

語

斷

理

裹

實

大

萬

講 之 其 功 序 體 達 爲 問 筠 郎 為爲 統 之境 天 無 悌 所 谷 著 理 源 嘉 禮 率僚 瀬 泉 四 師 定 ,反託 之妙, 有 詩 州 章 全用 口 友 九 安 以 金 之 屬 語 年 溪 示 聖 Ш 禪家宗旨 淵 不 延 孟 女學》等 學者 主 門 待 所 講 源 由 大 聞 簿, 試 以 郡 窮 學 用 自 中 庠 理 中 未 功 書 明 都 標 0 認形 庸 之 格 年 榜 淳 歸 而 節 \Box 物 , 門 遂 歎 没 氣 遇 以 義 目 特 發 之 張 嚴 而 \approx 録 年 奏恩 讀 虚 陵 明 欲 字 六十 陸 其 書 郡 徑 吾 靈 語 義 授 之 王 道 造 知 守 Ŧi. 詳 號 次 之 覺 學 迪 鄭 上

備遺

下 有 喟 然 先 生 功 與 有 點 毋 所 之 遽 得 嘆 求 不 上達之見。 則 遠 又 千 告之 里 質 之 日 當 : 晦 如 翁 當 曾 子 大 晦 專 作 翁

> 子 翁 冉 從 求 蓋 專 事 、公西 許 從 於 先 所 事 生 貫 於 華之事 以曾皙之 博 毋 約 遽 也 求 毋 曾 遽 意 子 求 而 顔 之 勉 所 子 先 ·之卓 生 以 爾 當 子 如 晦 顔

勘 似 衰 載 惟 道 口 近思 驗 治 紀 成 是之非 以 恐 過 亂 德 或 取 先 綱 録》,乃聖 方 之 遺 生 足 之大端 節 源 無 於 淺 得 度 得 嘗 書 深 此 之 語 不 賢 疏 失 而 詳 非 讀, 人 密 利 傳 己 謂 禮 以 害之機 難 心 也 無 天 樂 明 明 下 物 之辨。 刑 道之要法,學者 凡 道 文 不 政 經 公 格 理 與 之用 傳 表 · 聖 須 夫 旁 異 子 出 賢 搜 端 古 史 几 事業 廣 講 之 邪 今 書 覽 説 所 興 究 與

禮》乃 從 流 千 行 條萬緒 處 又 周 皆 日 公大 不 $\overline{\sim}$ 中 可 用 串 書 不 流 调 \Rightarrow 盡 行 乃 處 無 心 帝 焉 不不 干 春 大 周 蓋 秋 用 匝 妙 \Rightarrow 流 又 道 然後 行 孔 精 處 子 爲 **→** 大 須 周 用

得 牛 者 中 之 實 年 彻 學 再 盟 不 晦 然 翁 則 貫 不 博 免 約 落 之 空矣。」 語 積 此 功 皆 而 有 先

其 出 天 覺 學 農 年 萬 不 又 矣。 地 程 妙 蓋 相 地 得 忧 無 世 爲 黄 具 貞 堯、 又曰 濂 先 千 異 師 行 與 帝 在 説 溪 及 輔 几 道 生 元 綱 舜 相 之 不 我 百 之 . 相 世 而 太 與 卓 五. 口 宋 氣 餘 由 位 禹 施 繼 粤 極》 常 然 之 年 師 復 軻 諸 參、仮、 自 乃 天 之主 湯、 以 之 傳 會 興 昏 立 天下 羲 集 先 後 圖 文、 香 於 明 極 皇 獨 群 知 失 軻 冥冥 作易, 是 聖 得 聖 臯 爲 武 先 而 而 其 實 於 濂 相 之法,作六 陶 文 宗 覺 ^ 更 傳, 傳之,上 通 天 溪 醉 明 承 之 統 相 首 伊 書 先 天 之治 生 之 資 授 提 太 闡 下 > 生 夢 傅、 傳 受, 平 渾 四 綱 相 鶩 下 與 死 有 經 + 日 啓 周 淪 中 繼 於 數 孔 河 自 不 章 鑰 自 爲 南 俗 千 而 子 召 天 來 神

> 之 周 家 而 知 歸 然 與 天 渾 裹 又 瑩 者 英 理 淪 而 有 凡 以 程 而 7,有朱 白 之微 會 條 造 才 河 發 之嫡 下 之。 洛 道 于 理 志 圖 以 之間 程 入德之方,脩 統 士 之 文公, 備 振 0 上 親 倫 所 見於《 粹 孔 得 斯 蓋 以 授 之著 未 乎 以 達 又 所 其 孟 文 盡 洙 探 易 群 謂 旨 即 洋 不 事 泗 討 聖 傳 其 集 洋 傳 己治· 上 又 物 濂 之心 服 × 微言 諸 之 與 從 與 之衆,鬼 洛之淵 行 ^ 儒 墜 人之術 羲 遺 洙 而 一, 而 遺旨 之大 緒 皇 書 而 光 泗 下 之 *****, 源 不 所 大 並 成 莫 神 者 以 益 失 使 易 之。 謂 之 也 統 其 精 聞 斯 不 相 而 再 幽 嗣 故 百 明 所 111 秩 闢 表 而

篇 學 但 明 教 $\stackrel{\cdot}{\cong}$ 正 學。 人 觗 鄭 辨 默 悌 排 坐求 刺 求 異 當 嚴 其 端 時 心 陵 指 有 中 歸 謂 招 學 其 致 則 無 膏 蹴 先 有 師 育 生 可 傳 道 于 以 則 學 學 竊 至 ^ 似 體 宫 道 似 道 統 講 亂 而 真 道 等 以 似 致 發 川

之 説 便 知 其 益 所 格 簡 張 在 物 皆置 爲支離 其 群 徒 而 益 和 而 認 繁,故先生極 不 之, 牢不 問問 人 心 爲 後 可 生 道 破。 心 晚 力 出 排之。 而 朱子 喜 理 其 欲 没 奇 是 其 非 而

李 方 子

官 中 公爲人,自是寡 文,爲人端 -要果 李道傳折官位輩 李 方子, 決。」遂 謹 字公晦 純 以「果」名齋。 過 篤 0 行具刺就謁 但 初 寬 昭 見 大中要 武 朱 熹 長 遊 謂 規 少 太 矩 日 博 學, 學 和 學 緩 能 觀

官。 故 小 通 咸 事 書 `,秩 咨 適 嘉 真 定 焉 是 滿 德 七 求 必 秀 年,廷對 暇 也。 先 來 則 通 爲守,以 辨 時 書 擢 丞 論 廟 第 相 堂 經 師 $\stackrel{\cdot}{=}$ 訓 史 乃 友 彌 調 除 至 禮 遠 泉 夜分不 之,郡 聞之,怒。 方子 州 觀 政 察 曰 : 倦 大 推

> 德秀 方 踰 子 年 黨 不 始除國子 也 少 貶 一使臺臣 以 求合。 録。 劾 無 罷之。 或告 何 彌 將 選 遠 人 曰 宫 僚 此 真 而

問 子 心 加 傾 常 學, 閔之,與一 詬 側 覺 書 方 雖 泰 對 子 未能 然,不 賓 然 既 客 常 歸 子 周 學 嚴 恩 盡 爲 憚 澤 物欲 語 ,然幸於大本 之。 不 畢 所 妄 集,危 嘗 發 漬爾。」其亡也 語 坐 人 雖 ·有見 日 竟 奴 隸 日 處 吾 未 亦 此 於 始 不

備遺

箇 病 急 方 可 方子 迫 進 此 臨 道 是 歸 氣 觀公資質 請 禀 教,晦 如 此 翁 自 學 日 者 是 : 先 寡 須 邵 過 除 武 去 然 開 此 箇

題中又須縝密,寬緩中又須謹敬。」 電中又須縝密,寬緩中又須謹敬。」 真德秀曰:「予與公晦爲僚于泉山,二 學邃而氣平,本經術,明世用。事之大者, 等必咨而後行。」

考亭淵源録卷之六

考亭淵源録卷之七

黄源

第 除 喪 簿 薦 州 政 記 化 葬 0 海 太 于 鹽 儀 朝 爲 教 府 論 持 業 寺 授 今 灝 民 本。 除 及 荆 禮 伐 丞 隆 字商 登聞 司 臂 山 桑 教 歲 圃 出 馬 行 僧舍三 饉 府 柘 廢 鼓 伯, 知 光、 乞。 知 闕 毁 行 常 院 南 請 高 廬 德 州 賑 年。 康 而 屋 閌 光 化 給 敕 提 都 州 宗 等 有 縣 有 莩 舉 昌 縣 即 0 方 書, 司 殣 本 太學, 方 以 位 取 路 盈 督 參訂 王 興 政 遷 常 幼 野 促 學校, 藺 擢 和 平。 太 敏 行 逋 常 進 或 冠 劉 悟 之。 食 昏 秀 穎 士 强

> 質 若 之請 赴 飭 廣 筠 併 灝 疑 素 東 州 閣 見 徘 問 提 隱 之 秋 孝 徊 者 點 灝 苗 感 難 E 不 友 既 不 刑 然。 而 忍去者久之。 稱 起 寢 歸 熹 獄 俟 之没, 知 里 謫 時 報 朱 告 信 命 有 熹 行 幅 老 州 旨 之。 止 守 巾 黨 不 削 改 深 南 赴 倚 禁 言 廣 兩 衣 康 閣 方 秩 者 西 卒。 夏 厲 灝 騎 轉 罪 而 税 執 驢 運 其 灝 灝 從 弟 匡 專, 判 單 性 遂 其 子 Ш 車 行 移 奏 蠲 間 往 乞 移 居

備遺

禮 之説,皆 力 亦 過 於 智之説, 中 此 晦 翁 平 而 答商 愈 正 更 於 今 閲 精 伯 年 日 世 切 所 書 少 故 非 論 日 新 又 讀 學 已多矣, 概 ^ 之爲 前 易》之説 悠悠 時 所 之論 者 乃 論 能 是 真 切 可 切 無 且. 尚 用 年 欲

已矣。」

精 答馮 誠 口 儀之 嘉 尚 書 日 : 商 伯 時 時 得 書 講 論

所 子 弱 約 答黄 書 於 亦言 近 習 直 其 卿 而 舉 書 惡之若是 措 日 有 未 商 善 耶 伯 處 事 殊 不 不 知 聞 救 首末 荒 何

晦 翁 日 灝 見 晦 以 翁 所 知 首 語 以 人可 不 敢 忧 輕 爲 人 師 爲 問

帛 於 其 晦 中 灝 翁 緊 云 以 切 爲 戒 處 然 懼 加 是 工 統體 夫 猶 做 功 夫 經 謹 緯 獨 是 而 又 成

之正 其 異 見 尾 事 其 見 神 黄 束手坐視, 其 榦 見 清 其 偉 序 從 氣 臨 師 勇 西 歲 問 民 坡文 襟 君 學 適 多 發 懷 大 惠 如 集》 廪 侵 政 卓 恐 蠲 举 日 立 不 租 : 相 朝 及 而 不 子 食 多 知 而 待報 壯 始 其 官 知 識 節 資 吏 其 黄 禀之 竟 畏 趨 而 首 知 向

> 藴 召 閒 得 不 四方 + 弔 贵 罪 年 者 但 名士, 僞 文詞 君謫 禁 方 之足 君 能 居 嚴 亦 堪 稱 學 不 駸駸 君 遠 者 泊 千 更 向 如 名 里 用 也 哭 他 矣。 師 泣 慶 使得 犇 至 元 赴 有 初, 究 師 其 投 收 殁

蔡 元 定

當 之。 書 至 西 也 世 悟 。一元 一》、張 夜 在 Ш 號 分。 弟 熹 蔡元 絶 牧 歲 定 氏《 子 扣 頂 堂 能 定, 忍 列 四 其 深 (正蒙》 老 詩 學, 方 涵 字 饑 人。 遂 來 其 日 季 啖 大 漫元 學者 與 義 記 薺 通 以 驚 對 數 讀 程 日 定, 建 榻 既 千 書 熹 氏 : 州 長, 言 講 日 ^ 必 建 語 此 : 聞 論 俾 辨 陽 吾 父 録 朱 諸 先 析 此 × 發 老 熹 經 從 益 孔 友 邵 名 奥 元 精 博 孟 生 也 氏 定 往 正 覽 而 質 每 不 登 脉 經 師 群 穎

爲 疏 IF. 薦 終 焉 焉 干 朝 太 常 召 小 之, 卿 尤 堅 袤 以 疾 祕 辭 書 少 築 監 室 楊 西 萬 Ш 甲 將 聯

衆 乎 無 州 朋 從 起 熹 朱 兀 下 類 兀 士 謂 定 定 游 幾 相 僞 併 微 者 賦 愛 宜 甚 時 杖 及元 見言 詩 之 急。 莫 熹 數 緩 諫 韓 至 屨 得 情 視 百 沈 日 侂 行 承 定 無 日 兀 趨 面 人 繼 風 胄 兀 定 季 其 罪 元 席 定 餞 祖 擅 執 聞 元 通 專 子 定 下 至 不 别 手 政 未 不 定 劉 肆 命 沉 F 春 以 異 蕭 笑 挫 幾 簡 排 行 設 聽 陵 平 寺 不 之志 相 擊 學 傑 三千 講 果 辭 僞 中 時 獲 遠 别 者 爲 説 謪 然 家 學 罪 言 近 坐 大 劉 里 猶 無 口 即 之 道 于 來 官 喟 礪 謂 有 爲 就 州 未 禁, 天 學 脚 興 然 曰 名 兒 始 道 0 兩 敢 者 爲 嘆 : 日 以 士 天 女 州 得 連 誦 流 日 挾 悲 空 口 熹 化 矣 有 言 縣 疏 血 才 0 逃 友 泣 與 性 捕 詆 攻 善

> 節 閱 避 何 甚 簡 日 不 元 忍 定 愧 也 恭 傲 者 日 拒 衾 口 非 貽 之。 謂 謝 卒 笑 勿 爲 書 宜 0 前 以 訓 若 之 謝 侂 修 吾 吾 語 諸 有 牛 胄 子 欲 得 禍 徒 曰 既 安 日 患 罪 誅 亦 元 静 故 心 初 亦 定 贈 服 獨 遂 非 不 以 日 迪 謁 敬 行 懈 還 閉 : 功 拜 不 門 造 郎 彼 愧 塞 化 納 執 賜 以 影 日 竇 舊 弟 命 學 益 謂 獨 物 所 子 愛 禮 文 寢 能 沉

深 書 書 鑑 精 目 理 易 於 綱 輒 妙 洞 則 理 解 目 見 兀 屬 者 熹 定 古 \leq 大 元 熹 能 於 書 原 疏 皆 定 識 釋 嘗 奇 書 與 起 之, 兀 曰 辭 無 下 元 藁 書 奥 : 所 至 定 吾 義 不 圖 及 往 嘗 與 讀 書 讀 爲 X 復 季 日 易 所 於 參 禮 通 易 書 不 事 訂 言 樂 × 造 難 能 無 ^ 而 化 詩 制 曉 所 ^ 季 不 啓 微 傳 度 不 厭 通 蒙 妙 究 也 讀 無 ^ \Rightarrow 惟 调 難 不 義 涌

熹爲之序。 多寓 玄》、《潛虚 不 及 律吕 可 葬 學 於 屈 新 書 者 之志, 文誄 書》、《 尊之日 集 指 子淵、沉,皆躬耕 中 之曰: 要》,《 不可 燕樂原 0 西 窮 (洪範 所 Ш 精 辩 著 之 先 ×, 辨 詣之識,卓絶之才, 書 解 生 有 **≫**, 皇 不 不仕 ^ 極 其 大 復 八 平 可 經 衍 陣 生 世》、《太 得 詳 置 問 説 而 説 學 見 ×

備遺

中 體 説 以 人 莫 自 爲 而 非 嬰 晦 悉反之, 後 敬 兒 己 翁 十 而 發 至 嘗 年,先 無 l論《中 老 由 失, 元 死 是 定 生 便 益 雖 庸 不 再 是喜怒哀 奇 語 **>** 以 與 已 元 默 爲 發 元定辨 定 動 是, 未 静 獨 之不 發之旨 樂 論 引 未 終 同 程 發 氏 始 謂 以 然 説 之 其 大

季通論《經世》書云:「元會運世之數

行,氣 食 六 會 + 三十。 自 萬 百 毫之數。 之,得元會運 與 世 所 大 六 淺 然, 白 有十二萬九 九 有 辰之數十二。 可 而 日 + 深之數,莫不 千六百 故元 三十 得 不 朔 非 而 可 之盈 假 世有 三十與十二,反 會運 歲 以 歲有十二月, 數 見,分釐 智營力 \equiv 者 十二 世之數; 虚 世 千 故 百 月 五. 即 一、歲 六 六 元 一萬 自 由 索。 有三 歲 絲 百 有 + 星 九 此 月 歲 月 毫之 月,運 之 乘 十二萬 千 推 + 日 而 月 日 伏 三百 復 六 天 辰 日 由 日 而 日 辰 數 見,朓 漢 百 地 相 有 八 下之,得分 辰 有 故 而 小 六 之 者 辰 九千六百歲, 十 二 以 乘,爲三百 之數 十二萬 歲 知 而 十,爲十二 來 運 皆 之數,皆三 朒 之 與 不 辰 以 天 推 也 日 屈 日 可 釐 之數 歷 伸 地 九 故 月 而 之 交 之 數 絲 上 日

^{● 「}書」上、《宋史·儒林四》有「熹」字。

名家 勝 又 牽 九 衍 千 -》之曆 諸 其 萬 六 百 五. 者 家 縝 康 也 以 千二百 節 惟 + 此 乃 之曆 若見 以 太 求 七 爲 歲 初 一百六十三億七千 天 古 於 元 爲 地 自 三千 用 个大 之數, 元, 是 不不 以 衍 好 四 知 八 安 爾 而 十爲 十 果 得 0 季 何 無 分,皆 通 如 太 爲 差 四 推 分 初 恐 白 得 當 附 晦 Ŧi. 以 **^** 來 絶 + 大 翁 會 几

序 後 未 人 自 而 學 必 然世衰 其 源 亦 先 而 教 訓 無 惑 生 流 人 詁 于 也 處 隱 道 聞 文 異端 焉 家 微, 以 者 義 莫 性 以 邪 之 爲 不 與 孝 説 先 説 興 天 交 也 弟、 道 起 作 下 爲 忠、 故 學者未 學 嘗言 先 文公晚 信 達 自 儀 知 文 刑 本 固 年 本 而 子 公教 是 接 原 支 孫 常 引

落 晦 象之文, 翁 日 : 地 理 神 之説 與 博 無 學 所 强 不 記 通 高 簡 季 廓 通

> 遡 遂 承 其 成 父 源 志 流 家之言, ,學行之 ,皆有 餘 成 使 法 千 尤 古之誤 邃 律 曆 曠 然 討 論 新 定 而

乎 真 書 無 向 脩 勇 劍 其 頓頓 能 慝 事 來 兩 而 可耳 辨 竊 段 晦 常 至 防 劍 惑 翁 聆 者 存 於 患 答季 兩 悔 祇 此 貴 而 改 段 過 畏 成 怯 過 之言 亦 通 警 亦 徙 之 可 書 懼 不 義 勇 驗 非 日 之 可 者 崇 矣 : 古 心 以 不 德 相 當 此 昨 切 之 須 自 以 如 自 辱 至, 功。 防 然 恃 此 書 其 以 而 後 不 往 源 前 真 改 所 而 設 則 平 日 過 謂 口 之 貴 庶 居 使 以 則

濂 力 云 幾 處 溪 不 字, 先 免 所 無 生 倚 喻 規 要 説 於 以 當 矩 得 禮 中 如 物 的 爲 却 此 當 先 未 有 瞥 之 是 ^ 規 脱 説 通 親 矩 書 切 未 即 又 工 自 中 似 造 夫 然 化 數 識 耳 時 數 造 有 拈 已 箇 化 大 有 省 出 抵

造 化 然 後 本 隱 之 顯 推 見 至 隱 無 處 不 吻

合

巾

之 聖 及 盡 未 本 及 久 耳 正 細 同 疑 告 小 所 觀 其 痛 兒 亦 與 略 太 加 輩 有 子 儱 看 繩 又 明 直 侗 大 約 煩 與 書 今 意 收 爲 不 論 皆 幸 教 明 得 好 大 之 此 尤 所 本 異 書 但 劇 處 示 恐 愧 乃 甚 ^ 昨 微 孟 荷 釋 佳 見 子 細 然 子 **>** 雖 有 但 耳 數 直 放 所 云 説 説 凡 未 逸

粹 讀 能 爲 須 嬉 调 也 者 影前 佳 尋 廢 寒 泉矣。 得 業 場 问 後 其 兩 借 數 雖 屋 集 間 兒 然 得 + 不 其 儘 久 得 謹 子 人 觀 年 欲 有 間 失 令詣 勉 時 近 前 佳 遣 亦多 又 年 舊 文 作 無 去, 須 左 字 本 可 好 種 右 有 寬 大 又記 書 奈 論 淺 命 舒 循 便 義 何 切 至 有 向 令入學,勿 決 然 文字, 今, 議 年 皆 不 要 當 曾 論 之 今熹 專 今 時 者 略 殊 將 猶 在 看 不 來 趨 與 **\$** 以 所 亦 佳 若 論 爲 時 看 游 欲 不

> 者 歎 度 温 俚 莊 其 繹 俗 × 揀 緩 爲 此 而 ^ 數 急 荀 兒 佳 不 + \Rightarrow 讀 而 觀 之屬 授 篇 **^** 韓 左 之 安 **\$** 皆 傳 歐 也 知 寫 未 今 向 曾 出 讀 日 畢 9 蘇 反 乃 0 口 之 作 更 經 復 文, 書 與 此 成 曲 兼 要 誦 滂 處 拍 善 沛 尤 棋 平 明 更 善。 9 酌 白 **\$** 口

之, 遣 殊 多 不 然 在 矣。 能 人 可 此 捐 病 奉 懼 共 辨 其 敗 兼 安安 候 渠 0 評 舊學之非 善遠 不 朋 訂 不 得 少 肯 友 訪 即 0 少 Œ 熹 面 理 留 非 無 當 向 言 古 以 所 如 未 之。 季 未 堪 論 此 及 通 易 其 佇 中 仔 深 窮 意 和 衰 俟 細 排 然 等 懶 來 痛 愧 亦 説 音 不 昏 抵 惕 恨 振 慣 之 不 近 賢 日 如 力 自 者 負 夕 細 此 勝 别 思 愧 亦 不

許 便 是 也 太 \sim 前 通 極 書 後 知 注 他 Ŧi. 脩 讀 改 了 此 其 幾 老 精 過 此 子 都 兀 活 不 來 計 曾 誠 見 盡 幾 此 在 意 裹 德

無 喬 官 思 有 亦 木 詞 沉 來 大 於 大 攻 於 朕 黒 臣 迷 邵 夫 此 姑 草 康 識 氏 坐乞 益 示 其 節 甚 知 於 制 此 急, 數 毁 讀 寬 輩 學一、 有 ^ 書 恩 口 今 通 笑。 之 亦 鑑 横 聯 以 難 口 **>** 渠 鴟 嘗 Z 板 也 并 ^ : 鴞 記 被 西 按 共 而 銘 近 責 出 忧 甫 笑 0 得 出 説 鳳 發 林 谷 袁 笑 凰 來 而 往 機 黄 復 遷 爾 時 仲 中

早 未 力 免 略 把 息 前 語 · 寄 去 輒 知 去 筆 1 **>** 之 及 光 起 病 休 作 此 熹 景 世 孟 著 書 而 敗 養 生 自 未 述 能 開 有 欲 足 想 能 之 才 味 復 以 正 猶 亦 念 方 告 即 未 相 不 以 深 , 繙 病 亦 多 能 人 從 此 慰 動 9 0 是 平 至 如 極 所 而 册 閒 病 步 今 往 思 願 無 子 中 中 未 彻 向 時 口 塊 平. 來 否 便 告 大 許 坐 氣 承 覺 耳 者 魔 誨 晤 Щ. 前 又 日 障 之 日 亦 知 未 方 又 人 樂 衰 闊 能 能 幸 看 欲 不

事 傾 其 此 爲 致 爲 舜 流 根 私 善 合 囚 而 危 爲 之 有 邪 悉 之 公 兩 於 本 有 M 而 而 主 惡 以 , 者 咎 皆 戒 人 而 而 或 質 析言之, 準 非 其 之 邪 欲 已 善 禹 不 、之有 待 以 的 而 若 間 然 惡 主 但 也 善 也 所 以 擇 致 私 而 道 既 形 以 也 於 其 非 而 使 X 則 生 故 口 心 然 但 而 不 有 過 咎 或 爲 主 性 公 憑 之 其 故 性 謂 但 主 有 人 與 不 氣之所 主 理 而 其 據 心 發 必 亦 與 之『 謂 質 於 不 善 於 發 無 皆 而 也 善 不 之『人 氣 理 及之 者 危 理 道 皆 故 不 天 無 難 合 而 而 爲 不 善 而 故 私 心 形 人 理 矣。 無 而 主 間 得 有 無 心 者 必 則 之 欲 之 而 惡 於 與 過 故 形 其 常 别 之 此 古 或 而 所 9 形 不 公 有 爲 致 未 則 其 所 行 自 不 然 氣 及 精 安 而 則 以 古 蓋 善 然 則 所 作 ; 主 即 身 爲 未 以 以 其 自 無 無 而 於 凡 而 其 所 萬 於 無 爲 流 便 以 後 其 其 以 形 己 此 不

九

及 调 無 所 心 雖 道 能 謂 清 中 未 處 故故 言 嘗 過 用 明 矣 心 清 不 非 直 不 力 純 隔 明 夜 直 於 亦 而 純 及 乎 粹 以 此 氣 覺 此 以 乃 欲 理 粹 之 形 舜 者 此 有 據 在 有 而 者 時 氣 戒 而 而 夜 差 乎 之 不 其 禹 助 之 既 養 察。 集 氣 以 如 所 但 發 之 其 之 屬 爲 義 來 爲 欲 本 既 盡 發 主 也。 於 其 諭 精 存 無 非 揮 意 爲 形 也 他 之所 者 與 直 耳 不 氣 來 ; 之 如 而 乎 善 就 雖 之 諭 乃 分 不 疑 序 地 道 言 偶 此 主 在 别 可 也 也 而 文 心 養 氣 然 張 乎 中 便 不 述 之微 中, 氣 氣 氣 容 認 但 之。 如 則 過 字 擇 義 孟 此 以 其 亦 而 故 太 之 其 其 子 爲 但 所 不 有 古

蔡 沉

有

所

不

暇

辨

耳

蔡沉,字仲默,少從朱熹游。熹晚欲著

數不 矣。 妙 者 著 象 數 九 而 7 所 沉 書 0 「**,** 曰 而 又 也 始 潛 者 · 未 耦者數之所 傳 自然之數 傳 八 易》 或 又 於 及 反 久 易 : **>** <u>=</u> == 即 九 八之,爲 一 奇, 復 失其 之象。 **>** 未 後 象 九 其 者 成 更 及 之 於《 而 四 之,爲六 而 數 吾 益 傳 象 爲 作 爲 聖 十 書 九, 以 晦 四 洪 紀 成 數 者 年 而 者 元 遂 焉 千 行。 範 九 於 天 定 象 沉 以 昧 千 或 然後 九 數 疇 地 獨 己 也 屬 象 故 五. + 反 之 之 耦 著。《 心 數 百 六 謂 成 沉 類 數 撰 得 沉 四而 之 六十 書 而 : 者 奇 也 而 範 之, 受父師 ^ 原 擬 者 , , 洪 象 體 發 > 象 錫 然 數 室 範 備 由 明 範 天 之 變 是 先 未 神 **>** 八 地 而 矣 之數 之託 之 合 掛 所 及 之 儒 通 數 禹 數 之 論 之 以 撰 附 周 九 而

粤 窮 僻 始 從 處,父子 元定 謪 相 道 對 州 常常 跋 以 涉 理 義 數 千 自 怡 里 道 兀

定没 輒 徒 謝 步 卻 護 之, 喪 以 日 還 : 0 吾不 有 遺 忍累先 之金 而 人 義 也 不 口

或 沉 師 不屑 公。 隱 年 居九 就 僅 峰。 後 +, 以 當 屏 子 世 抗 去 名 舉 執 卿 政 子 業, 物 推 色 恩 將 贈 以 薦 太 聖 師 用 賢 、榮 爲

備遺

託 洪 哉 範 ! 真 德 秀 書 誌 闡 先 生 發 墓 出出 日 微 : 真 君 不 於 媿 ~ 父 尚 師 書 之

躬 瞭 衆 然 有以 又曰 理 俱 見 備 天 平 信 地之心 · 居 前聖之言不予 仰 觀 俯 萬 察, 物 之情 默 欺 坐 也 終晷 反求 瞭

啚 皆 又 日 爲 文 公 聘 所 君 歎 嘗 重 著 律 然 學 吕 者 書 鮮 闚 演 其 八 微 陣

> 緯 間 運 以 行 吅 君 陰 陽 毫 分 向 背 縷 析 歷 使 歷 如 人 指 灑 諸 然 掌 無 疑 至

象

葉味道

學 必 教 程 部 温 授 僞 禁 第 頤 州 人 徒 葉 開 無 0 味 也 所 登 時 少 道 0 避 僞 刻 嘉 既 初 學禁行 志 定 下 諱 知 十三 好 第 舉 賀 古 孫 胡 復 學 味 紘 年 從 以 道 進 見 師 字行 熹 對 而 士 事 于 學 黑出 朱 第 9 武 更字 之 制 夷 策 日 調 Ш 知 鄂 試 率 道 中 此 禮 州 本

宗 以 學 味 學 道 理 諭 宗 行 誼 訪 0 問 聞 輪 熹 對 之 差 言 主 徒 : 管 及 人 所 \equiv 著 省 主之務學,天下 架 書 閣 部 文字, 使 者 選 遂

■「選」、《宋史·儒林八》作「遷」。

愛 語 師 神 爲 散 之 有 雖 事 職 太 勝 歌 至 所 之立 莫不 若 廷 爲 設 》, 詔 學 學 不 涉 作 福 天 則 參 止 得 爲宗祧 於 地 博 意 銘 П 也 臣 妖 贊 於《 正 子 之旨 奏, 從 寧 其 不 誕 0 士 虚 邊 爲 綱 化 洩 通 能 之。 _0 矣。 死 必 閫 則 常 厲 育 兼 以 以 易 味 鑑 堅 從 而 又述 交進 以 崇 奉 道 其 **>** 帝 使 機響 臣 志 蓋 别 而 勵 今 政 其 終 國 有 對 忽 結 有 氣 諷 帝 親 不 所 機 伯 後 殿 有 死 日 問 薦 人 不 以 踈 皇 及 學 王 會 有 : 説 而 鬼 日 散 守 上 味 則 遠 傳 經 子 之説 得 猶 言言 用 下 書。 者 神 所 道 陰 近 庶 0 竑 心之要, 不 忠言 罪 爲 學 之 , 陽 味 可 乎 事 正 其 散 味 之 而 理 故 爲 宣 鬼 道 也 謹 者 變 所 以 道 不 死 事 講 有 則 氣 請 0 疑 以 也 與 幾 克 進 寧 其 之 所 官 先 力 其 伯有 説 教 微 四 所 議 之, 散 説《 常 減 京 於 代 書 民 氣 故 乃 學 以 狀 聚 也 用 是 聖 之 論 授 之 親 文 作 驗 而 不

> 導 是。 味 治 日 餉 以 引 道 道 不 爲 日 申言 : 先 翼 見 迫 摇 微 開 民 求 之, 其 慮 邊 益 切 本 遠 浸 不 而 於 , 闊 無 堪 洛 君 味 益 命 師 身 應 道 於 0 尋 援 ; 所 外 龐 以 倍 旁 奏 也 勛 敗 難 引 陳 0 聞 黄 折 科 經 無 巢之 旋 筵 配 於 奏 H 言 推 是 禍 事 繁 人 致 立 不 於 開 謂 見 無 餽

謚 奏 義 故 悼 益 **>**′≪ × 事 出 ^ 遷 所 故 祭 内 曰 秘 未 「文脩 事 法 帑 書 見 講 宗 銀 省著 也 義 帛 廟 **%** 賻 廟 作 所 其 享 景 佐 著 喪 郊 定 郎 社 几 中 升 而 書 外 卒。 門 傳 官 説 × > 計 以 范 ^ ^ 聞 任 大 東 經 其 叟 學 筵 帝 後 請 講

備遺

體 此 之 有 教 理 之 而 有 間 理 誨 理 認 看 不 形 不 得 形 亂 形 斷 見 好 味 而 日 好 見 處 底 見 道 義、 能 便 這 會 這 處 問 人 處 是 辨 可 聚 每 禮 便 便 别 所 見 恩 凡 時 口口 是 自 得 前 智 謂 恭 義 此 升 門 尋 使 真 H 敬 意 擴 堂 四 便 中 得 是 人 承 Ź 思 充 端 尊 或 自 路 惡之,這 先 真 之意 理 有 踏 時 非 相 生 卑叙齒 形 且. 著了 做 親 教 時 否? 如 見 這 體 不 朋 處 這 可 **\$** 口 好 認 秩 於 見 見 友 口 底 日 皆 聽 然 羞 見 得 H 不 事 : 悪 使 先 是 有 得 是 用 少 生 之 如 非 序 或 愛 鄉 間

親 相 死 充 味 之 至 道 於 而 問 無 民 間 體 愛 魵 几 物 則 端 莫 貧 擴 不 病 充 皆 之意 必 然 相 恤 則 如 患 朋 之 難 友 理 必 相

> 若 智之 密 於分 善惡 之 得 下 如 加 不 皆 常 之 惡 拶 矣 理 無 拶 别 得 大 間 然 常 理 惡 義 忠 矣。 倫 地 斷 恁 得 臭 如 則 利 朋 佞 地 矣 義 定天 以 不 公私 如是 友 體 0 肯 親 之 至 責 認 日 君 理 下之大分, 於 之别 是 善 : 子 時 得 除 則 非 安於 充 矣。 日 殘 只 遠 非 截 之 用 要 去 小 不 充 然 如 而 穢 之 常常 莫 之 Ė 尊 而 無 間 常 不 莫 以 卑 戢 間 不 而 恁 皆 暴 秩 币 不 無 口 斷 至於 然 地 皆 禁 序 币 間 亂 則 體 都 然 斷 亂 以 則 IF. 充 見 滿 認。 禮 莫 惡 則 至 則

外, 求 不 知 迹 聖 將聖 新 求 賢之心,本不 奇 前 所 賢 可 H 口 謂 言 得 喜 考 玄 公書 之論 語 而 妙 爲 行 之説 切己 如 備 屈 此 今 悉 曲 可 則 日 雅 纏 行 無 之來 既 繞 意 之 之。 以 事 自 詭 聖 若 近 秘 欺 必 賢 捨 變怪 世 於 見 又 儒 轉 經 成 事 相 面

之,必 覺 八 底 異 再 授 亦 卦。 得 出 受 説 事 只 渠 ? 將 不 依 復 出 只 文王 前 更 底 如 以 怕 經 有 便 今 只 欺 此 再 是 要 所 是 **^** 人 事 出 語 緊 心 作 洪 有 存 只 爲 依 範 熹 難 ~ 底 嘗 者 前 是 九 孟 伏 謂 疇 只 將 > 熹終 居 羲 之 衍 0 П 父 雖 所 再 六 讀 此 曉 使 相 出 載 外 + 底 渠 聚 聖 者 更 依 便 几 意 幾 人 做 有 循 掛 前 不 復 身 甚 只 而 得 年 生 行 行 咤 畫 禹

是 及 然 未 之,至今不 爲 怙 六 平 未 有 賢之書, 科 恃 七 定 時 問 舉之文, 及 凡 不 見 分 從 百 曾 到 師 在 敢 自 失 用 得 先 之 忘 鄉 然 教 初 力 生 時 聞 如 得 終 日 終 緊 然 何 先 既 不 : 也 是 讀 切 中 生 肯 壯 須 書 也 説 大 間 所 安 ? 先 所 難 話 凡 未 編 心 自 從 人 能 賀 ^ 於 易 頓 着 論 師 説 有 孫 彼 得 下 力 孟 友 要 所 云 長 手 做 精 去 決 : 常 不 進 義 擇 工. 從 欲 過 少 > 夫。 師 若 故 讀 讀 習 失

> 箇 之端 鑽 病 孔 有 自 爲 自 自 見 直 未 多 研 謂 文 子 然 得 明 是 曾 多 推 置 能 日 透 今 反 踐 自 去 . 尊 若 須 小 在 工 通 履 却 而 却 少 見 先 欺 ^ 終做 謂 思 左 自 旋 壁 正 底 不 來 這 之, 傳 正 旋 路 事 透 説 笛 却 事 **>** 0 下 頭 合 干 甚 是 將 不 路 積 或 T. 當 你 盛 盛 明 左 得 自 夫 頭 日 身 理 衰 衰 氏 辨 謂 累 錯 會 則 己 之 爲 比 能 T 月 司 興 甚 由 思 見 己 有 亡 馬 通 事 則 漸 慮 爲 浙 多 這 遷 ? 治 史 讀 漸 自 中 人 多 箇 駁 記 熟 之 亂 朋 書 通 你 少 是 雜 别 友 雖 身 漸 少 成 之 知 多 底 敗 將 或 漸 識 直

明 厲 起 云: 頭 將 公只 賀 公仙 漸 後 孫 入於 面 管 請 鄉 低 問 恁 图到 將 地 暗 語 去 何 聲 下 故 含 末 聲 稍 孔 含胡 後 氣 不 子 低 都 好 胡 日 恁 : 先 不 見 地 生 能 道 聽 不 到 理 其 説 聞 得 言 不 得 正 也 箇 大

是一句,便要見得是非。」大光明之地。説話須是一字是一字,一句

没 説 尹 依 之, T 過 似 解 和 傍 變化,然是守 某家如 •未若文義 都 自 此 依 靖 嘗見 看。 語 會 傍 通 只 通 説 透 看 是 陸 如 曉。 得 彼 也 教 子静 依 公 好。 説 熟, 傍 得定 未 讀 若 自 伊 説 少 曉 待自 公看 ^ 不 有 論 : JII 間 得 恁 許 語 都 地, 家意 文字,亦 且. 又且 般 多 攪 》, 還 活 只 人 説 得 思 去 地 是且 敏 話 常 看 與 依 且 捷 場 文 他 只 某 就 傍 就 没 義 是 家 都 意 曉 看 分 理 他 曉 得 如 要 思 明 會。 得 看 相 注 思 也 此 處

爲 穿鑿得 春 尤 秋》 甚 先生 盡 對 天 問 0 下 . 諸 日 大 經 : 赴 抵 \sim 時 試 皆爲 春 文 愈 秋 用 公鄉 甚 爲 巧 文字?」 仙 愈 里 鑿 鄉 獨 陳、 變矣。」 賀 蔡 春 諸 孫 秋 公 以 **>**

廖德明

德 劾 諸 狥 與 明 淫 熹。 氏 地,廣其 不 人 人 日 明 祠者,罪之,沉 司 及得 避 • 且 廖 乎?」固 登乾道 者。」守 日 2「太守,天子守 權 交薦 德 . 居, 龜 要。 明 此 Ш 德明 中 之,德 乃 **一** 或 楊 歲當 字 進 慚 不受。 家 時 子 像于 不 士 服 明 書, 公器 薦 晦 第 可 日 士,朝 江 遷 讀 土之臣 累 南 知 : 也。 守 之大悟, 廣 官 甫 劍 會 會僚 今老矣,況 貴 東 知 州 有 田 悉 提 多 一,未 潯 顯 不啓, 縣 以 屬 點 州 者欲 遂 聞 書託 諭 刑 受 少 以 民 有 獄 封 以 業 學 取 有 土 聲 還 彈 道 德 地 品 奉 朱

- ■「常」、《朱子語類》卷一百一十四作「當」。
- [2] 「曰」,原作「白」,據《宋史·儒林七》改。

八

德 侈 X 觴 耶 明 1 豆 有 行 鄉 縣 甚 必 盛 貪 簿 爲 也 感 主 德 0 其 簿 明 於 知 德 怒 是 己 明 追 日 置 聞 : 還 酒 其 薦 延 能 章 主 之, 簿 薦 其 悉 之。 13 公 若 假 嚴 富 是 會

類

此

晏 奉 乃 É 然 分 祠 如 戍 如 時 遣 守 平 盜 將 陷 時 遠 馳 桂 斥 擊 徙 陽 堠 , 知 而 迫 明 親 廣 韶 持 州 審 賞 小 韶 遷 罰 麾 人 吏 懼 督 部 宣 戰 左 布 德 選 大 威 明 郎 信 敗 燕 官 笑

行 説 棠 程 心 德 學 氏 明 遠 之 諸 德 在 句 自 要 南 明 近 書 始 而 粤 化 初 己。 手 仕 時 爲 之。 公 植 以 潯 餘 有《槎溪 \equiv 立 至 嘗 州 栢 師 爲 延 語 教 悟 于 郡 僚 授 學 堂 集》行 屬 惟 以 爲 潯 刻 及 仕 用 學 朱 士 諸 于 學 者 愛 熹《家禮 世 生 之 代 敬 講 要, 親 直 之 明 道 聖 爲 如 日 講 及 而 賢 甘 :

備遺

質 勇 最 ? 難 德 晦 明 翁 問 日 : : 只 氣 是 質 弱 箇 者 勉 如 强 何 涵 然 養 變 化 到 別几 氣

養 放 如 且. 至 涵 見 涉 處 い,便是 肆 處 教 養 不 0 如 理 箇 所 事 可 今學者 須 會 却 須 是 謂 大公至正 差 如 0 只 不 將 此 居 失 曰 講 成 面 輪 皆 處 身 類 則 : 講 究 講 轉 恭 是 奈 不 心 論 究 今只 之路 雖 就 做 難 何 執 文 能 ? 輪 册 根 字 知 事 甚 就 閑 面 子 不 柢 敬 分明 日 人 邪 與 文 涵 轉 E : 存 字 自 却 養 0 鑽 若 德 不不 家 誠 理 放 未 問 不 明 如 却 身 肯 會 肆 説 懲 恭 問 車 心 不 「今只 行 不 忿 敬 到 : 兩 不 就 都 恭 差 室 輪 却 便 知 向 無 本 處 尋 論 成 涵 廢 承 原

得 盘 綫 每 如 路 此 與 自 家 私 意 合 便 稱 是 道 理 今

肯 之 事 發 未 消 云: 此 流論 發 走 時 須 則 亦 謂 在 問 古 這 是 易 不 11 惡 之 當 體 要 處 爲 難 上 中一, 涵 就 涵 驗 最 力 去。」 養 只 發 養 難 見 若 孔 要 於 0 處 不 得 孟 發 明 制 未 大 成 是善 教 後 發 得 舉 發 人, 之 惟 則 横 後 從 子 難 初 箇 渠 多 便 思 制 而 善 戰 從 都 令不 保 説 惡 發 退 不 養 日 喜 管 之 處 善 : 0 自 説 説 怒 之 每 哀 聖 端 德 然 H \vdash 樂 不 遇 明 未 賢 旋 :

只 濁 未 原 流 是 處 有 清 1 0 流 理 次 涵 然 日 之 須 會 養 源 又云 是 於 濁 清 因 未 未 而 却 : 流 有 發 源 未 之 清 源 雖 見 而 之 濁 者 是 得 已 濁 以 涵 發之失, 今 驗 被 而 養 Ĺ 流 源 他 於 多 之 之 流 未 乃 能 未 是 出 發 不 偏 清 清 來 源 者 能 重 就 己 清 制 T 亦 本 是 則

> 是 丽 有 未 發 得 於 時 静 不 能 而 涵 無 養 得 則 於 是 動 有 得 只 於 知 動 制 其 而 無 得

於

静

也

敬 色 如 不 如 證 濟 工. 更 以 日 革 ^ 曾 0 : 夫 子 可 此 事 斯 儀 騖 處 做 0 德 日 子 學 近 則 禮 於 外 孔 0 只 : 明 家 問問 信 日 **>** 禮 管 語 問 計 子 爲 之 和 矣。 : 此 就 上 畢 道 曰 經 通 箇 外 却 動 纖 程 編 : 出 無 ^ 典 邊 容 細 心 云 子 喪 辭 他 戴 **>** 操 文 : 貌 無 日 也 祭 氣 記 須 字 求 則 : 禮 不 須 子 **>** 是 斯 上 斯 其 存 _ 爲 理 0 看 管 晦 遠 遠 心 走, 放 傳 會 當 舍 着 要 暴 正 鄙 就 心 過 支 依 則 合 他 倍 慢 在 中 而 周 離 先 亡 且 及 始 腔 矣 已 却 禮 雜 生 其 做 矣 得 子 V > 擾 指 孟 作 語 切 議 遵 裹 IE 0 不 顔 且 須 子 己 旁 孟 論 豆

❶ 「祭」,原闕,據《朱子語類》卷一百一十三補

0

册 消 都 看 本 克克 子上 末 事 不 據 成 於德 有 須 則 E 理 事 益 將 有 做 會 操 司 也 所 依 須 存 存 夫 行 於 以 工 須 仁 有 須 夫 每 有 餘 做 有 每 然 倫 力 緩 本 不 後 序 然 急先後之序 相 游 則 只管 似。」 於 後 以 學 藝。 逐 支 又云: 文。 段 離 今 逐 雜 只 志 義 須 看 就 正 於 去 有

書。」 覺 是 得 實 樂。」 又言 甚 問 樂 Ш 日 居 古 : 頗 無 適 只 閒 0 任 民 讀 閒 書 散 閒 罷 不 散 是 可 臨 虚 水 須 登 是 Ш 讀 不

言 從 休 禹 原 日 貢 頭 德 前 月 有 **>** 明 Ш 理 輩 苦 星 與]1] 會 諸 心 辰 , 張 過 賢 理 洪 律 顯 會 多只 範 者 父 度 如 讀 在 **>** 量 是 九 ^ 須 坐 衡 略 堯 疇 是 綽 典 竦 五. 專 須 見 × 禮 然 心 得 《舜 聽 五. 致 箇 玉 教 意 典 理 道 之 會 先 理 類 **\$** 曆 切 便 生

> 學 之 只 子 荆 不 亦 度, 透 取 頭 苦心 公所論 做 、又只 直 禮 荆 須 處 0 逐一 苦 得 公之説 理 又 當 生工 去 會 西 如 心 講 做 時 求 禮 來 漢 深 理 究。 奏議 論 不 得 以 夫, 會 編 析 又 冠 文字、 下 成 奏議 因 只 以 與 代之制 昏 工 業 己 是編 言 下 喪 敬 夫, 次,終 甚 時 方 工 之説 祭、 不 可 無 奏 夫 已 趙 王 應 議 以 人 不 編 又 派 朝 就 濟 決 不 作 儀 相 邦 且. 事 科 堯 今 種 曾 細 禮 論 如 或 則 舜 稍 講 注 **>** 做 廟 讀 諸 \equiv 許 勝 究 舉 口 制 書 代 者 人 毁 多 不 業 之 原 又 不 廟 知 制

不是。」 忤了 庭 參 直 上 底 卿 位 固 言 不 旧 是, 此 廖 子 然 節 晦 待 最 上 作 宰 口 位 服 來 不 争 庭 先 參 到 生 當 底 H 也 時

法 廖 德 明 聖 赴 門 潮 無 倅 此 法。 來 告 别 臨 行 求 安

治 未 所 者 日 之功。 發 謂 廣 用 德 事 者 寂 大 明 物 是 然 虚 未 書問 也 不 静 知 動」、 若 所見是 範 日 德 有 . 韋 明 中 所 天 將 德 否 庸 感 地 明 以 舊 此 所 而 根 爲 謂 嘗 知 本 大 喜 極 吾 萬 本 力尋究 身之 [怒哀 物 漸漸 具 ^ 樂之 加 易》 脩 有 於

焉 之 謂 然 爲 達 所 則 至 而 時 之 謂 説 是 耳 無 近 故 萬 和 『喜怒哀 雖 世 不 E 至 晦 學者 詳 學 翁 中 若 於 達 理 節 者 答 只是説 如 窮 而 運具 用 於此 耳 釋 每 神 書 下 樂之未發謂之中 1 氏 欲 知 日 學 雖 故 涵 情 而 理 因 化 也, 苦 之未 須 又 養 天 其 聖 亦 栽 下 日 頓 其 而卒不 近 一中 萬 不 培 發, 門之學 悟 與 似 過 物 聖 而 不 者天下之大本 無 而 德 近 無 説 學 情之 假 所 盛 發 不 也 , 合之, 亦 偏 漸 下 由 而 所 不 倚 脩 學 是 皆 熟 發 中 同 之云 是 當 而 中 而 而 自 庸 以 節 出 此 上 自

> 錯 下 者 典 象 太 後 必 和 加 1,皆未 者 , 耳 過 繆 爲 待 己 良 得 極 天下之達道 以貫之之學,豈 知、 意 無 與 然 力 也 嘗 所 慮 聖 良 爲 尋 略 不 泯 門 能 彼 必 究, 見 至 絶 天 真 學者自 若 彷 忽然 實 此 恍 則夫 彿 理、 知 云 惚 此 有 可 見 人心之實然 謂 之 所 甚者 皆 則 感 同 端端 有 間 謂 日 是 年 見, 如 的 見 披 用 瞥見 溺 而 者 根 來 踐 分 而 語 於 喻 % 拔 明 履 於 哉 佛 心 而 之云 本 四 底 氏之 性 徹 亦 不 端、 事 之 用 可 上 顛 學 徹 然 心 倒 五

須 謂 與 如 身』之説 如 釋 助 此 敬 而 後 長 氏 則 ,不之東又不之西,不之此 書問曰:「程 能 故 攝 何 時 心 近 蓋 坐 故 而 日 禮 明 禪 不存。 又 則 始得 道 稍體 子以敬 嚴 先 謹 生 然 究『禮 德 欲 既 樂 教 明 以 則 到 人,自言主一之 樂 又 敬 得 和 不 慮 樂 教 此 又不之 可 至 功 兩 斯 此 夫, 又自 者 須 成 相 去 須 IF.

覺 則 謂 謂 存 展 放 論 開 得 本 舍 拓 於 心 亡之意 難 不 於 外 之仁 甚 德 斯二 然 事 明 却 思 心 先 · 得 又 只 者, 盧 難 也 矣, 恐 而 是 儘 0 後 孰 孔 初 守 悠 夫 獲 克 學 從 氏 0 悠』, 復 己 勢 教 孰 寧 之私 何 故 須 違 不 又 事 謝 信 0 把 日 ? 求 子 雖 持 然 而 D____ 因 既 嘗 然 循 未 爲 之 得 試 天 是 爲 先 敢 後 求 之 古 便 展 便 之, 理 習 竊 操 拓 須

能 哉 路 謂 敬 也 古 静 故 而 胸 敬 看 執 欲 故 答 中 也 程 禮 方 事 書 0 其 無 樂 得 子 敬 : 事 日 及 和 \Box 古 0 : 樂 其 而 毋 : 夫 必 贵 自 巾 應 不 方 相 敬 必 和 敬 先 物 其 須 則 然 樂 以 生 儼 無 自 而 欲 然 耳 攝 所 若 事 然 酬 胸 所 心 論 思 非 和 酢 中 謂 坐 而 敬 是 樂。 樂 無 不 存 字 禪 又 着 亂 事 者 主 日 而 意 而 須 者 不 謂 非 放 該 唐 亦 懈 之 敬 開 事 亦 子 不 貫 者 過 亦 不 敬 思 敬 動

> 若 難 是 開 法 自 開 以 在 베 後 得 於 之 未 不 爲 也 然 亦 其 視 人 能 心 禮 獲 然 不 與 克 先 本 如 歟 爾 考諸 聽 却 心 己 此 理 而 ? 只 言 會 樂 復 亦 是 則 此 而 今言 後 禮 非 不 守 動 是 而 T 謂 古 己 禮 未 爲 著 無 此 之 矣。 非 既 禮 龃 有 口 甚 自 易 事 非 此 見 法 所 易, 事 得 言 禮 也 自 所 也 之, 之間 得 拘 既 0 而 然 此 自 苦 而 顔 又 其 纔 既 得 自 其 却 未 子 所 方 得 之 中 行 用 以 敢 須 後 是 後 節 之 先 守 便 力 放 須 也 教 禮 難 道 乃 則 放

躍 飛 之見 之 心 IE. 之 影 魚 同 于 躍 時 0 淵 書 無 問問 仰 言 德 皆 必 非 日 天 明 其 其 有 道 : 而 竊 E 體 分 參 見 謂 明 下 之 内 乎 鳶 萬 道 察 其 所 耳 飛 物 先 也 在 前 活 生云 在 俯 而 也 與 潑 吾 淵 不 必 : 潑 性 而 方 口 有 地 分 鳶 見 其 致 事 中 魚 飛 智 詰 有 焉 躍 戾 者 者 事 如 而 天 當 鑑 上 勿 而 自 鳶 F 勿 正 中 魚

知之。」

物 謂 當 此 與 渠 先 勿忘 虚 爾 萬 物 生 不 是 物 所 勿 書 相 在 助 謂 日 資 物 吾 之間 : 若 性 以 形 謂 分 鳶 天 此 自 中 萬 飛 照 形 象 理 魚 如 彼 爲 流 躍 鑑之 性 太 行 以 道 自 虚 彼 影 正 體 性 中 人 如 無 所 此 是 則 者 乎 見 性 也 爾 不 Œ 是 則 在 若 譏 物 横

矣。」 之 吾體 焉 存 學 乎 失 能 其 我 竊 如 理 書 事 汲 散 本 謂 者 問問 此 則 鬼 汲 亦 心 死 無 知 日 則 脩 吾 鬼 生 未 凝 死 體 治 之 物 鬼 知 夫子 生 然 理, 也 澄 生 神 知 鬼 而 其 之 死 告子 神 常 知 焉 濁 理 而 故《正蒙》 之 生 存 知 路 不亡 之理 理 而 斯言 不爲 死。 求 \Box 將一於我 者 : 其 則 意 造 盡 清 謂 知 未 化陰 可 之。 若 者 死 能 與 日 之理 事 言 聚 蓋 君 陽 而 性 亦 知 所 欲 子

> 語 之 此 能 事 畢 彼 釋 氏 輪 П 之 説 安 足 以

釋 之言 道 亦 萬 氏之旨 可 物 則事鬼之心 受命 見 固 書曰 所 之理 失其 以 近 深 世 盡 本意遠矣。」 不 則 曉 説 愛 外 子 生 者 親 乎 之 路 1,多借: 此 然學 有 敬 矣 長、 死 先 可 不躐等, 貴 知 聖之旨 推 貴、尊 乾 矣。 坤 賢之 以 於 夫 此

陽 似 者 陰, 明 復 義 之者善,萬 謂 皆 也。 》第二章 以 動 口 無 書 正 誠 静 成之者性 問問 分 極 性 之著 不 日 陰 之 一命爲 息 物之所 曰 真 陽 固 而 : 而 繫於陰 德 無 誠 萬 萬 資 爲 動 明 物 也 有 始 辭 而 物 伏 不 繼 生 也 各 讀 善 此 動 則 陽 如 正 者 先 以 而 若 静 以 其 誠 出 生 生 有 亦 資 而 性 之 與 ^ 陽 獨 無 生 始 太 命 因 通 陽 陰 非 爲 静 也 極 此 彻 性 而 誠 圖 而 而 也 於 德 之 成 生 繼 解

陰。」 陽 然 讀 語 成 得 於 獨 然 物 之, 於 陰 性 陰 云 似 言 之未形 而 自 形 分 公公 陰 表 亦 成 器 屬 可 根 窺 者 者 事 已 陰 見 於 見 不 矣 未 定 則 陽 矣 陽 此 能 著 屬 意 則 乃《 字 詳 陰 喻 乎 蓋 屬 究 陽 此 以 通 陽 天 乎 先 前 書》首 也 元 地 陰。 生 不 屬 物 變 之 答 陽 相 正 化 嘗 意 書 其 離 一之意 著 讀 不 性 H 字 必 張 如 爲 謂 不 以 忠 此 無 後 但 繼 定 爲 順 陽 陰 熟 屬 公 無 善 非 根

贵 具 漏 水 漚 性 主 復 固 滅 正 死 分 性 蓋 書 水 贵 則 如 别 天 問 也 還 遽亡 及 是 地 機 復 氣 漚 X 人 之? 是 置 散 亦 是 物 德 闢 本 而 不 物 明 水 不 統 滅 之 得 夫 Ė 平 也 體 性 水 不 還 H 只 妙 有 謂 復 鄙 人 是 合 所 之 統 物 所 見 激 而 水 體 之 未 性 與 未 成 瑩 是 生 特 人 所 免 者 其 雖 物 生 礙 以 而 正 形 有 间 我 己 形 惟 則 夫 成 此 爲

> 其 祭 存 天 吾 爲 故 則 應。 祖 似 日 不 人 不 之 爲 公共 地 終, 享 人 似 雖 考 得 歆 也 若 若 人 相 死 不 斷 來 死 非 不 ___ 小 同 謂 道 滅 事 格 然 似 而 類 是 人 不 理 於 盡 知 之 饗 直 無 推 日 而 然 然 覺 類 與 無 鳥 復 與 有 倒 之 死 之 知 詩 不 獸 鳥 則 實 界 未 人 行 則 覺 原 × 饗 草 獸 須 則 然 限 人 行 逆 之 又 仍 **^** 蓋 木 之理 智 禽 何 全 施 書 極 原 在 與 不 魚 用 若 而 愚 愚 似 統 均 必 求 却 俱 歸 只 於 此 以 不 有 亦 體 問 於 壞 之, 是 明 至 以 爲 此 饗 司 恐 還 言 賢 誠 果 之者。 懵 然 於 但 未 死 亦 聖 片 感 神 饗 聖 之 不 安 報 後 各 彼彼 太 嗜 耶 説 知 足 本 而 何 不 飲 虚 竊 之 雖 其 不 以 用 以 不 同 寂 所 害 安 以 謂 道 與 類 相 神

生 事 答 之 書 問問 日 E 死 發 生 其 之 端 論 而 向 近 來 答 奉 嵩 答 卿 所 諭 論 知

荷

爲

所

已

不

下

反

在

理

覺 者 報 聞 之 津 來 爲 矣 身 聚 萬 我 中 氣 正 正 幸 書 口 爲 而 涯 則 散 也 以 物 聚 己 之 詳 而 主 也 衆 試 然 坐 聚 平 所 之 誠 諭 乎 而 思之。 其 尋 以 謂 散 此 故 理 ? 豈 意 有 尚 之 蓋 其 我 理 言 乾 精 聚 未 明 復 無 知 川 謂 大 初 爲 則 既 坤 神 者 嘗 則 其 如 覺 指 世 蓋 盡 主 不 非 承 其 魂 變 有 深 此 皆 賢 理 其 外 有 化 聚 不 讀 魄 則 以 者之 以 亦 但 是 所得 散 此 我 鄙 而 皆 覺 鄙 雖 有 命 此 萬 當 有 則 之 生 不 説 其 乎 爲 見 物 乎 物 是 知 已 又 無 非 所 出 此 思 性 所 連 有 散 己之 受 理 也 洞 不 謂 得 前 之, 耳 覺 爾 類 命 而 然 若 得 盡 私 以 此 則 不 理 者 性 引 死 無 理 得 不 也 雖 不 而 兩 有 者 只 義 夫 疑 則 皆 得 我 有 所 能 則 直 書 是 性 是 矣 以 禀之 若 氣 此 所 初 以 氣 知 無 以 所 氣 者 理 水 之 謂 不 而 知 天 失 奉 舊 論 無 而

狹 以 遂 蓋 出 藏 見 之 之 或 陰 感 H 然 能 地 温 精 來 乎 爲 有 享 制 以 生 氣 皆 之 比 執 或求 以 聖 之而 之已 饗 寂 吾 祭 神 者 功 也 頓 積 類 非 人所 即 然 祀 之 有 之 用 而 至 之陽, 則 而 性 散 祖 己 也 鬼 耶 處 固 求 於 應 雖 之 造 體 不欲 考之精 者 ? 神 所 今, 浩 設 也 其 死 謂 若 之中 化 無 既 便 然 主 至 必 而 必 之 言者 其 性 也 是 所 化 贵 立 而 誠 猶 有 如 神』, 則 迹 重 精 不 而 日 無 以 尸 不 惻 此 故 可 併 又 用 神 無 一受 , 窮 張 滅 俟 非 指 怛 説 蓋 祭 贵 積 焫 其 有 魂 也 子 夫 口 言 謂 有 祀 疊 截 其 精 蕭 矣 魄 極 則 子 所 者 以 類 此 之 然 微 成 灌 故 其 計 孫 謂 世 之 而 其 程 也 禮 恍 自 形 鬯 上 界 之 俗 猶 且. 根 子 可 爲 惚 蔡 限 求 無 自 廳 以 氣 然 言 則 或 所 止 於 之意 謂 開 之 此 求 聖 之 地 而 淺 日 理 類 謂 耶 之 闢 廣 時 庶 知 我 良 而 天 而

0

六

之不 之, 使 姑 筆 合 以 後 耳 之 而 也 理 目 大 H 口 理 其 舌 彼 學 岢 之, 洪 即 然 容 世 無 其 非 夫 之見,爲 積 者 斷 失 爐 矣 所 夭 必 以 不 不 而 累 不 理 凡 其 能 壽 Œ 爲 誤 有 是 憂 反 與 之 此 滅 而 所 盡 實 哉 認 物 得 不 異 不 其 又 貫 切 皆 受乎 者 者 此 貮 有 安 可 端 人 生 矣。 斷 通 近 亦 之 司 物 有 又 得 生 爲 滅 幸 脩 焉 而 天 粗 説 物 聖 已 若 H 無 此 以 生 彻 平 身 併 舉 之 則 賢 死 而 口 少 理 未 晏 0 易 死 所 以 前 其 於此 理 奉 之 語 所 休 耶 能 然 今 者 事 以 俟 兩 端端 持 謂 知 息 ? 安 乃 遽 則 大, 之 爲 説 自 實 今乃 覺 歸 而 其 處 以 通 説 口 是 H 無 當 下 歸 全 參 乎 以 曲 是 謂 愈 乃 乾 常 即 混 之, 安 曉 窮 片 考 乃 折 多 冥 無 所 坤 且 格 迅 死 解 而 漠 mi 愧 實 則 然 大 而 無 謂 造 置 不 言 速 者 \perp 熟 之 愈 然 有 後 虚 所 而 實 化 之, 必 然 思 中 非 不 爲 吾 之 死 亦 寂 然 如

之

道

費

而

隱

費

即

日

用

也

隱

即

天

理

也

言 哉 之 之説 往 夫 幻 無 者 道 手 此 别 베 而 者 聖 天 化 以 天 作 不 口 下 雖 即 紬 岐岐 聖門 全 下 以 以 爲 0 書 工 未 飲 天 繹 矣 爲 爲 蓋 問 無 理 道 本 食 嘗 則 道 玩 亦 贵 緣 障 下 道 天 日 理 男 末 或 拙 曰 亦 味 學 乎 合。 理 : 人 求 所 父 女, 者 過 而 人 盡 ? 而 未 無 也 謂 子、 有 雖 倫 贵 德 得 而 甚 無 上 能 徹 夫 所 復 有 之 明 問 則 君 達 於 所 盡 但 擇 理 多 其 上 至 天 焉 自 以 臣 末 恐 言 不 究 徹 所 9 由 人、 而 天 本 得 几 用 而 則 古 夫 見 下 灑 己。 端 終 亦 地 賜 末 守 本 直 其 婦 本 如 掃 嘗 亦 Ŧī. 誨 無 舊 敬 語 末 亦 陰 此 佛 應 以 長 常 隨 無 説 輒 陽 太 未 H 對 貫 之 氏 所 所 則 幼 蓋 致 生 虚 離 之 夕 進 離 補 所 有 知 亦 不 之 取 之 君 耳 物 人 肯 退 偏 於 雖 盡 不 不 而 性 舍 學 而 小 爲 能 性 謂 爲 而 去 如

謂 若 其 化 生 即 發 此 华 悟 我 喪 口 古 幼 即 而 靈 萬 先 易 之 不 此 ПП 習 矣 非 日 各 亦 即 者 口 爲 生 己 而 理 間 用 之熟 有 類 寂 瞥 佛 孟 以 所 天 故 者 爲 應 ൬ 然不 天 則 紛 棄 見 者 名言 以 地 君 有 子 性 未 亦 端 對 揉 人 鳥 謂 之 削 子 天 動者 以 嘗 無 倪 而 倫 此 足 其 隱 本。 酬 理 無 其 無 見 於 而 本 以 卒不 顯 所 酢 之 是 滅 純 不 也 則 四 己, 末 而 語 天 混 不 0 粹 由 天 口 也 於 者 之 食 近 子 是 融 下 天 用 其 而 是 理 君 之 所 息 思 也 無 哉 謂 理 其 即 所 内 臣 而 際 以 以 未 之善, 人 敬 視 謂 此 外 淵 出 其 喜 父子 不 見 本 聽 心 爲 脩 合 有 佛 由 無 口 怒哀樂之未 其 然 之 天地之心 所 氏 故 夫 而 是 實 所 分 亦 有 而 紊 頃 夫 子 乾 之 形 攝 然 偏 而 也 而 虚 得 婦 形 即 倚 坤 所 道 操 天 無 心 而 静 也 謂 生 謂 得 戀 之 而 寂 在 理 長 不

之譬 然分 力尋、 書 久,始大 洞 也 敬 於 物 坐 『未言盡 不 未 生 物矣。 達 0 承 尋 是 待 嘗 生 鬼 而 先 之 爲 者 德 究 明, 也 究之過 離 1 尋 神 不 生 明 ? 近 體 於 究 悟 至 得 然後 心,先 萬 詳 昔 然道 以 而 日 者 而 故 其 於 此 其 物 究 太 者 用 言 不 也 推 先 鑑 非 在 要 先 口 之間 無 閒 須 亦 虚 能 之 之 生 影 其 領 以 生之意,蓋 須 嘗 居 理 萬 以 若 而 德 之惑 所 中 言 ; 臾 會 聞 0 默 象 仁。 爲 爲 明 爾 泛 盡 口 心 此 於 坐 各 在 而 鳶 昔 T 觀 離 是 先 則 龜 各呈 非 闢 彌 名 寧 魚 者 見 乎 德 生 何 Ш 鳶 先 鳶 其 之 求 不 開 H 讀 夫 天 明 所 物 先 説 露 魚 失 遠 魚 生之教 口 諭 用 所 紛 前 地 生 以 吾 之生 而 昭 謂 德 遂 然 德 未 竊 日 若 之 謂 性 陰 體 昭 之 明 充 不 以 體 免 以 明 説 其 陽 鑑 幾 奚 説 必 分 讀 周 有 爲 敢 得 分 日 爲 俟 之 似 影 殆 明 IF. 1 亦 而 不 極

死 鄙 躍 私 也。 所 生鬼 見如 ,正類是,此 贵 以 勿忘勿 爲 鳶 此 神之説 鳶 魚 ,未知合於先生之意 魚者, 之私 助 須 明 長之間,天 此道體之所 ? 道 俟 先生 蓋 面 求 天 所 教誨。」 理 理 以謂 流 發 在 否 行,無 越 之同 也 乎 而 0 ? 纖 不 其 其 毫 德 可 飛 他 明 己 其

條 實 未 敏 也。」 合, 對 固 答書曰 亦 知 更 非 前 願 大 此 -: --益 故 心 加 來喻 期之不 辨 屬 學 此 客 之 謬 皆契 中冗 功, 也 0 所 鄙 冗 其 見 · 未 懷, 間 當 及 尚 足 漸 見 真 精

粟若 爲 託 壽 之不足, 之廬 條 宿 干 約 德 而 · 斜者 明 就 而恐其 此 宰 哺 使 實 莆 凡 以 又 舉 道 供藥 惠之不 即 請 先 路 縣 於郡 朝 往 餌 南 已 來 廣也, 給奉 爲 得 墜之典 疾 舍 病 廢 乃叙 守。 之民,咸 寺之産 品 9 以 其 猶 牓 活 本 恨 日 中 末 歲 得 其 路 力 而 以

爲者。無告之人,固學道愛人之君子所樂聞而願

考亭淵源録卷之七

考亭淵源録卷之八

彭龜年

烹、 及 而 長 孤 張 彭 拭質 事 得 龜 母 年 程 疑 盡 氏 字子 孝。 而 易》 學 壽, 性 益 讀 穎 明 臨 之,至忘 異 江 軍 讀 清 書 寢 江 能 食。 解 大義 從 七歲 朱

聞 殿 太 州 K 府 中 改 安 易 侍 福 登 少 祖 乾 御 卿 派 宗 道 史 諫 嘗 劉 鄭 五 龜 改 以 年 光 僑 年 易 伸 進 上 祖 張 倖 差 疏 士: 以 臣 除 均 第, 乞 論 之私 同 復 帶 以 授 薦 伸 其 御 袁 臺 位 器 除 兼 州 貽 諫 械 太 宜 魏 吴端 之 學 書 春 王 氣 博 府 宰 尉 不 吉 徙 教 相

之罪 任守 今日 來。 使 之事 宫 琦、富弼 希 直 授 而 不 知 壽 史 使陛 入 · 容 得 講 與 王 遷 忠者 兩宫 不 特 今 主 高 龜 小 自 不 進 下 或 宰執 降 Ħ 宗 古 得 遇 年 光宗 簿 見 人 ·虧過 、 吕 子 謀之, 0 以 免到 過 人 備 以 止 在 監 改 萬 誨 君 官官 侍從,但 書 有 嘗 竊 久 官定 焉 極 司 派 萬 處 日 陛 宫之旨,蓋 譙趙汝 議 之, 親 農 子 司 所 無 骨 分,陛下 下 陛下 郊, 惟 省 馬 道 以 寺 以 疾 此 肉之間 能 陛 光 之 侍 派 人,聖 交 值 平 此 愚 ·, 其 之臣 禮 推 下 御 鬭 暴 然 陛 或 父子之愛, 皆 爲 且. 裁 猶 進 史 心 日 風 多不 下 所 遲 陛 心 上 林 秘 察 非 疑 深, 而 左 所 雨 憂 其 拳 下 疏 大 書 之。 畏 不 右 小人 親 者 疑 辭 感 行 拳 與 言 中 郎 不 願 小 覩 外外 疾 隙 外 責 薦 中 陛 朝 又 調 則 不 人 兼 也 於人, 臣 日 下之 停 言 間 已 無 壽 壽 言 大 重 嘉 爲 謀, 諜 有 韓 況 皇 重 臣 : 口 華 府 御

0

職 年 得 書 光 者 光 朝 懽 後 機 朝 内 於 菙 非 宗 宗 奏 數 大 小必 侍 然 肅 得 0 疑 重 抵 車 : 經 宗宗 日 龜 日 華 間 間 臺 所 罪 命 不 自 駕 年 御 爲 . . 鸞 諜 之 諫 以 至 奉 臣 都 社 源 覽 述 不 宦 輿 兩 根 旧 重 $\dot{\equiv}$ 示 此 祖 有 所 X 始 過 祖 官官 宫 能 宫 宗 官 後 歡 永 近 居 負 官 宗之法 l、 女謁 者 光 仗 家 以 悦 古 之 罪 宜 復 問 宗 顧 而 父 待 法 固 有 不 官 引 哌 淮 安, 日 獨 不 子 有 甚 尋 旨 非 去 之 慝 發 用 幸 出 . 之 爲 如 以 學 除 善 防 威 歟 曾 宴 義 幸 識 以 人 此 不 起 記 ? 外 斷 内 無 遊 此 謝 至 書 居 玉 龜 人 注 人 治 獨 責 曹 首 壽 者 是 舍 居 年 津 X 皆 非 念 聖 望 陳 語 若 又數 皇 亡 逐 君 H 禮 袁 謂 鑑 非 源 及 人 見 陳 何 他 . 也 使 卿 之。 主 離 在 H 以 源 0 恐 龜 動 父 臣 光 間 壽 無 謝 矣 淮 宗 X 年 子 爲 龜 不 是 然 之 口 皇 至

> 不 言 此 余 奏: 甓 之 等 革 去 龜 教 端 然 0 年 切 教 : 爲 龜 禮 龜 哉 光 陛 不 以 今 陛 得 年 宗 下 内 年 ? 日 離 父 E Ħ 下 連 外 言 以 子 曰 班 誤 耶 無 紹 E 身 : 不 位 君 ?上云 以 大 \equiv 熙 扣 教 通 臣 臣 素 於 陛 額 伏 疏 五 之 充 臣 知 不 臣 下 年 龍 地 請 道 嘉 以 卿 過 實 屢 墀 吅 Ŧi. 對 言 忠直 宫 王 許 痛 月 額 知 曲 不 臣 教 府 臣 心 之。 致 壽 者 聞 光宗 久 獲 講 0 欲 忠 不 皇 有 命 讀 也 百 何 懇 已 不 身 日 官 言 知 宫 戸 豫 教 屬 贵. 臣 樞 皿 IE. 上 子 若 密 則 須 龜 漬 病 有 欲 朝 院 身 用 甃 浸 X 年 臣

之誠 泣 額 所 係 辭 云 陛 • 不 孝宗崩 而 獲 已 下 前 至 旧 安 因 寧 得 今 聞 擬 宗 辭 振 建 受 起 悸 儲 居 禪 之 今 劄 龜 義 H 是 子 年 旧 贵 夕 奏 當 乞 知 召 盡 日 澽 對 此 進 踐 子 乃 寧 大 事 宗 宗 通 位 親 社 壓

贵 寧宗 能 書 爲 繳 遥 於 安 上 重 建 X 可 是 官 慶 奏 郡 居 華 泰 在 虚 不 與 龃 乞先 X 多 嘗 宫 口 祖 寬 安宫 至 承 110 如 寧 披 哉 宣 使不 謂 惜 處 宫 受 善 不 宗 行 荆 則 龜 天下 果 使 諫 此 黄 批 日 寢 贵 棘 而 建。 年 口 裳 近 門 遷 退 而 爲 行 光 奏 立 官 口 日 之人, 世 已 奏 善 以 朝 可 不 遷 宗 : 朝 奏 贵 弊 閉 太 無 爲 足 改 與 中 御 率 廷 無 人君 往 敢 \$ 上 事 書 過 朝 哉 筆 書 尚 必 拜 徙 百 朝 大 也 隨 行 廷 書 有 舍 表 官 宫 恐 乃 之 南 再 龍 口 惜 朱 人。 諒 恭 而 聖 陛 之 學 自 **\$** 使 内 以 人 龜 熹 此 陛 退 謝 學 意 怠 下 與 其 落 而 布 年 劉 大 下 黄 中 書 惰 居 階 遂 可 奏 政 門 龜 之心 慶 定 寧 時 裳 狹 第 官 書 行 出 生 : 非 祖 宗 耳 年 議 過 異 哉 處 **\$** 臣 名 臣 者 陳 已 言 宫 龜 欲 朝 事 帶 傅 惟 讀 太 即 夫 非 年 況 之 别 泰

下 事 胄 威 臣 退 傑 熹 年 接 小 讀 官 講 文 良、 侂 大 之 中 權 既 聞 送 福 或 0 人 爲 如 官 胄 鄧 彭 臣 書 女好 不 罷 之, 館 之。 朱 竊 龜 否 朕 勢 不 馹 龜 能 熹 伴 權 年 更 與 之 重 臣 附 去 + 年 會 使 知 輩 知 尋 易 侂 於 宜 肺 號 龜 奏 必 事 龜 除 黄 言 胄 宰 併 云 年 腑 令不 方 姓 爲 而 勢 初 年 侍 祠 官 相 斥 由 對 厭 名 侂 : 後 將 信 護 講 朱 時 日 胄 皆 X 於 變, 患 沈 始 客 : 而 不 熹 示 之 望 知 是 初 遷 臣 有 不 報 與 龜 會 熹 之, 弊 復 陛 政 條 吏 上 約 疑 開 龜 年 暴 以 不 最 下 數 覽 部 假 熹 迨 年 雨 K 不 李 遣 上 若 可 嗣 其 奏 侍 託 口 約 歸 震 : 謂 充 專 巘 疏 大 間 招 甚 聲 郎 論 雷 共 以 如 體 見 金 + 見 徠 駭 勢 此 京 謂 此 論 升 潛 黑出 或 侂 大 人 事 鏜 : 若 胄 世 竊 韓 弔 兼 邸 極 口 批 弄 進 用 學 黄 今 龜 侂 侍 充 大 陳

開 州 龜 與 m 禧 追 年 郡 以 丐 龜 疾 言 年 年 祠 焕 爵辛 以 勒 章 慶 疏 待 停。 閣 除 求 元 制 待 集 去 寶 嘉 制 英 年 謨 泰 知 詔 殿 閣 江 元 : 以 脩 致 年 陵 侂 吕 撰 仕 胄 府 棐 復 與 卒 提 言 原 湖 内 舉 官 北 落 祠 冲 安 起 職 佑 撫 知 龜 觀 使 已 贛 年

堂 寶 矣 者 之 侂 有 師 不 析 謨 胄 見 日 氣 其 一,著《 經 龜 及 誅 建 皆 嚴 閣 於 龜 年 解 聞 節 年 直 顔 止 人 林 × 於 用 其 學 學 堂 面 所 日 大 歸 兵, 愛君 識 祭 1: 訓 中 難 洛 正 議 自 蒙 日 此 書 大 婁 憂 × 章 ×, 僞 晚 韓 益 鑰 或 穎 ^ 蓋 學 既 議 禍 五. 氏 加 之忱 皆 始終 等 有 投 論 之 其 致 涵 白 閒 請 禁, 簡 陽 在 泳 録 特 其 直 易 先 虎 此 悠 × 士 忠 立 善悪 扁 名 見之 乎 然 大 奏 其 者 所 ? 自 夫 議 寧宗 禍 也 賜 居 識 得 是 鮮 所 韓 益 外 非 詔 著 聞 敢 不 氏 幾 制 忠 贈 書 必 蘇 止 變 微 辨

> 幾 謚 肅 0 0 加 使 贈 謂 龍 人 鄙 穎 如 閣 等 此 學 日 士 必 : 能 而 彭 納 擢 龜 君 用 年 於 其 忠 無 子 鯁 過 口 之地 嘉 宜 得

備遺

學 隨 能 非 欲 其 爲 於 承 , 0 日 防 有 此 於 有 起 日 而 益 微 此 以 況 所 用 晦 亦 所 雖 未 進 益 用 翁 謹 此 功 發自 非 若 致 察 答 力 病 夫 獨 德 力 使 其 於 餘 子 之 之 日 然 無 人 特 功 格 壽 昏 助 益 莫 所 戒 敢 因 憊 書 物 乎 脩 非 能 則 自 夫 來 ? 致 矣。」 將 真 亦 制 欺 自 喻 : 知 矣 實 無 何 然 欺 之 僭 而 待 齋 以 竊 正 地 發 銘 於 復 竊 如 而 聞 念 暬 言 推 意 其 明 然 之 御 其 屬 方 聖 高 不 後 萌 然 賢 本 明 **^** 以 理 贵 大 之旨 於 爲 明 所 私 則 則 學 此 誠 欲 雖 必 敢 而 1

繫,不 若 分,若 文義 位 穩 豫 精 詳 序 格 本 是 事 其 類 之, 如 當 於 物 之説 前 微 也 乃天人之合, 胸 而 乃 其 來 次 以 足 若 且. 以爲疑,亦不足論 推 所脩之道 而 知 必 隱 次 喻 也 日 其 深 得 賢 疑 其 張、 欲分之, 微 書 不 則仁字不 後 以 所 者 論 未 蓋聖人之言,其 足 聞 脩 日 游 乃云『壹是 誠 以 於 安, 也 見 道 爲 則 不 亦 爲 誠 此 之分, 之 事 置之 同 垂 言 天 則 何 者 智、仁、勇, 教,脩 世 ·合列 方 害 地 喻 須 乃 且 蓋 萬 無 其 當 從今説 如《 間 以 中 於三 出 以 但諸家 此 物 害 爲 之者 時 利 脩 庸 大 名 於 講 之 章 百 偶 害 身爲 八學》之 明 德 理 理 求 疑 經 首 耶 此 古 見 古 乃 善 之 隨 所 莫 經 ? 義 文 非 尾 本 專 如 未 爲 中 分, 處 不 旨 本 序 出 大 以 故 易 此 又 别 ·具焉 輕 盡 却 不 義 始 釋 誠 論 亦 而 而 於 以 究 紙 未 曾 爲 又 所 漫 此 於 其 事 極 其

> 復禮 子不 意 之,不使聞 明 所 克己復禮 者以 不 指 得 又言 幾乎以 不 可 爲 與 同 聞 如 概 讀 爲仁」, 其不 「孔子答群弟子 何 也。 顏子望之矣。 者 死 ? 殺 須 能 今教學者 唯 如 排 隨 行之説, 以 復 定 其 分 未 輕 彻 付 安 重 所問 與 鄙 故 説 而 更 顔 讀 見 望 着 成 子 之, 如 便 就 報 隨 此 及 其 多 其 乃 克己 也 材 餘 不 見 弟 如 其

朱 或 體 子 日 林文説子壽 致 : 侂 他 胄 純 大 不 憾 彈 曉 於 韓侂胄 事 趙 率 相 爾 一, 激 而 任 成 妄 後 氣 舉 日 性 之事 不 顧

詹體仁

盟 與 吴宏、劉 慥見 詹 體 張 子 浚 暈 字 論 游 元 滅 爲 金 贛 秘 建 州 計 寧 信 浦 浚 豐 城 辟 尉 爲 屬 金 父 渝 體

四

賞 郎 陞 相 E 太 體 梁 官 登 非 學 克 隆 其 家 博 獲 興 願 盜 元 泉 忧 年 功 0 太 人 狀 進 謝 常 也 士 不 當 博 第 薦 就 賞 士 於 調 遷 體 朝 爲 饒 太 0 仁 泉 州 常 人 州 日 浮 爲 晉 派 梁 太 江 攝 以 尉 學 派 是 金 録 受 宰 部 郡

凡 弧 於《 千 鑄 少 速 郎 輸 卿 錢 所 餘 加 積 家 豕 匪 湖 見 誅 剽 光 里 欠 寇 陞 負 人 廣 宗 者 討 百 婚 對 掠 **>** 塗 0 總 皆 即 餘 若 媾 首 爲 次 領 位 載 以 帥 萬 北 變。 之以 陳 爲 就 鬼 用 F. 往 提 父 其 寇, 有 陞 請 遇 體 舉 ^ 子 言 暌 逃 車 司 浙 得 仁 雨 而 至 0 **%** 卒 農 則 報 語 西 不 群 恩 先 千 吉 常 少 , 戎 ^ 知 黨 之 張 睽》 人 卿 平 帥 實 賊 悉 説 之 夫 其 勢 之上 散 奏 除 弧 大冶 疑 謂 蠲 親 張 北 户 極 後 除 矣 部 九 去 諸 世 \sim 而 説 太 京 大 郡 員 易》 孔 之 常 宜 師 鐵 賦 外 :

> 説 疾 涣 陛 兩 煩 天 子 而 以 宫 然 釋 慣 釋 理 下 久不 之歡 開 若 神 有 之日 若 如 廣 心 過 揭 遇 不 帰 聖 : 昭 重 ার্য 口 間 以 日 意 融 華 遇 焉 以 而 塞 月 宫 終 無 雨 聖 兆 而 何 則 斷 日 民 開 度 故 其 吉 絶 0 雲 之 體 恢 和 及 0 望 霧 豁 仁 群 悦 其 方 引《 疑 而 凡 丕 其 醒 時 條 叙 易 厥 然 未 也 暢 > 彝 疑 通 而 以 也 睽 倫 猜 悟 也 積 蓋 弧 伏 泮 疑 以 湮 人 成 承 朝 惟 然 機制 倫

計 策 宫 誼 達 外 親 寧宗 孝宗 意 臨 庭 少 祥 無 登 崩 保 祭 預 極 吴 謀 體仁 天 辭 琚 者 意 下 率 請 密 懇 晏 同 憲 **令** 切 然 列 體 聖 抗 體 仁 時 太 疏 仁 趙 后 及 請 密 垂 左 汝 簾 駕 贊 愚 可 汝 詣 爲 郎 將 愚 援 官 定 重 之 立 徐 大 華

^{●「}北」、《宋史·列傳第一百五十二》作「此」、當從。

② 「北」、《宋史·列傳第一百五十二》作「比」。

言 『孝』。」 卒 年 帝 相 力 永 者 異 世 阜 事 竟 議 陵 御 以 時 壽 地 常 除 議 前 用 勢 二 服 論 太 其 卑 行 府 111 言 下 漢 餘 陵 卿 唐 年 事 非 帝 孝宗 以 尋 罷 所 極 益 來 直 以 天 將 體 未 龍 妥 下 復 之 啚 之養 安 土 有 閣 神 戸 體 靈 知 宜 壽 諒 福 謚 言 與 陰 皇 州 宰 聖 \Box

用 以 事 閣 矣。 役 際 賦 勤 聞 知 千 體 時 鳥 體 後 始 退 静 居 歲 得 倚 侂 仁 體 江 移 書 移 胄 X 以 日 侂 府 守 書 建 艱 污 胄][] 使 鄂 議 廟 食 閣 我 小 躐 浙 堂 日 開 州 + 人 即 言 躋 以 右 兵 縣 乘 未 以 除 時 經 大 税 君 幾 便 兵 司 史 官 錢 農 子 宜 不 蘇 時 果 自 之器 口 争 發 卿 至 敗 師 娱 萬 輕 談 廪 是 日 復 几 動 兵 賑 復 遣 禍 以 人 總 千 救 直 胥 莫 宜 以 介 至 湖 遵 蠲 龍 吏 窺 規 無 而 通 廣 養 谁 復 雜 啚 執 其 餉 殷 H

> 卒 語 俟 時 僚 年 屬 謂 甫 斌 四 斌 必 自 敗 以 將 已 家 而 子 果 然 好 言 開 兵 禧 體 年

皆 學 問 論 已 理 居 當 云 以 體 盡 官 周 世 存 知 必 1/2 涖 誠 穎 大 則 名 民 邁 無 當 慎 士 之 特 愧 法 獨 或 郡 爲 立 平 體 體 X 主 博 心 仁 真 則 極 嘗 日 德 爲 無 群 : 疏 秀 文 偏 書 早 薦 明 盡 從 暢 世 心 少 + 平 服 從 悉 餘 游 其 心 朱 根 確 而 嘗 熹

備 遺

范 幾 士 句 大 夫 晦 好 之 韓 翁 話 賢 答 諸 而 者 元 公 己 善 不 規 過 書 模 如 守 日 事 狄 文 : 業 梁 墨, 近 古 按 年 寇 未 故 風 嘗 萊 事 俗 有 公、 浮 説 杜 之 得

者 抗 又 讀 如 便 得 · 下 也 何 有 耳 楚 至 端 漢 不 王 作 居 孫 介 深 士 甫 劉 大 念 夫之意 做 楊 爲 處 之永 李 亦 間 0 模 慨 數 善 索 + 人 未 不 卷 君 知 著 子 書 天 者 意 莫 其 竟 能 則 有

幾 身 H 窮 教 見 正 人 不 正 高 賴 行 平 削 理 故 當 者固 穩 以 自 然 高 又 其 亦 答 標 耳 循 今 反 明 説 非 躬 致 失之,又 時 規 有 書 有 小 學 下 矩 以 日 便 病 太 學 爲 者 救 是 快 要, 之也 讀 有 不 欽 處 大 湘 務 除 書 夫 抵 中 以 實 却 則 種 往 亦 學 爲 啓 許 以 1 時 多 只 者 學 謹 多 流 蓋 説 如 更 之 是 傳 懸 訓 一説 謂 踐 此 病 分 之 空 説 救 甚 履 弊 内 閒 爲 誠 此 其 底。 ПП 先 説 事 言 今 如 不 脩 纔 庶 務 今 H 種 而 來

任希夷

謚 行 府 密 從 次 政 頤 主 士 夷 伯 正 1、熹器、 皆 院 歲 太常 之。 第 洞 少 雨 程 霄 具 事 其 刻 爲 任 皆 月滋 調 顥 遷 寺簿, 宫 意 員 諫 希 後 之, 建 兼 希 禮 問 議 程 夷 卒 權 惇 寧 夷 議 部 學 大 日 頤 發 府 字 參 頤 者 奏 贈 夫, 尚 恐 : 爲 知 伯 浦 益 爲 頗 : 少 書 或 白 政 伯 其 城 起 譏 文 師 散 代 紹 進 簿 事 起 後 兀 精 兼 其 益 其 亡 絶 熙 端 開 仕 拱 苦 給 , 先 乞 學 以 宣 從 閩 明 史 濟 顥 默 事 眉 之倡 來 殿 彌 朱 + 益 下 獻 中 登 因 州 學 熹學, 遠 也 禮 尋 本 淳 家 人 一、乞定 謂 _0 柄 士 純 提 寺 熙 書 邵 開 或 : 舉 篤 脩 未 \equiv 武 僉 9 四 禧 臨 議 周 信 頤 書 纂 經 年 世 初 益 惇 安 執 賜 編 希 樞 力 進 祖

備遺

然 不 也 見 得 生 何 效。 且 勝 事 此 讀 此 專 晦 論 就 學者之 不 當 書 意 翁 語 其 可 以 答 也 就 重 計 敬 伯 别 日 處 通 爲 用 功 本 起 痛 患 主 於 處 書 未 加 做 旦暮 能 日 而 曾 懲 涵 自 深 改 室 養 察 省 示 定, 久 而 省 察 私 多 喻 之純 察 俟 意 至 爲 静 之 功 後 此 説 中 夫 熟 萌 便 以 甚 私 寄 未 亂 自 多 意 不 去 之 必 當 爲 易 横

見 非 力 耳 處 逐 ٥ 不 項 又 答 用 可 書 力。 分 日 先後 : 但 誠 誠 , 亦 着 敬 實 不 寡 容 持 慾 有 守 皆 所 體 是 遺 察 緊 也 當 切 然 用 自

爲 疑 又答 意 謂 書 世 日 味 : 漸 所 深 喻 遂 己 已 業 無 荒 復 廢 此 比 志 亦 今 甚 乃 以

> 方 後 意。 若 置 如 亦 軀 也 幡 猶 鸚 無 是 之 叮 欲 然 有 若 鵡 詳 以 以 度外,諸 小 行 愧 食起 如 異 方 語 觀 也 恨 歇 遣 轉 矣。 上 寸之間 之心 脚 來 居 户 亦 諭 不 處 生 樞 尚 若欲 須 知 上 。」今之 遠 足 未 似 曾 一蔡先 符 亦 以 來 能 日 有 學道 見 到 何 日 見 如 仰 此 生 難 無 大 奉 如 舊 善 書 人 之有 言 行 口 夫 要 端端 此 鼻 否。」 遣 何 須 流 難 息 去 哉 則 足 先 透 未 竄 之 以 以 與 道 得 去 放 泯 熹衰 長 爲 遽 理 此 名 殛 也 自 能 戚 慘 利 心 言 舒 戚 匆 朝 久 病 關 真 然 者 之 己 匆 廷 日

王介

弊 吕 大 祖 謙 王 略 介 遊 言 字 : 登 近 元 紹 者 石 熙 罷 元 婺 拾 年 州 遺 進 金 士 補 華 闕 第 人 有 廷 從 遠 對 朱 諫 陳 之 時

八

器 其 意 報 事 廳 辭 授 公 直 舅 激 小 之陛下 事 孝 姑 切 擢 人 ?宗崩 爲 倡 如 居 歎 或 第 爲 事 其 介 孝 子 朋 父 \equiv 忠 又 敬 黨 録 母 力 贵 9 有 請 不 可 上 簽 厭 疏 F. 口 久 書 薄 過 言 闕 虧 昭 道 宫 乎 宫 慶 學 執 中 壽 軍 之 喪, 又言 之 名 皇 節 禮 親 累 度 挈 判 上 疏 婦 官 不 神 嘉

之 道 禍 事 月 絶 詆 希 相 柄 之, 策 己 谁 不 彻 0 遷 寧宗 杜 敢 侂 於 猶 免 且 太 崇 衍 封 宰 胄 其 未 是 寧 學 即 爲 納 相 怨 弟 肆 無 大大 位 博 相 益 遷 也 仰 所 臺 士 觀 深 介上 常 胄 憚 諫 易 而 間 積 嘗 矣 臺 文 不 韓 添 事 疏 以 内 諫 墨 敢 侂 言 差 出 舊 降 侂 議 彈 胄 悉 御 通 識 胄 + 論 奏, 居 批 判 出 求 數 始 陛 之 中 内 紹 自 此 下 疑 封 遂 士 興 批 豈 潛 還 通 即 介 成 陰 府 弄 口 前 附 北 非 位 0 未 久 今 尋 介 封 之 威 狩 治 之 宰 世 以 之 知 拒 事 福

> 胄 邵 劾 皆 饒 廷 州 袁 日 人 崇 爕 介 對 蘇 武 己 州 亦 : 踰 資 · 未 畏 道 皆 軍 階 建 師 之 吾 節 公議 僞 淺 觀 日 而 語 髮 赴 學 忿 0 立 揖 會 已 9 以 介 之 介 學 異 召 介 與 告 不 種 黨 之, 不 禁 爲 同 不 敢 種 侂 奉 通 起 秘 顧 列 且 差 發 胄 謁 祠 贵 書 謁 附 知 諫 於 爲 除 郎 目 政 會 廣 議 有 以 是 鼠 都 爲 前 府 德 遷 外 大 殿 勸 輩 大 僞 相 軍 夫 度 艱 中 遇 其 坑 所 黨 汝 姚 支 去, 侍 之 自 治 使 愚 侂 愈 於 郎 併 御 明 免 耶 胄 官 主 劾 史 庭 及 喪 ? 者 徐 之 甲 管 介 侂 隸 台 與 柟 客 知 寅 師 介

業、 官 討 官 太 兼 侂 右 子 除 胄 侍 或 司 誅 太太 子 講 祭 朝 子 兼 酒 廷 舍 或 更 史 化 會 院 改 以 介 編 兵 不 召 脩 部 丽 還 官 郎 詔 官 實 除 白 侍 官 或 録 院 左 指 子 陳 郎 檢 口

^{□「}嘗」,原作「常」,據《宋史·列傳第一百五十九》改

之。 言 宗 中 導 秘 接 置 策 君 是 鼓 通 而 歷 而 羅 書 皆 啚 送 左 左 免 廟 況 子 金 論 失 而 H 監 伴 右 且. 諱 右 每 傳 0 書 派 兼 也 時 人 未 愿 乞 遇 猶 政 金 干 時 相 有 名 陞 及 御 郤 爲 講 選 皆 或 王 之 觖 宰 政 而 推 釐 名 太 變, 而 日 讀 望 配 乞令 謂 賀 哉 相 也 不 本 子 IF. 弗 故 之 而 史彌 生 是 傳 右 是 因 洪 蔡、 與 家 本 彌 辰 又 僭 諫 下 諱 夷 諭 事 願 範 朝 言 以 遠 官 使, 遠 人 秦之 人 德 正 規 **>** 及 紹 止 正 終 謀 以 無 : 典 蜀 僭 還 諫 張 通 熙 始 喪 僭 禮 故 母 覆 其 華 上 帞 奏 漢 御 燈 初 己 出 喪 在 轍 也 忧 暘 絶 擇 太 法 名 設 足 省 起 春 若」之證 令旨 子 黄 公 尊 口 樂, 故 以 復, 宫 天 脩 内 嘗 裳 是 宗 正 高 以 事 地 致 好 批 欲 篤 嘗 宗 以 則 無 小 介 廟 爲 降 天 增 數 杜 諫 索 手 意 0 以 私 至 戒 兩 變 幣 灾 出 除 爲 0 者 間 請 館 止 輔 光 或 疏

爲 許 乞 殿 成 忠 更 吏 循 不 居 例 以 卿 謁 向 日 : 河則立 給給 化 既 部 依 唐 告 行 數 諫 奕 0 閣 破 兼 議 去 侍 歐 人 陛 日 職 宫 復 此 權 舍 祖 而 年 閣 陽 僚 郎 大 蹈 下 爲 朵 中 宗 其 除 托 中 而 許 脩 之 分 夫 者 前 州 殿 宫 書 後 而 威 奉 制 起 奕 制 日 鈐, 轍 言 下 意 不 舍 蔡 王 福 居 宰 兩 以言 E 事官 於 人, 乞 舍 相 幼 存、 左 年 介 何 口 直 此 宫 介 學 風 人 右 歸 之 謂 不 繳 事 所 胡 禁。 旨 去 0 Ŧi. 日 以 史不 老, 間 去 駁 聞 封 鄒 銓 者 臣 : 介 資 見 還 或 朝 不 此 應 所 不 者 權 Ŧi. 奏 盡 立 宰 見 詞 避 廷 而 請 許 1 龍 人 介 Ħ. 聽 : 前 聞 脩 綱 相 權 頭 几 相 0 事 下 奏 其 殿 宰 0 分 貴 起 紀 m 爲 繼 言 倪 移 日 去 遷 7 0 居 相 掃 逢 派 而 給 而 思 : 若 宗 殿 誰 張 宫 注 以 相 用 地 事 出 或 傅 陛 禁 乎 御 本 矣 權 上 敢 語 允 正 私 謂 伯 ? 下 後 今 朝 請 意 濟 少 以 介 臣

之 以 西 踵 丽 此 勢 府 皆 疾 安 去 之 撫 歲歲 宰 奉 疏 者 使, 相 祠 餘 奏, 意 是 徙 陞 乞補 大 知 集 自 臣 慶元 英 古 外 誤 殿 未 陛 府 脩 有 以 下 撰 大 右 兼 也 臣 文 沿 知 將 殿 因 海 襄 給 脩 恐 制 陽 舍 成 撰 置 府 論 知 孤 使。 京 嘉 立 事

閣 年 待 郡 制 嘉定六 守趙 。 益 汝 忠 年 談 簡 八 請 月 于 卒, 朝 年 特 五 贈 十六。 中 大 夫、 端 寶 平 章

備遺

爲 道 中 欲 别 分 俟 所 以 抄 付 白 晦 然 後 翁 何 本 者 整 與 X 了,容并 見寄,尤 點 頓 元 有 石 檢 序 書 指 寄 幸 授 去 即 也 爲 發 幸 幸 昨 去 留 莆 日 數 或 中 所 字 有 喻 但 於 餘 抄 不 此 禮 力 知 得 詳 彼

王阮

語 嘗 夷 節 彦 時 子 謁 常常 博 大説之。 開 袁 王 盍 靖 熙河 自 州 阮 往 康 稱 太 擒 勤 字 求 將 守 王 南 之。」阮 種 張 木 卿 栻 征 辭 皆 江 栻 有 辩 見 祖 州 功 謂 奮 朱 厚 人。 發 日 熹 阮 繼 : 于考亭,熹 四 曾 少 闢 當 坐 好 湟 祖 今道 莫 學,尚 韶 能 在 神 屈 武 與 志 父

虎 重 足 而 欲 曰 視 鎮 以 成 大 吴、楚,應 控 臣 休 高 登 臨 巽 隆 養 宗 安 制 儒幸安,計 之志 蟠 興 生 長 元 聚 幽 江 接 年 宅 其 首 呼 梁、宋,其 進 阻 詔 地 吸 士 未 利 經 之 面 第。 決 理 間 於 湖 休 建業 背 地 時 阮 上下 息 海 利 孝 試 於 宗 千 膏 禮 以 建 進 里 腴 圖 初 部 康 取 一,足 沃 即 進 東 取 位 策 以 南 建

越 奔 本 弗 安 財 有 或 静 古 其 鍾 劍 全 炎 萬 之 猛 之 不 謀 顧 在 長 畧 進 以 憊 不 湖 壞 所 紹 僻 布 要, 侔 或 建 江 退 臨 也 孰 退 魏 者 Ш 以 興 於 業 古 之 安 守 皆 必 果 有 與 脩 П 間 爲 通 理 主 爲 環 負 得 幽 其 而 乎 成 休 都 長 異 弊 皇 上 不 敵 深 爲 所 其 泉 不 長 大 息 孰 江 也 獨 者 遵 足 之 善 恃 趙 所 人 知 江 邑, 計 與 見 千 養 整 居 乘 謀 地 秣 以 恃之地 之 乎 有 古者 遠 也 時 里 若 也 勝 陵 乎 爲 而 險 廢 龍 井 覽 晦 ? 之 長 或 匣 控 ? 者 將 涇 立 盤 戰 金 舉 不 驅 通 也 復 扼 且 終 或 \equiv 虎 今 守 以 達 直 0 燕 秦 得 而 所 夫 身 踞 必 + 議 之 守之,愚恐 今 有 措 較 擣 龃 有 是 戰 焉 會 有 之 者 形 年 以 東 飛 函 諸 平 猶 者 雄 所 而 徒 既 來 谷 曩 南 狐 事 富 輒 以 恃 迺 如 我 ; 習 9 昔 分 業 王 胥 是 蜀 闕 棄 人 地 駐 而 師 氣 半 之 吴 潮 爲 有 謀 倍 而 而 動 非 者 臨 亦

> 言 省 罷 簿 讀 於 宜 世 況 夜 之 衡 往 吴 之, 足 終 下 建 或 射 紹 來 楚 廉 嘆 一人 熙 阮 康 失 法 綱 聲 牧 日 中 在 也 驛 耶 馬 聞 : 濠 患 0 日 ? 之 知 之 儻 講 不 移 是 費、 金 濠 政 古 ·爲 六 守 永 人 不 州 人 歲 爾 飛 備 敢 而 州 傑 有 順 時 請 積 南 教 也 與 言 知 動 復 分 授 侵。 馬 0 邊 貢 牧 曹 於 中 調 民 舉 之 千 改 瑋 蜀 獻 原 南 親 范 資 知 方 茶 里 書 在 康 訪 成 撫 之 田 馬 闕 跬 凡 都 北 大 州 行 司 下 北 數 昌 境 脩 得 間 請 事 种 千 以 主 起 M

間 肯 官。 大 元 吾 怒 事 失 出 聞 身 其 夜 韓 從 批 公 門 匪 遣 侂 容 旨 卿 哉 密 胄 觴 子 擇 客 宿 爲 祠 咏 士 對 詣 聞 萬 而 畢 阮 阮 阮 士 世 己。 沅 名, 拂 笑 亦 於 擇 是 特 衣 朱 不 歸 今 公 答 出 命 熹 卿 隱 歸 政 嘗 私 奏 自 廬 惜 謂 劉 侂 韓 Ш 其 將 所 歆 胄 氏 才 盡 誘 親 聞 出 柳 氣 棄 以 日 宗 術 吾 美

略過人,而留滯不偶云。嘉定元年,卒

備遺

背。 老,不 時 事 數 未 也 知 頃 知 相 然 前 强 事 讀 所 諸 之意 學 輩 以 曹 以 跋 晦 敢以 若 儒 辭 家 考《 爲計 徒 翁 己 尾 公、 非 皆 答 嘗 ,計必得之矣。萬 不 整 有 所 周 遠 荆公力主 杜 所 獲, 論 荆 用 也 理 南 禮 牧、孫 爲 未 皆 舊 公 之而 卿 比 辭 言 精 軍 書 與 示及《隊 書 己 唯 當, 制 襄 有 但 曰 子, 一於内 而 再 皆合。 敏 効 恐迂 卒 忽 友 見 公 矣,是其 · 章 圖 蒙 人 熹 其 手 則 踈 辨 恩 蔡 方 傳 今得 所 群 帖 未 荆 雖 季 收 幸 聞 議 論 議 數 公 不 遂,則又 用 通 閒 諸 論 口 車 紙 此 動 知 事 傳 每 中 公 多 雖 乘、 摇 兵 見 論 亦 則 無 與 實 得 乃 然 決 恐 疑 此 未 無 時 衰 與

> 思 河 聚 難 之 斂 成 事 掊 功 克 則二公實 之 但 是 意 後 故 來 同 不 襄 心 免 敏 膂 有 見 異 其 無 論 他 異 耳 政 説 事 也 若 多 幸 論 出 試 風 於

安 厮 冗 人李復之文,記 囉 不 之 又答書 暇 妻 細 而 看 曰 竊 : 更考之也。」 其 信 或 董 州 氊 不 有 非 知 潏 唃 曾 水 厮 見 集 囉 之否? 之子 印 本 乃 乃 盜 事 長

度正

獻 李 全必 嬎 歷官 全 度 反,而 Ē 之策有 或 字 子 監 不 周 三,其言 敢 派 卿 言 合 時 州 士 IE 鯁 人。 獨 大 亮 夫 上 0 激 無 疏 紹 切 賢 極 熙 言 愚 遷 元 皆 軍 年 且 策 進

0

[「]合」,原作「台」,據《宋史‧列傳第一百八十一》改

家 小 監 0 0 進 輪 太 對 常 少 戸 : 卿 陛 下 推 行 聖 學, 當 自 IE

若 皆 宗 言 皆 始 夫 書 於 廟 家 務 年 尊 遂隱 向 延 夾 南 祖 爲 有 倣 廟 純 合食 室 僖 圖 來 異 之 之制 紹定 向 於 及宗 伏 用 論 備 默 古 祖 廟 位 見 昭 謂 熹 遂 以 居 四 在 則 聞 畫 常 僖 廟 近 之 則 而 爲 年 于 併 東 不 其 説 世 而 爲 爲 頗 祖 始 秋 中 出 向 舉 説 能 爲 大 有 昭 更 如 祖 謂 祧 而 行。 圖 本 儒 周 左 負 京 今備 本 穆 是 祧 廟 行 昭 后 朝之 朱 師 其 朝 之主 之, 常 廟 乃 今天降災異,火發 右 稷 謹 大 熹 員 説 廟 之主 爲 順 穆 爲 制 火, 禮 莫 甚 當 詳 制 一,合享於始祖 太 穆, 故 寺 此 備 各 爲 考 未 延 祖 藏 説 適 時 自 爲 合 古 及 本 之 學士大 於 爲宜 然其 以 不 於 孝 朝 禮 太 當 始 獻 相 廟 古 始 廟 此 心 祖 尚 爲 亂 也 祖 變, 之 之 門 其 大 民 制 臣 論 正

之。 仁 遵 革 陸 以 世 廟 室 參 已定。 主 舉 來 垂 群 廟 之後, 宗 以次 帷 穆之 本 以 祐 穆之桃 佃 0 而 並 稽古 恐未足 帳 爲 朝之制 熹 每 討 於 始 行 爲 幙 室之前 之議 主 百 無 祖 論 其 之, 禮文 祧 一列 量 之,通 世 主 一,皆位 窮 説 東 欲 以 主 展 祖宗 藏 也 向 不 0 合 之事 成 自 則 復 太 0 遷 蓋 乎古 合 量 爲 間 西 其 群 南 藏 在 古 其 祖 之宗, 本 食 展 徂 之, 事 昭 而 天之靈 多 制 廟 以 朝 其 室 東 之主 而 北 説 而 所 藏 昭 廟 盡 間 昭 上。 未 宜 向 後 未 並 徒 祧 制 居 之 則 乎 及 世 出 暇 爲 爲 皆 廟 左 必 祧 遇 往 因 昭 今, 昭 施 神 諸 紛 位 之主 歆 主 穆 本 者 穆居 之 宗 行 廟 列 今欲 紛 北 盡 年 藏 享 朝 既 桃 嘗 此 主 0 治享? 而 美 太宗 之 于 分 廟 主 渡 及 右 命 如 驟 惟 或 南 盡 制 此 爲 桃 則 禧 禮 尊 於 行 江 且. 向 廟 則 每 後 官 廟 藏 卑 祖 仍 更 以 而 而

未嘗合享。合量展此三間,後有藏祧主之室,凡遇祫享,合祭於室。名爲合享,而實

所,前有祖宗合食之地,於本朝之制,初無

大段更革,而頗已得三年大給之義。今來

朝廷若能舉行熹前議,固無以加。如其不

然,姑從後説,亦爲允當,不失禮意。然宗

旨: 後 廟 若 之禮 令侍從、禮 加加 倘 損 無 益 其 部 亦 故 惟 太常 何敢妄議 其 時。乞 集 議 賜 後 今 竟不行 詳 因 議 大 0 火 有 之

禮 史 實 部 侍 録 除 權 院 郎 禮 致 百 脩 部 仕 撰 侍 卒。 遷 郎 禮 兼 贈 部 侍 四 右 侍 官 郎 郎 賻 官 銀 轉 兼 絹 同 官 脩 百。 守 或

備遺

所

著

有《

性性

善堂文集》

文公答周卿書曰:「比來讀書探道

亦

學 見 復, 逸 於 頗 得 者舍是無 日 有 而 庶於聖賢 天道 用 新 於 功 之間 其 性 否 中 有 命 耶 之教, 隨 隨 别 ? 真不 事 時 用 歲 觀 隨 力 外 漸 月 理 處 處 乎 有 易 矣。」 提 此 默 講 邁 撕 身 求 相 義 契 思 此 而 理 處 索 心 吾 難 之 沉 則 勿 明 所 自 潛 **\$** 謂 然 放 反 但

IE. 暐 日 首 宋史 誨 正 以 求放 吾 趙 黨 景 心 中 暐 爲本。 第 傳 **>** 人 葉 景 味 暐 道 遂 嘗 往 謂 見 景

考亭淵源録卷之八

考亭淵源録卷之九

曹彦約

許 文字。 州 撫 金 主 辰 士 卨 人 溪 管機宜 司 斬 大 嘗從 軍 令。 俾 曹彦約,字簡夫,都昌人。 約 其 總民 人,郡兵素 知 先鋒 屯郡 授 文字。 澧 朱 知 觀 兵, 州 樂 熹 城。 方略 平縣 講 且 趙 未上 漢陽闕 遣 學, 觀 金 結結 寡 主管 死 俾 重 萨 弱 歷 士: 漁 兵 防 建 彦 叔 焚 户 守,檄攝 圍 水 江 平 其 似宣 約 拒 安 道 尉 西 戰 搜訪 守 陸 党 安 淳熙 艦 撫 桂 南 遊 撫 仲 軍 書 河 京 陽 騎 司 八 昇 事 湖 司 夜殊 機 將 年 觀 闖 録 進 辟 宜 漢 宣 得 時 逆

> 漢陽 後二 補 死 金 戰 成 人 人。 忠郎 北 度 漢 彦 追 千 約 III 餘 擊 以 ·, 金 簿 人,仲 守禦功, 尉 人 ; 昇 大 贈 中 敗 仲昇 流 去。 進 矢 秩二等, 脩武 死 又 遣 郎 奏 仲 就 官 上 昇 其 刼 知

使,督 礪 常 獄 輒 退 大舉,則民固 敵 平, 得 而 遷 李 贵 彼有 嘉定元 責 不 新 權 湖 以 等相 邊 以 我 南 知 叛兵,決勝 備 歲 爲 鄂 轉 年, 繼 以 易 幣 州 運 假 怒矣。 竊發 與 爲 詔 判 以 兼 利 求 而 官 歲 湖 言 可 縱 桂 月,當. 惟 欲 期矣。」 廣 其 陽、茶陵、安仁 時 其 進 總 欲 彦 盜 所 而 領 約 知 羅 向 我已戒 一尋提 莫若 真 上 世 輒 改 僞 封 傳、 應 舉 提 遲 事 嚴, 李 點 湖 設 留 所 謂 元 欲 復 求 刑 北 小

● 「上」、《宋史·列傳第一百六十九》作「觀」

資 告 兵 撫。 以 兵 平. 礪 密 松 於 招 議 運 皆 諭 口 0 吉 降 # 以 于 請 靈 降 安, 招 破 世: 則 傳 討 彦 朝 之 不 世 晑 洣 時 傳 遂 彦 兵 失 心 壤 盡 宜 傳 約 之宜 龍 江 元 復 遂 約 又 朝 始 不 地 統 格 還 既 西 礪 泉 新 桂 以 乃 與 口 廷 定 千 諸 言 外 自 長 以 中 陽 督 撤 萬 兀 威 彦 里 厚 邀 峒 以 沙 欲 自 創 諸 礪 遷 緡 約 重 賂 爲 戍 而 求 招 0 效 死 世 將 解 未 錢 言 直 莽 爲 功 民 以 安 傳 逼 江 若 幾 衆 犒 : 秘 之 爲 不 結 時 李 彦 遲 素 賊 「今不 西 閣 推 其 帥 元 得 盜 池 元 世 復 約 留 巢 與 李 礪 安業 師 品 州 傳 出 録 元 礪 悉 知 以 胡 而 設 如 副 賞 行 潭 督 激 徹 渠 礪 屯 超 朝 松 世 疑 彦 都 元元 戰 討 格 州 江 爲 重 有 格 傳 詞 約 爲 擊 統 命 賂 捕 西 右 報 隙 餘 許 遂 許 首 湖 礪 以 下 至 破 之, 可 轉 至 彦 黨 李 款 湖 俊 禽 果 曲 湖 南 彼 駐 約 南 欲 官 悉 且. 是 新 不 廣 安 督 如 重 狥 兀

> 功 驁 戍 友 不 睦 不 兵 肯 與 許 出 彦 校 以 約 峒 重 古 賞 争 彦 友 之, 約 睦 密 渠 遂 遣 不 殺 羅 悦 世 九 傳 遷 然 爲 世 江 間 傳 西 終 來 誘 争 胡 桀

二六

盡 怨 號 議 兵 制 勸 岩岩 命 反 於兵弱 權 曲 **\$** 付 》獻 分 王. 外 0 之 擢 意 大 免 乏 不 久 之廟 之, 兵 才 奉 役 食, 侍 驕横 之。 權 右 今 堂 通 以 握 微 彦 廟 郎 商 爲 約 兵 有 彦約 官 堂 兵 日 制 蠲 者 利 悉 小 : 之 權 置 税 歸 警 以 發 路 以 1 IE 古 使董 咎 右 轉 蜀 本 民 紛 則 之 於 患 正 之邊 運 賴 司 事 然 臨 居 財 言 士: 所 判 以 體 奉 誼 邊 大 寡 官 儲 鄭 濟 面 議 重 既 夫 求 昭 乃 兼 減 諸 不 兵 不 理 先 沔 作 得 價 知 口 言 奉 權 賢 財 州 遣 其 利 並 行 專 者 病 者 都 寢 糶 列 州 柄 詔 則 夫 歸 統 其 而

^{●「}壤」、《宋史·列傳第一百六十九》作「環」

至宕 見 貪 任 化 叛 不 在 伍 息 下 至 不 耳. X 其 戰 之 正 利 失 以 軍 而 民 在 相 維 m 惡 鬭 後 其 口 昌 V. 官 宣 於 自 歸 事 之。 犯 、參之; 也 逆 吴 本 微 咎 威 本 尊 而 大夫 則 緩 氏 原, 效 原 卒 致 領 不 1 黨 作 隴 今 急之 世 昔 有 使 者 覺 州 ; 亂 既 磨 西 不 日 壞 襲 用 秦 緩 雖 知 事 誅 之 天 漸 几 恪 之 則 際 急 以 隴 者 兵 事 以 水 無 郡 以 百 守 領 又 來 而 者 者 之 事 各 古 之 易 忠 歲 階 病 E 帥 不 + 俗 志 權 持 不 握 易 間 地 實 月 級 成 俗 割 權 止. 在 敢 付 兵 己 以 之分 鼓 藩 者 於 出 而 人 其 漸 於 之, 故 任 者 見 率。 知 鎮 諸 大 心 之 忠 誅 事 必 志 雖 軍 之 兵 又 將 至 其 當 以 義 貨 信 在 兵 若 權 有 善 從 畏 由 不 而 禮 民 實 近 權 於 而 不 阜 戰 其 世 事 中 己 知 邊 義 兵, 未 怙 用 財 恃 郊 起 聞 將 在 者 御 境 改 計 未 行 更 苟 天 常 勇 利 以 於 P. 以

> 寬 莫 江 論 功 心 統 而 簡 當 後 西 用 未 率 荷 之 安 以 用 擁 度 安以 擇 變。 撫 爲 之也 親 知 然 兵。 至 求 書 彦 居 於 免 者 約 差 Ľ 有 今 忠義 以 之言 誤 知 議 兵 何 爲 權 寧 天 之兵 不 教 蜀 或 下 者 出 導 無 邊 者 府 此 必 被 又 必 如 不 當 又 兵 乃 須 此 古 驗 改 領 欲 有 人 人 内 知 經 幸 德 也 所 有 隆 費 勝 者 謂 張 興 時 以 教 以 必 府 福 當 爲 朝 民 爲

制 州 申 待 提 省 制 彦 舉 乞 遷 知 約 崇 大 成 人 力 福 都 理 對 辭 宫 少 9 不 卿 彦 提 報 約 又 舉 乞 權 明 改 赴 渞 户 知 闕 觀 部 福 奏 侍 尋 州 事 郎 以 又 焕 不 以 章 改 允 寶 知 謨 閣 待 潭 閣 又

崇、 次 撰 言 觀 寶 理 諱言 宗 慶 當 即 元 以 爲 位 年 慶 戒 曆 擢 比 兵 對 元 年 部 祐 勸 侍 以 聽 來 郎 帝 言 講 有 兼 爲 學 以 法 或 賣 史 防 以 院 直 近 紹 好 可 習 名 脩

間 惡 恐 以 文 明 蒼 恩 定 之 王 不 於 行 逐 去 陛 縫 帝 者 説 不 爲 驗 狂 省 耳 邪 馮 宜足 下 無 明言 人主 之謡 0 及 妄 會 緣 以 佞 見 幸 求 本 隙 敬 於 下 又 情 小 事 於 若 以以 言 朝 等 口 而 文武 之 薦 詔 韋 長 之義 奏 人之手 取信 指 孟 太宗 死 請 之 臣 隆 布 柄 求 對 樂, 賊 詔 論 言 封 以 雖 州 者 巾 似 於 0 皇 開 如 法 其二 爲,守法 引 布 惟 不 ; 或 天 彦 帝 其 太 法, 王 道 衣 止 漢 而 恐 願 下 止 約 狙 之 社 子 宗 謗 李 伸 路 文 淮 不 陛 於 上 所 撓 於 以 繼 之, 心 而 帝 異 逮 南 者 下 然 縉 封 己 篤 故 讜 謗 絶 傳素精 説 倚 既 王 兄 人 紳 事 特 行 天 言 地 之 息 然 赦 忠 欲 臣 弟 猶 在 曰 也 倫 矣。」 者 意 泛 直 外 危 之 其 至 襲 此 言 命个 社 史學,乞 議 罪 職 親 如 必 明 於 孝 今 陛 往 又言 蓍 小 致 稷 也 令之 若 尺 示 事 廢 加 猶 友 下 大, 疑 龜 好 之 徙 張 誤 之 謹 狗 施 布 斥

> 舉 首. 章 觀 致 諫 横 遷 官 崇 專言 閣 兼 以 公 斂 禮 仕 行 學 福 未 部 初 贈 侍 宫 士 品品 於 人 革 侍 宣 讀 主 都 郎 真 奉 卒 知 帝 城 大 之 0 授 不 常 加 H 夫 兵 史 以 德 則 及 寶 : 部 館 華 州 時 府 謨 其 嘉 尚 文 政 郡 閣 病 熙 從之。 書 閣 横 陛 直 下 安 初 學 斂 辭 力 學 在 情 賜 + 無 辭 言 士 安 尋 益 轉 可 不 下 得 兼 對 提 通 疑 拜 文 情 通 侍 H 舉 者 議 簡 未 讀 佑 大 改 通 臺 寶 夫 提 苞 神 俄

備遺

强 日 夕 外 即 黄 患自 直 到 此 卿 彌 與 豪 吴 傑 柔 之 勝 士 書 日 紛 然 曹 而 起 簡 夫 或 得 勢 益

壯 直 但 吾 卿 與 鄉 失 李 此 敬 賢 子 帥 書 不 曰 無 嘆 簡 恨 夫 也 不 來 甚

落 外 簿 瑞 勸 石 綱 悍 西 錢 覆 雍 通 後 論 湖 額 昌 知 判 盤 軍 盤 無 當 朱熹學、熹深期之, 禁 均等 台 主 辯 處 黄 不 器 會十 求之 慨 爲 簿 必必 當 州 州 訟 自 監 然 詩 監 獨 無 牒 年 民 題 派 E 諭 字 謝 經 文 所 以 中 銷 間 믺 : 之, 子 歲 良 思 疑 最 成 0 縮 總 耕 收 餘 佐 我 獠 聞 院 然 今無 賦 制 郡 昔 子 而 後 感 隆 酌 有 知 遷, 稱 教 在 主 孫 止 悦 而 復 興 盧 額 而 平 之。 管官告院、 醬 居 南 情 分 綹 取 陽 無 有 治 舉 台者 亦 寧 味, 乃 之, 縣 北 錢 公 勤 太 以 人。 不樂。 事 苦 Ш 爲 何 閣 學 道 既 俗 五. 莫 耶 濟 夙 免 進 自 播 號 嘗 大 溪 糶 夜 ? 逋 敢 士 任 水 殿 從 越 間 理 獠 反 負 違。 先 爲 流 寺 最 丐 行 獷 郭

> 疾 置 爲 有 白 卒。 • 子 抵 本 當 養 錢 民 庫 所著 濟 如家 使不 院 葬 有 民 又 後 廢。 之 創 遷 齋 棲 安 袁 故 寄 濟 州 葉 暴 方 哭 適 露 以 從 謂 者 居 弟, 盤 病 爲 哀 囚 條 棺 甚 皆 Ħ 千 得 建 自 Ŧi.

備 遺

侵, 歎 無 日 負 而 無 患難 師 幾。 己 晦 傅 翁 交至 之託 答子 甚 思 一,氣 耕 而 與 不 書 血 兀 可 凋 方 日 得,每 瘁 士 友 熹 大 并 非 數 念之,徒 力 年 往 切 來 時 磋 之比 疾 增 以 病 永 求 來 H

簡 潔 明 示 白 喻 親 爲學之意 切,令下 甚 功 夫 善 處 但 約 恐 而 更 易 須 守 看 乃 佳

0 葉」, 原作「業」,據《宋史· 列傳 第 百 八十二》改

考

亭

淵

源

録卷之九

事 此 我 耳 窮 只 也 耳 之 不 是 用 盡 也 知 功 此 要 别 必 物 其 識 人 紙 如 之 文 先 旧 亦 兩 此 義 理 條 能 無 其 多 只 格 不 本 致 亦 説 是 物 盡 覺 知 後 彻 如 處 便 繁 其 則 此 只 雜 若 格 末 知 纔 是 推 物 自 先 認 窮 本 只 此 至 其 得 得 末 是 知 9 始 定 始 物 不 就 識 理 終之説 是 後 便 而 盡 物 别 其 請 致 後 依 之 上 終

要 離 便 所 説 須 惑 盡 依 Mi 認 此 曲 其 格 取 折 實 出 物 工 本 下 夫 重 致 故 意 工 實 知 重 X 夫 處 障 而 V. 只 就 礙 此 是 却 方 中 名 無 添 見 窮 看 字。 枝 欠 許 理 得 闕 接 0 多 許 今 耳 葉 聖 名 多 人 賢 字 曲 無 反 欲 折 有 並 爲 爲 分 T 皆 名 學 期 明 脱 者

處 雜 處 然直 示 且 及 就 截 疑 正 簡 義 經 比 平 彻 $\dot{\Box}$ 舊 益 玩 味 明 潔 矣, 當 自 旧 見 尚 親 有 切 繁

自

易

今 心 中 所 謾 其 之 望 節 録 IF. 來 去 所 耳 則 喻 謂 0 其 口 云云 動 近 以示 動 脩 者 求 足 斯 大 乃 静 見 遠 理 學 亦 講 之當 彻 **>** 此 學 只 章 自 是 然 ^ 脩 各 或 前 之 止 問 不 力 其 害其 頗 所, 甚 本 皆 慰

則 渾 食 是 衣 人 道 服 心 人心、道 亦化 心 本 也 是 而 人 爲 心 心 之説 道 之發 心 矣 甚 善 然 如《 在 蓋 聖 鄉 以 道 人 黨 分 心 所 爲 記 主 則 飲

注 專 心 以 臍 存 病 腹之下 心 中 養 不 氣 宜 爲 久自 思 務 慮 温 旧 暖 凡 加 百 趺 即 静 可 漸 坐 且. 見 功 目 効 切 視 矣。 放 鼻端 下

徐 僑

吕 祖 謙 徐 門 僑 人 葉 崇甫 邽 淳 州 熙 義 + 鳥 四 年 舉 蚤 進 從 學 調 於

中 葛 點 郎 直 E 洪 刑 饒 告老 兼 命 獄 È 吴、 喬 以 簿 行 得 毅 以 益 始 簡 請 迕 王 名 登 代 派 府 齋 朱 爲 相 教 熹 請 史 授 之 彌 祠 爲 門 遠 直 祕 迄 寶 劾 書 不 熹 謨 罷 省 受 稱 閣 正 禄 其 字 寶 江 明 慶 紹 東 校 白 初 定 提 書 出口

隱 貧 空 材 迺 切 或 베 日 太 天 常 虚 本 貧 : 陛 早 子 帝 少 端 ; 未 耳 卿 下 劘 蝗 民 卿 數 孤 平 建 口 主 迺 木 相 帝 慰 立 初 謂 闕 貧 疆 於 仍 諭 趣 清 與 耳 或 宇 横 之, 下 盜 貧 諸 勢 斂 日 逮 覲 朕 顧 賊 賢 又 阽 群 蹙 僑 軍 何 並 見 手 言 俱 危 臣 , 怨 爲 對 其 起 疏 被 而 權 於 貧 日 分 數 衣 召 陛 ? 今女謁 掊 幸 : 經 别 千 履 下 用 克 遷 用 黑 言 垢 臣 僑 不 ; 事 秘 無 白 敝 不 \vdash 悟 群 藝 書 貧 將 閹 感 愀 臣 無 少 帑 宦 臣 帥 陛 養 陛 然 憤 所 監 相 不 交 藏 非 謂 剴 下 下 口

> 於 帝 致 以 命 顥 金 朋 明 僑 妃 是 爲 大 臣 文 0 外 義 皆 帛 黨 閻 從 病 以 論 日 囊 又 清 程 爲 申 内 帝 如 甚 及 氏 無 橐 手 用 頤 如 之戒, 諭 其 厚 方 前 之。 世 祠 和 是 詔 誕 叔 請 張 留 有 請 有 緩 侍 復皇 罷 爲 向 甚 載 寵 僑 帝 扁 之 讀 乃 命 邊 辭 勤 金 古 鵲 爲 術 子 帥 以 而 朱 有 竪 鄭 使 辭 之 竑 不 之 寶 熹 司 内 故 將 遷 至 陛 得 不 以 爵 裁 尤 感 侍 謨 望 事 Τ. 受。 以 下 處 閣 僑 節 董 已 無 動 見 部 迕 此 趙 請 或 待 狀 以 中 宋 就 改 而 侍 侍 之 膏 派 汝 制 無 從 外 者 臣 容 職 卻 郎 講 愚 不 相 浮 表 肓 祀 奉 或 走 申 答 遇 意 慮 辭 侑 費 裹 祠 書 周 開 矣 儆 而 事 嗟 食 敦 益 用 卒 宜 陳 方 群 執 而 而 盡 堅 寧 太 頤 事 丐 時 館 友 臣 耽 政 賜 宗 言 息 遂 休 益 之 故 程 愛 僑 以 大

僑嘗言:「比年熹之書滿天下,學者不

懲 操 實 實 過 履 割 能 弘 爲 裂 所 益 得其 尚。 掇拾 難 爲 能 多 所言者 奏對之言,剖 也 以 若其 爲 蓋 進 守官居家 取 鮮 之 資 故 析 其 理 清 求 學 欲 其 苦 以 刻 因 專 厲 致 精 真 之 勸 踐 篤

備 遺

是 矣 處 此 子 如 亦 此 枉費 重 恐 取 所 不 照 何必 虚 人 瑟 引 須 管 晦 孟子 别立 思索也。」 於 莫 識 而 翁答崇父 疑 此 歌 令間 取 其 隱 標 亦 Ē 非 几 的 向 是 意 斷。 本 便 而 偏 此 ,受用 有耶 卧 日 却 類。 計 久 以 之浹 工 ? 省察。 更不 但 爲 日 程 不但 當 用 也 大 洽 照 然,則已 工 學》之意 管。 不 孟 自 夫, 敖 必 子, 惰 有 今當 向 且 之説 見 得之 閑 如 得 處 孔 却 慢 看 如

陳 守

監 舉 用 荆 蔭 湖 補 陳 守 南 官 路 字 歷 常 師 平 中 部 公 員 莆 事 外 田 郎 人 嘉 定 除 丞 中 奉 相 直 俊 召 大 卿 爲 夫, 次 將 作 提

備 遺

之銘 文公題 師 中 讀 書 一之齋 日 敬 恕」, 且. 爲

日

羹 謂 物 失 皆 墜 ,仲尼子 彼 春 奚 出 己 門 卹 所 胡 如 弓。 世 不 賓 孰 之 欲 能 内 承 反 順于家,外同 勿 事 是, 恣 如 施 祭, 己 于 斂 窮 焉 以 物, 厥 以 是 躬 于 存 惟 是 于, 于 邦, 之, 我 行 之, 所 牆 敢 無 便, 有 小 于 與

哉 無 大 恕哉 图 永永 時 怨 無 恫 斁 爲 仁 一之功 , 日 此 其 極 9 敬

滯 遺 之 初抗 宜 袁 之易治 直 事 末 奮 府 直之資。 又得所 勵,報 間 不 道 乃 = 俾 ,斯行誼之不 之 然 朝 疏 以 蓋 弟宓祭文曰: 屬 恬 一解 謂 六受 以 師 力行,豈畏途之足危。 陟 稱 靖 俾 嬉。 及威、 祭 請 忠孝之訓 居 是 裨。 退 人 郡 而 討 年 職 期。 自 皆 荷國恩之秩 忽 而 少 之非 虧。 悉以 惠之 持。 曰 謂 疾 畫 兩 清 紀 遲。 魯,孝 去, 宜 漳臨汝,廉 公選,不 惟兄以寬弘 方湖湘之始寇,誠牙 兩 夙 猶 綱 禀 失,遂 紀郎 剴 \equiv 不 兄 於父。 奉殊庭之香火,伏 切 隆 可 乘 考 日 以 詔 省 所 ₽畀符竹而 以 ·專 何 歷 惟 隳。 陳 父私 而 知。 介不欺。 能 歲 嬛 之度, 敬恕之道 坎 詞 巧 而 值 凛 過 馳 宗 蔓 所 分 時 以 正 兄 濟 何 滋 嗤 孽 之 克 論 濡 信 歷 外 剛

善之不足,❷遽一疾以顛隮。嗚呼哀哉。_

陳定

承 事 陳定, 郎,年二十 字 師 五. 德 卒。 俊 卿 第 子。 用 蔭 補 右

從 者 俗 常 鬻之羞 迫 工 行往往往 .弊風 以以 事 ,有不獲已者。 産 於 文 希 士 公銘其 場 訛 亦 名 不 屋 顧 慕 迭 射 知 無 反 相夸 而 利 學。 薄 用 墓 爲 之文。 君 日 之, 尚。 而 恩 蓋 或 : 其 本 者 自 無 輕 於是公卿子弟之才 後 舉 周 所 出 務 世 或 於迫, 世 衰 於 爲 禄, 更以 官 競 俯 剽 馳 捐 失, 仰 掠 而 爲能 本學, , 恬 寒 纂 徒 而 餓 組 不 取 民 以 之 之 衒 無

^{●「}之」,原闕,據《龍圖陳公文集》卷十八補。

❷ 「足」下、《龍圖陳公文集》卷十八有「恃」字。

矣,不 Ħ. 思 德 淺 之 嘉 以 矣 則 秀 第 及 師 反 悟 慮 意 場 之, 之 教 將 於 書 E 異 \equiv 德 就 哉 之 是 徧 量 莆 也 來 知 其 子 而 然 有 自 益 苦 始 古 聖 道 H 求 志 \mathbf{H} 忧 然 亦 孩 則 卓 泯 其 賢 欲 以 人 如 世 學 報 意 幼 而 然 泯 而 志 爲 脩 大 吾 公 之 母 之 之 姓 其 感 己 高 矣 己 疾 子 命 師 己 有 者 日 而 必 有 陳 疾 志 之學 言 治 病 德 福 道 必 : 己 請 氏 殆 大 成 遠 嗚 者 X 而 以 或 君 自 淫 業 子 矣 識 聖 呼 人 之 反 名 死 夫 其 思 蓋 焉 子 而 之 ! 友 之 賢 定, 方 求 人 力 近 不 度 而 庶 其 其 括 士 之學 之, 索 聶 斯 子 屑 或 而 派 幾 師 後 蒼 亦 易 於 \equiv 其 其 家 既 爲 氏 相 焉 友 吴 年 口 屢 孰 復 者 空 舉 爲 禮 疲 雖 信 之, 君 哀 欲 子 幻 於 始 師 安 能 弊 其 不 義 而 耕 求 也 竟 宿 之文 公之 恍 辭 德 口 又 有 也 廉 見 老 已 昔 以 以 惚 生 以 師 而 不 久 耻

是 德 之, 公 卒。 之 德 言 奏 理 顧 劑 兄 病 授 不 之 : 其 : 女。 守 性 於予 和 通 而 夫 而 不 志 兄 亦 於 烹 至 師 戰 死 葬 屬 果 未 右 人 其 年 孝 可 餁 中 戰 生 嘗 之 屬 子 以 行 承 而 哭 見予 哀 疾 兢 有 其 奉 失 事 銘 不 0 以 必 石 之 + 之革 也 兢 郎 顔 信 行 問 命 且. 躬 泉 其 及 哀 於 有 哉 色。 事 安 死 祖 學 竁 必 相 建 如 Ŧī. 汝 也 娶 公及 口 塋 脩 親 見 以 臨 陽 猶 子 所 得 以 口 於 然 之 0 身 爲 其 深 公、 語 知 不 兄 母 遂 淳 郡 其 而 左 側 之 淵 深 伯 其 忧 忍 夫 熙 書 夫 林 弟 以 所 右 意 恨 友 兄 0 者 尤 辭 耕 如 甲 氏 立 人 人 唐 鳴 方 之 師 履 友 午 朝 也 道 往 呼 旋 越 止 明 曲 來 子 視 德 薄 請 愛。 所 七 視 夕 年 於 盡 耕 世 不 福 拱 狀 有 冰 月 郎 狀 之, 如 而 愛 道 俗 手 孫 違 言 行 其 如 己 以 敬 此 逝 之 師 後 又 對 謂 公 義 亥 鳴 實 仲 師 使

學, 朋 夫 豊 友 昧 之思 不 利 足 辱 哉 以 身, 1 頗 慰 得 子 公、夫 己 是 而 以 不 銘 人之念, 己 日 者 則 與 既 其 絶 兄 矣, 弟

歸 志 履 其 氣 前 徒 視 則 覺 士 此 卓 存 孰 出出 哉 天 不 刻 若 學 不耆之, 石 其 泉 之 惟 方 瀕 以 則 義 于 駿 之 殊 學 其 袝 0 毫 奔 于 忽 刻 宅。 之差 淵 意 冰 劬 孰 有 免 躬 全 矣, 其 蹈 蹠

備 遺

當 無 舍 經 方 此 應 自 足見向道 迹 之境 平 事 此 晦 、尚 易 翁 而 答 顯 人,至 竊 論 師 明 恐陷 不忘 古 之 德 於 人 功 書日 之 格 之 於 9 意 思 屬 物 而 : 而 必 甚 示 則 無 不學之病 搜 善 非 伊 索 喻 甚 用 111 格 窺 善 力 夫 伺 物 之 子 將 於 持 所 持 地 必 謂 敬 敬 無 若 神 之 形 正 窮

> 體 疲 羸 力 多 殆 病 而 尤 非 當 所 完 以 養 進 思 於 慮 日 新 毋 矣。 **\$** 過 況 聞 成 左 就 右

德器 尺 尚 處 甚 往 0 0 高 曾 以 來, 林 頃 生長 嘗 光 遣 慰 意詣 人 朝 到 富貴 士友之望 來 與 東 而 借 其 閣 中 詞 父俊 書 其 不 而 未 費 所 每 卿 嘗 發 每 書 口 及 問 欲 日 見 非 見 : 其 皆 聖 古 爲 非 之 師 人 吉人 舉 書 德 歸

子

習

宿

之

人

品

陳 宓

子

渾

然美質,不

待

雕

鐫

也

0

主 及 父 管 任 登 歷 朱 西 陳 外 泉 熹 宓 之 州 字字 知 之門,熹 [南 安 師 安鹽 溪 復 器 税 派 異 主 相 之。 俊 管 卿 南 長 第 從 外 几 睦 黄 子 宗 榦 院 遊 小 9 以 嘗 再

嘉 定 七年,人監 進 奏院 時 無 敢 慷 慨

君

簡

怨 罷 遠 所 無 心; 楮 故 京 此 廢 節 盡 不 司 兆 尤 宫 於 姑 弊 言 卻 不 क्रां 汗 樞 非 樂, 敗 闡 逆 馬 秤 擊 椽 執 者 臣 時 宿 軍 此 也 之 鮮 提 無 政 儀 請 賜 而 宓 將 之 朝 勞, 非 擇 刑 中 邊 予 伏 E 安 若能 有 將 易 廷 親 有 宫 爲 記 事 面 守 封 邊 制 權 暱 未 慶壽 躐 數 謾 方 公 成 事 所 交 之人,臺 柄 正 貪吏 躋 浩 之 殷 勤 之 的 言 創 有 也 殿 穰 功 罪 而 内 而 立 : 所 岩 靡 .! 牙獻遺 擢 樁 外 以 大 分 固 諫 宫 ; 不 人 : 積 奏 小 臣 庸 執 也 得 中 用 此 又資 蔬 過 正 己 所 腦 志 慎 宴 , 政 食 而 之夫 紀 見 鈔 默 用 令刑 飲 丞 至 於 廉 而 貶 鹽 之士 綱 相 是 非 或 動 妄 士 殯 變易 賞 爲 天 失 動 史 親 久 用 御 至 之 牙 人 多 尹 彌 Ħ. 招 都 無 即 不

貴 乎 明 尋 7,大臣 遷 軍 器 之心貴 監 簿 乎公,臺諫 轉 對 言 . 之言 人 主 貴 之 乎 德

> 事 以 所 直 建 主 天 直 目 不 播 畢 良 儉 而 之德 害稼 議 由 以 快 歸 日 中 有 吐 則 如 뻬 沽名。 文 求 上下 陛 口 外 司 則 以 陛 此 財 貴 下 邇 惟 列 言之人, 以 他 其 下 其 用 以 相 之 乎 取 臨 日 次 職 他 付 未 可 答 衆 蒙 之 明 私 專 政 疏 徙 畏, 豐 誣 近 觀 天 怨 攻 0 雖 忿 外 務 罔 則 臣 聽 變 所 大 者 猶 上 勤 忠 於 愛 以 差 者 萃 臣 抑 躬 或 某 憤 欺 民 擇 他 而 今 又 某 諱 施 與 者 人之遷 蔽 則 事 治 雖 赤 直 人 口 設 晦 移 是 指 相 仁 逐 功 之 節 知 地 咎 以 有 爲 軌 繼 未 浸 擢 千 重 早 牧 意 而 奏 不 是 超 異 舉 諫 臣 里 望 不 靖 守 於 實 囊 是 嘗 升 官 厥 故 爲 之 行 封 惠 蝗 嘗 以 重 言 奉 切 初 災、 章 其 未 飛 物 私 援 人 直 身 事 有 言 徧 罪 嫌 古 者 蝗 騰 懷 論 稍 凡 蔽 雖

言貴 毫髮, 冀 悟 岢 諫 所 下 最 未 服 臣 派 疏 公心直 而 子言 嘗 乾 闘 不不 祖 不 果 尤 風旨之譏,今乃 裨 久 昭 乎 宗 棄 剴 右之人則排之。 臣 或 立 廟 能 甚 摭 没 明 拜 節 體 異 直 故 設 切 算 杜 德 以 切 巨 焉。 官 老 倖 近 遇 塞 當 以 萬 以 出 獨 奸 三者 之 門 青。 事 而 副 照 知 大 第 宓 莫 宿 於 初 9 侍 不 望治之意 臨 臣 南 遂 塞 穢 之 言 愚 機 意 有 大臣 從 敢 百 之心 , 康 請 昧 邪 誰 責 括 哉 盡言 臺 下 官。 仁宗時 不 軍 罷 徑 不 以 所 ? 何 所 諫 貴 至 能 歸 丐 繫, 0 ; 欲 不 則 大 出 一生徒 臣 乎 行 請 詣 州 爲 指 有 敢 在 舉 有宰 公。 臣 願 故 史 而 殊 縣 之事 如 告 違 陳 措 陛 辭。 曰 彌 牽 臺 之 有 莫 中 金 敝 日 當 下 相 臺 : 復 遠 愧 間 諫 則 不 人 書之消 事 臺 奉行 辇 諫 憣 擢 而 耳 遂之, 力 再 諫 罪 轂 平 然 人 視 亦 使 太 , _ 曰 争 通 大 僅 之 心 之 府 宜 悔 居 前

> 没 悉 率 早 進 閣 提 崩 白 民 疫 已閲 職 點 倣 僚 鹿 群 嗚 主 白 集 洞 至官 吏 廣 一管崇 蠲 咽 月矣。 等 持 鹿 東 宓 與 累 逋 致 錢 刑 洞 就 歲 禧 諸 賦 日 仕 粟 獄 之 役 大 觀 + 生 0 之, 藥 規 侵 討 數 無 章 \equiv 宓 餌 萬 論 何 築 奏 復 學 拜 户 知 江 蠲 諸 \equiv 請 且 祠 給 漳 改 隄 其 上 生 之。 弛 致 命 州 知 賦 而 以 仕 新 而 迄 南 給 十 未 起 創 輸 辭 不 之 劍 其 行 宓 寶 延 \equiv 職 就 九 州 食 之 慶 平 爲 名 聞 請 書 直 寧 時 時 會 , 9 卒, 年 秘 大 造 流 而

年 歎 中 曰 或 初, 宓之在 豈 世 讐 無 未 復 朝 之 也 句 何 以 寺 0 好 丞 後 爲 丁 數 焴 年 往 餞 聞 使 詩 弱 金 有 外 白 宓 不

■「穢」、《龍圖陳公文集》卷六作「贜」、《宋史》本傳作

考亭淵源録

三八

陰 信 \equiv 龍 後 論 平 家 顏 道 靖 傳 啚 諫 無 真 身。 初 道 不 以 以 以 之直 抄 閣 尤 卿 絶 餘 勸 殿 驗 書 × 篤 財 之 近 中 天 居 理 抵 所 故 事 下 侍 讀 庫 家 欲 而 焴 著 嘗 耶 口 之 御 無 必 不 分 通 書 日 爲 寒 爲 史 餘 如 及 寸 鑑 : 有 心 焴 朱 臣 王 帛 陶 俟 之 緇 皆 蜀 服 論 墨 者 潛 遂首 聖 多 H 庶 其 0 銘 1 口 語 × 化 寡 乎 而 言 去 帝 言 **>**, 注 大 ^ 之 0 能 深 唐 歸 爲 謂 夫 義 : 更。 自言 愛 蹈 宓 史 之 問 外 感 朱 宓 諸 其 贅 天 答 屬 罪 雖 動 宜 事 居 語 葛 尨 陽 性 遠 官 詔 褒 亮 先 者 剛 之 春 贈 其 帝 身 墨 實 必 非 端 藁 身 屬 秋 直 如 有 死 賄 如

劉爚弟炳附

數

+

卷

藏

于

劉爚,字晦伯,建陽人。與弟韜仲受學

怡 界 之水 父 都 利 税 矣。 添 通 主 于 然 憂。 0 去 給 大 判 簿 朱 鈔 自 害 坑 改 錢 黄 請 火 熹 鹽 僞 知 擇 冶 適 及 奕 爚 吕 知 學 爚 耿 將 高 閩 綱 正 軍 無 袓 築雲 禁 貽 某 以 版 縣 阜 運 期 謙 不 興 籍 関 事 爲 書 例 米 爲 莊 遺 治 日 污 錢 叢 爚 等 吏 乾 0 骸 爚 Ш : 以 冢 錢 從 不 道 差 免 房, 暴露 清 以 使 熹 容 而 八 通 上 大 葬 爲 簡 死 己 女妓 武 年 供 判 脩 終 0 者 議 自 夷 舉 潭 庭 銀 學校 老 調 Ш 有 用 以 進 調 錢 無 州 隱 連 講 知 浮 臟 饒 士 滯 及 , 居 未 城 道 屠 抵 州 乞 訟 綱 禍 調 之 上 令, 法 讀 罪 録 行 本 亦 計 Ш 事 去 罷 興 經 慘 葬 陽

議 役 錢 大 脩 糾 執 願 學 調 益 事 集 校 贛 恐 者 武 州 奏 懼 不 勇 坑 便 度 民 脩 冶 民 事 兵。 省 司 勢 Ŧi. 主 必 事 人 管 貽 開 奏言 文字, 陛 又 言 奏 下 路 : 一罷 憂 以 差 前 兩 廣 知 者 今 縣 忠 德 雖 北 無 益 慶 從 伐 名 府 之 必 和 租

之當 尊 支 刑 矣。」乞 經 請 自 奏 俸 錢 舉 振 而 羸 輕 事 給 署 獄 筵 節 錢 + 公 廣 雖 及冬復償 之 講 補 ·萬 權 否 内 東 道 雖 危 首 收 敝 之。 外 家 巡 讀 常 以 與 安易危 轉 口 論 者 按 拾 冗 平 進 舉留 安 政 大 運 奏義 人 不 事 市 也 「公道 臣 才 司 存 避 **�** 之得 弗 也 守令之敝 以 奏 Ŧi. 及 其 倉之敝 寒 守 公道 敢 收 對 萬 脩 必 半 暑 明 臣 捕 帝 失 楮 飭 明 以 則 爚 歲 反 爚 廢 嘉 幣 多 邊 軍 則 備 以 復 人 客 以 獎 則 0 竟 所 備 吏商 政 聖 緩 心 問 公使、公用 1 人 轉 平 獲 學 急 以 半 自 錢 難 遷 心 對 之。 反 之敝 遷 進 防 之敝 易 尚 自 言 以 浙 逋 IIII 敵 薪 左 有 求 朝 欠 治 患 凡 郎 亭 殺 小 春 提 道 義 朝 廷 召 願 官 點 隆 理 廷 自 庫 提 人 於 官 户 末

所 遷 論 或 語 子 司 業 中 言 庸 於 派 大 相 學 史 »′< 彌 孟 遠 子 請 美之 以 熹

> 言 學 以 節 忠 發 以 强 正 不 横 或 頒 心 得 暴 者 紓 人 立 流 明 備 示 惡 而 心 於 不 民 太 不 無 奏 勸 浙 人 廉 世 撫 宗宗 ·任其 千 言 力 學, 所 講 議 西 可 之所謂 耻 柔 載 依 根 得 己 社 日 善 取 正 咎。 之後 歸 喪 宋 本 之福 良 也。 君 熹 指 道 之 興 義 定 望 ^ 務 道 學 _ 0 追 0 地 乞 几 利 其 或 六 爲 儲 以 也 惟 又 罷 不 書 既 宜 僞 經 事 積 前 慰 請 僞 明 集 仕 詔 微 以 慶 父 日 天 屏 學之詔 以 之後 註 旨 備 長 趨 則 禁 元 下 熹 其 吏、 向 孝 [X] 絶 以 學 刊 孔 荒 白 來, 職 污 道 監 行 以 禁 息 學 孟 鹿 下 業 禁 之。 權 事 可 之 其 遺 洞 脩 邪 禁 夫 科 君 佞 欲 之 名 戢 斂 又 則

兼國史院編脩官、實録院檢討官。接

^{■「}後」,原作「説」,據《宋史·列傳第一百六十》改

專 聯 貸 以 有 頃 而 蕪 東 流 江 伴 警 實 儲 畝 安 其 散 以 南 種 金 里 則 多 什 集 之 糧 水 以 使 地 中 守 ; 者 于 伍 授 且. 平 戈 相 其 小 肝 田 有 教 備 盜 隊 其 民 博 就 胎 餘 以 賊 戎 險 使 膏 爲 勁 誠 建 軍 力 擊 馬 之 腴 毋 易, 悍 足 能 其 則 刺 後 馳 還 廣 食、 勇 經 長 有 戰 聚 突 占 敢 使 宜 畫 言 一一一一一 陂 之虞 爲 足 立 抛 相 郊 加 : 習 澤 室 兵 其 荒 糾 野 經 水 嘉 邊 兩 之計 廬 副 之 率 理 爲之 泉之 納 招 鄙 淮 患 使 平 戰 之 集 或 必 居 相 具 利 鬭 散 地 鄉 列 臣 於 保 則 之 田 溝 爲 觀 而 招 藩 事 耕 護 荒 洫 約 淮 集 蔽

縣 讜 輒 Ŧī. 獄 指 敝 以 官 以 進 作 或 爲 時 + 冬雷 異 廷 子 氣 臣 祭 深 争 爚 酒 上 戒 務 奏 恐 兼 諛 容 懼 侍 佞 默 願 立 以 爚 有 明 修 肅 奏 詔 論 注 具. 大 事 僚 官 遴 臣 稍 選監 , 崇 切 乞 論 者 擇 貢 獎 司 衆 州 忠 舉

> 悦 令未 以 考 而 察 天 便 意 貪 民 吏 解 者 矣 爲 悉 0 先 以 又 實 請 訪 擇 上 求 沿邊諸 民 變 瘼 而 通 有 將 之, 澤 未 則 下 民 流 心

慶 藥 之士 疾 試 耕 或 事 制 疏 不 自 聖 者 之 置 允 什 刑 時 稼 日 華言之 至言之實 使通 節 以 一,指 之 : 部 自 司 伍 兼 言 爲 若 於 利 侍 兩 教 謝 陳 好名 歷 請 部 也 郎 語 腴 絶 軍 政 閲 陽 E 致 0 侍 方 金使 陛 政 事 兼 于 要譽 陛 仕 請 既 郎 壅 以 隱 鄉 之 職 下 下 城 開 不 而 援 然 闕 依 奏 受之而 棄 沿 有 不 導 允 寓 而 兩 失, 舊 之 邊 諱 急 之 陛 淮 於 而 州 乞 明 之 賜 使 則 下 奏 \mathbb{H} 不 門,下 郡 不 言 使 聽 言 對 夏旱, 相 里 絶 覺 恤 沿 之, 朝 救 衣 之 金 罷 矣。」 人 矣 邊 廷 援 間 遣 必 心 應詔 金 則苦言之 之 歲 之 賀 乞 甘 有 方 無 此 是 民 幣 正 麗 言 鬱 非 事 盡 上 非 辭 使 封 建 而 止 則 各

著 卒 解 進 兼 史 贈 讀 所 有 太 陳 子 淮 禮 詩》之説 奏 光 聲 右 封 記 禄 議 色 庶 子 解 大夫,官 史 嗜 爵 子 × 藁 欲之戒 仍 權 詹 講 × 兼 Τ. 事 堂 ^ 其 部 左 戴 經 故 後 輒 諭 尚 筵 溪 事 懇 德 書 賜 × 讀 故 切 謚 之, 賜 事 雲 再 每 × 衣 莊 文 爲 講 \equiv ^ 外 簡 之 敷 讀 東 藁 吐 陳 鞍 宫 至 之。 舌 馬 所 經

然 城 閩 翁 辟 韜 轉 官 仲 運 至 名 司 朝 屬 炳 請 官 淳 大 俾 熙 夫 相 戊 戌 度 丐 鹽 進 祠 鈔 士 利 閒 趙 害 居 汝 號 愚 歷 悠 應 帥

備遺

曉 中 讀 朋 書 初 之樂 友 文 之 公 賢 甚 與 者, 慰 書 亦 曰 但 : 莫不 不 得 應 以 晦 舉 爲 伯 之 疑 近 説 問 口 終 更 所 知 思 未 Ш

> 一式,下尺爲言之。 之。固知試未必得,然以未必得之心,隨例

一試,亦未爲害也。」

從 炳 口 熟 預 文公與吕 知 薦 其 送 、嗜學 熹 伯 可 新 恭 教 阡 書 與 日 其 : 居 劉 密 氏 邇 兄 弟 兩 年 爚 相

乎 前 翁 ? 面 E 别 : 韜 曰 仲 有 此 受 以 學者 都不干 病 書 處。」 問 之 格 通 别 余正 物 事 患 未 本不立 然 盡 叔 受 處 病 : 義 耳 不 贵 未 在 其 精 此 自 然 這 晦

復 亦 盛 晦 恨 甚 伯 稱 又曰 矣 進 韜 亦 甚 益 仲 : 好 居 得 官 韜 他 後 不 仲 H 來 苟 皆 不 朋 苟 未 友 前 如 口 向 H 量 此 前 晦 不 也 如 伯 易 此 得 再 子 老 相 澄 朽 其 聚 兄 無

資 知 力 厚 行 重 真 之 德 而 地 不 秀 浮 作 故 純 文 其 簡 言 而 公 必正言 弗 墓 雜 碑 行 又嘗 \forall 有 必 E 用 正 : 功 於 公 確 致 天

無有 然自 天下之正 其志,而奮忠 守,以終其 論 陳謀, 面 身。 詭 隨 察微 晚躋 迎合 慮 禁從,雖未及 以 遠,汲汲 售其私者, 於扶 盡 持 行

莊 義 中 天 莊 餘,必及於《易》。 日 云,昔晦庵之講學于雲谷也,我先文簡、雲 皆 理 已有真易一部在宇 地 兄弟與西山父子游從最 谷中書室名。」 ,自有以 八極之大,察陰陽造化之妙 雲莊孫經書胡 嘗記兒時從家庭授《易》,聞之先君子 見其實而 與諸生時凌 玉齋所著《易啓蒙通 宙間,故 造 其 久。 微 絶頂 講論 其 所 0 晦 登眺, 蓋 庵 論 四書之 及雲 象 其 釋 數 觀 胸

考亭

淵

源録

卷之九

考亭淵源録卷之十

傅 伯 成

隄 改 尉 湖 以 少 溉 知 師 從 閩 試 百尺,民蒙 朱 \mathbf{H} 傅 自 中 餘 清 伯 熹 居 教官 縣 學。 成 日 千 Ţ 字 與 科 登隆 頃 其 父 景 諸 授 院 利 艱 初, 生論 興 明 壤 元 吏 州 服 即 質 部 年 除 教 下 往 進 員 授 復 流 知 外 士: 南 連 後 第 郎 以 港。 江 多 年 察 調 縣 之孫 成 少 爲 連 才。 嫌 右 東 江

吕 大 儒 祖 不 慶元 儉 不 可 初, 當 以 以 僞 召 上 ... 學目之。 書 將 貶。 作 監 又言 進 又言朋 太 於 府 御 黨之敝 寺 史,朱熹 派。 言 起

> 災,同 總 偶 官。 徼 且 秘。 漳 律 民 久 於 正 使者,遷工 民 色謂 鏬 人主 領 心 然 倖圖 浦 局 己 八十年矣, · 二 曰 權 乎? 伯成言: 濟 愛民 爲橋 列 漏 民病 古 好惡之偏。 浸多。 相 有 爲 人之所 隳 率唁 天 派 部 三十五 私 以以 本 軍 意 外而 相 侍 「天下之勢,譬 謁 革 政 丞相 苟 如 色 郎。 者, 難 推 三日 機鬼之俗 ,治道千二 此 安 動 望之,舟若 坐是不合, 熹 皆 臣 日 時 或 官 遺 夕,猶 峻 遂 則 啓邊 以 權 師 意 拒 陳 未 爲 臣 相 而 0 之。 之 釁 偶 百 如 方 規 恐 堅 遵 出 知 事 然 乘 丈。 開 由 時 覆 緻 行 知 出 進 : 者。 也。 舟 郡 邊, 敗 也 之, 漳 歲 爲 右 兩 南 州 湖 以 伯 語 相 乃 中 司 日 月 爲 創 失 廣 郎 爲 成 府 欲 既 興 尚 部 以 惠 至

● 「機」,原作「機」,據《宋史·列傳第一百七十四》改

言 臣 李 乞 之 有 日 伯 侍 雖 資 議 鄧 官 返 面 壁 明 : 語 功 成 郎 以 敵 成 友 邨 論 要 0 詔 謪 大 龍 和 人 棄 朝 彌 思 容 猶 求 臺 閩 不 居 對 史 爲 信 議 遂 固 遠 以 驅 前 尚 口 柵 諫 彌 帥 主 撫 誓 劾 欲 调 謀 功 H 及 降 多 以 侍 倪 遠 近 州 伯 納 當 誅 贖 失 其 附 乞戒 宜 舒 從 思 功 初 金 成 過 於 侂 陛 以 事 惜 伯 旧 以 拜 人 竭 矣 戰 胄 絶 乃 時 下 成 罷 將 恐 日 爲 相 之 0 盡 帝 來 追 言 之 爲 不 之。 摧 帥 今 不 事 叛 伯 者 底 前 日 急 : 麻 戰 獲 當 毋 抑 日 不 降 成 藴 : 罪 詞 守 已 嘉 失 生 太 用 非 遂 侂 者 未 之 定 有 调 計 之 事 無 调 否 則 胄 悉 爲 御 他 則 當 備 伯 以 也 和 元 之誅 其 昆 從 諫 遂 史 H 思 者 虚 御 0 年 成 家 塞 命 官 劾 負 權 今之 帑 爲 史 言 再 北 言 先 罷 也 元 召 罪 璧 戒 使 户 藏 中 使 : 破 路 思 龜 對 嘗 之 對 與 部 策 以 和 雖 不 派

> 之; 議 福 侂 ___ 胄 或 差 又 事 誅 除 灌力 而 小 史 派 若 者 代 相 立 之, 錢 黨 何 象 必 相 勢 祖 乖 擠 忧 異 0 必 安 諸 有 危 公 勝 要 大 負 事 相 協 非 以 和 或 死 争 共

歸 乞詔 集 共 義 政 葬 英 0 建 殿 大 或 拜 陽 謝 致 左 脩 臣 之 彌 諫 撰 以 乃 遠 議 公 日 知 雪 意 大 : 建 滅 其 夫 昌 私 欲 冤 吾 府 於 使 抗 贵 左 朝 有 疏 傾 遷 蔡 所 + 人 權 元 殫 有 以 定 吏 劾 \equiv 爲 謪 部 皆 利 謂 侍 死 哉 將 軍 道 郎 引 或 州 疏 以 大

請 名 害 戍 江 瘞 焉 等 貸 會 軍 藏 其 耳 野 於 進 郡 耑 寶 死 殍 耑 都 Ш 謨 句 Ш 試 不 黥 砦 閣 港 石 隸 可 兵 捕 待 在 碑 素 諸 勝 焦 制 mi 與 數 伯 軍 耑 鞫 知 之 海 成 鎮 盜 中 嘉 制 謂 江 無 不 定 爲 置 : 府 地 司 1 若 虚 逸 年 欲 伯 兩 此 去。 全 移 砦之 成 實 召 活 焦 廉 彼 赴 獄 饑 兵 Ш 知 闕 民 姓 迭 利 防

辭 矣。」除 不 獲。 實謨 行 閣 至 直 莆 學 土 拜 通 疏 奉 大 : 夫 臣) 致仕。 病 不 能 進

之説 急 今蒙 某 亂 私 今 抗 大 力 尋 金 以 帶 人 俱 内 疏 理 加 驩 言 國 奈 老 寶 木 無 \Box 評 理 而 向 兠 宗 恩 何 文 某 廉 良 詔 伯 病 事 日 之 謂 叨竊 今 閣 吏 成 即 事 耻 進 辭 胡 祖 臣 刑 日 學 宜 辭 位 渞 田 儉 夢 恐 加 未 而 某 土 官 君 至 免 喪 之 拜 里 陛 昱 之矣。 愛 幾 人言 此 臣 謫 乃 怨 提 直 風 坐 下 君 寶 而 上 而 咨 舉 進 學 俗 不 憂 論 、慶元 某 下 不 吾 斥 佑 昭 土 復聞 昔 益 或 言,誰 事 事 爲 憂 外 明 一,落 神 則 之 韓 媮 貶 小 年 邊 天常、 未 無 觀 是 天 念不 愈 臣 致 賄 當言 名 幾 感 與 恤 奉 論 上 下 仕 賂 將 民 猶 楊 而 然 疏 事 後 少 子子 扶 朝 流 邊 者 嘗 簡 斥 語 者 衰 世 以 持 ? 行 抗 祠 同 以 人 陲 所 明 彌 論 召 主 共 公 危 遂 聞 極 賜 H 禍 方 親 雖

> 之臣 圖 以 奉 垂 臣 州 自 受 盡 尋 閣 佛 有 崔 學 恩 之 殺 群、 復 無 運 土 年 優 諫 内 裴 祚 異, 者之謗, 爲言者 轉 與 徙。 度、 短 斯 效 促。 戚 官 其 今 人 里 提 萬萬 上 瞽 相 史 唐 諸 言 册 疏 去 舉 憲 賢 者 風 鴻 書 死 宗大怒, 皆 非 之, 不 馬 慶 於 爲 宫 報 牛之不 口 瘴 有累聖 愈言 愈 癘 將 復 明 比 陛 辭 相 抵 年 止 治 然 下 及, 以 貶 加 與 在 死 獨 潮 龍 臣 大 列

色 不 日 命 繕 俱 啻 厲 寫 如 司 伯 0 己 成 朝 不 端 出 純 服 1 平 實 假 而 ·三年 語 無 逝 借。 妄、表 及 賜 兹 年 常 謚 裹 慕 + 誤 洞 尸 忠 或 有 達 諫 簡 邪 几 疏 每 人 贈 草 害 稱 開 畢 正 人 府 儀 詞 项

鄭性之

鄭性之,字信之,初名自誠,後改今名,

四

六

言 端 清 又言 則 自 謹 倦 易 肅 舉 待 互. 壅 福 -? 詆 白 於 無 期 大 平 上 而 制 州 尤 動 歷 取 或 相 決 開 遠 清 元 言不 則 願 防 於 提 官 猷 體 厭,言 言 年 太 師 陛 其 詞 其 願 舉 無 知 尊 路 平 弱 下 微 勢 切 陛 善 色 召爲 玉 贛 矣。」 擢 宫。 權 冠 監 必 一之激 直 隆 治 以 州 下 以 左 之 則 從 古今天下安危之變, 盛 明 通 萬 吏 諫 又 保 何 進 所 改 讒 朱 壽 告 雍 詔 則 部 日 其 議 終 能 敷 熹 在 知 諂 宫。 蔽 君 百 難 譽 聲 侍 大 : 感 文 隆 學。 乘 者 勢 辟 於 夫,言 閣 郎 必 動 興 間 爲 毋 進 心 樂受。 所 不 激 待 嘉 府 滌 君 招 荷 華 陳 必 或 制 定 者 去 謗 愛 文 堯 趨 不 對 故 後 兀 舊 議 君 不 閣 如 知 自 若 臺 言 以 年 舜 染 言 以 待 積 建 君 恐 誰 臣 知 則 少 者 寶 進 之 堯 水 寧 制 子 懼 交 有 多 矣 朝 不 章 + 道 府 小 以 章 陛 綱 欲 提 戒 則 厭 久 閣 第

> 言之 院 院 寶 拜 治 河 彼 參 祐 消 事 事 雖 道 則 求 道 知 長 激 有 兼 進 名 宜 之機 政 者 口 益 事 自 我 知 以 知 主 公公 平 實 樞 事 政 兼 德 _____ 有 觀 密 以 事 日 拜 則 益 處 院 知 若言 端 言 事 加 樞 明 惟 之 觀 密 迺 兼 果 殿 虚 调 文 院 得 權 學 心 有 激 殿 事 參 其 士 納 歸 學 當 知 夫 善 或 士 尋 政 僉 亦 體 若 書 知 事 況 致 何 樞 樞 決 有 夫 尋 密 江 補 聽

蔡 抗

學 1 陞 工 學 部 校 舉紹定 架 教 書 蔡抗 閣 授 郎 文字。 字 兼 疏 仲 年 樞 奏 節 進 密 召 院 士 處 試 權 編 館 其 女好 修 職 元定之孫 後 不 官 差 口 遷 主 復 秘 遷 管 用 書 諸 尚 省 或 從 王 書 IE 宫 朱 本 字 刑 大

卒 學 竄 拜 權 洞 口 參 益 霄 削 中 不 官 從 知 早 \mathbf{H} 同 文 政 郎 愈 簡 乞致 事 官 書 帝 未 落 樞 仕 善 歷 以 踰 職 密 其 遷 犯 年 院 子 轉 言 權 祖 祠 事 復 吏 諱 遷 官 端 兼 部 樞 起 更謚 明 守 尚 日 密 居 殿 本 書 知 院 郎 文 學 官 樞 編 林 加 肅 職 士 密 脩 存 端 院 致 官 提 請 明 仕 事 舉 加 殿 兼

吴獵

守 薦 辭 日 初 其 親 īE 主 「今慈 字 陛 尋 吴 切 潯 知 獵 下 州 光 常 又 福 宜 平 字 宗 州 白 有 於 南 德 無 以 宰 八 此 簿 夫 疾 錫 + 相 時 縣 潭 之 留 問 久 時 大 州 張 正 安 不 用 母 栻 醴 覲 上 乞 陳 壽 陵 重 經 重 傅 召 華 略 華 恪 良 朱 0 宫 廣 有 薦 恭 舉 西 子 垂 獵 召 進 楊 白 職 F. 士 試 之 獵 萬 疏

> 容 大 裾 之 謝 夫 折 日 倡 檻 時 第 陳 今安 傅 潔 良 身 危 公不 以 而 之 言 去 際 過 於 於 宫 此 判 或 事 時 然 奚 不 有 口 益 見 所 奮 求 未 傅 發 去 聞 良 爲 有 獵 改 牽 責

紙 既 中 臨 心 輕 以 和 下 趣 艱 駁 外 去 御 豫 即 來 修 去 難 精 諫 寧宗 史 惶 未 而 位 喪 之 大 以 忠 駭 未 臣 薄 數 祗 次 浩 内 來, 茂 月, 見 即 俗 謚 謂 見 將 昨 將 焉 位 烈 首 今 事 又 上 無 服 移 又 倡 聞 遷 貫 不 日 皇 以 高 御 請 會 大 侍 出 校 出 慰 日 宗 僞 以 義 講 於 書 月 宜 在 $\stackrel{\cdot}{\equiv}$ 獵 學 張 朱 篤 中 紙 郎 天 不 年 言 禁 浚 動 書 熹 去 之 厲 以 Ż 除 興 天 配 靈。」 宰 精 遽 成 喪。 是 監 地 享 壽 誠 以 相 獵 敗 謂 察 阜 皇 御 言 又言 未 陛 利 明 以 御 亂 陵 破 批 下 有 鈍 俟 H 政 史。 畀 漢 過 異 陛 出 萬 日 上 祠 其 於 獵 下 皇 陛 魏

尋 浚 臣 員 浚 劾 外 也 終 人 罷 郎 始 爾 孝 總 此 宗 久之, 領 念, 議 規 湖 皆 恢 足 廣 黨 不 之 以 禁 合 江 志 配 弛 西 孝 出 起 宗 京 爲 飯 漕 在 西 江 不 財 廣 天 西 忘 之 賦 西 轉 靈 運 除 歷 判 户 考 亦 官 部 惟 相

陵 首 列 計 陽 凡 來 庫 士 石 村 告 要 以 之 陳 越 以 Ŧi. 分 必 郡 + 饑 邊 戍 且 境 保 韓 備 輸 出 萬 事 謂 以 誘 侂 邊 除 進 荆 荆 石 厥 備 胄 場 竊 討 秘 後 襄 議 衝 以 郢 閣 增 又 金 刺 突 皆 開 謹 拔 踰 修 光 以 安、 人 子 邊 爲 邊 撰 董 分 湖 湖 懲 弟 鄂 隙 名 逵、 信 屯 獵 北 以 主 紹 將 乃 陽 江 貽 四 漕 選 補 孟 管 興 羅 輸 書 郡 試 司 宗 軍 荆 黄 末 召 當 湖 五. 湖 和 實 良 政、 几 年 除 路 歸 蓄 南 糴 家 北 郡 之 秘 柴 以 增 米 銀 子 米 路 請 戍 敗 書 發 棗 於 扞 帛 安 以 號 9 等 陽 少 襄 武 + 今 撫 百 衛 屬 召 監 陽 昌 分 其 信 萬 萬 府 江 口 義

> 價 兀 走 沙 通 賑 公 辰 重 合 馬 濟 鎮 事 發 饑 長 東 東 湖 糶 者 林、 保 獎 可 淮 知 乃 限 安 米 之 沙 熨 江 藥 修 道 四四 價 戎 市 斗 流 陵 Щ 成 武 貴 馬 爲 府 陂 爲 昌 由 高 棗 平。 · 達 之水, 南 寸 氏 遣 林 陛 于 海 金 獵 几 辭 人 堤 西 責 計 海 招 請 又 海 北 外 金 商 於 達 出 而 真 歷 攻 分 赤 于 築 大 注 李 南 襄 糴 農 湖 下 之 金 公 紀 陽 續 城 海 中 + 貴 至 楚 則 西 萬 海 内 郡 水 分 南 望 荆 緡 ; 湖 高 谒 諸 拱 爲 減 以

竟 以 加 招 反 命 陵 寶 干 神 西 獵 事 蜀 謨 馬 節 金 張 閣 制 人 陂 築 募 警 本 韋 待 潰 死 死 報 路 襄 制 卒 之, 士 陽 兵 至 京 入竟 得 馬 襄 獵 德 湖 萬 陽、 獵 請 安 宣 陵 魏 遣 德 撫 游 張 了 分 命 安 使 騎 榮 翁 其 授 俱 迫 將 攝 將 襄 急 時 竟 參 兵援 王 陽 金 陵 議 宗 吴 人 德 竟 官 廉 曦 再 朝 安 陵 訪 犯 死 俄 狂

守。 諸 朝 去。 解 襄 險。 陽之圍 調 又 王大才、彭 督 大 尋 董 軍 以 淕 及 敷 等 忠 西 文 輅 援 事 義 閣 德 任 方 保 學 安 殷 捷 西 事 士 獵 董 分 兼 仍 爲 道 世 分 討 四 雄 夾 III 兵 叛 孟 計 抗 安 宗 金 均、房 撫 請 政 人 處 等 于 遂

栻 獵 實 于 齋 潭 表率之。 嘉 集 定六 獵 又 年 獵 親 初 召 炙。 從 湿,卒。 張 湖 **杖學**,乾 湘之學,一出 有 奏 道 議 初 六 朱 十卷 于 熹會 Ē 及

置

使。

項 安 世

下 士 重 華 而 宫 項 不 正 安世,字平父, 字、 能 安 施 世 户部 愛 上 於 書 員 庭 言 外 闡 江陵 ; 郎 之間 陛 人。 光 下 , 宗 仁 量 淳熙一 以 足 足 疾 以 以 容 不 覆 年 群 天 過 進

> 敬 就 日 自 軍 臣 駕 之念,必有油然之時。 0 入思慮。 而 萬 旋 早往則謂之省, 不 姓之上,有父子然 ·能忍 乾 轉 父子之情 於父子之際。 坤,在反掌 暮 往 間 終 後 聖 則 爾 無 以一 有 心 謂 ___ 可 君 身之寄 之定。 疏 斷 口 臣 之 9 不 願 何 理 報 用 於六 即 陛 ; 日 擇 愛 下

畀 聞 舉 奏,給 意 在 不 示 去之,是示天下 上 公議 以 天 必必 也 由 書 下 千 給給 從 朱 留之,言:「 舍見之必繳駁 明 熹召 里 爾 夫人主 以 官 舍,徑 知熹賢,不 外 明 不 俾 至闕 復 知 使 侍 陛 患 顧 公議之不 以不 快 經 御 下 ,未幾,予 不 公議 行,直 即 筆 幄 知 · 當 ?,是以 · 復 除 天 天 位 賢 使去, 也 用 熹 未 爾 可 下 賢 送 數 爲 宫 祠 且 犯 皆 熹 宰 也 明 祠 此 日 熹 而 以 知 家。 相 不 駭 安 即 本 明 爲 人主 其 見 異 世 經 加 犯之,是 初 之 竊 賢 率 變 庶 宰 號 必 揣 政 患 常 館 而 官 召 執 之 之 聖 職 不 明 執

亭 淵 源

愕, 尚 議 美 未 拜 存 不 復 供 留 知 職 僞 朱 所 報 甫 ·熹 黨 措 川 罷 俄 使 + 臣 輔 爲 H 願 言 聖 陛 即 者 學 下 以 劾 則 謹 内 去 守 人 批 主 紀 涿 通 之, 判 無 綱 失 重 册: 舉 慶 公議 忽 朝 府 驚

使 撫 獲 韋 急 員 侂 送 侂 復 禧 千 外 胄 客 胄 使 用 諸 又 知 郎 户 高 大 所 至 兵 安 鄂 陞 尋 將 世 悦 喜 江 悪 安 湖 州 無 太 以 獵 等 素 頭 日 府 廣 所 安 宣 世 起 善吴 與 . 俄 卿 屬 總 飲 第 諭 世 帥 金 領 平 淮 竹 其 使 大 獵 人 荆 有 安 漢 父 光 貽 X 功 力 渚 世 會 師 宣 乃 蜀 酒 以 戰 侂 不 人 撫 叔 潰 安 聞 爾 半 胄 俟 坐 幕 馬 似 世 閒 朝 書 薛 醉 學 官 罷 朝 雄 暇 獵 方 命 叔 其 禁, 王 獲 命 0 代 安 T 金 似 度 末 萬 遂 不 世 叔 内 徑 韋 以 久 者 户 日 權 似 除 成 遣 德 怯 艱 廢 獵 户 字 爲 周 懦 官 安 兵 部 偶 開 客 撫 宣 勝 解 益 爲 起

> 憾 上 坐 軍 也 免。 之, 多 用 獵 至是 不 後 與 逞 安 以 奪 斬 直 世 好 度 職 素 虜 龍 於 而 相 掠 啚 大 友 閣 别 獵 爲 及 寺 湖 斬 安 其 南 世 獵 爲 轉 聞 招 運 首 于 軍 者 判 朝 名 官 安 安 頂 未 世 世 家

説 于 × 世 嘉定 **^** 周 禮 元 年 F. 卒 乘 説 所 \approx 著 ^ 海 易 藁 玩 **>** 辭 + \approx 五. \sim 詩 卷 中 行 庸

董 銖

戌 科 致 鄉 叔 間 也 年 重 仕 所 董 天 至 銖 既 稱 資 + 從 冠 道 警 字 事 從 敏 郎 叔 卒 叔 鄉 重 勵 重 之 婺 志 亦 黄 儒 州 饒 於 自 榦 先 州 金 學, 誌 負 程 德 華 公 自 其 以 縣 興 墓 洵 其 功 尉 遊 少年 名 其 嘉 晚 略 語 口 定 年 以 己 唾 \Box 晦 爲 手 甲 答 :

賢 意 功 無 不 力 讀 是 拾 是 銷 深 其 裹 庵 學 0 講 察 糧 益 涵 越 書 人 持 勤 先 伏 不 之 乎 義 養 學 生 欲 守 Ħ. X 須 而 X 非 中 患 利 閩 於 敬 敏 真 所 有 中 之 使 日 是 其 庸 不 取 害 之 之 • 以 H 的 日 就 地 不 摳 資 就 至 此 \forall 訓 教 巾 用 用 要 0 倦 自 趨 此 ^ 禀 聖 思 字 舍 動 妙 之 語 又 己 反 以 函 心 志 賢 慮 彼 静 0 先 間 \approx 日 求 教 丈 分 操 尚 之 萌 之 伊 9 牛 夫 \wedge . 之。 諸 以 上 全 域 則 處 不 可 孟 叔 間 洛 嚴 _ 身, 體 致 0 憚 日 在 與 察 重 自 \forall 重 拈 學 嘗 諸 不 勞 敬 又 察 杰 滴 其 用 義 存 推 剛 出 者 語 然 書 苦 義 棄 曰 0 出 道 孰 毅 I. 理 類 此 之 於 所 字 來 夾 是 : 動 夫 上 徒 窮 H 日 未 此 雖 先 學 持 静 立 爲 天 經 夜 : 庶 嘗 樂 更 更 着 乃 生 之 始 理 空 脚 玩 取 宜 於 於 幾 陵 是 實 漸 更 亦 言 功。 終 聖 得 宜 節 教 加 用 收 大 孰 方 次 愛

學 之 義 託 遠 之 以 師 先 H 其 故 率 生 非 可 施 者 剛 害 自 論 者 於 辭 生 所 所 不 知 愛 而 也 然 計 學 矣 之 ; 先 污 教 ; 誦 以 不 而 能 後 至 於 者 習 生 有 折 深 觀 通 告 若 諸 其 諸 變 慶 衷 竹 之 叔 其 書 , 歲 歸 是 牛 望 叔 深 焉 告 生 林 節 元 重 有 書 問 輒 者 乎 翕 之 重 相 昔 精 學 雖 改 者 初 叔 無 然 先 至 愛 僞 益 舍 嘗 行 從 重 不 至 ; 叔 先 以 與 者 學 也 勤 學 親 有 通 重 狂 之反 命 定 至 牛 之 耶 9 諱 厚 語 亦 志 叔 正 亦 歌 歸 心 ? 禁 而 言 恨 勉 益 重 色 非 有 越 精 痛 覆 自 操 方 其 不 則 苦 以 長 責 其 爲 累 飲 辩 講 存 切 嚴 學 薦 散 叔 其 之, 之 見 難 懇 筵 持 月 往 抗 遣 己 而 重 有 事 之 摇 9 守 而 來 到 喻 然 爲 達 更 0 H 而 平. 生 明 動 後 師 如 以 諸 不 徒 市 名 後 與 反 H 歸 此 亦 守 理 爲 擠 肆 從 諸 負 他 生 即 亦

備遺

皆 陰之 Ŧī. 耶 也 老 所 Ŧi. 虚 爲 兩 大 而 中 陽 有 以 數 衍 Ŧi. 地 而 成 洛 若 數 數 爲 不 之 五. 銖 九, 其 老陰 書 得 數五 數 無 問 也 四十 Ŧi. 而 陽 過 Ŧi. 自 兩 所 Ŧi. 而 得 其 之 五. 而 成 其二,一其三, 也。 爲 + Ŧi. 河 者, 或 Ŧi. 六二 五 數 而 而 圖 + 日 而 陰,三二 己 何 行 成 ; 亦皆因 是故三 自 得 + 者 : 至 忧 實 兩 天 Ŧī. 天 皆 九 其 ? Ŧi. 乃 無 而 地 者數之 五. 此 五 三,一其二, 成 其 各陰 Ŧi. 因 銖 至 之 七,三 定 福 + 而 三,三其二, 切 Ŧi. 而 數 地 數 之 後 積 陽, 謂 爲 而 得 + 則 祖 五 所 得 數 後 少 天 Ŧi. Ŧi. + 錯 也 以 而 得 積 陽 地 凡 + 有 成 而 爲 故 者 而 數 蓋 之 川 之 數之, Ŧi. 何 Ŧi. 五. 参天 凡 爲 所 故 而 數 自 四 亦 五. 爲 Ŧi. 小 以 得 : 求 而

> 於五 爲洛 衍 成 之 陰之位於 之位 文 爲 之數,皆自 五. 十 河 也 虚 公答 +, 數 圖 而 中 則 數。 德 常 若 極 氣 書 Ŧi. 數。 而 合 洛 六共宗, 三八成 爲 於 0 日 ; 之數 + 無 爲 爲五 書 不得 仁、義、禮、智不實有之,亦不能 : 此 信。 五. 所 者, 此 河 +, 所 皆 友,而 爲 此 ; 此 而 圖 五. + 即 以 水、 衍 五. 五. 爲 説 數 之數 以 也。 太陽 數 而 爲 此 爲 居 而 見 始 火、木、金不 實 何 少 數之宗, 五. 中 極 之位 於 耳 陰 ; 以 是 乃 數 之 之位 散 用 成 故 兀 而 數 衍 此 爲 也 布 是 數。 + 五. 爲 四 而 0 而 以 五. 於 數 + 之 數 七 成 +, 揲 四 於 外 也 不 得 散 宗 所 共 九 之, 知 蓍之法 Ŧi. 爲 土不 布 朋 而 口 以 祖 即 是否? 行 四 道 爲 於 各 爲 是 而 爲 能 而 爲 外 大 極 大 觀 几 爲 少 必 各 衍 爲 其 衍 之 而 + 陽 太

相 錯 而 銖 己。 又 問 故 太陽之位,即 河 啚 之數 不 太陰之數。 過 奇

洛

書

則

爲

九

河

置

之

四

在

洛

書

則

爲

七

也

異

同

謂

五.

異謂

河

啚

在

陽 數。 中 陰之位 陰 地地 太陰之位 陽 即 十 相 錯 少陽 亦天五之成 所 之數。 即 以 太 爲 陽之 生 數。 少陽之 成 數 也。 蓋 位 見 天 其 五 即 迭 地 少 陰 + 陰 之 几 居 迭

少 不 九、八、七、六,其數亦 陰之數,少陽占第三位,已含少陽之數 位,已含太陽之數; 過五也。 洛書之數,因 不過 少陰占第二位 一、二、三、四 + 蓋 太陽 占 以 已含 對 第

己

各 少 太陰占第四位, 陰 自 得 爲 數 五 而 然五 成七, 數 已含太陰之數。 少 居 陽 中 得 太陽 五 而 得 成 八,太 五. 雖 而 其 成 陰 陰 六, 陽 得

成 否 五 之 而 數 成 ^ 啓 九 者 蒙》言 亦亦 則 與 無 • 河 以 圖 其 異 數 也 陰 與 0 位 不 陽 知 皆 相 可 \equiv 錯 同 如 而 而 此 爲 生

含六、七、八、九者,以五 乘之故也,蓋 數 之説 蓋 是 則 易 否?」文公答曰 雖 而 九特 尤佳 陽 陰

而

實

陰

雖

易

而

實

未

嘗

易

也

不

知

所

論

甚

當當

河

圖

相

可

易

陽

全

陰

半

陰

常

從

陽

也

然

Ŧi.

陽

也。

四

陰

也

陽

不

口

成

數之陽,

所

以

成

四

生數

之陰。

陳 文

資 之 卷 嘉 屢 門 熙 聘 禀 五 深造 卷 己 端 穎 陳 不 異,十 亥卒,年八十六。 起 文 平 蔚 中 自 講 得 字 \equiv 守 學 才 能 臣 鉛 以 卿, 文。 上 Ш 斯 其 著《 道 信 既 自 書 州 又 壯 尚 任 上 有《 詔 書 從 饒 克 補 編 隱 游 人。 齋 迪 居 類 于 半十三 功 教 朱子 自 郎 ル

備 遺

少緊。 日 與 他底 精 道 存 心 精 文蔚 危微 未 當云 是, 9 云 共 須 只 : : 别 是 須 心」,文蔚答之 徐 知 答 人 子 妙 心 他 融 旨 與 底 嘗 存 道 亦 有 精 心 慢 0 日 下 , 詩 : Ē 先 爲 末 句 牛 固 救 句 知 F 云 心 得 妙 :

禀 才 性 謂 子 有 得 卿 故故 熱 氣 謂 子 此 即 以 大 道 是 融 有 是 此 黄 他 理 謂 性 本 爲 寒。 惟 禀 : 無 然 氣質之性 得 仁 二之性 枯 許 此 則 槁 此 多 性 得 之 説 氣 是 日 其 中 亦 氣 故 性 : 全。 , 是 有 子 即 質 亦 是 性 只 之 如 是 融 有 動 有 理 性 他 認 物 許 氣 有 元 知 多 才 性 不 覺 則 故 理 曾 即 卿 又 爲 附

近

之 性

矣。」

前

但

於先

生此

説

亦

未能

釋

然

爾

文

蔚

答問 文 是 文 會 此 之諸家之説 訓 甚 不 覺 弟 上 顔 工 蔚 討 /蔚 怡 徐 0 間 數 有 無 來 饒 他 學 丈 有 士 語 將 近 適 月 褊 徐 再 所 文 日 誦 簿 欲 雖 友 · 覺 急 蔚 助 Ī 使 當 持 深 詩 多 學者往 詳 之 所 招 與 知 文 守 請 人悵 見 幸 教 疑 觀 但 非 病 先 優 \leq 頗 皆 而 益 子 非 渠 事 附 生 怏 折 游 是平 嚴 竟 乃 徐 也 來 弟 先 簡 目 書 會 爾。 衷 諷 未 0 平 簿 絡 時 生 今 以 周 日 咏 得 可 近 日 却 日 繹, 而 言 有 復 先 先 彦 : 略 其 所 甚 以 所 亦 部 相 當 生 安、 生《 不 謂 見 未講 寬 讀 聞 本 今 疑 聚 運 能 還 有 其 者 緩 玉 集 書 趙 歲 其 之 得 進 Ш 出 亦 此 Ш 傳 司 離 己 似 役 其 道 間 日 今且 於 能 間 縣 兼 户 辭 析 意 無 精 夕 學者 學 使 却 尊 文 皆 方 相 太 趙 相 可 勇 所 却 理 體 蔚 人 有 此 别 遣 者。 疑 過 館 附 白 自 子 録 下 驗 會 想 動 子

味 專 參 看《 Ш 云 再 去 所 驗, 呈 歲 忧 《詩》且 子 説 所 否 久當自見,切忌 答李 當 ? 所 顔 己 答守約 如 慮 見之,若 守 此 室 有 約 蕭 亦 未 書, 書 佳 然 穩 大 嫌 **\$** 有 切 便作見 概 大凡 離 嗣 以 望 得 敬 析 自 開 之, 讀 却 樂, 解 示。 收 書, 更 教 主 令人 去 先 當 須 張 他 生 虚 也 且. 不 捏 敬 作 虚 答 心 審 嘆 玩 書 曾 玉 心

所 根 以 更 曾子 在 間 感 戦 私 物 戰 意 又 兢兢 竊 發, 發, 如 如 隨 臨 何 即 ? 深 鉏 淵 日 治, 如 : 雖 履 只 去 薄 得 枝 冰 葉,本 如 此

當

更

純

熟

也

退,頭 先 節 卿 孝自 赧 生 然, 曰 才 容 之 卿 思 少 急 學 「公昨 以 不 偏 叉 有 右 獨 手 忘 手 安 頭 夜 鞠 耶 拽 定 容 説 躬 ? 凉 要 忽 手 日 衫 直 厲 向 容 徐 「忘了 聲 恭 左 心 節 **今** 云 袖 亦 孝 口 要 ,。」 先 却 見 偏 頭 如 胡 於 容 生 此 安定 直 自 邊 才 此

> 更 面 色 做 無 容 那 邪 莊 莊 1 最 出 難 學 來 者 \sqsubseteq 日 須 : 是 如 心 此 肅 始 則 得 容 莊 才 非 卿 是 問 外

恐 之,以 更 爲 夫 衡 而 於 也 存矣。 喜 無 自 實 交 詳 及其所 有 若知 涉 新 地 來示 不容 詩 格 也 加 此 甚 物 功 未 9 捨 佳 致 心 知 知 者 若 知 此 H 用 只 康 理 亦 只 亦 就 節 端 T. 不 是 是 之 胸 夫 的 待 大 乎 懷 精 本 在 求 其 者 未 我 進 而 元 所 易 也 得 如 則 己 無 E 窺 此 參 知 不 兩 學 測 者 前 樣 待 尤 他 須 推 操 倚 以

之貢 闡 於 理 書》 築 於 者 巖 九 而 文 揖 精 蔚 之 疇 分 賤 遜 殊 進 之旨 征 天文 尚 誅 官 拔 書 首 稽 伊 制 心 編 七政 刑 尹 同 傳 類 於 以 於 而 表 儆 之 耕 \approx 迹 齊 有 野 聖 異 終 之 位 彝 篇 地 微 侯 倫 德 理 云 之 甸 載 好 相 男 叙 生 竊 傅 九 衛 説 州 備 謂

公 知 理 獒 佞 非 於 治 獻 其 典 或 孤 沉 而 民 學 安 則 狎 湎 心 師 之 民 邪 傅 召 何 之要, 鼎 ^ 惟 公之 以 無 言 所 耳 其 經 逸 是 繫 雉 戒 人 邦 > 亦豊 非 俾 鳴 乃 陳 而 微 輕 知 尊 論 無 則 則 於 經 以 道 誠 統 祖 侍 之 艱 至 ; 宗 宜 己 明 御 難 不 用 之 會 图 僕 法 以 人 ^ 元 訓 忽 建 從 酒 正 之 人。 官 誥 图 方 凡 未 > 罪 大 此 免 西 深 正 皆 要 親 則 旅 徽

官 具 其 僑 道 審 極 上 録 理 解 奏 0 俾 饒 先 要 來 釋 極 徐 陳 師 上 仔 僑 道 坦 所 文 文 朱 明 細 在 著《 盡 蔚 而 蔚 熹 講 易 0 在 於 亦 與 上 次 見 臣 是 是 嘗 臣 嘗 日 傳 矣 經 理 以 書 令諸 陛 : 0 宗 玩 數 下 繹 亦 問 至 聞 篇 倘 子 焉 是 考 云 其 示 命 師 其 亭 特 曾 臣 則 守 事 門 人 補 著 帝 臣 之, 相 有 人 文 ^ 干 書 給 與 立 蔚 知 傳 僑 參 筆 之尤 傳 初 心 奏 訂 札 建 0

輔廣

元 子 嚴 吕 稱 傳 問 祖 經 廣 × 貽 謙 輔 註 不 ^ 先 廣 釋 通 爲 後 生 ×, 字 鑑 動 卒 别 漢 集 業 語 號 嘉 卿 義 于 孟 潛 \approx 定 答問 考 慶 庵 ^ 間 亭 源 日 奉 新 祠 0 淳 録 云 居 《纂 謹 \approx 歸 嘉 勤 隱 疏 師 興 恪 語 訓 ^ 溪 詩 學 編 初 著 禁 童 事

備遺

討 其 卿 在 説 都 仔 不 城俗 今并 倦 文 細 公 報 之 學聲 去 意 答 録去, 矣 漢 利 前 卿 場 熹 口 時 書 中 見 向 所 日 於 報 前 : 而 説 能 實 中 示 之誤 閉 庸 有 喻 門 章 錯 所 也 自 句 誤 疑 守 漢 中 己 足 味 卿 嘗 見 令 著 身 直 探

鄙 日 有 之 見 意 相 見 其 所 更 EK 不 不 款 幾 者 味 勉 今 力 品 雖 又 品 白 卒 相 之 來 究 去 心 金 之遠 大 業 華 實 口口 相 無 門 愛 由 之 重 面 士 講 旧 以 恨 亦 盡 前 鮮

略 得 加 刊 又 近 答 削 看 深 舊 日 作 : 覺 諸 義 讀 書 理 書 之 其 既 間 無 有 窮 有 味 也 説 未 想 透 見 處 自 住 見 此 不

諸 渠 及 諸 之 能 生 之 者 方 自 文 比 幸 拔 公答吕 · 各 説 也 話 散 向 去 子 儘 在 有 臨 約 頭 安 今 書 緒 H 相 聚 漢 : 好 卿 見 商 風 忽 量 伯 色 來 恭 愈 非 甚 勁 舊 路 徒 不 德 精 易 章 無 舍

隱 是 訓 生 從 日 好 似 錢 或 主 謂 廣 王 自 静 巡 請 漢 向 华 錢 于 卿 裏 澄 塘 多 先 做 清 城 禪 生 工 之 語 夫 見 語 求 樓 賀 居 何 櫓 先 大 敬 心 生 云 此 窮 屬 日 前 理 承 佯 大 几 言 爲 字 漢 静 昔 丛 卿 不 曉 羅 教 先 自

便 底 不 不 數 謂 H 前 到 调 廣 動 世 爾 V 而 是 0 聞 覺 説 之 日 鉛 贊 間 0 問 T. 物 師 問 則 惟 夫 謹 與 怵 與 席 多 汞 嘆 病 漢 何 廣 皆 當 公, 之下 精 獨 聖 謹 龍 然 輕 卿 用 吾心 誦 移 請 蓋 底 賢 率 獨 有 虎 戒 道 此 則 義 錢 白 工 警 之 於 謹 之 兩 舊 皆 何 於 無 理 古 内 日 夫 先 屬 善 恐 段 于 年 等 吾 善 那 有 日 施 : 生 讀 又 耳 懼 心 物 其 心 惡 皆 者 見 之。 但 日 廣 向 書 所 ? 言 古 之 先 都 人 ~ 持 : 思 如 廣 外 到 以 有 幾 也 身 中 生 蓋 錢 不 守 之, 問 道 禦 去 適 先 訒 内 泛 庸 能 風 H 非 察 而 戒 家 然 寇 底 生 便 > : 説 之 所 玩 在 不 論 之 謹 説 先 有 意 昨 是 以 有 義 外 以 失 此 生云 存 道 愈 感 不 思 日 日 惟 之物 之物 理 養 寇 爲 睹 精 想 發 言 不 : 便 精 不 此 在 心 樓 法 可 愈 : 處 是 恐 是 惟 深 果 廣 内 櫓 密 離 惟 懼 廣 前 又 所 自 中 不 能 故 面

Ŧi.

八

持 不 不 削 順 得 守 先 可 先 不 惟 其 其 然 持 精 戒 惟 不 守 精 謹 惟 可 而 而 不 後 底 後 察 其 其 E ; 謹 夫。 惟 謹 獨 獨 0 不 時 舜 睹 論 古 不 : 人 當 聞 兩 心 致 時 事 察 道 皆 古 心 然 當 少

自 著 放 自 誠 Ħ. 如 然 説 加 然 何 則 敬 誠 此 不 此 時 到 先 然 誠 縱 不 只 自 生 是 後 是 放 字 問 誠 然 縦 誠 如 不 箇 處 : 也 義 放 何 有 朴 誠 欺 ? 日 不 勉 日 直 敬 誑 敬 : 欺 爲 : 廣 慤 只 矣 誑 誠 是 實 且. 敬 字字 時 : 箇 莫 世 到 9 不 收 如 理 敬 得 有 亦 欺 何 斂 是 會 把 有 \perp 誑 看 畏 先 夫 自 把 捉 懼 後 時 捉 到 然 初 廣 時 誠 工. 不 時 敬 也 K 夫 時 縱 則 有 是 須 :

義 於 理 主 無 先 安 上 生 着 做 諭 處 工 廣 夫。 都 : 不 若 是自家 今 無 講 主 學 物 也 工 事 只 夫 如 若 則 此 有 所 主 講 更 底 須

> 時 别 了 放 然 心 求 子 家 工 自 求, 放 放 説 精 夫 物 須 則 心 明 事 家 去 纔 便 則 者 0 不 0 學 覺 外 心 在 外 知 I 問 不 則 非 面 此 面 便 求 夫 然, 之 無 是 捉 許 在 到 道 求 將 便 别 多 孟 某 這 時 無 不 緩 來 子 義 去 當 裹 得 他 纔 求 散 又 理 謂 之 主 若 求 消 箇 方 雞 E 雞 理 是 其 始 犬 : 心 索 大 雞 放 自 來 放 猶 T 爲 便 心 家 犬 存 我 覺 是 没 猶 而 心 則 着 外 有 意 意 有 己。 知 物 思 只 更 都 求 思 求 好 纔 纔 不 不 所 是 覺 謂 用 孟 放 卓 自

好 謂 實 理 心 主 實 則 無 人 蓋 以 具 公 虚 先 指 心 且 生 0 私 此 理 實 説 舉 實 欲 又 而 則 伊 看 然 爲 言 理 是 之 川 主 説 也 虚 説 如 理 故 却 何 日 故 實 日 無 有 實 主 , 主 廣 有 人心 先 則 則 主 云 生 實 無 實 則 主 有 此 虚 : 則 有 主 此 實 實 主 則 字 無 實 心 則 實 是 字 主 謂 虚 不 則 則 無

許 明 好 蓋 砂 土 毫 指 便見 私 私 意 欲 着 而 言 不 也 譬 以 如 理 爲 ___ 泓 主 清 則 水 此 有 心 虚 少

覺 别 矣。 分 不 事 不 行 脚 他 要 僻 曉 得 如 要 時 底 只只 尋 下 之 自 行 譬如 思,却、 寫 真 做 思 廣 然 便自省覺莫要行。 是 則 捷 德 若 字 問 而 慮 將 覺 漸 剥 徑 秀 作 能 坐 人坐不定 去, 落 漸 得 容易制 不 「人之思慮 跋 盡 詩 得 將 覺 消 不 久 知 之屬 《文公 去 定矣。 聖 得 殞 當 了 久 何 賢 去 此 思 意 者 純 以 言 惟 初時 與與 重 又如: 量底, 見, 兩 熟 制 何 語 是 有 漢 彼 之。 念念 然 必 來 許 邪 脚 久 自 卿 輕。 人有喜做 横 玩 便莫 久純 多 後 常 有 然 帖 要做 要行 生 味, 無 正 能 久 日 無 念, 要思 : 頭 一,若大 日 如 熟, 久不 見 此 此 面 得 等 此 更 但 亦 不 嘉 要 知 義 要 自 思 不 段 遏 亦 纔 便 定 得 緊 不 理 捺 然 慮 緊 要 從 邪 無

> 敗 餘 劾 物 敬 初 公。 ,至今無一 年, 情 年 話言 當 公輒盡言 乃見公上 識公都城。 然在 時 達 所 及,皆 朝 官 語 時 貴 弗 規 政 未 人有 驗 戒 諸 容 府 知 老 止 書 所 知 嗚 會 先 坐 氣 呼 公者,舉 中 生 果 象 通 賢 執 典 何 法 其 不 刑 事 新 論 措 類 受命, 是 東 後 少 私 非 不 南 竊 成 遂 起

考亭淵源録卷之十

一五九

考亭淵源録

考亭淵源録卷之十一

潘時舉

潘時舉,字子善,台州天台人。嘉定

中

爲國

子正

備遺

於粗 根 「不要討 一,便 某 率, 先 向 更 生問 他 加 甚 無 説 仔 病 精 時 密 根 細 頭 舉 之功, 但 便 觀 痛 T 炙 書 知 頭 如 不 道 今學者 何,時 知 粗 脚 病 率 痛 根 炙 舉自 亦 便 何 脚 多 是 在 病 來 病 求 在 在 這 這 病

上,只治這上便了,更别討甚病根也。」

象言 聖 者多 往 理 説 《程易》,見其只就 上 看 底道 天下之理,若正 以 人作《易》之本意。 因云:「熹少時看文字時,凡 初作《易》之意。 侍 其彙, 生 底,須旁搜遠 而 坐,時 議 不 ,則當卜筮之時,看 一部《易》,皆 熹之《啓蒙》自説 理。」曰:「《易》最 先 云拔 如 論,却不曾靠得《易》看 生 征 是, 問 舉 吉」, 茅 時 日 如 舉 説 何 取 何 謂 且. 耶 看 ,必要看 ? 出 人 是 其 向者看《 今日 如《 **^** ? 便 事 假 引 易 時 得分 泰》之初 難 上 借 賢 是甚 只 如 看《 舉 看 説 如 虚 作 類 得 此 退 程 曉 無 俗蒙 何 設 見 事 進 須 他 之類 看 , 易》 所 之 有説 且 要識 也 件 透。 九 非 都 日 ×, 啓 辭。 只 試 用 以 日 9 : 來 |拔茅 方 蒙 要 就 都 不 得 今之學 去 聖人當 用 應得。 蓋 見 見 合 惟 注 須 常 只 看 不 茹 得 聖 晚 道 思 看 正 解

體 篇 事 則 作 如 如 該 其 得 云 泰 他 何 本 引 應 賢 無 事 初 理 耳 類 九 類 定 便 此 進 若 既 先 者 見 用 實 IF. 生 皆 得 作 頷 事 ^ 口 唯 引 易》 之。 應 來 以 賢 也 只 尚 拔 類 是 茅 虚 谁 ^ 虚 茹 啓 説 設 用 蒙 之 則 象言 之 應 • 後 始 警 辭 便 學》 之, 有 看 只

要 矣 謹 夫 是 矣 之 虚 恐 世 然欲 然著 着 只 懼 先 此 生 之 是 專 箇 答 力 心 務 略 戒 子 静 隨 綽 謹 則 善 坐 動 提 恐 自 書 隨 懼 撕 又 然 日 静 恐 主 四 : **\$** 字 墮 無 宰 自 所 落 時 分 己 論 省 無 那 明 是 覺 爲 處 壓 義 學之意 邊 不 得 便 理 致 去 重 是 昭 其 T 工 善 著 只 戒

但 文 説 字 只 是 先 話 生 不 相 却 歷 去 似 細 言諸 正 不 膩 處 親 向 生 看 切 之 面 却 病 前 也 去 甚 看 却 偏 他 切 去 傍 9 身 謂 却 處 E . 去 看 做 背 時 工 後 如 舉 夫 尋 與 看

> 此 1 亦 病 以 是 痛 爲 立 面 心 想 前 不 見 説 定 日 話 故 用 皆 爾 T. 不 夫 切 足 宜 也 道 戒 只 去 此 小 亦 處 不 理 此

若 至 間 長 却 義 只 ? 3,今只: 於 摺 良 是 長 梏 此 轉 得 L 時 義 舉 既 亡 來 \equiv : 作 一問 0 也 放 都 四 生 時 放 消 分 而 息之義 舉云 去 磨 無 日 日 未 操 T 間 夜 : 遠 這 存 所 之所息」,舊 如 此 之 凡 故 爲 子 功 何 物 亦 ? 意 又 H 能 則 思 做 夜 日 安 生 7 古 得 此 兼 七 有 所 自 近 止 八分 生 以 能 但 息 看 之 終 夜 生

合 者 見 做 自 其 是 下 將 下 莫 者 去 面 自 先 不 做 生 下 得 先 有 謂 面 上 見 到 箇 做 者 時 上 得 當 舉 上 面 便是 箇 去 然 日 極 大 之理 : 處 體 就 者 大 事 亦 却 是 凡 此 上 只 自 爲 自 所 硬 學 此 上 謂 尋 理 而 有 面 自 箇 觀 做 兩 大 自 道 事 樣 下 本 理 來 而 面 湊

若 時 他 舉 不 會 便 安 謝 人 Τ. 旅 理 推 云 處 夫 静 被 用 大 中 顯 之 不 會 耳 却 字 私 言 大 如 行 涵 道 達 將 要知 恐 爾 未 段 游 也 雷 慾 平 后 知 養 請 道 學 畫 夫 聰 必 來這 定 引 拘 這 在 只 日 問 者 這 也 在 不 不 便 明 夫,後 去 束 地 學 些 焉 是 聽 説 省 此 是 好 裹 中 他 間 子 若 應 争 去 話 方 只 便 在 却 使 事 次 善 會 箇 他 是 來 復。 也 昔 扶 云 便 不 接 端 做 第 學 説 既 在 醒 不 似 明 溝 : 做 着 物 耳 某言 用 學 先 在 底 與 道 睡 時 空 便 先 . _ 且 夫 這 話 説 王 者 腄 着 只 此 在 虚 者 生 静 自 裹 大 日 語 分 以 着 恁 相 認 説 扶 段 然 日 若 坐 1 至 耳 似 地 熹不 又 盍 須 了 溝 無 : 落 會 説 H 若 聽 向 若 從 做 差 閉 空 謂 着 人 此 欲 只 時 那 T 且 便 行 大 錯 \perp 弱 若 裏 實 更 説 舉 心 是 之。」 無 如 門 本 夫 處 討 與 自 醒 時 理 程 與 做 要 大 商 1

> 是 如 只 到 也 漸 略 者 倒 得 初 他 諸 氏 得 後 有 逐 何 錯 後 漸 有 見 否 有 唤 生 旋 便 來 這 淡 他 逐 所 蜀 豁 醒 I. 來 挨 得 見 果 然 般 去 時 旋 夫 看 日 纔 超 去 狂 1 覺 頓 如 看 挨 不 這 常 : 醒 先 底 悟 來 去 自 甚 得 人 何 又 云 時 之 生 所 熹 會 果 也 超 嘗 有 便 節 説 日 謂 所 超 詣 然 是 也 只 倚 無 所 : 豁 詣 曾 早 淨 尋 以 靠 K 不 事 悟 然 只 時 爲 潔 常 見 得 上 知 矣 漸 從 頓 後 舉 聖 0 快 叢 使 聞 漸 悟 來 大 退 活 人 時 得 如 林 時 先 淡 本 者 所 陸 而 便 舉 否 舉 中 生 7 然 爲 上 思 即 云 子 有 大 賜 乃 稍 不 理 之, 静 日 言 教 到 K 是 却 久 知 口 今 當 更 不 舊 則 頓 云 倚 到 知 悟 亦 却 時 却 顛 時 釋

須 曰 要 : 成 是 亞 事 軍 夫 要 蓋 問 勇 人 子 行 古 行 有 軍 好 者 謀 軍 要 則 而 謀 事 誰 不 既 與 成 好 先 却 然 生

成 亦 不 非 濟 勇 亦 事 ____ 不 能 時 決。」 舉 因 先 云 生 . 日 謀 然 在 先 成 在 後

之 如 自 明 此 牖』之意亦 子善問 否 而 道之,『致 生日 略 其 相 曲 . 次 類 正 是 致 因 是 曲 納 己 如 約 與《易》 一之明 此 自 牖 而 是 中 推 之,是 因 納 約 人

胡泳

著《 友, 南 康胡 人無間 四 胡 書 泳 氏 衍 字伯 言 鄉 説 約 又 量 弟 推 南 伯 其 康 履 施之家者達 建 號 昌 西 人 遠 别 之鄉 號 兄 桐 弟 原 孝

備遺

泳問:「每日暇時略静坐以養心,但覺

長 寧 T 不 是 意 (,便是) 多 息 活 自 可 時 少 胡 然 底 紛 思 亂 物 正 起 思 又 慮 事 0 日 要 如 纔 且 . 静 何 不 着 越 窒定 要 要 箇 不 静 恁 要 静 便 地 静 教 0 是 拘 底 他 日 先 意 迫 不 : 獲 他 思, 思 程 9 ? 便 便 子 須 是 是 謂 自 只 是 助 有 添 心

得 ? 所 此。 外 事 隨 夫 逐 時 少 不不 謂 他 物 工 而 無 夫多 也 言。 動 去。 伯 成 動 有 莫 事 亦敬,静亦敬也。」又問: 量問: 説 事 時 時 管 一,少 只 泳嘗驗之,反見 事 時 易 固 1他,有 是 多 間 須 得 是敬 南 事過 撓亂 着 撓 隨 應。 軒 有事 亂 事 事 了 人, 所謂 來 耳。」曰 逐 且 我 自 時 時敬 物 如早 且 家 得 敬者,通 須 去了。」 去 : 依 静 着 便 間 静 在 舊 時 應 起來 但 如 坐。 事上。」 來 他 工 日 何 貫 一恐静 這 夫 有 去討 動 也 不 裹坐。 少, 是 只 隨 静 許 時 得 如 静 Ι. 多 事 動 内

事 睹 内 獨 不 其所 懼 問 離 静 天 先 道 戒 聞 所 理 時 不 如 懼 得 聞 謹 未 謹 泳 又 日 固 又 可 覺 此 乎 謹 也 獨 發。」 問 獨 戒 日 方 言 須 得 其 好 獨 是 至 以 説 謹 戒 臾離」,故言『戒 上 一於不 所 是 由 莫見乎隱, 曰 發 得了不 切 泳 恐 章 謹 又 戒 不 内言之,以 檢 . 處 謂 欲 問 謹 言 懼 睹 睹 恐 防 言 謂 大 如 可 懼 恐懼是 不 不 — 人 動 道 物 須 此 戒 聞 聞 與 覺 余 欲 莫顯 時 欲 懼 不 臾 説 謹 得 或 自 及於外。」問:「 0 之 離 是 又 由 可 也 獨 與 謹 也 秀 發於心 日 淺 乎 豊 外言之,以 好 其 須 出 謹 恐懼 是 謂 深 微」, . 常 也 可 獨 臾 戒 在 難 又 不 離 日 皆 其 謹 也 以 懼 後 故言 分 日 戒 所 得 以 獨 至 是 0 是 動 謹 然。 自 盡 不 此 見 見 是 保 不 H 謹 睹 又 於 氣 所 謹 恐 於 口 守

> 端 巾 ____ 日 也 是 如 此

潘 柄

著《 瓜 Ш 四 潘 柄 講 字 説 謙 × 之。 ^ 易 年 解 \approx 尚 從 書 解 **%** 别 號 晚

備 遺

毫 性 理 也 用 知 釐 後 而 也 處 之間 , 覺 以 來 晦 所 其 見 翁 智言之: 心 以 之 爲 得 答 知 知 精 是 謙 如 是 覺 非 何 之 以 非 所 者 即 ? 察 書 而 以 所 之, 性 心 是 知 以 . 只 也 乃 非 是 具 是 所 之者 叮 非 此 此 理 喻 見 之 理 處 心 耳 理 情 情 而 分 性 是 行 也 别 則 分 愛 此 流 智 别 恭 只 具 情 出 也 宜 在 此 運

質之昏

明

猶

大

惻

隱

羞

惡

可

以

見

義

之

可

日

别、喜怒哀樂、皆情也。以前説推之,可以

三隅反矣。」

諸 事之類。 性 之,此等處 當 性』是已 心 [X] 卦 更 本 推 人 一之意。 玩 儒 三句 須 取 爾 尋 静 成物之類 仔 坐 味 説《易》之大病 又 成 見 八書日 陰而遇 是 細 易説 成之性,如言成 得 然 之者性』, 『成之者性』是 闕 卜田之吉占,特於《巽》之六 占 看 孔 有 静 其 : 0 詞 可 》大概得之。 坐 孟 所 Ŧi. 不 『神之所爲』與『祐神』同 所 非 與 以 解者,有不 陽之義,今如 疑 知 示 發 觀 成字 上 9 非 能 問 不 明 却 理 兼 聖 目 萃 可 無 義 成就之意,如言 説 兩 此 人 聚 但 此 强 如 成成 同 可 不 兩 係 之意 説 伊 穿 解者, 一陰 而 意 此 相 法、 辭 ĴΠ 鑿 用 説 否 妨 焉 也 要 亦 成 異 也 ? 亦 生之卦, 只 而 乃 須 有 0 德、 佳,但 得 四 明 此 爲 從 時 萃》 與 成 成 成 成 吉 虚 是 的 教 上

> 文字? 得 神 但不 德行』之神小異。 有疑 免微有牽合之病耳。 幸 語及 也。 法 象 變 通 近 日 如 别 此 説 看 亦 甚

之功 知 無不 淪 也。一 未 迫 不亡之時。 何 能 如 於亡 用 而 問 何。」 是不非之處 問: 便 難 ,則陷於惡而 工 如 而 久,纔 方可。」曰:「只是君 「凡人之心,不存則亡, 此 曰 不 尋常 一道道 自覺。 也 故一息之刻,不加 放 於 下 理 不 則 存 天下 故 古 自知 又散 養 是 時 之事,不 事之微,不 如 緩 若 柄 此 而 元不 擡 ,然初學後 近見 提 不 是 收,不 起 省之力 曾 而 如此,不 則 心 加 放 無 非 精 得 不 知 則 亦 察 存 則 下 如 而

楊復

楊復,字志仁,福州長溪人。從文公

一六六

雜 啚 知 游 後卒 説附 十四四 福 州 註》二卷。 一卷、《 創 業 貴 黄 儀 德 榦 禮 堂 之 門。 于 置 郡 解 》十七卷,又有《家禮 學以居之。 别 號 信 齋 著《 真 祭 德 禮 秀

備 遺

德 本 有 晦 過 翁 於 嘗 踈 日 之病 : 楊 志 一有過 於密之病 陳

修 禮 書 又 日 具 有 昨 本 末。 寓 若未即 山 與楊 死 志 尚 幾 反 復 有 以 遂 所

何鎬

此

志

也

朝 奉 郎 何 鎬 通 字 判 辰 叔京 州 邵 生 **弱**。 武 孝謹有器 父兑,始 識 仕 既 爲 出 左

0

期」《閩中理學淵源考》卷二十三作「則

言,爲 就 傅, 文敏 暮 歸 而 期 有 不 思,趣 復去 尚 親 高遠 側 識 0 者 誦 奇 書 日 數 千

其所聞 嘗 誉。 此 惻 慨 伸, 而 經 忤秦檜, 及 史,取 自 南州之爲程學者,始又知有 憂勞,如己 可 服行 功 信,於是一 至其論説 辰州 舉 利。 者 而 不怠。 友 下吏竄 嘗 語 行。 四 至 受 鎬。 嗜欲,言行 方, 於收 古今,指陳 程 平居崇德 意操存 又 南 鎬 博考旁資 氏《中庸》 以 方 族 既 其 9 恤 扼 受 忠節 大 杜 相 死 孤 其 義 得 循 不 門終日 説 事 興 失, 厲 之學於東平 没 以 馬 恨 狀 事 廉 氏 則 則 相 身 濟 移書太史, 節 之傳焉 益 參 間 又 不 衆 澹 伍 明 務 復 懈 絶 然 貫 白 悉 則 穿 馬 未 無 以 由 懇 慷 久

簿。 始 再 調 用 汀 辰 州 州 E 致 杭 仕 派 恩 補 數 官 行 縣 授 事 泉 州 專 安 用 溪 寬 簡 主

尊 鎬 均 得 月 使 爲 者 治 即 其 不 貧 謝 情 得 鄧 弱 而 釋 去 伯 白 當 受 決 罷 熊 路 檄 病 遣 行 税 鮮 鎬 之, 時 部 所 外 識 佐 學 無 以 之 其 旬 顧 士 名 均 者 守 日 郡 寮 之 之 皆 事 甚 友 賦 悉 不 盡 推 備 理 取 人 其 文 又 便 人 學 守 書 以 繫 安 行 顧 閲 \mathbf{H} 之。 或 視 不 税 累 多 悦 不 部 師 歲 具

數 易 鎬 + 條 爲 卷。 暢 人 調 清 0 潭 夷 州 所 著 善 恬 書 曠 化 有 **令**, 廉 易 直 將 \approx 惠 行 ^ 和 而 論 卒 語 談 × 年 經 史 論 四 論 事 + 諸 文 簡

備 遺

揆 未 能 乃 遽 晦 蒙 舍之意 庵 見 答 是 叔 京 何 何 書 幸 耶 曰 如 此 此 博 然 理 觀 甚 觀 之 明 來 敝 喻 誠 何 疑 似 不 之 自 有

> 之, 與 知 此 E 處 道 有 守 之意 者 0 流 H 知 書 若 前 如 爲 行 此 册 鳶 自 之 百 不 使 則 者 道 體 誑 飛 少 泥 知 魚 矣 誑 可 言 今乃 初 躍 以 矣。」 人 語 無 之 熹 多 全 曉 明 間 罪 聞 近 無 然 道 斷 博 日 交 無 以 蓋 處 大 觀 涉 疑 爲 不 有 事 而 幸 與 口 下 得 日 方 必 勝 於 工 用 有 有 則 H 贖 夫 之 事 少 世 用 也 處 間 焉 之 間 0 省 察 此 乃 觀 勿 發 知

説 體 猛 愧 實 炙 然 不得 之 省 見 汗 中 認 亦不 提 沾 處 時 節 大 又 本 書 撕 衣 9 自 盡 孤 貪 也 未 此 日 記 使 負 心 聽 發 13 其 教 於 心 講 又 龜 時 李 育 此 云 不 論 書 先 何 Ш 氣 之 昧 門 日 意 象 生 至 又 則 : 今 下 分 教 但 方 是 若 明 每 相 人 大 竊 向 做 傳 良 存 來 好 即 大 若 指 工. 念 心 章 妄 處 抵 夫 訣 發 此 亡 論 句 事 **\$** 底 見之微 訓 持 當 應 未 無 於 本 詁 敬 嘗 時 物 静 領 之 的 之 不 親 自 中

亭 淵 源 録

未 之 未 所 之 隔 謂 辨 間 而 1/2 本 學, 所 能 桎 得 詰 幾 因因 發 其言之得 領 梏 箇 急 書論 絶 見 重公案? 既 諸 所 何 安 處 立 無 只 熹 公以 邪 以 穩 必 滲 爲 向 ? 超 即 自 有 失 處 漏 合下 求 來 渺 脱 然 所 事 程 渺 所 却 曷 自 自 終 下 焉 喻 茫 若 氏 見 在 始 學 不 是 之説 多 處 茫 默 能 知 而 本 因 亦 識 見 親 會 逃 此 却 程 是 恐 上 領 前 得 切 諸 吾 達 未 無 是 氏 如 言 分 儘 之 心 免 矣 下手 以 此 當 明 往 今 有 鑒 支 求 以 行 日 病 非 不 若 離 近 處 也 聖人」, 立 説 吾 · 爲 古 殊 大 忧 不 其 話 輩 言 欽 如 君 察 反 不 本 夫 是 求 所 雖 句 所 子 良 中

旲 必 大

及

但

詳

觀

所

論

自

口

見

吴 必大,字伯豐 興 或 軍

> 備 遺

如 過 際 之 謂 者 處 便 動 則 學》之書, 皆己合做 反 此 其 與 於 氣 而 而 致 便 固 悪 隱 習 蓋 櫽 E 必 擔 已爲 日 大 緣 者 括 伏 物 刀 當 新 不 固 向 初 兩 於 見 欲 底 着 之繫累 之 知 來 斷 多 其 中 見 之 得 事 功 做 病 自 有 念 0 者, 弊 先 與 勿 根 待 之。 慮 不 但 己 生 復 不 往 如 不 未 未 得 踐 分 雖 日 凝 何 往 今須 能 免 盡 遲 能 履 見 上 ? 滯 紛 頓 有 除 之 疑 得 益 勇 必 失之姑 起 革 間 先 是 決 道 親 則 庶 於 大 將 而 生 理 切 當 爲 道 却 口 日 此 合 不 操 日 善 補 以 字 理 有 息 來 等 自 存 如 合 去 漸 字 既 未 處 覺 讀 意 少 此 惡 知 句 要 往 如 銷 懈 ^ 得 之 此 其 鑠 然 始 此 大 句

傷 者 除 知 善善 須 於 不修,實 事 是 又 若 斯 誠 云 之 毫 能 成 不 大者 髮 性 可 如 不 向 此 此 致 察惡未 因 得 爲 善 察 子 放 病 莫 夏 過 而 大 盘 大 張 於 德 德 焉 雖 子 小 小 乃 善 日 者 德 以 可 必 苟 : 之 小 進 粗 説 且 惡 纖 矣 放 先 爲 惡 遂 過 學 必 生 只 無

否 便 分 可 ? 有 明 樂, 樂底 又問 先 只顔 又 生 滋 無 日 子 味 私 顔 : 平 意 子之樂,不是 日 顔 於 所學 子 其 見 之 間 得 事 既 自 是 外 盡 然 矣 行 面 而 别 之又 樂 見 有 得 甚 順 是 既 事

有 夫 得 了,方肯 以 不 半 爲 途 已, 生 古 做 便 亦 聖 以 工 須 : 賢 爲 夫 有 學者 亦 前 向 只 面 進 精 没 此 之 神 T 學 是 日 短 T 者 : 底, 必 , 大 故 大 須 概 看 日 不 知 義 有 肯 得 理 做 若 病 前 只 到 . 面

件 人讀 其後 得 曰 大 肚 截 一,下稍 : 日 腸 底 極 説 書 : 仔 先 無 古 有 工 出 生 細 下 是 都 得 肚 截 來 日 夫 氣 如 不曾理 腸 今人 : 質 有 漢 便各 有 底 然 間 儒 學 下 無 纔 會 斷 有差 亦 截 者 皮 大患 得 看 好 底 同 殻 亦 這 誤。 無 在 是 是 漢 上 此 不 不 氣 件 儒 截 要 仔 知 質 其 各 又 是 細 之 有 般 專 所 要 偏 如 皮 成, 講 嘗 殼 使 何 家, 學, 0 那 謂 有 然 底 看 今 必 無 及

静 理 時 口 古 是 只於文字上作 不 無 静 然。 蓋 先 處 生答伯 人 中 不是 之身 欠 但 常常 却 用 存 İ 豐 心 力 活 夫, 此 書 處 動 計 心 日 然欲 矣。 静 也。」 勿 : 學 且 令忘 舍 字 問 動 更 循 着 臨 失 求 環 實 静 事 則 用 反 不 隨 又 復 得 功 無 動 隨 無 此

七

0

其 幸 本 離 本 间 口 稍 ; 間 繁 原 不 徑 其 矣 處 自 平 趨 又 碎 外 正 簡 答 加 反 功 然 馳 書 也 約 小 其 者 也 差 调 亦 脱 所 : 詭 處 覺 高 略 寄 不 譎 今 欠 者 過 疑 難 狼 却 世 高 古 義 見 狽 涵 爲 爲 蓋 學 養 但 更 有 則 多 本 却 不 害 不 得 原 專 欲 口 调 之, 務 工 然 言 賢 兩 夫 外 猶 者 已 種 馳 爲 吾 更 略 此 : 於 注 儕 沂 支 不

當 至 也 察 理 思 異 又 氣 而 不 此 端 質 答 思 尤 可 信情 之學 書 害 不 自 欲 曰 事 察 之偏 不 : 以 巾 當 近 性 人 苦 世 而 自 心 苦 儒 率 私 無 排 者 意 不 古 抑 之論 妄 爲 思 行 却 慮 大 反 便 病 之 亦 謂 成 有 理 不 近 無 然 似 非 又 静 若

旧 有 趨 舍之 刀 又 兩 聞 決 段 攝 是 事 然 乃 都 須 舜 幕 是 蹠 自家 想 之 分 亦 着 隨 力 事 不 有 幸 非 至 以 他 此 及 人 所 只

> 撰 凡 妄 逐 得 故 之 不 此 此 譊 論 細 能 不 有 然 字 等 所 蜀山 讀 盛 見 無 爲 也 最 看 口 此 預 語 識 者 悟 添 逐 此 他 説 書 怕 上 衰 巾 縱 猶 也 下 解 句 所 又 0 别 病 殊 如 不 使 文 障 今 足 如 此 句 不 無 録 知 只 説 只 説 所 9 爲 閒 口 示 他 便 子 是 依 而 得 不 浩 援 曉 理 子 雜 法 皆 正 心 只 約 寶 聖 盡 氣 言 引 義 約 是 就 地 何 花 賢 理 只 彼 之 自 語 之 往 聖 不 不 所 是 此 乃 亂 此 所 體 此 消 還 賢 虚 得 兩 疑 是 墜 除 之 則 説 段 以 長 書 真 見 句 也 情 舉 久 白 却 戀 即 下 亦 實 前 上 直 自 輕 久 着 如 道 9 只 亦 意 而 恐 論 耳 自 曉 家 以 所 義 舊 是 是 思 虚 是 得 然 明 謂 會 之 私 向 時 自 爲 前 近 失 不 意 流 重 勞 有 窠 是 曾 家 如 輩 日 Ŧī. 得 行 窟 攘 其 杜 敢 譊 看 講 而 仔 無 自 氣

備

遺

辟 暇 有 調 廷 章 從 使 切 而 ·句 對 實 福 日 陳 靖 登 父 問 發 **>**′< 詣 郁 江 晦 李 州 孔 答》 學 之 閎 得 晦 菴 古 碩 明 或 臨 菴 之 祖 引 田 講 問 所 楊 卷 桂 留 門 以 **令**, 學 × 中 明 字 簿 之家 自 義 ^ 立 篤 守 終 輯 不 助 提 淵 理 約 志 廣 遂 略 塾, 刑 源 問 兩 訓 **%** 時 西 光 方信 0 訓 學, 臺 好 迪 經 澤 舉 閎 之 諸 諸 略 强 嘉 人。 識 孺 祖 事 孫 生, 安 力 定 待 者 蚤 撫 爲 父 士 咸 辛 精 受 以 嘆 吕 習 編 司 倚 未 其 思 庭 或 ^ 幹 古 進 訓 以 不 + 論 學 中 官 變。 決 士 雅 漕 庸 議 己 于

真 + 德 卷 秀 相 薦 祖 壯 之, 字 祖 稱 時 字 爲 可 處 0 人 謙 物 用 典 心 舉 刑 精 進 切 編《 閩 書 清 説 尉

> 聖 爲 擾 道 聞 持 耳 者 到 耳 是 7、反成 不復 敬 0 9 賢之意 篤 多 窮 無 而 如 哉? 所 是 志 理 晦 此豈 其 非 説 菴 精 率 虚 坐 所 稽 正 其 答 持 後 心 然 論 一馳 復 考。 理 守 敬 穿 終 所 能 0 0 反 自 約 工. 整 誦 不 有 所 則 但 復 然 書 夫, 免 長 説 以 亦 只 詳 思 便 日 背馳 進 何 大 日 恐 只 玩 慮 爲 : ? 必 綱 是 爲 誦 不 定 不 讀 處 兀 聖 收 有 據 前 必 至 論 者 書 賢 然 斂 自 輩 功 妄 如 之 或 静 之 家 蓋 想 耳 動 此 勿 法 書 即 坐 見 亦 有 令放 無 凡 徒 然 信 識 近 IF. 親 而 他 所 後 自 見 撰 不 所 見 坐 逸 爲 誉 紛 此 有 成 識 傳 學 唯

來 如 饑 禽 食渴 獸 於 飲 義 理 趨 上 利 有 避 見 害之 得 處 類 而 亦 自 氣 中

考

亭

淵

源録卷之十

七二

恐 只 如 中 失 也 致 應 只 也 來 昏 未 今 處 是 成 接 和 喻 愚 直 曾 朋 閒 無 大 便 各 故 到 包 事 中 話 友 文 反 不 是 得 聖 之時 身 就 五 之 可 蓋 不 其 致 真 人 常 説 文 已 説 濟 中 所 不 箇 義 地 之説 不 言之, 學 事 涵 能 識 位 上 便 者 耳 推 養 記 覺 是 説 得 . 方 到 本 方 E 向 不 知 時 能 原 故 如 能 時 與 來 知 中 無 守 盡 中 而 **\$** 盡 所 如 便 \mathbb{H} 約 F 而 裕 得 得 論 何 養 是 地 儘 亦 不 言 大 又 首 到 全 説 口 差 不 事 中 之。 體 却 極 尾 以 得 處 能 之 中 更 立 去 作 大 物 全 疑 便 隨 此 而 脚 僞 只 抵 之 是 事 亦 着 不

發 以 此 云 之 行 義 中 惟 時 精 忧 明 可 惟 此 書 向 中 日 於 字 : 所 ~ 示 以 中 無 至 喻 庸 過 之。 章 不 執 中 及 旬 之 允 之 序 中 執 説 **>** 厥 中 程 初 中 曾 非 先 發 未 所 生

> 解 必 便 用 私 長 致 是 間 0 知 妄 也 未 況 能 知 答 意 力 可 其 處 此 去 推 行 遽 有 之 謙 求 恃 無 藥 病 書 亦 之 以 而 日 不 必 實 輕 但 欲 口 欲 彼 當 去 又 爲 以 舍 之, 堅 學 初 而 偏 此 守 未 當 長 廢 則 拙 以 可 其 常 即 法 定 存 驕 縦 此 自 乎? 而 主 吝 警 欲 使 爲 必 去 克 已 先 求 之 凡 伐 有 妙 之 心 不 H m

范 念 德

娶 伯 荷 軍 仕 崇 劉 爲 遂 既 龍 廬 聘 范 以 陵 君 盡 泉 念 幹 之 民 女, 心 德 敏 焉 素 龍 與文公之 字 嚚 聞 泉主 而 伯 訟 又 崇 簿 州 治 廉 不 籍 獄 配 勤 建 其 者 小 兄 以 安 才, 其 楗 嘗 人, 弟 官 于 患 奏 忧 如 下 不 爲 遇 圭 得 録 伯 悃 事 其 事 崇 惻 無 以 參 所 始

貞、 心」,文公爲之記。又大書《噬嗑》之卦於屏 伸於上。於是小冤必白, 上,且闢其後爲方丈之室,以 郡 貞厲之戒,揭於座右。 稱 之。 暇 日 革 其問 而 事之堂 姦民無所幸 金矢、黄金、 膀膀 日 免 盡 艱

備遺

然 陵之政,遠近能言之。 根本,使萬 身是病,無 今日 ,加之明敏 文公曰 氣象,官無大小,皆 目 下藥處 龍 ,何事不立。」 具舉,吾 泉簿 爾。 民得樂其 蓋 范 安得大賢君子 惻隱 伯 難 崇寄 於 之心,發於 有 生耶? 爲 書 來 Ě 蓋 云 嚴 誠 其 通 :

副朋友之望也。」事,至於興作水利,種種躬親,若此不倦,真事,至於興作水利,種種躬親,若此不倦,真文公曰:「伯崇到官之初,儘爲人理會

人必有所濟』者,非虚語也。」

而程子所謂『一命之士,苟存心於愛物,於今乃如此。信乎氣質之用小,道學之力大,

益 昭著, 林汝器所編《論語説 功,則其所資 已,自然血 言,本自平易,又有諸先生相 於吾身。 如日 伯崇 嘗爲余言: 脉 星然。 不 亦淺淺 通貫 然,涉 學者體味於心,念 無 》後。」 焉耳。』余愛其言, 躐 所底滯,然後 强 《語》、《 記 無 爲 沉 孟 發 浸 》聖 明, 釀 可 言 義 念 賢 書 郁 之 於 之 有 不 理

禮智。」朱子曰:「此語甚穩當。」伯崇嘗言:「乾元亨利貞,猶言性仁義

甘 節

甘節,字吉父,撫州臨川縣人。

備 遺

依 本 分 節 做 問 去 學 問 之端 緒 先 生 日 : 且. 讀 書

條 其 不 教 這 及 先 理 於 中 可 性 生 <u>元</u> 性 怒 問 眼 得 性 前 命 日 而 若 常之體 0 無 何 是 見 非 與 觀 去 以 衆 性 且 公 驗 捕 不 於 人 狀 得 且. 口 捉 日 用 得 貌 性 他 於 不 中 E 而 分 則 離 測 有 着 明 他 愈 乎 仁 度 只 處 工 遠 嬰 義 管 作 其 夫 孩 禮 來 T. 用 理 智 則 高 夫 本 這 則 信 體 爲 實 裹 談 體 在 摸 有 五. 每

計 是 日 路 問 事 賊 : 雖 行 義 之 事 亦 而 有 是 心 合 路 則 理 私 而 合 有 如 如 意 此 路 爲之, 者是 , 好 人行 天 如 理 何 起 亦

較

便

不

事 不 問 口 謂 應 之 事 出 在 心 外 便 去了 0 日 心 在 此 應

分受用。 須 分,便 是 問 窮 得 得 若 欲 理 __. 求 分受用。 多 以貫之,儘 大 然 本 後 以 有 總 理 貫 括 未 會 通 天 得二 在 處 下 萬 分, 今 事 理 便 會 H 得

横 學 游 言 後 廢 亦 渠 夫 事 和 明 口 楊 0 子 問 0 傳 道 之 : 之子 氣 日 節 0 門 自 象 . 節 若 倒 雍 思 後 嘗 曾 不 塌 容 處 見 子 及 孟 了 事 張 剛 子 明 0 節 亦 無 毅 若 道 又 習 垢 伊 天 見 9 立 寬 解 則 111 明 資 得 緩 道 雍 且 大 横 牆 然 徹 先 學 段 壁 渠 却 生 伊 高 甚 在 至 爲]1] 嚴 章 於 則 X 而

矣 道 不 人 問 自 勉 : 而 篤 中 不 行 能 不 允 爲 蹈 思 而 0 皆 得 是 日 : 作 從 爲 容 爲 中 畢 道 則 竟 聖 道 人 又 自

此 問 地 顔 日 子 不 固 遠 是。 復 擇 只爲後 乎 中 庸 人把做易了 顔 子 亦 未 後 到

遂流爲異端。」

蔡 念 成

一時學士,倚爲斯文楨幹。爲延平書院堂長。學博而精,行誼尤明粹。蔡念成,字元思,九江人。嘉定初,辟

卓然爲一時之冠。

y)

備

遺

黄直卿曰:「蔡丈意思斂退就實,殊可

敬重。」

之。 言議 陳 宓 操 日 存 . 1,端有 蔡 丈 可 在 法。」 延 平 書 堂, 學 者

師

黄 義 勇

宓知 門。 爽 學專 著《屯田 南 黄義 康軍,辟爲 行 第,字. 確 議 去私 **%** 從文 白 執 鹿書院堂長,行誼 公 撫 親 遊 州 喪,敦行 臨 而 111 卒業 古 黄 禮 氣 志 榦 概

之

陳

黄 義 剛

黄義剛,字毅然,撫州臨川人。

備遺

道 理 甚分明,及做着 義 剛 問 平 . 時 又便錯了 處事 當 未接 不 知如 時, 見 何 得 恁

節

賢 便 地 1 去 着 日 力 這 若 是 是 難 易 事 爲 但 則 須 是 天 知 下 得 有 病 無 痛 數 處 聖

既 今若信 莫 知 此 爲 悔 未 知 恁 身 何 因 時 見 若 悔 地 問 曲 事 能 有 後 意做 便 機 無 口 调 見 T 以 觸 所 次 後 氣 其 去, 免 , 容 得 改 質 思 不 過 此 悔 便 昏 後 量 消 而 時 有 了 蒙, 蕩 得 内 得 日 時 然 不 常 自 何 作 方 : 恚 是方悔 不 訟 常 必 事 悔 恨 既 知 常 地 多 之際 底 知 悔 常常 放 至 悔 便 時 悔 恁 於 在 古 是 時 惘 地 成 或 心 有 不 不 第二 然 悔 下。 得 經 當 疾 悔 自 久 下 底 若 次 不 所 那 便

> 道 道 驗 也 好 之全 有 0 理。 ? 蓋 只 禮。 天下 不 是 是 天下 特 就 自 千 事 自 都 家 道 人 家 有 萬 恁 理 身 地 他 上 尋 體 討 也 有 切 驗 將 萬 去 物 不 性 那 特 無 之 裹 甲 不 内 不 有 是 便 口 這 體 是

驗 但 定 是 要 ? 是 敬 放 是 我 肆 書 如 只 聖 有 恁 此 去 不 賢 合講 T 要 地 切 説 不 己 説 戲 處 話 慢 理 他 用 有 會 多 箇 講 整 此 不 方 無 齊 只 等 心 形 百 嚴 是 事 講 無 面 肅 便 處 久自 狀 須 去 便 是 是 下 如 去 會 如 主 \perp 主 何 夫 此 處 , 便 説 處 不 證

省 蒙 做 萬 在 着 賜 時 量 胸 有 中 教 義 苦 自 欠 謂 剛 思 謂 缺 義 啓曰 第二 量 做 處 剛 不 得 古 : 番莫 纔 透 圓 非 向 如 處 密 欲 爲 此 時 T 又 悔 思 便 請 但,但 與 及 着 了 問 朋 事 作 也 平 則 友 纔 不 生多悔 便 相 渦 事 被 必 度 . 時 長 V 氣 之病 千 合 動 便 長 猛 存 7 思

起

所

以

説

性

者

道

之

形

體

也

此

句

最

有

處

處

皆

有

只

是

尋

時

先

從

自

家

身

上

尋

毫

室

一礙

故

曰

天

命

之

謂

性

不

只

是

這

處

念之間

合着

這

道

理

則

皎

然

明

白

更

無

纖

世

間

只

是

這

箇

道

理

譬

如

晝

日

當

但 箇 前 好 志 何 不 物 處 處 便 忽 事 過 焉 定 博 顔 在後 日 子 帖 文 : 兩 約 仰 日 便 這 禮 便 之 精 是 是 也 彌 神 難 須 如 無 漸 高 不 是 此 着 · 鑽 便 定 平 力 是 便是 之 時 處 難 不 彌 只 不 知 不 堅 管 聖 能 能 此 去 人 得 瞻 病 得 講 教 見 之 到 牛 明 這 在 恰 於

常 其 笛 從 會 前 教 常 起 放 之有 操 灑 只 柄 持 不不 作 心 掃 義 時 養 應 舉 方,所 剛 覺 知 對 業 啓 便 用 莫 如 進 日 自 力 教 好 以 何 : 退、 倍 不 放 書 長 古 解 難 禮 慢 皆 日 大 到 人爲 樂 來 T : 不 + 「也只 今 便是。 易 書 曾 ·分走 欲 學,皆是自 數 講 人 小 射 於道 究 是 作 學等 若 御 事 T 是 從 而 事 書 自 義 頭 今 小 致 理 家 再 得 驟 剛 會 有 理 人 收 H

誨 自 義 此 剛 得 啓 免 日 小 之歸 半 年 得 但 侍 氣 灑 質 掃 昏 曲 蒙 自 提

> 問 T 則 意 就 易 日 九 初 曰 刻 大學》去 人不 : 篇 讀 拜 書 意 : 爲 先 力 先 書 上 讀 流 讀 只 好 今欲 生 自 求 生 仔 書 俗 窮 杜 書 解 訟 陶 也 細 看。」 所 **《孟** 理 以 門 看 皆 得 則 鑄 玩 遷 何 便 畢 分 具述平 没 未 子 便 味,考 及所 至 者 是 此 明 业也 奈 是 知 今 是 爲 所 書 何 所 爲 此 也 以爲 先。」 分明,甚 又 究 日 白 他 學, 向 之 無 更 請 之非 義 别 歸 看 甚 學之序 曰 : 日 今公既 理 也 也 欲 ~ 疑 : 孟 且 易 無 乞指 與 便是。」 \sim H. 無 欲 子 看 他 ^ 所 大學》 自 *****, 論 將 所 閉 陶 以 示 先 《論 語 門 知 向 如 義 鑄 遠 生 其 何 不 已 已 語 剛 只 先 處 來 日 過 之 看 看 0 是 生

講

明

得

熟

時

後

却

解

漸

不

做

差

T

考亭 淵 源 録 卷 之十

考亭淵源録卷之十二

暑淵

暑淵,字亞夫,涪陵人。

備遺

拜先生 者 秋》如 文字。」曰 「公數千里來見熹,其志 末後事, 先 何看。」曰: 只 生問 從 惟 「舊治《春秋》并史書。」曰: 是 是 先生之教。」日 淵 理 : 「只用劉 明 平 義 昔 精 欲 如 方 氏説。」先生 如 何 見得。 《春 何。一日 做 秋》 夫, 《春秋》 是學 \sim 看 既 日 春 甚

> 己本分 理 不 是言天下之事,今不 ·曾處 會天下事, 上事。」 置 得。 則 所 理 以 一會得 學者讀 去 天 理會身己上 下 書,先 事,於身己 要理 事 上 會 却 自 却 去

心 大 門安坐數年,虚 抵静 契合。 方 若 可 看 恁 義 地 心玩 時,病 理 味他義 痛自去,義 理,教專與 理自 自家 須 明。 杜

更於日 處 得 見意 本 也 來 氣 與 書 用之間,益加持敬工夫,直待於 頗 明 德之 多 日 激 亞 昂,而 體 夫 動 别 心 静 後 志未甚 如一, 進 學 方 一凝定。 如 是有 何 ? 人 此 此 見 須 頭 向

七八

襲 蓋 卿

士 即往 襲 蓋 師 卿 文公。 字 夢 嘗爲. 錫 右 衡 正 州 常 寧 舉 進

備遺

説 看 當 爲 是 如 涵 七 論 乃杜 見 干 吾 泳 涵 豊 此 心 須 泳 餘 蓋 友 中 是 所 卿 元 要浹洽, 只要子 人讀 如 見 如 説 凱 此 先 此 優 友 又 看 書 生 而 細 問 襯 大段 是 因 又一 於 柔之之意。」曰 尋繹 : 貼 涵 看 長 友 泳 《孟子》七篇之 鹵 向 沙 件 工 令胸 莽 蒙 日 郡 夫否?」曰:「 意 見 齋 . 所以説讀 思 中 教 先 是 硬 有 生 讀 晚 要 所 涵 古 書 請 差 書, 得 是 泳之 書 教 須 排。 爾 如 熹 須 只 者 要

> 理 無 講 人 讀 解 熹只説 此 細 、所問 巴 説 會 書 0 讀 亦不 鼻 處 書 少 如 間 大率如 之異 却支離 可 此 用 此 展 箇 知 是 如 聽 轉 涵 隨 名 此 是 人 去説 只 泳 也 語 此。 解 使 説 生 是 説 人 話 説 大 人 好 添 解 説 理 全不是自 率 得 硬 得 所 支 與 全 來 會 多, 謂 學是空 離 無意 處 差 人 涵 説 延 不 説 排 泳 得 蔓 思 做 理會,不 話 者 談 遠 工 便是 閒 只 夫, 此 説 是 硬 如 當 中 仔 閒 來 此

字 皆格言。」 黄 榦 日 . 夢 錫 所 編 朱 先 生語 録 \approx 字

千言 九 經傳記。 劉 至覽忠孝 砥,字 嘗 履 讀 之,福 大節 釋、 老 輒 州 書,嘆 激 長 發 樂 感 人。 日 慨 : 六 此 歲 + 不 歲 日 足 誦 通

習 脱 几 圕 公之門。 大 藁 + 傳 徧 **%** 乃 Ŧi. 取 爲 伊 治 文 晚 所 公 洛 舉 醇 修 嘉 編 子 諸 雅 禮 其 業 書 王 書 志 讀 朝 又 篤 兄弟 之, 禮 嘆 學敏 及《 率 曰 皆 : 其 預 注 授 弟 此 解 編 以《 礪 不 語 次 先 司 宜 孟 天 游 專 卒 皆 太 朱 習 未 年 極 文

興, 厚 子 志 業,一 卒 礪 尚 字 年 愈 意 用 四 篤 + 之。 理 學 蔡元 幼 與 定 穎 黄 竄 悟 幹 道 相 中 州 童 友 兄 善 子 弟 科 僞 餽 0 學 贐 後 禁 特 棄

備遺

洽 Ħ. 近 處 須 看《 砥 先 大學 若只於文字 初 操 見 存 章 先 涵 句 生 養, ×, 問 上 然 但 : 尋 後 未 曾 索,不 看 知 做 文字 下 甚 手 就 處 自 方 夫 家 始 心 有 對 H 裹 浹 :

> 捉,故有紛擾之 今人多於操 何 下 操存 Т. 夫 日 未 : 能 如 才 何 無 時 操 貫 紛 不見其 患。」 存 通 擾 涵 之 養 問 患 存 : 則 過 曰 操 此 而 : 存 心 操 便 涵 才 之, 養 在 操 愈自 之 便 道 問 存 執 如 :

更何 得 要 只要此 紛 何 理 主 如 知 如 ? 三 曰 去 擾 道 會 而 何 何 _0 ? 暇思慮。 只只 理 這 理 見 問 不 分 日 事 會 得 在 : 心 : 緣 日 曉 了 那 敬 道 常 未 有 : 徒 理 在 當 方去 自 實 事 然 天下 件 如 也 無 無 如 見 時 思 事 且 何 ___ 事 理 此 閒 須 得 何思 慮 少少 ? 如 雜 會 又 時 應 此 理 問 那 間 濟 又 思 日 亦 何慮? 事 理 會 問 事 慮 得 都 : 只 接 這 甚 成 若 如 程 物 心 又問 没 事 人之所 有 實 思 若 件 子言『未 不 理 無 見得 事 慮 走 事 知 熹 會。 事 時 難 一只 作 未 有 謂 以 時 此 模 T 不 甚 思 是 有 若 須 此 定, 樣 是 致 事 慮 見 要 又 如 心

何 口 收 思 拾 日 慮 此 也 心 0 亦 耳。 是 又 問 他 若 見 : 初學者,亦 人要多 伊]1[嘗 思 教 當 慮 如 人 且 此 静 以 坐 此 教 如

檢 事 只 接 便 此 物 用 便 之問 之 一合於 是 間 學。 · · · 未 理 動容周旋,未能 免 但 有 能 久久 礙 於 理 應 自 處 쪰 能 之 中 如 中 禮 頃 何 禮。 也 ? 逐 於 日 點 應 .

倚 及 立 聞 不 遂不食周 蓋 倚 問 文 7 .. 否 王 初 ? 三 曰 聞 善養老, 伯 文王 粟。 夷 居 : 而 此 北 遂 此 歸 口 海 來 下 之,及武 以 之 歸 更有 見其不 濱, 之。 若 王伐 此 轉 倚 將 可 終 也 紂 方 見 身焉 是 其 而 去 不 中

陳埴

久 從 文公游 陳 埴 字器 所 見超 之, 温 卓 州 永 紹 嘉 定 間 人。 9 江 小 淮 穎 制 悟 置

> 後 席 趙 解 》、 《 王 以 0 善 通 湘 四 直 方 建 制 學 郎 明 章 者 道 致 句 從 書 仕 》、《木 院院 游 所 數 辟 鍾 著 百 埴 集 人 有《 幹 禹 稱 辦 貢 公 爲 辩 事 潛 室 兼 先 洪 主 生。 講 範

備遺

言 剛 謂 剛 口 公之爲仁,猶言 云: E 柔 見 無 柔 道難 但 『公而 相 壅 先 相 性 其 字 生 半 半 塞 言 中 是 一答器 下 者 之 則 以 含 太 ,惟公近之,非 謂 落 爲 相 人 具 極 之 然 半, 水 也 去 體之, 萬 渾 0 書 則 其 當 理 然 亦 日 又中之爲 不 雍 皆 剛 之 而 故 . 可 塞 則 自 體 0 爲 綱 則 以 剛 伊 有 更 理 水 本 公][中 當 義 以 之大者 自 不 便 先 也 柔 竊 此 通 可 ___ 固 爲 生 則柔, 意 詳 流 以 又 非 明 仁。」又 有 推 姚 然 此 名 答 專 几 意 爲 便

之不 應 子 所 於 子 都 説 而 理 動 天 則 異 素 孟 故 渾 前 下 端 明 粲 析 以 人 恐 無 命 子 於 而 井 然 具 乎 其 而 几 明 蠭 之 而 恭 是 雖 其 之事 物 端 於是 ,各各分 前 爲 有 形 如 起 日 始 敬 中 而 不 條 之 四 無 備 詳 之 所 立 思 自 往 感 别 星 若 發,各 言 如 以 著 義、 心 有 往 有 之 而 调 此 之 明 示 則 蓋 外 以 其 於 條 以 言 秤 禮 者 廟 學者 邊 四 明 條 則 有 是 理 性 故 之, 無 過 端端 之 之。 智。 纔 性 而 面 乎 爲 外 蓋 朝 自 寸 感 之 界 理 説 之 貌 形 不 使 邊 之 孔 有 未 之尺,終不 便 爲 苟 自 孔 善 之 善 知 所 中 事 間 應 但 子 門 發 几 具 蓋 不 口 湩 遇 間 感 架 時 也 破 未 然 由 孟 知 同 而 便 隨 渾 嘗 至 子 矣。 其 則 惻 性 全 應 不 雖 而 感 然 孟 備 懼 體 善之 是 中 禮 隱 是 足 寂 川 言 全 子 而 然 之 以 間 之 端 之 儱 然 以 是 如 應 時 孟 中 之 理 理 几 衆 理 心 赤 曉 侗 不 至

陰 著 既 外 端 是 性 智 以 蓋 内 口 最 物 無 由 之屬 箇 善 以 其 之 知 而 ? 必 必 是 可 形 雖 對 義 蓋 羞 象 得 爲 使其 未 不 知 驗 有 理 爲 由 立 惡 界 善 可 也 之 發 其 之 本 義 其 亦 几 可 底 誣 所 也 矣 本 限 有 故 根 可 鎙 有 也 時 關 故 也 無 所 禮 分 見 驗 由 是 其 以 乃 鍵 是 日 然 曉 性 而 端 其 情 必 謂 所 乃 何 故 : 之 春 理 智 由 於 惻 知 渾 謂 又 뻬 依 以 蓋 立 孟 夏 於 理 其 外 則 隱 其 逆 然 須 善 然 知 子 皆 内 雖 是 義 有 知 全 天之道 也 其 知 言 所 就 所 陽之 非 無 義 之 體 耳 0 則 川 粲 以 他 : 以 形 藏 也 無 者 是 所 何 然 發 必 屬 必 仁、 乃 聲 由 則 之 以 以 有 知 而 處 而 若 日 知 也 其 臭之可 猶 中 義 必 端 禮 孟子之言 有 條 有 驗 其 陰 其 恭 春 秋 是 是 知 則 的 得 如 禮 與 情 敬 有 冬 端 其 之 夏 理 此 陽 言 秋 義 發 智 則 於 於 有 所 凡

隱 陰陽 義 端 分 義 也 則 也 則 别 禮 則 立 而 别 者 一,所 者 統 春 包 ,冬則春 成 雖 地 羞 其爲 四端, 猶 事 之有宗,會之有 有 是 之 之 兩 惡 皆 有 以 陰 生也, 春夏 之節文,義 四 道 知 專言 終 始 有 陽 然 是 恭 天 始 之 仁 而 可 萬 爲 而 日 敬 秋冬雖 地 之 則 7 爲 物 藏 實 太 智 柔 夏 非 皆 之道 之者 義 包 之事 貫 而 也 極 爾, 居 則 與 是 者仁 焉 兀 通 終 四 春 剛 不 不不 是 者 則 元 乎 萬 自 .端 則 是 之長 同 面 而 之 以 兩 矣。 四 物 几 兩 惻 之 天 立 底 智 斷 謂 故仁 耳。 者 而 者 則 隱、 而 末 地 也, 人 道 則 之 制 故 之中 同 兩 也 不 之道 者 之 理 者仁 藏 仁、 無 羞 日 秋 出 智者 能 理 事 惡 自 也 . 蓋 則 智 而 義 乎 以 固 之本 可 兩 春之 是 冬者 恭 有 蓋 春 曰 五 立 仁之分 雖 爲 然 又 而 非 敬 藏 行 偏 對 也 體 成 藏 惻 則 之 言 故 但 是 春 立 與

> 於元 不 始 子 萬 萬 有 化 能 所 能 物 兩 之機 謂 發散 前 成 之 面 終。 象 動 既 生 軸 静 理 於 别 猶元 故 無 貞 其 固 此 仁 端 所 然 理 爲 氣 蓋 是, 也 陰 循 雖 四 由 陽無 環 端 几 又 天 不 之 德之長, 别 始』者 地之化 窮 智 首 其 交際 所 脗 而 此 非 合 然 不 智 之 無 也 翕 是 元 則 間 間 聚 能 終 不 程 始 生 乃 則 成

是 本。 心, 有 夫,只在 日 情 : 功 發於 0 心 或問 而 心 横 心 居 居 思 渠 裏,一 性 慮謂 則 明道 者 情 以 之 之 之 舉 爲 云 情 間 間 前 心 而 兼 統 在 向 如 統之。 得之。 性 裹 人 此 情 即 爲 則 是 性 性 如 所 横 性 主於 乃 何 渠 以 ? 心 聖 此 向 賢 外 器 身 情 之 大 即 爲

只 舊 自 是定而 又云 在 一不曾 : 應 應而 人 迎 物 心 定。」 之來 如 鏡 亦 物 不 來 則 曾 應 送 物之去, 物 去 依

蔡 淵

清脩 及《大學思問》、《中 苦節,隱 蔡 淵 字 居 伯 不仕 静 庸 别 通旨》。 以 號 父命 節 齋 著《易 元 定 訓 長 解 子。

備 遺

子 爲 ,奉公之訓,卓然 比,而人亦莫知 劉 晦 伯跋 元定《訓 其 自立。 所 藴 子 也。 帖》 吾邦之士, 日 「公之諸 莫 與

真德

秀曰:

節

齋之學,能言文公所未

得 即 言言。」 無 於『易有太極』之一言。 極之義。」識者謂其發先儒所未發 伯静嘗謂 周 子『無 極 易者變易,無 而太極」之説 體

> 虞 知 方

異 蔡先 者以義求經,庶幾 秋》 學。』曰:『沉汝宜演吾《 論著。 然有悟,曰:『夫《易》之一 成,獨《春秋》未得 固蔡氏之學也。 次復之,次仲默。 爲之跋曰:「《春秋大義》二十二卷,《衍義 子,出後虞氏。 三卷,建陽虞君知方復之所著也。 ,而謂《春秋》 則 生以道學名當世,有子三人,長伯静 虞知方,字復之, 以 顧嘗語三子曰 屬知 方焉 以 嘗著《春 先生於 要 復之雖出後虞氏 一例該 得聖人之意矣。」久之, 領。 既 建 : 而 淵 陽 經 秋 皇 君 《易》、《皇極》二 衆事 卦 無 大 極》數。」 汝宜紹 日 不 義 本蔡 可乎? 爻,爲義各 通 **%** 讀《易》, 前 初, 吾《易》 而 真 元 而 未及 其 西 德 定 ^ 豁 春 書 學 Ш 次 秀

功

於

世教云

自

起

使使

萬

世

主

知

履

霜

堅

冰

之戒

尤

有

心 也 讀 易 書 流 人 又 大 心 豁 者 然 舜 有悟 屬 所 以 於 有 日 血 『道道 危 氣 微 也 之 心者,本 戒 道 心 也 易 於 晦 春 義 而 秋 人 理

《春秋》之指焉。 也。 此 大 之與《春秋》,其爲 心 道 王 義 之爲 百 心 綱 經 者 西 吾聖 四 以 霸 亦 也 Ш 無 + 止 統 幾,而 無 人之心 餘 於 私 **>** 故經 年間 異 是 欲之 書 指 乎 凡 ,即舜之心 蓋天下之理 於赗 諸 明 得 流 毁 教 昧 彝 王 0 所 者 亦 侯 仲 倫、基 道 托 析 不 大 子、 所 書 同, 哉 之, 夫 也。 由 1 綱 行 納 無 一禍 而 而 廢 領 郜 事 亂 二致,故 君 通者一 與 君 夫《 鼎, 者, 又 於是 大 其 伯 易》 將 率 皆 皆 發 權 爲 之 聖 書 據 得 於 所 在

潘 友 端 弟 友

也。 恭 叔 與 潘 友 弟 《端,字 友 恭 端 同 游 叔,金華 文公之門。 人,左 司 友 疇之子 恭,字

備 遺

輩 抑 端 稍 後生,將來皆可 廷 文公與 降 對 其 甚 等,此 切直, 劉 子 不 尤 澄 望 足計 延 也。」 書 之 日 甚 愛之, 渠 潘 兄弟皆好 德 爲 鄜 之 同 寮 子 此 所 友

間 善。 加 慤 日 答端 但 實 積 此 久 月累 叔 乃吾人本 遠 書日 ~; 而 功 夫, 忽 :「示論 不 分 而 自 事 勿 ,只以 知 計 講 其 其 學之 益 効 平 矣。 意,甚 常 則 意 近 從 思, 時 容 善 之 甚

之 其 於其 毫 不 望 口 究 求 勝 外 也 也 聞 而 言 非 矣。 計 其 者 分 徒 獲 是 之 無 書 惟 以 益 私 布 明 内 於 勝 置 者 實 己 進 其 思 不 擬 學 而 有 足 度 問 其 以 而 量 思 爲 反之, 游 之意 辩 此 聲 學之 之 四 則 已 功 馳 累 未 友 譁 朋 有 及 然 加

學 寄 問 知 看 却 無 シ所 當 得 得 漏 功 前 夫 又 年 評 也 可 又 改 後 聖 答 如 只 脩 量 尤 不 賢 用 得 書 何 也 相 多, 耳 F 舊 如 0 應 只 : 本 何 比 今 矣。 集 義 説 舊 看 年 承 理 得 注 己 需 諸 Щ 有 無 如 極 間 書 不 屢 論 窮, 詳 此 都 無 穩 改 語 穩 精 密 脩 處 不 或 當 録 神 定, 得 但 問 精 仔 有 得 未 **>**, 密 細 不 却 限 過 知 此 與 喻 , 將 得 無 又 書 ^ 及 大 不 或 此 來 奉 久

人 以 爲 答 潔 恭 叔 故 日 群 弟子 聖 人 多 之 仕 門 於 亂 不 邦 使 人 然 兆 若 世 子 避

静

之節

其

於

世

務

亦

所

該

通

臣

實

不

如

舉

以

自

路 戒 也 冉 0 有 之 徒 9 亦 太不 擇 矣, 此 學 者 所 當

深

之 得 養、 方 望 愈見 有 省察、 _0 據 又 答 依 親 格 書 切 平 物 日 端 時 的 致 講 耳 敬 知 學 之 種 , 願 非 種 益 字 不 功 加 知 夫 萬 功 此 皆 善 以 根 從 今 慰 本 此 千 乃 覺 里 涵

樂 樂 惻 見 已 未 從 造 發 文 發之後 事 友 理 公公 之前 恭 郎 精 除 云 新 深。 從 : 明 先 官, 州 慎 戒 居 生 獨 司 懼 家 舉 日 者 理 者 有 友 : 參 孝 山此 恭 所 所 軍 友 自代, 以 以 説 潘 之 省 涵 甚 友 稱 察 養 善 恭 狀 , 持 於 於 日 喜 存 喜 己 怒 怒 有 心 伏 廉 懇 哀 哀

履孫

潘

公見 遂 祖 一授 蔭 學馬 其 爲 潘 侍 將 履 仕 孫 立 仕 祖 郎 終江 父 坦 旁 淳 翁 陵府 熙 視 友恭之子,寓 丙 聽 通 午 專 判 年,才十 而 進 趨 居 有 紹 度, 興。 文

備遺

意。」 從 止 而 善惡皆當存之, 之意,故不 從 先生 『識之』, 履 謂 孫 所 曰 問 從 : 言擇善 未 $\overline{ }$ 不 擇 集 有 以 字 可 注 皆 備 不 生 也 參攷」。 於 存 擇 解 從字 善 ; 多 惡 多 聞 以 履 識 見 備 孫 擇 則 而 參 恐 未 其 識 攷 有 經 善 之 謂 便 文 者

鄭可學

歸 手 而 未 從學於朱先生。 評 ,歸則以 孤 議 ,力學好脩。 鄭 可 如 學, 書質 夙 字 友 所疑 子 焉。 先生 累舉 Ŀ 道 莆 進 有 見,恨 同 問 士 田 氣 人。 斯答,皆前 不 合, 第 相 裹糧 幼 遭 率 之晚 而 終 文 歲 千 冠 所 握 里

慕 誠 子 與 吕 後 向 信 人 行 上正之。 祖 向 而 温 交, 儉、 朱先生 坐。 不忘之意。 一恭,其所誨誘,皆爲名士 諸公名 李 氣 既 孟 和 守 歸 而 傳、 臨漳, 而 則又 仕之來南者, 人,皆欲 清 詹徽之、 四 方學者至 以 竟 虚 書招 子 Ħ 招 端 廖 弟 致 之 德 之, 坐 子 命 即 明 師 上 必 且 不 皆 有問 席 見子 不 致諸 見 加 俾 怠 可 敬 必 之 子 得。 而 使 孫 西

守 明 文 +---春 學 年 陵 壬 前 是 後 申 與 歲 \equiv 秋 之 冬, 奉 偕 親 大 廖 行 友 對 德 勉 至 子 明 嘉 豫 爲 上 定 章 調 廣 辛 選 帥 卒 未 於 招 方 勅 豐 致 信 授 城 郡 忠 孺 年 時 州

之,以 縮 子 所 卷、《 Ŀ 故 著 獨 不 遇 有 相 多作 事 師 從 春 感 説 於 秋 發 + 寂 學 博 時 卷 寞之濱 禁興,登 議 出 詩 $\check{+}$ 數 卷、《 _ 朱 百 朱 門 篇 先 者 朝 子 畏 生 北 嘗 避 上 盟 退 11 不 舉

備遺

將 在 謂 志 分 真 先 不 人 立 生 以 謂 此 識 嘗 爲 可 此 見 學 道 事 學 \Box 理 者 後 ,便是不足,看 不 來 看 遠 觀 今世 千 之, 里 學者 往 來 往 他 此 病 只 不 講 要做 痛 學, 破

> 終 鳴 又 明 後。 爲 衣 存 家 此 尺 不 仰 如 被 不 見 氣 性 當 若亡,元 血 曾 冠,其實 之彌 既 他 學 此 所 元 氣 思 以 殺 做 者 物。 竭 善 之 量 奪, 此 高 賊 吾 得 應 軀 語 天 與 來 同 則 習 須 才 舉 鑽 之。 如 古 庶 是 爲 如 所 但 要 此 覔 之 有 物 如 何 移 勝 賊 做 官 彌 高 夫 之 處 有 不 此 會 所 得 從 堅。 人 性 争 出 只 地 所 並 心 殺 如 與 多 來。 7 可 不 如 向 早 立 人在 瞻之在 曾 天 又 卓爾 責 此 學 起 爲 若 地 見 伊 安 厚 志 來, 戰 何 並 得 心。」在 111 得 自 所 陣, 念 前 則 出 立 不 顔 只 家 念 不至?」 爲 雷 淵 爲 向 顔 忽 雖 在 學者 鼓 子 焉 自 前 箇 具 日 此 分 若 ? 在 自

但 爲 血 要 氣 血. 以 亦 氣 口 使。」 學 義 不 問 理 可 先 爲 無 作 主 生 耳 日 孟 事 子 多 謂 雖 始 : 鋭 説 氣 要 而 義 終 體之充也。 理 輟 之氣 莫是 只

不 有 故 H 人 亦 求 必 用 未 味 曰:『爲仁 則 0 先 之間 之於身, 免 問 别 求 弛 是 之於身 慢 平 無 由 般 而 日 非 不 專求 讀 己 道 知 9 而 又 書 病 書 而 後 之於書, 每 時 根 由 求 但 苦 安在 似 所 人 之於 思 以 乎 亦 慮 ? 固 有 哉?』凡吾 書 接 紛 應 凑 所 日 擾 則 如 此 見, : 讀 此 雖 心 書 此 既 持 耳 身 方 古 乃 敬 釋

當 盡 覺 也 如 忿 自 忿 上 小 打 做 疊 大 暴 去 兒 問 得 抵 : 讀 何 禀 夫, 書 可 從 賦 須 學 似 而 遍 是 得 禀 去 減 深 數 日 性 此 得 夜 多多 多 太 病 分 懲戒之,以 少 自 急, 數 年 記 曰 數年 · 月, 得 然 : 遇 來, 至於熟, 亦 此 事 日 在 熟 力 不 如 熟 之 知 於 何 耳。 驗 久 便 不 懲

先 生 先 日 生 已 日 自 問 過 口 時 學 年 若 幾 於 何 此 因 對 循 云 便 大 循

> 看 義 看。 研 T 義》有益 家之説以 走 庭 孟 何 0 道 0 学自 雖 補 理。 某 昔 日: 勤 人 亦 ? 因 : 讀 吾 可 説 讀 考聖人之意 如 若只 善 書 看《 友 平 書 看《論 何 何 日 日 , 精義 全 必《精 看 鶻 看《論 亦 ? 三 無 突綽 + 有 》、《孟》者 ジ有 趨 四 義 志 , 向 **×**, ≪ **%**° 過 於 Ŧi. 而 利 : 日 學 時 得 孟 有 如 於 須 害 間 風 否 : 0 只 吾 已 只 ? 只 過 若 讀 立 心 是 是 耳 部《 得 能 對 書 爲 看 則 論 雖 因 以 須 貧 精 諸 精 門 白 常 窮 奔

釐 爲 看 ,繆以 是 書 亦 先 細 得 生 則 千 謂 心 里 以 細 口 方 爲 學 可 非 若 日 亦 研 「大凡 得 窮 不 須 熟, 看 是 書 得 見 廳 此 得 義 則 差之 理 心 廳 毫 以

可學問:「天命之謂性,只是主理言

就 纔 物 總 説 會處言, 命 理 則 何 氣 所 此 受 亦 處 在 最 其 日 間 好 : 看 極 矣。 是 非 極 氣 是 則 子 何 思 以 H. 爲

當 流 道 辩 亡。』心安有存亡? 爲 使,則 今方 子 得 向 身之主,而 識 前 心, 心 食色之言又 天 ? 來 於 道 性 之 專 知 孟 流 然 而 口 放 心 者 用 以 其 後 學 人 於 子 僻 人可 以 特 於 不 人 近 口 人 而 若 此 邪侈之域。 然。 以 指 欲 性命之 心 觀 無 専用 何 以 以 矣。 用 每 非 以 中 有道 若 人心 聽 示 道 人心 異。 庸 不 學者 此 心 理 如其 命 心。 心 序》所 明 焉 正 ; 不 出 前 若只 踐 操之 而 而 人 達 明, 孟 於 心、道 形之義 不 於 可 性 不 又 謂 子 形 而 守 則存,捨 知 學 人 命 可 『道 知 所 專 氣 道 道 心 以 之 以 前 以 心交界之 爲 心 心,而 之中 爲,必 心 理 有 日 如 則 指 形 常 之失 人 之 與 何 形 則 氣 則 爲 欲 有 則 告 去 又 古 色 雖 所

> 先 者 古 屏 書》之所指 生 已 去人 空 日 發見, 虚 心, 無 然。」 有 而 者 則 人欲 是判 矣。 將 流 性 蓋 亦 於 已 動 命 釋、 萌 於 爲 ,天理便是道 人心之微 老之學, 物 而 所 而 則 謂 非 心 天 道 理 虞 心

漸 心 恢 道心之説,比 廓 鄭 可 學當論 子 孟子合下大,只是未粹,要學以 上 説《易》、《 顏子合下完具,只是小 舊 益 精 中 密 庸 矣。 甚 仔 細, 充之。 論 要 漸 人

操,而 克己 仲弓 之。 『須於性偏處勝之』,亦不可緩,特 則 子、仲弓實告以 無己 之功 未至 顏子地位 口 至仁 可 學嘗 克」,是也。 難 此 也 爲, 以 難 姑 高, 其 書 爲仁 而 告 問 擔當得克己,故 至 成 以 一之事 先 仁 但 操 功 生, 也 學者爲 則 存之方、 餘皆 易; 云 0 : 敬、恕之功易 故 大 涵 以 程 孔 不 其 如 子 養之要。 此告之。 門 能 人 謝 云 唯 如 氏 而 敬 云 進 顔 顔

敬 子 日 恕 深 於 説 而 天 得 不 理、 也好,言學者克己處亦 克 己 人 欲 也。」文公以 之 際 便 可 其 至 書 好。 示 耳 楊 道 非 夫 只

黄 士 毅

告以 集》 以 嘗 得 有 步 知 大學章 類 居 人 道 白 稱 注《儀禮 著述甚 君子云。 閩 静 上 黄 百五 遵 爲 士 坐 爲考亭名士。 句 聖賢 毅,字子 勿 十卷、《語 朱 多 而 雜 》,未克 子 興化有壺公山 事 歸 譔 命, 業。 唤 終其 洪 次 醒 成 類 日 慶 自 朱 書 勿 同 身 觀 **>** 興 郡 元 昏 子 從 百 中 化 名 知 書 事 書 , 學 以 徙 \equiv 府 儒 居 説 於 壺 十 吴 黄 王 數 夜 **>** 禁方 斯 七 Ш 中。 邃 遂 八 月 吅 自 卷、《 爲 卷。 號 又 所 嚴 號 買 授 謂 士 稱 見。 宅 之 文 毅 又 以 徒 有

備遺

得 敬 比 之説 釋氏, 須是 士 毅 須 内 先 初 外 是 投 生 交 窮 先 日 相 理 生 養 書 主 蓋 敬 以 人 此 心 字 心 活 只 不 物, 恁 放 吾 地 動 學 爲 做 主

頭 偏 蹊 如 子 外 徑 喫 便 ,》存心 徑 存 難 是 他 廢 面 那 方知 去, ,只要去做 士 若 與 且 頭 這 毅禀歸 便 他 與 不 不 ___ 滋味。」 兩 動 説 他 識 段。 知 件 做 得 何益 如 事 今日 請 人須 去 Ι. 他 行 , 又 夫 教 步 如 日 如 有 0 0 只 是 ,左脚起,右足自 不 踏 何 : 如 曰 如 識 免 學 存 朋 : 飲 主 得 説 物 得 友 食 者 敬 只前 自 與 ? 將 在 最 家 他 般 窮 書 前 怕 數 如 物 教 理 來, 踏 今 事 不 須 日 看 來。」 着 不 説 是 既 知 説 ^ 可 孟 從 知 且 蹊 底 去

其 程 力 以 類 位 物 者 異 經 物 此 後 後 X 精 端 載 分 之 理 不 物 也 性 有 有 理 議 所 不 後 者 明 道 所 天 命 而 性 士 思 論 所 子 以 然 明 之 以 毅 已 地 命 ,, 所 巧 則 以 而 亦 明 第 後 作 理 爲 原 之 則 製 著 略 蔽 有 雜 此 以 明 ^ 自 性 以 故 名。 與 此 其 於 朱 次 天 具 理 文 意 以 我 以 命 傳 夫 理 治 子 之, 焉 文 者 地 達 務 資辛 者 太 朝 此 古 而 而 語 蜀 然 雖 也 名 爲 極 也 此 學 及 而 理 斥 則 圃 類 後 工 家 學 天 0 之定 即 歷 者 以 之者 衰 辭 序》 , 其 次之 義 有 者 地 所 代 理 作 者 也 自 爲 謂 古 禮 \Box 意 之 君 序 0 文 也 成 以 物 學 然 始 : 有 多 0 行 臣 乃 終 文 任 智 孔、 其 者 竭 悖 繼 次 焉 於 乃 有 凡 道 有 法 學 之 終 天 之 之 不 統 孟 及 求 後 太 度、 理 既 身 故 地 之 以 以 物 世 蓋 於 口 極 得 周 非 特 之 斥 設 責 群 理 文 以 夫 則 然 然

> 不 者 雖 周 利 成 及 半 次 溺 淺 始 而 0 續 必必 斯 矣 者 深 0 觀 焉 之於後 程 校《本義 之 妄易 道 皆 而《 詳 至 不 誠 而 反 未 於 略 乏人, 大 則 灼 復 非 復 深 能 群 分類之意 學 明 然 夫 小 斯 学之 經 盛 章 理 明 補 知 目 編 至 不 行 者 夫 句》 則 所 其 朱 在 至 於 抑 而 文 又 未 所 所 子 前 於 世 自 足 惟 故 爲 名 指 定 謂 而 千 信 嘗 以 殊 欲 末 互 而 高 大 五. 補 云。 而 謂 起 考 而 相 誦 間 明 人 白 ^ 不 孔 其 理 發 遺 書 0 虚 或 百 年 爲 爲 重 書 説 問 明 孟 空 自 而 之 近 複 本 之道 答 今 久 之 思 似 私 卑 之 也 以 異 絶 淑 流 所 及 已 所 所 者 後, 9 艾 今 未 至 陷 功 未 调 然 而

❶ 「所」上,《朱子語類後序》有「異端」二字

名 如 不 起 爲 此 輟。 學者更 林 縣 且 文公易 變孫, 尉 須 事 做 他 字 堅 所 簣 師 苦 子 著 之際

夔

孫

與

傅

定

從

文

講

論

武,

福

州

古

田

人。

黨

禁

`》,又有《蒙谷集》。

備

遺

句

有

^

書

本

義》、《

中

庸

章

工

夫。」

嘉定

七

年

特

奏

謂

之日

道

理

只

是

底 虚 就 静 否 變孫 看 [?] 先 處 自 問 : 虚 生 静 而 日 這 今 一也 箇 有 道 互 是 相 理 不 發 不 曾去 出 看 只 是 會 1 看 不

件 文字 先 與 生 衆 謂 人 夔 共 孫 理 云 會 立 公既 箇 程 久 在 限 使, 此 敏 可 者 將 不

老

亭

淵

源

録

卷之十二

是 得 底 録 是 生 西銘》看 *, 甲 之義。」 也 難 日 而 思 先 披 説 鈍 量 數 而 夔孫 不 板 夔 今 者 及 得 · 云 解 孫 不 看 請 得 Z 得 請 畢 所 分 或 而 再 夔 看 曉了 思 後 也 看 底 孫 量 揀 底 文字。 依 得 且 不 便 文 先 這 如 得 易 字。 生 這 9 看 便 解 日 便 是 索 説 件 漏 當 朋 ^ 過 事 了 且 近 友 初 他 思 首 將 切 或

林 用 中 弟 允

學 學 往 早 每 政 厭 訪 稱 與 爲 科舉業 之,聚首 林 僅 建安蔡季 畏友。 用 爲一往 中 ·, 字 不 年餘 張 求 通 擇之,古 士 敬 仕 齊 有《 民 夫 進 名。 率化 帥 南 田 湖 石 師 嶽 人。 南 憝 事 倡 而 宰 ,文公偕 陋 朱文公, 始從 頑 尤 集 傲 溪, **%** 者 林 文公 亦 延 用 用 光 莫 中 中 朝

九三

一九四

政 不 事 翕 服 趙 汝 愚 帥 閩 日 過 其 門, 訪 以

堂集》。 允中,字擴之,亦從文公游,所著有《草

備遺

先生説:「擇之曉事,非其他學者

之比。」

不 耳。 處 何 見 敢 有 待 得 極 少 比 此 窮索』之語是真實不 向 先生答 善 弛 驗 來 來 極 其 況 所 想 善。 勞 未 亦 擇 真 耳 只 見 之書 能 正 如 底 久 要 此 意 日 邪 用 見 思 : ? 功。 此 乃 誑 所 曲 但 語。 知 熹 論 當 折 近 顔、 存 益 今未 始 只 久 加 孟 無 就 能 自 勉 不 此 室 勵 明 處 礙 同

又答書曰:「既不爲老子之無爲,又非

樸 肯 近 謂 相 自 體 而 好 有 但 外 痛 向 處,亦都不得毫毛 反。 殊 末流之弊,只 所 不可 而 警也。」先生 講學上理會,其門人有相 作 又答書 感 其 敏 初 爲 而 間 謂 於 遂 不辯,但當識其 此 亦 中。 只如 日 通 便 有 : 天下之故 成説話,至 是 舊病 曰 此 陸 天 講 : 子 理 氣 學 擴之晦 壽 力。 流 此 漸 未 兄 行、 間 (所謂 一於人 嘗 弟 此 涵 學 鳶 外 離 訪 近 自 者却 不 倫 飛 而 能 者, 此 日 可 源 日 魚 議 明於内, 入德,不 者 不 是 用 然 氣象皆 躍 論 深懲 耳 最 與 體 之全 却 渠 切 用

但 於 展 又 拓 曰 處 : 終未 「 擴 之 甚滿 專 志 人意 苦 學, 耳 非 流 輩 所 及

林 大 春弟充之

林大春,字熙之,古田人。嘗題十六字

不 云 修 仲 尼 臨 再 終,戒子弟不得 思,曾子三 省 用 子 浮 何 屠 法 人 也 敢

備遺

物 孤 與 同 物 與 也。」 正 先 同』之意 物 是 生 同 發 答 熙之 明 亦 當得之。 大 是 字 書 此 意 日 意。 思 : 「《易 恐不 試 謂 玩 德 • 可云只是説 『敬義立』, 盛者得之矣。 文言》『德不 與 而

通 只 直 自 截 若 轉 知 送 知 一熙之詩 支 體 天 離 用 理 元 生 聖 日 無 言 生 仁 間,始笑前 本 妙 不 藴 一體 窮, 無 難 窮 明 要從 來説 意 君 所 知 涵 異 疑, 覺 泳 同 欲 驗 從 流 容 求

中 以 几 答 如 方 充 充 五 之書 之所 行 之 日 論 位 得之。 觀 「所諭 之 可 中 陰 見 字 陽 矣。 於 動 動 静 用 之説 優 柔 説 平 只

> 言 輝 中 體 此 句。 執 包上三字也。 動 亦 亦 説 用 然。 地 ,所謂有 厥 位 特 且欲 程子 中 上 如 舉 也 明道 説, 所 何? 成文,不 亦 節 却 以 云: 事 有 覺 次者是 不不 行 云 以 未 喪 之。 「惟 -明之耳, 免 盡 成 事 也 精 章 如 不 喪 即 不 惟一 此 不 事 敢 此 若 伊 達」, 作句,未 非 人 不 意 云 ,]1] 所 必 勉 於 所 也 所 以 此 不 動 以 引 成 通 必 勉 恐 然 至 用 章 只云 充 以 上 只 之; 上 專 恐 是 實 下 四 該 字 於 光 而 解 本 允

講 踐 其 於 聞 其 有 日 實 害 也 用之間,爲仁之本者, 又答書曰 於此 君 子 者爲 蓋 深 「充之近讀 佳 耻 之。 不然, 此 深 何 誦 固 書? 加 説 充 省 雖 之平 察, 精 恐 日 更 而 而 所 當 去

林 師 魯

林師魯,亦古田人。

備

遺

先生謂師魯問學行義,克世其家。

篇,極佳。 與擇之書曰: 未暇細讀,已覺儘有合商量處。 師魯寄來《 論 語 解》數

旦夕致書,相與評之,又看如何。」

考亭淵源録卷之十二

592

考亭淵源録卷之十三

楊道夫

楊道夫,字仲思,浦城人。

備遺

當 據 發 不 公看 以 明 可 日 致 ,然畢竟當於甚 無 道 知 先 夫 如 涵 爲 後 何 以 養、 先。 先後?」曰:「據道 疑 須 體 目 當 曰 : 認 質 以 之先生 處着 致 「四者本不 涵 知 養爲先。 力? 力行 其 别 日 夫看,學者 可先後,又 若不涵 雖 有 云 九 四者, 互 相 其

卒不 之心 慮 跽 持敬 得下,不覺 面 坐,更不去思 人將持敬致知 醒 厭 之?」曰:「今人 事 是三 時,忽忽爲 而 而 去 道 曲 醒 時 倦,爲思慮引 專 不 能勝。 可或爲 理也。 思量道 便是,不可 着 於静 拳,塊然 致 於 事 蓋蓋 致 力,則 知 却 知,則是徒然思索。 突起, 時 體 人激觸,或爲 思 理 贵 或勝之,而 鶻 量 在 最 認 覺 慮 可 ,二者本不 來 將 好, 此 便 突去了。 却 去。 將 引 紛 更不 如此? 做 來 是致知 及臨 去。 擾。 敬來 是今日 而後爲敬?」又曰: 兩 别做 敬 可 事 己 只 事 别做一 是三者,將 不 禁 利欲所誘,初時 但 相 以熹觀之, 形 也。二二日 持敬時 是自家 然, 則 禦。 持 事 妨。 於 厭 敬 面 若專 則 辭 又豈 倦。 事 雖 自 三日: 只塊 於 明 色。),所 痛 持 箇 何 於 日 可 正 或 四 遏之, 敬, 然 指 此 去 以 以 存 於 居 事 涵 心 今 等 獨 思 擎 常 有 勝 敬 臨 常 只 養

異 爲 Ľ 剩 志 是 又 用 可 此 物 他 心 何 $\overline{ }$ 同 同 性 如 爲 情 知 害 於 以 冒 理 一之語 道 體 然 行 是 言 義 得 對 何 他 笛 會 不 義 而 而 而 非 * 理 蓋 自 不 助 切 淺 故 完 異 異 是 持 謂 是 分。 之 而 可 嘗 _ 0 具 情 恁 故 用 只 贵 之太 分 他 凡 長 心 天 日 H 錯 張 如 與 不 合 辩 所 無 人 理 . : T 欽 粹 之生 人 甚 句 旬 安 ? 適 雖 人 下 以 _ ___ 夫《 只 然 欲 凡 , 説 樂 無 欲 有 見 則 天 便 Ŧī. 是 天 人 同 者 莫 得 却 嶽 $\overline{}$ 百 得 心 粹 日 理 是 地 天 養 之 體 是 不 麓 操 體 如 . 便 不 然 何 必 之心 理 未 乎 是 生 他 \sim 書 之 此 可 是 ? 天 而 也 有 人 熟 合下 遺 院 則 以 異 性 粹 地 事 當 欲 天 耳 書》云 記 即 存 善 之 用 日 然 焉 時 同 此 便 理 0 人 是 **>** 惡 . 心 天 體 只 而 捨 則 無 欲 見 人 口 几 至 辯 9 地 之 使 IF. 得 欲 IE 人 便 而 Ŧī. 不 行 日 善 之 不 之 是 與 則 今 不 異 如 他 如 峰 與 而 .

> 之, 奪 以 地 故 長 處 且. 意 自 其 不 忧 南 多 恁 分 只 原 孤 心 未 往 不 陽 軒 到 嘗 持 是 明 口 也 來 亦 然 必 答 德 氣 若是 見 靠 須 去 不 乃 之生 有 於 只 吴 盛 其 且 口 此 是 其 易 有 鄰 晦 後 處 説 恁 心 德 道 一,所 爲 復 自 叔 多 道 段 孤 地 且. 也 外 到 也 然 書 9 蓋 謂 只 去 多 恁 物 持 德 不 左 云 復 口 有 程 是 地 所 是 侵 之 盛 右 如 . 見 也 往 子 單 太 去 處 未 奪 後 此 逢 天 則 所 反 單 甚 少 解 自 者 此 其 地 古 有 謂 有 復 緣 便 無 只 原 便 心 不 復 聖 其 是 這 窒 放 曰 是 句 焉 不 口 也 道 : 處 此 礙 下 0 爲 德 指 難 以 未 道 了 少 外 這 蓋 正 六 此 天 曉 左 孤 嘗 理 言 地言 不 箇 右 爲 物 所 亦 曰 復 以 天 消 侵 是 其 德 所 須 逢 也

⁰ 改。 只 使 原 作 如 此 據 朱 子 語 類 卷 百 + 五

化

不

加

而

無

而

言

而

一之視 言 能 若 説 陰 是 顯 故 心 心,天地 小 之好 然 初 之下 聖 以 動 白 於 也 亦 日 有 不 是 賢 獨 大 民 其 不 而 生 可 指 可 皆 心 之 抵 成 口 , 在 如 復 無 之心 禹 天 見 乃 以 之 以 天 所 不 ^ 傷 暗 也 理 易 天 用 之 或 無 理 知 推 曖 人 》之言 也 有 偏 況 是皆 地 亦 者 拯 静 尊, 而 程 之 欲 因 失 夫 生 口 見 而 河湖 無 子 學者 静 患 而 天 則 以天 時 見 復 其 物 論 人 陰 當 言 耳 不 湯 地之心 有 之 其 而 之 相 欲 陽 時 之救 之 可 復。 地之 彰 資 心 心 如 爲 有 所 説 以 而 其 天 有 焉 也 而 指 桂 謂 如 可 無 民 復 師 心 善 故 下 指 不 動 於水 見 動 何 不 慕 爲 미 皆 堯 無 静 君 聖 切 賢 口 心 之 陽 以 蓋 以 君 之 亦 者 子 欽 人 謂 則 火, 者 機 不 造 有 夫 相 子 小 以 雖 復 聖 聖 之 於 所 決 彼 於 未 生 已 未 見 所 可 心 有 皆 無 日 此 見 不 發 心 發 : 謂 見 其 大 不 天

於積

事

忧

之

之

復

者

却

恁

其

心

何

哉

文

王

也

0

虐

無

復

之言 發。」 遂 李 至 如 心 自 之 0 善 復 而 不 心 0 理 以 是。」 此 是 能 然 未 識 道 者 堯 專 氣 而 而 延平 爲 0 之, 之不 嘗 在 夫 無 象 亦 見 無 亦 天 只 心 問 曰 不知 者 謂 有 疑 涵 爲 人 膠 下 猶 教 當當 虐 : 養 大 欲 李 如 體 不 擾 所 學 時 舜 若 夫 其 李 先 何 謂 知 能 認 而 其 者 欽 此 所 生 聖 動 先 先 之好 之未 支 默 皆 又 於 大 夫 得 之言 謂 生 伊 而 人 生 是 離 會 君 要實 静 之 其 體 所 則 之 111 生 見 嘗 子 平 巾 坐 語 言 認 主 説 謂 其 無 ? 心 復 而 偏 時 相 皆 亦 者 於 此 信 心 : 行 何 無 之 看 自 爲 未 是 李 以 體 者 從 如 小 若 既 故 喜 論 是 此 表 分 此 先 因 斯 認 人 曰 怒 賢 他 思 裹 明 其 生 其 正 體 心 哀 者 當 所 程 即 如 心 只 不 動 H 時 樂 之 先 則 然 是 七 公 不 如 能 而

 $\overline{\circ}$

O

數 康 卦 子 \prod 之所 吟 稱 節 而 言 論 **%** 嘆 從 天 0 ^ 起 九 地 日 東 處 問 萬 : 見 物 : 録 康 $\overline{ }$ 天 之 *\frac{\times}{\times} 節 根 濂 理 詩 溪 以 月窟 乃 遺 及 人多言天 是 事 六合之外, 指 説 > 載 復 先 邵 地 天 伯 外, 姤 圖 温 而 不 記 伊 中

言 論 知 日 着 天 以 外 地 六合 其 如 則 難 何 之外 須 説 説 似 故 内 也。 有 外 莊 箇 周 外 舊 規 亦 嘗 面 模。」 云 畢 見 竟 此 聖 漁 是箇 説 人 樵 如 存 問 甚。 何 答 而 不 若

附 問問 附 天依 天 乎 天 形 何 依 地 天 ? 附 地 氣。 日 何 所 其 依 依 形 乎 附 也 ? 地 有 曰 : 涯 地 其 何 自 附 氣 相 也 ? 依

出 無 是 涯 説 意者 者 大 當 問 時 所言 向 得 不 此 调 書 如 此 而 或 細 者 思 以 無 爲 有

> 俟 至 夫 存 如 當 塊 心 此 數 之歸 者,或 塊 然 問 日 以 然 來 處 只 讀 都 專 向 那 書 見 而 無 後 所 以 先 所 静 爲 求 求 事 生 坐 之心 義 存 教 却 澄 理 耶 童 如 一,或 ? 治 便是已 畫 浮 此 分别 卿 屠 心 於 氏 存之心 是 矣。 心 日 非 上 以 所 着 若 求 謂 何

若 子 擾 在 剩 地 勿 2、這莫 着 日 0 正 但 箇 力 心 能 問 自 『操 去求 不操 存 家略 是大 勿忘 字。 則 尋 而 便 加 存 常 把 勿 常 亦 蹉 提 操 做 助 存 舍 不 過 省 存 事 長 者, 必 則亡。」 了。 則 處 T 深 也 便 ? 是 覺 着 得 今若 到 才 力 操 日 甚 着 則 説 : 這 必 麽 便 力 操 物 自 有 地 在 存 然 則 事 事 位 這 焉 已 是 本 愈 孔 恁 是 而 紛

問 處 鄉 黨宗 族 見 他 有 礙 理 不 安處

康

節

不

能

著

也。

非

康

節

所

著

先

生

曰

其

間

儘

有

好

處

非

般 又 H. 失 處 欲 之孤 也 與 是 之 難 介 和 也 同 而 只得無忿疾之心爾。」 不 則 合中 又 不 道 便; 如 欲 何 正 ? 以 曰 遠 之, 這

楊黻

同 進 時 士 受學於朱子。 楊 又 黻 有名驤者,字子昂 字與 7 道 夫 從兄, 道 紹 夫 族 興 癸丑 兄 舉 俱

備遺

生 也 大 是 者 無 外, 以 道 「言有 箇意 夫嘗與子昂 放 固 下 無 思。」 出 與操之之故,真 出 人 人。 也 論 是 道 心 夫 無 箇意 因 出 思 有 人。 思 心 出 言 之 子 人 所 昂 無 也 以 謂 出 先 存 心

> 然此 然 皆 是 不 常苦志氣 當做 有 要 心 病 下 道 理 先 底斷 無 理 會 生 如 事 得 海 ,見得是自家合當做底 何 怯 ? 目 不可 與 弱, 前 立 先 恐 許 等 做,只是 生 懼 多 日 日 道 太過 : _; __ 「爲 理 如 ,心下常 若 學之道 此。 世 見 間 得 便做 與立 事 理 若 無 無 徹 將去, 有 他 問 小 自 只

其 君 行 宜 所 否 義 ? 曰 求 驤 是 其 問 得 之 所 志 時 當 : 得 一志 爲 行義以達其道」,莫是 隱 位 而 是守 居 而 以 行 其 求 其 所達 之, 所 當 使 之道 其 道 臣 道 所 允 之事 是 行 足。

程端蒙

慤 知知 程 自 端蒙 好。 字 稍 正 長 思, 即 番 能 陽 博 求 師 自 友 少 以 天 自 資 開

所 失 安 者 别 以 課 檢 爲 繆 益 好 歡 能 慨 可 是 合 試 邪 其 否 開 然 心 不 屬 見 鄉 輒 大 遂 端 發 發 之分 義 而 剛 正 向 能亡 修 造 事 復 以 策, 蒙 之 歸 理 憤 背 喪 介 詞 門 士: 推 多 知 間 於 獨 母 爲 而 不 直 藝 人之國。」於是 即 辩 誠 有 以 奮 幾 紹 取 荷 後 輕 名 以 求 質 聖 葬 以 筆 微 爲 熙二 誨 己。 合 舍 重 王 道 薦 賢 祭 邪 抗 法 之際 或 淺 誘 之學。 修 書 推 程 對 論 氣 聞 年 移 深 會 不 身 多 本 者 目之, <u>+</u> -在 人 書 蘇 又 無 大 倦 爲 既 古 講 太 靡 學官 譬 皆 所 氏 所 臣 己 見 端 從 學 學 經 然, 月 曉 之 中 依 感 朱 任 樂 且 蒙 , 議 而 學 承 子 理 違 悟 言 無 豪 儕 以 擇 必 日 政 化 爲 望 於 居 敢 縱 其 輩 正 竟 於 極 而 而 卒 者 問 風 婺 家 有 正 上 類 流 以 而 其 口 所 不 山日 頗 蓋 源 事 年 言 賤 所 告 俗 失 是 以 是 趨 E 衆。 分 其 名 非 未 之 其 兀 無 將 即 大 : 語 時

十有九,聞者莫不哀之。

備遺

處 此 亦 意 0 也 須 甚 **^** 0 藉 晦 大 善 翁 窮 學 甚 答 理 善 **>** 所 正 功 謂 思 夫 用 /;令胸 書 功 知 如 日 至 : 此 而 次 後 所 亦 灑 意 喻 造 落 誠」者 日 贵 始 易 用 有 操 量 進 正 存 謂 步 然

學 耳 静 聖 其 以 善 賢 功 之 敬 審 之學, 夫 然欲 今 爲 又 而 問 次 答 言 以 致 序 謹 静 以 書 之 徹 則 皆 静 爲 思 日 也 頭 亦 致 不 : 徹 敬 明 得 知 理 力 尾 辯 承 之 其 明 行 字 只 者, 喻 當 由 心 該 是 者 致 矣。 定 皆 敬 之, 知 以 致 敬 爲 自 **^** 則 力 敬 知 字。 中 力 無 恐 行 之 而 庸 行 紛 未 事 之 行 致 之準 擾 所 然 意 之 知 之 謂 而 也 效 必 博 則 蓋 甚

明 問 以 則 篤 思 行 亦没世 辯 終 之,此 之 間 一窮 年 但 口 而 欲 見 無 以 也 所 静 0 獲矣。」 爲 苟 主 不 而 從 待 事 理之自 於學

緩 己 然 鄉 更 宜 見 也 亦 曲 之爲 須 審 X 却 遍 書日 處 恐 觀 愈 0 於 衆 也 : 與 事 理 其 葬 理有 觀 而 得 地 合其 書 直 之訟 所不 以 於 歸 己 有 当,想已 周 體 趣 司 欲徑 乃 驗 不 得 佳 固 若 急 直 爲 若 兩 而 0 親 只 平 反 凡 切 據 於 踈 百

行 以 重 者 致 設 昨 又 知 告 書 耳 爲 擇之, 於 日 先 : 理 然 古 致 正 論 無 知 爲 其 大 徒能 力行 輕 害 重 也 9 知之言 論 則 其 當 先 之而 以 後 力 不 行 古 能 爲 當

朋 不 自 家 友 口 於 存 相 又 書 信 稠 養 講 人 得 日 廣 學 : 及 處 坐 者 異 朝 論 論 密 夕 説 紛 加 點 是 紜 評 檢 非 訂 是 不 0 自 必 著 切 深 書 身 不 辯 V. 之 可 言 廢 急 且. 務 於 切

> 學 皆 嘗 意 益 是真 之名 便於 光 排 如 明 擊 又 此 難 書 徒 私 則 以 滅 今乃悔 意 日 彼 爲 故 是假 人 之邪説 學者 競 欲之實, 之,故 辯 世學不 易除 之端 翕 如 然 不 見 明,異端 趨 而 願 無 但 睍 之。 미 賢者之爲 益 當 耳 以 於 故 力行 不 然 事 遙 失 不 喭 吾 起, 之 必 道 有 白 道 耳 深 大率 之 來 義 問 使 與 蓋

不 存 是 養 兩 體 又 書 事 驗 世 : 久 所 久 論 純 放 熟 心 之説 又 須 見 甚 得 善 存 且 養 更 省 如

之

辩。」

竇 從 周

傳 不 伍 《 語 流 竇 從 俗 孟 周 精 既 字 義》、《程 厭 文 科 卿 舉 氏 丹 業 遺 陽 書 日 人。 讀 口》、《近 ^ 志 周 尚 易 思 冲 程 録 氏

此

往 如 見 是 倡 朱 者 子 十 士 年 於 友 建 淳 陽 熙 丙 及 午, 歸 築 年 室 己 五. 專 + 以 爲 偕 己 弟 爲 澄

備遺

院 注 以 從 日 千 教 周 里 從 云 最 理 從 固 會 怕 周 周 是 収 差 史 初 今 常 錯 學, 見 之 收 放 前 先 學 放 心 便 輩 生, 者 心, 流 煞 慕 先 曾 常察 爲 理 顔 生 講 功 子 會 問 利。 説 忘 克 經 : 與 己 差 不 助 氣 如 之 然 便 長 象 何 毫 流 即 用 釐 先 爲 游 心 繆 佛 傳 生 判

措 見 此 説 身 得 又 從 因 是, 問 閱 周 説 自 西 公 此 銘 遂 留 先 棄 意 妣 見 科 此 説 不 舉。 道 幸 乾 幾 父 從 從 坤 年 周 周 ? 母 + 哀 年 終 痛 何 願 故 無 見 皆 所 向

> 之時 於 先 世 生 。」先 務 緣 絶 家 生云: 無 事 累 爲 「公已 又 累 無 今 功 得 名 家 操 之 事 心之 念 盡 下, 正 付 要。 妻子 是 侍 教 從 周 誨

才著意 只 心 善 講 顏 何 得 欲欲 子 則 看 論 恁 拳 先 去 公 其 見 拳 生 地 又 盡 其 畢 間 語 服 助 氣 竟 多 從 膺, 然 長 象 如 異 周 而 如 極 同 何 覺 極 克 好 用 非 得 難 己之目 心 語 如 甚 定 孟 難 頃 月 從 文 精 刻 字 義 不 周 先 不 從 沙皆諸 違 説 生 存 周 又 云 即 在 則 : 得 仰 先 忘 且 私 慕 如 牛

敬 敬 生説 通 畢竟 便 時 便存 有 先 才 如 · 二 日 義。 主一 生問 敬 何 見 以 如 : 之謂 直 得 居仁 須是 曾 這 内 理 敬 敬 便 便 將 會 字 由 義 敬 ? 敬 無 義 來 以 字否?」 適 曲 做 日 方 之 本 : 外,義 義 謂 領 端 便居仁。」從 曰 涵 莊 0 便 : 嚴 養 有 程 得 肅 曰 敬 貫 先 則

周 須 恁 敬 地 莫只 説 是 不 敬 涵 養 時 義 便是一 便 不義 分 别 是 非 日

於 覷 見 射 不知 方精 者 户 四 , 邊,必 ,專心致 視之三年 生日: 有 不 他。 志, 能 文 , 中 雖 只 大 卿 0 實 看 如 看 **^** 無 列 車 紅 道 這 子 輪 心。 理失之太寬 事 > 要當 説 想 若 當 看紅 射 時 如 者 用 當當 此 心, 心 懸 所 專 蝨 又 如

着 不 成 歡 只管 先生 喜 語 讚 正 歎 從 如 渡 周 调 船 渡 之功 前 既 日 已 有 E 此 岸 見 則 處 當 只管 向 前

於辯 之意 我 爲 益 之 嫌 以 論 病 實 ,甚善甚 先生答文 而 見致 而 亦未 倦 不 於 能行 疑 善。 免 探 卿 爲 討 自 者 書 但自 自 不 日 似 畫 亦 相 : 有 以 也 不 妨 不 辱 0 臨 當 0 能 書 彼 深 古 , 致 以 爲 概 不 知進 空言 疑 高 當 視 彼 學不 以 不 便 生 皆 似 求 謂 辯 彼 倦 爲 賢 淮

空言,而逆料其全無實見也。」

引 切 體 惹 外人辯論、枉費酬應、分却 認 又 書日 自己身心 爲 學之要,只在 上 理 會。 切 向 忌 着 裏工夫。」 輕 實 自 操 表 存

萬人傑

萬人傑,字正淳,興

或

軍

備遺

潔 縛 説 未 點 白 不 精 得 漆 l 底 意 問 密 渾 索性 雕 也 : 淪 開 0 思。 曾點、 絲 是合 都 因 來 不 語 若 下 漆 綫 曾 是 人 見 雕 傑 去 嚼 實 得 開 識 破 日 更不 大了 已見大意。」曰 殻 得 正 子, 直 便 然 截 淳之病 所 自 但 以 無 見大意 言 多 那 大概 有 精 兩 曾 語 纏 密

斷

得 棒 分 明 條 痕 如 今 İ 摑 一夫,須 掌 血 是 如 刀 此 做 兩 段 頭 底方 所 當 成

可無疑慮。如項羽救趙,既渡,沉船破釜,謂一棒一條痕,一摑一掌血,如此做頭底方

持三日糧,示士卒必死無還心,故能破秦。

若 更 膽 前 顧 後 便 不 可 也 0 因 舉 禪 語 云 .

「寸鐵可殺人。無殺人手段,則載一車鎗

刀,逐件弄過,畢竟無益。」

不慎,便有枉用工夫處。」 屢與人傑説:「『慎思之』一句,言思之

思 慮 之理,而 夾雜,不 問 . 索理未 斷 能 天 下 虚 -之疑 到精微 明, 用 ,豈究其精 此 處 昏底心,欲以 如 何。」曰: 微 乎? 觀 平 天 H

未 其 文先生之辭,恐 接 安。 繼之 續 先 大抵 生 此 爲 道 答 義 此 理 正 , 接 段 淳 以 不 生 是 書 續 能 萬 張 日 之 無 物 思 意 ル 二心 者 叔 失 莫 所 言 真 生 記 非 既 也 善 道』之説 有 多 一,而 『繼之者 此 以 道 物之 己 理, 意 恐

> 富得其旨也。」 成形,各具此理而爲性也。試以此意推之,

接 間 涵 如 物,無 此 須 養之久,則自然見得 空 有 又 書 蕩 箇 過 欛 日 蕩 不 柄 地 及, 所 方 恐 中 論 有 無 間 執 大 撈 矣。」 恰 概 捉 摸 好 只 也。 不 處。 是 至 如 中 走 閱 此 · 只 是 失。 理 但 一之精 應 若 日 事 只 用

余 宋 傑

余宋傑,字國秀,南康建昌人。

備 遺

違。 之當 先 爲 或 生 秀問治 而 曰 念慮 · 且 心修身之要, 之 間 旋 多 恁 地 與 做 H 以 去 間 爲 所 只 講 雖 是 論 知 如 事 者 今 相 理

硬 到 Ħ. 要 得 説 得 熟 笛 地 熟 直 位 字 是 不 自 這 知 有 熟 不 忽 字 覺 然 如 得 不 何 如 口 便 此 知 得 處 到 不 這 是 地 被 付 你 ?

淬 静 是 事 融 物 雜 不 敬 敬 裹 白 事 説 地 是 敬 而 面 則 通 换 時 底 在 無 古 此 又 莫 虚 做 則 , 問問 不 是 失 心 虚 之 箇 静 鶻 則 然 蓋 昏 虚 上 .通 静 突了 白 所 也 是一 敬 雜 静 用 宋 曉 則 要 謂 淨 是 功 而 覺 傑 也 守 而 底 識 虚 愈 0 第 定 今 便 尋 發 得 静 得 虚 難 日 那 須 是 於 常 好 静 這 理 節 亦 : 是 覺 裹 外 虚 物 會 事 是 則 若 底 要 亦 得 這 静 事 0 箇 虚 八 敬 資 打 鶻 也 裹 而 Ħ. 窗 黑 静 禀 突, 心 破 要 未 今 如 只 玲 底 稍 昏 那 終 未 識 消 便 所 要 愚 瓏 虚 不 黑 身 識 識 得 把 説 以 静 存 黑 底 得 這 敬 專 但 無 得 來 淬 虚 這 物 與 於 持 不 不 那 夾 則

先生答國秀書曰:「所謂貼裏者,但

精 之 般 要 放 庭廳 謂 而 純 類 病 微 書 熟 也 揀 逸 遽 耳 細 不 於 之 責 矣。 擇 隱 口 若 己 逐 而 藴 純 顯 白 學 常 句 分 之分 熟 今 如 外 問 切 正 逐 上 之 看 此 理 之 字 提 使 全 功 久 此 會 功 説 , 撕 無 初 ; 之, 册 不 不 得 干 時 則 漸 干 自 大 相 曾 涉 且 無 理 己 加 當 似 抵 循 0 要 内 嚴 事 會 見 不 序 大 外 此 只 密 及 曾 得 從 講 綱 身 正 與 求 着 分 究 頭 持 心 不 做 更 知 實 明 守 之 至 讀 貼 舉 於 而 持 間 尾 業 守 聖 裹 人 務 勿 守 之 之 極 得 不 賢 令 無

説 問 累 處 志 靦 其 自 則 心 顔 玩 宋 理 無 之 而 勢 不 傑 戚 事 志 戚 不 竊 知 之以 之念 容 惟 何 答 己 古 道 文 ; 日 人 矣 辭 若 多 : 今 處 欲 也 韓 窮 值 辦 貧 退 須 文 窮 集 木 是 辭 木 則 而 忍 盛 淺 若 未 泰 事 Ш 忍 免 然 詩 苟 到 有 切 不 序 能 熟 屈 不 以

聖賢之言,探索 力 玩 而 ,此亦足以見其玩之未深矣。」 樂之,尚 可 以 高 忘仕進之窮 遠 如 此 而 通 臨 況 事 全 吾 不 日 得 誦

周 介

周介,字公謹。初姓葉,一字叔謹

備遺

何 去。 窮 若 且 天 示 去 故曾子 若是 公謹 下 看 去 公謹 之理 聖 看 Ė 問 迫 問: 賢 : 切 氣 亦 『忠恕 「夫子 又 求益,亦害事 象 甚 學 無 難 者 識 路 而已矣。』」先生曰:「且 日 月 且 理 他 可 : 『吾道 人。」 會文字, 隨 箇 自 豈 規 家 日 不 模 規 : 又却 以 是 模 便 私 貫 若 大 是 昏 意 之。」 小 欲 了。 難 做 盡

此 錢, 貫。」公謹 用 條 貫 時 曉 意 如 大 問 子 去仔 是夫子之門人否?」 同,而未始離 去 。」曰:「不然。 是後 八千條 時,未有忠恕。 萬 無 得 思 何 出 氣之周 目 他 所 故 細 貫 條索穿得方 聖 八只 ? 尚 只説 上 玩 以 萬 自 味 復 看忠恕。 緣 告 日 之道, 推 目, 乎天 吾道 問 曉 他 他 :「夫子之告曾 乎氣之一。」曰: 出 治國 不 未 曉 0 來 ·得,如 「莫 地之間, 却是曾子件件曾做 及曾 見 一以貫之?」公謹 始 得 可 日 忠 平天下,有許多 公是以 曰 能 於 謂之一貫。」 千 是曾子守約, 恕 「是也 子 條萬 同 日 何 是大本,所 「是也 説 然其 用之間 識 萬 忠恕 忠 目 物 得 0 「别 子 恕 散 他 所 解 通 時, 問:「 貫。 夫 以 直 又 殊 人 修目 貫 故 以 子 連 未 是 看 精 次 告 雖 貫 來, 則 能 爲 門 説 日 有 箇 見 得 如 曾 或 一,夫 體 所 穿 如 千 子 他 甚 不 復 更

所 以 不 復 只是朴 以 ·曾識 問問 知 告他。 若不曾躬 所 實 是 以 頭 他 子貢是識 告他 去做 用 心 行 了。 於 踐 曾子只 得多 内, 履, 夫 子 所 如 2,所以 是 告 以 何 曾 識 如 人,不是見 告 經 得 此 他 歷得 ?」公謹 日 多, 他

等 鄙 書 人 意 來 問問 不 近 先 生答吕子 來 能 所 覺 談 疑 得 覺 王 説 只愛此等人。」 得 霸 約 却 書 終 似 是慤 日 稍 通 「公謹 實 曉 謹 勝 厚 前 往 這 日一 時 邊 此

余 正 父

備遺

其 歸 則言 則 先 生 行 答 而 之 正 已 間 父書 雖 日 有 容 不 有二三也。 「天下之理 同, 不害 其 萬 知 爲 殊 所 謂 然

> 故 之 $\frac{-}{=}$ 不 謬 要處不可 明 知 將 一者爲 道 其 先 不 而 生 理 不同 俟 有 之 强 舉 言 古 同之,猶 耳。』此言有 足 然 而 解 而 已 不 經 不 迷 必 有 免於二三,況 錯 同 不 味 リリ 於 同 也 庭 處 其 户 不 爲 間 妨 遂 千 但 以

後, 所定 己。 也。 也 曲 禮》、《少儀》之類 其 亦 喪、祭二禮 前此思 示喻編禮 間 甚 更 無 只 穩 有 當 口 慮安 小 疑 小 前 并 别 排 然 雖 疑 此 示 作 百 處。 亦 有 疑 其 端 兩 其 小 於 目 門, 勢 倒 家 終 ,三復嘆 置 如 邦 居 覺 處 此 邦 更 未 無 或 如 穩 無 仰 《弟 安 王 口 子職 不 頓 朝 奈 今 之 能 處 何 如

余 隅

與 吕 余 祖 隅 謙 字占之, 黄 榦 往 古 復 田 講 學 9 有 從 朱 克 子 齋 游 文

集

備 遺

理,而 久之有見,方信 義 於 字便覺有病,不 耳。 自 面 長,不必牽合諸説 子文,固所當然,然義 到 思量,不必向 卑近,然却 思無 未 高 先生答占之書曰 直以愛爲 聞 遠 亦 先 邪之説, 處, 謂 高 IE 無 乃 遠 外 仁 是 得 以 私 是升 則不 而 初 好 却 頭走作也。」 及 辭害意 伊 惡耳, 學事 後 高 : 味 111 理 可。 平 今 且 意 試 短 意 自 0 易 可 但 味 下, 也 己 此 須 期不遠, 一當 也 也。 語 亦 如 處 從 就 陟 中 仁 不 此 此 且更潛心, 遐 平易 此 者 可 少 去, 自 者愛之 兩 却 能 氣 遽 且 句 邇 漸 作 古 味 好 斷 裏 之 疑 私 惡 次 自 絶 舉

> 余 範

余範

字彝孫,古

田

備 遺

是 則 語 有 省 氣 未嘗 古 懼 心 不 反 廣 者,内有 疚 動 彝 Ξ 熟復本文,而 其 孫 體 明白完備 夫 問日 心。 胖, 何 所 憂 而 若志 : 慊也。 何懼?』」先生答 何 有 憂 立則氣定矣, 别 今以 憂有 何 生 自 懼之有? 枝 省 志 懼 節 立 於 者 也。 内 氣定爲言, 志 而 故 日 不 無所病, H 夫子之 勝 有 氣, 内 則 憂

林 學 蒙 弟學 履

林學蒙,一名羽,字正卿,三山永福

從 平 講 學,幹 文公游 聘爲 堂 爲 長 後 之 記 卒 所 業 著 陳 於 有 宓 黄 始 榦 梅 作 之 塢 門 集 道 ~行 南 書 築 於 院 龍 世 於 門 延 庵

學履,字安卿。

備遺

之 是 仁 大 類 綱 細 之問 説 密 正 日 卿 答 如 : 説 問 顏 語 得 : 子 以 仲 細 者 熹 弓 夫 密 觀 以 子 却 之, 是 答 若 大 顔 夫子 所 其 綱 淵 他 不 0 答 欲 弟 克 群 勿 子 己 弟 問 施 復 子 於 多 禮 却 是 爲

紛 識 擾 笛 漸 問 心 是 漸 何 思 見 物 慮 得 紛 却 須 擾 有 是 了。 日 下 思 工 慮 : 夫 「公不 時 處 知 道 思 這 慮 心 時 如 此 不

此 説 問 且 自 存 體 心 認 多 自 被 家 物 心 奪 是 T 甚 物 __ 日 : 自 家 不 既 須 如 不

> 得 曾 話 説 操 極 識 白 而 分 孟 裹 自 得 子 明 存 ,後之學者依 箇 四 心 如 端 夫子 水 而 處 今 火 説 儘 都 相 有 T 舊 説 濟 口 未得 孟 不 玩 自 把 子 索 不 做 恐 相 後 纔 事 離 世 識 更 不 得 説 聖 識 賢 甚 不 閑 説 須 又

剛 箇 而 塞』, 克 莫引 0 先 生 且 證 各自 理 謂 見, 會 正 不 這 相 卿 同 將 曰 _ 0 箇 都 : 剛 理 理 字 會 會 `, 莫 不 這 得 要 箇 理 且. 會 理 理 會 會 沉 潛 剛 這

於其 病 横 德 欲 淺 錯 就 迫 不 隨 弘」者 之 此 文 答 綜 事 執定, 病 理 正 , 省察 各 亦 卿 有 非 書 淺 或 盡 意 庶 但 不 則 日 廢 脉 幾 讀 : 於 暇 他 可 書 其 周 今 説 大 以 爲 人 悉 文 率 深 然 義 多 朋 此 造 世 兼 多 是 乃 友 而 見 義 所 古 看 自 要 文字 得 理 不 得 須 精 盡 所 也 識 邊 微 謂 0 破 多 迫 縱 有 此 執 便 故

安卿問:「克復工夫,全在克字上。蓋

此 之 是 則 幾 就 始 未 動 動 分 處 克 以 方知 將 前 去 不 所 消 決 必 得 擇 因 用 有 而 力, 動 用 力 只 而 也 消 後 0 動 天 曰 處 理 用 人 力 如 欲

便得,如此得否? 且更仔細。」次早,問:

「看得如何?」安卿舉註中程子所言「克己

復禮、乾道、主敬行恕、坤道」爲對。曰:

得

力

處。

是徹 這箇 頭 也 徹 只是微 尾要 底。 有 此 如 如 公昨 此 分。 夜之説 若論 敬 只 是 則 發 自

懞 動 方 憧 等有 用 克 則未 私 來 時 發 旋 時 捉 ,不成只是這 來克 如 此 得 裏 否 打 ? 瞌 睡

楊至

以 女。 楊 所 至 編有《文公語録 ,字至之,泉 州 晉 ***** 江 卷 人。 蔡 元 定

妻

備遺

存。 讀 先 書 牛 窮 與 理 至 之書 亦 勿 云 廢 惰 日 用 久 之 久 間 當 自 常

覺

切

操

膚 所題 定 便 不 急 有 根 詩 容易 交 通 是 痛 本,然後 如 涉 方 閒 又 切 又 依 何 何 生 問 乎。 書 過 處 書云: 便説 其 緣 一説 方是 日 云 庶 熟 次 便 月 所 序 : 理 讀 有 得『《易》之大全無餘 雖 説 一會得? 進 要 人 向 用心 説 所 ^ 須 處 經 後 得 易 得 喻 門 反己 無 傳》 講 是, 仔 若 ^ 得 户 只 細 究,人得 詩 深自 恐 亦 只 力 今且看 理 序 處 若 亦 不 如 會 \approx 濟 此 只 體 方 莫 察,有 有 事 門户,立 如 泛 既 是 四子 相 藴矣』? 況 泛 疑 此 不 見 怪 揭 即 悠 得 曾 也 全 音 箇 過 思, 皮 未 後 習 火

以然,而加濬治之功否。」向嘗面説至之有膚淺之病,不知曾究其所

身處 身,如何而 學此而已。 心 來,便應將去。」 在 以 生 日 、修身、齊家、治國、平天下。 那上,自家 爲學之道。 便 :「學不是讀 楊子順、楊至之、趙唐 如 此,説 能 若不讀書,便不知 都 齊家、治國。 聖賢教 要去理 齊 家、 書,然不讀 治國 會 人,只是 卿辭歸,請教 聖賢之書,説 處 書,又不知 便 如 排定 所謂 要誠意、正 如 何而 此 在 學者, 這 能 節 先 裹 修 修 所 節

又 日 /慮 「既知不是,便當絕 做那一事去。 至之問:「某多被思慮紛擾。 雖 知 斷 得 更何 了 自 必 是難 問問 思這 止。

太極、兩儀、五行、四時、四方,以至四德、五至之作二圖。一曰《天道至教圖》,從至之少精深,蜚卿少寬心,二病正相反。

爲 非 摽 動 而 常、四端 説 終 以 出 教」一條,與仁 ^{||} 禮記 爲 於其後。 教民善, 聖,盡 相 至教 次 乎 如 大意 排 人 雷 氣 至 列 而 擊 義 德 説 0 以 合乎天。 氣 君子法天從政, 懲 條,及「風 日 奸 條,列於其首 **^** 慝 人 ,便及始爲 道 至 雨 教 露 如 霜 圖 風 無 而

考亭淵源録卷之十三

二四四

考亭淵源録卷之十四

陳易

。 學,舉慶元丙辰進士。 浮屠,參酌古禮 所著有《論孟 陳 易,字後之,泉 鄉 解 間 義 崇尚 化之。 州 永 伊洛、居喪 春 仕爲 人。 自 懷安縣 不 幼 用 力

備 遺

常 高 因 奇,喜立新 書箴之。 文公與柯國 説 蓋 材 因 往 其 書 往 病 曰:「陳、許二友好 過 而 於 藥 義 之,非以爲 理之中正 故 故 凡 爲

「示喻學之難易及別

紙所

疑,足見好問

王力行

講

學者皆當畫於淺近而遂止

也。

問,深得師旨。嘗著《朱氏傳授支派圖》。 王力行,字近思,泉州同安人。勤學善

備遺

緣 李先生所以教先生,有 結,久久通貫。 求一事,如 不 見道。 可 及,便知此人自暴自棄,萬刼千生, 講學切忌研究一 先生誨力行云:「若有人云孔孟天資 所謂『九萬 此 則有甚 力行退讀先生格物之説 里則風斯 事 了期? 此 未得,又且放過, 意 下。 須 是 逐件 打 無 别

以 秖 須 吾 思 吾 友 口 爲 而 見 心 只 汎 \Box 之 本 大 將 耳 然 安 欲 略 之 發 所 否 資 問 問 一一答去, 然後 驗 數 者。 而 衆 條 復 無 理 若 以 益 之 自 此 然熟 見 是 問 加 又 學 諭 研 非 率 觀 之實。 究 縱 然 之,似 計 奉 自 未 其間 答 全 設 今且 未 通 疑 當 嘗 竊 難 有 亦 請 致 恐

古 浸 道 謂 悔 事 則 矣。 灌 物 何 ,後來之失,又只 至 口 欲 由 喜 問 未 而 ? 之 透 可 應, 之病 心 怪 平 日 則 可 似 · 時 : 陷 沮 不 無 者 於 且 此 能 事 不 宜 非 勝 是 如 , 是 讀 者 本 故 能 而 非 書 + 心 勝 本 之辨 窮 七八, 陷 今欲 其 心 理 溺 平 之義 常常 之 臨 似 時 雖 久,義 之 事 不 不 隨 理 間 心 時 能 安且 即 斷 理 其 追 所

行 得 熟 問 後見得,今人只是説 吾 道 以 貫 之。 得 日 : 自 曾 是 意 子 是 味 不 力

同。正便説得十分,亦不濟事。」

許升

許升,字順之,同安人。

備遺

不

待

問

而

決

者

矣

無 人 於 無 似 且. 理 一,凡前 識 倚 臭 過 無 餘 不 閣 味 當 得 味 又 先 生答 書 爲 耳。 中 久之見 日 少 識 得 只 所 順之 得 味 於 更 從 向 若 即 平易 書 實 事 乃 平易 書 如 雖 中 理 知 所 曰 百 慤 自 所 副 有 : 着 疑 于 諭 當 實 餘 然 實 萬 皆 所 之 高 即 味 都 億 處 的 寄諸 奇 處 之味 使 仔 不 當 新 認 綱 不 爲 之論 細 説 妙之説 · 着 取 五. 多 玩 矣。」 至當 常 此 求 所 都 之 無 理 聲 之 皆 要 須 並 無 恨

之從 敬 是 自 安 故 頓 順 以 之 爲 活 來 處 不 敬 是 九 之 得 箇 敬 經 過 來 窠 便 \equiv 耶 不 臼 不 史 活 ? 活 何 皆 否 矣。」 聞 故 爲 ? 有 至 剩 敬 却 今 語 字 不 出 矣 干 不 脱 敬 活 不 此 之論 字 得 正 事 是 惟 莫 豈 順

言 哉 浩 得 勘 心 用 失 人 玩 破 是 其 過 心 以 無 聖賢之言 如 箇 精 是 聖門之學,所 貫 時 又 若 便 何 只此二 什 書 之, 活 麢 將 成 須 則 麽 日 物 戸 聖賢之言 贵 己 要 其 細 + 又 可 成 棲 當 獨 道 無 所 如 以 餘 之 物 光 動 爲 非 以 字 謂 資 何 淡 明 資 mi 本 更 與 作 吾神 其 泊 矣。 動 棲 無 吾 異 如 無 心 口 心 神 當 端 天 然 此 棲 是 字 養 淡 致 理 後 静 不 看 也 養 乃 不 吾 泊 之 同 爲 而 耶 吾 本 直 真 有 者 妙 内 静 得 ? 與 真 是 心 病 外 者 世 者 若 灼 全 聖 全 動 痛 本 少 賢 體 然 真 静 無 而 Ħ. 求 之 在 交 看 此 大 不 夫

> 字 甚 神 間 舊 怪 此 習 善 養 ? 是 着 真 若 案 真 吾 開 推 看 上 友 胡 實 擴 此 不 若 塗 只 語 心 類 破 自 信 看 胸 不 而 六 得 擴 便 但 之説 方 經 及 充 直 做 知 ^ 且. 唤 則 兩 而 語 體 異 做 作 句 已 **×**, ≪ 用 説 好 年 謗 世 言 孟 不 歲 釋 能 源 聞 語 > T. 氏 及 惑 夫 説 己 程 亦 顯 矣 喫 爲 微 氏 何 屏 肉 資 文 無 除 足

決 汲 敗 得 理 皇 人 不 0 不 皇 意 至 爾 書 又 如 書 役 思 中 也 此 所 曰 心 此 廳廳 也 説 規 亦 有 順 利 不 養 衣 之 耳 知 氣 食 既 當 之 之 想 有 資 如 室家 順 助 何 之於 便 措 也 免 書 不 此 俯 但 免 必有 仰 不 略 此 於 可 誉 古 處 汲 不 生

之否 有 桑門 見 文公答 所 伊 此 養 蒲 道 想 寒 石 寂 更 氣 子 寥, 純 味 重 熟 近 書 來 不 留 日 知 又爲 書 : 向 見 順 來 邪 儆 之 相 説 甚 比 聚 汩 至 來 亦 亂 嘗 但 不 儆 終 使 及

徑 思 此 俾 禍 駭 自 必反以 懼 勉 不 不 在 至 更 洪 聞 爲 全 求 洪 水 謗子 然 朋 适 猛 陷 友 獸 盡 韶 溺 之 之下 取 也 助 張 亦 子 稍 令人 韶《 爲 事 耳 後 寒 經 人 心 解 指 順 **>** 刊 之 惟 出 聞 益 邪

樂 知 來 殊 然。 來 最 禮 而 ? 純 興 流 樂 焉 者 漢 傳 順 禮 如 之説: 亦 儒 得 莫 制 樂記 出 最 仲 此 如 行 於 純 箇 舒 矣。 「人謂《禮 孔 者 **>** 文 如 所 門之徒。 策 莫 字 何 流 謂 如 *****, 如 説 而 : 董 此 何 得 不 記 仲 天 到 嘗 息, 順之此言極 **>** 舒, 高 先 這 是 有 生云 合 裹 地 漢 董 ~ 禮 同 下 仲 儒 想 記 : 而 舒 説 必 萬 **>** 化 之文, 是。 是 説 以 恐不 物 古 話 散 此 而

許景陽

許景陽,字子春,泉州同安人。

備遺

應 水 貫 可 子 無 能 聖 對 對 中 之説 於千 輕 自 人 惡 得 漸 凝 四 恐不如 易 滯 知 爲 旁 次 而 先 箇 生答 立 消 仞 似 能 言 而 唯 是 説 之壑, 若 磨 全 言 字 則 以 亦 此 之 子 ? 如 謂 則 未 汩 曾 以 所 謂 春 之 似 然 於 故 此 子 致 書 之 喻 善 看 嘗 物 等 當 元 其 中 對對 日 得 欲 處 則 時 未 謂 用 : 太 而 濁 且 夫 曾 及 初 夫子 過 衆 來 亂 宜 子 子 非 而 下 了 書 之 人 有 言 方 虚 此 功 耳 則 所 是 聞 機 則 夫 心 只 雖 論 謂 玩 便 物 教 是 如 曾 有 未 如 味 之清 他 透 決 發 何 子 但 此 而 不 曾 便 更 積 唯 理 不

緩。 此非言 近 見《 語之病,乃是用 槐 陰 問 答 \approx 覺 功 得 處 所 不 論 緊 切 皆 耳 太 寬

楊履正

楊履正,字子順,泉州晉江人

備遺

其 於其後 欲慕 於天 行 不 麗 在 儒者,既 力 之習 躬 此 可 踐 得 下, 行 也。 其 先 (名而 則 ()使其 爲 力 生答子 見聞 大爲 而 踐 極 及其 道 日 之實 ,然未有不由講學窮 勉 : 利禄 心不 掇拾 未嘗不 順 爲之,然其所 求之而 耐 此 書 復 所決潰於其前 之工,又日夜有 爲之。』殊 亦 日 自 在 茫然 : 口 知道之在是,是 於人心。 「古人之學 耳之習 如, 如 安,終在 不 捕 知 耳 理 學 風 但 以 而 而 吾 繫 世 彼 文 雖 雖 滲 後 影 河詞 之業 將 以 泄 不 而 以 至 之 躬 求 之 傳 雖 不 組

似

打

得

過,正

好

相

切

磋

也。

紛 惡人説河 今惡人言仁言恕,言《西銘》言《太極》者之 紛,而吾乃不能 而 甘自渴 死 出 也,豈 其 思 不誤 慮 以 哉 致 察馬 是

也。 蚋 象 子路 實 處 自 是如 放 ,鼓發狂 會說,說 即 聞之,果 不 至之麤踈 夫子 此 所論 何? 下, 所 鬧 乘 説 得 爲 更 世間 相 皆是空言,不濟 學大意,自己 桴 以 説 不 何 之歎, 似 爲 甚 嘗 如 許多紛紛擾擾, 喜。 入得 克 却 子 己 木 獨許子路之能 順 且 他胸 爲 復 細 看 得之。 難。 禮 密 此 事 次 直 等 然此 耳 只恐 耶 是 處 但 如 等 體之未 無 若 聖 賢 百 從, 處 交 此 賢 者本 千 却 等 涉 蚊 氣 而

徐 寓 弟 容

徐寓,字居父。容,字仁父。永嘉人。

備遺

爲 益 拾 他 只 動 要 亦 日 孟 易 乎 合静 若 當 力。 是 ×, 求 **₹** 則 ? 静 隨 體 此 庚 讀 其 問 詩 中 心息 戌 ,若語若 處 驗 亦 書 放 **%** 五. 着 庸 好 無 心 月 念。 力 聖 初學精 先 滋 但 而 賢 待 生告 不 寓 味 默 如 孟 精 教 専 初 讀 矣 子 透 皆 神 應 人, 豈 以 在 見 書 0 易散, 然 事 謂 當 先讀《 先 静 不 多 存 如 後 生 處 專 然 龃 待 此。 學 做 静 讀 大 於 在 人 龉 學 臨 工 坐 他 精 問 打 處 無 夫 如 經 漳 之 神 贵 坐 事 事 何? 能 不 道 動 上 却 語 問 時 ? 無 作 求 收 易 讀

日 : 問 無 : 事 有 時 只 事 得 時 應 無 事 事 有 無 事 事 時 時 此 也 如 心 無 如 事 何。 時

模樣,只要此心常在。所謂『動亦定,静

亦

定也。」

無 慮 慮 道 也。」 閒 理 濟 問 雜 耳 得 思 0 甚 慮 思 事 天 ? 慮 下 人 難 所 熹 何 謂 以 , 思 若 思 如 何 見 何 慮 慮? 0 紛 得 擾 道 日 ,只緣 理 是 : 分曉 無 徒 閒 未 然 思 見 自 思

「亦是 初 學亦 問 他 當如 : 見 程 人要多 此。 子 常 慮 教 且 静 教 坐 收 如 拾 何 ? 此 心 日 耳

使 痛 之 底 歷 做 先 生謂 歷 去 落落 所 仁父 謂 分明 日 棒 : 開 爲學須 去,莫要含糊 條 痕 是裂 摑 破 掌 藩 籬 血

黄 顯 子

黄顯子,字敬之,永嘉人。

備遺

依 見 學,但學是習 始 子,方始安穩。」曰 這 得 本 畫 樣子,又 敬之問 葫 蘆 : 此 又 不 不 事, 得 理 可 既 思 學、 , 須 明 是 須 是 思 於 是 問、 依 量 心, 百 樣 此 思、 方 須 去 理 自 又 辨 做 者 去 見 亦 尋 這 皆 然 只 討 説 是 樣 只

做 不 要 只 須 看《易》 不要 靠 好 是 在 書 語 自 箇 敬 家 籍言 懦 安 之 自 易 弱 排 日 奮 語 **>** 9 裹 : 須 不 迅 「這 只 説 要 是 做 是 等 陽 去 便 道 自 待 剛 勇 始 理 家自 不 陰 猛 得 也 柔 果 只 要 檢 、陰柔 看 決 靠 是 點 公大病 如 别 合 0 此 是 做 公 看 曾 極 不 便 痛

包 君 定

包君定,字定之,永嘉人。

備遺

意 朋 書? 也。 事 會爲佳,切忌穿鑿,屈 書》之屬,反復 友往 精 於孝恭友 然操 密,不易得 先 更能 來不定,講 生答定之書 索 温 涵 弟之實, 習《 泳,又 諷 也 誦 論 學 日 於 殊 語 不 非 曲 : 無 明 可 行 纏 頭 并 講習家庭, 思 白 廢 繞 緒 觀 易 坐 也 念孟 三誦 不審 甚 曉 空言 處 思定之 此 子 間 直 所 得 × 之比 今 截 讀 以 ^ 用 年 尚 從 理 何

自 得。 中 大抵 ·庸》實· 其説 未 雖 易 讀 無 所 更 不 宜 包,然 虚 心 玩 其 味, 用 力之 久 當

之實 端 他 應 之力 接 只 義 之間 也、若於此 在 矣。 意 明 指 辨 善 有 若 其 謹 合 更 草 孰 獨 商 如 草 爲 量 此 公 放 所 處 用 私 调 謂 邪 力, 便 明 則 正 中 善 必 亦 而 却 自 無 己。 又 口 見 所 垂 得 用 過 此 喻 其 窮 思 0 其 存 理 慮

迫

須

打疊了,

令心

下

快活

如

把

梦

先生謂

伯羽

日

:

「公大

抵容

貌言語

都

急

童 伯 羽

泉 爲 讀 有 ,不樂仕 扁 書 訓 其 童 詣 解 伯 樓 雲 羽 日 進 谷, ~ _ 字 醉 鄉 畫 師 經 稱 卿 事 堂 敬 朱 甌 義 文 寧 曰 先生。 公, 人 公常 沉 敬 默 四 義 書 造 寡 雅 諸 其 愛 廬 林 好

備遺

先生問:「伯羽如何用工。」對曰:「且

慮 學 得 静 。」又言: 只 坐 放 退 痛 示 口 抑 思 也 可 慮 全無 若 0 先 全 思 閉 生 慮 眼 無 而 邪 坐 痛 思 却 抑 爾 有 也 思

行 遠 其 行 H 耳 : 棼 ? 只 持 而 0 畫 如 但 卿 未定,才急下手去挐 是 行 問 養 則 有 便 今 遠 是 日 致 近 致 行 知 知 治 後 IF. 或 須 明 心 平 持 日 愈 天 持 養, 誠 亂 下 養, 意 1 方 贵 則 後 力 行 不 日 行 是 力 之

問 多 有 時 須 爲 自 事 只 思 是 知 畫 時 或 卿 多 慮 無 於 如 問 紛 事 才 無 己 : 擾。」 事 思 更 喫 時 不知 便 思 飯 日 更 是 箇 有 主 贵 有 甚 思 事 可 此 ? 量 0 問 如 只 然 否 畫 何 爲 他 ? 人 0 卿 不 人 無 曰 日 日 饑 主 事 飽 時 凡 無 又

理 逐 心 口 口 惜 皆 必 只 旋 之 在 行 有 利 人 去 此 名 身 , 到 病 故 中 不 節 本 不 如 目 原 在 且 處 固 將 外 自 讀 有 面 見 者 書 只 功 日 程 爲 效 加 課 淺 繋 昏 役役 深 蔽 縳 此 大 贵 於 心 凡 不 不

生 育之計, 廳 日 口 畫 伏 卿 今之士大 臘 亦 以 不 書 日 能 謁 . 免。 先 夫 更 生 應 須 公 舉 自 有 生 干 酌 棄 事 禄 量 科 如 舉 以 何 之 爲 ? 説 仰 事 俯 先

余 大 雅弟大猷

簡 州 大 卷 雅 約 順 昌 兩 切 余 大雅 大 領 實 猷 鄉 Ι. 所 字字 薦 兄 夫 著 弟 Ě 省 有《書 而 同 叔 試 要 時 不 其 從 會 大 遇 歸 文 通 猷 於求 公游 字字 編 方 放 、公每 文 叔 公 心 語 告 南 言 録 以 劍

備遺

詁 嘗 發 物 更 物 虚 甚 象之 物 學 也 却 一大雅 明 有 没 各得 錯 懸 心 實 更不 何 道 收 以 懸 中。 空 今 雜 大 緣 且 殺 其 理 如 觀之,久之道 雅 在 空 · 看 得 即 因 所 謁 近 所,乃所 據 説 吾身日 聖 質 開 有 更 論 如 世 如 先 底 人 所 諸 示 無 此 生於 學 此 話 意 學者 己? 却 見。 捉 則 者, 説 謂 用 思 只 摸 與 鉛 只 常 理 先 於 時 , 使激 乃 大 所 身 處 只 爲 Ш 自 行 中 生 渺 抵 是 中 以 9 看 之間, 觀 之義 見,不 漢 將 日 皆 欲 渺 H 兩 ^ 昂 音 儒 : 論 茫 然 求 來 程 用 向 寺 語 茫 道 如 必 先 將 自 但 所 上 向 \forall 處 聖 生 求 聖 於 然 何 先 謂 所 求 尋 賢 想 之 不 説 生 判 頓 人 無 事 書 得 求 太 言 語 問 爲 放 見 形 大 事 訓 高 意 不 何 語 無 物 所

他 求 脚 相 求 用 沂 古 都 求 捷 道 似 110 本 徑 理 不 遠 處 盡 遂 着 相 是 依 處 故 地 似 亂 至 舊 下 放 者 道 鑽 只 得 窺 其 方 Ш 在 八爲 高 稍 是 人 高 大 害 本 水 路 反 分 向 不 上 甚 道 懸 吾 期 行 於向者之 理 空 友 今 説 要 今之學 若 日 知 1 不 學 與 未 者 須 扛 古 者 是 知 得 乃 本 與 却 尋 兩 捨

似 色。 能 他 流 就 會 卓 彼彼 做 俗 不 然 得 彼 先 自 所 事 流 家 自 生 則 梗 雖 俗 是 語 立 又 凡 何 似 過 欲 大 如 輩 相 知 助 浙 雅 爲 朋 見 然 ? 長 東學者 事 日 之次, 友, 吾 : 贵 所 輩 又覺 以 自 吾 口 多多 便毅 王 守 輩 信 不 介 陸 此 所 世 然 振 學 甫 箇 子 俗俗 有 静 事 之言 不 亦 門 切 似 豊 世 口 屏 忘 犯 爲 俗 口 之。 之 去 相 類 爲 理

定, 却 又 揀 日 箇 大 是 抵 處 事 行 只 將 有 去。 箇 必 是 欲 非 П 護 是 得 非 既

> 定 别 人 道 時 道 好 下 好 贵 須 道 有 是 惡 在 此 難 我 理 管 ? 者 他 無 然 慊 事 仰 之 是 不 愧 非 俯 久 不 却 自

令稍 册 太 之意 習 正 稍 静 正 0 叔 叔 虚 坐 有 别 閒 先 後 支 先 依 生 復 蔓之病 生 日 舊 有 後, 自 請 要 得 豊 先 讀 謂 一詩 口 書 生 每 云 大 向 救 : 此 如 其 遂 此 偏 有 見 先 只 厭 正 生 是 書 叔

説 道 旋 倫 中 不作從 愈尊 事 仰 慮 鑽 覺 言 0 猶 前 提 先 難 料 切 生 0 想 切 云 願 看 始 甚 言 能 好 克 有 安。 己 物 工 有 如 夫 常 今 熟 須 決 自 要 破 盡 得 本 周 根 中

其 形 有 氣 質 理 生 知 臭 氣 覺 先 則 生答 味 未 者 者 者 草 嘗 方叔 不 枯 木 獣 同 槁 是 是 書 是 也 也 日 但 忧 ; ; : 以 有 有 其 天 是 生 無 分之 之生 雖 氣 Ш. 其 已 氣 殊 物 分 絶 知 之殊, 覺 則 有 而 其 有 但 而 血 有 理 而 旧

之理 又并 處 理 他説皆得之,但 在 便 之在 五. 天下 無 常之性 更 語 與其 是者 此 宜 則未 意 理 用 未 乃 一、禽獸 知覺 不不 力 則 嘗 切 有 能 不 是天下乃有 空闕 即 者 謂 則 具 須 不 自 而 異。 敬 昏 耳 知 見 不 亡 只是 而 敬 得 滿 焉 若 故 不 即 也 之 能 防去此等, 無 如 人 但 此 處 爲 性 備 所 其 心之自 也 草,草, 之物 最靈 謂 所 才 以 而 木 而 無 做 以 爲 枯 可 而 生 主 復 乎 理之 是 備 槁 氣 於 宰 ? 物 有 則

馮

孟 西 小學》、《孔 太 轉 極 運 紹 馮 熙 椅 啚 司 幹 四 西 字奇之, 年 子弟子 銘 官 進士 緝 ,後家居授 説 ×, 傳》、《讀史記》及《詩 一字 爲 孝 饒 儀 經 徒 州 之, 章 德 著《易 ·句》、《 興 南 縣 康 尉 書 喪 軍 禮 詩 調 都 文 語 昌 江

志録》,合二百餘卷。

正色立朝,以言罷 子 去非, 淳 祐元 歸 年 《宋 進 士 史》有 仕 爲 傳 宗學 諭

備遺

下 猶 傳》, \equiv 即 彖》、《象》, 卷云。 - 爲《説: 爲 未 爲《象》,王 贊 及 蓋 宋中 日 盡 以 掛 程沙隨、朱文公雖 正《孔傳》名義,乃 以 興 Ě 與 弼 繫 藝文志》載 下 商 掛 本《彖》曰 , 飛 之辭 卿 以 隋 説 即 同 經 椅 爲《彖》, 改《彖》曰 籍 象》 本 爲 又 志》 古《 ^ 改《繋》 Ĭ 輯 》有《説 (易》爲 乃 繫爻之辭 傳 孔 辭 子 象 掛 註 外 釋

● 「説卦上下」、《經義考》卷三十一及《四庫全書總目

而 辭 傳 椅 > 祖 則 古 朱 盡 孝 氏 删 經 刊 其 輯 經 所 註 文 託 所 曾 并 引 孔 引 詩 蔡 答 **∀**, 氏 問 與 書 其 》之妄, 增 益

李如圭

H. 進 士 李 嘗 如圭,字 爲 福 建 寶之,吉州 安 撫 司 幹 廬 陵 人。 紹 熙癸

備遺

及《宗 但 須 義 觀 舊 依 業 但 作 白 文 廟 ~ 公答 寫 兩 特 其 兩 去 篇 牲 他 篇 者 太 書 **>** 更俟 第 移 附 細 日 在 諸 碎 : 詳 條 諸 篇 考, \wedge 今 篇 後 祭 準 可 不見. 之前 續 禮 只 前 奉 **>** 篇 通 報 略 祭 爲 作 例 看 祭 祀 ^ 唯 禮 合 綱 已 人《 法 之 祭 領 甚 首。 法 恐 祭 可

> 渠 篇 語 傳 義 留 事 義 侯 禮説 及《 $\stackrel{\smile}{\sim}$ ×, 念 内 釁 次《 也 事 向 廟 家 此 中 已 》,皆當考也 ×, 特 *****, 語》、趙 祭 附 · 霤 牲 褅 次《 次 禮 去 ~ *****, 郊 \approx 中雷 諸 篇 者 ^ 次《 祖 氏 郊 侯 目 令春 宗之説 可 社 *****, 遷 少 也 并 **>** 次 廟 牢 秋 爲 ×, *****, 纂 篇 其 郊 之。 、《公》、 例 次 次 他 社 亦 **^** 裸 有 只 未 ^ 外 中 此 次《 獻 編 司 傳 穀 説 定 *****, 目 祭 × 中 次 次 義 幸 ^ ^ 大 横 或 祭 并 外

篇 社 今 が 関 并 也一 處 篇 祭法》、《 章當 諸 可 可 篇 照 并 之後 人 前 外 編 祭義 説 事 亦 定。 重 了篇 **>** 定 佳 及 其 他 爲 0 ^ 皆 遷 佳 祭 ~ 倣 廟 祭 義 此 **^** 附 法 内 中 一次内 記 外 霤 事 \approx 郊 **^** > 篇 郊 兩

「伯豐已寄得《祭禮》來。渠以職事,無

❶「佳」,原作「皆」,據《晦庵集》卷五十九改

暇及此。只是李寶之編集,又不能盡依此

中寫去條例。」

嘗 章 張 者 如 與 ·句 圭 淳 示 `之指,爲《 之校定禮 |爲《集釋》,出入經傳, 始訂其訛,爲《儀 復誦習,或不 宋中 興藝文志》日 書、蓋習於禮者。」 釋 宫》以論宫室之制 知有 禮 是 識 : 書。 誤 又有《綱目 *0 儀禮 乾 淳熙 道 炭既 間 中 廢 朱 以 -, 熹 有 學 别

鄭南升

鄭南升,字文振,潮州潮陽縣人。

備遺

常 提 掇 先 生云: 起, 得 惺惺 文 振 不不 近 要 看 昏 得 文字 晦。 若 較 昏 細 晦 須 則 用

> 是 被 少 不 間 身 敬 私 事 那 意 莫大焉。 物 牽將 箇是 來, 去, 心 逐 纔 卓 做 昏 品 主 然 晦 處得當。」 不得。 時, 在 目 少 前 間 須 便 用 事 做 認 來, 得 取 身主 那 箇 齊

徐 昭 然

徐昭然,字子融,鉛

Ш

備遺

快 善。 專 直 就 大率子 平 先生 截,無支 實 一答子 親 切 融 離 處 融 志 纏 推 書 氣 繞 究 日 剛 之弊。 體 決, 認 所論 故 久 更 所 當 浩 願 見 氣 有 益 亦 以 加 如 甚 自 詳 善甚 此 信 痛

❶ 「間」,原作「問」,據《經義考》卷一百三十二改

不爲高談虚見所移奪也。

率不 筆 潛 不 須 處 主 使 世 夫 意 有 心 鬼神 ·惑 絶 舌。 且 太 張 思 矜 學者當講 心 不 庶 得 精 默 虚 高 能 向 口 便立 將 重, ,大率類 不談,豈能 如 究, 異 一字著 裹 心 融 幾 所 退 衆之心。 故故 又爲 有 義 議 志 剖 後 謂 理 進 論 究, 趣 析 雖 於 無 步 此 操守 審 説 都 不 精 稠 鬼 識 六 處 勝 使之 細 低 微。 人 來 神 經 其 非 非他 耳 辨 己 蓋 看 廣 説 無釋 不 真 一者妄 認 日 無 淺 但 丽 坐 去,都無 讀 , . 前 妄。 看 邪 人 釋 據 令自 氏 書 閉 ? 相 所及,但苦從 1 窮 氏之説 者 若 講 眉 理 尊 時 子融 己 皆 不識 未 義 合 獎,致得 意 今若覺 所 胸 精, 無 味 眼 見行 見 中 議 而 得 任 義 Ż 廳 便 論 未 而 悟 理 然 自 自 縱 於 費 淺 廳 嘗 實 初

叔 於 此 有 性 本 自 無 不 性 之説 理 會 殊 率 不 然 可 躐 曉 等 當 採 難 時 底 方

> 爲然 覺,有心之名。』其名義 心 就 問 至 道之名。 生又言: 容不結末。 不及舌,雖 之,致渠 我 只 性 一論也 則 教 己 0 亦 即 不 分 熹若 他 知 理 則 爲 上 覺 仔 合虚 也 亦 一曲 之 失言 依 細 照管得 向 今試 悔 可 熟讀 在 次 太 如 此 莫 與氣 以 第 人 虚,有天之名。 此 追 忘言 更爲諸君言之,若猶 却 聖 到 做 而 狂 句 賢 不合隨 具 功 有 妄。 然既 自 則 明白 矣。 夫 此 亦甚密。 性之名。 古 於 理者 此 有 此 方 無 平 其 伊 熹之罪 此 有 易 自合不答, 所]]] 也。 話 敢 問 益 由 切 先 合性 皆不易之 頭 實 如 於 氣 横 生言 率 也 9 之言, 化 彼 此 渠 然 未 與 又 道 知 先 以 且 有 不 駟 答 而 .

源 録

徐 子 顔

備 遺

先 生 日 子 顔 有 守 但 未 知 所 見

如 何。」

以 自樂,令人敬嘆 先 生答陳 才卿 日 : 子 顔 室蕭 有

楊 方

州 尋 歸 己 薦 t 拔 於 俗。 趙 陽 楊 方, 朝 汝 尉 愚 夙 字子直,長 慕朱子。 還,特 帥 召 對 蜀 擢 辟 取 宗 主 道 隆 汀 正 管 崇安, 興初 寺 機 簿。 宜 清 舉 請 文 修 請 進 教 字。 外, 篤 士 數 汝 月 調 通 愚 判 而

> 吉 朝 州 重 知建 辭 昌 甚 軍 懇 召 切 爲 樞 密院編 修官, 首乞

稍弛,起家知撫州。 興,坐汝愚、熹黨罷 寧宗立 除 秘 居贛 書 至官五閱月,乞祠以 郎, 州 出 閉 知 吉 門 州 讀 書。 僞 學 學 禁

之, 爲 鄉 除 操 所 澹 不不 部 廣 履 無 軒先 剛 西 嘉定初, 憚 不 發 漕 正 荒 隕 摘 生。 使。 終 涕。 姦 僻 召 與 貪, 性 所 爲 時 至 廉 官 侍 著有《寒泉語 件, 象 介, 吏重 右郎 州, 尋 不 復 以 足 可 官, 去 疾 而 干 或 進考功 卒。 立 以 録 私 越 老 深 郎 稚 人 人 循 官。 年, 聞 瘴 稱 歷

備 遺

念 先 慮 生 間 訓 便 子 出 直 來 欲 如 速 看 之 書 患 欲 終 都 是 了 有 之 如

般 孟 IE. 子做 是 子直 孟子説》,被 如 頭 何識 抵 舊嘗 如李 見 去 晁 以 覯 以 道之説 也 道 要罵 家 作 人 孟子。 心,後 館 晁 教 不 大 知 此 他 這 與 校

心

焉 言 而 思 慮 但 ,則所謂 身心肅然,表 先 熟 正 生 味 衣 一答子 直 整 冠 齊 内,所謂 尊 直 裏如一 嚴 書 瞻視 肅 日 嚴 主一,自然不費安排 矣。 : 此 持 威 等數語 嚴恪、 敬之説 動 而 不必 容貌 實 加 整 多 功

實 者 要 所 有 病 訣 以 進 ,蓋資質已是不及古人,而 近 終身於此若存若亡,未有 步 爾 然於語言中 學者墮 處 因 病 後 大 在 抵 不 語 ·,罕見有 孟 敢 言,心 子 極 所 力 論 究竟 實 讀 求 無 書 工 得 卓然可持之 得 其 夫又草草, 閒 徹 , 放 固 中 頭 心 却 爲 徹 是 尾 大 覺

> 而 間 人。 其爲 回互委曲 而 世 近 小人 間 年 喻 於義 亦 費 種 不 盡 議 則 索 心 論 爲 機 性 君 乃 卒既 子 欲 亦 周 喻 可 不 旋 於 謂 得爲君子, 於 利 誤 即 用 者之 是 其 小

怪 與 幾 也。 晁 日 曾説 以 晦翁答劉 道相 廟學配 聚 來,遂 子 澄 祀 書 升 向 黜 曰 . 與 之 子 孟 議 子不足, 否? 直 到 他 彼 亦 不 相 聚 口

明 或 彭 乃 李大性 龜 使言者無故 年、 黄 嘗 抗 度 楊 疏 而 言 去? 方 : 相 繼 陳 傅 皆 良 去 以 言 朝 廷 事 去

陳 孔 碩

安。 少 陳 小 孔 即 碩 以 字 聖 膚 賢 自 仲 期 福 待 州 嘗從 侯 官 張敬 人。 徙 懷

二二九

先 義 官 募 常 壞 扶 增 以 淳 祖 生。 × 死 平. 舟 弱 壝 聰 熙 謙 茶 ^ 至 + 楫 明 游 置 北 慈 中 贛 迎 鹽 年 社 後 擊 盡 愛稱 Ш 大 水 舉 倉, 復 破破 夫 濱 除 文 叛 進 偕 寇 之。 居 民 集 士 之。 秘 民 其 改 胡 德 **>** 閣 除 行 塸 海 贛 兄 嘉 之。 脩 Ŧī. 處 舟 州 孔 挾 定 於 撰 年 州 作 瑞 金 夙 中 累 世 教 移 虜 堆 金 遷 拜 所 提 授 廣 縣 來 文 著 知 人 阻 舉 南 襲 公 贛 有 稱 平 新 知 淮 西 於 爲 州 邵 文 爲 肅 路 遣 南 武 險 廟 武 北 學 東 抑 運 子 夷 講 Ш 判 韚 路 常 强 創

備遺

每 友 勸 專 學 事 先 者 聞 生 答 要 見 前 得 膚 身 仲 於 心 書 自 稍 己 日 稍 : 身 端 11 鄙 静 全 意 方 無 近 功 於 覺 夫 義 婺 理 州 所 知 朋 以

> 能 大 所 兼 悟 決 擇 取 也 衆 非 吾 善 欲 道 所 其 之衰 以 兀 終 然 有 IF. 無 作 不 坐 學 明 以 者 不 冀 各守 行 於 之 弊 己 旦 非 偏 豁 不 然

細

事

也

之 得 之存 内 此 涵 夫 兩 不 時 涵 口 移 ? 事 事 其 養 得 收 曉 養 亦 外 也 此 得 理 也 工 贵 而 非 而 來 之 讀 夫,日 常 而 夫 心 非 書 是 此 又 弊 只 書 已 讀 少 而 意 心 云 閉 多 要 I. 耶 書 有 氣 無 不 :『今且 狥 眉 而 應 夫, ? 聞 固 太 讀 時 其 所 合 事 有 收 豪 書 奪 向 此 情 不 放 眼 接 用 心 時 存 不 雖 也 物 未 日 之 反 應 度 如 便 平 讀 與吝 常 用 見 復 不 副 ? 處 土 書 爲 多 間 其 足之 諸 之不 耦 求 助 處 事 嗇 矣。 羞言 然 效。」 假 書 人, 用 所 鄙 然 所 憂, 以 失 奪 力, 然 細 不 謂 今 且 樽 此 收 此 者 何 後 免 胡 只 節 使 則 涵 又 心, 心 計 相 有 故 謂 養 動 爲 殊 是 讀 之 去 虚 量 如 各 功 静 心 書 至 而 不

懸 隔 然 其 爲 失 中 則 均 恐 亦 當 自 省 而 改

之也。

氣 俊 欲 知 畫 奇 實 以 反 古 不 求 力 知 偉 革 之 抉 舉 多宗 齊 然 不 而 正 最 使 之文 其 情 之, 輩 摘 當 服 可 只靠 義 傅 是 事 外 廢 蓋 其 頗 師 意 莫 永 理 派 字一 心 而 也 知 相信 之。 思 然 便 嘉 若 此 精 誦 已, 悪 近 規 來 則 浮 通 以 取 句 之 此 究 年 矩 成 僞 足 \equiv 爲 雖 味 以 而 踐 是 飜 賞 竟 己 纖 以 + 法 不 穿 爲 不 履 今 罰 弄 成 亦 巧, 爲 年 得 能 穴 瑕 牢 得 日 物 何 以 喜。 書 此 前 識 旁 實 疵 不 鬼 束 莫 益 亦 兩 渾 美 其病之所 怪 支 傅 大大之 乎 縛 使 但 足 無 正 厚 尤 ? 之, 亦 曲 百 以 更 虧 人 純 甚 具言 出 弊 徑 嗤笑 須 科 應 則 欠 心 正 9 以 學 自 而 都 舉 亦 在 近 作 向 爲 明 者 家 後 無 文 廳 如 況 字 白 勉 今 顧 來 生 新 誠 足 其

> 易 凡 跟 不 也 不 浮 能 曾 事 斷 泛, 從 又 做 爲 講 不 有 今 者 得 移 終 説 本 更宜 工 易 何 次 此 不 夫 所 第 皆 如 欲 審 成 規 且 是 爲 今 細 ? 矩 如 方 而 旋 此 不定,持守 不 立 見 卒 捏 但 得 得 爲 合 亦 教 事 是 之, 得 恐 導 當 若 本 未 旧 不固 事 便 欲 終 只 必 也 立 爲 如 能 是 之驗 定 平 此 而 有 邨平 脚 終 益 H

理 少 此 則 得 無 無 加 旺 耳 間 小 理 此 平 事 可 乃 ______ 隙 事 ? 看 奈 H 承 可 夫 時 却 得 何 病 若 以 以 不 道 者 成 痛 看 起 家 培 理 兩 此 可 務 然 痛 不不 截, 植 小 閒 脱 叢 亦 加 本 令容 文 坐 讀 去 只 委 翦 字 原 説 之 妨 書 除 此 話 易 心 便 於 亦 窮 庶 則 放 是 學 無 究 過 幾 生 爲 過 用 問 用 聖 7 學 枝 賢 處 功 爲 時 更 之道 排 葉 矣。 實 憂。 於 所 日 遣 自 説 其 地 然 但 何 間 此 底 須 得 道 偷 以 見 但 古

考亭淵源録卷之十四

備遺

考亭淵源録卷之十五

楊楫

小人。 先 奏 西 出 獎 飭 士 議 生 執 知 廉 路 歷 及《 安 楊 靖 政 轉 司農 楫 慶 之 之 勿 運 悦 字 府 操 臣 狗 判 堂 寺主 可 左 官 通 除 文集》行 絶 右 老,長 湖 奔 否 簿 嘉 干 南 競 相 定 路 請 之 濟 奏 於世。 溪 六 提 風 , 劄 人。 以 年 點 以 任 重 論 遷 刑 卒 淳 中 進 獄 憂 或 稱 於 熙 時 書 君 子 爲悦 官 移 五. 之 博 之 子 江 年 , 責 權 堂 南 有 退 進

> 曉 不 底, 在 貪 先 多 生 番看 大き 與 通 能 老 讀 一番别 説 向 後 學 面 問 去 最 且 怕 温 悠 習 悠 前 面 讀 書

來 思 必 去, 明, 解。 數 然之氣?」先生不答,久之曰: ,真是别。」 量 日,只消把《 日 也 却 得 : 通老問:「孟子説浩然之氣, 徒然。 好來 向 願 自 大 開 商 家 凡 康 量。 其 孟 事 只 節 端 排 子》自去 理, 學於穆伯 若 勿 句 驀 若 盡 讀 地 是 其 將 發 熟 自 意。」 長 去, 問 讀 去 就 「公若 每 他 尋 他 自 如 有 討 要 見 與 逐 何 扣 待 説 得 得 留 是 句 出 自 將 分 自 浩 此

時 此 理亡,無他,只是把事 語通老: 早 來說 無 事 做等 時 此 閒 理 存, 須 是 有 於

别 事 把 上 做 窮 理 般 方 看 口 自 理 然錯 於 事 本無 異 今見 事 來

周 端 朝

端 時 爲 行 H. 武 李 號 疏 夷 己 朝 救 沐 六 少 周 師 而 君 所 淹 端 之,得罪 業 事 子 攻 朝 貫 益 程 經 罷 字子 進 頤 史 相 羈 爲 端 清 紹 仲 管信 葉 0 父 熙 朝 適 去 中 温 與 州 所 非 州 同 0 知 爲 舍 永 久之, 太 嘉 生 繼 學 張 楊 從 人。 栻 聽 趙 宏 朱 自 高 中 汝 族 子 弟 便。 等 於 祖 愚

遷 是 之 濂 學 非 博 溪 不 士 祠 嘉 同 0 定 於 人 主 學 中 士大 對 舉 念之操舍,關天下之休戚。」 言 進 示 夫 士 準 人 的 調 心之存亡,繫 桂 君之學 秩 陽 滿 軍 教 除 與 授 太 士 學録、 身之 首 大 夫 立

> 徐 篤 講 除 謚 徒 遽 地 兼 一、乞廣 興三 撓 或 太 清叟相 學之士 文忠 敗 常 復言 子 京之師 派 司 加 卒 列 業 繼 收 兼 如 在 進 近 召 所 司 庶 居 用 端 歲 封 料 以 官 0 數 朝 經 郎 備 守 端 月 力言 筵 除 官 其 平 道 權 遷 例 選。 初 其 不 成 刑 秘 久 苟 不 之, 時 部 兼 書 於 之賢 可 怵 職 侍 少 是 以 監 於 郎 蔣 既 今 軍 亟 0 浮 重 兼 器 置 抱 而 議 卒 珍、 散 監 師 道 侍

阿 然。 居 喪 晚 寶、 端 執 方 朝 禮 進 紹 儀 用 間 容 有 未 要 莊 \blacksquare 得 門 靖, 半 少行其志 熏 頃 心 灼 事 盡 端 和 歸 平, 朝 ,士論惜之。 其 侃 兄 内 侃 行 守正 純 室 備 蕭 不

^{●「}子清」、《宋元學案》卷七十一作「子静」、《東嘉録》

參 奉 縣 進 議 祠 愈 官 Ó 滕 書 除 所著 起 璘 以 鄂 慶 通 朝 字 州 元 有《 判 奉 德 府 教 隆 溪 大 粹 授 節 興 夫 齋 度 府 徽 調 致 類 判 州 充 藁 川 仕 官 婺 111 浙 0 源 制 紹 東 人 主 定六年卒 司 福 一管官 幹 建 淳 官 安 熙 告 撫 知 八 院 年 司 年 嵊

珙,字德章,亦淳熙中進士,筮仕爲旌

德簿。

路 公 知 通 子 德 倡 其 THI 而 歸 粹 真 謁 道 不 德 趣 時 南 教 知 秀誌 焉 甚 方 與 所 少 其 海 從 璘 朱 所 與 内 人 墓 子 弟 以 學 0 復 蔽 德 其 士 今足下 之 · 至 章 略 害之者 日 奉 日 者 . 其 既 雲 父 知 夫 乾、 是 集。 命 學 程 以 淳 者 氏 徘 以 新 間 之 患 安 徊 書 學 滕 朱 岐 不 自

篇 程 來 不 以 者 於 之奪 句 取 下 雖 不 而 子 信 氏 了、又雜 擇 自 章 其 歸 而 其 誠 定 異 知 而 約祖 之教, 善 若 其 於孔、 得之矣。 所 取 志 更受業焉 熟 則 始 心 爲 書, 然, 舍 佛 有 欲 復焉 願 念 焉 儉 執 講 焉 志 去 尤 老之 自 躬 自 孟 並 弟 而 沈叔 學 爾, 者 此 以 行 首 之 未 進 則 修 子 **^** 既 論 殊 書 不不 復 是 未能 傳 至 免 禮 願 晦 身之助 漸 若 始 而 語 何 歸 爲 尾 暫 有 炎、 涵 不 無 而 0 往 皆 **>** 疑 先。 置 茫 脱 於 之久 袁 知 日 讀 貪 仕 後 而 乎 然 書, 然 是 不 和 之 復 數 多 其 且. 問 川 足下 彼 無 於 足 得 叔 欲 所 書 年 聖 有 日 明 心 於 得 胸 事 變, : 朱 速 矣 門 定 玩 他 而 僕 大 不 之歎 又教 0 中 之意 不 書 致 親 此 理 耶 學 楊 以 子 又 ; 則 精 切 明 ? 四 敬 自 愚 之 中 使 所 耳 如 知 亦 之訓 於 仲 言 過 以 寓 將 是 是 庸 意 科 欲 循 此 簡 親 有 終 足 章 爲 里 以 就 是 舉

考

亭

淵

源

録

卷之十

Ŧi.

以 爲 憮 引 之 氏 以 初 韓 皆 善 淵 溪 初 域 日 左氏 一本 解 學 然, 變 爲《 之班 以 士 侂 之上 : 源 子 余丞 駁 化 大 干 胄 所 至 自是 彼 依 論 恨 **>** 所 經 列 進 其 陰 要義 方, 氣 宜 以 經 位 相 留 語 漸 誼 者 乎 質 操 用 游 僞 卑 爲 不 端 説 異 止 ? 如 或 爲 從 學 君 非 傳 禮 不 敢 *****, 四 此 時 而 柄 陳 功 者 自 終 誣 將 卒 能 旬 輕 朱 縱 至 弗 公告 故 忧 不 爲 請 爲 或 以 子 有 横 東 而 究 問 0 終 書 爲 萬 世 勸 掌 人 亦 論 不 上 嘉 辨 語 身 居 蜀 言 侂 儒 公 則 故 著 善 在 下 彌 且 宗, 踐 數 胄 0 書 甚 又 處 君 於 之, 篤 告 年 屈 及 見 公 行 旁 疏 子 悉 從 公 多 以 以 因 自 行 其 以 陳 既 立 不 邪 宜 議 復 蓋 事 大 六 溢 謂 蜀 罪 爲 公 從 説 離 固 黨 朱 未 公 可 略 經 還 出 : 有 傅 朱 辭 名 於 顧 得 決。 錮 子 謂 之義 _ 命 公 皆 子 良 爲 天 教 於 有 0 口 師 ^ 焉 左 爲 所 問 得 學 公 下 公 之 欲 謁 時 友 潭

競業爲本。公佩服焉。

備遺

没 方 不不 是 意 鬧 思 璘 如 注 熱 做 説 鄂 縣 義 渚 丞 理 教 隨 官 不 事 闕 信 猶 先 口 又 以 生 須 及 隨 物 : 分 做 熹 做 課 嘗 教 官 勸

論 量 做 又 又 胡 夫,只説 過 古 有 亂 ? 得 不 將 知 工 問 嘗 他 般 經 夫, 彼 做 見 得 便 日 書 何 全 胡 是 有 與 不 及 工 亂 論 箇 疑 般 説 做 古 夫 做 錯 爲 口 得 朋 \perp 人 工 學 問 T 璘 是 友 夫 作 夫 大端 便 對 底 亦 議 將 見 以 有 是 好 論 從 事 更 未 口 曾 他 商 前 没 便 看 曾 商 論 量 日 錯 奮 下 來 議 考 又 底 手 是 發 曰 古 得 若 如 改 要 商 淺 : 未 何 起 議 意 量 且. 若 事 做 得 處 思。 論 如 便 洂 商

之物 之志 賢 始得。 要做 大 觀 備 者 身, 身, 成 爲學,須 此 道 學「孟 爲 書 於 志 色色 與 如 若爲 常常 而 標 我 念念不忘,工 官 問 善 無 何 天 準 若要全天之所 不 爲 是 反 子 必 有 是求復其初,求全天之所 周 故 配 地 學,須 失。 ,直做到 學大 説 道 爲 此 身 備 其 並 得 天 性 聖賢之心, 意 而 Ι. 立 天 端端 如 之 所 自 誠 善,言必 夫 立 此 地 而 自 聖賢 夫 箇 日 勇 然接 樂 ? 爲 則 污 以 自 標 猛 工 莫大焉 以與我者, 壞 與 地 且 進 準, 念 念 只見 續 夫 稱 且. T 我 位 天 常 自 堯 0 如 我 念 者 地 思 蓋 方是 若 因 然 舜」一章,云 因 不 士 要 之 我 便 人 循 無 勇 章。 人 忘,竟 舉 如 所 以 以 便 以 以 荒 全得 求 猛 應舉 何 以 須 血 復 與 萬 眇 廢 爲 今之 與 能 以 我 氣 然 其 本 物 了 臨 爲 初 聖 者 皆 我 之 之 有 是 事 來

> 標準 以 病 起 樣 厥 自 服 疾 明 子 、聖賢 说 T 退 瞑 不 廖』最 T 眩 人性善,皆 之可 下文 之 藥 説 以 引 相 得 必 成 似,教 好,人要爲 爲 覸 可 以 他 顔 末後 爲堯 淵 麻 了,及 公公 岩岩 聖 舜, 一賢,須 明 藥 便是立箇 其定 儀之言 不 瞑 是猛 眩

静 晝 先 日 生 坐 有 . 亦 爲 舉 問 歸 有 横渠 宵 璘 時 所存主始得,不但兀 . 有得 日 六 已 昨 息 暮 有 日 説 团 不 有 雲 曾 養 : 庵 觀 瞬 言 中 書 有 有 何 兀 存。」 法 静 而 所 坐 己。 動 爲 以 而 ? 有 教 雖 璘

633

走 先 到 7 生 利 害 德 日 粹 重 問 處 無 . 則 他 在 顧 只 忌 四 明 是 ,只是持 志 守 官 不 立 要 顧 去 却 義 隨 如 理 利 何 害 纔

只 是使人道是一 「人在 官 固 當 好 理 官 會 官 須 事 講 學, 然 做 立 大 得 本 官 好 則

考亭淵

源

録

卷之十五

粹 官 讀 到 件 有 書 元 事 明 源 明 不 州 流 且 日 曾 先 於 問 又 理 若 生 婺 做 爲 會 只 源 學 E 要 件, Ш : 於 人 中 沈 縣 道 却 坐 叔 尉 是 窮 晦 既 T 好 既 做 ___ 官 叔 在 T 德 晦 几 今 四 明 粹 日 日 年 : 云 做 且 : 若 滕 得 理 德 會 要 初

愛民 爲 示 先 問 其 曲 折 他 具 事 悉。 難 預 大 論 抵 守 官 且 以 廉 勤

令其安 達 聽 善 義 理 甚 意 人 一、次第 説 善善 答德 而 已 心 好 。 正 大抵今日 俟 章 話 當 日 命 此 此 不 有 : 必 進 然 是 過 耳。 知 後 大 後 爲 教 病。 可 生輩 華 序 授 教 靡 文 里 須 以 以 辨 門 甚 收 先 科 巧 佳。 拾 與 舉 來 也 説 身 爲 學 文字 心 者 破 急 衆, 此 不 只 討 病 取 暇 論 甚

耳 然 淹 陸 速 又 答 丈 有 教 時 日 不 足 於收 吾 深 友 計 斂學 秋 且 試 者 不 當 散 利 力 亂 學 士 身 修己 友 心 所 甚 爲 嘆 有 急

> 耳。 功 例 耳。 也 然 熹病 後 講 生 學 餘衰 精 趣 敏 向 耗 不 亦 且. 不 當 敢 可 看 勉 緩 文字,恐勞 學, 要 未 當 可 兩 以 心 進 此 發 乃 佳 爲 病

歸 力 既 以以 得 想能言之,不 脱 又 慰 去場 答曰 平 日 屋 : 期 足 廷 復 望 對 以 之 縷 專意 甚 縷 意。 佳 也 爲己之學 此 復 間 增 曲 嘆 折 更 德 望 然 粹 勉 今

間 誦 事 繫 業 斷 精 不 ? 輕 熟 爲 縣 敗 政 耳 學 僻 不 問 自 官 兩 可 卑, 别 不 事 不 口 無 想 皆 深 忽 他 亦 以 念 也 巧, 少 專 也 事 只 暇 悠 要 然 H 持 久 讀 勾 爲 守 銷 何 功 純 書 簿 固 鈔 作 講 何 所

石 憝

石 憝 字 子 先 世 會 稽 徙 台 州 之

皆 嫌 褫 守 耶 訟 欲 臨 口 怒, 詣 法 其 爲 驚 有 海 郡 0 襜 寓 服 數 欲 當 且. : 帷 請 喙 客 年 中 浚 兩 年 者 吾 留 治 息 不 吾 十八 以 守 憝 爲 第 決 民 法, 天 憝 他 者 之 舉 不 不 屬 子 邑 不 掇 膏 能 役 可 進 牧 滯 顧 禁 拾 血 於 訊 士 訟 民 相 無 以 縣 求 立 與 媚 歷 所 岢 多 辨 罷 費 遮 得 知 爲 屬 徑 道 且 常 雖 若 以 歸 吾 號 數 姦 州 會 0 決 人 不 萬 訴 武 民 憝 治 民 忍 進 健 數 憝 郡 至 有 第 彻 縣 親 守 者 有 不 0

是 又 見 租 年 不 官 得 謹 户 憝 雖 者 視 以 無 君 貧 不 容 苛 其 大 答 與 不 其 出 更 擾 器 戚 調 但 女好 納 農 産 也。 之 南 日 商 際 而 關 治 劍 至 得 不 税 州 市 要 官 能 職 尤 籍 之 八爲 更 溪 吏以 租 征 簡 其 縣 凡 易 籍 亦 民 以 財 待 以 損 者 逃 時 責 次 便 其 絶 皆 民 力 數 請 家 而 正 役 借 食 而 \mathbb{H} 之。 有 於 吏 民 人

落之。 某 之人 之資 數 皆 其 其 第 即 以 序 自 臨 充 廢 友 者 傳 舊 之 弟 古 斂 充 規 是 + 相 至有 人 皆 俗 模 子 手 有 年 寫 田 Ŧi. 與 寡 而 大 之。 於是 裹糧 聽 員 刑 誦 之 林 日 反 争先 爲 見 新 H 非 命 罪 習 不 用 復 陳 聞 其 與 如 既 來 往 士 始 美 中 爲 説 輸 不 具 今 比 棟 成,爲 就 以 始 教 遠 者 來 聖賢 里 獄 賦 宇 之 鄰 學 伐 求 之 知 掌 鄉 知 數 正 解 上 所 爲 日 鼓 義 所 學 有 事 教 市 考 憝 仇 教 者。 府 售 謂 禮 以 升 據 古 書 事 學 視 親 爲 而 學 敵 至 堂 爲 復 險 吏 萬 凡 制 故 率 縣 者, 者 民 文 一當 學。 與 而 以 自 卷 學 佐 問 故 選 以 俗 之 齊 舉 以 爲 邀 豪 聞 宫 吏、 憝 窮 諸 買 訓 邑 歸 爲 民 亦 鄉 求 榜 僻 不 至 子 生 不 變 修 宿 监 田 飭 飲 不 以 皆 稱 進 之。 數 願 輸 學 酒 己 或 賓 即 厭 喻 動 民 禮 業 治 學 租 乃 又 白 異 客 召 校 欲 王 賦 摭 次 民 以 畝 邦 廣 往 其

分遣 者 辨 致 甚 代民 衆 使者散 死,民 及 爲 代 之 争 去 村 乃 之, 一,民 得 落 不 免。 或 自 聽 畫 爲 歲大疫,多治 則 象 詩 請 祠 以 自 勸之,賴 對 獄 藥 與 以 劑 活 吏

之,有公 監 月 對 引 至 有 除 福 尋 見,首 乙丑 詔 登聞 公, 建 知 時 南 事 路 監 所 故 以 舉 安 察 康 檢 以 不樂 年 疾 陳 材 人君之心 撫 御 軍 院 質 卒, Ŧi. 堪 之,言: 事 史 可 十五 人 刺 不 0 因 幹 陳 未 及 舉 舉 謁 將 幾 君 辦 甚 積官至 不 聞 者 告 善 公 行 之道 除 剴 可 歸 事 聞 矣。 吏 而 將 有 切 省 其 遭 部 朝 作 0 卒 與 以 賢 請 内 尚 散 監 毫 天 以 上 去, 得 薦之朝 艱 書 郎 皆 之 淳 主 同 奉 有旨 鄭 熙 簿 然 方。 私 未 祠 丙 之。 九 終養 終 召 天 居 大 年 以 選 制 心 憝 授 頃 差 歷

而 遇 事 爲 立 外 斷 和 毅 内 然 剛 有 平 不 居 可 恂 犯之 恂 如 色。 不 能言 爲 政一 者

> 憚 手記 造請 甚嚴 其 主 忠、未嘗少爲 於言色,至或累 舍,政令之得 間 往 於愛民, 周 當 見 而 易 没 心 在 路。 大 身 慕之。 晚 州 、學中 不 而 名 縣 由 迁 憂國 懈 失。 其 未 踈 庸 日 口 其 燕 嘗 之心 賤 解 避 不 有 人 居之室 屈 **>** 就 解 有 文 文 可 意 之計 數 集 所 見, 又 旦 上 然 聞 + 甚 見 日 官 雖 0 自 卷 卷 切 天 憂喜 聞 處 少 克 在 藏 於賢 子 賤 甚 人 齋」, 朝 於 之善, 之誠 僻 約 盡 家 才之 廷 遠, 自 讀 未 形 用 所 書 必 竭 嘗 律

備遺

起 而 存 不 滅 晦 則 翁 心 雖 答 之 子 體 日 重 之間 方 書 起 方 : 百 滅 起 胡 心 百 文 之用 定公 滅 而 所 能 心 謂 古 常 自 操

若」者,●固 體 有 疑 遂 此 百 不 其言之太過。❷ 滅者 通 心 起 病 ,非立言者之失 天 其 瑩 白 下之故者云 順 非 然, 滅之中, 理 是塊 是 全 而 好語。 無 起 然 别 順順 私 自今觀之,却是自家看 有 不 意 爾。 也 理 但讀者當知,所謂 動 而 是 物 向 滅 無 則 不 來於 斯斯 所 寂 起 知 然 乃 不 此 覺 不 所 滅 未 也, 動 以 也 明 之 感 又 不 反 得 本 非 起 而 但

之説 耳 同 彼 謂 求 云 之謂 捕 操 自 作 矣。 捉 以 此 則 毫 之 心 心 邪 主 存,云求 釐 字,不 説》甚 意 ? 如 使心,所疑 胡 間 但 與 氏 須 善 聖賢 今人著箇 ·使其 放 之書,未 看 心,皆是 但恐 得 亦善。 所云 散漫走作 破,不爾 更 免此 察 操 須收斂造約 此 識 蓋 存 弊 類 字, 程子之意 主 耳。 則 贵 也 宰 流 便 如孟 於釋 之 有 以 味 箇 爲 此 亦 氏 使 子 佳 不 尋

「大抵講學難得是當,而應事接物尤難

得 中 然與其 身,庶幾 率多 事矣。 夫者,未嘗敢 而 罪 · 節 汲 於流俗之爲愈。」 畏怯, 汲 以 今每 向 爲 寡 妄言妄作得 來見理自不分明,不得入德門户, 人,妄有談 過。 無 思之,不覺心悸。 輒 復 告 自 向 語 非 來之勇鋭 深信 説 罪 以 其 於聖人,不若以 此 得及,下得 失 取 己 怒於人蓋 故 惟 誤 近 欲 日 修 朴 議 實 治 論 此 此

王遇

乾 道 五. 王 年 遇,字子正,一字子合,漳州 進士。 歷教 授臨 江 軍 處 龍 州 既 溪 而

^{●「}而心固自若」至「不起不滅」二十一字,原脱,據《晦

❷ 「反」,原作「及」,據《晦庵集》卷四十二改

常 右 由 曹 州 贛 郎 倅 遂 中 召 爲 爲 浙 嘉定 太 東 學 常 博 四 平 年 士 使 卒, 者 除 年 諸 七 除 王 + 宫 大 宗 教 授 正 派 出 遷 知

不 不 瘁 之 遐 在 途 其 饕 惰 涵 用 也 美、民 太 特 荒 泳 力 富 口 漫 之實 毋 焦 空,一 得 從 也 貴 下 也 少 黄 勞 自 不 或 也 榦 容 也 而 生 或 逸 知 則 祭之 中 策 也 爲 毫非 之不 事 也 左拏 其 躬 勳 州 學 壯 所 致 行 大 嗟 大 曰 詞 義 · 得 而 然 骫 右 職 哉 身 實 邑 夫 場 從宦, 則 休 其 骳 攫 也 朝 踐 ! 而 9 滔 嗟 息 奮 視 熟 欲 列 皆 東 夫 王 滔 非 也? 利 發 爛 至 屈 誉 若 馳 罄 君 皆 士 名 外 於 踔 之以 私 是 支 竭 是 西 風 泊 飾 厲 決 背 代之 騖 離 如 之薄 忠 然 性 萬 也 何 固 公, 君 潛 悃 浮 0 若 患 命 鍾 無 無 之賢 英, 心 薄 畫 之貴 浮 憚 風 鞠 之 至 以 所 道 雲 聲 俗 南 躬 責 情 煩 此 不 無 閩 古 之 之 盡 宦 而 夫 用 習 方 以 極 口

> 門 寫 報 當 哀 者 享 嗇 期 艱 不 頤 也 知 棘 涕 也 躋 胡 淚 貴 用 之 慇 顯 之 横 懃 遲 爲 臆 顧 世 也 念 奪 則 者 感 也 君 呕 德 也 胡 也 積 榦 絾 亦 厚 爵辛 同

備遺

計 質 意 較 爾 甚 於 善 答 先 今 若 書 生 昨 但 不 \Box 曰 是 : 如 讀 非 鄙 書 王 所 之間 意 遇 窮 喻 篤 理 變 則 信嗜學 · 主 化 恐徒勞而 以 爲 氣 敬 質 惟 存 爲 學爲 方 心 無 人 可言 殊 補 能 而 務 也 變化 徒 學, 實 切 切 氣 此

楊長孺

少 穎 悟 楊 超 長 群 孺 書 字 伯 過 子 目 廬 成 陵 誦 歷 萬 官 知 之 南

代 朝 部 明 史 餞 立 嘉 縣 梁 胡 定 郎 用 積俸 縣 夢 中 擢 詔 成 中 真 號 显 長 知 大 錢 德 繁 知 知 孺 詩 廣 以 七 福 秀 劇 湖 奉 有 州 擬 千 州 薦 州 前 祠 非 緡 吾 蠲 以 政 召 其 鄉 清 除 直 盡 多 爲 倫 小 獄 带 敷 以 不 屯 澹 訟 代 支, 黨 文 政 田 庵 閣 下 和 折 郎 長 户 致 邪 之 强 中 孺 道 仕 輸 説 語 横 處 肅 租 之裕 初 不 至 然 理 0 宜 宗 是 長 稱 除 如 立 御 孺 初 刑 及 神

備遺

越 長 須 中 境 孺 有 庸 迎 先 \Rightarrow 0 見 生 箇 大 赴 要 愚 請 哉 潭 切 陋 聖 日 恐 道 口 人 不 以 過 之道 大 能 臨 用 道 盡 江 工 茫 長 記 夫 茫 先 章 處 孺 生之言,先 0 何 自 反 先 吉 處 覆 生 水 下 與 乃 手 111 説 生 舉 ? 間

> 得 力 濟 看 何 V. 口 來 消 之 文 行 以 甚 字 是甚 我 於 書 事 尋 寫 心 爲 0 麽 出 常 長 推 物 ? 説 只 而 孺 事 是 於 行 何 ? 謝 之, 講 心 如 曰 吾 論 未 ? . 友 契 山 先 只 滴 敢 用 縱 在 生 來 功 不 使 笑 紙 所 自 寫 儘 説 曰 1 在 尋 有 此 若 討 紙 無 探 熹 吾 討 又 不

載 錙 歸 艎 銖 真 德 之 皆 圖 秀 最 奏 籍 劄 爲 當 有 楊 世 長 曰 所 . 孺 推 守 崔 長 與 樂 之 帥 半 成 侵 都 但

鄭昭先

甲 子 進 之 戌 士 門。 鄭 筮 除 昭 仕 端 先 嘉 爲 明 定 字 浦 殿 中 景 城 學 紹 簿 士 試 閩 左 愈 嘆 諫 縣 書 問 人。 議 樞 學 大 密 未 淳 院 夫 悉 熙 兼 事 + 乃 侍 除 遊 几 讀 參 朱 年

畫 讀 事 文 護 始 士 太 知 之 王 決 子 子 政 而 而 親 才 能 事 薨 立 事 敷 尤 振 朝 以 居 紂 儲 腴 進 喜 陳 政 奏 七子 之心 拔 豐 知 嗣 聞 宓 府 疏 淹 樞 衍 未 義 以 事 皆 爲 滯 密 定, 以 理 爲 寔 母 切 心 院 爲 沉 之説 名言。 之心 似 謂 直 事 事 厚 則 其 當 0 鎮 料 未 爲 爲 以 嘗 故 辛 浮 事 昭 有 心 Ė 謂 其 率 先 不 宗 静 文章 . 於 則 多 除 所 人人臣 口 定 爲 未 書 觀 中 著有 事 制 法 不 無 有 文 之 變, 事 能 景 所 不 廟 殿 君 日 刻 口 不 以 全 學 謨 獻

備遺

湖

遺

藁

五.

卷

仕 古 也 人 學 景 非 紹 而 不 請 後 讀 教 仕 書 先 但 人 生 心 却 日 有 及 所 「今人 仕 溺 而 聖 後 却 賢 是 意 思 倒 其 都 未

> 須 人 不 汲 不 日 曰 要 . 馳 過 於 . 能 識 鶩 學 欲 見 存 學 此 紛 人 其 問 爲 科 擾 存 小 之 舉 學之道 此 道 養 也 箇 心, 無 是 其 心 他 奪 性 聖 都 使 志 經 求 所 不 自 9 今 賢 其 以 在 家 既 傳 放 事 身 軀 免 所 天 心 殼 有 以 此 也。」 而 裹 主 告 己 宰。 亦 人者 學 孟 須 又 子 汲

趙崇憲

所 宗 郎 著 至 室 有 趙 作 居 惠 崇 佐 饒 政 憲 之 郎 餘 字 歷 帥 履 江 淳 西 派 巸 相 廣 八 汝 西 年 愚 進 能 長 守 子 由 家 巾 秘 宋 書

年 愚 既 復 貶 及 汝 卒,真 死 愚 故 海 官 德 内 職 憤 秀 多多 作 <u>~</u> 勸 崇 墓 以 憲 誌 仕 置 \Rightarrow 其 故 自 略 知 南 日 居 汝

録 蔡 世 功 謗 爲 臣 官 行 忠 未 憲 如 升 中 請 一之公。」 德 既 公 冒 事 璉 在 悉 113 拜 事 論 與 辨 施 益 濫 跡 申 進 讒 昭 命 田 厲 行 皆 言之,乞以 大 奏 有 顯 感 謗 令。 忠 先臣 廉 院 謂 如 臣 又 泣 詔 節 然 思 耻 而 清 誣 爲 制 自 復 如言 復 兩 其 其 後 之 陳 衊 正 仇 從 官 曰 引 省 明 孤 功 申 本 乞昭 疏 趙 之 史 賜 所 先 陳 者 意 而 飭 力 而 官 師 女好 謚 被 陳 瓘 録 所 史 辭 爾 憲 召 考 與 示 下 論 寵 館 其 論 拜 先 毁 聖 妄 訂 臣 以 中 光 後 司 疏 人 慈 龔 貢 改 即 外 爲 以 省 馬 新 者 烈 非 國 力 頤 封 聞 正 近 : 命 集 光、 皇 辭 使 公 正 章 誣 日 議 功 俱 吕 先 先 己 朝 典 后 ^ 之罪 史, 恩 合 在 續 擁 公著 俄 臣 而 臣 所 也 典, 追 王 若 稽 之 之 樓 垂 佑 改 以 寢 皆 古 究 之 讒 鑰 萬 先 勸 冤 復 監

「嘗因閔雨求言,乃上封事,謂:『今日

黨 隱 宣 瘁 明 未 及 施 氣 有 壅 ; 用 有 悉 窺 更 以 或 教 蔽 伺 褒 化 而 濟 所 乃 儲 之 偷 揚 忠 規 防 艱 萌 遂 貢 安 鯁 益者 難 左 以 取 言 皆 階 擯 右 ; 固 容 無 通 論 廢 懇 責 近 根 之 更 顯 贵 懇 無 或 習 侍從、臺 本 士 化 惟 爲 所 一之風 竊 之 獎 至 上言之。」 建 死 戒 弄 激 若 明 者 采 之漸 宰 諫 弗 者 勉 未 輔 思 加 聖 盡 其 大 ; 盡 才, 省 學 察 間 臣 蓋 惟 職 録 以 奸 輸 或 日 朏 亦 規 憸 之元 廣 罕 寅 罰 忠 存 餘 以 盡 聰 弗 無

備遺

書 意 友 之 難 味 讀 浹 通 先 生 患 而 答 當 此 無 書 經 稍 藥 日 爲 見 口 : 尤 功 醫 難 耳 示 只 喻 有 蓋 讀 讀 少 ^ 未 書 易 讀 開 遺 深 忘 卷 亦 思 時 佳 此 但 令 亦 其

四

六

若 成 不 正 X 多 文 爲 見 有 重 字 他 欲 被 象 本 説 耳 先 數 救 來 儒 此 開 大 則 然試 弊 硬 概 物 非吾之所敢 説 成 Τ. 略 殺 但 務 夫 考之, 1 當 活 時 開 法 令人 草 卷 聞 亦 之 草 廷 也 廳 看 後, 老 抄 見 得 門 出 所 意 經 傳 思 户 文 疎 鄙 梗 局 本 略 概 説 促 意 未

趙崇度

説 宗 勤 恕 桂 讀 陽 正 則 書 是 几 謁 邵 無 寺 趙 朱子 其 説 則 遺 崇 武 事 知 後 遺 事 軍 度, 修 於 日 所 改 9 次考亭。 恕 提 己 字履 親 知 舉 治 則 公則 古 無 福 崇 人 節 州 之 過 授 建 度 無 舉, 方 以 汝 市 在 忠 偏 矣。」 舶 《大學》 愚 郡 定 吏 見 兼 次 道 嘗 爲 廉 以 知 子 盡 書 堂 泉 蔭 則 也 於 一公公 編 補 州 無 扁 0 此 利 官 矣。」 以 廉 年 川 日 心 几 勤 外 + 知

> 邵 外 年 則 祠 史 爲 武 奏, 五 專 髓 + 祀 則 留 朝 提 六 濂 建 爲 散 舉 節 周 溪 右 大 湖 齊 所 於 曹 程、 夫 南 記 著 堂 郎 常 致 有《磬》 聞 張、 中 而 平 仕 徙 朱 0 遷 尋 湖 平 其 Ŧī. 吏 改 集 先 生 部 不 江 **>**,</br> 尊 可 生 郎 西 左 慕 並 祠 中 氏 遂 祠 IF. 常 奉 引 者 在 學 崇 談 桂 嫌 卒 陽 在 禧 請

林

之平 監 幾 丞 補 陽 9 林 太常 外。 湜 紹 寺 字 召 興 丞 爲 E 庚 吏 甫 辰 紹 部 進 福 熙 郎 士 州 初 中 長 遷 遷 淳 溪 監 太 熙 人 察 府 末 晚 御 少 歷 居 史。 卿 或 永 嘉 進 未 子

⁰ 節 是。 齊 記 聞」,《 宋 元 學 案 卷 四 + 六 作 節 齋 聞 記

下

公公

日

吾

可

以

去

矣。

劉

公

蓋

公

所

謂

居

第

而

上

不

用

及

殿

中

侍

御

史

劉

德

修

與

其

長

不合。

公爲

殿

試

詳

定官

考

直

言

者

日

今

白

察

院

争

何

事

反

覆

不

Ė

也

自

是

寄

耳

目

於

諫

而

彈

擊

多

君

子

治亂之大

日

陛

下

托

股

肱

於

宰

執

而

除

授

多小人

無

调

此

也

0

執

論

移

時

侍

立

舍

人

言

於

衆

者

贵

諫

官

爲

私

之

地

歟

?

他

H

見上

9

奏

論

爲

歸

乃

日

共

持

其

紀

綱

可

乎

夫

紀

綱

?

史,獨

喟

然

日

吾

不

惟

賢

與

善

是

親,

正

:

少

異

日

:

所

以

共

持

紀

綱

也

公

爲

御

見

愠

於

衆

者

是

助

而

好

惡

去

取

不

以

公

藁

*

卷

葉

適

爲

作

墓

志

>,

其

略

日

:

故

什

嘉

泰

年

卒,

年

七十

0

有

^

盤

隱

類

起

知

泉

州

未

拜

復

與

祠

以

直

龍

啚

閣

致

口

農

卿

除

直

寶文

閣

湖

北

轉

運

副

使

奉

祠

事

臺

諫

官

彈

劾

論

諫

必

相

參

審

好

惡

指

趣

四

七

朱公元 變。 激 子 不 ·,常 發,見忌於 肖 未 明 欲 殁 白 晦 以 (數月) 既 而 謪 人,是 身 尤 猶 同 護 士 走 其 惜 諱 以 書 榮 善 龃 其 問問 悴 類 龉 學,公執 疑義云。 去 廢 留 斥 世 所 而 弟 謂 故 終 子 議 善 不 禮 論 人 悔 不 君 多

備遺

言 爲 者 又 後 可 進 圖 曲 爲之指其 ,聖賢之言, 美,孰若入於其 | 者 世者,固已不 深察其層累 蓋 仰 晦 是而之焉,宜 觀 首 翁 於 注 答書:「蓋嘗 門 外 視 者 户, 具 遺 而 在 高 結架之所由 中 餘 雖 表 亦 談,不 方册 者 力。 足 其 甚 能 聞之先生君子, 以 梯 易 其 使 而 若 識 級 而 近 真 所以 .俯 其 無 哉? 世 爲 崇 首 而 難 我 一二先覺 幸 先後 高 歷 矣。 有 教 自 階 鉅 天 之 今 麗 觀 而 而 而 學 下 有 而 之 又 漸 浮

> 布之。」 之深, 擇 然既 之, 過 中 廳 志 而 而 見 如 廢, 覘 焉 雖 以 則 蒙 此 彷 者 於 所守之正 而 爲 又 知 彿 下 議 卒 或 真 口 非 若 問 論之實, 不 悦 有 而 不 不 品 不 能 便 · 面 能 而 品 以告於公, 謂 可 其 以 力究之計。 以 之所 無 吾已見之,遂 以 有成耳。 有 於 所 以 虚 所 此 藴 深 敢 辱 至 宜 蓄 得 安 而 以 不 其味, 病 者 聽 蓋 竊 此 待 熹 在 計 執 所 己 無 於 之 是 事 施 高 遂 以 復 所有 愚言 觀 以 者 之 明 至 驟 其 敢 之 朝 所 半 於 而 不 矣。 采 悉 學 途 廷 其

考亭淵源録卷之十五

粹,加直龍圖閣,再加秘閣修撰

葉武子

《十梅 於永 中 不 與 進 如 侂胄首畀金,武 實,故相贈耳。」嘉定初爲太學生,時議 時 至, 士 或 **季** 嘉 不合,以宗學 體何?」 葉武子,字誠之,邵 除 詩》 徐 武子雅 知 直 元 界之日 處 寶 德,已 州 率 謨 志 同 子 閣 博 俯 恬退,掛冠日久,年高 舍 日 而 奉 士 詢 生 :「姦臣首固不足惜 遊 一祠,仍 吾詩不苟作, 奉 民 扣 武人。 文公之門。 祠 瘼 閽 乞致仕 力争之。 謹 端平 節 初學《周 或 初 公嘗 以 用 既 淳 子 函 禮 祐 舉 召 篤 書 後 韓

備遺

考亭淵源録卷之十六

有 惠 政 真 德 今 秀 雖 日 閒 : 處 誠 視 之學道 人之休戚猶在己。」 愛 人 其 守括 蒼

高禾

誌 大理 月 夷 進 公深器之。 時 開 \forall 綰 氣 士 一,歷福 其略曰:「公端 郡 清 寺正、兵部 高禾, 日 益 可可 符,公執子姪門 ,卓然早茂 清 畏 字 義利之間 穎 仙 而 遊 叔,泉 愛。 郎 令, 中,奉祠 方而 始 知 州 辨辨 叔 弟子 微 晉 惠 伉 析 重,和 有 州 卒。 江 倅 禮 杳 知 臨 除 卑 易 陳 則 漳 將 淳 以 宓 以恭,文 知 作 ,朱文公 非 熙 學問 莊 作 監 所 辛丑 墓 色

五五〇

外干 縣 待 持 以 介不 使 私 節 IE 取 閩 色 待 廣 拒 之人,至今頌之。 絶 人 接 雖 物, 賁 育 宛 若 不 能 處 子 抗 歷 或 意 州

楊 士 訓

楊

士

訓

字

尹

叔

漳

州

漳

浦

人

舉

進

漳 院 杜 醇 君 叔 於 士 學者 静 門 年 遇 興 歷 警 讀 尚 陳 嘉定己 (學校, 剛 永 宓作《 書 敏 設 少, 福 介 不 賓 縣 少 少 已 一卯,年五 明禮 爲 賢 令。 墓誌 刻 許 爲 獵 勵 館 儕 可 義 以 涉 自 輩 以 \leq 獨 十八,卒。 綴 邑 奮 所 以 其 處 器 薦 緝 推 之。 教 略曰:「 君 處 郡 重 選 務 求 鄉 以 尹 差 士 聖 子 户 校,人太 叔 監 文 妻之。 賢 部 擇 鄂 與 公守 遺 士: 郎 焉 州 之 意 中 糧 學, 志 君 尹 臨 而 王 料

躬

行

傅誠

轄 傅 文思院 誠 字 充江 至 叔 淮 莆 宣 撫 田 人。 司 幙 淳 官 熙 中 登

提

勳 寬 故 者 校 有 聞 年 中 自 古常 號 假 行 勞 姦 知 不 微 興 爲 於 至 雄 得 以 遷 幸 弱 陛 是乎 樂點 某家人,恃 國, 或 己 來 有 如 未 下 子 披 而 三聖已 東 有定 專兵 將 ? 之才, 太 草 姑 晉 不 常 息。 莽 假 日 止 能 重 成 博 而 微 功 有 久, 鎮 有 今 荆 之 士 驕 立 如 寸 擁 所 陛 業 朝 士 蹇,陛下 中 効 吴、 輪 兵 卒號 運 下 乎 廷 興 口 對 上 之 動 者 陝 ? 紀 二三大將 流, 所 乎 爲 蜀 略 將有 假 況 何 ? 某家 駕 朝 日 所 今 如 馭 . 廷 所號 古 方 牽 渡 陛 將 奔 皆 昔 又 臣 不 制 江 下 軍 **\$** 有 非 觀 Ŧ. 相 而 初 承

憂。 弊 顧 良 息 心 有 由 者 古 光 略 縉紳 有憂 或 至 景 餘 又 無 此 日 有 而 也。」 朝 聞 : 計 而 風 朝 「今日之事,奄 感 廷之心, 升 而 俗之不振 奮 慨自立 歎 沉 起之勢,浸 息 風 或或 竊 迹 以 笑 淪 有 者 身 脂 胥 聞 奄 許 韋 有 有 而 如 或 留 輕 百 氣 竊 心 之 朝 連,富貴之 笑 年 息 輕 意 廷之意 消 者 僅 玩 不 削 續 其 歎 之 之

曉,至先生而後大明。」 至叔云:「伊洛諸公文字説得不恁分

郭磊卿

以 劾 年 磊 權 進 卿 幸 士 郭 磊 不 無 端 才 卿 所 平 避 使居 字子奇,台 初, 或 此 拜 勸 位 右 其 正 少 州 言 每 柔 仙 有 順 尋 居 所 人。 擢 聞 日 御 : 即 史。 嘉 上 定 當 忠 彈 七

告,豈可改所守耶?」

於 豺 皇族 罷 以 道 屬 嘗 上 上 而 其 去。 眷 興 懷 狼 疏 人 得 居 材 間 致 當 劾 立 德之士莫 之賢者 史 方 初 猥劣, 治, 之 道 彌 隆 是 理 賜 既 日 遠 宗 而 却 留 於 即 門 : 股 鹏 且. 微 行 中 天錫,天 之敢 位 下, 肱 門 自 時 臣 而 不 懷 藏 喉舌之任,乃 庭 聞 求 彌 與 報, 近矣。 0 穢 鴟 天 前 遠 鄞 不 錫 雜 鴞 錫 章 也。」言 希 人 仁者在 力薦 凡 恩 后 余 朝 陛 林 旨 三上 論 天 下 旋 理 甚 使 不與。 錫 宗 鳳 擢 謀 欲 高 切 奸 善。 , 易 聚 至 遂以 位 凰 天 至 邪 執政 群 儲 遠 錫 磊 厠 則 天 竟 時 抱 疎 訪 錫 迹 卿

惡 法。 目 所得 磊 時名 史嵩之三世相 卿 疏 遂除 士徐霖 已 具 起居 俟 等 位,勢 郎 召 及 對 \equiv 疏 奏之, 可 學 不 獲 諸 炙手,多 上 生 而 皆 遂 爲 嵩 誦 怙 出 或 之 言 權 門 耳 其

嵩 求 下 同 時 之,有異論 德 與 或 去。 方想聞 丞 以 嵩 相 忠正爲己任 其 之以 杜 磊 風采,而皆相 範 卿 侍 鬱鬱 書留行,且白上,遣 從 不 徐元 世 得 號端平六 志 杰、 繼以没,中外 0 劉 遂 漢 嗚 中 君 弼 咽 ·使宣 子。 等 而 頗 百 卒。 押 天 疑 心

既 弟皆從游 書之竹亭 而 齊留。」 文公使浙東,磊 磊 卿 蓋 日 ,故其見之事業如此 少 其 嘗 扶善去惡之志,已 取 徧 康 地 節《 卿 冗 枝 與趙幾道 洗 都 竹 與 詩 去 ***** 、杜良仲兄 見於此 倚 聯 天 題 高 其 矣。 榦 讀

朱 塾

> 他 者 子自 歸,不意其至此 到 能 意,輒以不朽爲托,伏惟憐而 語未嘗爲他人道,以 而 如 婺, 習 誦 ,但恐其鶩於浮華,不欲以此獎之。 輒 雖 棄 讀 幼 少 文公請陳同 刻意 以 秀慧 去。 狀。 懶 書 廢,然 歸 爲 後 小兒 生 己之學。」私 來 也。 見 戲 父作《墓誌》,其 得 兩月,見文書即喜笑 其 事見 異 親 痛 老兄 け時 時 師 哉 道言 必學,學必能,然 還家,決當 友,意 ! 素 竊 許之。」 有 尚 喜 語 教 甚望之。 忍言之。 l",亦有 之, 書日 誨 H 盡 獎就 望 去 捐 可 咿 之 此 其 年 去 喜 此 既 己 嗚

仰 克。 心, 以 藝業以 長讀 接之,而 陳同父祭文略曰 父 游 書, 不 泳 暴其從違。 其 而 外。 能 默 : 學者 會。 「少有俊聲,而 之高 天下之賢不肖, 義 理 下 以 淺 厭 深 能 飫 俯 其 自

0

乃 以 官 見 賢子 而 識之, 以 弟 韋 而 布 而 終 而 不 晦 早 輕 耶 没。 於 ! 向背。 其 志 豈不慕古人, 其 才豈不直

朱 埜

差 朝 監 奉 郎 湖 朱埜,字文之,文公仲 州 德 清 縣 新 市 鎮 了,户 部 子。 激 賞 以 蔭 酒 補 庫 贈 官,

黄直卿祭之曰: •

殽 若 弟 孰 有 啚 1有餘。 核 暮 常 左 兩 君承 孰 清 書, 在昔夫子, 世 酒 右 遑恤 姻 雲 内 婕 其 睦 篋 其 榦 顔 於君 姻 (家,孰· 瑣 之 性 親 惟 碎 從 嚴 事 恐 俾 游 外 氣 親 有 或 交朋 剛 孰 無 餘 傷 知君之賢,人之百 遺 無 規 友, 漏 君 + 在 矩 年 歲 昔 服 準 非 君 時 繩 其 夫 四 之賢 子 饗 勞 海兄 動 7,使 祀, 朝 止

> 慈 竟 訓 致 饑 倉 行 以 詞, 君 且 寒, 庾, 非 、 勞 悴 , 誨 可可 嗚 以 孝 相 爲 無 孰 呼 安 我 先? 傷 憾 香 厥 黍 而 哉 稷 室 爲 隕 姻 誰 厥 劬 孰 跋 室 身。 勞 知 跳 不 家 有 造家 我 思 險 臻 疑 ? 爲 悲。 阻 未 臻 子 忘 千 黽 怯, 而 男 里 勉 寢 孝,爲 一相 有 女 與 日 望,銜 詵 夕 願 食 未 詵, 父 庶 顧 伸, 而 且. 我 無

備遺

小 尾,一 誘 右 之爲 者 尤 大兒作文, 文公與吕 樣數斷 幸。 難説,然只作 近 更看 來 東 更 覺 萊 無 不 得 書 小 向 得 稍勝 日 背 詩 無 可 往 往 益 怪 來 兩 年 之勢,自 兒 更 不不 望 謹 量 與 知 令謁 其 鐫之。 竟 首 材 能 而 左

●「卿」,原作「鄉」,據文義改。

言 累 更 刻 責 不 自 以 教 擇 累 不 少 得 矣 誨 之,渠於老兄 聽 交遊 高 能 此 形 進 亦 明 苦 督 人 徑 迹 明 隨 否 希 「, 感 言 一去,渠一 淡之習 爲 示 分 謹 早 切 口 好 語 嫌 刻 以 望 刻 出 慮 悪 皆 苦 也 至 已深 痛 見 而 類 作 欲 教 路 加 報 此 尤 塾 痛 此 舉 其 誨 鞭 中 兒 望 又承 或 不 子 加 自 策 絶 即 又 垂 撙 知 文。 便 到 知 懶 聞 俾 意 不 許 彼 節 已 遣 准 惰 敢 警 稍 今不 同 其 還 到 步 則 幸 仲子 察。 忽 知 既 稍 爲 否 爲 時 巾 自 進 ? 遠 荷 恐 不 幸 呼 厲 歸 如 千 知 無 又 尤 此 千 來 塾 家 其 學 里, 此 不 切 兒 痛 子 萬 不 至 日 銘 其 口 久 鐫 來 勿 於 以 又 口

業 但 初 尚 所 甚 恐 作 兒子 善 其 文 不 義 蒙 觀 成, 教 其 似 今既蒙獎誘 篤 氣 未 質 甚 X 至, 律 似 舉 亦 聞 不 只 家 亦 做 感 已令專 知 激 得 上 舉 不 面 子 可 治 更 學。 言。 能 此

> 强 淮 也 步 否 ? 此 亦 必 待 其 自 肯 9 非 他 所 能

熟 衆 舉 經 之。 相 業已 矣 ,故文字 與 須先 見 東 切 今編 萊 供 嗟 從 答 兩 間 此 勢 晦 課 步 書 歷 不 翁 驟 亦 疏 调 容 書 規 非 > 懶 日 訓 矩 全 領 : 詁 無 未 後 祖 名 **\$** 蹊 如 謙 數 嗣 ***** 徑 律 亦 朝 看 但 蓋 數 夕 ^ 左 既 數 久 不 潘 傳 久 曾 治 提 叔 自 人 此 度

今令 事 可 望 否 歸 0 晦 翁 鄉 人 此 家 應 與 郎 後 舉 東 正 臨 生 萊 华 書 無 只 行 曰 更 得 此 : 望 自 根 丁 有 本 塾 寧 意 不 之 使 做 知 也 人 好 果 憂 能 心 便 漸 耳 有 解

喜 方 亦 也 減 東 萊 答 百 書 舍 間 日 及 渠 受之 家 上 近 下 日 皆 漸 稱 解 之, 事 殊 性 口 氣

晦翁與東萊書曰:「兒子歸來,不惟課

惜 業 升 乎 親 勝 堂 乎 其 之 前 炙 薫 氣 列 ,至於情性作 陶 質 耳 之效 本 凡 舉 又 -爲,亦 家 無意於大受,不足以 感 德 比 不 往 時 可 名 少 異 言 希 信 但

卷 詩 淚 類 常見了 文。 不 示 能 子 晦 已。 既 翁 予嘗恐其蹈 没 子 跋 後 塾 初 詩 不 許 卷 知 進之乃 其能 日 於浮 : 道 大 靡 出 此 之習 兒 其 語 自 所 也 幼 與 不 開 爲 倡 敢 爽 之 教 和 揮 詩 不 以

朱 在

既 受 教 朱 家 在 庭 字 又 叔 從 敬 黄 榦 字 學 敬 0 公 遇 文 明 公季 堂 大 子。 禮

赦

恩

奏補

承

務

郎

將 作、 司 定 農 初, 簿 除 遷 籍 丞 田 令, 年, 亢 早 以 E 大 理 封 正 事 知 0 南 歷

> 宗 甚。」 侍 爵 問 道 孟 乞 甚 使。 綱 少 事 康 詳。」因 朕 以 去 之 卿 軍 郎 口 , 獨 求 加 又言 要。 顧 其 來 寶慶 讀 曾參封 右 起 放 充 宣 像 不 之不 曹 家 心 樞 二論 傳 |奏: 理 中 . 郎 爲 知 先 密 之緒,若 宗 除 日 或 郕 官 言 信 釋 副 日 家 閔 臣 侯, 乞與 工 州 手, 都 兼 , : _____ 有 卿 損 部 四 除 0 權 承 程 恨 以 使 先 書 侍 卿 提 人 旨 知 顥 之 下 卿 印 不 先 郎 舉 對 並 嘉 九人, 從 與 兀 本 卿 出 程 浙 封 興 以 書註 祀 進 ^ 爲 所 頤 西 0 府 中 進 對 廟 同 常 兩 並 在 楊 張 庸 問 解 庭 時 不 浙 平 雄 封 奏 召 載 序》言之 斯 有 同 轉 茶 爲 人 王 得 字公 除 0 補 文 主 鹽 振 運 可 孔 幸 右 治 理 學 農 紀 副

袁 待 州 制 紹定 知平 奉祠 江 卒。 年, 府 請 外 明 年 除 朝 改 焕 議 章 大 夫、 閣 待 寶 制 謨 知 閣

二 五

六

程洵

之明 監 帝 捧 且. 與仁,維帝之 文公易以《尊德 吉州録 人,文公内 此 狂 盈 降此下 祇 慢慢 一,荷 須 程 洵 事參軍 栗厥 臾顛沛 賤 人之紀 民。 汙卑,淫 弟 初 か心? 則 字 0 甘甘 欽 何 性》而爲之銘,曰: 任 或 有 以 初 以予之,日義 重 幽 此 特 欽 斯承斯,猶 視 洵 道遠,其敢或怠。 其室,有赫 下流,衆惡之委。 科恩,授 傾 改 以 聽 字 道問學」名其 允 惰 懼 信 夫 其 與與 其臨 弗克。 州 四 徽 「維 文學 肢 州 皇上 我其 孰 婺 褻 維 執 天 昏 義 終 玉 源

蘇

洵

少年喜

[讀蘇

文,遂與

俱

化,乃有二

躬行,不後二程」之語。

先生

痛箴砭之。

備遺

先生答書曰:「每與吾弟講論

此 以 看 明 之人,多費 弟 得 是本原上一大病 滋 明 味 相 但 敏 似 似 不 看 却 長 分 功 文字 少 明 久, 夫, 元 纔 却 方 不 味 過 與 非 踐 費 看 自 了 得 履 力, 家 便 工 出 辭 見 休。 身心 一夫,●故 者 得 義之失也。 意 道 反 無 思 不 干 理 此 却 容 如 涉 道 久 遲 理 易 遠。 鈍 分 所 雖

善推 人 自己 德行 者,人心之妙用。」 其 以 或有 分 洵言 説 爲 而 與 上 善 事 人同 . 所 以 也。」 未 人之善爲己之善也。」先 鬼 爲之也。 至。 神 又 又 者, 曰 : 善言 曰 造 . 舍己從人, 德 善與 化之 行 善 爲 ,則所言 人 妙 同 説 用。 辭 樂 以 生 禮 取 皆 己 則 皆 諸 之 其 於 樂

「却少」、《晦庵集》卷四十一作「少却」。

覺得

吾

0

唐 謨

聞 薦。 流 喪 不 益 瘴 臨 有 立 而 南 俗 悉 易 以以 學 勤 癘 漳 改 重 康 得 焉 朱文 文公又以 用 之 之 岡 周 此 深 書 去 建 也 古 鄉, 複 其 謨 請 慰 武 公守 禮 既 接 昌 字 嶺 所 益 所 君 夷 居家 物 斥 而 之 難 , 文公答曰 舜 望 又千 書 又 文公歸 南 謨 温 阻 で。」其 弼 去 往 孝 資 勞之日 康 然 當 浮 謨 友。 餘 求。 自 軍 强 見 其 屠、 此 里 仍 , 武 毅 稱 摳 少 先 歲 母 往 : 夷, : 卒 老子 其 警 重 果 衣 世 「講 寒, 喪, 就 業 居 地 去南 如 登 敏 於 初 學。 既 法 不 學 喪 蔬 此 爲 門 嗜 爲 居 盡 易 持 歸 閩 食 學, 康 善 會 鄉 及文公守 盡 其 誠 三年 守, 廣之交, 且千里 文公殁 稽 温 有 棄 兩 操 不 多 不 繹 其 預 後 不 效 治 所 狥 尤 學 懈 鄉 善 徙

> 嫂 僞 業 無 間 者 禁 撫兄 言 方 往 嚴, 會 之子 君 葬 謨 箬 生 冒 年 於 極 隆 逾 紹 其 寒, 原 敬 六 興 辛 愛。 + 戴 西 矣 星 卒, 交 徒 朋 家 於嘉 步 友 故 偕 貧 泰 處 鄉 壬 鄉 事 人 戌 間 受

葬

於甘

泉

鄉

坑坑

之

定 願 始 弟 無 相 集,迭爲之主,至期 子 有 孟 人,皆佳 丙 仕 告以 帥 人焉 燔 講 1 、周、程、 子, 習。 居 江 黄 余 其 善,有 榦 五老、三 湖 士 自 或 徒 蓋 先 之 爲 也 間 數十 漢 秀宋傑、 學誨 生 之誌 微言不 可其 陽道 過 因 殁,學徒 峽 則 得 後 其 間 過 規 蔡 絶 交於 盛哉 集 進 惟 墓, 從 其 元 如 歲 主 先 解 且 里 海 思念 綫 諸 其 生 月 者之家,往 散 日 内 君後 集 於是 書 徒 浸 : 獨 之 成 僅 中 久 是 康 心 士從 僅 朱 謨 不少 來 未 讀 胡 廬 忻然慕 先 守 之子 會者 能 伯 間 復 之者 生 舊 怠。 每 也 量 有 問 以 聞 曄 + 李 季 泳 難 孔 嘉 榦 兄 述 敬 漫 郡

湮 諸 季集之約,歸語 習不輟。 而 里從學。 吾鄉之士 其父之行 身,行 無傳, 晦 0 非 於家,又取信於鄉人,使吾師之道 敢 今吾病且 吾鄉之爲 始 舜弼之力歟? 固 拜 知 以 且 學。 其 請。」嗚呼 泣 鄉 日: 一老,不能遂卜居之志,將以 自吾 季集,亦吾父發之。 人使行之。 自 父人 遂不辭而爲之銘。」 ! 晦 舜 閩 庵 弼之學行, 一士始不 先生守南 斯文之不至 遠 恐 演講 康 脩 殁

備遺

非 順 要 於 恐 是, 失了 鄉 人 不 情 黨 免 問 底 : 有 周 恂 自 便是,非 同 盡 謨 家 恂 流 於 如 但 合汙之失。」 也 天 鄉 須 底 下 曲 分别 似 便非 事 不 自 能言者。 是 。」問 覺 只 非,不 有 先 委 : 生 靡 是 箇 隨 日 要一 處 是, 順 非 鄉 處 自 向 孔 曲 多 有 箇 隨 子 古

> 公論 是 不 有 非 察。」 箇 公 如 論 何 是 便 非 如 又 之 此 有 外 説 箇 更 便 有 私 不 是了 論 一 箇 公 也 0 9 論 此 是 却 非 不 纔 只 説 是 口

己。 就 若 前 此 異 在 行 不 萌 事 情 自 異 未 小 可 日 動 家 説 若 只 情 更 又問: 人 得 時 不 身 得 如 知 不 無 天 當當 却 上 名 曾 饑 莫 也 非 理 如 知 實 食 須 義 尋 純 私 謨 何 用 渴 問 這 見 儘 着 熟 欲 於私欲,未能 0 力 飲 : 裹 得 分 本 克 等 日 所 要 曉 私 領 五. : 除 旦 分别 謂 事 欲 峰 山此 畢 只 , 覺 失覺察, *, 同 萌 所 是 竟 否? 行 只是 聖人 謂『天 方 動 説 無 無之。 異 寸累 時 與 得 情 强 病 如 無 日 理 他 我 者 何 自 省 非 痛 但 事 名 人 如 降 天 出 天 義 欲 頗 同 此 此 理, 來 伏 勝 理 意 須 口 而

^{●「}晦」,原作「海」,據《勉齋集》卷三十五改。

考亭淵源録卷之十六

發見時如何。其間正有好用工夫處。」

莊、 異於聖人者 自 有 老 舜 所 等 弼 主 書。 云 何 則 今欲讀之, 如 讀 平 耳 之何 . 時 慮 害? 爲 何 異 如 教 要 ? 所 識 汩 其 先 意 未 生 嘗 所 H 以 讀 .

設, 克 敬 盡 處 己 力 用 須 舍死 亦别 力 先 向 執 爲 生 事 難 答 向 無 難 敬 處 書 前 巧 力 法 而 此 日 加 則 已,尚 譬 . 亦 敬字 持 「所諭 常 如 守 理, 何 孤 本 問 庶 軍 但 敬 木 字 哉 猝 幾 看 爲 遇 動 聖賢 工 默 强 静 夫, 然 敵 如 説 無 於 只 應 爲 行 耳。 得 時 篤 事

他 向 讀 同 前 書 流 人 合污 不 . 則實 元 來 無 輕 喻 之 究 干 所云 自 地 預 其理,行 恕 耶 「。皆學 ? 亦 則 何 在 己 者 必 我 則 不 私 者 實 能 憂 雖 踐 無 過 甚 其 疑 計 孤 之處 迹。 高 而 陷 然 念 0 於 念 然 與

又以書與舜弼曰:「臨别所説務實

病 事 · 途中 痛全 在 ·曾致 此 處 思 不 否? 可 不 今日 知也 學 者不

能

進

步

石 洪 慶

石洪慶,字子餘,臨

漳

備遺

始得 達; 這 乃 原 者 日 舉 裹 其 非 0 合下 「議論 孟 病 不 洪 久自 此去且存養,要這箇道 是, 子「求放心」、「操則 只只 慶 原 將歸, 有 但 也 是 頭 覺 其 平 淺 見 後 中言 正 欠少工夫。 先 耳。 , 兩 生 語多 故 自 出 日 覺 是 其 來 似 存 洞 見 平 反 不 今先須 然 枯 日 兩 覆 理分明, 自 通 燥 問 爲 節 胸 貫 目 看 中 養 不 及 員 示之, 流 所説 其 甚 轉 常 明 道 條 在 源

着

文字, 悠 去 養 功。 條 痛 透 時 昭 是 蓋 日 得 苦 徹 方 曠 悠,竟無 夫不得,若 ,將來自 録 取 瞬 此 難 所 此 之原,不須 如 又不 遇 等 一自 文字來看 中 目 謂 单 收 今要 事 語 間 昭 拾。 一放 所 有 聖 古聖 實 時 便 不 明 下工 得 不 撞 賢 了。 公且 心』者,不 自 不 欲 洞 就 在 着 教 賢 然 ,則自然有 見,纔覺 對 達,自覺 此 處。 費 夫 人千言 教 且 迎 諸 上 自 工 教 刃 且 公既 人 夫, 面 去提 . 是 他 説 而 須端 着 得 也 萬 無 鑽 看 走 解 緊 意 年 便 論 撕 只 恐 許 紙 文字, 莊 作 用工 高 味,道 又 就 下 皆 便 他 多 上 向 存 在 學 見得 這 無 又 窒 不 語 養, 别 上 面 恐 做 撞 肯 許 理 礙 理 前 處 達 歲 這 來 自 獨 上 多 待 去 去。 又 用 般 撞 病 然 恁 月 看 存 觀

病 不得朝 文公答王子 夕相 聚,又 合 日 見 子 其 長 餘 上 留 一,不 此 欲 痛 適 熹

> 鈴 力 催 鎚 儹 工 後 夫 來 自 則 覺 渠 如 已 此 有 含 行 糊 日 恐 誤 朋 友 方

錢 木 之

錢 木之,字子升,晉陵 寓 永

備 遺

勞 牾 者 聖 地 0 處 位 賢 無 只是不 ()便自 若真 言 問 益 : 行 : 箇 承 未 本 曾 見 固 賜 曾 無 研 得 是 教 理 相 究 精 讀 會 違 得 切 如 書 通 却 今 之 少 其 透 要 若 間 間 法 别 苟 却 所 所 如 生 簡 以 自 以 今看 疑 看 見 到 有 義 過 貫 得 口 來

牴

疑

徒

只

通

李 煇,字晦 叔,南 康建昌

備 遺

操」,然後始悟先生意正是爲已存者設。 從心所欲」之義,謂「聖人從容中 多了。」晦叔久而未喻,後有龜 則操之而後存也。」先生云:「只一操字,已是 之操舍如 晦 叔 何耳。 嘗 「心之存亡出入,特繫於人 但聖人則不操而 Ш 道,無 常存 解「七十 衆 事 乎 而 人

本』,因甚没便可以爲仁之本,❶『巧言令色,鮮 己工夫,何益? 問《論》、《孟》疑處,曰:「今人讀書有疑 熹雖説了,只做一場話説,不用切 且如《論語》說『孝弟爲仁之

考亭淵源録卷之十六

物,何用更借人底? 之,則私欲去而 者,正如以刀切物,那刀子乃我本自有之器 便掉下了。 須是如此去着實體認,莫要纔 而由 問: 人乎哉? 「私欲難克,奈何?」曰:「爲仁由 蓋道本無形象,須體認之可也。」 天理見矣。」 所謂『克己復禮爲仁』 認我一己爲刀子而克 看 一遍,不通,

矣仁」,却爲甚不鮮禮,不鮮義,而但鮮仁?

見得 安有是理,來諭已得之矣,更須涵養爲佳耳。」 便與氣合了。 不可取此而 工 事。 夫,不可徒爲 别,不可 所論 纔説性字,便是以 持 舍彼耳。 混説 敬 但直指 虚 、讀書· 説 也 表 其實互相 其性,則於氣中又須 然表 江橡所言物性本惡, 裹 人所受而言,此 用 裏 力, 亦 爲 非 切 用,只 二事 須實 理 是 但 下

0 没」、《朱子語類》卷一百一十九作「後」。

李孝述

李孝述,字繼善,燔之從子。

備遺

味,皆有害乎 苦,恐心勞而 答繼 善書 生疾; 涵 曰 養踐行之功 「來喻 析之太繁,恐 甚 耳 精 到 氣 但 薄 思 之 而 過 少

異 在 方 乎合堂 册 天 所 同 苟 賦 席 能 子 而 厲 ,不外 居矣。」 志 而 此 悉 心 力 以 而 從 聖 事 一賢 焉 遺 訓 亦 具 不

劉剛中

劉剛中,字德言,邵武光澤人。少讀

書。」 《孟》,若荀、楊乃誤人之書,莊、老乃壞人之 楊、莊、老、王 問 仁。 平日 詞 剛中 與 義 讀 、 黄 榦 有 何 遂專聽公言,公爲易其字曰 契, 書 友善。 通諸 輒 剛 爲 中 書。 之 説 贊 公云: 看《 語 從 **>**′</br> 學 須 孟 於文公,公 看《 **>**′< 語 荀 近

軒 州 西 0 蘭 漢 舉 溪 奇 從學者 嘉定 縣 語 丞。 四 甚衆。 年進 後 歸, 士 一,調 所 築 述有《 室 漢 以 陽 縣 居, 師 主簿 友問答》、 名 日 轉 琴 婺

饒幹

學,程 自 卒, 力學問 母 饒 其 吕 幹 術 氏 見 字廷老 業 誓 稱 志 謹 朋 秉 其 友 邵 節 出 間 武 以 人 撫 舉 幹 幹 淳 生 孝 . 熙二 及 稍 謹 期 長 年 敦 而 進 實 遣 父 偉 就

守 調 幹 州 夙 吉水 興 尉 治 遷 事 潭 暇 州長 即 聽 沙令。 講 歷 適 知 文 懷 公 爲 安

軍

卒。

備 遺

之病 之 止 有 古 長 文 又 明 有 ? 底, 日 廷 何 如 如 老 : 食 從 饑 這 助 問 而 中 而 長 至 只 而 必 之 於 今之 是 出 食, 有 飽 見 如 ? 則 學者, 渴 理 何忘得? 止 不 而 此 ·明耳。 必 飲 皆 不是 飲, 而 是 至於 忘 見 則 使 理 理 何 他 滿 是 便 忘 不 見 自 腹 是 之 之 家 明 則 助

這 箇 夫。」 意 先 生謂 思 廷老 雖 縣 事 日 叢 : 冗 觀 自 公近 應 如 日 此 都 汩 更宜 没 做 T

黄 寅

慎 方 奮 乃 過 行,以 勵 土 甘 可 一繇語 脩飭, 俛 黄寅, 心 改 里巷 求精 否? 之日 字直 詣 就 以 日 翁,邵 朱 辱 鄉 : 以 子之門 人敬嘆 其 惟 子才俊, 身 武人。 狂 耶 ? 之。 克 而 念 問 少 寅 何 作 學 善 飄 感泣 聖。 焉 蕩 不 可 豪 於 謹 問 爲, 是 .

備 遺

也 聖 百 0 王 人 不易之法 使 不 先 翁説: 夫 生答直翁書 得 子 其 而 位 ,不專於從周矣。」 得 無 邦 制 日 家 作 「周之文固 則 之時 將 損 亦 益 不 四 可 得 代 從, 以 不 從 爲 而

直

「《中庸》『人莫不飲食』

章

以

飲食譬日用,味譬理。」

梁瑑

梁瑑,字文叔,邵武人

備遺

之私 透 覺 鏤 起 道 冰 處, 一,信 頗 性 小無真 善稱 得 先 方有 得及,直下 此外 力 生答文叔 堯舜 田 與 實 更無 前 得 地 可 力 日 别法。 此 書 便 處 下 不 是第 是 日 İ 口 也 聖 夫。 : 若於此有 一賢 「近看 近 義 不 了,更 日 然, 見得 孟 無 若 即 於 子 箇 如 是 毫 見 奮 此 此 畫 看 迅 人 人 自 脂 欲 即 興 得

「瑑竊謂氣在人之一身,陽即爲魂,

之 耶 魄 祖 而 流 求 陰 充滿 遍 述 ? 身之中, 魄 之 易見者, 則 此 體 所 爲 耳 魄 意。」 , 莫 發 魄 自 於 中 見 之 不 則 固 嘘 求 而 皆 中 鼻 身 如 吸 魂 易 然 之 之 聰 來 皆 也 見 中 知 喻 明 ___ 有 者 佛 臭, 煖 先 耳 嘘 乃 書 然 氣 生 是一 口 吸 論 既 恐 日 之 聰 四 非 周 不 : 身之中 明 大 知 魂 流 必 味 處 耶 充 精 於 乃 非 滿 其 似 氣 魂 亦 於 推 魄 發 周 中 魂

連嵩卿

備遺

於信。 矣。 先生 此言持 蓋表裏 一答嵩 養 如 卿 久 書 , 非 熟之 日 但 功 色 正 莊 正 顔 其 而 色 顔 己 色, 斯 即 近 信 近

若 兩 非 句 持養有素,則 考之可 見。 非 正顔 謂 正 色 顔 而 色即 不近信者多矣。 是近信 也

哉 者,以 弄 魂 我 雖 道 天地 意之尤者,尚何足與 遽亡之理』, 魄 爲 日 理,更無 到 爲主, 主 有知有覺之物 死 死不肯放舍。 天地 釋氏之學,本是如 所謂『天地之性 則 而 不亡, 則 只是於自己 人物 爲 此 此 主 説 然 彼 性 耶? 亦 非 此 即 未 語 謂 即 有 之間,死生古今之别。 自是天地 即 爲 之死 以 便目 死生之説,性命之 身上 我之得私 此 我 我 非 之性 爲主 爲 而 認 但 己 不亡,是 間 得 不 贵 性 耶? 矣。 知 箇 箇 爲 有 把 若以 公共 乃 若 死 持 此 精 理 私 作 神 以 説 而

氣 不 論性 論 性 則 不 無 論 以 氣 見 則 理 無 義之同。」 以 見生質之異; 論

馮 允 中

馮允中,字作肅,邵

武

備遺

只得 計,又非所以矯氣質之偏 但 心常勝,便是緊切工 無穿穴之害矣。 作之弊,甚善。 勿好 且 先生答作 「示論頗 將明 異求新 白 爲 非 義 肅 然亦 他慮 理 若 書 因 人是己, 曰 夫。 澆 不 所牽,不得一 : 陋 灌 可 畜 而 久之須得力也 以 所 涵養,令此義理之 疑,不 則 此 諭 進 知 而 乎 懲 識 緩 Ħ 爲 創 意講習 益 於 新 後 勇 窮 明 也 決之 生妄 理 而

❶ 「但」,原作「伹」,據《晦庵集》卷四十一改。

「若欲動中求静、静中求動、却太支離。

然亦無可求之理也。」

記 壽弟焕

吕燾,字德昭。焕,字德遠。南康人。

備遺

燾問:「『三年學,不至於穀。』是無所

爲否?」先生曰:「然。」

地說? 此大事,不可恁地。宅中想都安排承教一月却歸。」曰:「公將娶了,如何又恁焕將娶,擬某日歸。及期,云:「且更

史,請録朱熹門人胡安之、吕壽、蔡模謁,皆《宋史·謝方叔傳》,方叔遷數中侍御

了等待,不可如此。」吕即日歸。

考亭淵源録卷之十六從之。

^

考亭淵源録卷之十七

方士繇

不第。 遂 少 棄去舉業。 孤 、依母家居邵武 方士 移居崇安五夫籍溪之上,從文公游 繇,字伯謨,一 軍。 預 字 鄉 伯 薦、屢試禮部 休,莆田

恐後 之禍。」已而學禁果興 紹 士繇 熙初,學徒 在遠,聞 有至 之日 行 在 : 者,公卿 異 時 必 爲 延 學者 致 惟

親 遠 不違俗。 ,徐即之,温 一繇氣 貌 聰 蕭 明 温 疎 絶 君 簡遠, 人,持 子 也 驟見超 以謙 蓋 其 厚。 簡 然,如不可 非 利 傲 禄 物, 貲

> 矣。」 異 駁 吾黨 蓋 皆 者。 黜之,以爲申、 近 産,絕不介意。故其襟度高遠,涉世若 趨 通 掩 有所激者。 功 也。 又曰 小利 其 或 ,尤長於《易》。 至講明治道,援 所長,亦可 有 : 所著有《遠菴詩集》。 ,時號通才,蓋其 不 如。」其 釋 生於衰周,不得不然。 韓慘刻,原於《道德》, 氏 見其資之寬 固 博 古斷 夷 嘗嘆 學兼 也,至於立志 今,瞭 日 所 取,不以百家之 不 裕忠厚,與世 「老子之言, 屑 然 在目。 也。 堅決, 亦過 世或 甚 六 經 若 疎

備遺

乃微測 謨於是隨 敬之説。 伯謨 爲 先生 事 學功用, 初投書見先生,以此 致 察, 曰:「主敬之説,須是窮理。」伯 知此 以求當然之則,又云:「近 事乃切己 心不放蕩爲主 事,所係甚

重。」先生舉以語朋友云:「誠是如此。」

甘 直 到 露 之 唐 伯 禍 太 謨 宗, 嘗 成 論 唐 天 東 下 必 漢 大勢方 宦 無 者 疑 爲 定疊 害 曰 又云 從 那 使 時

便 了 日 有 飯 差 後 伯 但 錯 謨 一發 全 勸 大綱 如 不 先 何 做 生 止 得 先 少 發 些子 著 生 大 書。 日 綱 事 : 日 那 無 : 箇 道 毫 理 在 釐 0 世 不 伯 間 到 謨 喫

謂 夫 精 已 自 季 向 得 微 負 而 通 者 之 伯 爲 寫 亦 學者 者 注 甚 皆 謨 有 出 又 釋 難 以 此 龃 讀 不 自 者 先 語 人 書 得 故 輕 生 看 其 亦 不 且 須 看 教 門 是 是 謂 敢 T 極 而 博 依 輕 : 自 是 讀 採 説 肯 簡 舊 四 諸 集 與 下 去 要, 方 不 注 先 人。 者 工 得 來 省 生 **>** 夫 亦 力。 學之 爲 了 及 至 始 多。」先 不 多 前 於 得 士 然 少 不 輩 之 得 熹 生 稍 蔡

> 各 厭 爲 子 隨 質』之類 爲 時 成物 智 所 中 主 爲 教 而 智 不 皆 順 言 倦 受其 周子之意。 此 爲 初 類 不 正、「仁 亦 相 而 可 妨 推 中 者 他 矣 庸 如 愛 處 > 子 則 人一、 有 貢 以 不 以 成 同 學 義 不 以

廢 日 不 詩 學 謂 身後 流 乃 伯 止 謨 也 既 於 但 卒, 此, 有 詩 先 深 數 生 口 篇 傷 日 耳, 悼。 : 然 伯 亦 口 謨 惜 足 胸 以 後 懷 遠 來 趨 過 今 向

張彦清

子 第 議 朱子 郎 歷 真 張 知 光 遊,得 德 彦 慶 澤 秀 清 元 簿 爲 縣 其大指。 字 作《 全 叔 州 以 墓 澄 教 一誌 疾 授 及仕 奉 \approx 浦 祠 其 安 城 光 略 卒 吉 澤,又 年、 日 縣 : 紹 派 六十 熙 與 叔 李 澄 改 初 四 從 承 登

先

生

答

伯

謨

書日

一一中

Ė

一仁義

如

君

之。 陳 及 時 争 時 忠 信 曰 爲 提 詆 信 篤 游 去 **偽學之論方譁** 僚 陳 訾 而 刑 爲 叔 終其 質 邵 本根 驟 兼 丞 先 澄 疑 貴 武 相 儒 帥 太强 身 辨 自 事 鋭 老 潔 弗 惑 强 公 項,不 亦 欲 矣, 廉 畔 嘗 造 附 不獨 鉤 同 勁 焉 無 校 詣 黨 取 列 致 特 可收拾。」 刮 文 者 日 持 以 公、公弗屑。 爲 見 目者 於 深 是 議 顧 於 質 建,公其 發策, 不 謂 幹 制 一、公獨 故 阿 公 行 見 者 士子 有 試 則 理 與 事 守 所 士 陳 明 以 其 希 取 語 歎 孝 而 選 意 Ш 人 弟 自

江默

邵 進 易 武 + 訓 之建 江默 除 解 泉 字德 寧 八 州 縣。 卷、 安 功 ^ 溪 卒 中 尉 建 ·, 下 庸 州崇安人。 大學 改 民 邵 祠之。 武之 訓 詁 光澤 乾 平 卷、《 生 道 所 五 後 論 著 年 知

> 告太 文武之功。 語 孟 命 甲 子 曰 訓 止 詁 綱 述 吾爲 集 成 四 *****, 湯之事 卷 有用之學也 凡 \equiv 又 + 考 周 六 或 公告 卷 朝 典 成 章 日 王 著 近 伊 書 陳 尹

備遺

物 之詳 往 自 熹之謬 則 來 + 於 , 矣。 先 Ŧi. 説 生 心 六 物 答 時 而 理 實 餘 德 其 盡 本 知 功 所 其意,然 + 讀 者, 謂 書 年。 是 日 意 格 書, 句 近 亦 而 至 格物 俱 歲 非 也 不 到 就 苟 曉 之説 , 不 實 格 同之也 格 用 物 可 物之義。 功 程 而 移 處 子 至 易。 求 蓋 於 論

0 遺 窮 格 理。 物 》異 朱 晦 子 庵 誤 集 記 卷 四 故 + 句 四 末「 同 則」字 程 從 F 》卷 有 文 已 經 礙 物 此 窮 求 物 不 正 所 乃 也 破 深 義 之 所 其 謂 所 洞 矣 知 理 也 而 則 而 而 而 考 意 未 訓 然 謂 理 此 皆 形 意 吾 者 處 而 矣, 詁 安 無 而 説 夫『天 盡 而 事 以 而 無 格 之 理 不 上 之 可 詳 程 必 物 也 他 不 而 知 明 則 物 訓 者 的 疑 子 誠 訓 密 之當 經 不 亦 生 吾 其 而 格 者 也。 當 之説 精 形 致 至 傳 烝 未 之 至 物 心 物 當 夫 者 知 記 而 民 恐 盡 故 無 於 之 知 以 人 物 以 然 所 微 未 亦 物 不 必 理 之 識 内 接 故 有 之極 謂 窮 也 細 易 無 即 正 則 外 物 廓 生 必 物 理 形 則 之 以 矣。 是 本 然 至 其 也 有 物 而 則 間 無 毫 則 則 物 末 貫 其 宏 則 理 下 於 以 古 朝 於 之不合。 此 物 以 主 通 <u></u> 綱 極 者 反 盡 究 主 順 卒 之 不 求 賓 實 大 復 而 也 <u>___</u> 極 賓 無 物 然 理 能 之。 性 次 學 者 後 用 證 之 之 有 命 有 者 無 立 理 **>** 已 今 也 驗 功 分 古 本 未 之 是 者 蔽 説 知 形

> 之 疎 考之,則 有 實 略 所 地。 未 以 明 不 病 竊 合 後 意 以 世 聖 義 以 之學者 人之言 理 功 言 用 之, 也 求 之, 必 則 不 不 則 如 通 V 是 無 之 以 口 差 下 訓 殊 手 詁

覺 夫,而 法 前 日 爲 不 此 之 之 截 不 意 之病 先 以 有 デ 正 日 必 義 知 則 費 强 思 且. 如 齊 未 所 不 當 致 亦 安 力 當 立 詳 何 天 説 當 今 説 知 無 過 静 以 説 爲 下 又 始 汲 格 格 復 甚 程 若 之 法 未 物 無 自 汲 徒 字 節 子 物 但 而 心 前 必 牽 於 致字 悔 費 之 節 執 以 是, 力 動 著 則 力 説 説 推 之? 格 故 俱 之 也。 理 處 述 徒 己 爲 窮 爲 不 衰 擾 既 詳。 費 主 以 乃 願 法 既 學 且 未 且 精 究 賢 有 度 遺 而 者 妨 但 力 窮 爾 來 者 其 之 省察之功 而 以 守 H 以 休 書 之 極 稱 知 熹 不 此 玩 用 息 此 只 爲 之 既 道 説 索 舉 品 切 而 之 功 未 推 定之 然 品 己 踐 恐 欲 得 矣。 也 至 亦 前 履 執 考

真若莊生所謂也。

詰 邊 家 今 便 見 原 事 義 就 日 窮 得 迹 ,久之漸 利、是非、 H 寫 不 亦 黑白 以 竟 可 用 相 作 庶 竊 孟 按 前 此 照應 願 幾 説 》、《詩 凡 不不 據 主 處 次 德 有 應 得 處 熹 踏 亦 功 須 究 仔 接 而 失之判。 看 所 請 著 × 放 如 信 竟 細 處 取 ^ 説 先 實 下 此 書》之屬 處,不 實 口 較 道 日 罷 與 地 勞心 信筆 量 デエ· 理 穿鑿 前 德 若要 體 許 考 即 至 功 費力矣。 無 夫 其 己 多 此 面 不 如 有 就 讀 等説 玄妙 見,且 理 是 同 今 T 涵 平 書 非 者 會 期 日 養 易 骨 話 箇 也。 若 只 德 并 即 痛 更 明 敬 董 見 追 必 合 加 須 性 白 且 肆、 即 辨 思 欲 自 讀 网 本 有

吴壽昌

吴壽昌,字大年,邵武人。初謁佛者疎

山,喜談禪,後游考亭。著《問答略》

備遺

渠。」既 我 必 理 輕 敢 亦 中 日 問 我 拈 會 對。 ? : 略 人。 先 掇 ,令教仔 似 壽 莫是 且不 過 日 而 禪 生 便 : 又 問 雲在 「不妨 良 試 是渠。」曰 日 : 自 細 久 將 : 然 青 微 鳶 禪 試 到 理 須 天 笑 飛 來 會 説 這 將 水 : 魚 日 説 得 箇 看 在 : 躍 看 中 0 , 何 田 瓶 0 庸 公 地 日 更 不 何 麽。」 壽 : 好 時 無 故 道 其 説 所 我 壽 餘 渠 只 對 禪 疑 今 昌 便 今 恁 處 不 亦 正 正 在 又不 這 地 敢 是 不 其 車平 笛

先生顧壽昌曰:「子好説禪,禪則未必

■「便」,原作「使」,據《朱子語類》卷一百一十八改

二七二

事 是 `, 其 議 不 見 其 知 識 所 是照 趨 猶 向 高 證 於 猶 箇 世 以 甚 俗之 爲 底 此 事。」 人。 是 透 紛 脱 紛 生 然 死 抱 底 等 頭

猶 不 及,然 又 又曰: 日 其玩 子 子子 心 所 好 於 謂 説 高 禪 『賢者過之』也。 明 何 ,猶賢於一等輩 不 試 説 一 上 ? 夫 過

於是。 壽 昌 日 越 眼 明 明底,越 眼 人 難 當 謾。 面 熱 先 謾 生 他 日 0 我 則 異

先 之,東萊博學多識 壽 生然之。 所 壽 昌 敢 因 知 論 東 張 萊 敬 則有之矣,守約 亦 夫、吕伯 不 相識 恭 云 但 : 恐未 以 文 南 字 也。 軒 觀 非

李 宗 恩

李宗恩,字伯諫,建安人。

備遺

作。 乎 末 乃 所 伊 竊 釋 合 異 斥 皆是 是 洛 其 在伊 取 於釋 以 氏 非 怕 敢 其 爲 文字,止是 不得於言而 先生答伯諫 然 者,固 主 謂 似 者 生 敢 利 洛 聖 是 死 詆 心 則 在 而於吾儒之説 學 而 而 伊 未 無 孔、 止 非 力 識 洛 所 所 資舉業, 求諸 書日 於 者。 究 其旨 孟 謂 而 忌 如 之, 則 不 差 憚 . 心 故 此 多 敢 而 之 而 故 固 語 詳觀 然 非 方 ,近於釋者 則 毫 直 陷 意之間,不免 無 至 ; 遷 孔、 從 斥 釐 溺 於 緣 所 所論 就 其 初讀孔、 者, 孟 深 得 後 取 以 非 者 大 來 其 所 其 從 曲 取 學 指 合, 直 在 始 夫 求 之; 抵 孟 佛, 歸, 走 以 兹 至 其 以 亦

舉 竊 顯 真 知 然 發 世 尊 背 孔 矣。 之, 畔 孟 學 之 而 而 吾 者 毁 口 又 冠 信 贵 身爲 裂 而 口 冕 信 使 儒 之 拔 有 者 哉 本 此 ? 故 塞 心 不 源 是 敢 萌 之 猶 耳 於 心 不 已 胸 敢 贵

中

哉

去 寒,此 氏 矣。 若 有 鈍 義 而 孜 弟 便便 藩 根 日 己 程氏 星之 籬 孜 子 窺 無 然若只將 亦 爲得之,則當 來 之從 其 轉智之人,豈 必 竭 書云 可 之門,已仕 明 藩 有謂 得 才 其 ; 籬 : 而 而 程 矣。」 師 印 矣。 議 進 氏 於 行 厄 也 之説 程 熹 册 時 竊 者 試 不 窮 子,從 氏 竊 門 恐 將 忘 饑 能 謂 聖學 人弟 更 見 爵 餓 雖 如 聖 有 禄 ,終其 於 未 頭 此 人道 事 做 未 子, 揭 其 能 領 在 禪 過 書 望 會 亦 仕 身 然 樣 者 在 其 非 者 略 而 六 堂 後 忘 不 全 曉 亦 而 經 奥, 饑 詳 程 日 敢 然 文 孔

「來書引『天下歸仁』以證滅度衆生之

説 試 克 用 己 熹 此 復 竊 意 禮 謂 思 恐 之, 則 相 事 毫髮 似 事 而 皆 不 不 仁 同 可 故 差 伊 日 差 天 111 則 先 下 人 歸 生 於 日 異 :

文,已 人之道 做 堂 又 有 替 漢 仁 偉 有 固 一,舍蓋: 得 曹 義 不 云 初 人。』熹前 略 角 禮 學 ,其所見似 參、楊億二人 夫子之道 功 有 非 來書云: 而 臣 樂之主 儒 磨 公,治 口 知 止於 中 盤 而 觀 道 書已· 自 之句 者 是耳 齊相 也? 乃 知 儘 亦 而 所 「曹參、 奉答矣, 道 萬 相 耳 儘 釋 廳 爲 0 漢, 者, 子 擬 且 世 高 疎 楊 然 楊 特 與 正 正 仁 仁 然 則夫 後 億 資 義禮 民 所 億 既 以 義 而 自 Ι. 來 禀 爲 休 禮 可 細 不 謂 子 於纖麗 却 不 清 樂果 學儒 惜 息 思之, 知 樂之主 之 何足爲 倫 能 介, 者 道 知 亦 如 者 何物 釋 曹 不 立 浮 未 非 則 此 氏 以 朝 參 萬 巧 聞 常 避 今 老 害 之 在 其 獻 聖 正 世 爲

懼 過 得 謂 道 大 正 角 如 爲 磨 至 論二人漫及之,亦不 之逐萊公也,以 則 申 盤 於 知 於 果 便 道 蓋 死 韓之學淺於楊、 安 液 老 生之際,宜 然億 在 氏之學淺於 俱 哉 下 非參之倫 ? 他 面 然 無 事 亦 可 則 召 人 有 不 佛 墨 此 色。 億 也 過 知 至 人者。 也 而 而 子 人 當 中 其 其 書,億 比 者 此 害 失 雖 時 而 而 亦 亦 同 也 皆 乃 方 淺 淺。 未 恐 T

其 處 便 失 欲 氣 介亦不 人立 象之間 來書云: · 專 地 在 成 蓋 此。 佛。」 『鹽官講 亦 可 熹 自 見 於前 是 義, 所 見 段 急 己 過 於 學 論 中 之矣, 者 無 見 著 道 然 實

發 間 者 明 道 過 也 理 0 來 即 但 不 所 其 書 見 過 説 過 所 到 如 處 處却有 語 此 謂 也 有 **×**, ≪ 發 時 孟 嘗 病, 明 便見 盪 聞 西 若欲 之 有 洛 得 師 好 諸 窮 到 日 處 理 皆 公 : 不不 所 聰 蓋 未 蘇 可 明 天 言 不 之 地 聰

> 論 思之,不可以 也 見 到 處 爲 平 却 常 有 病」, 而 忽之也 此 語 極 有 味 試

學,雖 著 故 禪 不 口 亦 易。 尚 舊 稍 來 學 近 見 悟 會 先生答林 蓋 天 邊陷 忽 謂 劇 其 命之性 微 論 不 人資 溺 知 不 相 擇 其 置 妨 而 禀 非 之 非 , 每 本 遂 書 今 空 事 佳 肯 日 昨 則 虚 講 舍 來 己 誠 之 究,求 去 此 脱 伯 物。 心 舊 留 欲 諫 然 習, 合義理, 數 爲 往 矣。 然 日 爲 初 此 時 猶 己 可 溺 亦 季 之 以 尚 絲 殊 於 通

泣 爲 恩 語 · 益 ,語及討 人子者, 極 先 盡 生與 死 於 當 賊 張 復 思 復 敬 其 讐,是乃 些。 夫 所 書 以 李云 日 不可 所 : : 以 問問 熹 爲 此 之 昨 忠孝 痛 決 日 無 革 見 沫 口 李宗 血 問 此 飲

❶ 「西」,原作「洒」,據《晦庵集》卷四十三改。

要 放 更 無 倒 整 了 話 頓 先 生與 學 口 大抵 校 説 也 王子合書曰:「伯 語輩 後 來 於貨 病 痛 多般 色兩 關 立 諫 初去 打 脚 不 不 透,便 時, 住 都 極

趙師恕

好 黄 劾 丑. 、榦之 。罷桂 爲 計院,出爲 趙 獎忠義,皆 門。 師 陽之命 恕,字季仁。 歷 潮 成 陽 都 大公至正之論。 尉, 帥 初學於考亭,後 知 陛辭之劄 餘 杭 縣。 尋又 嘉 定 絶 卒 遭 和 業 T

備遺

不合而志於古。」 黄直卿曰:「師恕宦不達而忘其貧,今

趙師哲

趙師哲,字詠道,黄巖:

備 遺

之明 若 説 學、 欲 而 此,則不 曖昧昧,自以爲足,便謂 已矣。 日 定之説 ,而虚心以 陋。』此天下之至言也,願 審問、謹 智而 :『佛、老之説,衆人亦知 先 生 唯不足以 胡子 而 答詠道書 肯取以爲用。」此 無疑。 思、 察衆理之是 曰 : 明 得天下 『學欲 辨, 日 若得一先人之言, : 不 一天下 天下之美,無 ·之正 博 非,乃可 先 明 不 始侏 自 其 有正 者 欲 理 主 (非, 豈 亦亦 雜,欲約不 以是思之。 儒 以 於 理 觀 歸 自 優之 以 易 偏 而 得 唯 於 彼 於 曖 於 之 陋 博

能 能 至 無 又 爲 此 而 沂 論 學 津 恐 歲 知 具 悉 於 事 道 陷 之 涯 緑 力 所 今 口 衣 鋭 初 謂 此 矣 笑 古 暇 黄 間 進 要 佛 未 盡 便 非 裏之 當 令弟 者之言 論 曲 亦 欲 布 面 常常 有 折 似 巾 窮其説之是非 見 轉 見 致 以 頗 極 凡 道 聖 而 於吾道者 識 則 談 爲 賢 此 在 爲 知 不 裳 之言 所 學 此 其 能 也 未 之 相 源 盡 及言 之 門 聚 爲 如 委之 而 其 標 如 户 數 涉 去 底 者 月 所 何 準 大 取 經 裹。 水 之, 在 由 雖 則 但 可 然 問 讀 未 不 渺 則 必

趙 師 夏

禮 觀 女。 書 官 捎 歷 至 湖 師 判 夏 北 宗。 字 提 舉 致 文 常 道 公 平 詠 嘗 茶 道 **\$** 鹽 弟 , 主 與 也 兀 管 明 華 娶 士 州 文 友 雲 公 臺 孫 編

備 遺

若 以 故 全 氣 論 多 偏 有 論 全 則 是 本 先 論 是 若 原 生 氣 即即 理 論 答 耶 則 ? 多 禀 致 有 有 賦 是 道 是 理 理 書 氣 則 然 少 有 後 日 無 則 是 有 是 是 氣 氣 氣 所 理 而 則 故 疑 後 少 無 理 理 9 理 又 是 不 氣 隨 贵 可 理 之 以 以 不 , 偏 具, 是 偏 可

對 者 或 所 E 無 以 疑 。 當 遂 發 爲 證 決 之以 之端 擇 幾 胡 致 妄 分 而 道 氏 賓 以 善惡」, 謂 作《 去 之 意 主 有 取 説 蓋 誠 揣 , 之,以 類 欲 此 幾 問 天 量 於 學 明 圖 於 爲 胡 理 者 不 人 先 人 置 子 致 失 心 生日 欲 如 _ 察 以 乎 未 同 后 雖 於 體 本 發 明 : 分 萌 之 周 然 而 夫 派 周 之 動 體 子 異 善 子 之意 之 用 體 惡 必 而 之云云 謂 微 而 省 指 雖 宗 相 知 其 誠

者 旁 物 有 出 直 IE. 間 乘 蓋 也。 動 理 蕯 自 或 出 相 善 遏絶之,功力既至 者 出 庶 旁祭 之 途 而 主 幹 則 者 無 無 者 孽 非 流 對 而 察 自 而 出者 人心之 惡 保 其 固 爲 也 心之固 而 源 誠 側 末 或或 有天 生 有 人 所 之動 此 秀,若 而 邪 代宗矣。 上 欲; 苟 直 旁 發之向背,凡其直出 程 心之本主 下 命矣。 發 辨 又曰『凡言善惡, 有 出 而 而 子所 出 直出 相 見而 之不 寄生 蓋 之善 者 吾 者 連 於直 順, 謂『不 學者 横 客 者 於 則 早, 者 厖 私 寓 則 生 爲 旁 此 此 而 欲之 贅 出 則 擇之不 如 也 善旁出 出 能 是 心 可 人者,此 誠 者利導之,旁 直出者 道 木 者 於 以 之發自然 性 流 之正宗 之自 非 心之發 萌 皆 逆 中 見 行 精 者爲天 誠 ; 動 雖 先 未 元 者爲惡 有本 之正 本 直 善 發之 所 幾 亦 有 則 也 見 而 出 微 出 謂 誠 客 而 此 理, 宗 幹 後 前 旁 之 或 於 出 惡 之 兩 者 ; 其 天

> 惡」, 汙 前 此 一,已具 雜 角 矣。 蓋 立 謂 此 則 此 此 兩 是 胡 也 端 天 氏 理 若 所 同 人 謂「 以 體 欲 善 異 天 同 惡 用 命 爲 出 之 之 東 意 謂 源 西 也。」 性 相 未 對 先 亦 發 甚 之 彼 生

曰

「此説

得之。」

業 也。」何 有 沛 則 理 曾點有見乎 力,不任智 使子 子 力之意,故志意激昂 也 所 成 敗 天 與 壞,不可支持之處, 地 路 點 致 謂 子路 子 也? 若 蓋 順 道言:「四子言 自 路 達 序 與 力 然 發 則 誠 爲 聖人之意 則 蓋 而 而 育 以才 足以 國 萬 然者,但吾 爲 循 流 以 物 理 或, 行 任 氣之勝 禮 而 各得 道, 之 此 不 道 志 同 氣 而吾 體 矣, 不 象 理 循 其 自 便是 條 不 能 勇鋭 理 然 爲 所 却 而 以 出 道 不 之亦 以 便 程 天 堯、 私 此 則 子 不 免 爲 此 是 地 二途 智擾之, 舜 日 若 能 堯 必 這 有 雖 萬 氣 舜 曾 當 物之 任 使 氣 任 也 一夫 點 智 之 事 智 象 顛

之 所 點 故 之 理 聖 顯 閒 以 則 則 行 設 人之言, 隱 暇 見 自 而 和 而 其體 有 無 平 不 節 形 巾 掩 而 體 文 言 而 不 者 用 然 失 及 禮 兼 也 不 於 用 則 言 該 日 實 狂 本 本 識 理 禮 而 歟? 其 而 則 末 有 本 理 日 據 禮 而 在 先 貫。 違 者 其 生 禮 其末 中 若 者 蓋 日 矣 ...曾 理

矣。 禮 於 性 爲 遏 凡 性 也 悪 禮 所 之,則禮之僞 禮文之美,是 不知 其 不 ,大要不知其所 之 皆 此 致道言 謂 意 所 反 不 識 謂 天 也 其 知 : 互. 秩 天命之懿, 性 所 之自 義 相 荀 明 自 聖 矯 外 資 矣。 子言 來 人 揉 之論 然 巾 自 也 制 以 性惡禮 以 0 來 此 而 而 就之, 告子 禮 至 以 以 則 以 而 爲 於 禮 返 人 出 杞 傷, 則 僞,其 以 則 人 慾 僞 於 者 柳 性 性 之 之意 横 人 亦 之論 爲惡 之惡 性 爲 流 凡 失 互 人 者 者 而 也。 相 蓋 之 則 明 防 則 爲 爲 資 出

先生曰:「亦得之。」

微之間 之。 救 又不 謂 爲 人 仕 於隨 此 奪 宜 富 先生 但 貴 志 則 知 致 道 ,大須着 時狗俗之域, 所 也。 人 一當隨 於室碍 移 問 日 未 不 也 免 事 知程 精 省 處有 仕 程子言 所 愚 彩 察, 論 宦 子 意 也。 與 隨 奪 而 而 之意, 以 初 宜 志 仕 審 有 爲 間 品 宦 之 其 此 不 立 處之意,浸 果 説 奪 輕 病 特言 心各别,此 是 出 重 又 於 耳 也 此 何 此 若 但 然 以 浸 否 或 遂 幾 欲 救 ? 所 纔

趙師淵

以 年 歸 從 進 班 士 趙 餘 薦 師 年 歷 淵 詔 不 衢 ,字幾道 仕 與 南 職 劍 事 及 致 詔 海 會 申 寧 道 汝 前 軍 從 愚 命 推 兄 坐 官 也。 以 斥 母 趙 翩 乾 病 汝 道 然 添 愚 東

常寺丞。 人主將作、太常簿、司農、太差通判温州。 人主將作、太常簿、司農、太

備遺

意 後 已 《孟》之屬 勢 記 世 知 不 近 之爲 俗 思 尊 過 之 世 其 講 廳 只 學 尋 其 事 利 孔 文 説 公與 是 者 常之見,以 淺 史者又不及此,以 實 曰 氏 害、 推 ,於義 折 頗 戰 而 尊 事 摭 衷 而 師 知 讀 或 幾 其 情 亦 於 其 淵 以 其 理之精 詞 之 徒 夫子者, 以 陋 書 書。 下 爲 采, 爲 得 見 日 見 雖 則 失,而 賢於夫子, 其 然嘗 識 以 微 古 變 表 0 供 其 昔 聖賢 故 實 多 聞 其 文字之用 時 讀 未 不 法 悦 尤 正 其 能 務 讀史者 知 史之士,多 其 喜 亦 當 説 識 所 寧 外 稱 不 以 處, 之 一 二, 舍《 折 之 史 過 而 考 不過 而 衷 文 遷 其 不 論 審 墮 也 是 之 於 於 而 過 形

> 模,以 間 得 首 利 爲 意 慕 初 熱,●水之必寒。 不 此 明 竊 地 ?,提得 便言: 能 拈 思 位 故於此 本末 爲 數 脂 害之算 一, 正 學 句, 其 就 出 之不穀。』於 見 İ 徒 而 聖賢指示 此 諸 已 極 好 『古之聖人,其 一夫,本 而 其 雖 箇 親 大 非 事業, 着 己。 意之 諦當 極 話 切 頭 近 力, 力 段 頭 無 不爲 世 唯 所 推 傳之學者, 却 義 處 9 處 雖 諸 次 蘇 以 只 其 尊 重,終止 便 窺 立 其 理 序,不 儒 建 不 黄門作《古史序 之,然 一得 墮落釋 下 大 所能 · 善 測 立宗旨 資 必 文未 脩 綱 一, 如 得 質 曾經 爲 己 領 竟 徒 在 及矣。 箇 恬 老 善 能 騶 治 處 然 文 不 影 者 門 静 歷 盡 虞之不 曾 字言 説 見 人 如 響。 户 善 惜 得 正 不 火之必 得 有 亦 無 中 》,篇 當 能 極 此 其 可 語 然 到 他 去, 能 之 從 分 箇 規 見 只 此 外

■「熱」,原作「熟」,據《晦庵集》卷五十四改

録

今 知 也 白 近 己 其 日 作 推 論 書 尊《 史遷之失 偶 史記》者,曾 思 得 兩句 此 語, 亦 爲 聊 切 略 復 中 奉 分 其 · 告。 解 膏 否 育,不 耳

類 衰 喻 得 提 不 要,曾 耳。 例 耳 但其間 番, 足詳 所 更告詳之,却 補《綱 爲 亦 後 載 幸 有 漢 事 事 如 目》,幸早見示 單 看 者 也。 封 于 過否? 王 繼 於例 自 巡 一侯、拜 立 當 中略 不 隨 幸 若 書 \equiv 事 還 閒 及 見其 公、 筆 宫一, 本 中 削 以 行 能 他 意 當 不 赦 匈 卷 爲 也 宥 如 奴 整 口 不 之 已 拘 所 知 頓

令大 此 他 録 看 至 大病 損 甚 日 事 不 處 記 人神 閒 四 幾 免 ? 中 卷, 并 死 熙 氣 7 自 幸 累賢者 寧 今 得《綱 古 以 亦 但 而 治 後 未 復 又 目》, 日 用 要知 蘇 敢 亦 少 功亦 接 覺 亦 不 未 亂 續 難 是 不多 病 整 措 日 奈 時 多 理 事。 手 何 也。 補 0 也 耳 得 更 史 不 欲 此 稽 熹 書 知 恐 續 今 已 古 不

趙師郷

趙師䢼,字恭父,天台

備遺

他 與 且 做 得 不 愈見得 可 0 他 意 唤 工 不察。」又問 曰 : П 爲 夫, 思 先 來 敵 却 生 己 却 既 問 不 便都 但 私 又有 : 甚 不迫 纔 難 迫 没 恭 覺 勝 荷 切 事 父 得 切 且. 此 讀 切 日 之 便 曰 己 心 書 病 相 隨 工 如 這 將 這 夫 何 若 箇 日 向 物 如 恁 也 這 : 事 何 曰 不 地 邊 去 : 安 須 據 來, 苦 敢 便 見 沂 日 苦 與 定 又 苟 覺

低 人 先 生 頭』者, 一答恭 此 父 則 書 甚 日 善 致 所 道 説 恐 退 亦 不 可 不

官 聞 世 耳 唯 此 説 有 韜 可 或 更 晦 不幸 静 相 默 勉 爲 勵。 勿 人所知, 大近前 今已是 爲 便 不 不 得 口 是 免 已 好 於 而 消 從 斯

道 之,則亦不至 心愈微也。 又答書 日 甚 難 見。 道 心 惟 雖 其 微 人 心 然 日 非 熾 人 欲 是 以 亂

息

也

性之所以爲性,則語意太重復矣。」 「人之所以爲人,以其有是性耳。若云

部 知 去, 其 中 此 無 行 先 差强 生與黄 辜 下 取索,不 人意 欲 爲 直卿 口 申 知 書云: 意欲坐以 而 恭 「恭父竟坐 父不 何罪 願也, 0 其 己 州 事 發 郡

杜燁

杜燁,字良仲,黄巖人。嘉定初進士。

與弟知仁學於石子重,子重以致於文公。

備遺

合一, 之驗。 當 非 反躬以 語之砭,冗長掃 有 表 去冗長,歸 後授受大節 其 學 裏 涵 潛 精 問 養。 車若 如親 心既 力索, 切 至於自謂『向 也 若終身能疑 水 涉 則 專 深,見 日 然 豁 則 山 力索而 : 必 盡 然 最 0 與 常 此 ,而學成 良 貫 初 乃 在 來彼 仲事 敬 用 告以 通 又反 以 下 一,受用 則終 力 不 起 瞻 紫陽 此 獨 反 有 矣。」 其 見 望者不 、身無 相梗, 在 躬 至 躬, 生 逢 静,兹 公十 力索,卒之以 疑爲病。 原 始 循 税 同 今皆 環 可 駕 餘年,前 其 是 語 無 之 用 時 則 融 端 地 此 會 力 惟 蓋

杜知仁

既 業。 洽 於 求 武 語 咸 朋 夷之書 又 則 》、《孟》之言,考論 吾 友 已 杜 H 爲 凡 間 而 知 : 究 知 人 日 仁 一是 悉。 則 所 事 言 拱 止 字 之當然, 不 是不 乃遂棄科舉, 矣。」 而 仁 字 足 嘆 仲 ',必 足 爲 日 遂 與 爲 學。」 : 偕 明 少 時諸 能 陰 伯 道 辨 有 陽 於 絶 兄 其 乃 先 俊 乃 意 造 已 在是。 是 反 生 才, 刻 榮進 化 即 風 覆 意 之所 爲 至 旨 六 論 於 舉 其 窮 經 詩 説 子 以 通 理 至

備遺

操 先 存 生 舍亡,此 答 仲 外 無 着 示 力 喻 處 爲 學之 但 常切 意 提 甚

> 之, 考之。 魂 不 有 之 只 偏 撕 在 得 魄 須 大 正 勿計 可 之説 小 致 理之偏, 人,亦不 取 通 ·昏明 人心 疑 塞言 功 極 觀 效, 詳 但 道 來 氣 而 能 惟 密 心 然氣 之 照 無 矣 精 喻得 不 當 塞 納 偏 自 文 惟 能 禀 者 不 寒 失, 無 得 既 叔 便 也 是 異, 力 殊 亦 書 自 耳 着 己 中 亦 其 與 横 則 O 具 力 亦 是 説 渠 理 氣 理 要 其 論 甚 如 論 相 之 古 中 切 備 此 此 隔 偏 不 也 處 然 受 者 己 是 可 可 耳 答 光 試 理 便 以 亦

言 眉 却 者 未 都 識 合眼 恐 ,皆貫 不 嘗 無 此 未然, 爲 有 走 心 良 異」, 死 水二, 失 之正 動 仲 耳 守 静 更宜思之。 示 亦 亦 喻 此 如 所 得 是 敬 如 心,不令放 惻 論 之。 此 第 字 工 云『求 隱、 「氣 意 明 羞惡 仁 也 夫,甚 禀 其 道 仲 有 放 出 之 又 但 所 偏 心。 善 也 謂 謂 類 論 而 神 朝 不 於 亦 凡 理 只 聞 即 口 之 是 聖 動 不 夕 是 以 要 是 賢 統 静 死 理 閉 之 得 體 濁 間

善定。 生隨死,皆有所處。生固所欲,死亦無蓋道即事物當然不易之理,若見得破,即隨

不但無益而已。」 「仁仲反躬克己之意甚切,雖未知所病 不但無益而已。」

考亭淵源録卷之十七

二八四

考亭淵源録卷之十八

胡安之

胡安之,字叔器,袁州宜春人。

備遺

若 懼 懼 先 於道 生日 亦難。 不當恐懼? 叔器 理 : 見得了,何恐懼之有?」 問 克己可 須 是自 「每常多有 《遺書》云:『治怒難 以治怒,明理 下工夫,看 恐 懼 何 此 口 事 以 由 治懼。」 是 口 0 當 免。」 治 恐

> 禮 那 量 欲來苦楚,自恁 在 去何處討這樂處?」 思量 ,便自見得。 天理分明,日 ,他只是『博我以文,約我以禮』後, 顔子樂處。」先生疾言曰: 用 今却索之於杳冥無着之際, 地 快 間 活。 義 理 純 而 今只 熟後,不被 去博文、約 不不 見 用 那 人 思

事 不曾 静 是 反,安卿 是思索義 做 都掉了,公又不去義理上思量,事物來, 坐,不要閑勾當,不要閑思量 去。 貼 叔器 問静坐用工之法。曰:「静坐只是恁 裹 思得 不 患 理 細 成 精 不 義 密 神短。 精 道 理甚精,只是要將 思 平 我 量。公與安卿之病 精 日讀書,只泛泛地過 曰:「若精 神 少 ノ,便不 ,也無法。」 神少,也 做。 那 粗 公只 正 底 只 物 相

●「怒」,原作「恐」,據《朱子語類》卷一百二十及《二

問

「叔器看文字如何?」曰:

「兩日方

得 皆 他 市 見 奈 何 何 鋪 如 不得, 書 席 册 上 都 只是 都 是 是 好 不曾向 好 物 説 事 話 裹 只 只 去 是 是 自 理 自 會 家 家 没 無 錢 如 買 奈 人

是 爲 去論 是 是 有 他 義 意 有 帝 曰 他 叔 一:「這 是 意 發 ,便不是王 問: 喪 與 無 之類 意 不 箇 ? 宣 · 是。 」. 先須 做做 一帝言 叔 叔器 器 辨 得 别 漢 日 也 云 雜 得 似 王伯, 王 有 好 如 伯 意。」 分明, 約 曰 此 法 日 説 這 方 也 章、 箇 既 似 可

劉季文

備遺

其 志 楊 立,故心 道 夫 問 爲 氣 季 文 所 所 動 言 心 不 然 病 則 道 志 夫 常 氣 既 恐

> 愧。 讀 熹 立 井,人罕有見之者。 久之自有所見 語 季 昨 書 思 文自昔見先 日 一, 日之言, 念孟 慮 : 窮 凝 得 \approx 静 理 他 後 贵 不 故 來於 恁 亦 生後 曾 復 是 心 地 與 有此病?」●「此 無 也 此 敦 説 自 事 好。 所 未 得 言 篤 0 用 有 盡 若肯 謹 向 所 遂 厚, 者 道 見, 生 窮來窮 先 雖 夫 出 深 生 亦是不 居 因 以 教 於 言 自 讀 市

蔡模

淳 居 續 祐 篤 近 學, 中 蔡 思 謝 模 録 方 以 字 聖賢 叔、 仲 著《 覺, 湯 四 爲 中乞表異之,以 元定 書 師 集 之孫,沉之子。 嘗輯 疏 》、《河洛探頭 文公之書,爲 勸後學。

● 「病」、《朱子語類》卷一百一十五作「曰」。

詔 所 著 補 書 迪 并 功 郎 訪 以 添 所 差 欲 本 州 教 授 仍 \$ 有 司 録

其

二八六

沈僴

沈僴、字莊仲、永嘉人、寓建陽。

備遺

熹 過 却 是 徹 嘗 不 無 用 時 煩 9 熹嘗 滋 做 曾 極 惱 那 味 深 好 喜 鈍 這 去 \perp 底 那 樣 夫 思 却 工 鈍 底 不 量 夫方 煩 底 耐 少 惱 當 間 得 久 那 下 他 不 敏 如 若 濟 説 底 莊 是 事 仲 也 只 做 便 理 是 敏 得 是 會 略 底 T. 如 得 夫 人又 綽 此 只 透 看

彼 爲 僴 人 欲 問 及 尋 到 常 做 遇 時 事 乃 時 爲 也 人 知 欲引 此 爲 去。 天 理 事

> 之時 悔 路 行 如 工. 已 從 然小 夫 却 條 小 ,便與克下 此 悔 便 路 這 大 路 是天 去。 樣 如 路 面 何 處 前 又有 ? 及 理 不 有 極 人 至 箇 先 要 得 欲 前 物 生 與 條 苟 交 面 引 日 他 且 小 戰 荆 着 掃 放 路 之 棘 自 過 除 此 機 蕪 家 明 打 便 穢 不 知 須 疊 是 是 合 又 知 無 方 却 遇 行 克 不 覺 事 生 大

説 不 般 無 時 有 下 學 收 點 英 如 下 拾 是 落 檢 諸 雄 指 今公掀然 (身心 處。 葛 諸 豪 學爲 如 掌 孔 傑 何 少少 而 明 不 英 説 不 今人不知 有 如 間 甚 雄 知 功 飛 此。 使 之 麽 名 自 揚 得 學 樣 事 家 之心 張 這身心 業,怎 務 端 學底 子 嚴 箇 房 爲 身 以 不 生治 他 跅 飛 爲 今公浙 心 揚 弛 心 問問 都 治 人? 豪 悠 雖 着 安 或 遠 縱 放 他 中 頓 平. 然 古 全 全 不 未 天

❶ 「那」,原作「乃」,據《朱子語類》卷一百一十六改。

少 猶 間 放 得 會 失 近 心 去,不可 今公雖 日 不覺 知 爲 學, 然 却 放 得 遠

曾三異

曾三異,字無疑,吉州人。

備遺

然後 之 此 爲 知 心 毁譽,身計之 學 其 · 然後 乃 之外, 先 何 可 生 所 幾耳 答 爲 循 更 無 而 其 無 爲 疑 次第 異 通 書 學 念 塞 日 勉 又 : 自 而 知 勉 無 舊 大率人之爲學 其 而 習 何 用 毫 之 所 力 能 入於其 事 焉 否 而 世 必 可 心, 俗 使 以

段 工夫。 吾人既不 若 見 · 見 得 用 門 於世 户 分 只 明 有自 端 緒 己 正 分上 當

> 輕 實 重 用 也 得 此 外 些子氣力 瑣 瑣 乃 知 可 半 以 解 不 負 正 降 不 衷 足 秉 爲 彝 之 重

計 月 悠悠泛泛,徘 知 逝 於 中 緊 間 矣,歲不 子 、要親 相 約 遇 書 切 所 徊 我 來 處 猶 與 與,丈夫有志者,豈 必 豫 切 亦 盛 ,以老其身乎 磨 未 稱 誦 必 無 説 能 疑 者 盡 之爲 果爲 所 懷 當 何 爾 爲 事 但 此 H ? 不

丁 仲 澄

備遺

惟 疑 畔 能 爲 則 於講 憂。 先 彼自 生 學 答 自 不 體 仲 是 能 驗 澄 而 爲吾 處 書 憂 加 之, 日 「病矣。 : 則 使 來 有 若 吾 書 不 不 深 胸 勝 求 中 以 其 衆 其 洞 憂 理 學侵 然 者。 無

考亭淵 源 録

明 意 明 亦 不 矣。」 爲 何 不 曉然無疑 而 精 足 所 徒 道 奪 或 恃 貪 而 片言之守 積 願 吾之胸 多 專 日 務 以聖賢 既久,自當 廣,或少得 中 則 終 之言反 雖 未 蚤 免 有見。 爲足 於 夜 求 憤 憂 諸 虞 憤 但 則 身, 恐 無 僅 則 用 是 由 能

俞 翁

備 遺

之否? 於 能 己 見 分上 未徹 臆度虚談之弊也。 ,積累貫 先 切近 ,此見賢者自 生答壽 愚意 通之效。 着 則 翁 實 以 書日 處 爲 用 若未 且. 知之明 : 工 當 得 捐 庶 來 下手 去浮 喻 幾 自 見 有 處 華 子 志 有 還 静 未 恐 欲 未 罷 曾 免 就 免 自 扣 有 不

> 間 舉 但 向 古之疑,正當不 講 素 隙 亦 乃爲 究 讀 深 所 頗詳,不知曾與之商 此 以 示 佳 書 爲 《周 耳 不熟,未 疑,今得 憚 禮 仔細對論 **>** 復 有 如 古之書」, 以 此 見 品 量否? 必必 其 别 、必然。 使 極 其 無 間 爲 欲 復 明 數 纖 破 聞 處 毫 千 君

始有 要 深 平 患 用力之地 時 方 示 講 當 喻 學持養,使此 剛 相 氣 與 未 司 能自克之病, 謹 佩 心 韋 常存 之戒 耳。 此 義 正 理 大 品 常常 抵 品 勝, 最 所

林 揆

林揆,字一之。

之惑也。

遺

備

在,何 有此惻隱之心,無那物時便無此心乎?」 此 觸 那 地 心。 沉 物同,便會相感。 物 便 淪 先生以一之問卷示諸 須常粧箇赤子入井、牛觳觫 自然感,非是因 不能得超脱。 且赤子不入井,牛不觳觫 這生 那 他 物 説 物之心 生 有 生物之心、我 日 此 時,此 只是我底, 心,我方有 在 面 之恁 前 心 自 方

直 議 内看,並不須 此是大病,須 截也。 頗 先生答一之書:「向來見賢者言語 多繁雜牽連之病, 痛 引證旁通。 掃 除。 凡有文字,只就 今者所示復如 如 此 看得,久之自 此。 段 論

此 心 \sim 而 西 事 天 銘 耳。 $\tilde{+}$ 申 天命 生、 不忒,自無獻公、吉甫 伯 奇 事,張 子但 要 以

林得遇

《論語》 復往會葬。 憤,醬産裹糧,至武 林得遇,字若時,興化仙遊人。 集註 》, 頓 暮年與 悟 同 明理 夷參拜文公,公令日講 縣 陳 能文。及文公殁, 沂 相友善。 日 發

劉炎

劉炎,字潛夫,邵武人

備遺

大有餘味。昔猶未悟,今始知之。」 王栢云:「潛夫提《孟子》『將以』二字,

二八九

陳齊仲

陳齊仲,泉州同安人。

備遺

淺 之 眼 着 欲 里 更 但 前 物 知 深 意 欲 既 力,方始隱 ,豈容公然走 不同。 忠 耳 知 無 而 如 先 贵 恕 其 非 不 生 何 是 相 答 驕 方 有 物 管 蓋 貫之指 矜 齊 約 可 所 走失, 耶 忠 仲 然其 得 失 去 揀 恕 書 耶。 也 擇 恐 之 箇 日 格 格 ? 而 取 理 之也 物 相馬 猶 氣 亦 舍 差之毫釐, 象,豈 則 之論 以 當 於 亦亦 之説, 爲 事 自 其 未可 之喻 須 違 間 伊 而 口 道 人之 哉 恐 有 判 111 去,不 繆 緩 與 意 然 不 甚 急 見 以 遠 學 忠 雖 以 先 謂 爲 者 有 恕 千 知 處

> 於 後 此 天 而 之序,豈 忽然 理 而 草 望 明明 木、一 有 懸 人 所得 悟 倫 遽 也 以 ,講聖言 器 ,是炊沙 哉 爲存 用之間 心 且 而 於 通 如 欲 此 世 今 草木器用 是 其 故 爲 成 何 此 乃 飯 學 學 兀 也 問 然 而 之 存 不 間 窮 如

郭 友 仁

郭友仁,字德元,山陽人,寓臨安

備遺

問 如 學》、《語》、《孟 日 :「公今須是逐 然 此 鹵 友仁 其 莽。 他 初 不問 公之意 參 ×, 拜 者, 中 ____ 畢 恐亦 此 庸 自 出 仔 **>** 平 道 未 疑 細 日 此 必 問 理 所 是 是, 會 疑者。 不 I始得 册 贵 曉 能 皆 不 先 便 ^ 大 與 故 可 生

方可。」
聖賢之意合? 須是理會得底也來整理過,

指 豁 忽 邊 不 法 典,亦曾 來 我 曾 書院 然貫 也 非 這 便有不可勝言之弊。」 思量 未 先生 用 裹 曰 在 通之 日 工 Ē 涉 : 分别之 「非 日 一要思 獵 守 理。 未 : 如 約 能 惟 ^ 量 此 處 如公之學也不易。」因以 公 博 所 法 學 分别,能 屋 贵 學, 能 華 向 禪 相 免有 解二 經 道 似, 便要約 如 **>** 甚 至 老 差? 只 思 切 句。」 要 量 中 莊 禮 處 也, . 間 一分别 若 及 先 乃 潔 曾 釋 差之毫 窮 生 淨 在 學 理 方 氏 日 處 手 有 禪 是 教 几

行 言 懈 「公昨 之, 可 夜所 謂 可 者人 謂 遠 舉 矣。』」 重 解 心之 「先生有一 矣。 先 説 全 生不 德。 息 在 尚 何 處 應。 必 處? 存 解 欲 仁 此 次 以 字 曰 志 身 日 一:「在 甚 不 却 體 曉 問 容 而 然 .曾 少 力

> 文字 此 存 夫,又於細微 制 I 者,却不 子言。仁 無以 皆是 其 外; 前 却 H 切 立其 以 能 能 不 他 要 爲 記 於 齊 問 處。 處 本 其 己 緊 其 中 不 ; 緊 任 要處 外, 學 遺 動 庸 要 三章 闕 者 而 或 無 處 理 ____ 了 若 不 問 以 會 先 ,久之自 察, * 能 養 有 生 不一 於 只 其 萬 無 日 於 切 千 中 以 其 : 瑣 然 要 勝 人 内, 有 處 細 其 静 德 看 得 做 私 處 文 無 元 베 字 不 用

讀 事。 語 逐 書 日 省 若 無 德元 得 如此 事 渾 告行, 身都 兩 有 句 見 在 , 年 先 成 鬧 閒 ·, 何 生 飯 場 人 日 喫,用 中 客 患不進?」 : 省 如 人若 得 半 何 日 用 於 兩 静 工 日 坐, ? 間 半 也 閒 H 濟 若 言

游開

游開,字子蒙,建安人,定夫從孫。

備遺

黄 乃 劉 如 郎 須 此 扣 先 提 生云: 角 掇得 富 歌 貴 他 不 朔雲寒雪 「子蒙曾和 來 争 奈 滿 何。」 劉 Ш 叔 问。 此詩若遇 通 詩: 文章 無 昨 蘇 用 夜

龔郯

事 躬 行 龔 甚 郯, 有 字 造 曇 詣 伯 寧 德 不 務 П 耳

惟

備遺

先生曰:「曇伯理會也快,但恐其不

牢

固

鄭師孟

講 從 義 文公游。 》,以發明文公《皇極辨》之藴 鄭 師 孟 黄 字 直 齊 卿 卿 妻以 寧 女。 德 人。 所著 家 有 貧 《洪 力學, 範

王 翰弟治、漢

慶元 凡 虜情 勝。 無難 防 愈之子。 江 几 年 中, 北 色。 面 王 當 望 瀚,字伯海, 而 賑 除武當軍節 國 中原,心馳 心 歸 瀚端 流 家 氣 民 開 偉然, 和 方 禧 好, 治 嚴 中, 金華 狀 介, 故 遂 方 度 甚 知 堅 人。 或 推官, 得 亦 著。 銅 覽觀 而 嘗 訪 陵 卒, 孝宗朝侍講 從 終 問 兀 縣 荆 吕 馬 朝 遺 無 楚形勢之 奉 老 祖 以 就 值 周 自見, 謙 郎 兵 道 興, 奉 知 略 師

祠。嘉定己未卒。

尉 子 弟 栢 治 ,受學于黄榦之門人何 字伯 禮 0 漢 字 伯 紀, 基 歷 和 縣

備遺

之 雖 不 爲 也 彼 也。 而 位 乾 乾 知 掛 類,亦是就 推其義類之詞也。 卦者,伏羲畫 至『坤 坤合而 坤 古注 ,若論伏 而 先 帝出乎震』以下,文王 亦 來 生答伯禮書 無 ·以藏之』以 説 耳 能 爲 賁 人義畫 卦已 非 生諸 泰,豈 全 掛 真 自 卦 之法 成 先 掛 泰 日 則 有泰復變爲賁之理。 後用 前 之 有 如《 掛 伏 六十 也 理 彼 大太 而 桂 意 掛 羲 來 即 變圖 ^ 推 極 四四 若如文王 而 説 伏 所 先 説 卦 後 畫 掛 羲 兩 **>** 儒 * 方 剛 以 儀 己 時 非 有 此 來 成 掛 天 俱了 一、孔子 之, 四 爲 柔 之 之 此 地 殊 位 以 定 自 卦 桂 進

> 之説 在 看得 則 活絡 縱横 曲 無 所 直 拘泥 一、反覆 則 相 無 生 不 一,無 通 所 耳 不可。

曾興宗

府 年 節 恩詔 度 曾 推 興宗,字光祖 廷對, 官,致仕 入等 爲 贛 南 州 昌 寧 縣 都 主 簿 改 慶 肇 元 慶 Ŧi.

堅守 旁郡 於聖賢 益 릲。 人皆: 嚼 惝 勤 恍 蠟 笑 其説 有 興宗 及僞學禁興,學者 勵 無 以 其 爲 觀 所 志益苦, 諸 知 己 年 與 依 孜 之學。 道 理 世 據。 孜 一學,則 自 六七 背 力行, 名者, 未嘗 馳, 不遠 嘗言 時 心快目 興宗 少 已 諱 千 必 往 厭 懈 名 里 求 從之,視其 處之怡 明,終 科 其 吾 受業朱子之門, 有 舉 文公没, 師 讀 得 之習 舉 於 日忘 然。 興宗執 子業 心 説 急 而 茫 倦 初 趨 禮 後 洋 聞 0 意 如

往弔,心喪三年。

非 域 卧 者 無 未 日 語 吾 道 害 始 疾 至 》、《孟 病 一,必以 手 勿 喪 也 脱 暮年築室,名曰 吾 不 學 事 一。」未易簣 諸 起 於 不 ,乃吾子孫。」所著 宜 **%** 病 口 矣, 所學告語 釋 遵古, 中 臨 卷 來 勿 静 終 用 + 者 人 參用 觀 之 浮 Ħ 亦莫不 見之, 之, 夕, 此 屠 唯 猶 理 儀 所 氏 庵 談 與與 禮 陷 謂 _ 0 勉 拱 有 愈 學 論 孝弟 **%** 我 以 手 熟 者 至 日 唯菴 於 竦 愈 少 居 非 五. 論 不 忠信之説 聽 深 事 禮 鼓, 其 稿 知 中 調 中 勿 而 道 正 庸 日 爲 息 去。 之 自 學 .

備遺

得 安? 先 覺 生 見 除是 問 持 光 孔 敬 祖 子,方始 不 : 甚 安。」曰 讀 恭而安。 書 有 : 甚 初 大 學 今人 疑 如 處 平 何 日 便

向

上

須

更做

窮

理

功

夫,

方見所存之心

所

求

其

放

心

乃

爲

學根

本

 \coprod

地

既

能

如

此

熟。」 人 收 理 須 恁 也 去 箇 會 是 斂 地 須 事 物 先 又 提 有 放 ٥. 物 箇 肆 日 理 掇 此 便 身心 上 道 勉 會 起, 有 逐 强 理 得 雖 教 筃 但 然, 箇 理 在 道 下 天 須 道 一會得 這 這 理 生 覺 自 理 裹 箇 0 蒸 見 是 所 箇 常 也 民 而 有 不 道 常 以 恁 今 些子 安。 理 有物 學 相 大學之道 地 問問 把 接,久後 放 初 有 捉 去, 要 便 則 不 持 便 只 敬 自 有 須 要 教

是 T 111 能敬 非 説 然大要 光 始 以 敬 祖 格 直 以 問 用 得 内 直 : 物 矣, 工 内 夫,恐, 讀 亦 義 須 大 以 在 義 方 學 一敬之一 以 外 ×, 方 己 處 外 知 字 綱 0 方 先 能 目 生 前 次 知 見 日 得 第 伊 :

不得一 不刻苦 先 生 答 加 光 勵 祖 不 書 日 須 遽 目 以 助 下 長 持 爲 守 憂 講 也 學 却 亦

具 是 儒 之 者 理 事 不 業。 是 兩 事 不 然 隨 却 感 亦 即 與 應, 釋 自 子 然 坐 中 禪 節 攝 念 方

林 謩

無

異

(矣。」

之 吕 讀 而 儒 善好學之意,至於老而 書 以 年 最 先 師 不 林 少 數 喜, 禮 \equiv ,其所 Щ 反 事 字丕顯 之。 林 輒 公遊 成 爲 誦 後 詩 爲 福州 從 若 與 朱 文, 文 吕 愈篤 連 子 操 輒 祖 江 游 筆 謙 手 也 人。 孜 立 爲 抄 就 默 同 孜 少 舍 誦 穎 扣 從 問。 悟 既 鄉 時

林憲卿

長 谷 林 中 憲 卿 與 ,字公度,福州 世 異 趣,不妄交游 懷安人。 慎 居 擇 大 師 Ш

> 生。 里。 自 友 守, 醇 及卒,黄榦誌 年七十, 厚 以 忠信 質 直 猶 見 樂 嗜 稱 善 其 於 學 不 墓 師 不 倦 門, 衰。 以 從 義 游 稱 理 晦 爲 化 庵 存 導 齋 乎 知 先 所 鄉

鄭文遹

謂: 慧 輟 程、張子之書,玩之有得,怡然自 少長,刻苦爲學, 「文詞記 鄭 初治《春 文遹,字成 問,未 秋》,心 叔 足以 口 悟經旨, 福 誦 州 爲 手 閩 事 抄 縣 操筆 業。」及 香 人。 ...適 夜 成 寒 幼 文,自 得 暑 而 不 聰

之萬 告以 文遹 公之門,交遊皆當世 所聞 鍾 聞黄榦得文公之傳,遂受業焉 襟 而 度 不受。」人以 夷 嘗 曠, 語 日 知 : 識 善士。 、爲信。 闦 成 爽」,愛 叔 荷 文公晚 後 非 遂 其 而 與 敬 義 年 俱 之, 編 登 雖 榦 文 禄 稱

學,今果然。」文公没 足 守 賴 任 傳 禮 文公見之大 巾 儀 以以 户, 貽 以 成 旁通 以 禮 勵 與 叔 厚 書云 屬 **>** 衆 同 振 經 風 子、 榦 志 拔 也 傳 俗。 共 喜, 激 史, 以 分 立 昂 鄉 其 曰 引 喪 畀 規 之, 間 事多 : 比 禮 門 約 朋 直 使 條 人 委 文遹 友 大 榦 師 律 卿 漸 文 要 傳 以 而 稱 綱 遹 所 知 欲 不 汲 取 成 定,以 義 目 明 廢 引 ^ 乃 叔 喪 義 理 凡 後 之賢 爲 莫大之 禮 者多 例 利 學 其 考 × 纖 爲 素 謹 且 經 **^** 悉 幸 己 行 更 好 證 操 儀

易》「 問 生 解 者 異 太 猶 ^ 繼 論 文 禮 危 極 沉 善 潛 圖 贵 坐 記 深 成 反 \approx 終 集 知 觀 性 覆 而 日 性 解 默 悟 之 哉 必 \approx 以 養 説 孟 思 ^ 極 玩 喪 子 其 -, 所 日 至 索 禮 性 趣 著 : 忘 善 益 長 有 而 之旨, 荷 寢 精 編 後 ^ 易 食。 己。 \approx 楊 學 讀 有 之徒 本 啓 嘗 及 書 ^ 於《 庸 蒙 觀 既 有 妄 大 齋 或 周 得 未

集》、《别》《外集》、《遺書》凡五十卷

潘 植 弟柄

諸 輩 指 里 下 視 與 興 自 誦 遂 滋 亡 一,從 其 諸 書 視 故 載 命 行 務學, 一、治 磨 程 習 弟 掌。 籍 率 潘 植 于 文 皆 文 礱浸灌 以 植 往 若 語 武 其子從之遊 亂、 時 以 至老 來 一之誚 師 夷 將 意 字 弱 方 是 上 事 凂 雄 立 暇 冠 交 非 下 不 之, 植 不 己 健 之, "、得 馳 倦 數 則 摳 少 植 顧 於射策決 千 流 徜 穎 福 衣 儕 失之故 也 遂 年 聞 徉 輩 悟 後 有 州 輩 與 林 鄉 推 讀 聞 道 懷 至 反 家 其 整間 先 間 晦 安 有 覆 居 厲 書 貫 弟 科 之 菴 耽 志 不 高 之習, 穿 柄 尤 善 講 日 以 數 玩 前 出 嗜 談 以 道 士 父 過 不 觴 修 性 史 濂 武 遠 其 貢 咏 而 輒 輒 夷 植 於 成 洛 千 如 П 折

娱。閨庭之間,恰恰如也。

備遺

惟 夫。」 先 頭 左 了 否?」曰 既 脚 是 生 右脚 見 得 又 植 日 植 得 力 行 舉 因 : : 此 通透 問: 得 「仁者愛之理 方行得一步。 「不必説 大概 頭 步。 方 顏子博文約禮 又 是 無間 長,所 如 循環。 此 此 頭 斷 ,心之德」 0 以 得 右 而 欲 如 力 脚 今只 左 罷 既 那 是 脚 而 行 紬 頭 是 行 循 不 得一 又 繹 做 得 環 能 長 説 步, 過 蓋 那 夫

官 爲 葉 泉 泥 州 字 惠 安 子 丞 是, 知 建 州 州 真 建 德 安 秀辟 以 用 自 蔭 助。 補

既歷知贛州贛縣、饒州安仁縣。寶慶三

年

卒,年五十九。

善 利 然 乃 之。 進德之勇又可知矣。」 敢 中 詩 凡 操,介直弗顧 ", 可 違 有 得 和 以 他人所不 知矣。 儒 耶 之地。 知饒之安仁,則其 贈 然余獨 德秀誌其墓,其略曰: 教 ? 者 欲 而 氣象。 觀 後 其 於爲 君既 憂 能 私, 君於余言者 刑 斂 其 爲 鋒 太 政後先, 去泉而 遇 與 此 居常 一鍔,收 剛 事 吾 所 無 語 不 所 爲 不 難 蹇于仕,越若干 光 聞 敢 政一 可 知 不 人 意,處 芒 日 爲 「子是堅强 所 忘 於 以 者,余 出於寬平,藹 真 決 如 『先義而 耦 而 擇 此 公者也 俗 劇 進 其志 如 無 其 故 必 此 倦容。 德 嘗 以 有 9 年 其 其 於 持 于 後 爲 屬

■「了」,原作「子」,據《朱子語類》卷一百一十八改。

二九

八

備遺

口 公之門, 「無所 以 語賓客。 湯 仲 回 得 能 隱 以直 作《 養 每 行 自 氣之説 狀 謂 **>** 平 日 生與妻子言者,皆 故 子 其 是 爲 壯 人 歲 磊 落 遊 文 明

林武

授 庸 不 冲 輯 通 ·勝喪。 平. \approx 約 經 河 池 昔 ,父老跬步不 衣錦」之旨, 史。 林武,字景文,永嘉 別。 所 歲歉出粟賑貧, 聞 徒步從文公講道 秩 爲語 滿 歸 録 離 廣 數 左右。 而 漕 帙 扁 交辟 鄉 其 人。 曲 後 室 既 不就。 武 懶之。 以 勤 罹 日 夷, 「尚 憂, 恩 敏 親 力 科 毁 性孝 絅, 受《 學 入官, 瘠 幾 友 且 中 博

戴蒙

舉 敬 服 第 王 汪 子 閣 穎 逵 Ź, 再 除, 于 0 門 援例 武 叔言諸 戴 調 宣 薦于 試 自念假 蒙 夷。 麗 贊 不 舍人 水 以 朝。 中, 字 朝,韶 再 尉 己 養 塗易 戴 調 以 澤 日 金陵 伯 慈 勳 : 改 以 公事 谿 可可 名之非 牒,❶改名埜 奏,俱不 永 初名復官。 帥 鳴 嘉 臣黄 以 忤 鶴 人。 止 郡 場 ,復舊名 度辟 矣。」 就 將, 鹽 紹 官,丁父艱 棄官 興 寮幕, 應 郡 最 試 庚 守 應 後 戌 從 鄉 楊 御 外 遂 試 中 舅 簡 中 用

■「勳」,原作「勤」,據《東嘉録》卷五及《萬姓統譜》卷九

陳範

大辟 講 崇仁丞。 命 嘉 事 覺,令佐坐削 定 至 論 重 疑 七 陳 子,吾以 完 偶 讞 年 範 疾 縣 進 字 範 作 令羅 士 朝 書生獲 察 即 弼 其 範 必元 人服 日 冤獨 初 解 一官,當 字仁復, 爲 其 見 印 不肯書 還。 而 明。 徽 敬 州 以 秩 婺 建 去就 獄 滿 源 州 日 崇 尉 日 與 調 争。」後 公安人。 : 縣有 相 撫 從 州

邵浩

備

遺

了,浩乞逐段下疏數語。先生曰:「熹意思浩作卷子,疏條目爲問,先生逐一説過

間 所 到 言 見 處 ,或説 語。 盡 説 公只記 了 不得。 ,若 寫 取,若未安,不妨反覆。」 説 下, 得 未 處, 必分明 或 寫不 却 得 失 子 此 先 據

馮 彦 忠❶

備遺

使 此 日 而 良 心 : 痛 此 彦 心常在,見破 無主宰,故 抑之,然竟 忠問: E 子 静 爲 有 居 不 T 私 頭 能 常 這 苦 之説,却 意 得 私 所 私 潔静 意紛 意只是從外 勝。 是 不 若常 擾, 使得。 起 雖 加 先 即 省察, 面人, 覺 惟 生 其 悟

0 集》及《勉齋集》,只 考》卷十七云: 馮 彦忠」,不 知 「陳士直,字彦忠,閩清人。」 何人,或爲「陳彦忠」之誤。 有「陳 彦忠」其 《閩中 案 理 學 晦 淵 庵

夫 自 縱 家 饒 若 這 有 待 裹 所 他 亦 發 起 容 動 後 他 只 方省 不 是 得 以 察 主 此 殊 待 事 不 客 須 濟 是 事 以 平 逸 日 待 着 勞

周 良

周良,字貴卿。

備遺

纔 他 便 是 有 忽 勝 滅 認 無 以 生 教 制 T 良 則這 而 熟 問 此 之, 火 理 如 : 熟 明 心 又 只 平 返 T 發矣。 日 車 是 被 時 便 這 之火,以 所 不 他 念 邊 引 爲 又 如 生 較 把 如 去 此 少 又 少 _0 捉 弱 有 水 那 這 今 人 日 勝 以 日 邊 心 與 制 「這 之, 教 較 强 定, 之, 念 多 箇 水 人 纔 相 撲 久 亦 便 生 後 念 只 牽 處 被

> 是。 此 處 思 是 然 謂 所 箇 將 勝 心只是 方 量 專 謂 IE 忿 道 養 便 般 徹 是 見 别 不 教 『捨 懥、 理 强 上 被 得 見 , 也 事 一徹 敬 是 力 則 好 他 如 人 鐵 得 去, 亡 壯 强 下只是 把 樂 只 在 在 定 程 實 後 門 這 等 在 底 皆 如 操 子 自 拖 事 外 箇 裹 自 是 是 所 則 去了 然 便 讀 謂 心 家 不 常 亦 弱 箇 口 書 來正 心 爲 主 專 存 是 道 人 0 以 善,不 0 有 除 理 又 在 敵 要 以 在 又 思 門 T 得 無 得 箇 處 須 此。 日 此 量 如 適。 裹 他 勝 是 之 心 是便 : 做 心 去 他 0 見 《大學》 耳 弱 文字 見 得 主 又 則 非 底 亦 爲 得 實 孟 日 心 别 只 不 , 只 方 徹 自 所 是 又 有 子 能 :

上 但 尋 於 得 做 得 持 諸 \equiv 守 綫 生 處 説 子 兩 更 分 書 路 須 是 畢 脉 加 , 得 着 先 工 T 生 夫。 只 0 日 恁説 説 : 須 時 是 諸 過 也 着 不不 公 只 實 是 看 濟 於 恁 道 事 行 地 理 0 己

是 往 仁 唐 氣 由 由 貴 後 也 己 他 卿 臨 自 日 事 而 : 去 又變遷 由 非 不 正 乎 欲 一要待 了 哉? 常 0 常 他 日 持 : 去 止 守, 吾 時 只 撥 是 止 但 轉 亂 志 也 來 道 不 往 能 吾 爲 贵 帥

陳公直

備遺

莫 向 要 看 攪 先 到 尾 生 動 都 語 他 公 别 攪 直 底 渾 了。 : 今人 讀 讀 書 書,多 且. 逐 些子 是從 理 頭

朱 飛 卿

朱飛卿,漳州人。

備遺

私意 敬 心 容 痛 ·, 而 否? 如禮 欲 是氣 己 恭,則時 飛 四 「則力」 行矣。 卿 體 衰 問 則 不 困 少寬之,終 或 能 窮 不 勝 承 實做 理 能 其 先 不 怠 生誨 不 知 即 惰 可 得。 其 此 以 以 當 便 如 有 不 持 然, 是 頭 得 知 敬, 持 容 今遂 而 但 敬 欲 自 存 無 直,手 不純 求 害於 之於 欲 病

斂,不待著意 意安排,則 先生日 難 : 安 久 排 而 心 生病 無 而 不 四 矣。 體 敬 亦 則 自 四 舒 體 適 自 然 收 着

果 有 灑 不 落 可 又 問 逃 處 耳 : 近 比 惟 欲 見 窮 得 理 富 貴 而 果 事 不 物 紛 可 求, 紜 未 貧 賤 能

先生曰:「此是就命上理會。須更就

爲輕重。則當有以處此矣。」 是其得喪榮辱,與自家義理之得失利害,孰 爲輕重。則當有以處此矣。」 是欲如何, 養上看當求與不當求,當避與不當避。更

考亭淵源録卷之十八

考亭淵源録卷之十九

劉孟容

長沙、南康。清之學。舉進士,筮仕爲袁州分宜簿,歷守清之學。舉進士,筮仕爲袁州分宜簿,歷守劉孟容,字公度,隆興府人。初從族父

備遺

覺 究 下 竟 事 有 物之理 好 先 高 生答公度書曰 至於持守,却 欲 、方册聖賢之言,皆須仔 速之弊。 無 : 講學不厭其詳,凡天 許多事。 「示喻爲 學之意,終 若 覺 細 得 反 未 覆

> 驗。 失其宜 高 矣。 此 不 穩,只有默然加功,着力向前耳。 子家法。 而 -講,而 未論 士 已 前 舊 向見伯恭説,孔子順答魏王問天 一,下梢 其 至 見公度不如 曰『世無其人』,此一句 反 此言有味。 謂 許與之當否,然其言之發亦太 以 彼 弄得 持守之事爲講説之資,是 中 朋 無 友只有季章一人可 收 此,只此 殺,只成得杜 便是 似全不 今聞 所 撰 是孔 下之 學 乃 捏 廢 效 輕 合 兩 書

變耶 意 浸 灌 氣 ? 涵 奮發猛 恐未 養,庶 可恃 舍之喻 幾 可 也, 以 甚 深固久遠。 如 善。 何 便敢 然須常 不然, 自保不 以 義 復 時 理

先求頓悟之理。但要持守省察,漸久漸熟, 究觀聖門教學,循循有序,無有合下

●「所學」、《晦庵集》卷五十三作「新學」。

平 趨 既 徑 自 也 父 白 陷 雜 相 貫 於 因 物 而 書 處 通 泛 並 覺 偏 更 濫 出 即 勸 得 而 於其 皆 自 勉之。」 如 不 有 足 何 口 間 安 以 ? 捄 穩 是 惑 似 其 受 亦 世 亦 不 用 何 誺 信 未 處 能 民 有 者 耳 爲 箇 0 有 又 其 信 立 無 千 無 脚 耶 IE 之 岐 者 定 處 ? 萬

能 是 與 公度 爲 肯 小 先 人,不 事 求 生答 去 體 劉 與 致 季章 般。 入出 得 如 書 曰 此 氣 此 畫 ,令人積悶 進 潘 不 公度 友 能 者 爲 近 近 彻 君 亦 亦 子 遭 得 書, 逐 退 正 自

劉季章

備遺

何 先 雖 生 未 答 相 季 見, 章 然 書 覺 日 得 多 賢 是 者 不 比 曾 來 寬 爲 着 學 心 如

> 得 所 胸 以 也 細 玩 意 義 急 理 迫 便 而 要 理 未 扭 大 捏 明, 造 作 空 自 務 苦 爲 而 切 無 己 所

達 排 親 其 於 創 又 病 反 迤 間 相 切 顯 立 提 明 合 子 條 又 令此 邐 所 約 貫 撕 自 Œ 打成一 向 喻爲學之意,甚 太多 自 大之塗 有 直 上 心 有 至 不 便 指 此病,賢者從 片, 簡 向 虚 何 也 約 前 擬 必 轉 恐 安排之 如 着 極 見 聖 非 此 實 明 賢 善。 昏 所 紆 進 白 滯 教 以 來亦 步 心 曲 耶 處 但 矯 人 繚 太 ? 自 覺 偏 未 繞 重 自 但 口 補 如 免 有 平 於 亦 敝 百 此 此, 成 本 是 種 行 而 私 大 直 安 原 趨 下

遠 説 思 否 ? 誘 如 比 何 得 近 舊 季 後 來 章 然 如 生 何 福 便 近 覺 ? 讀 州 多 得 得 有 何 不 黄 書 此 知 知 箇 直 趨 後 作 卿 氣 白 來 何 脉 者 於 南 事 鄙 ,業? 未 康 雖 説 至 得 未 能 李 斷 見得 工 信 ·敬子 絶 得 夫 久 及 意 將

耿 肯 心 痼 應 來 示 友 後 若 接 放 耳 萬 0 下 來 不 目 死 得 前 者 生 倦 有 深 口 文字 常 可 頭 筆 口 深 理 望 嘆 削 爲 便 無 惜 可 未 口 口 以 足 定 耳 喜 倚 深 隨 却 賴 纂 益 是 分 計 熹 集 發 公 乃 近 但 則 未 聞 明 復 上 恨 衰 成 聖 安 其 爲 不 賢 病 康 於 種 學 遺意 舊 健 能 未 老 H 習 不 益 成 終 副 耿 沉 朋 垂 夙 H 不

曾祖道

進 公 方 先 從 進 起 生 取 陸 能 何 取 子 日 曾 足 : 静 祖 如 無 議 道 甚 何 所 慶元 0 荷 字 ? 畏 先 遠 擇 乎 生 丁巳 來 之。 ? 日 : . 然 \equiv 忽 此 初 月 而 然 見 是 從 不 被 衡 自 見 劉 是 州 他 家 先 子 時 如 身 來 生 浴 節 何 己 理 於 游 會 上 考 黨 既 日 亭, 事 礙 事 又 :

> 笑 是 寬 调 去 道 只 亦 此 何 曰 衡 亦亦 吾 是 緩 忧 我 悠 做 如 : 可 州 輩 曾 悠 此 如 不 工. 向 惜 是壞 開 從 恐 事 放 此 夫 來 是 明 某 業 過 今後 亦 虚 T 後 斬 大 了 人 0 多 見 调 來 釘 體 日 不 處 自 少 廬 須 截 歲 欽 講 : 後 使 是 好 特 月 陵 鐵 夫 論 相 要 却 人 諸 使 0 氣 説 只 過 成 熹 知 公 是 質 道 做 者 泛 所 就 底 以 有 向 無 : 得 然 前 問 向 胡 _ 下 這 場 凡 慕 説 來 與 目 手 裹 若 話 肯 之類 行 朋 直 處 反 只 説 友 向 日 是 悠 爲 遭 此 往 : 不 先 不 悠 人 若 大 者 來 放 妨 地 取 如 緇 生 便 如

能 如 生 日 知 : 何 日 更 香 祖 象 要 臭 道 Ш 這 甚 又 與 却 存 日 能 祖 好 誠 : 道 知 持 商 言 味 頃 敬 量 年 心 硬 公 亦 能 目 要 嘗 且. 能 思 將 道 見 視 手 象 陸 物 耳 足 象 111 能 去 能 Ш 如 治 聽 運 何 動 鼻 先 須

静 爍 任 行 生 所 風 要 其責 若信 0 見 以 到 如 躐 如 爲 處 地 祖 此 落 蹈 者。」 本 位 道 做 陷 乎 今 點 。」象 日 甚 穽 可 大 使 . 化 惜 卒 方 祖 山 是 也 詠 是 者 道 除 日 0 則 多 歸 矣 : 便 不得 祖 是 少 舞 要 吾 有 道 明 雩 象 如 子 曰 此 快。 有之, Ш 此 先 : 理 自 此 日 恐 生 是 恐 蓋 : 曰 吾 成 有 恐 非 而 夫 不 猖 纏 只 必 初 是 子 得 陸 擾 欲 學 狂 不 子 妄 先 舊 外 者 家

備遺

理 則 先 疑若未 生答擇之書 有形 迹之 日 : 可 禮 即 制 理 也 而 爲 但 謂 之 則

有

品

節文章之可

莧

矣

綸 天下之志,則未 所論曾 點 大 意 必 然 則 正 然, 是 但 己 謂 分 漆 上 雕 極 開 親 有 切 經

> 學 活 聖 模 密 闊 處 格 賢 自 致 便 則 得 局, 胸 覺 知 漸 恐 處 有 襟 力 見 大概 點 未 未 灑 行 好 有 至 盡 落 意 處 不 所 如 耳 處, 思 做 相 不 曾 也 工. 却 上 逮 點 雖 夫 下。 未 也 之 其 有 覺 從 見 以 然 益 容 處 得 今 此 不 極 日 見 然 須 及 辛苦 其 只 就 曾 欲 人 自 工 點 之 不 家 想 夫 快 像 規 精 下 開

林補

分 司 茶 林 馬 補 幹官 ,字退 思 温 州 永 嘉 仕 爲 几

111

備遺

之志 先 固 生 不 答 可 退 不 思 以 書 遠 \Box 大 期 來 思 示 然 備 觀 悉 孔 門 學 循

習

而

漸

口

能

自

是

而

往

俛

焉

孳

孳

而

後

已

而

其

所

造

之

淺

深

所

就

之

廣

狹

堯

卿

問

前

承

教

只

據

見

定

道

理

受

:

然

後

道

之全

體

乃

有

所

向

望

而

漸

可

識

有

所

寸

得

尺

則

守

其

尺。

如

是久之,

日

滋

月

益

傳,畫· 之,以 諸 第 謂 教 弟 學問 子之賢,其 不 子 相授 過 人之志, 之 孝弟忠 全 亦 納 禮 僅 於 何哉 而 得 信、 道 初 顧 其 不 ? 之 爲 持 察察言之也。 全體 守 是 體 蓋 拘 誦 所 贵 習之間 拘 謂 夫 者 以 道 不 之全體 夫子之聖 能 以 若 狹 而 言 道 其 於 之 盡 雖 高 所

難 何 此 亦 而 後 非 自 小 反 差 爲 獲 而 可 崇 則 謀 爲 以 哉 利 必 心 計 · 又 詣 失 功 而 其 以 之私

預

期

也

故

夫

子

嘗

以

先

先

事

後

得

爲

崇

德

蓋

於

正

雖

有

鑽

堅

仰

高

之

志

矣。

仁

何

自

而

得

德

李 唐 咨

李 唐 答 字 堯卿

備 遺

禮

以

嚴

其

踐

履

之

實。

使之得

4

則

守

其

勞

亦

終

不

能

以

自

達

矣。

故

聖

人之教

循

之

間

苟

悦

其

高

而

忽

於近,

慕

於

大

而

略

於

高

且.

大,

而

其

實

未嘗

不

貫

乎

日

用

細

微

切

近

細

則

無

漸

次

經

由之實

而

徒

有

懸

想

跂

望

之

循

有

序,

不

過

使

人

反

而

求之至近

至

小

之

中

博之以

文,

以

開

其

講

學之端

9

約

之

公 有 與 年 安 精 高 力 卿 先 生 較 Í. 日 問 量 子 據 堯 下 長 見 卿 學 定 儘 底 處 今 口 道 闊 Ħ 理 日 着 看 受 : 步 甚 用 去。」 書 不 ? 須 安 比 卿 日 安 後 生 卿 只

然 得 菜 年 理 濂 我 初 謹 到 日 須 不 用 子 成 説 生 平 此 隨 也 中 溪 思 似 説 説 説 根 欲 自 與 從 H 明 中 自 公雖 公。 生 不 讀 家 多 與 前 用 間 是 辨 明 苗 成 他 力 少 書 走 間 含許 不 日 年 量 去 説 事 篤 作 己 濂 何 能 便 道 高 成 年 見 行 多 故 溪 間 頓 想 就 有 方 有 生意 日 必 曰 更 斷 見 這 悟 去 : 那 覺 此 待二 着 : 得 事 箇 着 種 成 悟 日 0 看 涵 事 公 工 亦 落 子 箇 年 用 日 如 養 説 夫 須 老 在 他 别 之久覺 間 : 事 何 工 常 與 是 此 既 無 古 來 培 夫。 他 恁 博 等 讀 及 問 是 也 只 學、 雍 地 矣, 悟 不 應 如 : 待 不 澆 如 得 審 此 得 他 道 只待 昔 灌 無 問 去 自 夫 粒 此 今 李 方 也

了。」又問 堯 日 卿 問 便 : 莫 斷 須 事 制 且 來 不 隨 得 斷 力 制 量 也 不 做 着 去? 下 斷 制 當 日 不 何 以 成 也 處 掉

> 從 去 至 只 容 當 得 熟 隨 後 只 + 力 是 自 分 量 熟 解 處 做 後 到 今 去 便 那 Ė 自 分 看 又 會 數 得 問 足 七 : 只是熟, 處 八 事 分。 有 日 至 只 待 理 是 窮 雖 熟。」 未 來 理 能 窮 有

方誼

方誼,字賓工

備遺

外 物 心 爲 淺 致 是, 深 知 先 生答 以 即 自 至 悔 有 於 賓 前 次 誠 王 日 第 意 書 之 耳 正 日 格 心 : 物 非 7、不是 「《大學》 致 以 知 今 爲 兩 Ħ 》之序, 非 事 也 誠 但 意 自 其 正 内

動 静 之 存 間 養 之 無 功 處 亦 不 不 下 專 工 在 夫, 静 乃 坐 時 無 間 須 斷 日 耳。 用

之必 又云 其 其 生 爲 心 性 中 云 萬 性 中 : 理 忧 而 『静 情 氣 之 性 如 習 之 所 者 而 水 説 昏之,故 自 不 道 亦 出 之 必 知 已 所 形 寒,火之 又 得 存 體 有 似 之 不 别 則 中 此 但 是 必 性 , 語 性 熱 而 不 却 即 物 非 得 似 理 性 但 其 親 也 之不 爲 中 康 切 0 人 節 今 也 得 失 性 先 以

然 言 當 其 中 然之 意 後 庸 則 蓋 見 》所 冲 理 性 日 其 漠 謂 者 也 : 所 散 道 性 率 以 殊 之 事 者 爲 性 形 而 物 人 之 道 莫 體 之 所 謂 之實, 見其 理 禀 道」, 乃 受之 ~ 固 撃 實 亦 初 具 壤 實 以 不 惟 於 集 外 此 求 性 道 序 而 乎 之 者 > 但 言 此 於 中 事 以 耳 也 語 性 物 道 0

講 覺 寸 學 積 得 累 間 Ι. 所 夫 斷 將 喻 去 亦 便 涵 是 是 養 久 如 相 本 之 此 源 續 自 之 處 然 莫 功 接 論 只 續 誠 事 要 易 之 打 常 間 大 成 自 斷 小 提 片 撕 理 然 耳 之 分 纔

> 浹 淺 治 深 貫 但 通 到 世 目 前 即 與 理 會 到 底 之自

然

方任

學 秩 0 滿 任 方 陞 淳 任 從 熙 事 字 丁 郎 若 未 水 知 登 潭 第 州 高 寧 祖 爲 鄉 道 漳 縣 州 輔 未 長 與 泰 伊 而 縣 111 卒 簿 司

備遺

實 未 讀 不 刑 書 敢 是 此 使 窮 自 教 先 非 無 生 理 街 人 細 罪 方方寸 答 自 求 事 者 若 鬻 退 也 不 水 之間 以 只 以 書 静 是 求 冤 日 退 要 知 洞 死 : 之 得 求 見 9 説 龍 而 進 依 此 巖 亦 有 耳 本 理 之 甚 罪 行 善 者 然 知 識 但 若 得 亦 無 廉 須 今 所 問 不 耻 是 求 亦 逃 得

三 一 〇

之之迹 守 只是 着 ,不求人知 求字,亦不 本 分, 亦 不 求 也 可 着 口 萌 便 説 求 是 着 之之心。 罪 不求字, 過 0 不 方 惟 不 是 惟 不 真 不 口 能 得 有 自 説 求

徐文卿

未 注 官 徐 文 卿 有 字 詩 斯 文集 遠 · 玉 Щ 晚 第 進 士

備遺

落 罄 所 詞 枝 竭 據 皆非 葉 所 依 先 就 懷, 生 以 流 答 造 日 然 輩 斯 實 用 大 所 遠 地 間 概 及 不 書 深 亦 察義理之本 日 己 至 · 但爲 了言之。 此 趙 騒 適 人墨 昌 值 不 午然,庶 父 悲 過 客 志 撓 欲 而 幾 其 未 己。 有 能 文 刊

> 相 斯 警 遠 亦 切 不 爲 佳 可 不 耳 知 此 意 故 此 具 報 幸 有 以 交

答梁 如 尤 處 吾 是 近 當 世 文 先 師 如 成 陳 生 士 其 此 蓋 答 無 境 巧 不 然 界 趙 己之不 於言語 絶 昌 無而 即 只 父 有 墮 ·見章 僅 書 爲 箇 坑 有 日 落 7者也。」 雷 固 . 所 塹 州,吕 窮 無無 説 斯 兩 遠 易 有 居仁之不 字是着 殊 是 處矣。 可 邪 念。 徑。 力

徐彦章

備遺

收得 是護 進 ? 借己 假 先 僧家有琉璃瓶子禪之説,正謂 金,不敢 生答斯遠 見,不肯自 試 書日 將 將 火煅。 : 來下 「彦章守舊 ·毒手彈 如 此, 説甚 此 如 駁。 何 固 得 如 乃 人

終 是靠 彦章議論 裹 近 2實,有一 雖 有 受用 偏 滯 處 不 也 通之病,然其 意

思

懼 思之,久必有合矣。 不 爲 佳 非 可 主 所以 以 9 但 先 而 寂 善善 生答彦章日 動 中 進於日新 滅之嫌 者爲 有 動 客,此 静 而 也。」 廢 若固 也 示 天 一者相 地 舊 更 喻主善之云, 陰陽 對 聞 望 而言 舉一 虚 自 心 然之 則 平氣以 廢 静 白 理 甚 者

廖謙

廖謙,字益仲,一字德之,衡州衡陽人。

備遺

何 ? 先 生 問 「亦只商 謙 量舉子 曾 與 戴 程文。」曰:「此 肖 望 相 處 是 如

> 作 過 詩 了 厄。人過了 篇,亦是一厄,須是 此 一厄,又去 此一 理 一厄,當 會 打得 應 理 用 破 會 之 方得 文,作古文, 學問。今人

過 射 近 從 毋 ,不知仔細 遠 此 德之看文字尖新 一路去。 寧 下 便看 毋 然 高 書 爲 寧 學讀 也 如 拙 不 見 毋 -分曉。 書, 得 巧。 寧 路 詳 若 光明 毋 略 向 罩 便 寧

趙希漢

生平 第 立 銖 不 貸 時時 進 兩 慕趙 奸 士 趙 號 頗 希 欺 趙 以 皆 廣 漢,字 嘗 閻 嚴 漢爲人,以 知 知 羅 急 之。 福 南 聞 州 紀,岳 苟 福 在 有 鉤 清 陽 福 犯 鉅 縣 人,僑 清, 法 得 清 事 人 雖 情 正 居 人 公 有 邵 側 卿 而 經 武 足 子 吏民 略 軍。 弟 而

源 録

備 遺

當 裁其過 文公與劉崇之書曰 甚。」

「希漢却有才,但

舉業,何不入

郡學?

舉業

與

理學不相

妨。

如拂父之命,則父子相夷矣,何以學爲?」

徑棄

去,從學於文公,公曰:

既

是父命習

學習舉業

晉 卿

廖

備 遺

細 讀 久,精神收拾未定, 體認 書。」繼謂 晉 卿 待有意思, 請 之曰: 讀 何書,先 却 \sim 且 好讀書。」 玉 收 生日 藻》 斂 %精神、 九容 : 公心 處 方 且 可 放 去 商 仔 量 已

黄

黄謙 謙 南 安人。 父命之人郡

趙 蕃

爲直 里。 官,三調皆不赴。 調 趙蕃,字昌甫,玉山 辰 州司理 参軍 後 爲 太和 與 人。 郡 主簿, 守争獄罷 初以 受知 父陽蔭 楊 萬 補

之罷,蕃即丐祠 求監安仁贍 始,蕃受學於劉清之,清之守衡州, 軍 酒 ,從清 庫, 因 之歸。 以 卒業。 其後真德秀 至 衡 而 書 清 乃

特 之國 負 改 國 0 奉 理宗 史, 乎 ? 議 日 郎、直 即 家居, 位, 「蕃之於師友之際蓋 秘 與 連 閣 太 書 社 又 祠 令劉 辭。 官之考者三十有 宰 奉 同 祠 得 召, 如 致 此 不 拜。 仕

轉

承

議

郎,依前

直

秘

閣

卒,年八十七。

定三 辭 學者之望者,蕃一人 與 録 平,與人樂易, 患 文獻之家 其 蕃契屢 末路之難 年, 後。 又詔 蕃 年 秘閣 以 五 詔 加 ,典刑之彦,巍然獨存, 十時 承 其 引 修 命 而 務 子 薦, 撰鄭 所 剛 遂,補 郎 猶 蕃 居 介 致 問 協 而已。」信 竟不受。 日 不 仕 學於朱熹。 請 上 可 謚 難 與 奪。 州 齋 文節 文 0 子 州 宰 學, 派 守 恩 猶 嘗 蕃 相 既耄, 遂 吴 賦 澤。 有 言 周 旂 性 亦 以 必 \Box 乞 景 力 繫 大 寬 猶

備遺

賢 者却 古 夫間 教 Ш 不 矢, 斷 人, 昌 如 甫言學者工 謂 只是看 只是要救 他 一古山 得 夫多間 和 頭 箇 尚 白 間 自 水 斷。 斷 言 牯 喫古 先 因 牛。 生 説 Ш 日 學者 今之學 飯 聖 四

胡 大 時

敬夫,後從學於晦菴。 胡大時,字季隨,五峰之季子。師事

張

備遺

晦菴答季隨書曰:「道理無形影,唯因

貫 不 尾 意 過 道 事 穿 東 是 深 思 理 物 浹 言 戒 都 就 極 邊 洽 也 精 語 此 不 綽 微 下 確 乃 此 得 功 實 是 幾 口 古 夫 見 大 句 人 不 得 病 所 近 西 曾 是 謂 日 邊 有 見 非 學 綽 志 物 得 者 之 書 理 格 幾 説 士 會 知 句 得 極 事 尤 至 太 仔 都 徹 不 高 者 細 不 頭 可 T 以 曾 徹 即

克 濫 不 求仁之功 熹 甚 切 杜 己 門 衰 方 亦 病 與 粗 如 有 昔 得 學 力 但 者 處 覺 也 力 H 加 前 鞭 用 約 力 爲 泛

於 子 乎 此 徹 乎 謹 道 其 此 處 尾 其 所 是 也 加 無 獨 道 意 不 時 又言 不 睹 省 念 無 可 乃 察 起 處 恐 離 是 處 莫 不 懼 欲 上 下 可 見 乎 其 萬 文 工. 離 乎 自 其 事 全 夫, 非 隱 所 隱 根 體 道 原 不 而 欲 莫 I. 聞 見 其 是 又 夫 顯 故 無 之 自 更 乎 乃 君 須 中 微 微 緊 是 臾 子 切 而 見 故 徹 戒 而 顯 故 得 君 離 頭 慎

> 皆 聞 只 章 卒 略 大 又 作 着 爲 小 所 章 亦 無 謹 甚 謂 所 故 異 X 段 謂 欲 獨 明 内 字 之 前 不 所 省 相 從 段 私 各 以 纏 不 動 來 也 中 説 接 雜 疚 而 説 間 亂 敬 T 上 者 無 此 着 不 文 重 多是 便 惡 是 復 是 以 言 於 以 兩 更 故 戒 志 起 節 而 不 説 慎 信 下 字 察 文 恐 不 意 文義 義 後 懼 將 後 不 不 前 段 此 段 條 口 睹 即 段 中 兩 理 段 卒 間 即 詳 不

讀 處 懸 亦 妙 洛 來 如 書 絶 拈 所 何 不 反 處 出 窮 近 講 出 大 元 不 與 此 理 敬 善 徒 近 抵 得 朋 以 覺 使 書 欲 其 字 友 坦 發 亦 説 人 速 真 所 商 然 揮 顛 與 未 好 量 安 平 之。 是 狂 子 免 徑 白 也 學 不 粗 此 静 是 真 若 問 率 相 不 今 到 不 只 以 始 見 須 Ħ 而 聖 審 於 身 終 甚 學者 妄 於 賢 款 别 驗 此 意 H 日 究 處 之, 後 思 大 用 不 用 竟 用 所 常 想 親 乃 病 知 力 地 見 行 頓 知 其 切 位 説 如 悟 伊 向 而

何? 幸試以此思之,似差平易悠久也。

得 學 處 理 分 愈 不 也 高 恨 明 厭 目 遠 卑 相 昏 去 向 近 不 其 來 遠 能 愈 直 諸 不 多 卑 爲 書 看 得 愈 高 隨 文 朝 近 遠 字 時 夕 者 則 修 討 閒 則 工 改 論 中 反 夫愈 是。 也 却 似 譽 亦 實 此 大 有 看 不 抵 長 得 而 所 爲 進 口 道

害 所 復 真 獨 得 是 未 恨 口 安 之 書 不 告 相 閒 知 歸 望 語 最 中 講 其 尚 之遠 者 是 時 論 徒 不 此 有 之間 不 亦 務 此 朋 恨 有 道 切 恨 友 得 來 頗 遠 己 之 耳 聚 此 亦 0 來 傳 首 者 及 惡 講 君 庶 盡 此 學 行 舉 幾 否 直 折 情 先 其 未 道 其 極 未 間 至 議 論 相 尤 亦 斷 論 識 以 爲 有 絶 大 多 近 求

若 言 不 終 如 身 屏 此 去 競 私 辩 而 只 心 亦 欲 然 無 以 後 由 言 可 有 語 歸 以 取 着 求 勝 矣 其 則 理 何 雖 名 累 所 爲 千 在 講 萬

體 之, 其 歎 重 於 此 淺 者 所 贅 學 無 太 年 耳 베 間 古之 之 幾 此 深 識 謂 辛 哉 恨 離 師 0 乃 而 如 等 苦不 群 箇 語 先 其 至 也 ? 思 相 無 何 聖 索 但 極 不 深 自 則 去 與 能 隱 難 故 居 快 性 賢 先 造 後 謂 謂 甚 未 海 避 到 垂 熹 而 訓 活 之 所 自 來 灑 遠 不 之 無 内 真 之 後 不 底 有 之 以 延 落 得 嘗 實 知 由 嫌 來 獲 再 敢 嚴 I 無 平 只 者 底 言 再 灑 會 友 世 見 夫, 復 善 而 教 先 也 氣 合 傳 落 痛 也 後 恐 乃 爲 惡 得 以 人 象 生 相 久 地 是 人 不 論 盡 於 而 拈 灑 繼 熹 遠 如 切 位 則 自 疎 以 口 其 説 其 下 聖 憂 出 落 磨 季 須 耶 當 不 自 期 略 是 弊 賢 學 隨 患 兩 自 以 當 考 舍 以 亦 放 非 乃 處 傳 字, 者 侵 有 此 置 是 增 此 其 求 肆 Ħ. 至 付 凌 用 得 議 尤 可 而 理 所 且. 本 做 之 前 實 之 力 於 力 爲 言 别 論 所 義 來 得 是 要 異 耳 望 處 此 深 論 於 期 之 學 黄 名 之 全 日 至 五.

若 據 乎 前 比 非 ? 烈。」 直 細 來 人 惡 着 欲 得 二字 謂之善 必 月 實 書, 易 日 可 行, 邁 極 矣。 便 似 而 言 是 細 覺 深 可 推 天 乎 由 賢 可 名之爲甚 研 性 理 是 者 憂 9 人 之 而 於此 庶 懼 欲 善 并 幾 之 謂 而 有 幸 未 實 易 性 不 以 加 有 而 非 自 精 可 實 實 信 名 進 天 地之可 今 之力, 是 了,又 益 理 謂 也 曷 光 性 口

中自 徒然 是 天 議 隨 師 慤 論 在 實 不 湖 空 或言 季 問問 南 空 熹 有 隨 長 頗 無主 向 志 季 便 少 隨 見 而 自 爲 腎否 季 才 人, 才 尊大,諸 之 隨 敏 敏 纔 判 ,只是世襲做大。」 固 方 日 斷 聞 知 好 孰 : 他 人 其 0 是 亦多宗之。 人之説 只 不 若 孰 能 敏 小 非。 不 自 小 便 濟 7 聰 此 動 慧 事 猶 凡 其 有 張 季 胸 亦 須

宋 之 源弟之潤、之汪

字澤之,之汪字容之。 漕閩中。之源兄弟皆獲從學於文公。之潤 宋之源,字深之,雙流人。父若水,轉

備遺

活 爲 異。 中 愛』不敢 其 執中, 節以 日 與孟 『允執 蓋精一 由 先 子莫以 爲 生答深 爲 則 子所論『子莫執 中 墨翟 其 於道 耳。 『爲 則 爲 之書 之過, 非 中, 心之微 故 我』 徒 由 : 則 不 然 而 三聖 其 \equiv 敢 而 於二 中 則 中』者,文 爲 執 聖 以 死 無 之矣。 楊朱之深,『 相 爲 者之間, 適 授 中 中之活者 而 非 同 則 子 允 中 莫之 其 執 執 而 中 其 兼 意 厥

不 (之學,不 待 權 而 無 能 不 有 中 以 ; 權之, 中之死 而 常 者 滴 於 則 非 中 學 也 乎 聖

見義 心。 名 此 務 甚 得 理 前 不 近 日 搜 易 要在 年 臨 得 獵 學 岐 敷 熟 者 , 衍 不 所 讀 多 恨 勝 精 不 便 相 忡 思 爲 讀 聚之 究竟 悵 書 潛 心 晚 見 然 彻 玩 不不 講 昆 味 仲 學 得 不 貴 篤 盡 於 志 口 吐 實 貪 腹 如

方

耳。」

處 切 如 大學》 利 世 此 欲 做 \sim 最 大 好 T. 學》 樂, 夫, 初 用 是 皆不足以 久之意 功 聖 處 門 最 思 試 動心? 初 自 考 用 别 其 功 便是 説 處 見 得 就 小 格 小 世 H 物 見 間 用 又 間 是 効

彼 末 餘 不不 也。 力。 科舉 須 既 作 知 事 有 兩 業 命 截 之説 初 看。 無 高 必 則 論 先 日 賢 用 了 之間 者 此, 俯 内内 就 然 後 外 蓋 及 本 有

答澤之書曰:「大抵今之學者之病,最

界 理 是先 心 宜 限 之 所 學作 分 故 以 害 别 誦 於 文干 之 古今之學、義 數 要 際 雖 須 ·禄,使 博, 反 而 文 此 無 詞 心 以 然 雖 知 利 不 後 寧 其 之 T. 間 静 可 輕 而 不 以 重 不復 祇 取 議 暇 以 捨 爲 能 重 深 之所 學 爲 察 究 此 其 義

字 戒 計 洽 E 尤 粗 初 口 於 得 精 學之通 以 洗滌 貪多 中 之, 句 較 答容之書 而 例 皆 其 最 淨 亦 務 淪 只 有 是 患 急 且 盡 得 作 肌 下 者 非 浹 更 如 落 别 不 蓋 曰 髓 如 以 虚 此 諸 立 暇 : 緣 此 求 然後 涉 心 規 仔 平 反 所 家 聖 平 獵 模, 細 日 復玩 注 喻 賢 氣 乃 讀 將 解 凡 讀 今當 立言 可言學 熟 書 味, 合看 看 書 文字, 讀 未 只爲 之本 深 令其 精 通 文字,擇 能 耳 以 思 貫 有 義 此 意 科 不 疑 理 **\$** 事 問 然 舉 後 其 精 之 浹 雖 爲 此

「示喻爲學之意,益以精專,而兄弟相

合知者,但要循序量力而進耳。」 相與切磋,尤以爲喜。所問持養、觀書之 說,前此講之已詳。約而言之,持養之方, 說,前此講之已詳。約而言之,持養之方,

考亭淵源録卷之十九

考亭淵源録卷之二十

葉 文 炳

語 及至官,文公自漳浦還,以 士 甚悉。 ,調晉江簿,遲次 葉文炳, 歷知仙遊縣,終奉議郎 字晦 叔,浦 家居,數致 城人。 居官臨日 書 通判 請 淳 民之法告 益 熙 和 於文公。 甲 州。 辰 進

傅 脩

脩 遊 居父喪、衰服謁 嗜學篤 傅 脩, 行 字 有聞 子期, 武 于 豫 夷,求銘於文公。公書 世。 章 進賢 既 而學禁方嚴 從 文公

陳總龜

年 鄰 進士、注吉州永豐尉、未上而殁。 ,壯老相遊從,於學無不 陳 總 龜,字 朝瑞, 建 陽人。 通 貫。 居 登 與 紹 文公 熙 兀

孫 應 時

孫應時,字季和,餘姚人。爲制司幹

學,學者更名他師,至有弔 不 辭 毅然不遠千里,哀號痛慕若此,此 而 加敬。 至,俯 懇慤,情旨 子子 觀 伏於道,若將隕 未幾,文公卒, 其冠 酸 辛,爲 履 應禮,而 惻 明年 焉 然動 賻 戚容與之稱,言 Ė. 是 不 心 及 時 葬。 焉 可 門 縉 坐者 脩 以 者 紳 觀 畏 奔 其 脩 趨 無

=

慶 官 通 判 元 中 文 公 爲 在 常 浙 熟 **�**, 東 諮 立 議 荒 偃 政 祠 0 列 終 薦 邵 于 武 朝 軍

備遺

之本。 者,見 學次 或寡矣。 大之業,幸甚。」 第, 先 理多不明; 能 生答 甚 更望 如賢 慰 應 所 虚 者 時 心 兼 懷。 書 專務 玩 集 日 理,寬 衆善,不 大 : 講學者 抵學者, 來 以 諭 又 倚 諄 居之,卒究遠 於 悉 專 無 務 備 地 偏者 持 以 詳 爲 守 爲

陳 枅

爲 司 安令,與文公爲僚 陳 枅 字 自 脩 福 友 州 長 枅 樂 大 人。 從 遊 父宋 霖

備遺

惜 哉 患 説 是 難 理 望 其 ? 有 可 前 好 道 着實之謂。」 是難。 難 惜。 好, 以 問 枅 不 教之。」 問 病 肯用 纔 公若 一天 不求 下 孟子 如 手, 理 力, 用 先 又曰:「向 何 真 耳。』往往 力久, 曰:『道若大 生 所 見 是 箇 曰 以 未 反身窮理?」曰 難 :「公不 空 有 亦自 明 自 過 公亦 家體 己 了 頭 有 許 處 箇 路 私 去 知 分上 多 真 然 用 人 便 得 頭 月 箇 力,只 . 説 這 豊 求。」 「反身 處 難 日 道 箇 難 克, 管 是 道 何 口 知

之習 忽之差未 而 氣 未 禀 枅嘗問 除 之偏 能 異端 辨。 . 自 若。 先 之教 善 生自 利之間 警 雖 覺 謂 之 非 雖 念 矯 所 揉 雖 願 知 之 學 至 所 力 決 者 而 擇, 雖 怠 而 勞, 而 芒 惰

之,則 講 微 意之間 IF. 人之爲學,惟 言 所 也 行 奥 惡 能 亦 論 聲 與 即 之念, ? 讀 此 如 之 而 患 何 惟 雖 加 0 不 或 讀 間 勉 自 潛 日 書 焉 有 知 : 行 窮 契, 耳 其 而 所 理 、所不足。 而 不 論 爲仁 之 自 不 皆 功, 能 覺 切 由 浹 問 不 今既 洽 先 近 可 贵 於 覺 思 他 知 之 不 心

殊 先 生語 夫。 莫如 枅 日]:「看: 此 過了 公意思 日 月 可可 好 惜 , 但本 原 處

汪德輔

汪德輔,字長孺,饒州鄱陽人。

備遺

德輔言:「今人看文字義理,如何得恁

文云 言。』嘗愛此 殆 底 終 通 枉 不 透 不 夜 用 細 渠 所謂 安。 : 密 不 心 寢 錯 0 尹 自 尹 思思 以 思 先 於六 有 語 和 思 了。 生 而 受 説 , 靖 日 經之書 不 無益 用 得 孔 : 讀 學 處。 好 子 得 只 則殆」,殆者,心陧 ,不如學也。」正 説 伊 是 但 吕 . 耳]] 和 不 堅 説 靖 順 吾 曾 中 却 話 心 嘗 仔 作 欠了 通 煞熟, 終 細 尹 日 讀 墓 謂 如 思。 不 那 誌 誦 這 雖 杌 食 己 祭 危 樣 不

姜 大 中

姜大中,字叔權。

備遺

氣 象 先 但 生 叔 日 權 : 天資 長 孺 慈祥 叔 長 權 孺 全 資 似 禀 江 粗 西 厲 學 問 失

於太快。」

説 道 也 叔 相 權 話 理 香 似 皆是 只 恁 長 鈍,不是箇 叔權 是慢 地 孺 横 爲 也 正 酒 後 是 慢 好 箇資 所 跳 思 撥 得 使。 躑 量後 着 他 他 質 便 這 方説 好底 也 轉, 般 無 人 挑着 人, 得。 奈 相 他 正 處 若 便 何 如 ...是 省底 0 吴 但 長 長 公 叔 孺 於 權 濟

夫,須要静 敬。」又云: 之書如此,凡 所 疑,先生日 先生 問問 長 長 説話 :「只是輕率。 孺 孺 所 及論 氣 讀 粗 何書, 一, 故 人物 不 亦如 長孺 公不惟 仔 細。 此 誦《大 只只 讀 爲 聖賢 今工 是 學》 不

能 叔 如 意 權 此 感 汪 之静未是至。」曰 而 叔權自言終日 則 德輔疑 遂通 不 須 天下之故 其已至。 説 格 物 無 致 否。 思慮, 先 知 固 生 須 是。」 有 間 是 寂 : 窮 只問 然不 理。 如 此 若 動 他 還 之 只 則

劉學 雅弟學裘

孫。 邪,斥辱權 馳騁 劉學 雅,字正之,建 東 要。罷 西, 爲 歸 諸 田 侯客, 里。 陽 人,觀 己 而 以 文子羽之 憤 世 嫉

學者, 州 散大夫。 秩滿 學裘字傳之, 時 召 至,爲 還 0 後 解 知 以 説 撫 疾, 州 義 累得郡不 理 刻 之學。 規 約 于 赴,終 移 學 以 知 中 邕 示

劉學古

嘗爲臨桂縣令。弟學博,俱從文公游。 劉學古,玶之子,屛山之孫,文公婿也

備遺

至。只在把住放行之間爾。」人,則上面煞有等級。做不好人,則立地便莫説無妨』。若道無妨,便是有妨。要做好莫說無妨」。若道無妨,便是有妨。要做好

丁堯

志爲己之學。從文公遊,而與蔡季通友善。丁堯,字復之,崇安人。篤厚慈良,有

早卒,文公記其墓。

周元卿

備

遺

讀也。」 在别處。 書上、半板後忽然思量 「此最不 元卿問:「 可 。 如 何得心只在書上?」先生 所 着心讀書,有時半板前心在 謂『不誠無物』, 他 事。 口 雖讀, 雖讀猶不 心自 日

李 亢 宗

公稱之。 學,服習儉素,儼然一儒生,無貴介氣習,文學,服習儉素,儼然一儒生,無貴介氣習,文本元宗,字子能,泉州南安人。刻志問

包 約弟揚、遜

既 道 而 一説 從 建 句 **>** 約 昌 文 卷。 公 南 字詳 游 城 道 揚 嘗 兄 揚 弟 録 字 文 皆 公 嘗 顯 一論 學 道 文 于 之 陸 遜 語 子 字 静 爲 敏

備遺

者 其 陷 日 心 溺 仰 聖賢 其 先 而 生 周公思 12 思之,夜以 之心 曰 劉 : 子 兼 直 今 澄 是 顯 輩 王 繼 如 道 便 日 以 此 輩 是 幸 施 便 以 而 几 是 務 得 事 以 求 其 之, 清 博 坐 虚 雜 有 以 寂 不 陷 待 合 溺 滅

欲 與 經 蔡 誉 季 通 顯 被 道 罪 大 詹 言 元 善 禍 爲 福 調 已定 護 先 徒 生 爾 初 勞 亦

> 擾 知 先 局 如 生 嘉 何 之, 且 云 : 顯 道 説 得 自 好 未

見 所 與 而 般 顯 先 復失之 道 生 講 蓋 曰 論 . 熟 耳 ____ 處 詳 竊 難 恐 道 忘 資 却 禀 與 所 篤 去 驟 實, 歲 聞 未 者 誠 相 所 未 見 愛 能 時 重 所 遽

所 盡 道 閒居意 答敏 品 道 品 味 日 殊 覺 : 不 欲 寡 淺 承 過 喻 自 而 粗 許 未 心 能 如 浮 耳 此 氣 他 剥 人 落 復 何 向

然 從 故 家 堯 志 屈 之 朱、陸 舜 其 庭 致 爲兒輩言之, 氣 者 伯 家 真 所 德 造 仲 塾 明 略 秀 益 自 白 不 先 君 跋 以 相 切至 少 生 首 顯 超 師 衰 游 以 道 次 当 友 聽者 夫子 得 論 講 稠 切 今 諸 人 義 人 劘 忻 之 年 性 傳 尝云 廣 講 然忘 志 之善 授 坐 貫 學 + 者 倦 音 有 壯 既 紹 孟 所 定 吐 老 甚 八 子 蓋 以 清 矣 的 如 之 君 可 丑. 爲 尚 早 而

方

未弟禾

縣 陽。 江 文 祠 以 來、禾皆自教之。 公 縣 中 灩 名曰「樂 ·, 遣 謁 邑有 乾 田 方耒,字耕道 道 張 吏 茅 兄 中 敬 一一一一一一 將 弟 神 登 以文 夫。 軍 杜 0 第 門 祠 家貧 官 而焚之,其害 耒 調 莆田 力 終 始至 愚 善 學 宣 民 化 一. 奉 人。 歲取 ,牒諸保, 教 母 尉 郎 而 典 少 歷 人子 遂絶。 見 , 孤 衣 知 知 文 不 其 福 聚 潭 公 女 足 弟 藁 殺 于 州 復 州 于、 於 連 大 以 攸 建 繼

一章。禾佩服終身。過修己之方,莫切於《論語》「弟子入則孝」禾,字耕叟。同游文公門下,公語以改

備遺

失」, 思 能 舍此 亦有 常 但 彝 身 不 程 耳。 一,正謂 謹 内内 恐 切 欺 各 言 何干 操持 先生答 之於微,不 憂 正 之 有 外 彼 謂 太 類 自 動 Œ 涉 高 耳。 則 則 然 息 放 衣冠、一 乎? 耕 而 爲 雖 之 9 飯 道 不 此 難 使 失 理 則。 流 書 過 等 前 踐 其 至 窮 歠 曰 思 是 書 玄奥 雖 於 序 若 9 則 慮、莊 此 形 所 而 耳 是 不 「向者妄謂 非 問 論論 數 謂 顯 細 於 所 無 事 若 微 整 此 則 捨 極 謂 监 日 齋 善 顯 出出 然 切 其 用 決』之類 肅 何 過,憂小 微 問 根 人 工 自 理 以 夫果 而 有 於 於 不 立 加 近 我 是 秉 慢 規

721

三五

考亭

淵

源録卷之二十

蘇 宜 久

備

是 理 會。 箇 難 宜 久 理 詩》、《 問 會 底 欲 書 卒急 觀《易 * 執 看 禮 未 皆 得, 先 生 雅 不 日 若 言 且 也 $\overline{ }$ 未 易 看 要

了 來 聖人教人,不過 只得 且. 理 會《 書 此數者。 **%** 理 會《書》 公既 理 了 會《 便當 詩》

若 理 一會《禮 且 買 **%** 本 **^** ^ 禮》 温 之爲 公 書 儀 \approx 浩 歸 瀚 去 難 仔 理 細 會 不不 看

水

耳。」

《易》 不過 只是許 多 路 徑 節 目 自 然 漸 次 理

遺

陳 希 周

備 遺

希 周 請 問 讀 書 脩

學之

門

日

所

謂

家

有

治

不

同,

方 家 讀 然又只是一 道 處 書 者, 方, 理,居官有居官道 只是 小 處 箇道理。 要 小, 理 大 會 處大, 這 如 理。 箇 水 道 相 然 雖 理 似 然 亦 遇 頭 只 治 是 員 面

鄭 光 弼

鄭 光弼,字子直

處

員

箇

備 遺

得 得 以 不 讀之,所以蓄自家之德。 日 在 多 些子,便搬出做 裏面。 書, 識 先生謂子直曰 義利之辨,正學者所當深知。」 前言往 便 做得許多文字, 如 此讀書,終 行,以 那邊用。《易》曰:『 : 蓄其 「書雖是古人書, 却不是欲這 不干自家 德。」公今却 馳騁 跳 躑, 事 邊 是 君 今日 心 又 都 讀 子 讀

任 忠 厚

任 .忠厚,字正甫,遂安人。

備

遺

先生謂正

甫精

神

專

0

鍾 唐 傑

鍾 唐 傑 宜 春 萍 陽

備 遺

量。 窮 理 若 唐 便 傑 商 不 問 量 成 窮 持 理 窮 敬 持 理。 敬 便 0 不 須 成 日 **\$** 持 : 實 敬 此 理 事 在 若 不 題 商 用 量 商 目

閆 丘 次 孟

備 遺

謂 詩 恁 裏,公却 地 ,覺得心意 次 非 孟言 康 真 帖 節 樂 了 詩 也 快活 箇 云 飛 嘗 真 : 揚 _ 讀 樂 ※ 曲 底 日 真 便 :「他本 意 樂 不 禮 思 攻心 攻 × 在 心 ^ 上 遺 不 平 面 如 奈 書 鋪 顔 何 地 口 子 説 康 知 之 熹 是 在 節

元

昭

備 遺

塘。」 尤 人 元 用 句: 理 詩,與賢説 如 不是, 何 知,安排 許多言。 昭 之 以 ? 元昭 既 先 類, 道 幾 + 生 如 語 佛 詩 度 節 話 餖 何 顔子當 元昭: 老之非, 獻 風 節 日 便 飣 又異。此只是要鬭 · 詩 霜 : 推 到 出 「言其 之。 此 來 猛 各以二字命 時 「且要虚 ? 推 又 不 便 先生指《 無 折 却 直 曾 不 止息。」 流 要 是 如 心, 依 撞 於 此 前 佛 破 勿 末 題, 立 勝,知 春 日 老。 篇 要周 天 此 命》 : 草 門。 只是 極 如 滿 詩 道 觀 此 遮 致》 要 前 實 安 意 此 池 兩

是

肚

裹

有

許

多

見

識

道

理

攪

得

恁

地

口口

唤

塗

之人爾。」日

:

塗

人

却

無

許

多

病。公

正

樂,何嘗恁

地

0

日

:

次

孟

何

敢

望康

節

直

此

來

又

舉《

曲

禮

》成

誦

先

生

日

但

曲

禮

無

許

多

HL

唤

日

次

孟

氣

不

足。」

日

非

氣

不

足,乃

氣

有餘

也。」

0 字一 原作「句」,據《朱子語 類》卷 百二十

日説話如彼,今日又如此,只是説話。」

益 及 這 裹 是 於 成 夫 亦 不 與賢 ?! 日 一, 反爲 説 邊 曾 實 相 誦 不 實 可 通 話 亦是 。」今之學 仔 處 兀 讀 説 日 不 細 用 昭 所害 話 方 又 無 講 講 Ι. 告 玩 可 限 究。」日 仔 夫。」 却 究,最忌 歸 齊 物 每 書 者 細 似 喪 棄了。 嘗 然 大 觀 先 扶 少 日 志 觀 亦 : 間 來 醉 : 生 須 書, 「大意 抵 流 埋 漢 學者若 只是停 皆然。 量 日 只 平 於一 多 没 力。 是 : 生 於 救 只 古 廳廳 偏 只是不 其間 理 得 歸 合 埋 不 若自 如 會 除 理 攤 理 以 今人 明 不 邊 會得, 會 布 大 去 何 家 道 實 文文 意 魔廳 爲 讀 力 倒 惟 使 日 義 表 當 工 無 不 聞 中 T 元 便 :

遠 只於言 自 先 生 覺 問 此 行 元 心 上 昭 不 點 實。」 : 檢 近 便 日 來 自 : 頗 實。 但 覺 不 得 今人論 要 如 窮 何? 高 道 極

> 復 仁。 作 否 過 蓋 是 高 無 本 動 手 之 事 只 天下歸 禮 一十一。 · 怪 ? 行 字 脚 皆仁 論 就 下 人 外 而 手脚處 纔 舒 能 上 處 理,不 視、聽、言、 是末, 浙 更不 蕩 見 包了, 制 州 中 其 是 然 仁」,只是天下 夫子 其 有《 王 説 論 也 無 管, 此 但偏 外 蘋 非不 守, 事 便説 ,今人須 不 語 對 信 却 動 心 ; 曾 則 説 流 録 顔子 只説 伯 便 云 上 好, 天下 更 可 类 存 於空虚 親 不 _ 理 以 出 於 克己 要 吾 但 類 實。 見 會。 心,不 與 中 養 歸 $\overline{}$ 説 正 無 伊 非 八其仁, 其 專 異 9 復 形 天下 凡 其 外 不 111 禮 内 端端 教 説 禮 無 來 説 思 心 面 更 勿 之説 身。 人 程子 之目 影 慮 儘 制 不 思 皆 後 古 以 之類 於 有 一條 説 有 是 全 歸 來 其 天 云 過 外 克 此 設 内 亦 無 吾 説 下 且 言、 皆 己 理 則 教 是 事 歸 只 下 如 至

黄 立 之

備 遺

時, 覺見有惺惺底意 立之問 「常 於 事 思, 物 故 未 其 來, 應 變 思 接 慮 物 未 萌 雖

動 ,却有不動之意存。 未知是否。」曰:「 應

外, 變接物,只要得是,如『敬以直内,義以 此可 以盡天下之事。 若 須要不動, 方 則

當 好作事處,又傞過了。」

黄 達 子

備 遺

達子言思不能精之病。 日 : 硬 思 也

> 李 伯 誠

有

得。」

不

得,

只

要

常

常 提

撕

莫放

下,

將 久 自

解

備 遺

伯誠曰:「打坐時意味也好。」先生曰

了。 坐 物樣,待他要去時硬挽將 時固是好,但放下脚,放開眼,便不 須是臨事 接物時 長如坐時方可。 轉來,方得 如挽 恁 地

丘

珏

丘 珏, 字 玉甫,邵 武 學禁嚴, 珏遂

謝

場

屋。

備遺

做 是 做 決 過 他 掛 如熹文字説話,朋友想都 行之於身,方有得力, 箇 如 不能 ,所以 自 使 時 然 在 做。 此 食? 便是 有時。 見得 理義邊 玉 甫 須知此 己 既看過,依 夫全在 作别 也。 未嘗 自 也。」 頭,不 然所謂 不以爲渴, 清益 理在己 今學者自 離、 又 人,人 · 曾 曰 不 時者,不 舊 真 可 只 不 不 却 日 如 箇與之爲一。 相 不以 學 在 如 可 聽 曾 : 何 者 捨 見之, 舊時,只是 得 可 只做册子工夫。 人,得之於心 强他使飲 此 爲饑, 處, 等 肯 頑了 道 做 候 便 理 想只是看 , \mathcal{I} 自 只 如 不 儘 夫, 自 然 將 何 須 曾 説 强 肯 是 而 想 着 身 真 只

江 元 益

備遺

人德只是進 元 益 問 得底 人 德 日 且 : 如 仁 德 義 者 禮 己 智 之 所 自 自 家不 有,

得,便不是自家底。」

元益問:「門人勇者爲誰?」曰:「未見

勇者。」

林叔和

備遺

工夫,無歸 叔 和 别 宿 去 處 0 請 教 如 讀 先 書、 生 應 事 : 接 根 物 本 固 上 當

聖賢言 看 心 好 用 主 不 功 且 出 葉 0 似 語 正 不 明 未 讀 則之説, 識 日 却 書,不 又看 字 只 底 將 看 應 來 先 將 證 生 事 來 本 接 看 他 日 文 去,道 説 物 熟 時 讀 病 平 凡 理 在 如 讀 看 自 先 何 書 出。 ?! 林 立 今 須 論 日 虚

鄭仲履

備遺

闕 節 小 其 H 處 疑 處 看 先 生謂 不 看 則聖人之意可見矣。』」 知 諸 程 經旨 友 子 日: 有 初 言 不 「仲履之學, 如 平 此 其 心 觀 書 只管從 易 當當 其 從 氣 大 小

郭叔雲

郭叔雲,字子從,揭陽人,熟於禮學。

備遺

言 成 事 物 有 理 都 理 致 非 從 至徹底 無 叔雲問 知以 是 知 今日 何 心 處 但 : 處。」又云: 格 言 下 不 爲 物 手?」曰 能 學之 推 明 日 而 初, 「 致 致之耳。 又致 : 「人箇 在 知格 知 乎 格 物, 箇 格 格 物 有 物 只 物 知 是 以 是 物 格 理 不 物

就 自家身心 先 生 教 上 叔 做 雲 工 夫,自 爲 然 學 有 切 所 須 得 收 斂 端 嚴

馮 德 英

備 遺

己,看 友。 好, 只 是 事 多 恁 自 不 家身己, 爲 不 都 關 地 家 自 只看 去取 是 這 己。 可 見 先 做 只是要 家 都 生 這 甚 又 如 家合 是 爲 友, 自家去從 與 今 物 事 識 何 己 徒 德 有 事 人説 也 都 得 會 做 底 然 英 人 是 不是 只 甚 曉 苦學者 底 是 説 説 自 道 是 師 麽 事 得 爲 如 渞 家 要 爲 ? 人, 也 己 何 合 如 也 理 别 會如 爲 看 不是要 世 自家 此 做 他 會身己。 人, 道 他 方 上 底 大 此 直 理 雖 可 如 H 又 事 甚 是苦切 不 理 做 此 有 恁 不 要 得 會身己。 爲 曾 若 幾 只 如 地 如 X 好 學 是 苦 箇 説 看 人 此 不 漫 者 喫 ? 定 事 自 道 朋 亦 爲

> 如 歸 主 飯 此 這 是 要 爲 是 錢 自 學 爲 使 家 甚 如 肚 在 如 何 饑 外 會 此 面 定 無 所得 百 是 只爲自 方 要 做 喫 計 家 又 身 如 錢 E 人 事 也 要 做 若 將

家

林 仲

備 遺

拙 家 高 底 自 淨 椅 Ш 桌 修 掃 曲 仲 。』前人只恁 在 參 地 水 貧 問 屋 便 下 下 女好 不 坐 學之要受用 是 • 梳 受用 地 便是 頭。 説 底。」 了 受 下 用 處 士 舉 晚 先 詩 若 聞 生 貪慕 云 道 曰 聊 外 貧 面 放

0 椅桌」, 原 作 「倚卓」, 據《朱 子 語 類

劉 淮

全不

聽所

説

胸

中

殊

無

主

宰,少

間

只

成箇

狂

須

静

聽

説

話

尋

其

語

脉

是

如

何

向

强

辯

妄人去。」

備 遺

之書; 不是,待 淮 虚心下 求 得 教。 П 氣 日 推 以 : 出 讀之, 熹 無 П 且 别 新 便是 看 法,只是將 這 箇是, 進 處 聖 那 滋 賢 不 箇

味 然 只只 如 是 何 責得他 外 面 事 只管 做 出 去,不 見 裹 面

許 敬 之

備 遺

未 曉 理 敬 之 亦 侍 無 教 害 説 屢 經 與 未 言 得 不 其 合 意 先 亦 生 無 日 害, 且 學

> 劉 淳 叟

備 遺

得 自 夫。 曰 不然。 : ,便自然該 持 須 淳 熹舊 及 有 叟問: 應 只 讀 見 是 事 書 貫 李 時 動 之 先 箇 方 敬 静 生, 時, 敬 讀 於 字好。 書 心 應 嘗教 有 無 時, 事 虚 時 令静 静 覺 讀 方 不 之 得 存 書 無 坐, 時 時 無 事 0 静 敬 後 時 先 於 底 敬 來 讀 生 於 看 工

物, 物本不可遺。」 先生見淳叟閉 坐 間有及劉淳 叟 事,先 坐 生 日 . 示不 意其 要 遺

目

日

淳叟待

變常 輕 付之公論,公如 薄 大謬,熹 處。 至 此 然其 因 向 詰 初 時 何 之云 間 來 得 深信之,●畢 相 如 : 見 此 若子 説 極 他 \Box 静 ? 説 竟自家 學 陸 此 術 亦 子 静 唤 見 自 做 他 當 之

不

知

人。」

言 學 作 今見 壽 情 怪。 道 對 者 不 家 語 得亦有 鮮 先生云 足 打坐。 不爲 聽 而 淳叟獨 此 : 亦 大姦 樣 被 有 辨 人。 熹 去後面 慝。」 數 女好 馬 云 論 年 熹 每 之 向 謂 : 角 常 年 長 便 頭 嫌 過 是 坐 事 何 此 江 熹 之不 都 句 故 西 與 不管, 過 恁 陸 與 近 當 子 地 丈

陳寅仲

備遺

祭文 其 後 地 只 薄,每事 過 正 無能底 是 來 於 己 至 云,其 又去 此 教 陳 輕 寅 他 仲 正 薄, 只説 便語他 合 己, 問 先生笑 權 有能 向 數 那 日 道 及其 到 : T 陳 他底。 底 那 云 同 正 狼狽 劉 則 裏, -: 父。 伯 心 淳 教 恭 誠 是 覺 也 叟 向 他 意。」 教 兼 方 他 得 前 立 甚於 是伯 資 其 他 功 見 質 做 意 名 他 不 陳 恭 本自 思 門 知 正 教 作文章, 夫 大段 是 己 他 撈 時 有 怎 時 攘。) 箇 輕 牛 陳 也

❶「其」,原作「熹」,據《朱子語類》卷一百二十改

戴明伯

備遺

非 聖 谿 磨,呼唤得 是自家本有,但如今隔 却 之心之理。● 人之言 只要自得 明 如何 伯 即 請 ? 歸。 若 聖人之心,聖人之心 教 不若且虚 先 自 然 且逐段看,令分曉。 無一 生日 得 底是, : 唤便見之理 心 一隔了 且 讀書。 固善,若 將 ,須逐 即天下之 件 自 道 書 旋 得 如 理 讀 底 金 揩 古

備

遺

徑約之弊。」❷ 是所守者淺狹, 有 横説直説,皆是 學,只是要約, 向 處,臨事 而 牽合無謂 詳説之,將以 務博而 元 明 盡是鑿空杜 與鄭 不能反約,讀得書多,左牽右撰, 處。 子上同 更不 只有些子道 此理,只是不潔淨,不切要, 反説 沈 叔 撰。 務博。 約 晦 見, 也。」 不讀 至於吕子約,又一 先生 理便守定了 本來 今江 書,不教人,只 曰 雖 西諸 : 有 些好 人之 博 ',亦 學

徐琳

徐琳,字元明,括蒼人。

徑約一、《朱子語類》卷

百二十作「不博」。

^{■「}之人之心」、《朱子語類》卷一百二十無此四字。

孫吉甫

備遺

程 年, 名節 作 便 會 嘗 滚 底 底文字,君臣之間,把這文字做一件 風 説 理 清 來 有 氣 俗 以 得 會 箇 虚 習。 滚 如進士舉,是隋煬帝 先 滚 至 也 道 發 底道 人 去, 生 不 來 或 要如 理 明 日 且 理會 一初,皆! 自 滚 如 理。 得 : 如 然 去, 此 看 此 聖 兩 清 如 到 是 變來? 賢 如 漢、晉、宋、隋、 亦 虚, 吉甫書, 此。 得 崇 道 何 是 只 陳 尚 上 理 到 漢 是 隋 ? 文 本 面 做 末 只 見 相 辭 朝 是 諸公那 出 以 名 日 得 與 程 其 來 後 節 : 做 是要做文字 鄭 唐 先 之極 風 都 至 子 趱 周 生 俗之變, 風 唐 大 般 不 上 將 子 出 俗 纖 事 \equiv 便 問 理 來 來 豔 變 何 百 理 會

> 當 所 及 明 落枝葉,務 胡安定出 復、石 以 楊 周、程發明道 劉 守 時 去理 道、 又 只是 李泰 教 會政事, 理 理 人 伯 出 作 會 以常夷 來 文字。 治 道 思 非 齋 學 甫 漸 問 人之力也。」 到 諸 范 見 漸 人 文正 於 得 漸 用 近 漸 裹。 處 孫 刊

經 史 一諸 杜 游 子 皆 字 有 叔 論 高 辨, 金 名《粹裘集》, 華 人。 譮 字 凡 幼 高 自

備遺

先生謂叔高曰:「學貴適用。」

魯可幾

備遺

先生謂可幾曰:「事不要察取盡。」

子顔

徐

備遺

喜。 令人 若知 、敬歎 先 生 此 日 心 日 子 此 用 理,端 工 顔 夫, 室 的 精 蕭 在 進 然, 我 如 此 有 則 , 尤 以 參 自 前 爲 樂, 倚 可

衡,自有不容舍者。」

知所見如何。」 或問子顏,先生曰:「

其

人有守,

但

未

郭

植

郭

植

,字廷碩,廬陵人。

備遺

先生問:「廷碩今如何。

富貴 曾到 謝尚 舊 者少。」又説 |爲學。| 湖公之家,類然在敗屋之下,全無一點 書 氣 也。 和易寬厚,也煞朴直。 日 難得。」 : : 賢 楊 江 誠 西 齋 廉 人,樂善者 介清潔,直 ? 昔過 曰 : 多 湘中時, 也 是 知 只 少。 學 如

考亭淵源録卷之二十

三三八

考亭淵源録卷之二十一

陳址

泉 即 公,公悲其賢而 州 有 南 志於學。 陳 安縣鹽 址,字廉夫,莆 以祖 税 不克就其志也,爲之誌其 卒 正 田人。 獻 年 公蔭,授 十八。 厚重 承事郎 嘗學於文 明 敏 自 壙 監 幼

程次卿

備遺

次卿自述:「向嘗讀伊洛書,妄謂人當

事 世 莫 閒 若 之聖,也只是好學。 只 不 隨 語》、《孟》之書,皆 上 塊 事 思 時 接 無 事 須先理 大事小事都莫理會, 然守自家軀殼, 量 不 事 時 而 思 皆 思 而 這 思 量 不 却易, 會,知得了 可 視 義 則 有 理 時 是 所 便 到 只 紛 思 思 一齊不消存 若説 守 直 紜妄 臨 明 所 此 到 事 方做得 閒 如 想。」 謂 有 聽 而 此 時 事方思, 思思 句足矣,六經、 時 思 却 都莫 先生 便 已無 、行得。」 得。 不 都 思 出 八思量" 無難者 日 聰 以孔子 閒 及。 其 時 位 視 若 則 都 聽

吴 伯 英

備遺

持 敬 更 伯 須 英 問 向 持 前 敬 進 之義 步 先 0 問 生 如 日 何 : 是 且 進步 放下了

三四〇

曰:「心中若無一事時便是敬。」

譬 虚 而 如 不 心 得 人 伯 其 食 裹, 英 物 味 講 玩 書, 滋 無 味 益 味 先 道 也 盡 生 理 在 不不 因 裹 曰 可 面 : 只 若只 凡 説 人 得 舐 讀 皮 噬 膚 書 其 須 外

江 文 卿

備遺

緊處 文字。」曰 云 T 文 如如 文 那 卿 卿 許 今方點 : 博 五 多 識 + 也 都 群 年 火 不 有 焼。」 書, 前 妨 用 枉 0 因 費 如 如 感先 許 今 七 多 若 年 生之教, Ι. + 理 夫,記 載 會 積 得 自 疊 這 許 多 咎 得 要

從之,多見而識之。」今却 先生謂 文卿 曰 : 多 ·無擇 聞 擇 善 其 善 着 者 聖 而

> 模樣 轉 許 自家 這是 過詳 詩 興、 者。 公 又 漸 人 云 \mathbf{E} 自 前 擇 多 漸 : 如 受 固 本領 許 善 有 他 覺公意思 走 東 今 公 流 命 方 有 便是 多 説 精 如 上 坡 所 之祥 所 有 是 不明。 工 得 説 處。 來, 説 讖 理 説 看 辨 夫 事 好 緯 話 書》, 都 别 不 如 尚 如 處 然 自 如 亦 若 是 車 後 固 説 非 遺 河 放許 却 不 都 却 理 字 如 多 水 人舉 ~ 以 妨。 乎 啚 易》, 程 不 會 是 有 不 相 是 理 多 吾 記 先 得 好 是 字 從 洛 似 爲 不 要 所 生 原 得 説 處。 而 書 先 就 公今 下 轉 這 又 自 看 頭 甚 與 廢 便 他 滚 般 都 禪 正 性 家 恨 元 如 之, 轉 知 説 所 是 學 説 將 子 鳥 命 看 到 套 得 在 幾 亦 者 生 全 帝 去。 更 理 讀 得 見 過 中 句 _ 碑, 無 推 然 民 王 亦 便 看 間 之 之 惡 又 都 似 那 是 又 難 拽

^{● 「}碑」,原作「禪禪」,據《朱子語類》卷一百二十改

李 周

周翰

備遺

累。曰:「這須是自見得。」 周翰請教,屢歎年歲之高,未免時文之

文字使,此心便錯了。若剩看得了,到合説又問作時文,先生曰:「讀書纔説要做

做 話 人説得便了。 處 翻 便説 好,只是與自家全不相干。」 謄出 ,當不説處,不説也得,本來 來。 如時文也只不出聖賢許 且 如到 説 忠信處,他 不 也 多説 是 會 説 要

吴楶

吴楶,字直翁。

備遺

底 何 偏,未能 而 有病痛,也是白地上出黑花,此特其氣 大抵人須先要趨向是。 點,特其義理之不能已,與氣質之或美耳。 中有黑點,始可言病痛。公今全體都未是, 多,奈何?」日 病痛之可言? 後可以言病 直翁 雖有善, 盡 問 勝耳, : 痛。 : 亦只是黑地上出 學亦 要之白地多也。 設雖有 未論病 譬 頗 如 知 若趨 純是 善 痛 自 0 亦是黑上出白 **沙** 向 白 人 Œ 白 物 必 而 趨向不 花, 底 事 全 病 人,雖 了 體 禀之 却 痛 ·, 而 是, 成 正 猶

之, 然 此 亂 不 是 趨 者 志 則 只 也 却 傞 趨 激 激 耳 是 0 是 最 順 正 利 白 異 無 見 便 路 不 惱 欲 善 既 白 人 惱 调 事 始 如 濟 蓋 矣 志 情 人, 耳 得 地 與 趨 非 其 鄉 事 於 多 説 底, 如 志 夷 佛 然 非 里 蓋 心 義 FL 孔 狄 理 老 其 惡 可 而 又 如 志 門 志, 理 子 義 禽 愛 志 也 心 見 江 在 弟 他 獸 日 之人,自 實 終 念 0 自 也 德 於 子 人 亦 之徑 : 念 以 不 是 在 説 功、 利 從 亦 然 只 此 無 於 苟 欲 道 吴公 而 贵 ; 不 善。 在 推 惡 須 是 志 理 非 志 假 能 之, 先 利 不 於 肯 雖 之, 濟 理 有 他 純 世 拽 欲 同 仁 真 諸 義 不 有 善 善 但 也 亦 轉 上。 矣, 箇 志 未 者 事 平 從 只 有 了 志 於仁, 去 善 ? 多 世 自 是 無 便 利 而 亦 ___ 做 處 偶 之 胡 美 少 是 欲 惡 種 己 然

林士謙

備遺

是 之外, 美 不 起 仁者 論 ·, 相 如 讀 語 中 貫 此 士 起。 從『 更 得 不 謙 庸 有 其 初 學 大學》從『大學之道 從 미 自 爲 見 只 而 \neg 得 天 時習 摘 問 ? 智者 命 中 公此 之 間 讀 智 謂 得 起 自 問 性 其 兩 · * 得 爲 不 句 讀 孟 處 成 智 在 來 起 子 問 理 明 **>** 先 豊 將 會 明 熹 且 生 德 之 梁 意 去 日 脉 法 讀 將 惠 智 :

林 恭 甫

備 遺

恭 甫 問: 「《論 語》 記 門 人問 答之辭

堯 **>** 篇 乃記 堯、 舜、湯、 武 許 多 事 何

那 也 道理。 ? 曰 譬如喫 不消恁 飯 ,碗中盛得飯,自家只去 地 理 會文字,只消 理 會

喫,看 《堯日》 那 篇,熹 滋 味 如 也 何。 嘗 見 莫 要 人説來, 問 他 是 從 夫子 那 處 嘗 來。 誦

述前聖之言,弟 子 類 記 於 此。 先 儒 亦 只 是

外 面 重,讀書須去裏面 理會。」 如

此

説

然道

理

緊要却

示

在這

裹。

這

只

是

符

叙

符

叙,字舜

功。

備

而

遺

暇 者非 聖學 守之」, 亦亦 敬 始終之要。 先 將何以 則 生 無 答舜 以 夫不敬之人,其心 守。 察夫大體而知之也?」 功 若曰『先知大 書 未知 日 「嘗謂 者 非 敬 顛 體 無 敬 倒

符 初

符 初,字復仲。

四

以

知

已

知

繆

亂

而

後

敬

以

之一

字,

乃

備遺

間 不 丈 有 便 見 舍 須 П 誠 多疑 未 去 書 先 有 盡 生 口 其言 難 一、舍未 多 答 也 釋 問問 復 明 者 向 仲 當 盡 却 後 書 轉 但 者, 見 且 迷惑 意所 云 就 不 得 : 此 親 解 也 疑 持 向 切 有 以 守 過 所 爲 却 當 喻 近 自 看 也 見 利 舊 義 者 功 事 利 見 之 陸 只 即

深 書 易 明 且 讀 讀 而 處 **^** 難 讀 易 曉 之, 傳 乃 須 甚 兼 有 佳 味 論 耳 但 \approx 此 書 孟 \Rightarrow 明 及 白 ^ 詩 而 精

符國瑞

備遺

先生答書云:「辱書具道爲學之志,又

見 本 飭 **\$** 躬 叔 處 或 流 且 言 於輕 當 曲 勉 折 妄 力, 而 甚 反 未 善 失 口 0 之 便 既 也 肆 有 虚 此 談 志 厭 則 末 窮 求 理

吴英

吴英,字茂實,邵武人,紹興三十年進士

備遺

前 夫, 足 今方 友 有 大 得 往 止是 力 不 徧 先 深 往 處 同 生 省 以 亦 講 告之也 與 而 只 却 却 論 茂 痛 如 於 文義 方要 懲之, 實 此 日 書 用 做 理 陸 云 以 亦 工 T. 會 子 : 爲 夫, 願 夫, 講 壽 積 與諸 近 學。 兄 全 所 集 來 弟 少點檢。 以 義 口 自 其 近 多 理 志 覺 徒 日 不 勉 有 議 久 向 焉 得 諸 曹 當 時 論 7 與 幸 朋 自 工.

情 之、萬正 性 持 守上 淳者來 用 力,此 相 見 氣 意自好。 象皆儘 好。 却 是 於

葉永卿

備遺

皆陽 望 夏 須 兩 此 自 正 商 一,交 作 秋 巽 在 先 伯 (、姤 圖 冬、晦 中 矣,來 將六十 ; 先生答永卿 相 而 間 之大 右 博易, 而 但 方 先自 順 朔 從 喻 四 百 指 行,以 弦 亦 頭 而 掛 也。 九十二爻,本 震、 望、 推 至 成 作 書 得 尾, 此 至 復 又 云 畫 行 圖。 一於坤 横 左方 而 夜 則 然 「先天 却 置 香 此 若 行 百 日 皆 便 則 等 不 皆 九十二爻, ,皆有次 成圆 未 以 震 之説,昨 類 從 陰, 能 至於乾 、巽、復、 皆 中 圖 究 乃 不 起 其 以 以 Ė 可 第 而 藴 通 對 本 春 乃 遇 報 向

矣。試用此意推之,當自見得也。

黄孝恭

黄孝恭,字令裕

邵

武

備遺

擾 當 幾 本 有 -,豈别 自見。 不 有 真見之期。 寧,終 得。 先生答令裕 是一 然 若一 無 亦 物? 可 向 須 此 得之期矣。 是虚 如 書云: 只是急迫 此 但 急迫 心 日 示 游 用 意,積 中 則 喻 之 隨 道之 方寸之間 病。 事 其 觀 大 功 道之大 力, 省, 本, 庶 未

不在如 之,使其 收 此 優柔 書 迫 雖 切 漸 見 也。 漬 向 有以 道之切, 《大學》文 自 得 然 義 乃 更 通 爲 宜 貫,所 有益 寬 以 正 正 居 不

説 焉 難 得 乃 見 行 9 爲 須 有諸 未至,未當得工 更 反反 己 復, 耳 要 見 若 只 下 夫 ·手用 如 也 此 安 力處 排 布 而 置 從 П 事

曹晉叔

曹晉叔,建安人。

備遺

未 字 實 近 教 見 耳。 人 安,擇之説 要想象思量 於此 近 先 處。 生答晉 雖 體 有 此 未 亦 質, 能 叔書云 出 乃 有 如 仁 是言 Ē 病 此, 體來,則 須 0 : 實 竊 如 只 下求仁 此 原 近 守 仁之説 之 聖 却 恐 人 人,於求 無 剛 工夫, 之意 是 毅 理 木 來 也 訥 仁 乃 非 喻 四 可 爲 是 古

林戀

林戀,泉州人。

備遺

然 推 之棄 得 俗 以 足下之所以自 高 也。 之士 後 異 所 己 矣,然類多採 聞 者。蓋 於 知 也 必 先 也。 世 其 以 生 木 一答戀 講 俗 心 是以古之立言者,其 傷 有 知 學 ,而後之讀之者,知 今足下之詞富 此 間 木 以自得之,則其 書 得 摭 也 則 里 云: 者 先 知 儒數 何 亦 足 所 如 學之道,非 甚 下 以 哉? 家之説以就之耳。 改之, 善。 自 矣,其 强 見乎辭 辭 夫子 其卓 甚善。 矣。 記 粹 主 汲 然,不 日 所謂 意 熹 然 汲 者 乎 立 所 非 示 説 德 世 期 非 望 教 喻 辭

於足下者在此,足下勉旃。」

戴邁

備遺

明 書 以 非 下 以 説 心 所 其 熹 及 將 爲 授 獨 之 存,若有所蓄 中, 説 之 諸 得 期足下可 口 先 任 其 生答邁 與 生,諸 夫 信 所 望 門 學 也 所以發之者矣,甚 而 抄 其 期 手 足 四 生方愕眙 容 弟子 ,共進 書 以 下之過 抄 大編示之,託 色,接 積, 自 $\frac{-}{\Delta}$ 口 相 於 : 得 而 誦 授受, 此 之而 未 也。 其 熹 不 而 道 得 議 來 知 心 其 此 夫 論 此 所 慰 惟 及以《論 名《經端 所 其 執 向 人知之不 所 之。 得 而 以 非 經 望。 知 足 而 發之者。 熹之任 南 熹 足 足 下 語》之 面 下之 今 下 謂 於 知 獨 則 辱 衆 而 足

> 之耶 以 有 爲 而 下 自 ? 足 E 具 無 其 ? 下 得 下重? 足下之爲 所 所 其 之而 則 與 以 説 宜 於 然者報 後 而 無 我 不 己。 講 甚 汲 然 也 評 過,足 汲 足下 熹 雖 之。 於此, 今 雖 熹妄言之,於足 足 荒 幸 四 下勉自 下 而 察。」 落 編 自 熹之言 矣 且 謂 一求之, 尚 以 其 歸 能 亦 已 書 期 下 與 何 自 足 有 何 足 得

吕侁

備遺

則 能 也 如 是 0 足 知 下 顧 也 ,足下之所存, 先 之 不 生答侁 忍 能 抑 不 熹之官於此 其 以 大 書云:「 貧 而 自 不 誠 累, 忍 遠 惠 其 且. 禄 而 書 不 大, 細 求 甚 又 足 有 非 慰。 以仁其家, 以 非 熹 得 熹之所 所 所 於人, 能 守 及

下 則 而 甚 之 無 . 堅 善。」 以 其 副 足下 守 也 之意 貧 者 ? 士之常 敢 以 所 惟 聞 無 爲 易 謝 其 冀 足

柯翰

柯翰,字國材。

備遺

己 師 哉 夫 古 俱 其 友 嘗 ? 以 者 先 所 思 此 既 爲問 自 生答翰書 之, 以 論 得 師 求 爲 師 而 仁 友 師 友 而 非 之 耳 而 友 夫子告之有若不 如 云: 至 事 而 我 足 要, 之矣,然不 事 下 何 辱 之之心, 之説 有 蓋 焉 始 示 終 也 以 求諸 不 顔 贵 以 同 離 子、 此 自 爲 者。 己, 乎 意 外 子 此 則 推 至 由 此 貢

之,則二説者,初不異也。」

劉玶

劉玶,字平甫

備遺

省 政 美, 等不 滋 雜。 於吾身,計果孰 挽 事 弓、 況 所 既 惟 與 先 鳴 接 吾 損 非 此 廢讀 生 之以 琴、 多 徒 所 曹交處, 答 矣。 乎? 以 書 抄 平 時 養 書、 甫 親 亦 有 成 然 遇 或 最 讐 妨 德器 且 之以 亦 家者 云 急 校 易 幹 非 : 哉 之 親 也 其 禮 必 ? 猶 狎 0 類 講 絶 於 平 彼 學、 以 皆 又 而 之, 觀 ·甫試 將 比 近 驕 可 聽 幹 但 習 自 來 慢 且 思 蠱 吾 之 遊 傷 亦 罷 踈 之 清 德 從 此 自 心 外, 心 稍 等 害 此 如 不 H

足 雜 僕 連 爲 賓 酒 輩 外 炙 乎 古 ? 不 把 道 足道 以 臂 但 禮 並 欲 然 來 游 平. 平甫 者 對 甫 以 牀 自 亦嘗見衡門之下 禮 知 夜 接 語 而 之,亦 節 者 之。 乎? 嘗 此 有 留 有 不

黄 東第杲

杲,字升卿。 黄東,字仁卿,三山人,榦之兄也。弟

備遺

彼 有 觀 甚 分上 意 理 善 味 ,反復涵泳 先 斷 此 生 答 得十分的當,却 若便 經 古 卿 當 令胸 書 向 類 云 例 如 次 . 相 此 開 於自己分上 排 通 所 闊 定 示《 然 義 説 亦 春 殺 理 先 秋 貫 》大旨 一都不 須 正 通 隨 使 見 事 在 方

> 讀 急 切忌 得 其 抵 迫 平 箇 書法,亦是仁 不 田田 易 從容 合下便立己意。 論 廣 看 地 闊 活落 書 陿 方可 與 隘, 日 受用 卿分上 無 用 徐 處 川則 工夫, 徐 把捉 着 一變化 旋 亦 I 看道 皆 何 得太緊 夫也。 氣質底道 要 益 理 放 於 浸 開 T 事 此 灌 邪 心 理 非 即 ? 胸 培 也。 獨 氣 **\$** 大 是 象

沫之 濁 闕 兩 意官 知 世 助,但 所 「示喻 清 愧 期 貧 矣。 有歎 必 食貧之狀 如 甚 此 所 近,不 恨 恨 益 耳 自 見 謂 深 家 木 爲 尚 涸 法 歎 許 轍 之 息。 久 有 不能 也 傳 向 少 足 然 見 致 使 從 擬 濡 貪 官 此

吕 祖 儉

吕祖儉,字子約,東萊弟也。

三四九

備遺

平 濫 殊 後 不 論》、《孟》、《 之累 易 可 求 然其所以 者 精 以 先 生答子 研 泛 是 濫 味 以 從 而 中庸 受 刻 約 容, 無 苦 病之原,則 書 精 》、《大學》 者迫 深 云 約 探其旨, 之 「今人 切 功 而 當以 無 而 而 兩 讀 從 己。 無 者之病 書 序進 容 迫 務 之 切 愚 廣 樂 泛 然 意 雖 而

以 如 理 此 以以 妨 亦但當用 太 日 氣 培養之。 新之益 深, 質未化,偏 却恐有 力 也 於恭敬持養之地 不 害 必 重 清 反 明 難 復 和 反,學者之通 較 樂之 計 氣 悔 , 而 象, 咎 玩 剋 亦足 味 責。 病 義

廢 然 涵 日 養 用 工 本原,而 夫, 比 復 察於天理 何 如 ? 人欲之判,此 文字雖 不 可

> 間 講 談 貪 之病 權 是 萬 以 此 終説 物。」 謀 究 天 外 日 王 處 不 説 下 虚 裹 見 用 不 霸 去 得 動 今自家 萬 内 雖 亦 之 静 盡 矣。 將 與 物 分 誤 之間 臨 失, 彼 明 撓 乎 經 熹 中 , 己。 ? 一箇身心 則 風 自 世 證 亦 不 歎 事 然 相去遠 可 近 候 己 息 而 業 不 日 不 頃 立 而 己。 别 到 方 同 刻 不知 後 己。 作 得 不不 實 間 然 程 自 見 流 斷 安頓 得 箇 其忘己 子 能 得 人 底 面 説 伎 了 向 世 事 去處, 論 得 倆 日 俗 逐 書 商 天 支離 若 不 功 物 下 得 利 間 量 於 而

書,亦 程 己,便 文字,令此 子亦言:『心 何 是 孟子言,學問 益 箇 心全 於吾 無 知 事 體 要在腔 覺 邪 都 之道,惟 不 ? 奔 識 在 子裏。」今一 痛 册 癢 在 子 之人, 上 求其放心, 一,更不 向 雖 耽 讀 知 得 有 着 而

大 頭腦 子 約 本非外面 復書 물 物事 祖 儉 是 蓋 嘗深 我元初本有底。 體之, 此 簡

裹 間 惡 言 不 操 見 曾 也 認 是 所 處 其 其 T 驗 舍 多 得 人看 以 ? 放 存 日 日 於勿 歷 厥 放 辭 智 F 間 0 人 此 君子之道 息, 寂 舍甚 操 讓 者 程 歷 口 他 乃 忿 又 欲 生 子 然 能 雖 舍 忘 則 不 不 有 懥 是 謂 者 則 自 是 看 不 而 曾 勿 · 見。 」 用 、憂 14 非 静 是 動 日 做 : 未 省 動 助 實 鮮 力 知 我 0 智 驗 滋 能 患 几 長 見 這 不 處 出 其 底 長 T 常 端 間 静 大段 此 此 之 人 人 好 笛 雖 \Box 物 之着 常 箇 0 皆 認 體 實 百 義 汩 樂、 非 記 操 喜 亦 取 段 不 乃 信 話 不 姓 理 汩 實 得 存 不 恐 怒哀樂之未 也 昧 是 得 可 日 地 有 者 如 少 南 懼 放 蓋 見 矣。 此 用 過 然 操 者 何 軒 失 苟 認 得 話 1 亦 物 而 語 不 存 會 先 V 知 主 惻 日 平 不 不 不 得 在 默 久 有 看 生 月 主 腦 隱 此 剩 知 及 我 應 其 則 用 可 發 謂 做 腦 也 其 欲 手 酬 於 發 羞 不 IE 力 只 此

> 教 夫 親 亦 在 者 0 豊 我 切 無 非 0 是 朱 是 依 手 裹 我 據 我 子 縱 物, 答 元 亦 有 使 書 口 不 底 强 也 云 口 邪 把 留 : ? 若 捉 藏 此 得 是 愚 雖 住 漫 段 見 謂 説 大 如 亦 之 概 此 止 既 實 是 無 甚 敢 有 歸 襲 正 望 宿 取 物 指

知 朋 神 得 所 友 不 要領 〈憂之。 以 先 是 生 爲賢者 小 自 又 病。 做 答云 而 身 謀 每 每 主 得 世 年 子 一念之,惕 不 起,反 約 來 書 覺 得 輒 爲 然 復 文 日 自 恍 字 前 懼 然 奪 爲 尤 却 學 且. 不 爲 精 不

曹立之

備遺

先生答立之云:「録示陸兄書,意甚

三 五.

兄 新 非 之 道 説 日 目 意 折 佳 夕 之 二 云 輩 禍 也 思 平 以 大 功 仍 亦 近 云 概 白 却 爲 而 主 有 不 分 隨 比 似 南 先 冶 人 宜 明 舊 恐 時 漸 軒 人 萬 去 尚 不 立 有 有 頃 使 正 復 尚 臨 間 若 教 揜 學 亦 淳 以 疑 矣。 直 覆 111 者各 云 來 不 讀 貢 截 不 訪 得 自 秘 但 書 傳 剖 明 洗 當 不 藏 講 覺 夢 亦 白 判 舊 然 作 學 得 能 泉 處 以 習 便 爲 之 言 尚 書 者 滋 **\$** 以 以 充 意 彼 有 其 更 楊 今 進 故 塞 講 兼 惑 扣 是 眉 於 句 似 主 論 也 陸 日 昨 義 瞬 顯 此 舊 曲

得 各 亦 有 説 分 隋 一定 也 片言 明 其 所 之 隨 直 病 録 門 己 立 截 痛 示 分 户 定 而 無 修 以 門 箴 書 所 示 習 藥 户 隱 衆 之 甚 隨 則 秘 人 善 聖 己 則 0 口 賢 見 互. 又 至 但 之 自 觀 於 令人 所 書 教 有 逐 謂 曲 人 學 未 理 不 分 折 者 嘗 會 可 然 只 不 不 以

> 奇 遠 其 得 者 特 人 如 功 此 工 而 夫 力 别 也 淺 其 求 深 至 顔 不 恐 曾 至 亦 不 明 明 可 道 道 謂 與 見 此 不 古 爲 明 人 雖 道 用 不 心 中 則 底 在 不

諸葛誠之

備遺

售 賢 是,乃 正 理 欲 任 當 敵 往 天 雜 正 往 虚 於 下 先 欲 是吾黨之責 無 之公, 皆 其 生 心 身率 復 平氣 有 答 間 長 立 誠 學 而 決 少 我 之 者 相 之 不 自 書 與 之 至 節 是 云 於 熟 而 所 如 之 禮 講 天 向 賢 見 意 理 來 遜 而 者 子 有 厲 講 徐 之 之 静 而 未 究 色 論 容 所 平 不 之,以 之 能 忿 疑 日 以 際 盡 詞 蓋 所 也 口 嘗 見 歸 毫 如 以 自 對 於 竊 義

笑 觀 门以 言,至今常不 諸賢之氣 爲 正 使 方盛 真 滿 是 未 也 響敵 可 遽 亦 以 片 何 辭 至 取 如 信 此 ? 大 默 但

惜 愚 事 初 意 ? 無 情 彼 講 又云 所喻 此 論 纔 之間 義 有 銷 子 理 異 静 融 同 不 只 其 不 容 是大家 便成嫌 隙 至 更 者 深 似 諱 世 不 商 隙 者 俗 知 量 也 遮 不 隙 掩 尋 知 從 箇 П 所 何 護 是 諱 生 愛 處 ? 何

孫 應 時

孫應時,字季和。

備遺

表 裹 先 相 生 助 答 不 季 口 和 彼 云 此 相 推 明 善 若 誠 行 之不 身 正 力 當

> 行 期 而 矣。 之 歸 咎 不 於知 力 之 即 不 因 明 循 擔 知 之不 閣 無 明 有 而 進 歸 步 咎 之 於

子。 子文 亦 己治人之實 頗 覺 浙 縣 其 中 亦 事 弊 學 須 想 否 問 庶 告 日 ? 幾 以 有 於 聖 倫 向 中 學 理 外 門 ? 或 馳 有 庭 學 興 百 令士 校 怪 起 古 俱 作 之 不 出 將 略 免 不 來 爲 知 知 種 修 舉

應 仁 仲

備遺

得 得 紙 上 出 透 看 亦 先 纔 生 涉 無 如 答仁 紙 精 何 彩 墨 見 仲 得 便覺不能 云 以 到 : 此 底 見聖賢 道 ? 理 及其 每 最 心 是 念此, 事,今日 講 論 未 只 縱 時 説 於 説

不撫卷慨然也。」

叔謹

唐

備遺

果 意。 見 孟 IF. 近 夫,覺得 公天下之心,以觀 互互 如 子 日 其 坐自己用功亦 道 其 亦 何? 應之蓋嘗學於 先 一相排 爲 餘 性 覺 生答 閒 學 善、求 向 文字,且 中 因 斥, 規 來說 叔 氣 語 模次第 此 謹 放 象 扣 未切耳 話 由 書 大 甚 之, 心 有 天下之理 各狗 兩 云 概 兩 適。 如 太 因 家, : 諷 章 何? 支 書 所 誦 着 每 不 應 離 喻 因 見 勸學者,亦 涵 之甚 知 實體 處 此減去文字工 及 9 之偏 近來 養 甚 其 爲 ,反身以 未 覺 於 恨 察 幸 吕、 不 而 須 收 此 未 也 大段 滿 拾 且 看 不 陸 得 求, 爲 看 熹 得 能 人 門 相

康 炳 道

備遺

同。 討 弊 其 痛 也 ? 耳。」 論 但 ,誠若近之。 若致 以 制 先 正 度、較 致 生 坐 得 答 知 論 吾 爲 炳 計 事 心 道 事 然恐所謂 權 ,遂至 書云 本 而 術 然 不 者, 、之知, : 求 陷 理 意 致 所 溺。 知 論 豊 思 遂 者, 學者之失, Ι. 復 此 至 夫 於 有 即 生 今日 迥 所 與 此 陷 然 今 之 由 病 日 溺 不

時 子 雲

備遺

痛

恨

也

得 來 有 前 則 初 輕 利 日 着 喻 利 思 失, 自 看 孰 處, 那 放 算 量 後 然 三五 時 重 必 先 欲 反 捨不 放 擘 是 似 生 展 何 復讀 使 必 得 當 答 無 分工 畫 下。 轉 從 不 下矣。 滋 子 時 纏 終 而 旦 得 熟, 味 夫,將 雲 於 今 有 縛 不 便 己, 書 此 久之須 想 時 ,二者於人 暇 登 捨此 見 云: 孰 時 未 古 向 生出 高 得 取孰 能 思 此 科 今聖賢之言 不 太 自見得 來 遽 省 務,紛 途 不得。 躋 重 然 喻 舍、 : 顯 孰 割 滿 義 所 孰 合 官, 紛多言 親 棄 紙 理 試 未論 以 緩 剖 孰 何 思 剖 又 但 如 深 孰 判 踈 之 自 須 小 析 請 此 所 處 急。 如 小 思 孰 别 義 執 而 逐 未

> 從 心 何 彼 ? 術 時 處 向 便 編 而 己 伯 近 栽 恭 思 種 不 録 培 肯。 *****, 養 欲 得 今 在 日 數段 心 乃 田 知 説 裹 此 科 T 箇 舉 ,令人 病 壞 根 人

吴 北弟琮

吴玭,字仲玭。琮,字仲方,仕爲判

備遺

今以 歸 少。 幸 之 數 之則 爲 際,仲 熹既 得 先 恨 從 生 答玭 以 甚 容。 也 方 乍 明 亦 到 蓋 開 書 白 不 疾 警 道 日 甚 病,公私紛 之 學 雖 佳, 者 體 多,然所 令弟 遂 誠 用 能 不 雖 仲 得 虚 極 冗 方 未合者亦 竟 淵 前 判 心 静 微 其 院 匆 説 慮 之來 匆 而 遽 聖 至 而

院

贵 間 於 其 抑 從 出 古 知 夫 其 徐 曲 以 義 林 子 於 未 所 於 事 而 E 味 折 以 又覺 君 之言 講 先 論 理 ", 新 下二十 以 > 求 不 雖 之材,於吾 未 之, 賢 在 求 其 奇 詳 之 淡 其 可 説 有實 敬 之 指 日 H 細 而 而 無 相 立 者 之 者 用 實 示 授 温 固 用 意 是 不不 年 見 躬 學 腴 力 厚 當 則 非 行 道 之 而 莫 而 正 有 使 難 和 有 其 或 之實 學 邵 之 强言之, 先 未 爲 於 平 塵 以 而 旨 流 康 方 於 至 此 求 得 此 慮 頃 雖 於 斂 節 致 耶 數 也。 之 銷 則 猶 偏 刻 淺 退 之告 而 端 知 散 其 燕 所以 有 宕 口 篤 而 難 者 今 閒 規 所 實 盡 然 實 胸 章 於 觀 已 模 静 談 未 之 而 中 未 深 養 子 可 之 來 意 講 辭 經 豁 但 有 矣。 厚 疑 喻 之 廣 則 故 耶 氣 豁 須 能 日 矣 大 中 是 多 似 然 無 致 程 相 .

謂 存 琮 問 出 皆 昨 H 是聖人之妙 先 生 與 諸 人 答 或 問 謂 心 説 而 存 或

射 然 微 易 無 此 者 多 工 已 人 不 也 如 句 惟 出 藝 夫 哉 欲 能 天 人 在 故 只 流 何 精 道 若是 精 ? 無 理 ; 多 也 故 是 是 方寸之間 精 若 惟 無 心 不 字 危。 人 説 在 則 則 只 道 全 世 時 琮 惟 道 心, 精 人 是 謂 饑 是 9 心 道 又 不 心 莫 字 之 心 食 桀 出 人 問 又 日 舍 則 心 不 樣 知 操 道 而 渴 欲 紂 如 即 湛 精 欲 雖 其 之 亡 説 , 心 飲 不 惻 然 何 則 如 或 則 話 交 操 鄉 則 者 能 常 惟 隱 是 直 目 何 多 雜 先 亦 存 無 精 存 人 見 道 視 是 羞惡 言 日 在 無 生 惟 則 心 得 舍之 喪 耳 心 不 用 其 曰 蓋 謂 也 之心 亂 聽 日 0 惟 字 所 琮 人 之人 則 之 日 日 無 日 上 心 以 贵 意 不 人 琮 類 : 出 危 其 不 如 知 心 T. 止 心 謂 是 端 夫 何 學 全 心 者 譬 日 危 堯 且 亦 於 通 也 是 得 如 甚 舜 説 而 純 自 如 是 几

曰:「是其效也。」
曰:「是其效也。」
曰:「是其效也。」
曰:「是其效也。」
曰:「是其效也。」
曰:「是其效也。」

考亭淵源録卷之二十一

考亭淵源録卷之二十二

王過

王過,字幼觀,一字功甫,饒州鄱陽人

備遺

之要,只在 理。」曰:「『主敬 格物所以 過 見 先 明此 主敬以 生, 心 越 以 數 存 存 日, 心, 心 問 格物 却 日 是 : 以 下 觀 思 當 句 得 當 然 爲 之 學 云

子 Ξ 先 -生 教 皮内 過 「爲 有 肉, 學 不 肉 可 内 有 淺 子, 子 過 内 以 有 橘

> 周 明 作

於

神。

置之一

處

無事不辨。」

雜

亂

因舉異

教數

語云:「用

志

不

分,

乃

凝

子

之下,及

角

頭

背

處,

亦

須

掃

着。」

先生語過

以

爲學須要專

用

功

不

口

又云

:

譬

如

掃

地

不不

可

只

掃

面

前

如

周明作,字元興,建

備遺

會。 纖 是 曰 裏 毫 : 大 明 委 面 亦有 概 曲 紛 作問:「 只 微 亂 數 是 細 處 等。 要 處 不 事 見 去。 或 難 有 得 是 最 處 道 亦 外 難 理 有 面 的 全只在 分明, 阻 種 奈 遏 紛 做 何?」 先 逐 人 拏 不 事 自 時 上 去 自 及 生 理 或

陽

·曰『探賾索隱』,賾處不是 | 不是自己着力做,

又

如

何

7得?

奥 上 有 2,是紛 箇 紛亂 道 理。 亂 是 時。 《易》 他 自紛 隱, 亂 是 隱 我若 奥 也。 有 定之見 全在 探、 安 索

能紛亂得我? 大凡一等事,固不可避,避

時 事 且 不 遣 是 退 Ι. 夫。 無時 又有一 是了,不要兠攬。 等人情 底 事 凡 得 可 以 遣 省 退

合 得 當 底 住 事 省 不 得 亦 底 不 事 妨,應 , 此 却 接 ·要思 亦只是不 量 處 置 奈何 0 裹 面 有

都自有箇理。」

答許 是 乎 自 處 得 有 把 自 去; 善 不 ?」看 多 持 家 者 是 凡 所思 不不 日 話, 口 處,便不要做 不曾把 從 用 被 來 其 量 工夫, 又 他 末 事 捉 消此二句亦 有不善者間 引去方 却 得 忽 須 云 住 爲 是自 不 勿 是。 别 「爲 狥 思 干别 做 之,依 得 顔子 量 他 喫緊 由 勾 去。 人事 己,而 問 引將 然 把 舊從不 仁,孔 所説 許 0 捉。 多 去, 須 由 話 事 子 是 皆 善 見

蔡恩,字行夫,平陽

備遺

只這 敬 是 也。 人 惺 擾,頗妨 看 不 都 底法,以敬 簡心 不理 用 撑 先 做 篙 船 生 甚 工 論 須 會, 不 夫。 麽 用 讀 爲 使箸之 自不 事 篙 主,則 大 日 登 學》, : 喫 知 山 謂 飯 心 只 百 亦 也 須 思 所 是 事 只 0 使 答 在 皆 不 這 攝 箸 從 以 敬 箇 心 不 每 心者身之主 此 心 只 爲 做 敬 理會, 是 去。 是 念 入水亦 敬 常 慮 纔 必 惺 今 攪

三五九

游倪

游倪,字和之,建寧人。

備遺

甚 熹 屬 夷 習《春秋》。」又問: 是 秋》義,穿鑿殊甚。 涉獵看先生《語孟 處 那 理 狄,近事專要説 倪 出 時 會舉業。」曰: 先 日 亦自説《 生問倪。「已前做甚工夫?」曰 致 舉子 緣是 不 春 主 得 精義》。」曰:「近來作《春 秋 「更做甚工夫?」曰 和戎,却 如 「須有工夫。」曰:「只是 司 不 家不 紹 出 如 興 可 題 此。 以前只是諱言攘 做 不至如此穿鑿 目 前 多,是將 曰 今穿鑿 却 |: | 只 是 不 相 尤 曾 引

> 申 令主司不 向 春秋》義 書》題,依前如 請,下郡學,令不得 在 南 康 可 得 日, 斷 别治他 教 章 此。」又曰: 官 出 出 經。 題 如 題 此。 不 後 是,也不免將 來 「看來不要作 近來省試, 少 變。」 日 如 他

敬。 此 云『欽明文思』,欽便是敬。」 心,莫要走作。 堯是古今第一箇人、《書》説堯,劈頭 倪求下手工夫,先生日 走作便是 不敬, 「只是 須 要 要 收 持 便 斂

歐陽謙之

歐陽謙之,字希遜,吉州廬陵人。

備遺

謙之前此請問:「曾點氣象從容,辭意

得

他

如

此。」又曰:「向來沈司業曾有申

請

堯

加

其

無

語

曾點 之以 之聖,只 非 語 得 落 舜 舜 篤 用 用 處 道 天 若 如 堯 書, 地 事 堯、舜 氣 鑽 理 之間 見得 實 理 之 、舜 如 此 業,亦優 位 象 日 仰 點 間 流 破 工 始 此 是 也 : 事 固 曾點只 之功 自言 行 事 夫 得。 是從容 業 便 而 却 無 之妙 但 業 孰 可 箇 無 非 處 知 謹 無 味 志 爲 禦? 若見得 亦 見 循 所 其 天 之外 之。 是 其言 精 優爲 矣。 於 灑 而 謙 能 係 天 理 天 微 步 用舍 落, 本 之因 累 流 資 理 爾 之。 縝 使 此 趨 無 自 則 朝 於 行 而 高 也 然 曾 密 之 意, 其 行 見 康 之妙 此 己 胸 所見 先 須 點 工 實 語 所言 藏 其 節 中 熟 自 何 見 生 夫。 以 問 了 日 先 然 則 者 然 玩 得 批 此 所 答 處大 用 曾 生大 惟 ^ 其 以 無所 ? 見 他 教 觀 焉 謂 見 集 之 其 至 點 逆 得 大 云 ^ 註 識 間 略 論 雖 於 則 識 與 他 雖 所 甚

> 先 學 問 者 得 與 ', 則 當 之功 求 點 此 曾 循 理 相 初 點 真 下 似 無 0 見 學 實 如 不 解,未 先 上 流 康 知 達 生 行 節 也 日 之 運 有不入於佛、老 : 人 用 序, 來 程 之 喻皆 庶 先 妙 有 幾 生, 者 Ë 天 不 得之, 未 資 若 錯。 高 也 以 必 若 爲 皆 大 自 未 然 抵 由 向 學 必 學 見

陳 芝

陳 芝,字廷秀

備 遺

舜

其

日

堯

得

這

以

日

於

我

之

做

得

到

灑

無

是

見

賢 自 紙 教 返 上 看: 讀 人 廷 T ,都提切 秀 自家今是要求 便了。 問 : 今當 己 自家 説 話 讀 今 不 何 人 且 書 知 是 剖 ? 教 判 先 人 要自爲己? 箇 向 生 義 外 日 只 就 試 聖

裹只在 從這 孔子 認 時 是 須分箇内外 古之學 亦有仁義 人 動 '君言,在學者亦是切身事。 聖賢之域 邊 這 箇 人劄定脚 便是爲 ,者爲 T 君子 而 裹 這 已矣,何 己,今之學 趨 義 喻 向 便 面 做將 從 於義 煞有 便 是 外 有 便 那 生 去, 必 是 邊 箇 死 小 日 一夫,却 者 無 趨 便 爲 路 人 利?」孟 爲 是 愚 頭 可 義 喻 商 人。 不 爲 好 爲 大凡 於 肖之途 量。 利 今人只一言 商 利 利 子 孟 量 爲 在 若是 雖 向 子 又 也 . 這 學, 是 内 日 日 裹。 已 這 且 便 爲

習 是 處 更 是 夫 示 不 無 底 處 只 期 恁 莫 商 先 莫問 是是 變 量 人做 地 生謂 而 他 底 變 如 如 廷 直 便 氣 今 此 秀 禀 做 做 推 則 日 與 將 説 雖 : 習 去 愚 「今只 任 雖 必 你 只 那 有 明 是 箇 氣 許 理 是 禀 萬 多 雖 會 底 里 般 柔 物 下 便 樣 不 欲 必 手 做,不 强 留 做 我 到 行 做 氣 只

> 今只 成 見 不 如 到 今 成 曾説 不 後 佛 何 佛 也 用 便 到 自 後 未 廷 休 會 不 自 要 時 秀 下 怕 家 得 恁 會 問 工 理 也 成 見 ? 着 夫 地 説 會 佛 不 去 否 話 去 如 緣 自 後 到 ? 理 T 理 着 此 不 不 會 會 便休 去 能 曰 會説 廷 理 如 見 推 : 秀又 Ī 不 且 會 佛 到 廣 話 如 家 0 時 越 用 問問 見 見 也 云 先 着 如 恁 : 得 着 不 生 去 公却 地 此 到 去 理 日 莫 只 問 段 時 理 會 是 是 怕 後 會 怕 也 見 如 不 而

黎季成

黎季成,贛州寧都人,一作季忱。

備 遺

季成問:「向來工夫零碎,今聞先生之

曰:「季成只是守舊窠窟,須當進步。」 誨,乃見得人之所任甚重,統體通貫。」先生

張顯父

備遺

是 夫,都不在此。 癡 人比 先 生答敬之書 較父、祖 枉費心思言語之力也。」 年甲 日 :「論聖賢優 高 下之説。 劣,此 學問 亦

嚴世文

嚴世文,字時亨,新喻人。隱居不仕

備遺

襟懷 無 此 曾點浴沂風雩,自得其樂,却與夫子飯蔬食 會, 飲水,樂在其中,顏子簞 己、己立後、自能了當得天下事 定,涵養直到清 坐 者所當理 旅,治財賦,治禮樂,與 之所存。三子却 本來只是一 事 不可 要教自家身心 *,全不 相 章,世文嘗因 時亨問: 似。 爲之事 會, 可以此 一統事 夫舉體遺用,潔 無 「子路、曾哲、冉 0 明 他 程子 分 議曾點。 是 在 件是少得底。 自 作 日 而 躬、志 得 所謂『不 思之。 凡天下之事,皆 之所用,不外乎今日 兩 瓢 無欲,常常 截 陋 氣 蓋 身 看 巷,不改其樂, 如神, 亂 士之未用, 有、公西華侍 爲學與爲治, 得 了。 物』者是矣。 倫,聖門 然 以 神 天 須 如 則 下撓 清 天 先 治 是 下 無 須 氣 學 理 軍

焉 功 以 子 乘 與 物 子 雖 所 隱 以 行 方 孟 知 老者安之, 0 不不 所 性 子 方 爲 處 是 舉 流 不 知 以 窮 與 本 堯 謂 爲 樂 則 知 性 天 中 兀 居 不 天地 是 願 夫 未 而 分學 下 行 代 存 : 在 不 舜 乎 得 之物 足 得 下 焉 禮 即 損 廣 其 事 同 遇 志 以以 其 者 朋友信之, 而 樂許 焉 孔 土 外, 坎 用 業 量 自 所 立,定四海 君 豈 衆 子 不 則 與 分 樂 也 無 曾 子 曾 之, 足 民 可 惟 止 定 不 顔 點 人 所 以以 點 謂 切 顔 用 譬 此 故 君 子、 而 言 性 易 固 之 切 少者 子 但 如今時士子 在 浴 也 子欲之, 不 志 然要做 吾 樂 優 之民, 曾 未 所 _ __ 雖 沂 時 自 天 爲 懷之』 而 乃 點 用 樂 風 孟 大 得 理 之 得 是 之 時 聖 雩 子 行 君子 如 者 自 官 所 素 也 其 賢 所 此 所 不 故 然之安 只 識 物 樂 其 以 所 建 樂之, 樂 於 謂 加 知 然 者 故 各 不 位 程 也 窮 立 此 焉 率 存 君 知 所 夫 付 ? 子 如 事 居 而

> 業 懸 是 也 性 率 隔 0 循 只 0 性 龜 理 是 而 Ш 之 人 已 謂 爲 欲 樂 外 之 堯、 邊 正 私 舜 用 以 計 所 與 此 以 用 自 聖 數 爲 是 賢 萬 作 假 世 統 饒立 處 法 底 天 得 亦 事 地 故 功 只

爲希遜言之矣。」 立志 , 要 先 生 當 日 如 . 此 一此 然 段 其 説 用 得 力 極 却 有 有 本 次 末 第 學 者 E

魏椿

魏椿、字元壽、建陽人。

備遺

事 接 物 椿 請 莫大 教 乎 \Box 誠 敬 凡 人 今 所 欲 以 作 立 身 事 行 若 不 應

箇皆不 後 奈 立 又是 何 誠 這 以 致敬 誠 便是 樣 也 初胡 ; 0 不 外 學者之心,大凡當 能 做 面做底事 敬 T ; 人面 做 不 内内 前 成,又付 心 底 却 是 以 不 之 誠 然 樣 無 敬 這 背 口

鍾震

, i

鍾震,字春伯,潭州人。

備遺

生敬 《大學章句》、《或問 學者着實用 便把《大學》爲 之説, 先生問: 震嘗以 工 主。 處 日 間 0 爲 又問 》,玩 做甚工夫?」震 曰 整 : 齊 「既 味先生所以 嚴 $\overline{\ }$ 肅 知 或 工 問 體 夫在 》載諸: 之於身, 曰 警 此, 先 策 讀

> 往 去 出 制 得遠。」 人 往 ? 日 不 能 久,此 只 如 要常 人要去,又且留 心又未 常常 操守 免 人心 出 住 他 如 不 莫 何 能 教 免 他 得 自

黄卓

黄卓,字先之。

備 遺

若不 養須 然這裏便 『主一之謂敬』,謝氏 每 日工夫,只是常常唤 用敬 能 先之問 敬 進 是致 則 學 講 知 學 則 每 底 又 在 日 工 無 所 致 做 夫。 安 知 謂『常惺惺 I 醒, 頓 _ 夫 處 程 須 如 處。」 先 居 程 敬 生 先 先 法』是也。 以 曰 生 生 窮 所謂 日 || 涵 理。

三六六

若 工 裹 事 是 須 心心 夫。」 當 主 主 如 治 問 一,到 此 亦在 時 ? 不 , 治 遇事 這 主 日 坐 裹。 當 則 : 之時, 無 心 爲 於 若 適 坐 不 無 不 , 爲, 也 若 事 行 能 是 是 之 便 主 則 如 時 遇 不 心 此。 事 是 , 行 這 如 之 主 身 且 心 何 一 了。 時 做 在 如 却 這 得 只 這 也

吴 振

備遺

得 得 ?。」因此有警,以言語太**麤**急 『如不得已』一 問 孟子「如 不得已」一 句字重了 段。 但 也 平 ·看 日 : 便 公念 理 會

林至

林至,字德久。

備遺

治貫 大 日 頭 間 通 段 讀 先生答德久書曰 增益 書 正欲 應 然 事 速 處 亦 不 得 只是 每 也 事 : 積累 理 會 窮 理 久後,不覺 便 亦 是 無 他 雖 法, 自 若 浹 無 只

是 是耶?」 自 功 己身心 夫。 無 事 運用。 事 静 坐,有 物 之 但 來, 常 事 自 應 豈 提 層 隨 撕 以 不 漠 時 然 與 隨 俱 處, 不 往, 應 無 爲 便 非

杞

李 杞,字長仲,平江

備 遺

此 得之於五者之間。』」曰 生日 寸,得這尺?』曰:『大概以持敬爲本, 最是得寸守寸,得尺守尺。』曰:『如何 見 日 爲學,須 ,安得有進底工夫?」 :『好古,敏以 首問 先 『端蒙賜教 生 由 窮 經 曾作甚 理,窮 筵 求之。』若不窮理,便 奉 39調 工 祠 理 人之大倫 夫?」曰 : 以 待 「大綱 讀 命 書 靈 : 爲 是 芝寺, 有五, 本。 向蒙 如 此 八只守 緊 孔 得 杞 推 程 子 凡 這 要 先 往 而

杞云:「《大學》論治國平天下許多 事

> 其 理 却 極是。」 位 歸 若能 ·, 此 在格物上。 是 窮得道 **『萬** 物 理 凡 皆 一則施 事 備 事 於我」。」先生 物 之事 物、各 物,莫不 有 箇 日 各當 道

吕 勝 己

門, 居士。 陽,卒葬邵武, 官 吕勝己,字季克 至 朝 請 大 因家焉。 大,知 尚 沅 勝 祉之子。 己往 州。 來 自 朱、 號 祉 渭 張 居 之 建 111

鄧 絅

道 遊 朱 德 隆 子之門。 鄧 重,而 絅 ,字衛老,將 且耆年,延入書院,與李燔、林 嘉定中, 樂人。 陳宓守延平,以 與 其兄 邦老 邦 老 同

並 羽 爲 蔡念 堂長 成 楊 復、 余道 夫、 李 伯 武 趙 師 恕

備遺

耳 今 無 用 未 之所樂者 尋 高高 夫 亦 益 力 易 顔 若 妙 未 底 於 處,實下 子 絅 言斷 亦 仲 只 須 事 問 方 得 如 循 尼 便 也 法 : 但 此揣 論 樂處,所 程 且 理 工. 次 曾點 見 不 子 夫, 宜 而 摸 第 處 言昔 濟 虚 己 之説 而 方自 事 矣。」 樂 心 且 用 ,反害事 受學 者 玩 當 將 力 乃 見 味 先 何 理 去, 焉 不 得。 于 生 事 兼 會 真 人人會 周 日 久 革 如 考聖賢 如 實之尤 茂 . 絅 當 何 此 謂 叔 自 是 此 説 硬 孔 有 實 爲 等 每 説 者 得 更 下 學 處 顔 令

> 李 文 子

府 紹 熙 著《 兀 李 文 年 蜀 子,字公謹 進 鑑 士 歷 卷。 知 太 光 安軍 澤 人, 綿 方子之弟 閬 州 潼][[

備遺

得 見 處, 立規模,只是要苟 公合下便立 且 大 且放 放下, 處。 公謹問 過 若説 如 後 : 何先 這 室礙 來 規 讀 旋 如 簡 模 書 理 此 到 且 便 會 立 臨 小 不 看 心。 時 處 如 濟 大意 十 曉 何? 事 分 不 T 9 不 得 有 先 得已,只 少 也 纔 生 窒 終 恁 地 礙 .

祝穆弟癸

行淳, 所著有《事文類聚》、《方輿勝覽》。 祝穆, 學富文 字 和父,崇安人。 贍 與 弟癸嘗 同 少 名 從 朱 丙 子 性 游。 温

李 東

簿 揚 子,號精敏 楫 遷 ,乞委以 李 萬安縣 東,邵武 事 令。 紹 而觀其能。 熙中,第進士,爲 人, 黄直卿嘗 丞相 綱 族 以 孫。 書薦諸 吉 州 學 漕使 于 廬 朱 陵

彭蠡

彭蠡,字師範,南康軍都昌人。文公守

其兄名尋,亦從文公游。 名世,教授江、淮之間。所著有《皇極辨》。 郡,蠡質疑義,辨析甚精,公稱獎之。以經學

備遺

則 不 家實踐等事。 人書,當反身而求,可也。」二子頗自言其居 爲學。」曰: 夫?」對曰: 講學,遇事 坦 坦 地行 彭初 「今之學者多如 將去。」 見, 「爲科舉所累,自 便有嵲屼不自安處。 曰:「躬行固 先生問: 一好,亦 此。 平 時 文外, 居 然既 須講學。 講學明, 做 不 甚 讀 曾 工 聖

余 元 一

余元一,字景思,興化軍仙遊人。娶三

三七〇

諸 自 始 同 山 安 文公。 見 黄 著文爲 之 「縣。 爲 御 縣 日 史 嘗 淳 贄。 以 瑀 以 清 熙 文 之 仁、義、禮 嚴 蘇 五. 間 女, 稱 年 與 緘 登第,歷 遂 祠 榦 終 於 講 與 智、 池 其 論 瑀 州 故 有 子 奉 信分 通 居,文 榦 議 判 異 郎 作 師 日 事 五. 公 知 輒 篇 文 甚 泉 以 喜 質 及 州

熊節

《易》, 賢 縣 慶元 卷 列 對。 且 著《 己未 知仁堂藁》十卷。 熊 爲 日 知 節 性 誦 奏 廷 舉 理 御 對,值 字 黄 卦 群 端 由 書 仕 即 以 操 僞 終 知 其不 學之禁,以 建 通 問 十三卷,《 陽 直 迎合 難 人。 郎 至 時 通 知 納 甫 中 好, 曉 福 諫 + 庸 而 特 州 行 歲 解 後 置 閩 止 前 清 求 讀

宋斌

衣故事 + 朱 趙 子之門。 宋斌 與 懽 延之, 袁 學禁 州 方 事 以 嚴 少 父行,奏 斌 從 黄 羈 榦 旅 乞用 木 李 沮 燔 旌 禮 年 大 布 登

吕 喬 年

爲 於文公生徒 學職 吕 ()使以 喬 年 中 從 文行 得 文公游, 喬 表 年 與 值 潘 吴柔勝 時 舉 白 爲 于 或 子 正

詹 淵

詹淵,字景憲,崇安人。慶元五年登

第 車 輅 調 院 臨 安 年 軍 五 户 十八 漕 卒。 授 或 真德秀誌 子 監 庫 其 官 差 監

潘友文

群 從 潘 嘉 友文 定間 字字 文 嘗提舉 叔 金 福建常平茶鹽 華 友端 友恭之 公事

備遺

耳。 光 理 致 知 影 而 心,便爲 乃是 非是 先 本 生答 心 回 天 即 知 頭 文叔 命 事 覺 向 全 物 之 壁 書 體 上 隙 體 日 也 窮 間 光 : 得 窺 $\overline{ }$ 明 本 取 洞 大 來 〉學》 達 霎 自 無 一時 然 所 間 所 當 謂 不 然 己 格 照 之 物

所 望 所 然 喻 殊 讀 未 書 見 求 常 道 日 端 深 的 思 力 用 功 行 之意, 及逐 時 深 漸 慰

> 言 頭 次 也。 解 進 會 步之處 恐恐 又 只 而 成 但 悠 説 悠 不 度 敢 日 向 外 永 馳 不 求 到 真 不

實

地

作

空

彭 方

講 酒 薦 爲 郡 除殿 除 方從學。 池州教 除 彭方,字季 兵部 直 中 秘 授。 侍 侍 閣 郎 弱 御 知 歷 史。 正 冠 袁 知 終 魁 州 南 龍 淳 景 省闡 康 置 祐 召 陵 軍 閣 除 遷 歙 都昌 學 侍 或 紹 縣 子 御 熙 史, 司 四 以 業 年登第, 諸 仍 文公在 遷 賢 兼 論 祭

陳字

文公爲同安簿,宇往師之。丞相留正誌字陳字,字允初,莆田人,守定宓之群從。

等之不忽。」仕終太常少卿。 墓云:「君從晦菴未久,於主敬行恕之訓,

李儒用

李儒用,字仲秉,岳州岳陽人。

備遺

看得文字亦好。但恨漢卿不同此會耳。」數人,講學頗有趨向。仲秉遠來,甚不易,先生答輔漢卿書曰:「精舍有朋友十

考亭淵源録卷之二十二

768

考亭淵源録卷之二十三

考亭門人無記述文字者

陳 孔 房,字仲仁,孔碩之兄。 慶元 五年

進士。 寓平 江。

俞聞中,字夢達,邵武人。 淳熙八年進

士, 知黎州

張揚卿,字清叟,瑞安人。 舉進士,爲

南 康軍教授。

陳駿,字敏仲,寧德人。 舉進士,有《語

孟 筆義》、《詩筆義》。

許儉,字幼廣,閩清人。 三世不分異,

林 羽記 其「友順之堂」。

> 曾逢震,字誠叟,閩縣人。 隱居道 Ш

所著詩文名曰《月林醜 境》。

時 子源,婺州東陽人。 先從吕祖謙學,

後游考亭之門。

程若中,字寶石,古田人。 躬行蹈禮,

自號「槃澗居士」。

黄幹,字尚質,長溪 人。 仕 至直

學

士院。

上 官 謐, 字 安國, 邵 武 人。 仕 爲 四

會令。

曹 彦 純, 都昌人。 與弟彦約同學 于

考亭。

朱渷,興化仙遊 人, 仕終 廣 東 帳 幹

祝汝 玉,信安人,淳熙中 知 休 寧。

黄仲本,邵武人,知南 劍 州

金去僞,字敬直 饒 州 樂平人。

李季札,字季子,徽州婺源

黄謙,字德柄,光澤人。 孫自修,字敬父,宣州宣城人。 林恪,字叔恭,台州天台人。

吴雉,字和中,建陽人。游敬仲,字連叔,南劍人。

湯泳,字叔永,丹陽人。

吴杲,字叔夏,徽州人。董拱壽,字仁叔,饒州人。

劉子寰,字圻父,建陽人。

劉鏡,字叔光,惠安人。郭植,字廷碩,廬陵人。

葉任道,即味道之弟。

輔萬,即廣之弟。

薛洪,字持志,永嘉人。劉賁,字炳文,南康建昌人。

彭樓,字子應,宜春人。王仲傑,字之才,縉雲人。

彭鳳,字子儀,宜春人。

陳士直,字彦忠,●閩清人。

陳祖永,字慶長,會稽人。

張彦先,字志遠,臨淮人。

傅公弼,字夢良,莆田人。

劉瑾,建陽人,子翔之子,文公之甥。

魏恪,字元作,文公之甥。

蔣康國,字彦禮,古田人。

魏應仲,元履之子。

傅定,字敬子,婺州人。

劉黻,廬陵人。

蕭長夫,福州人。

饒克明,邵武人。

林子蒙,湖南人。

■ 「忠」,原作「志」,據《晦庵集》卷七及《勉齋集》卷十

五改。

董壽昌,字仁仲。

郭邦逸、字逍

蕭 劉 劉 鄒浩,宣城 叔 佐,南昌 子禮,建州 通,建州

趙

子明,開封

周椿 林賜,字聞 字伯

康淵,字叔 李德,字季元。 臨

朱沅 詹觀,字尚賓。 俞潔己,字季清 字叔 元

> 方克大。 舒高。

李德之。

周僴。

周得之。

江孚先。 王 翰。

周

頤

劉子晉。

劉定夫。 董壽昌。

黄有

盧

淳。

吴南,字直之。

考亭淵源録卷之二十三

林易簡。

張仁叟。

陳公直。

陳仲亨。

周莊仲。

劉棟。

考亭淵源録卷之二十四

趙師雍

趙師雍,字然道。

備遺

未 金易 嘗笑其 道 淺 甚精 聽 近 塗説 ,然其求之甚 人之弊箒者哉 先生答師雍書云:「老拙文學, 陋 ,其立心似未甚定,竊意 於佛老之餘 而 譏 其 僭, 豈今垂老, 製,而 ? 而 又況 察之甚審,視 遽 自 賢者之燭 謂 且 而 有得 當虚 肯 以 者,蓋 心 世 理 其 雖 擇 千 之 似 極

> 於揮 作。 蓋 安仁吴生 寫《孟子》,字多不暇,三大字適冗,亦 今謾録 善,求至當之歸,以 不惟 然此 染耶 去,試 有 亦 書來,狂 所 何能 不暇, 觀之,或不爲 有 僭 而 助 自善其 亦 無禮,嘗以數字答之。 於學,而 非 所當 身。 無 徒 預 補 自 使老者勞 也。 也。 此 之外, 所喻 向 未 有 及

未嘗· 之無 謂 志尚 也。 理 便 一得、可久可大之君子,似不應若是其汲 可 所得之深,而 聞 有請於吾子。 之高遠,可 且僕於吾子,初未 報,今又承專人枉問,極 先生答安仁吴生書云:「去歲辱書, 前 勤 懇若 喜也。 自 信 是耶? 以爲求知於僕,則 不 和識。 然三 疑矣,復何 以 復 爲 感 問之來使,則 來示,蓋 見教 至 取 意 於 易 則 老 已 H. 自 汲 簡 僕 拙 知 無

●「文」、《晦庵集》卷五十五作「之」。

所 學 敢 知 言 告 者 道 不 亦 道 謂 是 書 又 稱 知 者 若 不 之 發 其 及詩 相 知 未 理 吾 理 其父兄之命 ,至於卒然以 而 一,僕不 至 誤 未 · 嘗 吾 教 封 非 曾 子 不 者 惟 矣。」 序等, 皙 之 子 肯 相 也 果 復 使 得 恐 少 齿齿 0 之 師 遽 似 何 吾 聖 人之 加 以 知 所 志 甚 友 以 也 乃 理 授 子 賢 意 吾 惠 淵 告 少 皆 物 則 陷 不 來 非 也 焉 窮 子 , 石 饋 紙 源 於 嵬 使 人 於 我 夫 之所 理 而 則 之所 子 愛 其 岸 簡 也 矣 狂 子 知 夫 家 修 其 親 自 所 硯 倨 0 妄 有 身 彻 顔 扣 謂 豈若 進 墨 謂 敬 不 肆 自 吾 恣 哉 之實 嚴 子 之 心 若老 當 長 有 己 子 睢 ? 受之 君 之 再 者 之 饋 恐 是 序 其 之 得 之 樂, \equiv 果 相 良 之人,而 其 其 是 於 域 而 而 成 尊 無 而 何 望 知 未 終 聖 所 高 而 徒 心 人 焉 説 之遠 不 心 良 嘗 之 亦 賢 不 以 以 自 而 能 無 空 舉 自 爲 小 自 相 明 不 所 今

傅 伯 壽

學 卒。 直 1 召 兄 吏 卷 士 權 學 部 0 嘗 翰 士 隆 郎 傅 僉 林 院 伯 修 官 興 書 學 壽 初 高 樞 知 土 歷 舉 密 字 漳 孝 遷 院 知 進 景 州 兩 禮 制 士 事 朝 部 誥 慶 復 泉 ^ 尚 以 實 元 應 州 書 觀 嘉 初 録 博 晉 泰 文 學 江 殿 出 除 中 宏 學 知 中 遺 除 詞 書 建 士 文三十 伯 端 科 奉 舍 率 成 明 府 祠 殿 歷

備 遺

成 子 非其 乃 伯 奴 所 壽 事 爲 少 韓 每 與 侂 伯 切 成 責 蘇 同 之。 師 師 事 方 日 文 僞 致 公, 學之禁, 身 通 又 名 㬎 預 臣 伯

詔 遜 如 以 慢 詆 善 小 遜 類 如 其 僞 草文公 等語 一秘撰 文公没 告 詞 伯 有 壽 大 谪

知

建

寧

又

不

以

聞

言。 勢 其 者 甚 在 日 公公之 亦豈 何 龃 我 宣 説 其 中 伯 以 論 也 壽 或 城 盡 持 俟 古 必 知 論 敵 品品 勝 今 書, 其 之 古 之 用 如 釁 中 如 意 理 兵 此 心 此 慮 成 9 當 之所存哉?」 而 真 然則 懇 敗 是 始 款 西 利 時 末 世 Ш 害 之 以 陳 權 序 甚 夷 勢 以 臣 其 悉 此 虜 未 附 開 文 欲 必 又 會 邊 口 集 不 詆 意 治 勝 之 知 公 鋭 其 爲 乃

以 敷 禮 析 名家 出 伯 壽 未 經 晚 能 史 年 遠 百 人 過 子 朝 也 滚 議 滚 宗 數 廟 Ŧ 大 言 典 禮 雖 漢 援 儒 據

沉 明 梅 之 時 既 伯 極 所 壽 有 初 施 力 欲 者 者 自 止 始 奮 於 推 於 功 千 而 名, 輓 石 部 不 幸 則 刺 非 史 當 其 111 迨 道 時 其 清 而

> 豊 常 文 伯 獨 詞 若 壽 有 老 口 不 取 釋 矣。 自 於其 然 托 者 故 以 (文 邪 雖 久 0 夫 以 志 文 西 墨 既 Ш 致 不 之言 白 高 位 於 果 當 而 何 世 其 謂 獨 終 身 其

汗 甚 爲 翁 下。 先 不 之門者 相 生 敢 真 見 此 累 見 西 則 不 耳 Ш 能 既 則 知 文 染 以 而 其 晦 集》所 書 黨 何 翁 論 所 謝 答 不 指 起 日 載 來 : 也 : 其 : 甚 非 子 近 善 畏 不 比 歲 得 願 禍 有 聞 見 若 者代 嘗 疾 也 迹 登 爲 懼 调 晦 奇

胡 紘

朱 院 舉 熹 遷 進 士 胡 司 趙 紘 農 汝 紹 寺 愚 熙 主 應 簿 Ŧī. 意 期 年 猶 處 秘 未 以 州 快 京 遂 郎 鏜 昌 遂 韓 薦 人。 擇 侂 胄 紘 監 淳 用 爲 都 熙 事 監 進 中 察 奏 逐

御史。

學 筆 得 會 以 之 皆 去 汝 其 未 悦 熹 之, 門 爲 擯 愚 引 爲 待 改 憤 彻 語 美 太 之。 悒 乏 學 及 初 用 紘 謂 未 常 朱 官 也 不 抵 朱 子 未 有 不 日 熹之徒 平 罪 遇 小 用 熹 口 誦 紘 惟 卿 時 去 遂 何 疏 言 遂 爲 脱 或 Ť. 此 澹 論 嘗 以 不 僞 攻 多 粟 去 非 誣 甚 謁 果 熹 縉 學 藁 劉 知 飯 人 衆 以 授 者 罪 熹 紳 德 名 情 及 罪 首 遇 之, 沈 於 大 侂 秀 士 獨 是 紘 総 夫 建 胄 爲 ,不便於 則 繼 汝 隻 紘 劾 與 設 安, 祖 不 言 患 鷄 祖 草 愚 趙 異 夫學 以 之。 爲 官 受學 論 遂 尊 疏 汝 追 僞 也 熹 己 酒 謫 愚 專 學 以 校 論 將 門 永 擊 皆 之 欲 之 紘 程 汝 Ħ. Ш 下 明 1: 僞 愚 紘 頤 目 盡 詆 中 不

侍 從 寧宗 臺 諫 以 孝宗 給 舍 嫡 集 孫 議 釋 行 服 於於 年 服 是 徙 及 紘 期 太 常 詔

言 棄 紘 侍 臣 復。 學之姦 居 亦 未 天 跡 臺 摇 而 疏 少 意 皆 死 詞 郎 舍 宜 悟 0 諫 卿 也 上 云 人。 斃 皇 白 往 自 : 不 H. 也 移 急 使 出 者 當 自 **\$** 於 御 黨, 餘 比 草 禮 於 詆 死 是 詔 建 筆 漢 \equiv 退 人 而 年 定 部 誣 奉 力 次 學 僞 霍 中 有 伏 思 ; 罷 以 其 聖 第 承 而 學 禁 靖 唐 又 之 光 田 來 禮 救 德 排 之 用 或 益 移 里 手 廢 Ŧī. 倡 未 偏 之, 黨 之, 僞 之 吏 嚴 王 昌 幾 幾 爲 既 建 循 學 事 今 部 不 品 調 故 至 宰 冀 而 省 中 學 猖 縱 進 殺 停 大 執 王 元 可 幸 親 愆 獗 禁 起 武 之議 未 之 惡 坐 賀 亂 權 饗 以 其 咎 漸 能 \equiv 説 口 居 殞 住 爲 啚 太 他 弛 知 思 郎 盡 戒 命 進 爲 廟 俄 日 日 取 或 貢 用 擬 不 不 紘 權 遷 不 者 郡 陛 前 而 紘 舉 大 用 古 軌 亦 紘 誤 旋 誅 相 H 邪 復 下 法 廢 考 部 紘 起 群 僞 認 踵 報 屏 動 何 人

備

遺

陳枅一日獨侍坐,先生忽顰蹙云:「趙

丞相謫命出自胡紘。」枅問:「不知先生曾

識紘否?」曰:「舊亦識之。此人頗記 記得文

字,莆陽之政亦好,但見朋友多説其狠愎。」

考亭淵源録卷之二十四

終

淵源録

附四庫全書總目考亭淵源録❶

考亭淵源録二十四卷浙江吴玉墀家藏本

卷, 時 以 例 愈 時 自 溯 物考》已著 事 莆 友 則 0 首 人 師 明 黄 門 田 宋端 承 列 事 張 榦 人 李侗 之所自。 迹 栻 以 之無記 成 具 末卷則考亭叛徒 儀撰,薛應旂 以 下 録 "\ 胡 化 下 明 辛 憲、 七 史》本 百 述文字者, 此 次 Ħ. 人。 編 九 載 劉 進 十三 仿《伊 士。 子暈、劉 朱子始末。 · 傳。 重修。 次 則 人。 官 趙 應 洛 但 備 至 旂 勉之 端儀 師 列 淵 其 列 廣 雍、 其 源 有 考 次及 東 四 名, 録 + 亭 傅 字 四 提 学之 伯 同 孔 門 書 學 凡

> 端 録 書蓋猶 作《宋元 未 輯 例 壽、 相 目 氏之學,晚乃 学中 録後 見。 儀始 反。 遺書,爲《 也 胡 紘等三人, 有云: 是意。 名實 世 遂 史 通 然其 稱 所 以 鑑 未 革 端 陸 行 研 》,於道學宗 兩 免 除 者 書 九 儀 然應旂 窮洛、閩之旨,兼 乖 亦 今未 録》。 淵 慨 先生實 惟 用 舛 兄 建 應 一伊 也 初 見。 文 弟三人 建 旂 學於 朝 所 文 洛 派, 重 即 (忠臣 以 忠 淵 修之本。 王 此 列《 多 臣 相 源 守 書 所 之有 取 成 湮 録 考 朱子, 仁,講 原 紀 没 **>** 亭 非 載 本, 録 録 淵 應 所 乃 邢 故 旂 搜 以 陸 亦 自 源 此 恕

■ 此標題原無,今補。

《儒藏》精華編惠蒙善助,共襄斯文;謹列如左,用伸謝忱。

本焕法師

智海企業集團董事長 馮建新先生

NE·TIGER 時裝有限公司董事長 張志峰先生

張貞書女士

壹佰萬元

壹佰萬元

壹佰萬元

北京大學《儒藏》編纂與研究中心

本册責任編委 甘祥滿 張麗娟 李峻岫本册審稿人 王春茂 湯元宋 高海波

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "MTQyOTE5Njluemlw",
"filename_decoded": "14291962.zip",
"filesize": 292895871,
"md5": "e40980a5ff4f1a7f4a3502804174c926",
"header_md5": "d424602b01c60a9fe9c3a618a4707269",
"sha1": "b9da5737d19726fb279458a2b53ba68e09ddbdc0",
"sha256": "0bdf9f69c1b39f9e9e9290b3056856bca14bfeb92efa4d064e30bb97f3442dfd",
"crc32": 3255697155,
"zip_password": "",
"uncompressed_size": 323874378,
"pdg_dir_name": "",
"pdg_main_pages_found": 781,
"pdg_main_pages_max": 781,
"total_pages": 792,
"total_pixels": 4380209152,
"pdf_generation_missing_pages": false
```